



BIBLIOTECA NAZ.

**XX**

**C**

**13**

NAPOLI

**13**

BIBLIOTECA NAZ.


Vittorio Emanuele III


**XX**

**C**

**13**

NAPOLI







ULRICI HUBERI  
*JCti & Antecessoris Franequerani*  
OPERA MINORA

ET  
RARIORA,  
JURIS PUBLICI ET PRIVATI  
Edidit suisque Animadversionibus Illustravit  
ABRAHAMUS WIELING,

*JCtus & Antecessor Trajectinus.*

TOMUS PRIMUS.



TRAJECTI AD RHENUM,  
Sumtibus J. H. VONK VAN LYNDEN,  
M. D. CC. XLVI

THE UNIVERSITY OF CHICAGO  
LIBRARY

ASST. LIBR. 2.25.11

THE UNIVERSITY OF CHICAGO  
LIBRARY  
2.25.11

THE UNIVERSITY OF CHICAGO  
LIBRARY  
2.25.11

# BENEVOLO LECTORI,

S. P. D.

## BIBLIOPOLA.



Uae Tecum communico **ULRICI HUBERI OPERA MINORA** hoc comprehensa volumine varii, sed praecipue Juridici, argumenti, quorum syllabus post hanc praesationem exhibetur, nulla videntur indigere commendatione: Tanta enim Huberiani nominis, est existimatio & apud omnes eruditos receptae auctoritatis, ut hoc solo nomine sperem hanc collectionem Tibi gratam fore. Accedit erudita cura, quam illis colligendis, suisque animadversionibus ornandis impendit Vir Celeberrimus **ABRAHAMUS WIELINGIUS**, quem nunc Academia Trajectina cum orbe literario luget. Coeperat Vir meritis in omne literarum genus clarus ea prelo subjicere Franequerae. Ex quo vero nostrae Academiae ornamentum factus fuit, quae Franequerae fere ad dimidiam partem typis erant impressa, redemi, & vivente adhuc celeberrimo Editore, totum volumen, uti nunc prodit in pu-

† 2

blicum,

blicum, ad finem perduxi, jamtum indicis etiam facto initio. In se itaque si spectetur opus, perfectum id est, quamvis dolendum sit valde, per fata non licuisse WIELINGIO laudatissimo adjicere dissertationem, quam meditabatur, *de Jure Amelandiae*, cujus nunc Dominus est Serenissimus Princeps Arau-  
sionensis. Quae quidem ideo praemonenda duxi, quia, Humanissime Lector! & Tua & mea interest, ne hoc opus aut in postumorum aut imperfectorum numero habeatur. Denique jure inscriptio Tibi promittit RARIORA Opera HUBERI, quia etiam his in oris in paucorum manibus eruditorum erant, & multis ne visa quidem fuisse compertum habeo. Vale, & studiorum incrementis, meisque conatibus fave.

Dabam Traj. ad Rhen.  
die 7. Febr. 1746.

SYL.

# SYLLABUS OPUSCULORUM.

- I. ULR. HUBERI Institutionis Reipublicae Liber singularis.
- II. ———— Dissertatio de Jure popularis, optimatum & regalis imperii sine vi, & a sui juris populo constituti.
- III. JAC. PERIZONII Oratio de Origine & natura imperii, inprimis regii.
- IV. ULR. HUBERI Auspicia Domestica, quibus continentur
- a) Oratio I. qua rationem reddit, quor postquam ex antecessore, locum in suprema Fris. curia accepisset, inde post triennium rursus ad tranquilliora studia se contulerit.
  - b) Collatio I.
  - c.) Oratio II. qua exponit, quibus rebus otium suum apud Academiam sit occupaturus.
  - d.) Oratio III. qua disseritur, quamobrem jus publicum olim in Academia Franequerana professione publica non sit honoratum.
  - e.) Oratio IV. qua responderetur ad objectiones, quae moventur adversus institutum oratione II. commendatum.
  - f.) Oratio V. inauguralis, exhibens Historiam Juris Rom. & ex ejus argumento continuam probationem, literas humaniores cum jurisprudentia esse conjungendas.
  - g.) Oratio VI. de celebribus Jctis Frisiis, quae ante actis duobus seculis floruerunt.
  - b.) Oratio VII. de statua Eugnomosynes, quae fuit in foro Constantinopolitano juxta statuum Hermae Emporii.
  - i.) Oratio VIII. de eodem argumento.
  - k.) Oratio IX. de eodem argumento.
  - l.) Oratio X. de Paedantismo.
  - m.) Oratio XI. de vita gloriosa, exitu tragico celsissimi herois Guilielmi Frederici Principis Nassovii, &c.
  - n.) Ora-

n.) Oratio XII. de natalibus, vita, studiis & exitu Guil. Cup Antecessoris Franequerani.

o.) Collatio Juris Frifici cum Jure Rom. II.

V. ULR. HUBERI Institutiones Juris Frifici.

VI. — — Vindiciae Amelandicae primae & alterae cum aliorum Opusculis ejusdem argumenti.

a.) Deductie voor den Welgebooren Heer Franciscus Duco van Camminga, Vry en Erf-Heer van Ameland.

b. Vindiciae secundum libertatem Amelandiae.

c.) Jura Caesaris & Imperii in Amelandiam, feudum Regale, & Imperii Dominium.

d.) Manifest door Sicco Renghers, tegens Watzo van Camminga, rakende de Heerlykheid van Ameland.

*Nobilissimis & Amplissimis*

V I R I S,

JARICHIO AB OCKINGA,

Senatori Supremæ Curiaë.

WILHELMO AB HAÏREN,

Prætori Biltano, Quæstori Domaniorum Generali,  
multisque legationibus illustri.

JOHANNI A RHALA,

Senatori Curiaë Supremæ.

GERLICHIO A DOYS,

Ejusdem Curiaë Exsenatori.

Academiae Franckeranae Curatoribus Dignissimis, Gravissimis.



Uem vobis nupero festo Jubilæo, Viri *Nobilissimi atque Amplissimi*, offerre librum animus erat, si per impedimenta solennitatis & pompæ licuisset, hic jam per literas aditum ad Vos facilem atque benevolum quærit. Non est, fateor, ejus valoris, ut magnificorum nominum vestrorum inscriptione decorari mereatur, sed nostis antiquam religionem, ad homines magnates sine munere donoque viam  
\* affectan-

# D E D I C A T I O.

affectandi. Optabam ad Jubilæi celebritatem aliquid ut  
 conferre liceret, cumque nihil quam hoc studiosæ juven-  
 tutis adjuvandæ specimen ad manus esset, eo quasi xe-  
 niolo defungi posse cupiebam. Sed isti quidem Festo  
 sine hac oblatione, sua constitit integritas & magnificen-  
 tia. Cujus præcipua & excellentissima pars fuit, *Princi-*  
*pis* & Procerum ille venerabilis, nec minus profecto  
 blandus & amabilis adspectus. Illustrissimum *Heroëm* &  
 suprema Patriæ juxta ac Academiae *Collegia* non per *Le-*  
*gatos*, sed ipsis *Corporibus* suis literariæ pompæ non  
 modo interesse verum etiam præesse videre, sane res  
 erat, quâ nulla notabilius argumentum ejus, quod in fu-  
 turum pro literis studiorum sperare fas sit, præbere po-  
 terat: nisi jam res ipsa certius & evidentius aliud ex-  
 hiberet; *CURAM* videlicet Patrum Patriæ & Acade-  
 miæ in augendis ornandisque Musarum sacris, etiam  
 ultra vicinorum exempla, claris Antistitibus & divi-  
 narum humanarumque rerum egregiè intelligentibus.  
 Adeò, ut quod præcipuum Jubilæi munus esse debet,  
 collapsa restituere, corrupta reformare, & ad proxi-  
 mæ antiquitatis formam redigere, Docentium qui-  
 dem respectu in Academia supervacuum, aut minus  
 saltem necessarium esse videatur. Sed est alia Rei-  
 publ. nostræ pars literariæ, ad vestram quoque *Viri*  
*Nobilissimi* *CURAM* pertinens; parvus ille populus,  
seges.



## D E D I C A T I O.

seges Ecclesiæ atque Reipublicæ, in scholis inferioribus, Patriæ non ut decet habitus atque eductus ad spem, in quam natus & altus est. Nihil attinet dicere, quod Vobis, omnium optime constat *Amplissimi Viri*, hanc esse præcipuam imminutæ studiorum gloriæ causam, quæ festinationi crudisque juncta parentum votis, juventutem non nisi plebejæ eruditio-  
nis capacem, & doctrinam sacræ civilisque disciplinæ repentem humi, nec Autoribus suis noscendam exhibet. Causam tanti mali harum rerum gnari atque periti, quales in ipsis Scholis non desunt, haud minus in præceptis quam in Præceptoribus esse fitas animadvertunt. Inculcantur tenellis ætatulis Scripta veterum ævique recentioris, gravissimarum plena rerum, & res æquantia dictis; è quibus nec ullus ad eos fructus, tempore non suo redundat, & quos deinde, quia pueros se vexatos potius quam institutos in illis esse meminerunt, odisse vel fastidire solent. Qui norunt iniri posse rationem, quâ in scholis ante quintum vel sextum decimum adolescentiæ annum, notabilis trium linguarum prosa vorsâque, nec non historiæ sacræ atque profanæ scientia, præter elementa quædam philosophiæ, percipi ac in animis convalescere possit, hi non desperant, aliquando futurum, Viri spectatissimi, ut consilia pro tanto bono consequendo

# D E D I C A T I O.

à vobis ineantur, capiantur, valideque, ubi res ju-  
beat, promoveantur. Verum enimvero si hæc spes  
in vestro, *Domini*, erga literas amore, *Procerum-*  
*que* generositate fundata, si ve pium & irritum mei  
studii votum esse videatur, ego ita existimabam, Ju-  
bilæi novissimi significationem recordationemque non  
modo ad Academiam, sed etiam ad primæ ætatis in-  
stitutionem, Scholæque humiliores esse referendam:  
Quod, utcumque de successu existimabitis, vos equi-  
dem, *Viri Nobilissimi*, ut ab optimo profectum  
animo, cui nulla quam discendi docendique major est  
voluptas, facile probabitis. Etiam spero præsentis  
libelli dedicationem, in quo me nihil sane laudis,  
quam bonæ mentis studiique producendi juventam &  
doctrinæ quadam varietate Juris scientiam ornandi af-  
fectare, si quis affirmanti non credat, res ipsa, ni  
fallor, abunde loquetur. Vobis denique, Nobilissimi  
Viri, hoc obsequii reverentiæque monumentum con-  
stituere, meaque studia commendata, Deumque ro-  
gatum volui, uti vos omnibus animi fortunæque bonis  
augeat, auctosque, sicut estis, ita tueatur. Sic vovet,

*Amplissimi Nobilissimique Viri,*

*Vester omni obsequio & reverentia*

ULRICUS HUBER.

U L.

# ULRICUS HUBER AUDITORIBUS SUIS.

S. D.



*Abebit hujus libri inscriptio, lectissimi Auditores, πολὺ τὸ ἀποσώκων, quod qui philosophiæ nunquam valide operam dare visus sum, nescio quod tamen ejus specimen in his paginis edere velle videor. Ego verò sic velim existimetis, non tam me Philosophum in hoc libro, quam studendi sive discendi magistrum agere voluisse; dum eam viam, quâ me non improspere, ut est mea facultas, in veteribus legendis, artibusque percipiendis, progressum esse noram, & quam me sæpe alias studiosis adolescentibus privatim commendare memineram, hanc vobis aliquo insigni exemplo publicè præirem. Date operam, sultis, ut quæ super hac ratione laborandi vobiscum habeo communicanda, primo quidem; dein quare in philosophiâ Civili hujus methodi specimen maxime publicandum crediderim, benevole audiat. Cum Abrahamo de Grau Matheos heic Professore non ita pridem doctissimo, à teneris, quod ajunt, ungviculis, multum mihi amicitiae commercium, familiarisque consuetudo & in scholis inferioribus supremisque studiorum communicatio fuit, quod ad literas scilicet græcas & latinas variamque & humaniorem doctrinam attineret. Huic enim ille maximam vitæ suæ partem intentiore affectu diligentiaque, cum in Matheſi & Quælibet & esset, impenderat. Tradiderat sese in hujus partibus disciplinam Viro Clarissimo Joachimo Borgeſio, Eloquentiæ & Historiarum in Academia Groningana Professore dignissimo.*

# P R Æ F A T I O.

*simo, eumque imitatus ad nos deinde Franekeram tractandi libros rationem sane quam notabilem atque suspiciendam, attulerat; cuius alios quoque sectatores auctoresque laudabat, inter alios Iobiam Andreæ, literarum Græcarum in eadem Groningensi Academiâ Professore Clarissimum. Erant in hac sententiâ Viri egregiè cordati, scripta Veterum inæstimabili & inexhausto esse referta fructu, quem qui non collegisset, eum pro vere docto haberi non posse; duntaxat in arte suâ neminem esse videri perfectum, nisi qui omnem ejus disciplinæ, cui se dedidisset, vetustatem ita explorasset, ut ex his quæ primi scientiæ suæ conditores tradidissent haud facile quicquam eum lateret. Intelligebant autem, non posse id adsequi sese, ne quicquam ipsos fugeret, nisi cuncta veterum scriptorum egregia, dicta, sententias, phrasas, exempla, doctrinas in accuratos indices retulissent. Operæ pretium est audire, heic loci, quo pacto in illis Indicibus componendis diligentissimi homines versati fuerint. Primo totum Auctorem, quem aggressi erant, cum attentione summâ legebant; notabilia quæ videbantur, ea lineis metiebantur, in iis autem verba Thematum sive radicalia, quæ subjectam cujusque sententiæ materiam arguerent, crassius & pinguius distinguebant, sæpe quemadmodum res ferebat, unius dicti plures radices seu verba capitalia curiosè denotantes. Quoniam autem scripta Veterum sic eis placebant, ut nihil in eis prætereundum videretur, hinc ita eveniebat, ut integros fere libros adnotarent, nec imperare sibi possent, ut quicquam pene relinquerent intactum. Deinde refertum lituris librum suâ vel conductâ manu describebant, singula videlicet excerpta, toties, quot in illis verba pinguioribus insignia lineis extabant. Unde fiebat, ut absolutus index ipso Autore suo longe major & spissior evaderet, ipsique inter sese & apud alios hoc postulatum tenerent, nullius valoris indicem*

# P R Æ F A T I O.

*dicem videri, qui non ipso scriptore longior & copiosior esset. Descripto in eum modum auctoque libro in chartis ὀκτωγάρθοις, id est, ab alterâ parte conscriptis, singula dicta sententia sive scindebant in totidem fragmenta tabellarum, quæ secundum ordinem literarum initialium in tot saccos, vel loculos, quot sunt elementa literarum secernebant. Tunc eadem fragmenta numero infinita ordine lexicographico disposita, chartis aliis illinebant, atque deinceps iterum, quia sic erant deformia nec satis tuto hærebant, describenda locabant, & compacta suis in bibliothecis seponebant, ut id quoties usus veniret, tanquam ad thesauros inexhaustos se reciperent, auroque gemmisque Veterum inde collectis sua scripta commentariosque locupletarent. Eo modo defuncti aliquo scriptore, ad alium renovato studio se conferebant, easdemque occupationes denuo concatenabant, aliquanto pluribus in excerptis suis componendis, usi laborum vicibus, quam qui vinum, plantando, putando, decerpando, convehendo, exprimendo, convasando purgandoque; vel quili-  
num serendo, secando, putrefaciendo, molliendo, pectendo, nendo, rotando, texendo lavandoque parant & conficiunt. Noster Gravius ita in animum induxerat suum, ita à Præceptoribus auctioribusque suis erat persuasus, ubi omnes, saltem celebriores antiquitatis Auctores eo modo exhausisset atque digressisset, fore ut invidenda beatissimaque studiorum condicione frueretur. Verum quia propositum hoc suum immenso labore neque modica constare videbat impensa, id agebat, ut diligentia sumptuumque socios inveniret, eaque de re pro necessitudine amicitiaque nostra sæpe me interpellabat. Respondi, me conatus illos plusquam heroicos, invictamque animi constantiam in immensi tædio, quod in tot tantisque faciendis indicibus inesse deberet, devorando, summopere mirari; sed, ne dolo-  
dicerem, stupere me ad conspectum nimis improbi laboris, in-  
quo*

# P R Æ F A T I O.

quo sustinendo, etsi nunquam otii plus æquo cupidus fuisset, attamen ipse mihi diffiderem, nec adeo temerè suscipiendum videri, cui deinde, ne succumberem, metuendum foret. Ille vero sibi plurimum deberi existimare, quod tanti secreti initiorum me participem facere voluisset, nec satis mirari se posse, dictitabat amicis in aurem, me, non absurdi hominem ingenii, ut ipsi videbatur, nolle, cum lacte plueret, traditis & inculcatis uti cochlearibus. Ego vero interdum id operæ dabam, uti non tam verbis & rationibus, quam re ipsa mihi ipsique fidem facerem, posse rationem iniri, qua longe minori opera impendioque non minus & forte majus operæ pretium conficeretur. Scriptores, quos ille toties subactos atque contritos in indices enormes congefferat, diligenter legebam & ex iis meo more quædam Excerpta, duplici potissimum modo, collectum ibam. Aut enim præcipua, quæque meam in rem potissimum facere judicarem describebam, inque certum ordinem vel juxta argumentorum capita vel secundum seriem literarum redacta, quandoque etiam, ita ut erant, in usus meos segregabam, vel juxta ipsos auctores collocata custodiebam; nonnulla quoque in libros locorum cunctis auctoribus communium redigebam. Alter excerpendi modus, in quo plus artis, addam & utilitatis, inesse comperi, talis fuit. Si quem Auctorem, in succum sanguinemque, totum, quod ajunt, redigere vellem, ex eo notatu dignissima sic colligebam, ut omnia conjungerem unoque contextu atque stylo ita connecterem, ut nihil prope deesse videretur; ἀυτολήξιν tamen, ipsis Auctorum verbis ubique custoditis, neque de meo, nisi paucissimis aliquando particulis ad transitus versuum adjuvandos, adtemperatis. Si vultis, ut rem dicam, non erat hæc alia quam bonos auctores contrahendi inque Compendium redigendi ratio; quod etsi contemptui obnoxium & quibusdam utilibus speciosa præ-

# P R Æ F A T I O.

præferentibus exosum verbum, mihi tamen neutiquam pœnitendum & efficacissimæ institutionis plenum heic publice præ me ferre non erubesco. Sæpius accidit, ut ubi Gravius meus scriptorem aliquem suo molestissimo sumptuosoque, & ego inter alias occupationes meo brevi obvioque more absolvissimus, deinde super ejus operis argumento sermonibus inter nos contendemus, ita evidenter animadverterem, per nimiam rerum dictorumque multitudinem, quæ Viri diligentissimi adnotabant, per nimiam animi attentionem, quam ad imprimendas pinguioribus lineas insignioribus verbis adferebant, per multiplicem particularum excerptarum separationem secundum literas, sine ullâ connexionem rerum, fieri, ut totius argumenti universæque consecutionis, in quâ vis cujusque scripti consisteret, parum meminissent, neque tantum judicii, verum etiam memoriæ confusio ex illis indicibus oriretur. Præterquam quod res erat manifesta, vitæ humanæ spatia, quæ tam immani corporis animique intentione contrahi minuique deberent (ut prohi dolor! illis accidit) nequaquam suffectura componendis omnium Auctorum indicibus, quos illi parandos & congerendos, antequam in hoc mundo rivos stupendæ eruditionis inde deducerent, existimabant. (\*) Quæ res autem inprimis in eorum ratione mihi displicebat, hæc fuit, quod dum toti erant in adnotandis describendisque aliorum dictis, omne tempus occasionemque cogitandi & inveniendi res memorabiles amittebant, scripturasque suas infinitis allegationibus & recitationibus auctoritatum onerarent magis quam exornarent. Sed indices quidem ejus generis mittamus, in mea methodo, inprimis illâ contrahendi faciendique compendia videamus, ne haud multò minus inspectandum carpendumque reperiatur. Nam hæc ὑπόδραξ hominum, magnitudine doctrinæque severitate supra vulgus excellentium celebratur, nihil esse vilius atque perniciosius literarum

\* \*

(\*) Decessit Abr. de Grau, anno 1683. laudatore funeris Jac. Perizonio.

## P R Æ F A T I O.

rum artiumque studiis, quam institutum redigendi in compendia bonos libros eruditasque disciplinas. Enumvero de Compendiis Artium, quibus in privatis institutionibus utimur, copiose nuper, in Dialogo de ratione juris docendi atque discendi, disputavimus. Hæc ea species, quæ in bonis Auditoribus contrahendis versatur, examinanda, & quemadmodum mea fert ratio, defendenda fuerit; nisi potius ita statuendum sit, quam in juventute rationem ego perquam utilem efficacemque, pro meo captu, expertus esse videar, hanc ut hominibus nobilitate studiorum venerandis improbatam, soloque contemptu dignam, omni conatu suppressendam esse naviterque dissimulandam; nisi contentus sim, videlicet, adire periculum, qualemcunque doctrinæ opinionem apud homines gravitatem scientiamque professos amittendi, studiorumque meorum secreta ludibrio exponendi. Verum mea sic est opinio, Auditores Ornatissimi, non esse vobis aliud adeundi mei consilium, quam ut ea quæ didici qualiacumque vobiscum familiariter communicentur; quod profectò melius facere non possum, quam eâ ratione, quâ mihi ipsi à primis annis, quæ scire videar, hæsisse recorder; neque vero id nunquam egi, ut doctior, quam mihi conscientia tenuitatis meæ dictaret, esse videri vellem. Quare igitur dissimulem, aut cur, quod mihi præ cæteris olim profuisse sentio, quodque jam sæpe amicis discipulisque commendando præjudicavi, agnoscere publiceque præferre timeam? Non equidem de publicandis edendisque bonorum Auctorum compendiis adhuc loquor, nec omnibus hanc meam rationem, ne privatim quidem sine discrimine probatam volo. Non his, qui complexionem universæ doctrinæ suo loco relinquentes, id incontinenti uniceque satagunt, ut varias editiones scripturarumque veterum librorum inter se conferant & judicarias inde conjecturas notationesque concinnent; nec iis qui hunc suæ lectionis



# P R Æ F A T I O

*Etionis fructum sibi proponunt, ut quam plurimas de verborum significationibus, phrasiumque proprietatibus observationes colligant; quod utrumque utilissimum institutum esse jam satis constat. Denique nec hanc ingrediar disputationem, quâ, separandæ ne sint hæ partes viæque studiorum, ac utra alteri præmittenda præferendaque sit, ambigi posse videtur. Ego nihil quam de vestris Studiosi Juris, qui nunc sitis aut futuri estis, commodorum rationibus differere atque conjicere institui; Vobis id inprimis consentaneum est, historias gentium, sententias de moribus & de Republicâ philosophorum, totamque vetustæ eruditionis varietatem cognoscere. Jam vero me aut omnia fallunt; aut omnigenæ lectionis memoria desinit in compendiarium rerum dictorumque notabilium, quæ legendo audiendoque percurrimus, intelligentiam. Quæ si meditando ruminandoque subacta deinde scripto comprehensa, verbisque suorum Auctorum expressa consignataque fuerint, quæ pressior efficaciorque proficiendi animoque res pulcherrimas imprimendi methodus excogitari possit, non animadverto. Etiam verò judicium, quod in omni rerum humanarum doctrinæque genere longe maximi scimus esse momenti, hoc modo acerrime validissimeque exercetur & constabilitur. Quid etiam qui à se lecta perceptaque aliis tradere & inculcare cupiunt, si, quæ memoria intellectu complectuntur, ea in compendium distionis redigere, suisque auditoribus succinctè ob oculos exhibere non possint; ni quoque discipuli audita secum ipsi colligere & contracta recolere animoque recondere queant, neutri unquam res easdem latius explicare & ad usus applicare poterunt: Adeoque si qui in eo præceptores auditoresque gloriam ponunt, quod Compendiarii non sunt, eadem operâ licet, ad docendum discendumque ineptos se fateantur. Ego quidem nihil prius studiosis, qui valida peremptorieque, ut ita loquar, discere*

# P R Æ F A T I O.

scere volunt, auctor sum, quam Compendia facere scriptorum, qui pleniore manu res ipsis scitu necessarias tractant. Horatius, si unquam aliter homo quisquam sapiens rationem putavit, idem monet, Quicquid præcipies, esto brevis, inquit, nec metuit doctrinæ sterilitatem; Namque ubi cito dicta perceperint animi dociles, tunc omne supervacuum pleno de pectore manat, ut idem adseverat. Quin doctissimos homines, maximos esse Compendiarios, neque majores ullos, quam qui βιβλιοδῶναι ἐμψυχοι, bibliothecæ ambulantes vocantur; oportet, argumentumque præstantiæ hujus instituti vel maxime præbet, quod ab omni antiquitate, quanto quisque minus ineptus sapientiæque videtur esse consummationis, tanto majorem in dicendo scribendoque Compendii habet rationem, ut olim Lacones & Homericus Nestor, qui παῦρὰ μὲν ἀλλὰ μάλ' ἀργίως, compendio sed efficacissimo orationis utebatur. Quid mirum igitur, Auditores, si quod ipsum me ab ineunte studiorum cursu fuisse non pœnitet, neque pudet, id ut vos esse velitis suadeo, & hortor, exemploque præcipere non dubito. Denique in hisce paginis duo vobis specimina præsto sunt, alterum à me olim factum, alterum à Filio (†) ex instituti mei ratione pro viribus elaboratum. Hoc quidem ex Ovidii Metamorphoseon libris, quos ut pandecten historiæ fabulosæ adolescentibus in genere poetico exercere se volentibus commendare solemus. Non est equidem mea sic ratio, id agendum esse patribus aut præceptoribus, alumnos suos severa lege producere volentibus, ut enixe poeticas operationes illis injungant; siquidem parum abest, quin ita sentiam, ut Muretus olim, aut eximium aut plane non oportere esse poetam, & egregium evadere difficilius esse, quam ut à studiosis, gravioribus occupatis laboribus, effici

(†) Zach. Hubero, cuius in præfatione hujus Operis meminimus.

# P R Æ F A T I O.

fici atque præstari possit. Verum ut in omnibus aliquid in uno præcipuam capitalemque operam puto esse collocandam, ita Poësin tenerioribus annis tentandam, primoribusque duntaxat laboris esse delibandam, nemo negaverit. De meis Excerptis Aristotelicis primo omnium scire vos & credere velim, hanc mihi rationem ea publicandi inprimis constare, quo ad similem diligentiam exempli auctoritate vos impellerem, & cohortarer; neque vos ineptis hominum clamoribus contra quicquid Compendii nomen aut similitudinem habet, averti sineretis; non etiam quo spem facerem plura me id genus sive Compendia sive Excerpta posthac in lucem editurum; neque enim mihi illud honori futurum autumo, neque vos ab æmulatione similia in usus privatos componendi abducere in animum induxi. Nolo etiam me obnoxium præbere devotionibus eorum, qui ab ejusmodi Epitomis, qualis hæc est, insigniorum aliquot scriptorum clades lacunasque summo cum detrimento orbis literati, causam accepisse queruntur. Mirum est equidem, hanc rationem non modo non deterruisse veteres, à compendiis ejusmodi faciendis & publicandis, sed eosdem etiam tot seculorum experientiâ talem inde pestem oriri non fuisse convictos. Nam ut aliarum artium historiarumque Epitomatores antiquos silentio præteream, inter Jurisconsultos, ipsosque gravissimæ sapientiæ conditores, non modo Hermogenianum Epitomas scripsisse constat; verum etiam Paulum, inter auctores Pandectarum antesignanum, Alfeni Vari quadraginta libros Digestorum in epitomen redeigisse; idemque Javolenum fecisse de libris decem Labeonis Posteriorum, inscriptiones excerptorum in Digestis loquuntur; quæ tamen ipsa opera principalia, postquam erant excerpta, nihilominus salva integraque ad ætatem usque Justiniani, qui omnia suppressit, per annos quadringentos & amplius, ex iisdem titulis capitum in Pandectis, remansisse videmus. Quamquam

# P R Æ F A T I O.

*si authenticis scriptoribus Compendiorum instituto præjudicari poterat, id ab ejusmodi metuendum fuisset Epitomatoribus, qui doctrinâ laudisque universa opinione veteres illos prolixioresque auctores, quos contrahebant, omnium hominum reputatione superabant. Ego vero nihil errare me putem, si Labeonis, & Alfeni Vari, scripta ab usu temporum Pauli & Javoleni remotiora, ex quo à tantis viris contracta in oculos hominum reducta sunt, frequentius libentiusque à studiosis, quam prius, lecta fuisse dixerò. Vulgaria quidem ingenia solis Epitomis ut contenta fuerint, neminem tamen, cui studia ad animum pertinerent, extitisse credo, qui non è lectione Compendiorum ad ipsa veterum illorum majoraque scripta videnda & exploranda inflammaretur. Neque scio numquid inepte mihi blandiar, si præsumpsero, inter vos etiam fore, qui per hoc Ethices Aristotelicæ compendium, ejusque lectionem, ad ipsum Auctorem investigandum atque tractandum, licet alioqui de Moralibus Aristotelis forte ne per somnium quidem cogitassent, excitabuntur; maxime, si, ut animus est, antequam ad Institutionem Juris Publici vos deducam, prælectionibus aliquot, quis & quantus Aristotelicæ hujus doctrinæ in Jurisprudencia sit usus, approbare vobis instituiam, quod inferius in hac ipsa præfatione uno alteroque specimine demonstrabitur. Neque sane quod Hilligerus & Vinnius Donellum, alius Thuanum, seipsum Mezerayus, aliique multi alios hodieque contraxerunt, ullum adhuc periculum imaginari possum, quo ipsi Auctores illi è manibus hominum doctorum excutiantur, minorisque pretii quam alias unquam habeantur. Quin si quem id genus scriptorum Compendia, discendi voluptate afficiunt, aliter evenire non potest, quam ut, qui præstantiam operum illorum, quasi per transennam viderint, in ipsa usque penetralia, intimosque recessus & latifundia, progredi & exspatiari velint.*

Cate-

## P R Æ F A T I O

*Ceterum, quod inter antiquos aliquot præcipui scriptores, quorum adhuc integra Compendia extant; (Jus heic excipio) grave detrimentum passi sunt, id ipsis epitomis accepto ferendum esse credam, ubi quæ causa populos omnes nationesque in Europâ sedibus suis excivit, urbesque & regiones ita evertit ac immutavit, ut plerumque ne nomina quidem supersint, hanc ad libros manuscriptos abolendos minuendosque apud gentes barbaricas, jure belli in humana divinaque omnia grassantes, non suffecisse cognovero, aut si alii auctores, quorum nulla fuere Compendia, clementius habitos esse, magisque integros ad nos pervenisse, compertum est; si ve eadem belli clade cuncta fuerint involuta, si ve Christiani veteres religiose infesti gentilis sapientiæ monumentis, quod belli incendium invaserat, id imprudenti zelo piæque intemperie supprimendum perdendumque putaverint. (\*) Quicquid autem de hoc genere Compendiorum sit existimandum, mihi duplex in hujus speciminis editione ratio constat, ea primo, quam dixi, ut exemplum, valido cum fructu bonos tractandi libros ederem; Dein ut gustum veteris doctrinæ moralis, & lectionis Aristotelicæ, vobis darem, atque salivam, quod ajunt, moverem. Quem conatum à consuetudine seculi, & Juris studiosorum opinionibus vehementer alienum, sic rigidi censores. Epitomarum probare poterunt, quemadmodum facturos esse dubitare nolim, sperare deo, posthac clementius de Compendiis opinaturos, si per ea fieri posse, quod alii magnis ad Aristotelem commentariis notisque pon-*

(\*) De Gregorio M. Papa hoc testatur Io. Sarisberienſis in Policrat. lib. II. cap. 26. Ceterum hic furor omni ævo inter omnes sectas, ubique terrarum grassatus est. Et nota sunt dudum aliis notata de Periergis, ad Astor. cap. XIX. vers. 19. & de libris Mathematicorum ad l. ult. C. Th. de Mathem. aliisque improbatæ lectionis compluribus: quasi vero ignibus extinguï vel error possit, vel veritas.

# P R Æ F A T I O.

*ponderosis incassum tentarunt, experiantur. Eruditionis laudem gloriamque, stultus equidem erit, quicumque non magnis potius voluminibus, aut propriis inventionibus, quam hujusmodi institutionum opellis affectaverit, at nobis in hoc conatu satis erit, id adsequi si poterimus, ut ad studia vestra, Auditores, aliquid inde commodi luminisque redundet. Quod facultatem habere videtur, si paucis, inquam, lectionibus, antequam Juris Publici explicationem aggrediamur, quem usum præsens Aristotelis doctrina in Jure nostro habeat atque præstet, demonstraverim. Proinde non est quod hanc operam ante suum tempus occupemus, sed anum de his Excerptis argumentum, quod in principio libri tertii extat, facere non possum, quin cum Jurisprudentia conferendum vobis representem. Intelligetis ex eo, Juris-Consultos, etiam ubi id minime expectes, agere Philosophos, ac interim, quod artis est maxime, diligenter artem tegere. Antequam vero locum Aristotelis educam, audiamus quid Juris conditores de his, quæ dolo metuque aguntur, contrabuntur, tradiderint, & deinceps quomodo ad doctrinæ Philosophicæ amussim ea conformata sint, videamus. Quod metus causa gestum erit, ratum non habebo, ait Prætor. Supponit igitur, ea quæ per metum gesta, contracta sunt, in se ipsis valere, sed opere beneficioque Prætorie jurisdictionis, eum qui coactus fuit, in integrum esse restituendum, quod ipsius totius capitis de eo, quod metus causa gestum sit, institutum esse constat. Docere videlicet, quo pacto illa Prætoris rescissio committenda sit. Adversus homines varios & dolo-  
 sos Prætor etiam Edictum proposuit, ne vel illis malitia sit lucrosa, vel deceptis simplicitas sua damno-  
 sa. Nihil quidem Prætor edicit aliud, quam se judicium de his, quæ dolo malo facta esse dicentur, non esse daturum; sed Juris-  
 con-*

# P R Æ F A T I O.

consulti ab his quæ Prætor se resciissurum pollicetur ob dolum, distinguunt ea quæ ratione doli mali ipso Jure nullius momenti sunt, atque ita fere docent, ea negotia, quibus fraus dolusque malus causam dederit, hæc quidem esse nulla, τὰ μὴ ὀντα; reliquis causæ cognitionem adhibendam & tantisper valida ac obligatoria censi; cuiusmodi separationem in his quæ per metum gesta sunt, nunquam instituisse leguntur; verum illa cuncta, sive metus ab initio sit adhibitus, causamque negotio dederit, sive inciderit in contractum ex eo quod postea supervenit, nusquam actus ipso jure nullus, sed per actionem exceptionemve rescindendus, & quamdiu hoc factum non est, valere dicitur. Non est hic locus verba legum, quibus id probatur, adducere. Nemo Juris studio initiatus negat aut ignorat, opinor, hoc discrimen inter ea quæ vi doloque gesta, contracta fuere, Jure Civili esse constitutum; sed ratio parum liquet; siquidem vis metusque non minus consensui inimicæ res sunt, quam dolus & deceptio; primoque auditu Aristoteles idem dictare videtur, quando invicem ait esse duplex, per vim & per ignorantiam: posterius fere cum dolo coincidit. Etenim qui decipitur, in hoc ipso quod contrahit, is manifestò per suam ignorantiam in fraudem adducitur, ac ita invitus agit, quia nullo modo in id, quod ab alio deceptus aliter habere putat, consentit. Talia igitur non est mirum ipso Jure nulla censi, quia nusquam decepta voluntas dicitur esse voluntas, secus ac coacta voluntas. Hujus differentia a Juris Auctoribus exactè servatæ ratio ab illis dissimulatur, ab Aristotele περὶ φαρμάκου exponitur: docet enim, non esse invitum, quod per metum majoris mali perpetratur; ut si tyrannus aut latro aliquem metu mortis, suæ suorumve, cogat aliquid triste vel turpe facere vel pati; siquidem tum, quando fiunt, per electionem fiunt, initiumque movendi membra servientia in ejusmodi actionibus, est in ipso

\* \* \*

agen-

# P R Æ F A T I O.

agente, cujusmodi actiones reverà spontaneas esse demonstrat Aristoteles. Mixtas quidem è spontaneo & invito esse non negat, propius tamen ad voluntarias accedere quam ad invita-  
 notas, eo solo probat, quod qui per talem metum aliquid agit, præviâ deliberatione, malisne ferre malum quod instat, an abstinere factò, in actionem consentit. Quod in rebus & ci-  
 vilibus & sacris esse verissimum evidentia rerum & conscien-  
 tia generis humani testatum facit. Nec enim dubitatur, eum qui metu naufragii merces ejicit, hoc sua sponte volentemque  
 facere; rursus, qui metu vel impatientiâ mortis aut vexationum  
 sacra facit idolis, eum id æque volentem facere censerì. Con-  
 tra, qui ignorans τὰ κατ' ἐξασα, singularia facti, imprimis  
 ea, in quibus actio versatur, & propter quæ instituitur, a-  
 git, quemadmodum qui Patrem in acie adversa ignotum in-  
 terficit, hunc secutâ pœnitentiâ minime volentem, sed invitum  
 agere, non minus ratio communis, quam Philosophia docet.  
 Quare qui dolo deceptus in actionem per ignorantiam incidit,  
 eum invitum agere; proinde quod ex ejusmodi ignorantia dolo-  
 que causam cepit & peractum est, id ipso Jure nullum censerì,  
 rectè statuunt Jurisconsulti. Idem de metu, qui contracti-  
 bus negotiisque causam dederit, in proclivi fuisset iis existi-  
 mare, nisi Philosophie, quam Aristoteles exponit, ratio-  
 nem habuissent accuratissimam. Invitum scilicet, aliud esse  
 per vim, aliud per ignorantiam. Per vim id denuò cen-  
 serì invitum esse, cujus initium agendi sit extra agentem,  
 ita ut hic nihil ad actionis principium conferat, cujusmodi exem-  
 plum ponit Aristoteles, ἡ πύμα τῷ πύοντι τοι, ἢ ἀνέμῳ; ὡς  
 ποὶ ὄντος, siquidem ventus aliquid, aut homo validior impulserit.  
 Qualia profecto nullam adversus eum, qui sic agere coactus est,  
 fori actionem producant; quemadmodum nec ea, quibus igno-  
 rantia causam dedit, ut jam dicere occupavimus. Per metum  
 autem actiones initæ, cum magis voluntaria quam invita sint,  
 ipsa



## P R Æ F A T I O.

*ipso jure valere dicuntur; sed per exceptionem actionemve rescinduntur; cujus equidem differentia nulla, nisi ex istius loci philosophiâ, ratio reddi potest. Ex eodem capite primo libri tertii videbitis Excerptum, de his quæ per iram & cupiditatem sunt, locum; & quæsitum, rectene talia pro invitis habeantur, καὶ τὸτο μὲν ἢ καλῶς λέγεται, inquit Philosophus, nequaquam belle dicitur; ejusmodi actiones esse invitas, quia tum pleraque facinora pro invitis habenda forent, siquidem magna pars actionum humanarum ab irâ, vel à cupiditate proficiscuntur, ἀποπον δὲ, τὸ τῖναι ἀχρεῖα τὰυτα, subjungit; Absurdum est igitur talia statuere invita; nec idèò absurdum, quod Juris conditores statuunt, eos qui ferro per iram cædes committunt, tanquam voluntarios homicidas summo adficiendos esse supplicio; quod obiter velim memineritis, ubi usus venerit, sicut in Arte magna usu venire necesse erit. (+) At verò si Moralis scientiæ utilitatem in Jurisprudentiâ demonstrare vellem, tota librorum decas recensenda foret; nam Aristoteles ubique, & à principio, & in fine, passimque, legum atque morum disciplinam aut conjungit, aut alteram alteri subsidio esse demonstrat. Interpretes Scholastici aliam deinde viam inierunt, non tam hoc agendo, uti Jurisprudentiæ, quam ut Theologiæ conveniret. Ex quo studium factum est, ut illorum Ethica toto cælo ab Aristotelica discrepet. Cæterum, rectene factum sit ab illis, quod Ethicam & Theologiam conjungere voluerunt, non disputo: id facile tuebor, nihil esse quod nos ab Aristotelis, aut Platonis, lectione deterreat hominum quorundam gravissimorum sententia, qui Gentilium Ethicam Christianis vitandam, nec aliud quam veræ pietatis corruptelam esse reputant. Eadem operâ Jurisprudentiam, licet, illi proscribant; siquidem nihil est aliud illa, quam Ethica evoluta, & explicata, & applicata civili hominum societati, Aucto-*

(+) Grotius lib. II. cap. XI. §. 6. & 7. & Gundling. de efficientia metus.

# P R Æ F A T I O.

resque ejus præcipui Christianæ religionis non ignari, sed inimi-  
ci; qui tamen profecto, si quid nobis judicii, in plerisque  
Christianos legum conditores longe post se reliquerunt. Quid de-  
votam Christo animam moralia veterum monita, sæpe ejusmo-  
di, ut aliunde in mentem ventura non sint, in usus suos con-  
vertere, verâque fide Domini meritis submixta imbueri; quæ  
vero Christianæ pietati adversantur, ea segregare & amovere  
vetet, ego quidem non intelligo. Verum est, eos non scivisse  
veram τὴν ἀπαρτιζὺν rationem, quo pacto studenda sit im-  
mortalitas; attamen quæ ipsi in hanc rem præcipiunt, ut à no-  
stro sub finem horum librorum sit, inflammandis ad hoc stu-  
dium animis luculenter equidem conducere possunt. Huic com-  
pendio Ethicæ Aristotelicæ, non absurde facturum me putavi,  
si librum Cartesii de Affectibus, sive de Passionibus Animæ sub-  
jungerem, eo quod virtus ferme nihil aliud quam moderatio sit  
affectuum, quas vulgò passiones, imitatione Græcorum, ap-  
pellant. Ex quo singularum virtutum naturam sine affectuum  
notitiâ non satis perspectam haberi posse manifestoliquet. Præ-  
terea, negandum non est, Cartesium mentis & corporis ope-  
rationes clarius omnino, quàm Aristoteli in mentem venit, di-  
stinxisse; præter quod motus internos singulis affectibus pecu-  
liares more quodam mechanico demonstratos videre jucundum,  
& ad inculcandam virtutem, utile ac opportunum videtur.  
Etiam vero illud operæ pretium erit examinare, cum ingens  
affectuum, quos Cartesius explicat, sit abundantia, an exi-  
guus ille virtutum, Aristoteli cognitarum, numerus illos omnes  
gubernet, quod heic disputare longum & tædiosum foret. Hos  
interim pro se quisque animadvertat, verumne sit an secus,  
quod alter ex famosis illis philosophis altero veritates simplicius  
& clarius aperiat, alter varietate doctrinæ, dictionis elegan-  
tiâ, gravitate & acumine sententiarum cum altero non sit com-  
parandus. Sed enim Cartesium, sicut erat, integrum reliqui-  
mus.

# P R Æ F A T I O.

mus. (†) In nos ipsos aliquanto plus juris usurpandum credidimus; siquidem libros de Jure Civitatis superiori anno novæ luci datos, in compendium redeimus, exiguâ jacturâ, si per illud ipse liber ut evalescat, evenerit. Quis vero, dices, ineptus ille Compendiorum amor, ut minimæ molis libros, quemadmodum isti de Civitate scripti sunt, adhuc contrahendospotaveris? Scilicet hoc quod exhibeo, totum in vestram, Auditores, gratiam usumque comparatum est. Subcisivis horis, quâque septimanâ binis, Publici Juris interpretationem frequentamus. Eam vero sic instituimus, ut nullam temere positionem intactam omittamus. Quæ ratio per tres illos majores libros servata, copiam absolvendæ explanationis intra anni Academici spatium, iis horis, ut experti sumus, non relinquebat: hoc autem præsentî modo res facultatem habitura videtur. Enimvero fuit etiam occasio nonnihil in hæc ipsâ Epitome occupandi, quod argumentis quibusdam editorum de Civitate librorum objectum fuisse intelleximus. Exempla duo commemorabimus, quorum prius hoc est: Imperio simpliciter summo in Civitate constituto ita disputavimus, in libro primò capite nono & sequentibus de Jure Civitatis, ejusmodi Imperium esse absolutum, populoque nihil quam obsequii gloriam esse relictum, idque vi consensionis indubitatæ. Excepimus duos casus, ad quos ille consensus sanâ ratione proauci non posset. Erat nobis consilium nescio quid conari, ad determinandum medium inter duas opiniones extremas, quarum altera potestatem Imperantium infinitam, altera Regnantes ut universo populo semper inferiores, ejusque ministros considerat. Hæc ratio, si me fallit, uti aliquando longe sapientioribus accidit, eo tamen argumento non videtur refelli, quod populus semper ex illis casibus alterum esse commissum queri & contendere possit. Nam profecto tam

\*\*\*

3

vali-

(†) Omissi utrinque Excerpti, Aristotelici & Cartesiani, itaque Ovidianorum, in præfatione rationem reddidimus.

## P R Æ F A T I O.

*validam non habemus philosophiam, quæ positiones nostræ omni prætextu inanum objectionum cavillorumque liberentur, vocesque seditiosæ & xpoφύρετα excludantur; quod nescio, anulla unquam demonstratio in quavis parte doctrinæ adsecuta sit, aut præstare potuerit. Qui sententias suas ita collocat, ut à veris solidisque objectionibus eas vindicare veritatemque constabilire & adserere queat, eum diligentis rectique præceptoris officium implevisse, tamen si, ne cavilla & oppositionum facta jactitentur, impedire non potuerit, existimamus. Alterum, quod scrupulum movisse percipio, est, id quod posueram in libro tertio cap. nono post. 19. Metum alienæ potentiae, bellumque à rege populo ve prævalido susceptum, cujus victoria nobis ob eventum viciniae sit formidabilis, non videri per se justificam esse belli à nobis adversus ipsum movendi rationem. Videndum enim, ne non hæc positio à va-  
 Scelopon habeat periculosam, Patriæque Juri commodisque adversam. Ego vero in hac sententiâ, sicut olim posita, & in hac Epitome sectione tertia cap. 9. n. 9. reposita est, libenter esse atque manere cupio. Exceptiones autem, si ve cautiones, quas ut in Jure Civili amat fieri, aliquot subjecimus, Patriæ nostræ rationes, ni fallor, satis extra censuræ conspectum remonent; si modo in universâ disciplinâ bonis Professoribus eo spectare regulasque artis ad officium boni civis redigere fas est. Nam si fæderis antea percussæ obligatio, si facultas auxilii innocentibus ferendi, causæ nostræ causam circumdare non possit, is ego non sum, qui cuiquam mortaliū auctor esse velim, arma vimque aliis inferendi propterea, quod res indubitate suas vel injurias sibi suisve illatas (nam ejusmodi aliquid supponitur) vindicare instituerunt, idque nullâ aliâ causâ, quam ob incertam mali nobis eventuri expectationem; nec enim minus in Publici quam in Privati Juris æstimatione verissimum est, alienum jus alterius incommodo non mutari, vel impediri. Sed hæc aliæque dicendi materiam aliàs suppeditabunt. Hæc Vobis in antecessum exponenda judicavi. Valete.*

I N.

INSTITVTIONIS  
REIPVBLICAE  
*LIBER SINGVLARIS.*

# MADEIRA

## MADEIRA

# INSTITUTIONIS REIPUBLICÆ

## SECT. I. CAP. I.

### *Quid sit Respublica, quid Civitas?*

**R**ESPUBLICA definitur τὰς πάλαιος, ordo civitatis, consistens in regimine summæ potestatis, & subjectione reliquorum, per medios Magistratus. *Aristoteles lib. 3. polit. cap. 6. (a)*

2. Unde liquet, Rempubicam differre à Civitate, vel ut concentum à chordis, vel ut animam à corpore. *Plut. de trib. form. Reip. p. 109. ed. Steph. tom. 3. Sen. lib. I. de Clem. cap. 4. & Isocrates, in Panathen. p. 516. ed. Wolf. ubi ὁρῶντες ἐν σώματι φρονήεις. (b)*

3. CIVITAS definiatur, Cætus perfectus familiarum, juris fruendi, vitæque felicis gratia, sub eodem summo imperio sociatus. *Dixi lib. 1. Digress. cap. 13. (c)*

4. Cætum dicimus perfectum,

non cui nihil desit, sed qui numero & facultatibus satis sit validus, ad defensionem, communemque utilitatem. (d)

5. *Familiarum*: quoniam ex his proximè componitur Civitas, ita sicut *Aristoteles* civitatem vocat, κοινὴν τὰς οἰκίας καὶ τοῖς γένεσι. *Vid. lib. 3. politic. c. 6. (e)*

6. *Juris fruendi*: hic enim finis præcipuus est eorum, qui civitatem constituunt, ut bonis vitæque suâ, beneficio tutelæque Juris, quod alioqui bellis injuriisque turbatur, frui possint. (f)

7. *Vitæque felicis gratia*: id rursum ex *Aristotele d. loc. ζωῆς τελείας χάριν καὶ ἀνταγωγὴν*, vitæ perfectæ, sibi que sufficientis, qualis extra civitatem in solitudine haberi nequit. (g)

8. Beatitudo illa civilis est duplex,

(a) Vid. Auctor in *Op. Mai. de Jure Civili*, lib. 1. Sect. II. cap. 11. §. 17. (b) *Ibid.* §. 18. (c) *d. l. §. 1.*

(d) *Ibid.* §. 2. (e) *Ibid.* §. 4. (f) *d. l. §. 6.* (g) *Ibid.* §. 7.

# SECT. I.

# CAP. I.

plex, quam Cicero utramque describit, ut civitas opibus firma, copiis locuples, gloria ampla, denique virtute honesta sit, lib. 8. ad Att. epist. 11. (h)

9. Ex eadem ἀνταρκτική colligit Aristoteles, servos ad communionem civitatis non pertinere; quia τὸ δῆλον ἔκ ἀνταρκτες, servilis conditio minime beata, sed omnino pœnitendæ conditionis est. (i)

10. Quod tamen non impedit, quominus despotica imperia, in quibus herili potestati homines subjiciuntur, rectè Civitates dicantur, ut disputavimus contra Grotium, lib. 1. Digress. cap. 15. (k)

11. Denique est in definitione; summo imperio: quale si non sit, nec civitas per se, sed alterius civitatis pars constituitur, etsi

forte conformationem distinctam habere videatur. (l)

12. Ubiunque igitur tale imperium est, ibi civitas existit; æque ac corpus, ubicunque anima est. Ubi plures ejusmodi ordines, ibi & plures civitates, ac Respublicæ, intelliguntur. (m)

13. Proinde Helveticorum, atque Belgarum, per me licet addas, Germanorum, Imperia, non singulas sed plures constituunt civitates. (n)

14. Porro neque una est Civitas, ubi unum quidem caput, sed non unum corpus; penes unum quidem est summa potestas, sed non eadem subordinatio potestatum inferiorum. (o)

15. Hinc Hispaniarum, & Magnæ Britannia, Imperia non una, sed multiplicia habenda sunt. (p)

(h) d. l. §. 8. (i) d. l. §. 9. (k) d. l. §. 10. (l) d. l. §. 11. (m) d. l. §. 12. (n) d. l. §. 13. (o) d. l. §. 14. (p) d. l. §. 15.

(l) Ibid. §. 16. (m) Ibid. §. 19. (o) Ibid. §. 20. (o) d. l. §. 24. (p) d. l. §. 25.

## CAP. II.

De fundamento & efficacia Imperii, quæ ex origine Civitatis, & è naturâ status Democratici, indagatur.

EX definitione REIPUBLICÆ liquet, ordinem Civitatis, adeoque totam Juris Publici disciplinam

consistere in jure imperantium, atque eorum qui subiecti sunt. (a)

(a) Vid. Auctor in Op. Mei. d. l. cap. III. §. 1.



# INSTITUTIONIS REIPUBLICÆ.

3

2. Quæ cujusmodi sint, & quomodo pariter consistere debeant, plena semper difficultatis visa fuit, & est disquisitio. (b)

3. Dum alii potestatem imperantium in infinitum extendentes, genus humanum libidini paucorum ut mancipia, imo ut bruta animalia, (neque enim secus loquuntur) tanquam jure subjiciunt. *Hobbesius de Cive cap. 12. in pr. & pass.* (c)

4. Alii, Imperantes nihil fere aliud quam ministros populorum (sic etiam loquuntur) reputantes, in hoc sunt, ut levissimo momento status civitatum, ordinesque, inter se periculose committant. (d)

5. Paucis curæ fuit itationes inire, ut inter abruptam civium contumaciam, & effrenem dominandi licentiam, medium iter periculis utrinque vacuum, aut minus infestum, reperitur. (e)

6. In summâ autem, prima Imperiorum differentia est, quod voluntaria sint, aut involuntaria. (f)

7. Hæc aut invitis imponuntur bello, aut volentibus quidem, sed necessitate aliquâ majore subactis, cujusmodi actiones philosophi mixtas appellant. (g)

8. Sic olim Campani à Samnitibus ad extrema redacti, se, urbem, agros, divina humanaque omnia, in S. P. Q. R. ditionem tradiderunt. *Livius lib. 7. c. 33.* (h)

9. Voluntaria Imperia ex consensu multitudinis originem habuere. Nasci enim illa immediatè à Deo, ut in rebus humanis nihil sit, quod vel secundæ causæ ferre queat nomen, quomodo novissime *Graswinkelius* operose disputat, incondita sententia est, in tract. de Jur. Maj. c. 1. & 2. nec non vernac. tract. de summâ potest. Ordd. Holl. (i)

10. Ratio nimis manifesta in contrarium est, ut ex suprâ dictis intelligi potuit. Etiam hoc, si non quemque res ipsa convincit, quod populus, si velit, imperii facultatem ipse retineat, nec in unum vel paucos conferre cogatur. (k)

11. Sed contulit ideo, quia sine ordine certo non poterat confusio evitari, nec commoda universorum aliter invicem communicabantur. (l)

12. Maxime, cum ob feritatem, pravitatemque hominum, dictata rationis negligerentur, tantumque omnes valere vellent,

A 2

quan-

(b) *Ibid.* §. 1. (c) *d. l. §. 4. seqq.* (d) *d. l. §. 9. Conf. Auctoris dissert. de Jure Imp. cap. L. seqq. & in Op. Mai. lib. 1. Sect. X.* (e) *d. l. §. 10.* (f) *d. l. §. 11. junct. lib. 1. Sect. II. cap. 1. §. 24.* (g) *d. lib. 1. Sect. II. cap. 1. §. 25.*

(h) *d. l. §. 26.* (i) *d. l. §. 27.* (k) *d. l. §. 28.* (l) *Ibid. cap. 1. §. 3.*

# SECT. I.

# CAP. II.

quantum viribus possent: palam est, opus fuisse, ad bella evitanda, conjunctione multorum. (m)

13. Neque vero tamen consensus in fœdus, ad tollendam confusionem sufficiebat. (n)

14. Necessaria fuit ejusmodi ratio, & modus, per quem omnium voluntas una fieret. (o)

15. Neque enim aliter communium actionum exitus ad concordiam obtineri poterat. (p)

16. Hæc est unio illa, quam vocamus *REPUBLICAM*. Et multitudo hoc modo unita *CIVITAS* dicitur. (q)

17. Voluntas autem una ista nihil aliud est, quam *IMPERIUM Civitatis*. (r)

18. *Consensu* tali priscos populos à dissipatione generis humani, saltem aliquos, in unum coaluisse, dubium non est. (s)

19. Complures tamen *vi bellicâ* sub Imperium aliorum fuisse redactos, sacræ literæ, & experientia rerum humanarum, docent. (t)

20. Poteratque hæc origo *Civitatis* esse justa, si, qui hac gratiâ invaserant alios, vincerentur. (v)

21. Imò occidi poterant, si qui alios prius occidissent, aut morte

quicquam dignum admisissent. (x)

22. Proinde & rebus suis, omnique jure, privari poterant; quia quos honestum est occidere, eos spoliare non potest esse inhonestum. *Cicero lib. 3. off. cap. 6.* (y)

23. Sed ut potentior imbecilliores, nulla aliâ causâ, ad obsequium cogeret, id naturalis *facti* non *juris* habendum, secus ac *Hobbes* voluit. (z)

24. Intelligimus inde *Civitatis constitutionem* nihil aliud esse, quam recessum à statu naturali; neque aliam ejus causam esse post Deum, quam voluntatem singulorum, omniumque conventionem; quod præter *Graswinkelium* negare neminem recorder. (a)

25. Unde liquere videtur, in cujusque populi potestate fuisse (loquimur de imperiis *non violentis*) modum statuere, quatenus à naturalibus recedere vellent. (b)

26. Tantumque juris in Imperantes fuisse translatum, quantum populus in eos transferre voluit. (c)

27. At *Hobbes* ex eodem principio colligit, cives tantum juris transulisse in Imperantes, quantum potuerunt, ut nihil exemerint, *de Cive, cap. 6. §. 13.* (d)

28. Nec quidem potuerint eximere;

(m) *Ibid.* §. 4. (n) *Ibid.* §. 5. (o) *Ibid.* §. 6. (p) *Ibid.* §. 7. (q) *Ibid.* §. 8. (r) *Ibid.* §. 9. (s) *Ibid.* §. 13. (t) *Ibid.* §. 14. (v) *Ibid.* §. 15.

(x) *Ibid.* §. 16. (y) *Ibid.* §. 17. (z) *Ibid.* §. 20. (a) *d. lib. 1. Sect. 11. cap. 111. §. 17.* (b) *d. l. §. 18.* (c) *d. l. §. 19.* (d) *d. l. §. 21.*

# INSTITUTIONIS REIPUBLICÆ.

mere; eò quod per unionem imperii omnium voluntas una sit facta. (c)

29. Et quia populus, imperio ad unum hominem, vel concilium delato, nihil, quam singuli, & dissoluta est multitudo. Unde nec ullum jus, quod est qualitas personæ competens, populo post imperium translatum tribui possit, *d. cap. 6. pr. & in not.* (f)

30. Nos, ut fundamentum naturamque hujus rei clare detegamus, primo statum Imperii qui minime à Naturali recedat, considerabimus; qui est *Democraticus*, in quo jus imperandi penes populum est univèrsum, (g)

31. *Forma* ejus est, fœdus omnium cum omnibus, cujus summa sit, ut quæ consensu majoris partis statuuntur, ea cunctos obligent. Idque in perpetuum, quia norunt, quo tempore ab Imperio cum communi recesserint, neminem salutis suæ fore certum, omniaque pessum itura, quod eos minime velle manifestum est. (h)

32. *Plurium suffragiorum* prærogativa ideo necessaria est, quod alioqui publicis consiliis exitus nullus dari posset. Scilicet ita, ut quod plures voluerint, hoc omnes & singuli velle censeantur;

neque minus id ipsum totius populi voluntas est. (i)

33. In ejusmodi consensionem democraticam populi facile descendunt, siquidem omnium in eo fœdere conditio, spes, & ratio, par est; nec quisquam magis se superatum iri, quam alios superaturum præsumere potest. (k)

34. Neque dubium, quin fœderati, suum illum consensum de omnibus rebus, quæ ad salutem utilitatemque communem ullo modo pertinent, intellectum velint; etiamsi contingat, ut salutis commodisque paucorum aliquid adversetur; salva enim res communis esse non posset, si ratio ejus non vinceret, utilitatem privatam. (l)

35. Adeo, ut ne vitæ quidem, rebusque singulorum propriis, boni communis causâ, parcere videantur. In hoc enim pulcherrima consensio generis humani relucet; ut tanto quisque melior civis reputetur, quanto libentius vitam opesque pro patriâ sua exponit. *Vid. Grotium lib. 1. cap. 4. n. 7.* (m)

36. Proinde tali casu eveniente, tum ei, in quem fors incumbit, non fit injuria, quod absque suo merito patiatur malum; in hoc enim

A 3 cum

(c) *d. l. §. 22.* (f) *d. l. §. 23.* (g) *d. l. §. 25.* (h) *d. l. §. 27.*

(i) *d. l. §. 28.* (k) *d. l. §. 31.* (l) *d. l. §. 31.* (m) *d. l. §. 33.*

cum his confensit. Proinde nec resistere illi (i) populo per plura consentienti licebit. (n)

37. Nec quicquam refert, quod ad vim obligandi attineat, utrum rectius an pejus major pars sentiat; aliqui his super hoc iudicium identidem ad primam reduceret confusionem, quam ut omnium malorum maximum cives super omnia vitare voluerunt. (o)

38. Quod si tamen, coitione facta, pars major palam id ageret, at reliquos non modo superarent semper (quod in rebus mediis ferendum) sed etiam vitæ bonisque pro lubitu exuerent, dicendum videretur, pauciores separare se posse; proinde & resistere. (p)

39. Neque enim consenserunt in id, quod scopum societatis institutæ penitus everteret. (q)

40. Immo fortean nec singuli plane, si qui ad mortem manifestâ injuria vocarentur, vi primæ consensionis ad ferendum tenerentur. (r)

41. Enimvero ingentis boni communis causâ, posse extendi obligationem expressam usque ad mortis patientiam, ratio juris idonea, quæ prohibeat, nulla profertur. (s)

42. Sed cum à morte homines efficacissime abhorreant, non potest dici, quod primi condiores civitatis, commune fœdas, quo pars minor populi tenetur eo quod plures volunt, ad mortem sine ullâ causâ ferendam durare voluerint. *Vid. Grotius d. lib. 1. cap. 4. n. 7. (t)*

43. Concludimus igitur, in *Democratia*, sive populari Imperio, singulos teneri ad ferendas injurias totius populi, exceptis hisce duobus casibus, qui commemorati sunt, §. 38. (v)

44. Tu dices: pars minor semper contendere potest, aliquem ex his casibus esse commissum, & sic vis illius fœderis enervabitur. Quasi non vana in omnes opiniones versari possint, ut Livius ait. Hoc agimus, ut sano iudicio termini statuamur, non ut detorsiones ineptæ evitentur, quod nulla ratio præstare potest. (x)

45. Plane ex his sequitur, *Civitatem*, id est, majorem populi partem, adversus singulos fieri posse ream injuriæ. (y)

46. Quod enim mentem fidemque pacti egreditur, non potest non injurium censeri; Respublica autem per conventionem de vitâ

bo-

(n) d. l. §. 34. (o) d. l. §. 35. (p) d. l. §. 39. (q) d. l. §. 40. (r) d. l. §. 42. (s) d. l. §. 43.

(t) d. l. §. 44. (v) d. l. §. 46. (x) d. l. §. 47. (y) *Ibid. lib. 1. Sect. II. cap. IV. §. 1.*

# INSTITUTIONIS REIPUBLICÆ 3

bonisque omnium defendendis constituitur, quæ conventio tam violari, quam servari potest. (2)

47. *Hobbes* dicit, non esse pactum inter pauciores & plures, quatenus hi corpus constituent; *sed inter singulos cum singulis*: ideoque plures, cum singuli non sint, sed jus omnium prærogativa suffragiorum nacti, haudquaquam ex pacto teneri. *Hobbes de Cive cap. 5. §. 7. & cap. 7. §. 7. & §. 12.* Ad hæc, nostra sic ratio est: (a)

48. Non est dubium, quin omnes in reciproca stipulatione ac sponfione, eum imprimis casum spectaverint, quo unice obligationis usus erat futurus, nempe, *quo ad suffragia de rebus communibus multitudo vocaretur.* (b)

49. Dum itur ad suffragia, nemo in superiore numero est, qui non ex pacto reliquis teneatur, & quidem in eum maxime eventum, *si ex plurium numero ipsum esse contingat.* (c)

50. Ubi nemo obligationis est expers, ibi universos obligari oportet; vinculum enim personale fidei, quo omnes obstricti sunt,

(2) *Ibid.* §. 4. (a) *Ibid.* §. 6. (b) *Ibid.* §. 11. (c) *Ibid.* §. 12.

prætextu universitatis eludi nulla juris ratio permittit. (d)

51. Quod si nulla fœderis ratio inter plures, qui consentiunt, & reliquos esset, scire cupèrem, quid impediret, quominus major pars suo consensu dissolvere posset *Rempublicam*. Atqui non esse hoc in eorum potestate, docet ipse *Hobbesius*, idque vi fœderis primitivi, cap. 6. §. 20. (e)

52. Ex his palam fit, eos qui prætextu numeri prævalentis latrocinium exercent, recte perfidos injuriosque in *democratia* dici. (f)

53. Tamen extra duas illas species supra collocatas nullum aliud exceptionis specimen agnoscere possunt, qui nolunt populum in eandem confusionem recidere, quam vitare voluerunt. (g)

54. Nisi quod de rebus divinis propria consideratio est, de qua suo loco agetur. (h)

55. Nisi & discrete initio constitutæ *Reipublicæ* aliæ sint res expressæ, in quibus prærogativa suffragiorum non obtineat. Quod tamen in *democratico statu* raro foret fieri. (i)

CAP.

(d) *Ibid.* §. 13. (e) *Ibid.* §. 18. (f) *Ibid.* §. 20. (g) *Ibid.* §. 21. (h) *Ibid.* §. 22. (i) *Ibid.* §. 23.

*Quo probatur, idem quod pars major potest in Democratia, etiam posse Reges, & Optimates.*

**S**ed *Populæria Imperia*, imprimis *majora*, omnibus seculis plena confusionis & turbarum fuere. Quas ut evitarent, pleræque gentes jus imperii certis hominibus, iisque vel singulis, vel paucis, concedere maluerunt. Unde *Aristocratia*, aut plerumque *Monarchia*. (a)

2. *Pertæsus*, inquam, discordiarum populus definit velle certare suffragiis. Proinde Imperium ita desert aliis, ut *multitudo de summâ Republicâ amplius non arbitretur*. (b)

3. Quod argumento est, illum *abdicasse semet Imperio*, amissâ ratione unicâ exercendi juris sui. (c)

4. Hoc jus amissum non est, nec potest alibi esse, quam penes eos, quibus id populus datum voluit, expresse vel tacite, videndo scilicet atque experiendo. (d)

5. Nec omnino illud jus, aut minus, aut majus esse potest, quam

fuit apud *multitudinem*, prærogativâ suffragiorum, ad imperii vim discretam. (e)

6. Unde liquet falsum esse, quod *populus universus semper suis Principibus superior sit*; aut Rex sit quidem singulis major, at minor universis. (f)

7. Nam ut *pars major populi* nullam suprâ se potestatem agnoscat, ita *Principes* (sub quibus & *Optimates* comprehendo) simpliciter recepti nihil habent superius. (g)

8. Ejusmodi vim Imperii, qua & singuli & universi constringantur, in *Democratia* nemo recusat. Nec videas illam homines negare, in ejusmodi civitatibus *Aristocraticis*, ubi ingens numerus Imperantium habetur, velut hodie *Venetis*, & in *Frisiis*. (h)

9. Nemo dubitat, quin magnus Patriciorum Senatus *Venetis* idem jus habeat, quod olim *pars major populi*, cum civitas democra-

(a) Vid. Auctot in *Op. Mai. lib. 1. Sect. 11. cap. V. §. 1.* (b) *d. l. §. 8.* (c) *d. l. §. 9.* (d) *d. l. §. 15.*

(e) *d. l. §. 16.* (f) *d. l. §. 24.* (g) *d. l. §. 25.* (h) *d. l. §. 36.*

craticè regeretur, habebat; idemque in omnibus Aristocratiis laxioribus animadvertas. (i)

10. Sed qui summam rerum pauci admodum, vel singuli tenent, hi controversiam patiuntur. Quod argumento est, *invidia insolentiæque parendi magis, quam juris ratione, plerosque hominum agitari in contrarium.* (k)

11. Quippe vinculum obligationis in omni genere civitatis, quæ simpliciter instituta est, eodem modo se habere, ratio validissimè evincit. (l)

12. Prorsus enim quod fœdus in *Democratia* singuli cum singulis ineunt cives, quo se parti majori spondent parituros, id in diversis formis super placitis *Principum & Optimatum* fieri palam est. (m)

13. Multi, pauci, an singuli

(i) d. l. §. 37. (k) d. l. §. 39. (l) d. l. §. 40. (m) d. l. §. 41.

sint, quibus se parituros spondent, nihil ad summam obligationis conferre, vel ex eâ detrahere potest. (n)

14. Ex eodem fundamento sententia illorum evertitur, qui *mutuam subjectionem* inter populum & Imperantes existere volunt. Ita, ut populus universus rectè imperantibus parere debeat, principes autem male imperantes populo subiciantur, ut in castris ad Trojam:

Καὶ τοῖς Ἀτρεΐδαις ἢ μὴν ἡγῶμαι καλῶς  
Πειρώμεθ', ὅτις ἢ μὲν καλῶς, ὢ πειρώμεθα.

id est, eodem metro,

*Et nos Atreidis, si quidem bene imperent,  
Parebimus; sin minus, non parebimus.*

*Euripides Ipbigen. in Aul. v. 927.* quod omnis confusionis initium & fundamentum sit oportet. Vid. *Grotius, lib. 1. c. 3. §. 9. (o)*

(n) d. l. §. 43. (o) d. l. §. 50. seqq.

## CAPUT IV.

### *Quo rationes contrariæ examinantur.*

**A**rgumentum I. quo dissidentes utuntur, *quod is qui alium constituit, superior sit constituto, neutiquam universale est.* Fallit enim in his, quæ primo voluntatis, postea sunt necessitatis; ut in

eo, qui se domino sponte mancipat, omnique die in matrimonio videmus, quo mulier eligens virum non desinit inferior esse electo, idemque in adolescentibus curatores suos eligentibus l. 2.

B

§. 4.

§. 4. & sequ. π. de His qui per. tut.  
& curat. (a)

2. Nec firmiorem II. illud habet sequelam, *Reges sunt propter subditos, ergo hi sunt superiores, Brutus in Vind. contr. tyr. qu. 3.* quod vel pupilli & tutoris exemplo apparêt, ex eorum genere esse, quæ sæpe, non quæ semper obtinent, utcumque Apostolus eo quoque utatur Ep. 1. ad Corinth. cap. 11. Nempe iis, de quorum subjectione jam constat, hæc ratio bene inculcatur; non ut inde subiectio dubia probetur. (b)

3. Tertium argumentum: *Potestas imperantium pendet atque profecta est à voluntate populi, quæ non præsumitur hæc esse, ut universi unius imperio subiciantur. Brutus d. tract. & quæst. 3.* Resp. voluntas è verbis colligi debet; hæc ubi indefinita sunt, voluntatem quoque universalem oportet accipiamus: populus transtulit omne jus suum; non potest igitur quæri, an fecerit, quod factum esse videmus. (c)

4. Quod autem IV. aliqui volunt, *mandati obligationem inter populum & Imperantes intercedere, est injurium in summas potestates; quin si electio & prima constitutio regis mandatum infe-*

rat necessario, quid ni & maritalis, & Curatoria potestas, ad naturam mandati exigantur? (d)

5. Plus valoris inesse videtur petito è *sacris literis* argumento, ubi fœderis longe alia, quam nos collocavimus, ratio tradatur. (e)

6. Fœdus esse (narrat ita Junius Brutus in quæst. 2.) *inter Deum, populum, & Regem, quod fururi sunt populus Dei. Cujus sanctio sit: si perseveraveritis in malitia, tam vos, quam Rex vester peribitis, lib. 2. Reg. cap. xi. v. 17. & 2 Chron. xxiii. v. 16. & lib. 1 Sam. c. 12. v. 16, 17. & ult. (f)*

7. Duos hic esse volunt reos promittendi, qui in solidum singuli obligentur, Regem & populum; uti de duobus reis nota Juris est doctrina, tit. π. & *Inst. de duobus reis*, nempe universitate hominum unius personæ vicem sustinente. (g)

8. Regem igitur, si populus legem Dei violet, teneri ad hanc promissionem integre præstandam. Proinde ad cogendum quoque populum, uti stet promisso, puniendumque, si qui fidem rumpere sint ausi. (h)

9. Sic populum quoque, deficientem Regem quasi e fugâ re-

(a) Vid. Auctor in Op. Mai. d. lib. 1. Sect. 11. cap. VI. §. 5. seqq. (b) *ibid.* §. 7. (c) *ibid.* §. 9.

(d) *Ibid.* §. 12. (e) *Ibid.* §. 29. (f) *Ibid.* §. 30. (g) *Ibid.* §. 31. (h) *Ibid.* §. 32.



# INSTITUTIONIS REIPUBLICÆ. 11

retrahere, & coercere debere. (i)

10. Ni faciat, fore ut populus delicta Regis luat, ut, exempla sunt in *lib. 2. Samuel. cap. 8.* & ult. Absurdum fore, si populus ad præstanda luendaque Regis facinora teneatur, & impedire illa non possit; cum ultra id quod potest nemo teneatur. (k)

11. Ad hæc nos ita: verum est, populum vi fœderis cum Deo pacti, non debuisse Regibus obedientiam; in tantum ut contra leges Ipsius delinquerent. Sed nihil profertur, quare populus debendi reus in solidum fuisse dicendus sit. (l)

12. Quippe in delictis, contra leges admissis, obligatio ad pœnam non egreditur personas delinquentium. Quæ tam juris divini, quam naturalis, & civilis, notissima regula est. *Deuteron. c. 24. v. 16. Ezech. c. 18. v. 20. lib. 11. Reg. c. 14. v. 6. lib. 11. Chron. c. 15. v. 5.* (m)

13. In juris quoque disciplinâ

inauditum est, duos reos in maleficiis per conventionem expressam constitui; accidit quidem, ut plures ex eodem delicto in solidum teneantur, sed hoc singuli suo facto, non paciscendo, vel promittendo, contrahere solent, aut possunt. (n)

14. Populum utique infontem ob peccata Regum fuisse punitum, nuquam probatur. Nam vix est, ut in exemplis modo projectis, & si quæ alia publicæ administrationis delicta in plebem expiata sunt, subjecti se non participes etiam committendo fecerint. *Grotius lib. 1. c. 2. §. 10. in fin.* (o)

15. Nihil etiam vetat respondere, pestem atque famem fuisse mala, quibus Deo placuit ad populum suum visitare, propter alia peccata, quorum materia non defuit; ut necesse non sit, dicere, populum Israelis luisse meritum Regis, quod is maleficio personali suo contraxerat. (p)

(i) *Ibid.* §. 34. (k) *Ibid.* §. 35. (l) *Ibid.* §. 37. seqq. (m) *Ibid.* §. 39.

(n) *Ibid.* §. 40. (o) *Ibid.* §. 48. (p) *Ibid.* §. 50.

## C A P. V.

*Quo superior sententia confirmatur ex Jure Romano,  
& Literis Sacris.*

**P**Lacet his rationibus, ex sana philosophia petitis, subjunge-  
re probationem sententiæ superio-  
ris, ex Jure Romano, & è Sacrà  
Scripturâ; quæ sunt duæ præci-  
puæ auctoritates, quibus in hoc  
genere liceat uti. (a)

2. Summa probationis ex Jure  
Romano petita, est in verbis Ul-  
piani l. 1. §. 1. de Constitut. Princ.  
unde ita colligimus: *Princeps Ro-  
manus tantum potestatis habuit in  
populum, & res imperii, quantum  
populus ipsemet antea tenuit, & ex-  
ercuit; atqui populus Romanus, ante  
translatum in Cæsares imperium, ha-  
buit liberam nullique subjectam po-  
testatem; proinde non potest fieri,  
quin etiam princeps æque postea li-  
beram, & absolutam, nullique sub-  
jectam potestatem habuerit.* Prima po-  
sitio in verbis Ulpiani: *populus ei &  
in eum omne suum imperium & po-  
testatem contulit,* (b)

3. Altera positio superioris ar-  
gumenti est, quod *populus antea li-  
beram & absolutam potestatem ha-*

*buerit, tam evidens est, ut pro-  
bationis non indigeat.* (c)

4. Nec est in mundo, qui actio-  
nes *liberi populi* (nam talem po-  
nimus nullius alterius potestati  
subjectum) impedire vel coarctare  
possit. Proinde nihil est, quod  
conclusionem impedire queat: *princeps Romanus habuit liberam, &  
absolutam, nullique subjectam po-  
testatem.* (d)

5. Hæ rationes ex Jure Romæ  
no, rectaque ratione, propositæ,  
Sacris etiam Literis conveniunt;  
passim enim in Veteri Novoque  
Testamento sparsa videmus moni-  
ta de obsequio regibus, & potesta-  
tibus præstando, non tantum bo-  
nis & æquis, sed etiam duris &  
difficilibus, *Petri Epist. 1. cap. 2.  
vers. 18.* nec usquam limitationes  
occurrunt, aut exceptiones, qui-  
bus liceat civibus se opponere di-  
ctatis regnantium. (e)

6. Quin imo Principes simpli-  
citer constitutos habere *ius*, id  
est, potestatem, singulos cives,  
juris

(a) d. lib. 1. Sect. II. cap. VII. §. 1.  
(b) d. l. §. 2.

(c) d. l. §. 8. (d) d. l. §. 9. (e) d. l.  
§. 10.

juris prætextu, vitâ bonisque spoliandi, ex autoritate sacrâ probari posse videtur; non ut injuriæ ac insolentiæ principum, bonæ justæque fiant; sed quia cives obligantur ad patientiam, nec ideo se principum imperio subducere, vel iisdem vi resistere possint. (f)

7. Probatio petatur è *lib. 1. Sam. cap. 8. vers. 9. & 11.* ex loco illo celebri Samuelis. Populus Israël, qui adhuc gubernatus erat manu divina per Prophetas & Judices, cœperat insolescere, & avversari illud invisibile sceptrum, quod mente solâ venerari poterant; regem petere vicinarum gentium exemplo in animum induxerunt. Hac occasione Propheeta jussu Dei proposuit universo populo, quæ potestas regis, quem sibi postulabant, esset futura; *hoc erit* inquit Samuel, *jus regis, qui vobis imperitabit, eripiet vobis filias, & agros vestros, ac dabit servis suis, ac ita porro.* (g)

8. Jam dixi, quale *jus* ibi sit intelligendum, non æqui puique regis officium, quod longè aliter describitur in Deuteronomio, *Cap. 17. v. 14.* & *seq.* sed *consuetudo* dominationis, quæ tamen juris effectum haberet in subiectos imperio, quatenus eos obligaret, ut

diximus, ad patientiæ legem. (h)

9. Nam alterutrum necesse est; aut Samuel hanc regis potestatem exposuit, ut populus sciret quid patiendum foret; aut hac mente fuit, ut animaret, ac instrueret eos ad oppositionem. (i)

10. Sed posterius a scopo, quem in hoc textu habuit, alienum est; id enim egit, ut populum, si potis esset, a rege petendo absterret, quod assequi non poterat, si præmonuisset eum, quid a rege non esset ferendum; sed ad illum finem pertinebat, docere, quid patiendum foret. (k)

11. Satis constat, esse non paucos interpretes, qui hunc locum aliter reddiderint, quam vetus interpret Latinus, Germanicus, & Belgicus post *vers. 6.* (l)

12. Nam Tremellius vertit: *ratio Regis*, Scaliger 1. *epist. 15. modus Regis*. Belgæ recentes, de *wupse des Konings* / ut etiam Piscator, *des Königs wesse*. Sed forte nihil opus est, à celebriori significatione vocis *WUPD*, quæ *jus* significat, recedere, eo quo dictum sensu. (m)

13. Hinc liquet, nullius momenti esse objectionem, quæ ab exemplo Achabi adversus Nabothum, similibusque defumitur.

B 3

Quip-

(f) d. l. §. 11. (g) d. l. §. 12.

(h) d. l. §. 13. (i) d. l. §. 14. (k) d. l. §. 15. (l) d. l. §. 16. (m) d. l. §. 20.

Quippe jus illud Regium non tollit impietatem diritatemque facientium injurias, sed tantum obligat ad patientiam cives; ut scirent, non modo parendum esse τοῖς ἀγαθοῖς ἀ καὶ ἐπὶ τοῖς σκολιοῖς, non tantum bonis & æquis, sed etiam iniquis, ut Petrus Epist. 1. cap. 2. v. 18.

Bonus & æquus ad exemplum

Ulyssis, in *Odyss.* β. vs. 689. *ἴσῃ.*

Οἷον 'Οδυσσεύς ἴσῃ μετ' ἐμπόροις τακτικῇ

Οὐδέ τινα ῥήξας ἐξήγειρεν ὅττι τι εἰπὼς

Ἐξ ἑτέρου ἔσ' ἴσῃ διὰ θεῶν βασιλῆων.

Qualis apud veteres divus regnabat  
*Ulysses,*

Qui nulli civi, dicto, factove, nocebat;

Scilicet hoc Regem Dis immortalibus  
æquat. (n)

(n) d. l. §. 25. & 29.

## C A P. V I.

*De Summæ Potestatis definitione, & differentiâ.*

**SUMMA POTESTAS** est *Facultas* *Smoralis regendi civitatem, cujus acta nullius humanæ voluntatis arbitrio infirmari possunt.* Grotius lib. 1. cap. 3. §. 6. in pr. (a)

2. Differentiæ hujus argumento, pleraque difficilia quæstionum, circa hoc caput moveri solita, suis quæque locis conficiemus. (b)

3. Dividitur à multis in *Majestatem Realem* atque *Personalem*; quarum illa universo corpori civitatis, hæc paucis vel uni Imperantibus conveniat. (c)

4. Sed vitiosam hanc esse divi-

sionem putamus, quoniam si *Majestas* sit jus summum, fieri nequit, ut duplex sit, non magis quam in una linea dentur duæ summitates. (d)

5. Potest quidem fieri, ut optimatibus, aut principi, aliquid detractum, vel circumscriptum, ordine diverso datum sit; verum hoc inquam ad divisionem *Majestatis Personalis* referendum. (e)

6. Nihilo melior est distinctio *Majestatis in Delegantem & Delegatam*: nam si illi, qui delegant Im-

(a) d. lib. 1. Sect. III. cap. 1. §. 8. (b) *Ibid.* §. 9. (c) *Ibid.* §. 11.

(d) *Ibid.* §. 12 (e) *Ibid.* §. 13.

Imperantes, horum acta possunt infirmare, planum est, quod delegantes non transtulerint, sed retinuerint summam potestatem, legatosque habeant, ut ministros. (f)

7. Si infirmare illa nequeant, palam est, quod delegantes potestatem summam habere desierint; proinde, quod transtulerunt, hoc

ipsis non recte amplius adscribitur. (g)

8. Scilicet, auctores harum divisionum tenent, in populo universo semper residere summam potestatem: quod cum ratione modò improbavimus, adeoque & divisiones illas rejici consentaneum est. (h)

(f) *Ibid.* §. 17.

(g) *Ibid.* §. 18. (h) *Ibid.* §. 20.

## C A P. V I I.

### *Continens Monita de aliis Imperii differentiis.*

Sunt, qui ex aliis quoque rebus differentiam summæ potestatis colligunt. Primo interesse putant plurimum; quâ forma Reipubl. civitas gubernetur, monarchiâ, vel plurium imperio? & in monarchiâ, sit ne despoticum, an civile Regnum? (a)

2. Sit ne patrimoniale, an quasi fructuarium? populoque volente, an invito constitutum? (b)

3. Utrum eligantur, an successione gaudeant Imperantes? temporalis, an perpetua sit potestas? (c)

4. Nonnullis quoque parvitate, vel magnitudine civitatum, jus summi imperii visum fuit variari;

denique, nominum titulorumque species hominum judicia sæpe præstringit. (d)

5. Nos ex illis omnibus nihil ad summam Imperii tollendam, augendam, vel minuendam facere putamus. (e)

6. Nam quod ad formam regiminis attinet, hoc superius satis refutatum est. (f)

7. Plus discriminis inter heriles sive Despoticas, & civiliores monarchias; ut & patrimoniales atque fructurias, consistere videtur. (g)

8. Sed tenendum, in hoc capite non quæri, de majori mino-

(a) *d. lib. I. Sect. III. cap. II. §. 1. & 2.*  
(b) *d. l. §. 3.* (c) *d. l. §. 4.*

(d) *d. l. §. 5.* (e) *d. l. §. 6.* (f) *d. l. §. 7.* (g) *d. l. §. 10.*

rique efficaciam imperii; verum, an unum præ altero magis minusve *summum* sit imperium, quod heic negatur. (h)

9. Dabimus, loco rationis exemplum: patris in liberos potestas Jure Gentium, & Civili aliquantum minor habetur, quam domino- rum super servos; Patria tamen potestas æquæ est summa & absoluta, quam Dominica potestas. (i)

10. Præterea, nec electionis, successionisque differentiâ, juris rationem, respectu summæ potestatis, mutari, *suprà dictis* consentaneum est, & facile probatur. (k)

11. Etenim *Successiva* Imperia, quæ quidem voluntaria sunt, initium ab electione habuere. Nec plane aliud est successio, quam juris initio ab eligentibus statuti continuatio. (l)

12. Quidam in definitione Majestatis requirunt, ut *perpetua* sit potestas; quasi temporarium Imperium non esset summum; sed hoc à philosophiâ, & à juris ratione, alienum putamus. (m)

13. Quippe natura rerum moralium, non à *tempore*, sed ab *effectis* æstimatur, qui possunt iidem esse in brevi, ac in longiori tempore; quo facit, quod

nec in Jure Civili temporis adjectio vim naturamque dominii, aut obligationis, alioqui mutat. *Dixi ad tit. ff. de eo quod cert. loc.* (n)

14. Æque igitur summam, absolutamque potestatem, habent Rectores *annui* Civitatum, quam perpetui. (o)

15. *Magnitudinem* parvitatemque civitatum nihil facere ad diversitatem summi Imperii, modo superiorem non habeant, facilius intelligitur; nisi quod enormis quandoque differentia hominum judicia distrahit. (p)

16. Postremo, sæpius evenire docent historiæ, ut *nomina* summæ potestati consueta tribuantur iis, qui rem nullo modo habent; quod de Regibus *Laconicis*, & *Germanis* olim; hodieque de *Polonis*, ipsisque, pene dixeram, *Cæsaribus*; ne de Venetorum, aut Genuensium Ducibus loquar; adfirmari potest. (q)

17. Denique, summam potestatem evidenter aut tolli aut minui putant multi, cum in Regno constitutum est, ut decreta principis non aliter valeant, quam si in aliquo *Senatu* recognita, & approbata sint. (r)

18. At hoc ejusmodi est. quod sæpe fallit, cum plerumque magis

(h) d. l. §. 11. (i) d. l. §. 12. (k) d. l. §. 35. (l) d. l. §. 36. (m) d. l. §. 40.

(n) d. l. §. 47. (o) d. l. §. 48. (p) d. l. §. 51. (q) d. l. §. 54. (r) d. l. §. 57.

gis id prudentiæ, quam juris sit institutum, non ut inde vis Imperii pendeat, sed ne Principes decipiantur à supplicantibus. Vid. l. unic. C. Quando Imper. & Gro- tius, lib. 1. c. 3. §. 18. (s)

(s) d. l. §. 38.

## C A P. V I I I.

### *Quatenus Summa Potestas per Fœdera mutetur.*

**P**aritas civitatis adeò nihil detrahit juri summæ potestatis, ut non alibi magis doctrina ejus conspicua sit, quam ubi singulis urbibus Imperia terminantur. (a)

2. Sed per victorias, aut utilitate suadente, factum est, ut in majora corpora plures populi coalescerent, quod vel per unionem civitatis, vel per modum fœderis arcti, contingere solet. (b)

3. Prior ratio extinguit summam potestatem, ita ut qui prius imperabant, nunc imperata faciant; nam quæ antea fuerant civitates, jam membra majoris civitatis facta, nihil aliud, quam subiecti corporis partem, constituunt. (c)

4. Fœderis arctioris, ubi tamen non fiat σύγχυσις πολιτείας, variæ sunt species, quarum nulla summam potestatem lædit. (d)

5. In universum, est vel æquale, vel inæquale. Fœdus æquale non officere summæ potestati, per se patet; saltem restringit libertatem faciendi, quæ velis in ea re, de quâ convenit, quod etiam in naturali, plenissimâque libertate, potest fieri. (e)

6. Exemplum præbet Respublica Belgarum unita, quæ fœdere Trajectino arctissime quidem est conjuncta, verum salvâ majestate singularum Provinciarum. (f)

7. De fœdere inæquali plus est dubii; inprimis distinguendum, utrum onus transitorium, an permanens, alterutri imponatur. (g)

8. Nam si qua præstatio, ratione sumptuum belli, redimendæve injuriæ, uni præ altero injungatur, id palam est, non officere juri Majestatis. (h)

9. Observandum est etiam, pos-  
C sc

(a) d. lib. I. Sect. III. cap. III. §. 1.  
(b) ibid. §. 5. (c) ibid. §. 6. (d) ibid. §. 7.

(e) ibid. §. 8. (f) ibid. §. 14. (g) ibid. §. 21. (h) ibid. §. 22.

se fieri, ut tales socii certo respectu se habeant ad instar *unius civitatis*; scilicet, in ejusmodi ditionibus, quas jure belli communiter partas per commune concilium regunt. (i)

10. Quin etiam *cogi*, & *plecti* potest socia civitas, quæ legibus fœderis satis non faciat; quæ res adeo non tollit jus summæ potestatis, ut ne quidem fœdus inæquale constituat. (k)

11. Quin etiam, qui bello victus cogitur victori solvere annum *tributum*, etsi perpetuum; is eâ re non amittit summam pote-

stamen: quia pecuniaria præstatio non impedit, quo minus is, qui tributum solvit, omnia imperandi acta libere in subiectos exerceat, neque defunt illustria præsentis & aliorum temporum exempla. (l)

12. Eâdem ratione dicendum, ne quidem *feudalia* Imperia, etsi habeant quem dominum appellent, cui servitia præstent, minime tamen jus summæ potestatis hoc ipso desinere habere; modo qui subditi sunt vassallo, jus provocandi ad dominum non habeant. (m)

(i) *Ibid.* §. 31. (k) *Ibid.* §. 36.

(l) *Ibid.* §. 40. (m) *Ibid.* §. 41.

## CAPUT IX.

### *De fundamento imminuendæ Majestatis, seu Summæ Potestatis.*

**P**robavimus pridem, in *Democratia* minorem populi partem non obligari ad patiendum illa duo extrema, quæ excepimus. c. II. §. 38. (a)

2. Verum in *Monarchiis* præsertim conspicuæ sunt leges, quibus principis potestati subinde non nihil eximatur. (b)

3. Nam in *Monarchiâ*, Imperantes ex pacto subditis fieri posse quodammodo obnoxios, ratio clarior, quam in *democratia*, docere potest. (c)

4. Nam in *populo universo* partes, fœdus contrahentes, in eodem ipso populo, penes quem est imperium, sunt quærendæ. (d)

5. At

(a) d. lib. I. Sect. III. cap. IV. §. 2. (b) d. I. §. 8.

(c) d. I. §. 13. (d) d. I. §. 14.



5. At in *regno*, pars una contrahentium è subjectis constat; alteram Imperans ipse constituit, ut apud Epirotas Reges jurabant ἀντι μὴ ἀρξέειν κατὰ τῆς νόμου, ἰκέειν δὲ τὴ βασιλείαν διαφυλάξαι κατὰ τῆς νόμου, se juxta leges recturos; *populus* autem, se Regi juxta leges dicto audientes futuros. (e)

6. Sed *Hobbes* negat, subjectos ut unum quid posse considerari, ideoque ex pacto jus quod est personale habere non posse; non sunt unum, ait, quamdiu sunt congregati; multo minus, postquam dissoluti, quilibet ad sua dilapsi sunt; maxime, si nullum tempus, quo cives rursus conveniant, sit constitutum; sicut in *Angliâ* fit, ad quam ille tantum & ubique alludit. (f)

7. Sed ratio non valet ad probandum, quod *populus* nullo modo faciat unitatem; quippe delatio Imperii à populo in Regem fit uno actu. Nec enim à singulis ullus, opinor, Rex unquam immediate fidem accepit. (g)

8. Populi decretum *Lex* appellatur. Legem nihil esse aliud quam communem Reipubl. spon- sionem, ὁμολογίαν κοινὴν πόλεως, sædus universale, dixere sapientes, l. 1. §. 2. π. de legib. ubi *Demosthenes*. (h)

9. Qui vult, qui decernit, qui agit, qui jus transfert, numquid ille jus acquirere non possit? qui totum uno actu à sese alienat, an ille, quominus partem retineat, si res, de qua agitur, recipiat divisionem, impediri posset? (i)

10. Quid, si nunquam *populus* in unum conveniat, sed per oppida, territoria, per pagos dispersus Imperantes constituat, ut apud nos annui Imperantes eliguntur? nihilominus unum esse eum, ac jus personæ habere, statuendum est. (k)

11. Cum enim ex plurium consensu ubique concludatur, & omnium conclusiones in unum conjungantur, juris ratio nihil ex situ locorum mutatur. (l)

12. Quin etsi *populus*, post leges imperii dictas, resolute disfluxerit, adhuc tamen jus, quod in constitutione imperii populo quaesitum est, durare suoque effectu non carere putamus. (m)

13. Quamvis enim *populus* non sit uno loco congregatus, manet tamen communione juris & sæderis sociata multitudo, à quo nihil vetat aliquid juris retineri. (n)

14. Cui accedit, quod pactio- nes illæ, quibus imperium fuit limitatum, contractæ sunt in eum casum,

C 2

sum,

(e) d. l. §. 15. (f) d. l. §. 16. (g) d. l. §. 18. (h) d. l. §. 24.

(i) d. l. §. 25. (k) d. l. §. 27. (l) d. l. §. 28. (m) d. l. §. 30. & 33. (n) d. l. §. 35.

sum, ut conventu populi dissolutum, in regimine exercendo usum effectumque haberent. (o)

15. Id evidentius illustratur ex specimine *Democratia*, nam in popularibus imperiis, post habitum de publicis negotiis conventum, omnes dilabuntur; administratio rerum magistratibus commissâ, quibus nemo ex universo populo in iis, de quibus imperium habent, parere non debet. (p)

16. Quod si Imperium totum in eo statu retineant, nihil est causâ, quare non æque partem, salvâ juris ratione, servare possint. (q)

17. Verum instatur adhuc: obli-gatio extinguitur, ubi persona cui debetur, deficit; ubi nemo est, qui exerceat jus, partesque exigendi occupet: atqui tum evenit, quando populus stabilito Imperio dissolvitur, absque certo ordine redeundi in unum; neque enim singulis, vel paucis, facultas resistendi Imperio summo, sine summa confusione, permitti potest. (r)

18. *Responsi* loco exemplum proponemus: Populus Romanus Decemviris summam Reipubl. potestatem ad annum dederat, legum ferendarum causâ, sicut narrat Pomponius in l. 2. §. 24. ff. d. O. I.

Quæro, cum potestatem sibi pro-garent, ut ipsi, & factio sua, perpetuo Rempublicam occupatam retinerent; an tunc jure populus ei se opposuerit. Nulli, opinor, id dubium est; atqui populus erat separatus, nemo præter Decemviros imperium, nemo jus populi convocandi habebat. Exercuit tamen plebs tota suum jus, & statum Reipubl. amissum recuperavit. (s)

19. Ex his facile apparet, quam falsum sit, quod tradit *Hobbes* in d. cap. 6. §. 17. sub fin. populo sine tempore locoque repetendi conventus digresso, si interea temporis det alicui potestatem puniendi eos, qui leges transgrediuntur, eam necessario esse absolutam; ut vel ex *democraticis*, quæ modo adduximus, exemplis perspicue patet. (t)

20. Plane & *Grotius*, summæ potestatis acerrimus vindex, haud secus docet, quam Principem, partes Imperii non datas sibi vindicantem, hactenus privatum esse, nec cives ei ad obsequium esse obstrictos. (v)

21. Acquiescamus igitur in hac *adversæ Hobbesianæ*: Populum esse unum quid, eique jus aliquod recte adscribi, quamvis nec congregatus

(o) d. l. §. 36. (p) d. l. §. 39. (q) d. l. §. 41. (r) d. l. §. 45.

(s) d. l. §. 51. (t) d. l. §. 53 (v) d. l. §. 60.

# INSTITUTIONIS REIPUBLICÆ 21

gatus sit, neque sciat tempus futuri conventus. (x)

22. Instat Hobbes: *Si potestas Imperantium limitatur, necesse est, ut id fiat à majori potestate. Hac vel sine limite est, vel iterum cobibetur ab aliâ majore. Et sic, tandem ad potestatem sine limite devenietur.* (y)

23. *Respondeo:* limitationem aut arcesimus à conventionem singulorum, per quam Civitas fundata est, ita ut limitatio præcesserit Rempublicam; aut si populus jam, pridem coactus in civitatem, imperium transtulerit, limitatio est ab illo populo, qui fuit major potestas, quam tunc erat is, cui imperium offerebant. Quem li-

mitem si Rex manifesto egredietur, eatenus non est Rex. (z)

24. Hinc liquet, non esse necesse, ut progrediamur ad ejusmodi potestatem in republ. infinitam, qualem sibi fingit Hobbes; siquidem causa limitans extra ordinem Reip. collocari potest ac debet. (aa)

25. Addamus exemplum: Rex constitutus est hac lege initio dictâ, *ne jus habeat indicendi tributa, nisi maximo populi comitio.* Hujusmodi Rex habet vere summam potestatem, sed non integram. Si tributa solus indicat, imperium ejus hac parte est ipso jure nullum, nec quisquam ei hæcenus parere debet. (bb)

(x) d. l. §. 68. (y) d. l. §. 78.

(z) d. l. §. 79. (aa) d. l. §. 81. (bb) d. l. §. 82.

## CAPUT X.

### *De Legibus Fundamentalibus.*

**P**incipem legibus esse solutum, est regula Juris Romani, l. 31. *π. d. legibus*; quatenus habent *δύναμιν ἀναγκαστικήν*, vim coactivam scilicet. (a)

2. Qui enim cogi potest, is vel superiorem, vel parem dun-

taxat, habeat oportet. Quorum neutrum de Principe simpliciter constituto prædicare licet, ut vox ipsa *summæ potestatis* loquitur. (b)

3. Nequidem excepimus leges Imperii *fundamentales*, quibus aliqui Principes teneri volunt.

C 3

Non

(a) d. lib. I. Sect. III. cap. V. §. 1. § 99.

(b) *Ibid.* §. 10.

Non quod hoc negemus, sed quia in Principatu simpliciter constituto nullæ præsumi possunt. (c)

4. Nihil audimus jactari frequentius, nihil videmus intelligi rarius, quam *leges fundamentales*, ut non immerito alicubi notat *Hobbes in Leviathane*, c. (d)

5. Ut sciamus quæ sint, præmittemus, *fundamenti* verbum id significare, quo tota structura nititur, & quod primo omnium ponitur, ut cuius suapte planum est. (e)

6. Leges igitur fundamentales erunt proprie *Constitutiones*, quæ in fundando Imperio, ante plenam ejus translationem stabiliuntur, ut juxta eas *Respublica* exerceatur. (f)

7. Jus habere populum tales statuendi, copiose demonstratum est in cap. præced. etiam Imperantes illis teneri, jam dubio caret. (g)

8. Tollant autem, vel minuant, *leges fundamentales* summam potestatem, an *arctius* duntaxat faciant ejus exercitium, ex qualitate sententiæque singularum est colligendum. (h)

9. Tollitur, si constitutum sit, ut nihil possit in *juribus imperandi maximis*, sine assensu senatus, vel ordinum populi. (i)

10. Species illa quidem est *societatis*, sed qui socium, is habet parem. Qui habet parem, ille summus esse desinit. (k)

11. Quod si de certis illud capitibus statutum fuerit, tum non tolli, sed minui summam potestatem dicendum est. (l)

12. Non ratio contingit, Imperium Uni vel paucis sub hac conditione deferri, ut salvæ sint *leges fundamentales*, nec tamen ullæ conditiones exprimantur, cujus rei vel hæc *Frisia* dare possit exemplum. (m)

13. Talis adjectio fit, vel quando *Respublica* noviter fundatur, vel in civitate jam pridem constituta; si talia verba usurpentur in *fundatione* novæ civitatis, vix quicquam efficacæ in illis esse videtur; nec enim apparet, quo pacto id genus adjectionis effectum habere queat, proinde nullius momenti, & ab initio, & in futurum esse oportet. (n)

14. Si quis tamen eo casu vim aliquam hisce verbis inesse velit, is per *leges fundamentales* intelligere posset ea, quæ in omnibus imperiis voluntariis supra diximus esse tacite excepta, c. II. §. 38. (o)

15. Verum si pridem constituta ci-

(c) *Ibid.* §. 4. & 5. (d) *Ibid.* §. 12. (e) *Ibid.* §. 20. (f) *Ibid.* §. 21. (g) *Ibid.* §. 22. (h) *Ibid.* §. 23. (i) *Ibid.* §. 24.

(k) *Ibid.* §. 25. (l) *Ibid.* §. 27. (m) *Ibid.* §. 35. (n) *Ibid.* §. 36. (o) *Ibid.* §. 38.

civitas, novum alicui deferens imperium, ita stipuletur, quod crebrius accidit, non perinde nulla ac inutilis promissio videbitur. (p)

16. Intelligentur enim ea fundamenta civitatis, quæ tunc sunt, integra & immota relictum iri. (q)

17. Item eas leges, quæ prioribus Imperantibus, aut expresse impositæ, aut sine controversiâ observatæ fuerunt. (r)

18. Partes civitatis *integrantes*, ut ita loquar, non *ministrantes*, eaque collegia, quæ exercitium subordinatum habent jurium Majestatis, fore inconcussa. (s)

16. Conventus ordinum, populi, magistratuum in urbibus, jurisdictionum in agris, minime submotum iri. (t)

20. Existimamus porro & eas leges, quæ firmato pridem Imperio, per modum solennis conventionis, inter imperantes & subiectos legitimè stabilitæ sunt, hac mente, ut pro *fundamentalibus* habeantur, utrimque esse obligatorias. (v)

21. Denique eandem vim habere putamus instituta Reipublicæ, ad summam Imperii, & jura Ordinum spectantia, quæ lon-

go usu, tacitoque consensu Imperantium & subiectorum, indubitato recepta sint. (x)

22. At cavendum, ne *privilegia*, quibusdam civibus, aut Reipubl. membris, liberaliter & ex gratiâ principum indulta, cum legibus Reipubl. fundamentalibus confundantur; si quidem in his nulla conventio vim obligationis utrimque firmat, ideoque solo honestatis, nullo necessitatis vinculo, largitorem obstringunt. (y)

23. Quare monitos velim eos, qui de justitia armorum nostratum adversus *Hispanos* loquuntur, ne meritum causæ in violatione *privilegiorum*, ut loqui amant, statuere velint. (z)

24. Nisi enim leges fundamentales *palam violatas* docere queamus, solâ possessione libertatis contenti esse deberemus. (aa)

25. Cæterum, conventiones non cum toto populo, verum certis hominum ordinibus initæ, minimè pro fundamentalibus habendæ sunt; at hic articulus pertinet ad Caput de *promissis summorum potestatum*, de quibus *inferius*, cap. 24. (bb)

26. Obligatio, quæ ex fundamentalibus oritur legibus, haud alia

(p) *Ibid.* §. 39. (q) *Ibid.* §. 40. (r) *Ibid.* §. 41. (s) *Ibid.* §. 42. (t) *Ibid.* §. 43. (v) *Ibid.* §. 54.

(x) *Ibid.* §. 56. (y) *Ibid.* §. 61. (z) *Ibid.* §. 63. (aa) *Ibid.* §. 64. (bb) *Ibid.* §. 69.

alia esse potest quam *naturalis*; siquidem in eos, qui habent summam potestatem, vis civilium sanctionum intendi non potest, quoniam hæ ab *summâ potestate subiectis præscribuntur*. In nostra autem specie duo contrahentes, hæcenus pares, intelliguntur. (cc)

27. Sed *naturalis obligatio est duplex*, una *efficax*, altera *inefficax*; *Prior*, quæ non modo debitorem promissoreque tenet, sed etiam creditori, seu stipulatori, jus exigendi exequendique tribuit; & talis oritur etiam ex legibus hujusmodi fundamentalibus, inter Regem populumque sancitis. (dd)

28. *Obligatio inefficax*, oritur è privilegiis & promissionibus, à summâ potestate factis & indultis; nam tales, etsi juratae, non dant exigendi exequendique jus iis, quibus aliquid concessum vel promissum est, exemplo servo-

rum, liberorum, & uxorum, adversus dominos, patres, maritos. (cc)

29. Ejusdem generis sunt etiam *Pacta generalia* cum regnantibus, aut regnaturis; quæ nihil quam officium boni Rectoris exprimunt; leges, quæ fundamentales appellantur, debent esse *speciales*, & nominatim aliquid derogare de juribus Majestatis. (ff)

30. Quando autem ejusmodi sunt leges fundamentales, quæ *communicationem summæ potestatis* in quibusdam duntaxat juribus inferunt, tum Imperantes non desinunt habere summam potestatem. (gg)

31. Nam etsi populo jus ex iis legibus quæsitum affirmamus, non ideo superiorem principem constituimus. Possunt enim actus esse nulli *ipso jure*, ad quod superior alius non requiritur. (hh)

(cc) *Ibid.* §. 70. (dd) *Ibid.* §. 71. fgg.

(ee) *Ibid.* §. 73. (ff) *Ibid.* §. 74. (gg) *Ibid.* §. 79. (hh) *Ibid.* §. 80.

## C A P. X I.

### *De Juribus Majestatis majoribus.*

**J**URA POTESTATIS, id est, summæ potestatis, vulgo non male in *majora & minora* dividuntur: ab illis incipiemus. (a)

2. Prin-

(a) *Auctor in Op. Mai. lib. I. sect. III. cap. VI. §. 3.*

2. Principio certum est, sine gladii potestate nullam haberi posse Rempublicam. (b)

3. Unde duplex jus Majestatis oritur. Primum vitæ ac necis, alterum jus belli. (c)

4. A priore discrepat Merum Imperium: quod est jus animadverendi in facinorosos, jure Magistratus, quod est ministerium summæ potestatis, competens. (d)

5. Sed huic imperio non adest facultas dandi veniam reis, aut damnatis; quod sub jure vitæ necisque omnino continetur. (e)

6. Porro ad jus vitæ necisque refertur constitutio locorum asylo- rum, quibus supplices contra vim privatam publicamque proteguntur. (f)

7. Altera pars juris gladii adversus vim externam comparata est. (g)

8. Cum enim universæ Civitatis motum & discrimen hæc res contineat, clarum est, non posse id ab alio quam à tota Civitate, hoc est, eo qui jus totius habet, exerceri. Quod omnium populorum juriisque consensu maximo traditur. (h)

9. Cujus est bellum decernere, ejusdem est sine dubio, pactio-

nes, quibus bellum finitur, id est, pacem contrahere. (i)

10. Paci adsimulantur fœdera, quæ sunt reliquæ conventiones diversorum populorum, principumve inter sese. (k)

11. Hinc oritur differentia inter sponsiones & fœdera, quorum illæ sunt conventiones, absque mandato, initæ à ministris summæ potestatis, de rebus ad ipsam pertinentibus, qualis Caudina pax, & sponsio Lutatiana, quas ideo populus ratas non habuit. Liv. lib. 9. à pr. Polyb. lib. 3. cap. 5. (l)

12. Hisce cohæret jus mittendi legatos, quorum ministerio fœdera contrahuntur, quales cum hoc effectu, ut jure Gentium sancti habeantur, nullis quam qui vere habent Majestatem, mittere licet. (m)

13. Atque hæc ad defensionem civitatis spectant, quo etiam pertinet jus tributa, & vectigalia exigendi, quod multi inter minora Majestatis jura referunt. (n)

14. Adeo perperam, ut nullum in omni Republ. pluris faciendum sit; nec aliud manifestius æκτι- ειν absolutæ potestatis habeatur. (o)

D

15. Sunt

(b) d. l. § 4. (c) d. l. §. 5. (d) d. l. § 6  
(e) d. l. §. 7. (f) d. l. §. 15. (g) d. l. §. 17.  
(h) d. l. §. 19.

(i) d. l. § 21. (k) d. l. §. 25. (l) d. l. §. 27. (m) d. l. §. 28. (n) d. l. §. 30.  
(o) d. l. n. 31.

15. Sunt qui dicunt: *nulli principum in terris licere ab invitis civibus exigere pecunias.* (p)

16. Habent hanc hypothefin, quod *proprietas bonorum in Civilibus Imperiis relicta fit privatis, verum & Civitati aliquod dominium in bonâ civium tribuitur, quod non abſurde dominium emi-nens vocatur.* Cujus hæc vis eſt, *ut ad Imperantes* (verba Senecæ) *potestas omnium, ad ſingulos proprietas pertineat.* Seneca lib. 7. de benefic. c. 4. (q)

17. Idque merito in numero jurium Majestatis collocatur; fundamentum habens in *consensu eorum, qui conſtituunt civitatem, & à nemine quam ab eo, qui ſummum habet imperium, poteſt excerci.* (r)

18. In quem ſinguli *ex pacto cum ſingulis* inito hoc jus tranſtulerunt, ut omnium atque ſingulorum rebus pro communi bono *invitis etiam ſingulis*, uteretur. (s)

19. Sic tamen ut Reſpublica, cum primum poterit, ad *reſtituendum* plerumque teneatur. (t)

20. Quia certum eſt, populum quam minimo ſingulorum damno illud eminens dominum fundare voluiſſe. (v)

21. Denique ex hac ratione defenduntur innumeræ leges, quæ duritiem & iniquitatem *contra ſingulos utilitate publicâ rependunt.* (x)

22. Fuerunt jura, quæ ad tutelam Civitatis pertinent, aut illuc referuntur. Sequuntur, quæ ad *internam adminiſtrationem* requiruntur. (y)

23. Tale omnium primo jus eſt *legum condendarum.* Quibus cum tota Reipubl. conformatio inſit, palam eſt, à nullo quam qui habet ſummam poteſtatem eas poſſe proficiſci. (z)

24. Non igitur plebes olim Romæ, non Senatus, non Prætores, non JCI, auctores *legum* eſſe potuerunt. (aa)

25. Niſi quatenus ſumma poteſtas vim obligandi illis addere voluit, ut factum in *plebiſcitis* lege Hortenſiâ, in *Senatus Conſultis* à principibus Romanis, *Dixi lib. 1. Digreſſ. cap. 2. & 3.* (bb)

26. *Municipia* quoque, id eſt, Civitates majori ſubjectæ imperio, nihil contra jus commune illius Imperii ſtatuerè poſſunt. (cc)

27. Niſi *conſenſu ſummæ poteſtatis*, atque ita, ut ejus voluntate ſemper abrogari poſſit. l. 9.

π. ad

(p) d. l. §. 35. (q) d. l. §. 36. (r) d. l. §. 39. (s) d. l. §. 42. (t) d. l. §. 44. (v) d. l. §. 45.

(x) d. l. §. 47. (y) d. l. §. 54. (z) d. l. §. 55. (aa) d. l. §. 56. (bb) d. l. §. 58. (cc) d. l. §. 59.



π. ad L. Rhod. l. 3. §. 5. π. de *se-  
pulchr. viol.* (dd)

28. Sed jura provinciarum, quæ  
superiorem non agnoscunt, etsi  
*municipalia* sæpius nuncupentur,  
vere tamen sunt leges. (ee)

29. *Legislatoria potestas* jus quo-  
que leges mutandi continet, nisi  
sint fundamentales. *Æquitas* eti-  
am illa, quæ est *mitigatio juris*  
*scripti*, *legum sanctionibus contraria*,  
soliis est Majestatis; quia vim con-  
tinet mutandi l. 1. C. de *Legib.* (ff)

30. Legum Ministri sunt *Ma-  
gistratus*, per quos cum universus  
Reipubl. ordo exerceatur, non  
possunt aliunde Magistratus, quam  
à summa potestate proficisci. (gg)

31. *Judicia* pertinent quidem  
maxime ad jus privatum. Sed  
constitutio & ordinatio illorum  
sine dubio est juris publici, ac  
Majestatis. (hh)

32. Etsi vero pleraque judicia  
per *judices* ut ministros summæ po-  
testatis expediantur, *summa ta-*

(dd) d. l. §. 60. (ee) d. l. §. 61. (ff) d.  
l. §. 65. (gg) d. l. §. 69. (hh) d. l. §. 74.

men *provocatio* salva semper est ad  
illam; sive appellandi, seu sup-  
plicationis, vel revisionis, aliove  
titulo. (ii)

33. Item, jus *avocandi* certas  
causas ad cognitionem Principis;  
quo quidem rarius utuntur boni  
Principes, separari tamen peni-  
tus à summâ potestate nequit. (kk)

34. Denique jus *Comitia* indi-  
cendi, solvendique, est in *monar-  
chid* jus Majestatis. (ll)

35. In *plurium Imperio* jus co-  
mitia indicendi summæ potesta-  
tis esse nequit; quoniam ibi in  
comitiis ipsa potestas summa resi-  
det. (mm)

36. Ideoque nil ibi quam *mi-  
nisterium* est; etsi per artes politi-  
cas fiat *magisterium*; At de his  
non agimus. (nn)

37. Quæ plura de hisce juri-  
bus, eorumque œconomia, di-  
cenda sunt, ad partem operis ul-  
timam reservantur, *Secl. III.* (oo)

(ii) d. l. §. 76. (kk) d. l. §. 77. (ll) d.  
l. §. 78. (mm) d. l. §. 80. (nn) d. l. §.  
81. (oo) d. l. §. 82.

## C A P. X I I.

### De Juribus Majestatis Minoribus.

**M**Inora Majestatis jura ita dif-  
pertimur, ut vel ad *potesta-* tem, aut ad *utilitatem* Imperanti-  
um spectent. (a)

D 2

2. Quæ

(a) *Auctor in Op. Mai. lib. 1. Secl. III. cap. VII. §. 1.*

2. Quæ prioris sunt generis, ea vel in conferendis *bonoribus*, juribusque publicis, aut in privatis dispositionibus consistunt. (b)

3. Ad primam classem referamus primo, jus creandi *Magistratus minores*, qui per oppida & agros juri dicundo præsent, item Jus creandi Patricios, *Nobiles*, *Equitestque*. (c)

4. Largiri facultatem *docendi Artes* studiorum, publicæque exercendi, id ubique etiam summæ potestatis habetur: atque hoc respectu jus condendi *Academias* huic numero adjicimus. (d)

5. Præterea homines constituere, qui *legitimare* natos contra præcepta legum, & creare *Tabelliones*, aliaque jussu summæ potestatis facere possint, quales in Germania *Palatini Comites* dicuntur, id haud dubiè Majestatis est. (e)

6. Nec ideo tamen minus ipsum jus ordinandi *scribas*, quorum fide instrumenta pro publicis à populo judicibusque habeantur (*Notarios* vocant) ad potestatem summam referri debet. (f)

7. Denique & ad hunc ordinem pertinet jus constituendi ce-

lebriores mercatus, quos *Nundinas* vocamus. (g)

8. Sed *minores* peculiaresque *nundinas* nihil vetat à Magistratibus ordinari. (h)

9. Ex eadem ratione constat, jus indicendi *ferias*, quibus judicia intermittantur, esse Majestatis. (i)

10. Sequuntur ea, quorum effectus in *dispositionibus* inter privatos locum habentibus consistit. (k)

11. Proinde iis, qui extra matrimonium sunt nati, jus dare *legitimorum*, id cum excedat manifestos ordinariæ jurisdictionis terminos, pertinet ad Majestatem. (l)

12. Similiter jus restituendi *natalibus*, aureosve donandi annulos, quibus libertini homines fiebant ingenui, priscis Romanis pro jure Majestatis habebatur. (m)

13. Eos, qui *infamia* sunt notati, causis non redditis, integræ existimationi restituere, id etiam Principis opus est. (n)

14. Præterea adolescentes potestati curatorum subtrahere, *venidique ætatis* data rebus suis ante tempus lege constitutum præficere, hoc est supra ministerium legum, adeoque Majestatis, l. 1. §. 9. *π. de*

(b) *Ibid.* §. 3. (c) *Ibid.* §. 4. (d) *Ibid.* §. 9. sq. (e) *Ibid.* §. 13. (f) *Ibid.* §. 14.

(g) *Ibid.* §. 16. (h) *Ibid.* §. 18. (i) *Ibid.* §. 20. (k) *Ibid.* §. 21. (l) *Ibid.* §. 23. (m) *Ibid.* §. 25. (n) *Ibid.* §. 26.

*de Minor. t. t. C. de His qui ven. at. impetr. (o)*

15. Eodem pertinet, concedere alicui, ut sine solennibus *testamentum* condat actumve alium præter legis præscriptum celebret, quod utique legum ministri permittere non possunt. (p)

16. Huc etiam pertinet potestas debitoribus *inducias* dando *mortatorias*, quinquennales, aut non multo longiores, aliasve dilatorias exceptiones, non peremptorias; nec quicquam aliud, quo vires principalis negotii exhauriantur, ut sapienter rescripsit Imp. Constantinus, in l. 2. C. de *Precib. Imp. off. (q)*

17. Item iudicis sui jurisdictioni aliquem eximere, *judicesque dare extraordinarios*, id manifeste summi Imperii est. Quemadmodum & bona fidei commissio subiecta hoc onere liberare. (r)

18. Denique, *res immobiles* pupillorum æque ac minorum permittere alienari citra causam necessitatis, posito quod hoc Lege prohibitum sit, est etiam Majestatis. Reliqua ex his dijudicari possunt. (s)

19. Superest, ut ea quæ ad *utilitatem* Imperantium pertinent,

breviter videamus. Inter quæ primo loco jus *monetæ* cudendæ merito refertur. (t)

20. Jus *publicandi* bona damnatorum, eaque in fiscum, vel *æarium* condendi, sine dubio est Majestatis. Quia nec *fiscum* habere dicitur quam qui universæ Reip. præest, ideoque id inter *Regalia* est, l. 10. ff. *Ad municip. (v)*

21. Idem de *multis*, pœnarumque compendiis, tametsi hæc non raro Magistratibus minoribus applicentur. sed lucra successione, quæ ut *indignis* auferuntur, in solum fiscum rediguntur, tam jure Romano, quam moribus Gentium. (x)

22. Præterea pleræque nationes suis principibus ea, quæ *nulius* erant privati, concesserunt. (y)

23. Talia sunt *bona vacantia*, quæ dicuntur, eorum qui sine herede decesserunt. (z)

24. Agri inculti aut deserti, omniaque pro derelictis habita, inter quæ *thesauri* pro parte, vel toti. (aa)

25. Denique *feræ bestię*, volucres, pisces omniaque animalia, quæ cælo, quæ mari, atque terræ continentur. (bb)

26. Secundum hæc ad Principem

(o) *Ibid.* §. 28. (p) *Ibid.* §. 29. (q) *Ibid.* §. 33. (r) *Ibid.* §. eod. seqq. (s) *Ibid.* §. 36.

(t) *Ibid.* §. 38. (v) *Ibid.* §. 40. (x) *Ibid.* §. 41. (y) *Ibid.* §. 42. (z) *Ibid.* §. 44. (aa) *Ibid.* §. 45. (bb) *Ibid.* §. 46.

pem pertinent *argenti & auri venæ*, terræ visceribus reconditæ, quæ etiam sua natura nullius in dominio sunt, nec non redditus *salinarum* (cc)

27. Denique, per Europam ita frequenter obtinet, ut *bona naufragorum* ejecta ad littora, cujusque Principis fisco, tota vel pro parte, acquirantur. vide tamen l. 1. C. de Naufrag. (dd)

28. Denique, ad hanc classem jurium Majestatis referuntur etiam modica *vestigalia*. (ee)

29. Qualia à *feudorum* interpretibus telonea seu gabellæ, portoria vel portuaria, & ripatica dicuntur. (ff)

30. Sed viæ publicæ, quas & *Regias* vocant, *portus, flumina* publica, non tantum huc spectant,

quod attinet ad *vestigalia*, quæ ibi colliguntur; sed etiam quia protectione, supremoque dominio, ad Principem pertinent. (gg)

31. Memorant & *Angarias* & *Parangarias*, tum plaustrorum, naviumque præstationes, ad transvehendos milites, arma, sarcinas, impedimenta exercituum, aliaque onera portanda. (hh)

32. Hæc & si qua sunt alia, fere sunt ea, quæ vulgò *Regalia*, voce strictius sumptâ, appellantur, in constitutione Friderici de Regalibus, lib. 2. feud. tit. 56. (ii)

33. Tamen & *Armandiæ*, & jus muniendi, & jus *Repressaliarum* ad hunc ordinem referri possunt. Quæ quid sint, *infra* videbimus, cap. seq. (kk)

(cc) *Ibid.* §. 50. (dd) *Ibid.* §. 51. (ee) *Ibid.* §. 59. (ff) *Ibid.* §. 60.

(gg) *Ibid.* §. 16. (hh) *Ibid.* §. 62. (ii) *Ibid.* §. 64. (kk) *Ibid.* §. 65. seqq.

## C A P. XIII.

### De Alienatione & Exercitio jurium Majestatis.

Jura Majestatis vulgò dicuntur *incommunicabilia*; salvâ videlicet potestate summâ. Multò fortius dicendum, quod in totum aliena-

ri nequeant, tametsi exercitium aliis committi possit. (a)

2. Sed *majora* ne quidem exercitio tenus in totum aliis committi

(a) *Vid. Auctor in Op. Mai. lib. 1. Sect. III. cap. VIII. §. 1.*

ti solent, quin semper, quod est ultimum in illis, sibi reservet Princeps, aut quicunque habet Majestatem. (b)

3. Sed qui magna illa jura sic *exercitio* tota habent, ut revocari nequeant, illi magis proprietatem & jus summum habere intelliguntur. (c)

4. Tales sunt, quibus in feudum jura majora conceduntur. Nam & *vasallis* rectè tribui summam potestatem jam pridem diximus. (d)

5. Exemplum non modò præbet Rex *Neapolitanus*, qui à Pontifice jura Majestatis accipit, sed & Principes, ut videtur, *Imperii Germanici*. (e)

6. Si qua *concurrentia* dentur *Imperia*, quibus duo vel plures in una ditione pro indiviso imperent, quos vocant *condominos*, ea est species *πολυκοινοβίας*, quæ à nobis suo loco explicabitur. (f)

7. Sed in *simplicibus*, quæ unum corpus animæque repræsentant, civitatibus, *Magistratus* nihil est aliud quam minister summæ potestatis, ut nullius juris sibi commissi, vel proprietatem, vel exercitium habeat *independentèr*. (g)

8. Ita *Magistratibus*, Curiisque

merum Imperium, sive potestas gladii, ad animadvertendum in facinorosos, permitti potest ac solet. (h)

9. At semper potestas summa, si velit, habet jus *avocandi* causas, vel *ignoscendi* damnatis, adeoque retinet jus vitæ & necis, quod transferre, salvâ quidem se ipsâ, hoc est, summâ potestate illâ, non potest. (i)

10. *Belli jus* in externos rarò ulla ex parte Magistratibus committitur; nisi res moram consulendi summam potestatem non patiat, & periculum evidens subitis armis occupari possit; ut fecit *L. Pinarius Ennæ* in Sicilia, apud *Livium. lib. 24. cap. 37.* (k)

11. Ergo nec *repressalia*, ab iis qui passi sunt injuriam licet gravissimam, injussu summæ potestatis exerceri debent, siquidem hæ non modo præludia belli, sed & ipsæ bella esse videntur. (l)

12. Porro, jus *fœdera* pacemque ineundi, & *tributa* exigendi, dominiique eminentis, nec non *leges* ferendi, creandique Magistratus majores, cum subordinatis potestatibus nunquam per omnia communicantur. (m)

13. Hinc civitates municipales  
statu-

(b) d. l. §. 11. (c) d. l. §. 17. (d) d. l. §. 19. (e) d. l. §. 20. (f) d. l. §. 27. (g) d. l. §. 29.

(h) d. l. §. 31. (i) d. l. §. 32. (k) d. l. §. 37. (l) d. l. §. 41. (m) d. l. §. 43.

*statuta* quidem faciunt, leges vero nequaquam ab his, & ab omnibus qui summâ potestate destituntur, condi possunt. (n)

14. A talibus etiam Magistratus minores facile, non perinde majores constitui solent. Aut si fiat, ea potestas semper revocabilis est. (o)

15. Quid de facultate res *judicandi* statuemus? Hæc facilius videri posset in Magistratus Curiasque sæpe tota transferri. (p)

16. Sed tenendum, quod potestas *creandi judices supremos* semper maneat penes Summam Potestatem; nec usquam sit, ut Princeps omnino se exuat potestate res *judicandas* *avocandi*; Magistratus vel *judices* nunquam debent esse *arbitrarii*, ut loquitur Mæcenas *orat. ad Aug. apud Dion. lib. 52. p. 477.* (q)

17. Quod autem attinet ad *minora* Majestatis jura, quominus pleraque eorum irrevocabiliter, aut in perpetuum, cum inferioribus potestatibus communicantur, ratio juris non obstat. (r)

18. Sunt tamen ex illis, quæ difficulter, aut nullo modo communicantur. Qualia quæ majoribus coherant, aut affinia sunt, ut

de *repressalis* dictum, & de his; quæ ad *judiciorum* ordinem mutandum pertinent. (s)

19. Jus quoque *majora nobilitatis* insignia largiendi, nec non *fiscum* habendi, quæque similia sunt hujus naturæ. (t)

20. Sed aliquid ad *fiscum* pertinens facilius in totum alienari potest. (v)

21. Si princeps, aut summam potestatem habens, Legatum sive *Vicarium*, aut plures ejusmodi constituat, toto Imperio vel certis locis, neque diserte nominatimve dixerit, quænam ejus potestas futura sit; vel exprimat nonnulla, sed species generali clausula obfignet, quænam facultas ejusmodi mandato continebitur? (x)

22. Disponere potest de omnibus, quæ in *administratione* Reipubl. secundum ordinem lege constitutum assiduo occurrunt; distribuere functiones Reipubl. ordinarias & inferiores; majores ipsa Potestas Summa sibi reservat, ut dictum *suprà*, §. 1. *§. 2. b. c. (y)*

23. Porro *officium* ejus est, compellere omnes, ut legibus, ordineque antea constituto, districtè pareant. (z)

24. Sed in his, quæ excedunt modum

(n) *d. l. §. 46.* (o) *d. l. §. 47.* (p) *d. l. §. 52.* (q) *d. l. §. 53.* (r) *d. l. §. 55.*

(s) *d. l. §. 56.* (t) *d. l. §. 57.* (v) *d. l. §. 58.* (x) *d. l. §. 59.* (y) *d. l. §. 62. seqq.* (z) *d. l. §. 64.*

# INSTITUTIONIS REIPUBLICÆ 33

modum quotidianæ administrationis, nihil novi à Vicariis sine speciali mandato, vel magnâ necessitate, constitui potest. (aa)

25. Velut est remittere delin-

quentibus pœnam, *avocare causas* à judicibus ordinariis. (bb)

26. Exemplis abstinemus, inter explicandum daturi. (cc)

(aa) d. l. §. 65.

(bb) d. l. §. 66. (cc) d. l. §. 70.

## CAP. XIV.

### *De Præscriptione Jurium Majestatis.*

**D**E PRÆSCRIPTIONE omnium primò quæritur, habeatne locum respectu summæ potestatis. (a)

2. *Leges civiles* de usucapionibus, & præscriptionibus, heic non habere locum, Juris Publici ratio dictare videtur. (b)

3. Ratio Juris *Gentium* heic sola valet, secundum quam putamus, etiam in summi juribus Imperii locum esse præscriptioni, adeoque secundum Jus Gentium ea, quæ de Jure Civili forte proferemus, intellecta volumus. (c)

4. Semper autem adesse debet *requisitum* præscriptionis *fundamentale*, ut usus, ac quasi possessio illorum jurium, nomine proprio animoque sibi habendi, ab eo, qui in præscriptione se fundat, ha-

bita & exercita fuerit, secundum l. 2. C. de Præscript. 30. vel 40. ann. (d)

5. Quare nulli *Magistratus*, seu singuli, seu collegia Magistratum, vel judicum, quicquam juris hoc titulo adversus summam potestatem adferere sibi possunt. Quia clarum est, illos nihil agere quam nomine jussuque potestatis Supremæ, atque ut ejus Ministros. (e)

6. Hoc tamen non impedit, quominus contrà *multitudinem* subjectam jus illud præscriptionis, quod Magistratus longo usu acquisiverunt, vim suam obtineat, etsi nihil ejusmodi à summâ potestate habeant in mandatis. (f)

7. Ita se res habet respectu Magistratum: quæstio est, an *Rex*,  
E cui

(a) *Auctor in Op. Mai. lib. 1. Sect. III. cap. IX. §. 2.* (b) *Ibid. §. 4* (c) *Ibid. §. 6.*

(d) *Ibid. §. 7.* (e) *Ibid. §. 9.* (f) *Ibid. §. 12.*

cui Imperium non totum populus detulit, usu temporis integrum Imperium acquirere possit. (g)

8. Vicissim: an *Rex liber* & absolutus, quædam jura, usu contrario populi vel optimatum, amittere queat? Utrumque adfirmamus (h)

9. Quid autem, si quis Princeps legibus sit subjectus, qualem latini vere proprièque dicerent *Principem*, id est, *Primarium*; an is summam absolutamque potestatem præscriptione temporis acquirere possit? Arbitor adhuc, posse: quia nil vetat, eum inducere animum absoluti Imperantis, quod hæcenus sufficit. (i)

10. *Personæ*, de quibus hæc quæritur, sunt in terminis satis habilibus, ut præscriptio illis applicari queat; modo *justitia causæ*, qua omnis usucapio nititur, juri- bus summæ potestatis convenire videatur, de qua consequenter videndum. (k)

11. Fundamentum usucapionis & præscriptionis est *præsumpta derelictio*; aut negligentia domini, rem suam non requirentis, aut jus non exercentis. Quibus accedit ratio, in quâ maxima humani generis utilitas versitur, ut *causæ*

*litium* aliquo tandem fine terminentur, quâ de re pluribus egimus in *Prælect.* ad tit. *Inst. de usucapion.* Tu vide, sis, Grotium *lib. 2. cap. 4. de jur. B. & P.* (l)

12. Jam vero præsumptio *derelictionis* facile in populum, qui jura quædam in Imperio deferendo excepit, cadere posse videtur; vel ob tædium confusionis, quæ sæpe de conflictu principis ordinumque populi solet oriri; vel quia publicarum rerum administratio sæpius ex morâ, vel dissidio, non leve dispendium capit, ubi summa potestas communiter à diversis ordinibus exercetur. (m)

13. Præsumptio quoque *neglectus* in multitudine proclivis est; cum, quia nihil fit crebrius, quam ut *segniùs expediant commissæ negotia plures*; tum, quia singularis in promptu est, privatam principum gratiam mereri, & re publicâ proditâ subrepere ad honores, & commoda domestica. (n)

14. Denique, *tertia ratio* de utilitate finendarum litium nusquam validior, quam hæc videtur; siquidem nihil favorabilius est, quam litigia de jure Imperii aliquando finiri. (o)

15. Ne *bella civilia*, quibus nihil gravius, quæque nesciunt ali-

um

(g) *Ibid.* §. 16. (h) *Ibid.* §. 17. (i) *Ibid.* §. 22. (k) *Ibid.* §. 27.

(l) *Ibid.* §. 28. (m) *Ibid.* §. 29. (n) *Ibid.* §. 30. (o) *Ibid.* §. 31.



um uberiorem fontem, æterna ex immortalibus rixis fiant. vid. *Grot. d. cap. 4. §. 6. (p)*

16. Suffragatur experientia plurimum in Europâ Imperiorum, *Franciæ* nominatim, quod hodie perfectum *παυσανίας*, sive pleni liberique Regni specimen esse creditur. (q)

17. Cum tempore Hugonis Parisiensis, cujus præsentēs Reges stripsunt, haud multo adductius, quam nunc *Germania* regitur, sit gubernata, ut historia loquitur. (r)

18. Mutatio tam enormis alto nullo quam *præscriptionis* jure niti videtur, hoc est, populi procedurumque derelectione, mutuoque consensu, vel patientiâ manifestâ. (s)

19. Jam eadem rationes contra *Reges* ipsos, qui longo tempore quibusdam juribus haud liberè sunt usi, præsumi possunt. (t)

20. *Derelictio* inde, quod sæpe contingit, ut Principes non bellicosè intelligant & experiantur, invitis populi ordinibus ægerrime se rem publicam gerere posse: proinde, quod malint requirere consensum, quam cum perpetuis colluctari difficultatibus. (v)

21. *Neglectus*, etsi rarior, vel

ex socordia, quæ ferè magnam fortunam comitatur, venit, aut ex proposito Principum Heroicorum, quos id operam dedisse constat, ut scepra legibus submitterent, quod institutum fuisse legimus Servii Tullii Regis, Marci, Pertinacis, ac Ælii Trajani Cæsarium. (x)

22. *Metus bellorum* ex eadem causâ, quam modo in populo monstravimus, heic colligi potest; etiam vero metus ab æmulis & competitoribus sæpe dominantes subegit, ut remissius ac indulgentius cum populis agerent, atque agere perseverarent, quemadmodum *Angliæ* historiam legenti frequenter occurret post Gulielmum Conquæstorem. (y)

23. Cæterum, qui totum civitatis Imperium invito populo invadere, an & hi, & quo pacto longi temporis beneficio legitimum imperandi jus consequi possint, inferius videndum, cap. 23. (z)

24. Supereſt, quantum temporis ad implendam præscriptionem requiratur. Et quidem quod memoriam hominum excedit, sive id *centum annorum*, sive, ut verius videtur, non paulo minus sit, haud dubiè in omnem casum sufficit.

E 2

Quan-

(p) *Ibid.* §. 32. (q) *Ibid.* §. 33. (r) *Ibid.* §. 34. (s) *Ibid.* §. 35. (t) *Ibid.* §. 36. (v) *Ibid.* §. 37.

(x) *Ibid.* §. 38. (y) *Ibid.* §. 39. (z) *Ibid.* §. 47.

Quandoquidem longius pro conditione mortalitatis dari non potest. (aa)

25. Suffragantibus autem circumstantiis, quibus judicia voluntatis adfirmantur, non est dubium, quin & brevior annorum decursus satis haberi queat. Tu

vide, sis, *Grotium d. cap. 4. (bb)*

26. Sed quantumcunque sit spatium implendæ præscriptioni sufficiens, id esse debet *continuum*, alioqui interruptitur præscriptio, Jure non minus Gentium quam Civili. (cc)

(aa) *Ibid.* § 48.

(bb) *Ibid.* § 49. (cc) *Ibid.* § 51.

## C A P. X V.

### *De Jure Summæ Potestatis circa Sacra.*

**I**Nter jura Majestatis *majora* politici omnes, & juris publici scriptores, referunt **JUS RERUM SACRARUM.** (a)

2. Esse profecto aliquod *jus sacrorum* penes eum, qui summum tenet imperium civitatis, fere inter scriptores convenit. Et ratio, quæ in omnium oculos incurrat, idem suadet. (b)

3. Eò quod absque aliquo jure circa sacra, Reipublicæ imperium, & *quies gentium*, nullo modo teneri posset; sicut historia omnium gentium, Pontificumque Romanorum, & hujus seculi Protestantium, abunde probaverunt. (c)

4. Sed quænam illius juris capita, quinam sint *limites*, intricatissima disputatio est. (d)

5. Nos diversas sententias, primum, ut quæque *minimum* juris tribuit summæ potestati in Ecclesiam; tum eas, quæ *plurimum* ei vindicant, proponemus. (e)

6. Qui *Præsulem Romanum* colunt, hi sic omnia ad Ecclesiam spectantia pedibus ejus subjiciunt, ut Imperantibus non modo nihil relinquant, sed & ipsos imperiumque eorum seu directo, sive per consequentiam, Pontifici submittant. (f)

7. Alii totum jus sacrorum pendere docent à collegiis *presbyterorum*,

(a) *Aufser in Op. Mai. lib. I. sect. IV. cap. I. §. 1.* (b) *d. l. §. 4.* (c) *d. l. §. 5.*

(d) *d. l. §. 9.* (e) *d. l. Sect. V. cap. I. §. 2.* (f) *d. l. §. 3.*

rum, nec Imperantes aliter, quam è fidelibus singulos, aut omnino extraneos putant. (g)

8. Nisi, quod defensionem Ecclesiæ, & executionem eorum, quæ presbyteri decreverunt, quatenus *manum*, requirunt, Imperio Civili committunt. (h)

9. Tertia est eorum sententia, qui *internum* Ecclesiæ & sacrorum jus civili potestati negant; *externam* verò administrationem ab illâ dependere, eique subjacere volunt. (i)

10. Hujus autor sententiæ *Constantinus Magnus* laudatur, cujus hac de re convivalem ad Episcopos sermonem memorat *Eusebius*, lib. 4. de vitâ *Constantini M. c. 24. (k)*

11. Quartò sunt qui *confessionem fidei* nudam & solam Ecclesiæ concedunt, sed potestatem animadversionemque, vel audientiam foris se exerentem, nullo modo; nisi à Majestate dependentem, quæ est *Erasianorum*, qui dicuntur, sententia. (l)

12. Denique *Hobbes*, & si qui sunt *Hobbesiani*, quicquid religionis, aut juris Ecclesiastici, in hoc mundo esse queat, id omne ad Imperium Civitatis pertinere contendunt. (m)

13. Nos extrema vitabimur, sequemur *modicè* ex omnibus mediam, loco *tertiam*, quæ *Constantino Magno* abscribitur, sano sensu intellectam. (n)

14. Ejusmodi *regimen externum* ad summam potestatem pertinere, probamus hac ratione; quia summa potestas omnia rerum hominumque (de *actionibus*, non de *animi sententiis* loquimur) in civitate, suo Imperio complectitur; exceptis iis, quæ vel nominatim à deferentibus imperium ei subducta sunt, vel quæ Deus nominatim ab hominibus exegit, & immediate suo solius tribunali adixit. (o)

15. Cujus generis non omnia, quæ ad Ecclesiam pertinent, & ab *Ecclesiasticis* aguntur, esse, clarum & indubitatum est; quia multa ex illis reperiuntur, quæ esse, & non esse, quæque aliter esse possunt, sicut ipsâ re actuque alibi sunt, alibi non sunt, alibi sunt aliter, sine controversiâ. (p)

16. Quæ autem Deus sine medio, & expresse postulat, ea non posse aliter se habere manifestum est, siquidem *necessaria* sunt; quod autem necesse est, ejusmodi est, ut sine eo res nec esse possit. (q)

E 3 17. Hec

(g) d. l. §. 4. (h) d. l. §. 6. (i) d. l. §. 10. (k) d. l. §. 11. (l) d. l. §. 12. seq. (m) d. l. §. 15.

(n) d. l. §. 10. (o) d. l. cap. 11. §. 2. (p) d. l. §. 3. (q) d. l. §. 4.

17. Hoc autem *externum regimen* Ecclesiæ pertinet ad summam potestatem, sive Principem quā talem, etsi ab Ecclesiā alienum, vel infidelem, aut mulierem, vel infantem; cum sit pars, ut in scholis loquimur, potentialis summi Imperii, nec ab eo separabilis. (r)

18. Porro ad approbationem sententiæ, quam suscepimus, duæ res explanandæ sunt. *Prima*, quænam sint ea, quæ Deus necessario exigit, suoque tantum iudicio vult esse obnoxia. (s)

19. *Dein*, quæ res ad sacra pertinentes non sint ejus naturæ, verum abesse, aut diversimode se habere queant. (t)

20. *Necessaria* Dei præcepta sunt vel *naturalia* vel *revelata*. Naturalia, de quibus actum supra cap. 2. videlicet, quæ necessitatem, aut turpitudinem habent moralem. (v)

21. Nam ejus rei discretionem non habemus ex solâ informatione, vel exemplis aliorum, ut quidam inutiliter volunt; sed *Deus* cordibus nostris, quod indubitato sentire queamus, eam impressit, ut *Paulus* de gentibus adferat, cap. 1. & 2. ad Rom. (x)

22. *Necessaria* igitur naturæ præ-

cepta conscientiam generis humani ita obstringunt, ut imperio civitatis nullam mutationem recipere possint. (y)

23. *Revelata* Dei præcepta sunt, quæ Deus benignè, salva justitiâ suâ, ad salutem corrupti & periti generis humani, per filium suum procurandam, ministerio Prophetarum & Apostolorum manifestavit, & sacris utriusque fœderis libris comprehensa voluit. (z)

24. Quorum capita credimus à *Deo* esse, non ex autoritate cœtus præsentis fidelium, quem *Ecclesiam* vocamus; Neque ex historicâ fide miraculorum, quibus olim in terris obsignata leguntur. (aa)

25. Quoniam efficacia rationum illarum fundamento *auctoritatis humanæ* carere non potest, in eamque resolvitur, ita, ut credulitas magis, quam certa fides esse videretur. (bb)

26. Neque etiam solis nitimur indiciis, & *argumentis*, veritatem sanctimoniamque scripturæ ita persuadentibus, ut naturali quoque rationi convincendæ sufficere possint. (cc)

27. Sed largitur Deus vere credentibus testimonium *spiritus* sui, quo de veritate eorum, quæ factis

(r) d. l. §. 12. (s) d. l. §. 16. (t) d. l. §. 17. (v) d. l. §. 18. (x) d. l. §. 19.

(y) d. l. §. 22. (z) d. l. §. 24. (aa) d. l. §. 25. (bb) d. l. §. 26. (cc) d. l. §. 27.

cris literis ad salutem suam necessaria continentur, certi, intimaque *πληροφορίαι* sint adseverati, 1. *ad Corinth. c. 2. v. 4. 9. 12. 13. ad Rom. 8. 15. 16. Gal. 4. 6. ad Ephes. 13. 16. juncto Job. 14. v. 26. & 16. v. 18. (dd)*

28. Unde palam est, FIDEM nulli quam solius Dei judicio imperioque esse subjectam. (ee)

29. In universum igitur, quicquid ad internum *jus conscientiae* pertinet, seu naturale, sive revelatum, cum immediatè subditum sit Deo, ipsius duntaxat jussio prohibitioque in illis spectari debet; ideoque nulli Imperio Civili vel Ecclesiastico quicquam juris est in illis, vel prohibendis, vel augendis, vel mutandis. (ff)

30. Pertinet igitur sine dubio ad jus illud internum *confessio fidei*, quæ ex sacris literis petenda est, & cujus ratio soli Deo debetur. (gg)

31. Huic cohæret facultas exercendi *conventus* fidelium, eo numero, qui ad excitandam religionem, credentiumque communionem, sit necessarius. (hh)

32. Eodem spectat *judicium* de fugiendo illorum consortio, qui fictam fidei adseverationem mo-

rum improbitate detegunt. (ii)

33. Hinc sequitur, *jus clavium* quod dicitur, esse mere ecclesiasticum, & à cætu fidelium contra cujuslibet homines conditionis sibi aggregatos recte exerceri. (kk)

34. Non quod juris aliquid *coactivi* habeant, sed quatenus se illis duntaxat, quos sciunt esse pollutos, subucunt. (ll)

35. Quam ad rem necessum est, competere Ecclesiæ aliquod *jus cognoscendi de moribus*, & pronuntiandi indignos gratiâ cœlestium rerum. (mm)

36. Idque etiam ratione *doctrinae*, non quod eam alii imperate queant, sed denuntiare possunt dissentientibus, se non posse cum illis habere cultum eundem, & signa communis gratiæ, quamdiu ita sentire se profitentur, ut in summam doctrinæ salutis impingere videantur. (nn)

37. Denique, *Doctores* sibi, & *Rectores*, qui in omni cætu sunt necessarii, præponere possunt Ecclesiæ. (oo)

38. Atque hæc omnia, ignaris quoque, & *invitis* Imperantibus, fieri posse consentaneum est; sicut ab Apostolis, primisque Christianis, ex mandato Domini, contra

(dd) d. l. §. 30. fgg. (ee) d. l. §. 41. (ff) d. l. §. 43. (gg) d. l. cap. III. §. 1. (hh) d. l. §. 2.

(ii) d. l. §. 3 (kk) d. l. §. 5. (ll) d. l. §. 6. (mm) d. l. §. 7. (nn) d. l. §. 8. (oo) d. l. §. 9.

tra voluntatem Imperatorum instituta sunt. (pp)

39. Sed modus, & tempus, aliæque circumstantiæ, *exercendi illa jura*, hoc est, edendi confessionem fidei, instituendi conventus atque censuram, adeoque tota ratio gubernandi cœtus credentium, non est ita propria Ecclesiæ, ut Summæ Potestati hac parte nihil juris aut inspectionis sit comparatum. (qq)

40. Siquidem *consensu* Christianorum, salvâ religione, fideique concordia, hæc res aliter atque aliter se habere potest. (rr)

41. Ratio igitur *regiminis Ecclesiastici*, à potestate summa præscribi posse videtur, modo nihil a Domino prohibitum instituatur, ut toties dictum. (ss)

42. Multo magis in consiliis & conciliis præsulum, *Legatos Reipubl.* adesse, tam juris quam politice ratio permittit, & sæpe numero postulat. (tt)

43. Proinde & in illis, quæ ad jus externum spectant à collegiis presbyterorum ad potestatem Civilem *appellari* posse manifestum est. (vv)

44. Facultas eligendi *Dofores* rectius quidem omnino cœtui fi-

delium ipsi totum relinquitur. Non tamen videtur ad internum & inseparabile jus conscientiæ referendum. (xx)

45. Modo non admittantur, quam qui a peritis rerum sacrarum *idonei* ad docendum sint iudicati; omnibusque potestatis conquerendi refutandique libera detur. (yy)

46. *Personas*, & bona Ecclesiasticorum, Imperio Civili nullo jure subduci, extra controversiam collocamus; ut & publicis præstationibus ac pœnis, propter commissâ Legum, sine dubio sunt subiecti. (zz)

47. Etiam ut ob *malos mores*, causâ cognitâ, non tantum stipendio, quod è publico capiunt, sed & munere docendi certo loco privari possint. (1)

48. Bona tamen *Ecclesiæ* in usus Reipubl. Potestates convertere non possunt; nihilo magis quam res cujusque privati. (2)

49. Quia Ecclesiam esse cœtum à civitate distinctum, secus, ac vult *Hobbes*, nobis inbubitatum est, & ex dictis jam liquet. (3)

50. Quatenus tamen Respublica, & Ecclesia aliter servari nequit, aut ob *causas* valde *pias*, alie-

(pp) d. l. § 12. (qq) d. l. § 27. (rr) d. l. § 29. (ss) d. l. § 31. (tt) d. l. § 32. (vv) d. l. § 33.

(xx) d. l. § 34. (yy) d. l. § 35. (zz) d. l. § 41. (1) d. l. § 42. (2) d. l. § 44. (3) d. l. § 45.

# INSTITUTIONIS REIPUBLICÆ. 41

alienari possunt; quoniam ad tales usus vel maxime comparata esse videntur. (4)

51. Bona autem corruptæ Ecclesiæ, modo Christianæ, dicata, licet addito fine superstitioso, fuisse & manere Ecclesiastica, etsi professio religionis emendata fuerit, dicendum putamus. (5)

52. Perinde nec in hoc casu talia bona ab Imperantibus distrahi, vel in usus profanos converti possunt, sed vitio ordinationis sublato, in religiosos usus, piosque converti debent, argumento l. 16. ff. de usufr. leg. & eorum quæ modo diximus. (6)

53. Si quoque Princeps hoc suum jus externum in aliud Collegium, aliamve personam singularem, Episcopi, Superintendentis, aliove titulo, transferre velit exercitio tenus, potest equidem, modo nihil ei tribuat, quod à corpore Creditum separari non posse diximus. (7)

54. Cæterum esse liberum summis potestatibus, diffidere à cultu recepto, non minus quam privatis, ipsa res loquitur. (8)

55. Nec ideo cives principi obsequium negare possunt, quod de sacris aliter, quam prævalens populi sui multitudo, sentiat. (9)

56. Quin imo jus habere summas Potestates symmystis suis publicum cultus exercitium permittendi, in universon quidem, indubitatum videtur. (10)

57. Quin & jus prohibendi aliter sentientibus habent, ne publicos solennesque conventus habeant, ne majoris corporis unionem stabili regimine forment. (11)

58. Sed ne omnino conveniant, ne doctores ullos habeant, ne libros legant, ne Deum suo more colant, id abscisse prohiberi nequit. (12)

59. Multo minus externis penis ob hæc novissima sævire licet, quia sanctio, quæ pars legis est, non potest habere locum, ubi lex ipsa cessat. (13)

60. Sed interdicere civitate heterodoxos, salvis vitæ atque fortunis, si expedire judicet, eum posse existimaverim. Quoniam hoc præmunimenti adversus propagationem potius, quàm supplicii rationem habere potest. (14)

61. Etiam ut effectus aliqui juris publici illis præcludantur; velut, ne munera publica singuli, ne cætus eorum è testamentis capiant, similiaque decernere nihil vetat, ut quidem videtur. (15)

62. Ex his judicare licet, utrum  
F Ec.

(4) d. l. §. 26. (5) d. l. §. 47. (6) d. l. §. 48. (7) d. l. §. 50. (8) d. l. §. 52. (9) d. l. §. 53. (10) d. l. §. 55. (11) d. l. §. 56. (12) d. l. §. 57. (13) d. l. §. 59. (14) d. l. §. 60. (15) d. l. §. 61.

Ecclesiæ præsulibus competat *legislatio*, competat *jurisdictio* circa sacra; an summæ potestati illud potius tribuendum? Posterius affirmatur, quatenus nihil (hoc toties repetendum) in his, quæ a Deo præfinita sunt, mutatur. (16).

63. Cæterum, non agimus de eo, quod *jure fundamentali* in una-

quaque civitate de religione questum esse constitutum. (17)

64. Etiam de potestate *verè summa*, non de principe, qui imperium habeat imminutum, loquimur. Denique, non de seditiosis, neque blasphemis, nec improbiis *hereticis*, in quos gravius omnino animadvertendum. (18)

(16) d. l. § 65. (17) d. l. cap. IV. § 14. (18) d. l. § 13.

## CAP. XVI.

*Quo refelluntur diversæ Opiniones.*

EX fundamento distinctionis inter *externum*, *interdumque* regimen Ecclesiæ, quam ut caput superioris doctrinæ posuimus, patet, quid de reliquis à medio recedentibus sententiis existimandum sit. (a)

2. Si enim circa Ecclesiam non pauca vertantur, quæ *imperio civitatis* subdici nequeant, quemadmodum probavimus, perperam potestas earum rerum alii extra civitatem constituto adscribitur. (b)

3. Quare *Pontifex Romanus*, si

maxime esset vicarius regni, quod Christus habet in terris, quod nimium procul abest à vero, tamen nihil haberet juris, nisi in his, quæ Deus suo solius judicio addixit. (c)

4. Sed hujus rei argumentum constat immensâ *disputatione*, quâ dudum alii plenissime sunt defuncti. (d)

5. Propius à vero abest altera sententia de *presbyteriis*, quorum & saluberrimus & necessarius est usus; modo non nimium ad ipsa quoque jura Imperii, potestas eorum obtentu regendi conscientias ex-

(a) *Author in Op. Mai. lib. I. Sect. V. cap. P. § 1.* (b) *Ibid. § 5.*

(c) *Ibid. § 6.* (d) *Ibid. § 10.*



# INSTITUTIONIS REIPUBLICÆ 45

extendatur; cujus rei specimen in *Belgicâ* Leicesterano tempore, neque minus postea, luculentum habuimus in *Magna Britannia*. (e)

6. Certum est, nihilo plus juris habere presbyteria, quam ipse habeat *cætus Credentium*, à quo jus suum, ad ea curanda, quæ à multitudine commodè administrari nequeunt, adipisci debet. (f)

7. Imo stabilis & legitimus ordo, habendi consistoria, exercendi audientiam, & disciplinam, lege certi collegii: Pastores & Presbyteros eligendi, omnemque Ecclesiam gubernandi, sine *venia* & *auctoritate* summæ potestatis, constitui atque teneri non potest; imulco minus diocesum, provinciarumque conventus generales. (g)

8. Quia talis ordo non potest dici nominatim à *Deo* imperatus, & Ecclesiæ præscriptus; unde manet sub iis, quæ à dispositione summæ potestatis pendent, modumque ab ejus arbitrio accipiunt. (h)

9. Sequuntur duæ posteriores sententiæ, quarum prior Ecclesiæ nihil juris, quam *docendi*, mutuumque monendi officium, sine ullo vigore disciplinæ, aut animadversione, concedit. In quâ

sententiâ quid desideretur, ex his quæ superius dicta sunt, intelligi potest. (i)

10. Jus enim *præcludendi à communione* fidelium eos, qui de fide male opinantur, doctrinæque professionem moribus prostituunt, *Credentium* cœtui non posse negari, nec consequenter ejusmodi causas cognoscendi, existimamus. (k)

11. Sequitur quinta *Hobbesii* sententia, quæ omnem sacrorum & religionis causam Imperio subijcit. (l)

12. Quin imo contrariam opinionem inter fundamenta seditio-  
num periculosissima refert, auctoresque illius, suavi convicio *Apostatarum Rationis* increpat. (m)

13. Hinc colligit: in causa *fidei*, ut in aliis omnibus institutis, quæ sunt *ipso jure*, si quid certi ab universa civitate servandum, hoc à Summo Imperio esse præscribendum. (n)

14. Sufficit ad hoc refutandum, quod diximus, Imperium Civitatis non habere locum in his, quæ *Deus* specialiter præscripsit, ut est sine dubio fides, & conscientia juris naturalis. (o)

15. Unum addam ad id, quod idem *Hobbes* urget, sententiam

F 2

(e) *Ibid.* § 12. (f) *Ibid.* §. 13. (g) *Ibid.* § 15. (h) *Ibid.* §. 16.

(i) *Ibid.* Cap. VI. § 1. (k) *d. l.* §. 2. (l) *d. l.* §. 6. (m) *d. l.* § 14. (n) *d. l.* § 15. (o) *Sup. cap. XV.* §. 22.

de causâ fidei & sanctitatis supernaturali, hoc scilicet incommodo, si vera esset, inquit, non video, quare rationem fidei nostræ reddere juberemur, aut quare non unusquisque quid faciendum sibi sit, ex propria potius inspiratione, quam ex præceptis Imperantium, aut rectaratione æstimaret. (p)

16. Facillima ad ineptam objectionem responsio est; Rationem minime excludi ab his, qui in rebus fidei necessariis lumen spirituale prædicant; neque enim dogmata, quæ ratione non perciperint, sibi dicunt revelari. (q)

17. Proinde nihil ex illis est, cujus non rationem reddere possint, & debeant, è scripturis apud eos, qui in divinitate scripturæ acquiescunt. Obsignatio & persuasio spiritualis nihil ad alios pertinet; sed hætenus ejus lapis lydius hic est, si cum literis sacris conveniat. (r)

18. Instat Hobbes: *Cognitionem de bono & malo spectare ad singulos, seditiosa*, inquit, *oratio est*, Cap. 12. §. 1. Alibi explicatius, & quidem, ait, *illa quot rebellio-*

*num causa fuit, qua docetur, Imperata Regum justa an injusta sint, cognitionem ad privatos pertinere?* vid. cap. 6. n. 9. c. 11. n. 6. in fin. *Leviath.* Cap. 13. 29. (s)

19. Si de consiliis publicæ administrationis loqueretur, parum abest, quin admitti posset, imperata Regum exequenda civibus esse, non interpretanda. (t)

20. Idem de iis, quæ per facultatem dominii *eminentis*, aut voluntate civitatis mutari, & ex nefariis licita fieri possunt, judicandum. (v)

21. Sed in universum, ut *Hobbes* postulat, intellecta sententia, ne exceptis quidem moraliter necessariis, aut voluntati divinæ repugnantibus, immanis & intolerabilis est. (x)

22. Utique, si de turpitudine meritisque causæ manifesto constet; nam alioqui in dubio pro civitate præsumendum esse, facile conceditur, quemadmodum de causis belli à Republ. suscepti, disputat *Grotius lib. 2. c. 26. §. 3. & 4.* (y)

(p) d. lib. 1. Sect. V. cap. VI. §. 22.  
(q) *Ibid.* §. 23. (r) d. l. §. 24.

(s) d. l. §. 35. (t) d. l. §. 36. (v) d. l. §. 37. (x) d. l. §. 38. (y) d. l. §. 39.

## CAP. XVII.

*De variis Rebus publicis, & primo de Monarchia.*

**D**IVERSITATEM Rerumpublicarum, ad quas post Imperium in genere transeundum, optime ex numero Imperantium distinguimus. (a)

2. Nam cunctas nationes & urbes, populus, aut primores, aut singuli regunt. Delecta ex his, & constituta Reipubl. forma laudari facilius, quam evenire; vel si evenit, haud diuturna esse potest, scribit Tacitus lib. 4. annal. c. 33. (b)

3. Nempe, si jura Majestatis ita inter diversos ordines distribuuntur; ut sua singuli non obstricti reliquis seorsim exerceant. (c)

4. Tres igitur sunt formæ civitatis, *Monarchia*, *Aristocratia*, *Democratia*. Quarum quæ sit præstantissima disputare Politicorum est. (d)

5. *Monarchiam* esse unius imperium solo satis vocabuli argumento constat. Quod tamen ita præcise captari nolim, ut quo-

tiescunque plures in uno regno Domini existere, toties Reipubl. formam mutari statuamus. (e)

6. Si quidem longius illa societas Imperantium ab *Aristocratia*, quam a *Monarchia* distat. (f)

7. Ita *Lacedæmoniis* duo Reges fuerunt, idque Regnum vocabatur; nec non verum fuisset Regnum, si potestas vere summa fuisset; & in *Rom. Imperio* sæpius Augusti duo pluresve fuere. (g)

8. Unde formas peculiare *Dyarchias*, aut *Triarchias*, in Artem introducere, nec congrueret, neque expediret. (h)

9. Accedit, quod isti *Condomini*, ut hi vel his similes à Germanis Ictis appellantur, non constituunt collegium, adeoque nec unus plurium sententiam sequi compellitur. (i)

10. Ex quo apparet, quam sit fragile & anceps hoc genus Imperii, quoties vere summum est, ut fuit apud Romanos, cum duotresve simul imperaverunt, nisi

F 3

Im-

(a) Auctor in Op. Mai. lib. 1. Sect. VII cap. 1. §. 2. (b) Ibid. §. 3. (c) Ibid. §. 4. (d) Ibid. §. 5.

(e) d lib. 1. Sect. VII. cap. 11. §. 1. (f) Ibid. §. 3. (g) Ibid. §. 4. (h) Ibid. §. 5. (i) Ibid. §. 6.

Imperium in partes subiectivas dividi placuerit. (k)

11. Quod vel ita fieri potest, ut secundum administrationem duntaxat partitio fiat, uti *Diocletianus & Maximianus* fecere. (l)

12. Vel ut Civitates omnino distinctæ constituantur, sicut postea Imperium Romanum in *Oriente & Occidente* discessit; quanquam hi tum desinunt esse Condomini, & tantisper singuli, vereque *Monarchæ* sunt. (m)

13. Porro Condomini fiunt primo *hereditate*, cum in ditione patrimoniali plures liberi pariter succedunt; idque ab intestato, vel dispositione ultimi regnantis, ubi hoc jus principibus competit. (n)

14. Aut *electione*, quando plures cum summâ potestate singuli constituuntur; eaque vel est à populo, vel à Principe Collegam adsciscente; ut in Imperio Romano sæpius accidit. (o)

15. Oportet autem in *electione* diserte exprimatur, singulos fore Augustos; nam Imperio simpliciter pluribus delato, non singulis, sed ut universis summa potestas delata intelligitur; ut *Decemviris* legum condendarum, & *Triumviris* Reipubl. constituendæ causâ. (p)

16. Eadem fere species per feminæ regnatricis nuptias contingit, quando maritus ut particeps & collega imperandi adsciscitur, Quomodo *Ferdinandus Arragonius* cum *Elisabetta Castellana* fuit conjunctus, & plerique alii. (q)

17. Quo casu *potestas maritalis*, quæ juris Gentium fertur, vix est ut effectum habere possit; multo minus, cum Regina totum & jus & exercitium Imperii sola reservat, nec aliud quam Regis titulum viro impertitur. Quomodo *Johannæ Neapolitana*, & *Maria Scota* suos maritos habuerunt. (r)

18. Porro species *Monarchiæ* plures numerant ex *Aristotele* Politici, sed plerasque ad juris diversitatem parum pertinentes. *Aristot. lib. 3. polit. c. 10. & 11.* (s)

19. Nobis plures *Monarchiæ* species non sunt considerandæ, quam hæ duæ, *Regnum & Dominatus*, sive Imperium, ut *Aristoteles* loquitur, *παρβασιλικόν*, aut *βαρβαρικόν*. (t)

20. *Regnum* verum & plenum est, ubi princeps habet summam, & liberam potestatem, faciendi in civitate, quod è re communis videbitur; salvâ tamen civium libertate & proprietate rerum. (v)

21. Et

(k) *Ibid.* §. 9. (l) *Ibid.* §. 13. (m) *Ibid.* §. 16. (n) *Ibid.* §. 17. (o) *Ibid.* §. 17. (p) *Ibid.* §. 22.

(q) *Ibid.* §. 23. (r) *Ibid.* §. 28. & 30. (s) *A. lib. 1. Sect. VII. cap. 11. §. 1.* (t) *Ibid.* §. 8. (v) *Ibid.* §. 9.

21. Et existere hanc regni speciem putamus, ubicunque potestas civitatis uni homini, sine modo, sine conditionibus, voluntate civium simpliciter deferatur. (x)

22. Quemadmodum *lege Regiæ* Cæsares Romanos, ut Juris consulti tradunt in l. i. w. de *Constit. Princ.* hodieque regnum Francorum haberi videmus. (y)

23. *Dominatus* finitur, quod sit Imperium, quo princeps sibi subiectis, ut paterfamilias servis imperat, omniumque tam quod ad res quam corpora Dominus existens, actiones publicas ad suam præcipuè utilitatem dirigit. (z)

24. Differentiam ejus à Regno ex definitione triplicem colligimus: *primam*, quod proprietates bonorum quæ singuli possident, ad Imperantes pertinet. (aa)

25. *Alteram*, quod personæ subditorum dominio Principis ita subiectæ sunt, ut servitio illarum uti, deque vita ac nece disponere possit; idque promiscue, arbitraria potestate, causaque etiam indistincta. (bb)

26. Non quod vitâ immerentem *justè* exuere possit, secundum id quod justitiæ ratio intrinsecus dicitur; sed quod ex causâ

jure Gentium valida habeat *externam* ita agendi facultatem, de quo discrimine juris diximus alias. (cc)

27. Ex his *tertia* resultat differentia, à fine diverso petita, qui est in Regno Civili originaliter, *utilitas subditorum*; quanquam illa sine commodo Imperantium obtineri non potest. (dd)

28. In *Dominatu* originalis scopus Imperii stabiliti, est *utilitas Regnantis*: quæ nec ipsa tamen absque commodo subditorum potest custodiri. (ee)

29. *Causa* hujusmodi Imperiorum prima vix, aut rarò, nec tamen nunquam, est è voluntate libera populorum, sed plerumque vi aut necessitate. (ff)

30. Nec tamen pro *injustis* habenda sunt id genus Imperia. Si vel justo bello, vel deditione voluntaria, constituentur. Non magis quam privata servitus ex hac causâ olim injusta fuit, §. 3. *Inst. de jur. pers.* (gg)

31. Non audimus igitur illos, qui Principes hoc herili Imperio utentes indistinctè Tyrannos appellant. (hh)

32. Nobis ratio dissentiendi constat, ea quæ exposita est, omniumque seculorum exemplis firmam.

(x) *Ibid.* §. 11. (y) *Ibid.* §. 12. & 13. (z) *Ibid.* §. 15. (aa) *Ibid.* §. 16. (bb) *Ibid.* §. 17.

(cc) *Ibid.* §. 18. (dd) *Ibid.* §. 19. (ee) *Ibid.* §. 20. (ff) *Ibid.* §. 22. (gg) *Ibid.* §. 23. (hh) *Ibid.* §. 34.

matur. *Vide, sis, Grotium d. lib. 3. c. 7. & 8. (ii)*

33. Talis olim notissima Persarum, & suetæ Dominis Syriæ, totiusque *Orientis* consuetudo fuit. Nec aliter hodie omnes ab ultimis Sinensibus ad usque Russos in Europam populi à Despotis suis administrantur; idemque in *Africâ*, omnique Barbaria servatur. (kk)

34. Tu dices, nihilne igitur tales Dominos suis civibus *promittere* intelligimus, ut nunquam juris externi ratione, Imperio abuti possint? (ll)

35. Existimo, præter quod in præsentî, cum in statu belli fuerunt, *incolumitatem* pollicentur, eos ad universæ quoque multitudinis *salutem* in perpetuum procurandam esse obligatos. (mm)

36. Proinde, si tam immanem ostendant animum, ut ad omnium *perniciem* contendunt, tum verè perfidi atque tyranni dicantur; natura enim negotii, quod geritur, constituendæ civitatis, sine hac, tacita duntaxat, obligatione consistere non potest. (nn)

(ii) *Ibid.* §. 36. (kk) *Ibid.* §. 37.

(ll) *Ibid.* §. 41. (mm) *Ibid.* §. 42.  
(nn) *Ibid.* §. 43.

## CAP. XVIII.

*De Causis constituendi Monarchiam.*

POst species Monarchiæ sequuntur modi, quibus Regna acquiruntur: hi sunt vel ordinarii vel extraordinarii. Priores duo sunt, electio & successio; extraordinarii perinde duo, matrimonium, jus belli. (a)

2. De jure belli, & matrimo-

nio, dictum quod satis sit, in *super. cap. præo.* Origine cujusque civitatis inspectâ, nullum non Regnum ex voluntate populi ortum, fuit *electivum*. (b)

3. Sed *diversitas* electionis, & successionis, deinceps orta est; cum quædam ex Imperiis ita sunt delata-

(a) *Auctor in Op. Mai. lib. I. scilicet VII. cap. IV. §. 1.*

(b) *d. l. §. 2.*

delata principibus, ut identidem sedes vacua per electionem repletur: quædam ita, ut successio secundum ordinem certum propinqui sanguinis ab uno in alium devolveretur, ex præscripto legis. (c)

4. Aliter se res habet in *patri-  
monialibus*; nam ibi non voluntas populi, aut lex, verum sola voluntas expressa, vel tacita, postremi Regnantis in Imperio propagando spectatur: prorsus ut quisque privatus jure Gentium de suo patrimonio disponit. (d)

5 Idem in plerisque *herilibus*, quæ fere simul sunt patrimonialia, dicendum; nisi quod aliquando lex quoque in illis ordinem præscribit, ut jam *suprà* inuimus *cap. præc.* (e)

6. Sed in *voluntariis* meritò dubites, quid juris sit, si populus Regem simpliciter constituerit, non expresso, *electivum* in posterum, an *successivum* foret Imperium; utrius conditionis sit futurum; quemadmodum Romæ species illa fuit, tam in Regibus, in Cæsaribus, juxta hypothesin legis Regiæ. (f)

7. *Hobbes* non dubitat adfirmare, successorium non modo, sed absolute *hereditarium* illud Regnum

esse habendum, *de Cive cap. 7. §. 14. & cap. 9. §. 13. & seqq.* Adeo ut cuilibet Imperanti suo arbitrio successorem declarare liceat. (g)

8. *Argumenta* pro successione haud spernenda se offerunt. Populus Regem creans exiit se Imperio, totumque jus suum transfert in illum; utique ubi nihil excepit, præter id, cujus gratia civitatem condidit, scilicet incolumitatem, eo sensu, quo dudum diximus. (h)

9. Atqui *dispositio de successione*, à libertate, dominioque rerum, quibus salvis incolumes sumus, evidenter aliena est. Quid obstat igitur, quominus & hæc potestas in principem simpliciter constitutum translata dicatur? (i)

10. Jam si de præsumptâ voluntate judicandum, plerisque populis, qui regnantur, placuisse videmus *successionem*: proinde & hanc in dubio nostri casus, populum in conspectu habuisse præsumendum videtur. (k)

11. In diversam tamen partem inclinat sententia, prævalente hac ratione; quod in *dubio*, si electivum non sit Imperium, non modo oporteret *successivum* ad liberos esse, proximique sanguinis respectu, sed & absolute *hereditarium*;

(c) *d. l. §. 6* (d) *d. l. §. 17.* (e) *d. l. §. 13.* (f) *d. l. §. 19.*

(g) *d. l. §. 20.* (h) *d. l. §. 33.* (i) *d. l. §. 34.* (k) *d. l. §. 35.*

*tarium*; ut ultimus Princeps testamento quoque extraneum surrogare possit. Imò ut & vivus Imperium in quemlibet alium transferre valeat. (l)

12. Nam quod est *hereditarium*, æque testamento quam ab intestato potest ordinari, & de quo licet ultimâ voluntate constituere; de eo non minus facultas inter vivos disponendi competit. (m)

13. Ut autem ejusmodi libera alienatio competat Imperantibus, quibus Imperium simpliciter voluntate populi delatum est, utcumque *Hobbesio* indubitatum sit, nobis minime, de *voluntario* inquam *Regno*, concedendum videtur. (n)

14. Non, (per partes ibimus) ut Rex Imperium suum vivus transferat in alium; quia tantum id juris habet, quod datum est ipsi. Populus autem dedit *jus imperandi*; à quo alienandi potestas toto genere diversa est. Po-

pulus *ipsi* dedit *jus imperandi*, non alii. Proinde ut ipse non habet, nisi quod populus dedit, manifestum est, nec alteri plus competere posse. (o)

15. Jam si vendere vel donare suum regnum *vivus*, simpliciter electus princeps non potest, clarum est, ne *testamento* quidem de eo disponere posse. Nam & hæc donatio & alienatio quam maxime est, secundum notissimam Juris sententiam. (p)

16. Si *testamento* extraneis relinquere nequeat successionem, dicimus, nec ab *intestato* ad sanguine proximos, ab ipso posse devolvi (q)

17. Quoniam hæc fundamentum suum habet in absoluta *proprietate* defuncti, cui potestas ad sit alienandi. Proinde, cui expressâ voluntatis declaratio negatur, hujus tacita vim nullam habere potest. (r)

(l) d. l. §. 39. (m) d. l. §. 40. (n) d. l. §. 42.

(o) d. l. §. 43. (p) d. l. §. 44. (q) d. l. §. 45. (r) d. l. §. 46. & seq.

## C A P. X I X.

### *De Electione Monarchica.*

**J**US ELIGENDI, sive surrogandi principem in vacuum sedem, naturaliter iis competit, quorum jus imperii primævum est. Adcoque



que penes populum, aut quibus populus suum jus concessit. (a)

2. Sive identidem *Legatos* ad eam rem constituent vitandæ confusionis ergo, sive jus hoc in perpetuum certo hominum ordini dederint, ut hac parte loco universitatis fungatur. (b)

3. Veluti possessoribus immobilium, ut in *Frisiâ*: vel Nobilibus, ut in *Poloniâ*; denique certis Principibus, ut in *Germaniâ*. (c)

4. Vulgo tres electionum species memorantur; quarum *prima* intra certam familiam; *altera* ad nationem unam restringatur, *tertia* nullo termino circumscripta sit. (d)

5. Sed & aliæ limitationes non desunt, qualis in diplomate, sive aureâ bullâ Caroli IV. ne infra *Baronum* dignitatem *Cæsarea* electio demittatur. (e)

6. In *Polonia* nemo quidem eligi prohibetur; neque ad *Mæmum*, nec in *Conclavi* nationes discerni, ulla lege sancitum, & exempla sunt in contrarium. (f)

7. Tametsi *Pontifices* fere Itali; *Imperatores* plerique Germani, ob politicas rationes creantur; sed non est ita præcisum, exempla

quoque utrinque non desunt; inquam. (g)

8. Effectum electio secundum majorem *suffragantium* numerum habet, nili quid leges certi præscribant. In electione *Pontificis* duas electorum partes consentire oportet; sive id per scrutinium, ut loquuntur, sive per adorationem fiat. (h)

9. Est autem, vacante regno, tam *libera electio*, ut etiam non eligere possint Regum, aliamque Reipubl. formam introducere; nempe, si totus populus eligendi facultatem exerceat, non si in alios transtulerit. (i)

10. Hos enim nihil aliud posse dicemus, quam quod ipsis *commissum*, scilicet replere sedem vacantem. (k)

11. Sed potest difficile quæsitum videri, an populus *jure eligendi* perpetuo in certos homines translato, vacante regno mutandi libertatem retinere censeatur? (l)

12. Nam & *Electores* privare potestate suâ, & rursus, extincto sine successore eo, qui summam habuit potestatem, populum sui juris non esse, durum videtur. (m)

G 2

13. Sed

(a) Vid. Auctor in *Op. Mai. lib. I. sect. VII. cap. V. §. 2.* (b) *Ibid. §. 3.* (c) *Ibid. §. 4.* (d) *Ibid. §. 15.* (e) *Ibid. §. 17.* (f) *Ibid. §. 18.*

(g) *Ibid. §. 18.* (h) *Ibid. §. 19.* (i) *Ibid. §. 22.* (k) *Ibid. §. 23.* (l) *Ibid. §. 24.* (m) *Ibid. §. 25.*

13. Sed ratio postulat, ut eo casu dicamus, *federe civitatis ordinem Imperii non minus stabilitum esse, quam lege de successionem lata*; propemodum, ut in *Aristocratia*, ubi jus furrogandi Imperantes in loca demortuorum est apud superstites. (n)

14. Nisi constet ex verbis, quibus delatum est jus eligendi, vel re ipsâ, naturaque Reipubl. *Electores* nihil esse quam ministros, quo casu quid juris sit, ultro intelligitur. (o)

15. Porro, etiam in *successivis* Imperiis, quæ voluntaria sunt, locus sit electioni, post defectum familiæ regnatricis; & *patri- monialibus*, si insuper ultimus Princeps successorem sibi non surrogaverit. (p)

16. Populus enim serviens, Domino absque successore extincto, non potest non esse *liber*; consequenter habet facultatem faciendi quod libet. (q)

17. *Pacta Gentilitia*, quibus, unâ deficiente familia, succedit alia, in Imperiis summis *patri- monialibus* per se valida sunt. In vo-

luntariis non aliter, quam populo proceribusve consentientibus, ut è principis instituti nostri dum positus constat. (r)

18. Denique, in iis qui superiorem agnoscunt, hujusce requiritur consensus, ut in *Germania* Imperatoris; maxime, quia ditiones feudales, deficiente omni vassallorum sanguine, Imperatori, aut aliis feudorum dominis acquiruntur. *Sleidanus lib. 1. hist. Germ. in Capitul. Car. V. (s)*

19. Sed liberis populis, sive singulares civitates, sive integræ nationes sint, *Imperator* nullo modo dominos imponere potest, nisi ex voluntate populorum. (t)

20. Sicut olim *Frisii* aliquoties in ditionem concessi à Cæsaribus exteris Principibus, eos semper recusarunt, freti libertate à Carolo Magno vel donatâ vel exinde constanter usurpatâ, donec ultrâ Saxonem Albertum introduxerunt; nec diversa ratio esse videtur *Frisiorum Orientalium*; quorum idcirco Imperiorum initia pro voluntariis habenda sunt. (u)

(n) *Ibid.* §. 27. (o) *Ibid.* §. 30. (p) *Ibid.* §. 31. (q) *Ibid.* §. 34.

(r) *Ibid.* §. 35. (s) *Ibid.* §. 36. (t) *Ibid.* §. 38. (v) *Ibid.* §. 39.

## CAP. XX.

## De Jure Successionis.

**P**orro de ordine succedendi multiplex consideratio est. Summam statuimus differentiam inter *patrimonialia*, & institutiva seu *voluntaria regna*. (a)

2. In patrimonialibus est successio *hereditaria*, quæ transit eodem modo, quo hereditates privatae, hoc est per expressam ultimi decessoris dispositionem, quæ *testamentum* est; vel tacita ejusdem voluntate, quæ est fundamentum *successionis ab intestato*. (b)

3. Sicut & Imperia ejusmodi populorum, aliis donari, vendi, similibusque modis *cedi* possunt, cujus rei exempla, nec in sacris, neque in profanis historiis desunt. (c)

4. Inprimis *testamento* relinqui potest successor, aut ex liberis unus citra ætatis, aut è cognatis sine propinquitatis privilegio, vel extraneus amicus, quemadmodum testator sibi populoque expedire judicat; quo jure Ptolemæus primus de Ægypto; Masaniſſa, & Eumenes, aliique de suis

regnis disposuerunt. *vid. Grot. lib. 1. cap. 3. §. 12. (d)*

5. *Ab intestato* viget in patrimonialibus, præsumpta defuncti voluntas, quam proinde heic unice oportet attendi. (e)

6. Efficacissima ratio, naturæque ingenii humani convenientissima est, *ut propinquitas sanguinis*, ubi nihil expressæ voluntatis extat, mensura sit affectionis; quemadmodum Jure Romano scimus esse comprobatum. (f)

7. Unde sequi videtur, eos qui æque sunt sanguine propinqui, pariter succedere in regnum, & si convenire nequeant, æqualiter id esse partiendum. Idque sine discrimine sexus, ut censet optimus harum rerum magister *Grotius in lib. 2. cap. 7. §. 12. (g)*

8. Qui & prærogativam marium, ac primogenituram, non aliter valere docet, quam si Imperium expresse *individuum* sit factum. (h)

9. Sed videndum, ne non difficile sit, eandem in Imperiis, & in

(a) Auctor in *Op. Mai. lib. 1. Sect. VII. cap. VI. §. 3.* (b) *d. l. §. 4.* (c) *d. l. §. 8.*

(d) *d. l. §. 9.* (e) *d. l. §. 12.* (f) *d. l. §. 14.* (g) *d. l. §. 15.* (h) *d. l. §. 18.*

in privatis patrimoniis, rationem sustinere; utique in his quæ summa, nec aliis obnoxia sunt. (i)

10. In his considerandus inprimis est *amor Principum* erga subiectos, qui tantò major in patrimonialibus quam diverso Imperio esse solet, quantò tenerius avita, ac hereditaria bona, præ usufructuariis fideicommissariis amamus (k)

11. Id autem frequentissima omnium temporum experientia testatum est, haud temere ullum gravius malum populis evenire posse, quam est *concurfus* successorum in Regnis. (l)

12. Unde vel collisio, vel divisio, id est, prope certa destructio civitatis, aut afflictio duntaxat gravissima, & inevitabilis expectanda. (m)

13. Adde, quod jus *primogenituræ* usu generis humani in Imperiis ita valuerit, ut Principes qui hunc ordinem in Imperiis quoque patrimonialibus expressa voluntate mutant; contra jus Gentium decernere dicantur, ut Justinus de Ptolomæo *lib. 16. cap. 2.* (n)

14. Putamus igitur, Imperium *patrimoniale*, quoties nihil a rege defuncto vel more jam recepto expressum est, in *partibus subiecti-*

*vis*, hoc est, in terris, non recipere mutationem, sed manere unum & conjunctum. (o)

15. Quò collocato, facili consequentia intelligimus, *mares* potiore loco habendos esse quam feminas, & inter mares *primogenitos* esse præferendos. (p)

16. Quod, si constet, regnum esse, & alias fuisse *dividuum*, jam non hærebimus, quin liberi omnes majores, juniores, masculi, feminæ, adoptati, (non tamen *nothi*) & secundum eos, reliqui agnati aut cognati, secundum *gradus* prærogativam, sint admittendi. (q)

17. Fuit successio Arbitraria, sequitur *Instituta*, quæ defertur secundum ordinem ab eo, qui primum Imperium fundavit, constitutum; sive populus fuerit, sive major Princeps, qui Imperium in alium contulit, ut sunt domini *feudalium* regnorum, in quibus ideo simplex hæreditaria successio, & testamentaria non obtinet, *cap. 1. in pr. de success. feud.* (r)

18. De priori specie, quæ venit à populo ejusve Proceribus, maxime agemus; *feuda* suum locum habent proprium. (s)

19. Ar-

(i) d. l. §. 22. (k) d. l. §. 25. (l) d. l. §. 27. (m) d. l. §. 28. (n) d. l. §. 31.

(o) d. l. §. 36. (p) d. l. §. 37. (q) d. l. §. 39. (r) d. lib. 1. Sect. VII. cap. VII. §. 1. (s) *Ibid.* §. 4. seqq.

19. Atqui, cum successio *lege* statuta, vel *moribus* recepta est, verosimili populorum intentione, quæ juris parit præsumptionem, eadem fere nasci videntur conclusiones, quas modo ex tacita defunctorum regnantium voluntate collegimus. (t)

20. *Primo*, non esse dividendam civitatem, quia populus id sui ipsius causâ multo fortius, quam Rex ob amorem populi pacemque familiæ, voluisse videtur. (v)

21. *Secundum hoc*, ut mares feminis in pari jure sanguinis præferantur, deficientibus demum viris sequior sexus admittatur, ob eandem rationem. (x)

22. Item, ut *primogenitus* solus his, qui postea sunt nati, antepositus, propter rationes *supra* collocatus. (y)

23. Porro, ubi *lex* sancit successionem, ita constituit eam, ut ab ipsa, non ab ultimi possessoris respectu, dependeat. (z)

24. Hinc fit, ut *nepos* è primo genito, licet ætate filio secundo minor, huic tamen præferatur. (aa)

25. Quoniam filius *primogenitus*, patre vivo mortuus, jus, quo

tum spem habebat præcipuam, quodque *jus potentiale* dicere licet, ad suam prolem transmisit. (bb)

26. Secundum hæc, *fratris majoris* filius secundo-genitum fratrem antecedit, imo & *nepos* illius; quod secus in patrimonio; adeoque in infinitum hoc valebit. (cc)

27. *Neptis* quoque *ex filio* præferenda erit nepoti ex filia, quia *filius* filiæ prælati fuisset, suamque spem ad prolem suam transmisit, *filia* quæ nihil habuit nihil suo gnato tradere potuit. (dd)

28. Eadem ratione *filia fratris* potiori jure quam filius sororis utetur; ac ita in cæteris. (ee)

29. Ultro autem intelligitur, hujusmodi successionem in iis obtinere populis, ubi *femina* non penitus excluduntur, sed ubi maribus duntaxat posthabentur. (ff)

30. Quo casu etiam, ubi *lex* viros produxit ad solum, si postea pares gradu deficient, retrocedit ad *feminas*, potius quam ad agnatos remotiores pergat. (gg)

31. Id enim extra controversiam collocamus, nihil obstare, quominus *femina* ad imperia populorum, salvâ juris Gentium ratione,

(t) d. l. § 4. seqq. (v) *ibid.* §. 7. (x) *ibid.* §. 10. (y) *ibid.* §. 11. (z) *ibid.* §. 12. & 21. (aa) d. l. §. 12.

(bb) d. l. §. 12. & 21. (cc) *ibid.* §. 34. (dd) *ibid.* §. 35. (ee) *ibid.* §. 37. (ff) *ibid.* §. 38. (gg) *ibid.* §. 39.

tione, positis causis habilibus, extolli possint. (hh)

32. Porro, ubi omnino excluduntur, ut apud *Francos* fit, *consuetudine* potius quam lege certâ, ibi non modo agnati remotiores illas præcedunt, sed ne *femina* quidem, deficiente omni sanguinis linea, admittuntur, expressa prohibitione omnem tacitæ voluntatis excludente præsumptionem. (ii)

33. Quod ipsum in maribus, ortis è feminis, haud dubie statuum; quia successio est ordo continuus, qui per saltum ferri nequit, obstante *regula*: ubi excludens te excluditur, multo magis tu excluderis. (kk)

34. Jam de *naturalibus spiritibus* que liberis nemo dubitat, quin æque ab institutivâ quam ab hereditariâ successione penitus arceantur. *Alimentorum* quæstio à Jure Publico aliena est. (ll)

35. *Adoptivos* in patrimonialibus sola defuncti Regis voluntate, sat ipso actu declarata, vocari diximus, quæ cum in voluntariis regnis cesseret, nullum in his locum dari adoptatis manifestum est. (mm)

36. Denique, non est quod

moneatur, Regibus in hujusmodi Imperiis non esse jus faciendi *testamenti*, quo successionis ordo mutetur, ut jam expositum est; ac ultro liquet. (nn)

37. Porro, si principem, cui successio debetur, infantem, aut furiosum esse contingat, palam est, *tutorem* ei esse dandum. (oo)

38. Qui cum habeat facultatem juris, quod Regi competit, neque sit qui acta ejus infirmare queat, *summam* quoque *potestatem* habere dicendum est, sed *exercitio* tantum, proprietate penes pupillum manente. *Grotius lib. 1. c. 3. n. 15.* (pp)

39. Deferre tutelam nemo alius, quam is cujus *primævum jus* fuit imperandi potest; quippe cum præsens Rex nullum habeat animi judicium, nec defunctus habuerit potestatem faciendi quicquam in tempus, post mortem suam. (qq)

40. Voluntas *populi* aut per legem fundamentalem, aut hac deficiente, per expressam declarationem significatur. (rr)

41. Ex his liquet, *jura privata*, quæ cuique patrifamilias jus libere disponendi super pecunia tutelave rei suæ largiuntur, *l. 1. c. 6. n. d. V. S.*

(hh) *Ibid.* §. 40. (ii) *Ibid.* §. 43. (kk) *Ibid.* §. 44. (ll) *Ibid.* §. 47. (mm) *Ibid.* §. 48.

(nn) *Ibid.* §. 49. & *sub.* §. 17. (oo) *d. lib. 1. Sect. VII. cap. VIII. §. 1.* (pp) *d. l. §. 2.* (qq) *d. l. §. 3.* (rr) *d. l. §. 7.*

π. d. V. S. ad Jus Publicum Civitatis non esse producenda. (ss)

42. Nihilò magis *jura intestati*, legitimasque successioneum devotiones, de patrimoniis, vel de feudis privatis constitutas, sine magno errore ad Summa Imperia transferri. (tt)

43. Non pertinet ad Imperia, hæc, similiaque statuta, vel uno clarum est argumento, quod ab *summa potestate* proficiscantur, ut subjectos ad parendum, non ut ipsos obligent Imperantes (vv)

(tt) d. l. §. 14. (tt) d. l. §. 17.

(vv) d. l. §. 19.

## C A P. X X I.

### *De Jure Aristocratico.*

**I**mperium, quod à pluribus tenetur, est vel *Aristocraticum*, vel *Demotricum*. (a)

2. **ARISTOCRATIA**, cum summa potestas est penes Optimates, hoc est, minorem & eminentiorem populi partem. (b)

3. **DEMOCRATIA**; quando *jus summum* Imperii à populo non transfertur, sed ab eo retinetur in summâ; *administratio* tantum per Magistratus exercetur, magis aut minus, ad instar Aristocratiae. (c)

4. *Numeri* Imperantium in hac formâ civitatis magna est latitudo,

ut definiri nullo modo possit, nisi quod subjectam civium partem longe oporteat esse majorem. (d)

5. Fatendum interim, quò major est Imperantium numerus, eò propius ad *Democratiam* similitudinem accedi, ut forte plus inter quasdam Aristocratias, quam inter aliqua Optimatum, & popularia intersit Imperia. (e)

6. Potest fere ut regnum, dividi *Aristocratia* in Successoriam & Electivam; plerumque quod ad singulas attinet personas, non etiam universos; aliquando tamen

H

ad

(a) Vid. Auctor in *Op. Mai. lib. I. sect. VIII. cap. I. §. 1.* (b) *Ibid. §. 2.* (c) *Ibid. §. 3.*

(d) *Ibid. §. 4.* (e) *Ibid. §. 9.*

ad universos quoque, ut in *Frisia* universi quotannis mutantur. (f)

7. *Successiva*, ubi dignitas Optimatum est hereditaria, ut summa *Reipubl.* concilia nulli quam è certis familiis nato ingredi liceat, quod *Poloni*, *Veneti*, aliique servant. (g)

8. *Electiva*, quando in locum deficientium alii ex eminentioribus civitatis per suffragia surrogantur, ut in *Belgis* obtinet. (h)

9. *Electio Aristocratica* dupliciter habetur, aut enim ipsi Optimates jus habent loca deficientia suo arbitratu, ut fit in *Hollandia*, supplendi, aut populus totus, ejusve Præcipui novos, identidem senatores eligunt, ut heic in *Frisia*. (i)

10. Illam sunt qui *Aristocratiam* veram, hanc qui in se spectatam volunt esse *Democratiam*; modum duntaxat administrandi Aristocraticum videri. (k)

11. Sed arbitror, distinguendum esse juxta principium toties positum, utrum acta electorum procerum à populo dependeant, ab eoque infirmari possint, an omnino sint rata. (l)

12. Si acta gesta illorum, rationibus reddendis, abolitioni, aut

animadversioni subjecta sunt, concedemus, fundamentum imperii esse *Democraticum*. (m)

13. Verum si plena & irrevocabilis potestas illis tribuatur, nulla ratio est, electionem populi magis impedire *Aristocratice* appellationem, quam *Monarchice*, ubi multitudo eligit Regem, siquidem utrobique eligentes omni potestate se ipsos abdicarunt. (n)

14. Hæc distinctio firmiter videtur, quam quâ alii utuntur, inter potestatem Optimatum *temporariam* & *perpetuam*. (o)

15. Si *temporaria*, volunt proprietatem Imperii manere penes populum, nihil vero quam usum & exercitium esse penes illos ad tempus Optimates. (p)

16. Nos hujus doctrinæ nullum agnoscimus effectum, quia rerum civilium natura ab effectibus æstimatur, quæ à tempore non recipiunt diversitatem; sed qui facere possunt idem, aliud ad tempus, aliud in perpetuum, illis idem juris oportet adscribi. (q)

17. Cæterum, si quis illud jus, quo Imperium ad populum reverti debet, proprietatem velit appellare, ut in jure quandoque, matrimonio adhuc consistente, domi-

(f) *Ibid.* §. 11. (g) *Ibid.* §. 12. (h) *Ibid.* §. 13. (i) *Ibid.* §. 17. (k) *Ibid.* §. 18. (l) *Ibid.* §. 19.

(m) *Ibid.* §. 20. (n) *Ibid.* §. 21. (o) *Ibid.* §. 22. (p) *Ibid.* §. 23. (q) *Ibid.* §. 27.



minium dotis, quod viri est, ad mulierem pertinere dicitur l. 30. C. de jur. dot. analogicè id quidem concedi potest. (r)

18. Sed Imperium accuratè loquendo ab jure, quod populus interim retinet, est diversum, ut ex definitione summæ potestatis constat; sicut in agro Frisæ, ubi jus summum competit dominis veterum prædiorum. (s)

19. Ab his autem quotannis creantur Optimates LXXXI plenæ potestatis, quibus datur jus intrà annum vertendum faciendi quicquid è Republicâ videbitur, nullâ re excepta, nisi, ut Leges Reipubl. fundamentales serventur, & paucis quibusdam aliis capitibus specialiter expressis. (t)

20. Clarum & certum est, ejusmodi annuos Imperantes æque habere summam potestatem in suo tempore, quam Rex Galliarum habeat; non obstante, quod eliguntur, quod delegantur, quod annui sunt; & quæ præterea pridem ostendimus summæ potestati non adversari. (v)

21. Ideoque delegantes interim æque jure summæ potestatis oportet careant, quam populos Gallorum eo carere palam est. (x)

22. Nisi, quod leges fundamentales, heic, in Frisâ inquam, præscribantur, quas tamen non tollere summitatem Imperii, ita simpliciter exceptas diximus etiam supra. (y)

23. Causa, per quam possessores immobilium hoc jus sunt adepti, quoties de jure belli, aliove involuntario non constat, proxime à voluntate populi repetenda videtur, saltem tacita, ubi à tempore immemoriali hoc jus constanter, adeoque per præscriptionem, exercitum est. (z)

24. Hinc res ipsa loqui videtur, illam speciem juris imperandi esse patrimonialem Aristocraticam, quia omnes & singuli, at pars longè minor populi jus hoc habent in patrimonio, pari scilicet jure, quo prædia habentur. (aa)

25. Ita ut testamento, & ab intestato, nec minus inter vivos, unà cum prædiis transferri possit, omnique die transferatur. (bb)

26. Cave autem putes, ex eo, quod hoc genus Imperii diximus esse patrimoniale, sequi, dominos prædiorum uti posse jure despotico, sive herili, adversus reliquos Civitatis consortes, ex illo jure patrimoniali; tamen si facilis

H 2

harum

(r) *Ibid.* §. 33. (s) *Ibid.* §. 34. (t) *Ibid.* §. 37 (v. d. lib. I. Sect. VIII. cap. II. §. 4. (x) *Ibid.* §. 5.

(y) *Ibid.* §. 6. (z) d. lib. I. Sect. VIII. cap. III. §. 4. (aa) *Ibid.* §. 9. (bb) *Ibid.* §. 10.

harum rerum sit conjunctio; patrimonialis, inquam, & herilis Imperii. (cc)

27. Dantur enim patrimonialia Imperia, quæ civilia tamen sint, hoc est, in quibus libertas, & bonorum proprietates, singulis salva maneant. (dd)

28. Sicut & Imperia quædam liberè voluntaria, patrimonialia fieri possunt, si populus ita expres-

se constituat, vel immemorali temporis usu ita obtinuerit, quem admodum apud nos haud dubie invaluit. (ee)

29. Sec hoc nullo modo consequitur; populus voluit jus imperandi esse in plena proprietate Regnantium; ergo & libertate suorum corporum, dominioque rerum, semet ipsos privare voluerunt. (ff)

(cc) *Ibid.* §. 18. (dd) *Ibid.* §. 19.

(ee) *Ibid.* §. 20. (ff) *Ibid.* §. 21.

## C A P. X X I I.

### *De Democratia.*

Quæ ultimo loco à Politicis collocatur DEMOCRATIA superest; quæ est, uti vox indicat, τοῦ τοῦ δῆμου κρείττο; populi Imperium, ut Aristocratia ἀριστων, optimatum potestas; populus autem universos cives, aut partem saltem maximam significat. (a)

2. Sed distingui potest, quod ad modum administrandi, Democratia in resolutam, vel restrictam. (b)

3. Resolutam dicimus, quando universus populus ad concionem vocatus omnia summæ potestatis

jura, saltem majora, secundum plurium sententias exercet atque disponit, ut *Athenis* in Ecclesiis, *Romæ* in Comitibus. (c)

4. Restricta democratia hoc solo ab altera differt, quod rarius convocetur populus, & plura senatui ac magistratibus committantur, cujusmodi nunc fere sunt, quæ habentur, populares civitates per *Germaniam*, ac alibi. (d)

5. At in *Belgis* nullam cognovimus Democratiam, nisi quod municipales quædam urbes, membra majorum Provinciarum, regimen suum

(a) *Aufser in Op. Mai. lib. I. Sect. VIII. cap. IV. §. 1.* (b) *d. l. §. 10.*

(c) *d. l. §. 11.* (d) *d. l. §. 15.*

suum ad instar democratici exercere videntur. (e)

6. Explicitæ sunt tres formæ Rerumpublicarum. Multi *quartam* speciem inculcant, quam appellant Mixtam. (f)

7. At nos in ea summus sententiâ, Respublicas proprie, id est, ex diversis formis mixtas, nec esse, nec unquam fuisse, neque civiliter dari posse. (g)

8. Tali utique mixturâ, qualem Politici aliqui describunt, ut *jura summæ potestatis quædam Regi, quædam paucis, quædam omnibus seorsim adtribuantur*, sunt verba *Arnisæi*, *System. Polit. cap. 6. sect. 1. n. 38. 39.* (h)

9. Adhuc expectamus, dum talis Respubl. plures habens Reipubl. formas *specie diversas* ex omni seculorum memoriâ monstretur, quæ extiterit, vel ætatem ferre potuerit. (i)

10. Quod si mixturam dicere velis, quam illi negant esse, ubi plures ordines jura quædam pariter exercent, non est dubium, quin ea species & esse possit, & passim reperiatur. (k)

11. Ratione quoque administrationis multifariam *misceri* civitates, ejusque rei speciem pleris-

que imposuisse, ut Spartæ, Romæ, ac alibi, propriè mixtas fuisse Respubl. putarent, pro certo habemus. *Dixi lib. 1. Digress. cap. 3. (l)*

12. Sed nec rarum, ut diversæ urbès regionesque diversâ utentes *formâ regiminis* in unam coëant civitatem, eadem retenta diversitate regiminum, nec ideo tamen mixturam faciant, quia summa Imperii, non singulæ partes considerandæ sunt, ut in *Frisiâ* aliquæ civitates democraticè, rursus aliquæ reguntur more Optimatum, summa tamen regiminis Aristocratica est. (m)

13. Fit etiam, ut plures populi sub diversis regimentis non planè in unam civitatem, sed in *fædus arcum* conveniant, quædam tamen jura communiter exercent, sub uno Principe fœderis, sicut alias diximus. (n)

14. Cujusmodi & hodiernam Imperii Germanici constitutionem esse non poterit negare, qui consideret, omnia Majestatis jura, plenamque *παρβασιλειαν*, à Germanis Principibus in suos Populos, nec minus in externos jura belli & pacis, liberè citraque vèniam Imperatoris exerceri. (o)

H 3

CAP.

(e) d. l. §. 16. (f) d. lib. 1. Sect. VIII. cap. IV. §. 1. (g) d. l. §. 2. (h) d. l. §. 3. (i) d. l. §. 4. (k) d. l. §. 7. & 14.

(l) d. l. §. 16. (m) d. l. §. 17. (n) d. l. §. 18. (o) d. l. §. 19.

## CAP. XXIII.

*De Tyrannide & Jure Civium resistendi Imperantibus*

**D**icamus & de TYRANNIDE, quæ post omnes Reipublicæ species & jura sequi debet; cum sit corruptio Reipubl. cujuslibet rectæ. Sed accuratius videndum. Ufus hujus vocis *strictè* de Monarchiis, *latius* & à nobis de quavis Republ. usurpatur. (a)

2. Est verò duplex, alia *titulo*, alia in *exercitio* quæ dicitur; nisi & *mixtam* dicere velis, titulo simul & exercitio. (b)

3. Primam *Pisistratissimum*, alteram *Phalarissimum*, tertiam *Neronissimum*, à celeberrimis singulorum exemplorum auctoribus appellare licet. (c)

4. Tyranni titulo (aliter invasores, & *Usurpatores*) dicuntur, qui Imperium civitatis nullo jure tenent, seu singuli, sive plures, ut Romæ *Decemviri*, post Leges XII. latas, Athenis aliquando *Quadringenti viri*. (d)

5. Nullo autem jure videntur Imperium habere, qui id *invitis*, quorum est verum jus impe-

randi, tenent; sive is populus, sive Optimates, aut unus sit. (e)

6. In *Invasoribus* mores non distinguuntur, adeoque juris ratio est eadem, seu Pisistratus, qui nulli injuriam fecit, seu Phalaris civitati incumbat, adeoque clementissimus & humanissimus invasor æquè tyrannus est; quam qui cædibus & rapinis grassatur. (f)

7. De Tyrannide in exercitio tantum, locus aliquanto difficilior est. (g)

8. Aristoteles describit *Tyrannidem*, quod sit *Μοναρχία ἀντιθεῖκη*, ὅθεν τὸ σφέτερον αὐτῆς συμφέρον, αἰὲν μὴ ὅθεν τὸ ἄλλο συμφέρον. Unius Imperium, quod ad suam ipsius, non ad subditorum utilitatem in invitos exercetur; quod est oppositum veri Regis officio, qui civium causâ, sicut omnis potestas, constitutus est, *lib. 4. polit. cap. 10. sub. fin.* (h)

9. Erit igitur Tyrannus Aristotelicus, qui omnia dirigit ad propriam

(a) *Auctor in Op. Mai. lib. I. Sect. IX. cap. I. §. 1.* (b) *Ibid. §. 6.* (c) *Ibid. §. 7.* (d) *Ibid. §. 8.*

(e) *Ibid. §. 15.* (f) *Ibid. §. 29.* (g) *Ibid. lib. I. Sect. IX. cap. II. §. 1.* (h) *Ibid. §. 3.*

priam utilitatem, populi vero commoda penitus negligit; cuiusmodi Neronis institutum erat, cum Præfecto inculcaret: *hoc agamus, ne quisquam quicquam habeat, ut Suetonius narrat, vit. Ner. cap.*

32. (i)

10. Multo magis, si quis exitium populi totius quærat; modo sanus homo illuc insanix venire possit, ut serio velit, quod Caligula optabat, universus populus ut unam cervicem haberet, quam unico ictu præcidere posset, apud eundem Suetonium, in *vit. Calig. cap. 30.* (k)

11. Verum hæc definitio non convenit, nisi hypothefi Summæ Potestatis simpliciter delatæ: opus est descriptione generali, quæ omnis generis Imperio, tam limitato, quam absoluto, plurimum, & unius Potestati congruat. (l)

12. Igitur pro nostro instituto *Tyrannum exercitio* vocamus, qui terminos summæ potestatis sibi jure delatæ notorie & præfractæ egreditur. (m)

13. Ex his jam sponte sequitur, quid sint Tyranni *exercitio tituloque* simul, scilicet, qui, cum nullum jus imperandi habeant, tamen Imperium, quod usurpant,

impotentèr acerbèque tractant. (n)

14. Porro, sicut unus actus non facit habitum, nec una hircundo ver adfert, ita nec quilibet actus Imperantium notam tyrannidis imponit; sed opus est crebris actibus, iisque indubitatis & violentis, ut Imperantes pro Tyrannis haberi possint; hoc est, quod in definitione collocatum est, *notoriè atque præfractè.* (o)

15. Acta, quæ fiunt contra jus Imperantibus delatum, nulla ipso jure sunt, verum an singulis & populo jus illud resistendi puniendique competat, videndum. (p)

16. Id ut periculosum, ita nec juridicum videtur, sed utrumque jus illud erit penes eos, quibus sumunt vis imperii competit. (q)

17. Proinde ubi jus summum est penes senatum, aut populi concilium, atque hoc præsens & sui potens, acta ejusmodi principis, aliorumve parem vim habentium, tacite adspicit, pro consentiente haberi debet; unde quod illegitimum erat, hoc modo legitimum, & obligat subjectos. (r)

18. Ex quo liquet, concilium illud, si potestate sua velit uti, jus habere non modò *cohibendi*, sed & *coercendi* illos, qui principale regi-

(i) *Ibid.* §. 7. (k) *Ibid.* §. 8. (l) *Ibid.* §. 10. (m) *Ibid.* §. 11.

(n) *Ibid.* §. 15. (o) *Ibid.* §. 19. (p) *d. lib. Sect. IX. cap. III.* §. 2. (q) *Ibid.* §. 6. (r) *Ibid.* §. 7. & 8.

regimen in absolutum convertere fatagunt. (s)

19. Qui tamen, si id pertendant, neque ab hoc in ordinem redigi possint, idque notorium sit, jam nihil hærendum, quin singulis è populo resistendi facultas jure competat; nisi servire quam pugnare malint. (t)

20. Idemque juris est, si Rex summam quidem, sed integram non habeat potestatem, verum quasdam Imperii partes una cum senatu, aut popularibus delegatis, exercere debeat, idque facere adspicietur. (v)

21. Idem est, si in *delatione* Imperii sit dictum, ut certo eventu Regi resisti possit. (x)

22. Et hæc quidem, ubi jura Majestatis non omnia absolute sunt penes Imperantes. (y)

23. Imperio autem simpliciter delato consentaneum est, nullam resistendi facultatem subjectis dari, nec ob publicas, neque privatas ob causas. (z)

24. Infinitatem tamen *Hobbesianam* sana ratio averfatur, quæ de re superius copiose disputatum est, cap. IX. (aa)

25. *Barclajus* ipse, disputans contra Monarchomachos, conce-

dit, si Rex verè hostilii animo in totius populi exitium feratur, quod non modo resisti illi queat, sed & regnum amittat, lib. 3. *advers. Monarcham.* cap. 8. & lib. 6. cap. 23. & 24. (bb)

26. Largitur & resistendi facultatem *Barclajus* populo toti, vel insigni ejus parti, adversus sævitiam regis immanem. (cc)

27. *Grotius* vero vix aut nihil alioqui cedens *Barclajo* in patrocinio Regum, idem singulis civibus ad vitæ suæ tutelam concedit, utique jure naturæ, & veteri divino, haud perinde Evangelico, d. cap. 4. §. 7. (dd)

28. Mihi non abs re videtur dicendum, aliud juris esse, cum Rex ordine legitimo ad disceptationem juris factique civem vocat innocentem & damnat: aliud, cum sine medio illum injustè opprimere & occidere parat, quomodo *Saul Davidem* apud læres transfigere conatus, dein more latronis persequi non destitit (ee)

29. Sed judiciali ordini vim opponendam non esse, licet Potestates eâ abutantur, parum abest, quin primitivo fœdere civitatis constitutum videatur. (ff)

30. Quia præviderunt populi, hoc

(s) *Ibid.* §. 9. (t) *Ibid.* §. 11. (v) *Ibid.* §. 13. (x) *Ibid.* §. 18. (y) *Ibid.* §. 25. (z) *Ibid.* §. 26. (aa) *Ibid.* §. 27.

(bb) *Ibid.* §. 29. (cc) *Ibid.* §. 31. (dd) *Ibid.* §. 32. (ee) *Ibid.* §. 34. (ff) *Ibid.* §. 35.

hoc concessio, nunquam prætextus turbandi judicia defuturos. (gg)

31. Verum nulla tamen adeo valida obligatio est, quæ quenquam ad mortis sine ulla ratione patientiam obstringat, ut ipsemet *Hobbes* quoque fatetur. (hh)

32. Quare nec *David* adhuc privatus non dubitavit se componere ad resistendum, etsi *Saul* jus absoluti Imperii in suos, ut omnes Orientis Reges, obtineret. (ii)

33. Idemque de *Machabæis*, qui Antiocho, ut Alexandri Magni successor, absolutoque Imperatori serviebant, ut videtur, existimandum est. (kk)

34. Unde, cur idem *Christianis* contra immanem sævitiam non liceat, veluti *Gallis*, postquam ex laniena Lutetianâ aliisque confiterat, hoc agi, ut omnes Reformati jugularentur, difficile dictu est. (ll)

35. Esse enim vero laude & admiratione dignos, qui malunt injuriam & mortem pati, quam armis oppositis sanguinem fundere, non est negandum. (mm)

36. Quomodo veterum Christianorum miro & heroico certamine ad martyrii gloriam festinan-

tium exempla videntur accipienda. (nn)

37. Ideo tamen eos omnes indiscretè damnare, qui ultimo necessitatis præsidio renunciare noluerunt, prædurum videtur. (oo)

38. Maximè, si hoc temperamento sint usi, ut *personæ* ejus, qui summam haberet potestatem, parcerent, quod & *David* sedulo fecit, & juris ratio faciendum dicat. (pp)

39. Præterea doctrinam Aristotelis huc applicandam putamus, quâ *Tyrannidem* ille definivit; ita ut à nobis expositum est; secundum quæ, si quis Rex id agat, ut omnia dirigat ad libidinem utilitatemque suam solius, idque multiplicitè experientiâ palam sit; omnibusque tentatis remediis, nulla spes supersit emendationis, & Rempublicam pessum ire sit indubitatum, nihil in eâ sententia videmus iniqui aut absurdi, quæ resistendi facultatem tribuit subjectis. (qq)

40. Regni tamen abrogandi potestatem non aliter populo adscribere licet, quam si princeps hostilem animum induat; alioqui sufficit, si curet Rempublicam ita administrari, ne communis boni

I ratio

(gg) *Ibid.* §. 17. (hh) *Ibid.* §. 40. (ii) *Ibid.* §. 41. (kk) *Ibid.* §. 42. (ll) *Ibid.* §. 43. (mm) *Ibid.* §. 47. a.

(nn) *Ibid.* §. 47. b. (oo) *Ibid.* §. 48. (pp) *Ibid.* §. 49. (qq) *Ibid.* §. 52.

ratio præ commodo unius abjiciatur; eodem fere modo, quo agi-

tur cum furiosis atque prodigiis. (rr)

(rr) *inf. cap. xxv. §. 9.*

## CAP. XXIV.

*De Contractibus Summarum Potestatum.*

**V**idendum paucis, quid de illis *Conventionibus*, quibus non defertur Imperium, sed quæ postea contrahuntur, sit habendum.

(a)

2. *Jure Naturali Gentiumque Regnantes* oligari satis est clarum, at civili vinculo contractus summarum potestatum per se nunquam obstringuntur, seu cum subditis imperio, sive cum exteris incantur. (b)

3. *Per se*, inquam; nam ex naturâ negotii & circumstantiis præsumptio nasci potest; quod secundum jus civile, quod est in loco, partes agere voluerint. (c)

4. Quod de *privatis Regnantium conventionibus*, ut emptiones, venditiones, locationes, conductiones, stipulationes, transactiones similesque, omnino statuedum. (d)

5. Quoniam tales actus non à Rege *quæ Rege*, sed quasi ab alio quovis instituuntur, adeoque, ut est membrum communitatis; quod & ipsius utilitas postulat, quia nemo alioqui cum principibus contrahere vellet. (e)

6. Etsi vero leges heic obligationem actionemque adversus summas potestates producant, *coactio* tamen sequi non potest adversus eos, quatenus, à quo cogantur, nemo existit, nisi quod exteris belli jus comparatum sit. (f)

7. Hoc ut evitent, simul & æquitas ac utilitas impulit Principes, ut tam à subditis quam ab reliquis conveniri se apud *certos judices* patiantur, cum alioquin ipsi in suâ causâ judices esse possent. (g)

8. Quia tamen hæc fiunt *submissione*, non ex amissione Summarum

(a) *Aucloz in Op. Mai. lib. I. Sect. IX. cap. V. §. 2.* (b) *d. l. §. 3.* (c) *d. §. 7.* (d) *d. l. §. 8.*

(e) *d. l. §. 9.* (f) *d. l. §. 14.* (g) *d. l. §. 15.*



mæ Potestatis, sciendum est, Imperantes, sicut reliqua suis subiectis, sic etiam ea quorum ipsi debitores sunt, adimere posse (h)

9. Primo in *penam* admissi, publicatione omnium vel partis bonorum factâ, vel etiam illius specialiter. (i)

10. Denique ex probabili causâ *dominii eminentis*, modo ejus prætextu non tegantur iniquitates & calumniæ. (k)

11. Paulo diversâ est ratio conventionum de rebus ad *summam potestatem* pertinentibus initiarum, quas Reges non ut membra, sed ut capita civitatis, aut ut civitates ipsæ contrahunt. (l)

12. In his palam est, non habere locum *leges civiles*, quoniam illæ consistunt in imperando, cogendo, quod non cadit in summam potestatem; proinde nulla exinde quam ex præsumptione voluntatis oriri potest obligatio (m)

13. Nisi cum *toto populo* initus sit contractus, eâ mente, ut in legem abeat fundamentalem, quâ de re *suprà* diximus. (n)

14. Quod autem sponte & liberaliter per modum *Privilegii*, conceditur, id contrario privile-

gio tolli potest, uti lex lege contrariâ potest abrogari. (o)

15. In cæteris cum populo initis contractibus super rebus ad *majestatem* spectantibus, idem si ne dubio juris est, quod modo de privatis negotiis per se consideratis tradidimus. (p)

16. Scilicet *naturalis* inde nascatur obligatio eaque efficacissima, & jus perfectum populo acquiratur, ita ut contra quam conventum est, Imperantes facere non possint. (q)

17. At si pactis stare nolint Imperantes, ratio cogendi illos nulla datur subiectis, nisi quatenus hi in societatem Imperii, saltem pro parte recepti sunt. (r)

18. Proinde, si Rex *armis* civilibus armis cum populo suo, vel ejus parte, colluctatus, pacem *certis* pactationibus iniverit, easque jurejurando firmaverit, tenetur quidem omni modo, gravissimeque perjurus est, si stet conventis. (s)

19. Si tamen stare nolit, dabiturne ad arma regressus? Nulla quidem juris ratio id populo permittit, nisi in partem imperii recepto. (t)

20. Videamus de *successoribus*, quo-

(h) d. l. §. 18. (i) d. l. §. 19. (k) d. l. §. 20. (l) d. l. §. 26. (m) d. l. §. 27. (n) d. l. §. 37.

(o) d. l. §. 39. (p) d. l. §. 40. (q) d. l. §. 41. (r) d. l. §. 44. (s) d. l. §. 45. (t) d. l. §. 46.

quomodo hi ex contractibus teneantur. (v)

21. Notum est, *jure nature* haud minus quam civili, obligationem, quæ ex conventionibus est, transire ad heredes. (x)

22. Sed hoc ideo, quia qualitas heredis ex tacita vel expressa defuncti voluntate deduci solet; *tacita*, cum successio ab intestato defertur; *expressa*, vi testamenti. (y)

23. Sed in *regnis voluntariis* successores non accipiunt suum jus ab eo, qui proxime decessit, verum à populo, qui voluntatem suam lege perpetuâ semel stabilivit. (z)

24. Nihilo fecius dicendum, successores Regum etiam ex *contractibus* teneri, sed cum distinctione. (aa)

25. Rex enim habet & *patrimonium* peculiare & *regnum*, quæ post mortem diversa relinquit; tam ubi hereditaria, quam institutiva obtinet successio. (bb)

26. *Patrimonium* defertur ab intestato ad omnes in pari sanguinis gradu constitutos, qui proinde pariter defunctum repræsentant; ac ita omnes pro heredita-

riis partibus è privatis illius contractibus obligantur. (cc)

27. Sed obligationes, quæ propter *Rempublicam* initæ sunt, tenent omnino successorem, non ut heredem, sed ut caput civitatis, imò ut ipsam civitatem. (dd)

28. Limitant hoc tamen gravissimi scriptores, ut procedat, si acta Regum decessorum habeant *probabilem rationem*; non, si ratione carcant probabili. (ee)

29. Nos intelligimus, si quid *turpe* aut manifestè *absurdum*, planeque stultum contraxerit Rex, aut deciderit, quod in ipsius potestate non erat; ut si partem regni alienaverit, id non esse propagandum ad successores. Verba autem *probabilis rationis* nimis laxa videntur. (ff)

30. Etenim Imperantes Supremi possunt omnia facere, quæ *Civitas* ipsa potest, si non egrediantur terminos potestatis sibi delatæ; & *Civitas* potest, quicquid dominus & quilibet arbiter rerum suarum, qui pro lubitu de rebus suis disponit, teneturque, tam si male quam si bene rem gesserit. (gg)

31. Plane quod à Summâ Potestata-

(v) d. l. §. 53. (x) d. l. §. 54. (y) d. l. §. 55. (z) d. l. §. 56. (aa) d. l. §. 58. (bb) d. l. §. 59.

(cc) d. l. §. 63. (dd) d. l. §. 65. (ee) d. l. §. 68. (ff) d. l. §. 70. & 71. (gg) d. l. §. 72.

testate populo imperatum, non haberet vim eos obligandi, id neque per contractum in obligationem deductum poterit obstringere cives; sed è contrà, quod vim

adversus illos parendi haberet, id etiam valebit, ubi per conventionem alii jus inde comparatum fuerit. (hh)

(hh) d. l. § 73.

C A P. X X V.

*Quibus modis Summa Potestas finitur.*

**A**bsolutis quæ de juribus summæ potestatis suppetebant, non erit abs re modos percurrere, quibus finitur Summa Potestas. (a)

2. Finitur autem, vel unâ cum civitate tota; vel consistente reliquo corpore, sola extinguitur. De illo casu postmodum in loco agitur. (b)

3. Primus igitur, quo sola Majestas finitur modus est Mors, cunctarum ultima linea rerum. (c)

4. Secundò, finitur tempore, quod ab his, quorum est primævum jus imperandi, paucis vel uni præfigitur. (d)

5. Tertio, præscriptione, cujus & in tempore præcipua vis est, quando populi principesque diversi possessione immemoriali contrà se invicem utuntur. (e)

6. Quarto; finitur abdicatione, quando Rex Imperium deponit, sive reddit populo Rempubl. (f)

7. Quintò, si Rex Imperium pro derelicto habeat, vel reverà deferat atque destituat. (g)

8. Septimo, per feloniam amittitur feudale regnum, id est, per grave delictum vasalli adversus Dominum. (h)

9. Octavo, si Rex hostilem animum contra populum suum induat, idque palam liqueat, Imperium perdit. (i)

10. Denique, nonò, jure belli summa potestas auferri, quia victor in divictos jure Gentium, cujusmodi vult, Imperium adipiscitur. (k)

11. Decimus finiendæ Majestatis modus est unio cum aliâ majore

(a) Auctor in Op. Mai. lib. I. sect. IX. cap. VI. § 1. (b) Ibid. §. 5. (c) Ibid. §. 6. (d) Ibid. §. 8. (e) Ibid. §. 9.

(f) Ibid. §. 17. (g) Ibid. §. 22. (h) Ibid. §. 26. (i) Ibid. §. 27. (k) Ibid. §. 28.

jore civitate; quomodo in Gallia majores provinciæ, Normandia, Britannia, Aquitania, Delphinatus, Provincia, aliæque majestatem amiserunt. (l)

12. Aliqui sunt modi, de quibus *ambigi* potest, tollant an non tollant summam potestatem? (m)

13. De *captivitate* primum, quæ est mors civilis; Resp. exercitium amittitur, jus ipsum retinetur, sicut in Gallia Rege *Johanne* atque *Francisco* captis, accidit. (n)

14. *Alienatione*, aut *subjectione* regni, in alium, aut sub alio factâ à Rege, jus Majestatis amitti tradit Barclajus l. 4. c. 16. *contr. Monarchom.* à Grotio reprehensus; eò quod talis actus sit ipso jure nullus, cujus proinde nullus esse queat effectus; nisi ut populus alienationem vel subjectionem Regi executuro vi resistat, ut Angli

adversus Johannem, qui se Pontifici vassallum addixerat, fecerunt. *Grotius lib. 1. cap. 4. §. 10.* (o)

15. Potest etiâ quæri, an per *negligentiam* Rex cadat Imperio, ut Franci in ultimis Merovingiorum servarunt. De jure non videtur; sed populum aut optimates Regi aliquos adjungere possunt, qui pro conservatione totius invigilent, haud tamen ultrâ quam postulet necessitas. (p)

16. Idem juris est, si Rex incidat in *furorem*, ut Carolus VI. Galliar. (q)

17. Sæpe quæsitum est, an quod Rex ante regnum initum *hostis regni* fuisset, hinc in Successivo Imperio amittat jus Regni? quod non videtur, modo non maneat hostis, ubi regnum ipsi delatum fuerit. (r)

(l) *Ibid.* §. 19. (m) *Ibid.* §. 30. (n) *Ibid.* §. 32.

(o) *Ibid.* §. 31. (p) *Ibid.* §. 38. (q) *Ibid.* §. 39. (r) *Ibid.* §. 40.

## S E C T. II. C A P. I.

## De Familia, &amp; Matrimonio.

**C**um duabus omnino partibus constet Civitas, Imperantibus atque Parentibus sive subjectis; absolute Imperio, res jubet, ut de his qui *subjecti* sunt, loquamur, qui in definitione civitatis monstrantur, familiae. (a)

2. *FAMILIA*, est *Cætus* plurium personarum, quæ sub unius potestate, *natura aut jure*, *visus* quotidiani causa, sociatæ sunt. (b)

3. Personæ jure sociatæ sunt conjuges & servi; *naturâ*, liberi, ex quibus familia componitur. (c)

4. Perfecta igitur familia constat triplici conjunctione Patris-familias, cum uxore, cum liberis, cum servis. (d)

5. Sunt tria paria, sed quatuor personæ, cum minimum; quia Dominus, Vir, Pater, sunt unus Pater-familias: liberi possunt esse plures; est etiam ubi uxores plures in unitate familiae sunt; deficiente ex his uno, fit imperfecta

familia, magis aut minus, prout deficiens membrum magis aut minus est necessarium. (e)

6. Aristoteles Imperium Patris-familias triplex esse tradit, in *lib. 1. Polit. cap. 8.* *δεσποτικῇ, βασιλικῇ, πολιτικῇ.* Illud in servos, istud in liberos, hoc in uxorem competens. (f)

7. PATER-FAMILIAS est Princeps familiae & in domo dominium habet, l. 196. π de Verb. signif. juxta Homericum illud Aristoteli laudatum, *Θεμιστένης ὁ παῖς τοῦ Πάτρως ἦδ' ἀδελφῶν.* *Fus quisque dicit liberis, & conjugibus.* (g)

8. Etiam verò servis; at his quidem heriliter & duriter; liberis regie, id est, absolute quidem; at cum pietate, non cum atrocitate; uxori cum multâ æqualitatis observatione; sicut Magistratus agunt in Republicâ liberâ cum civibus, hoc enim est *πολιτικόν.* (h)

9. Prima conjunctio, quæ constituitur

(a) Auctor in *Op. Mai. lib. II. Sect. 1. cap. 1. §. 4.* (b) *Ibid. cap. II. §. 49.* (c) *Ibid. §. 13.* (d) *Ibid. §. 16.*

(e) *Ibid. §. 18.* (f) *Ibid. §. 21.* (g) *Ibid. §. 22.* (h) *Ibid. §. 23.*

stituit familiam, fit per *matrimonium*, quod est, *virī ac mulieris conjunctio, individuam vitæ consuetudinem continens*, §. 1. *Inst. de Patr. Pot.* (i)

10. *Consensu* perficī *matrimonium* ratio dicitur, corporum *conjunctio* illud implet; mos tamen *populorum* fert, ut solum *consensum sponsalia* vocent; *sponsos*, qui tantum contraxerunt, quā de re latē diximus in *lib. 2. Digress. cap. 8. 9.* (k)

11. Sed & merito plerisque placuit gentibus, ut *publico ritu* *matrimonium* celebretur, veluti *deductionis* in domum, similique; Christianis verò, in cœtu *publico fidelium*; præviā publicatione *sponsaliorum*, si forte aliorum interfit. (l)

12. Horum tamen rituum *neglectus nullitatem actus* *matrimonii* inferre non potest, nisi vi legis expressæ, quoniam *individua consuetudo* sine hoc ritu consistit, & multis gentibus istæ *cerimonie inusitatæ* fuerunt. (m)

13. Etiam lege vel pacto opus est, ut *bonorum communio* inter *conjuges* statuatur; nisi quatenus ad sustentandum vitæ consortium requiritur. (n)

14. Mores gentium hac parte variant: *Romani* nullam bonorum *communiohem* inter *conjuges* habebant; quædam nationes hodiernæ *universam confusionem* probant, eamque laudat *Martialis lib. 4. epigramm. 74. de Nigrinā.*

*Te patrios misere juvat cum conjugē census,*

*Gaudemem socio participique viro.* (o)

15. Placet tamen, ut in omnibus, ita hæc quoque *medium*; ideoque *optimæ* videntur eorum *populorum* leges, quæ ad *questum & dispendia* restringunt *societatem*; nam quæ ad *substantiam* rerum eam producunt, *matrimonia* quasi *captatoria* reddunt. (p)

16. Cæterum, jure *societatis*, & secundum *primam naturæ* *simplicitatem*, *familie Imperium* *femina* pariter cum *viro* debebatur, ut probavimus *lib. 2. Digress. cap. 3.* (q)

17. Sed quia *æqualitas* parit *rixas*, ἡ ἰσοτιμία παῖχον ποιεῖ, *Chrysof. ad cap. 4. Ephes.* idcirco *virī* ob *præstantiam* *sexus* prævalet *auctoritas*, *ordinis* tamen magis quam *subjectionis causā*, ex *sententiā Aristotelis*, quam *audivimus.* (r)

18. Id-

(i) *Ibid. cap. III. §. 1. & 3.* (k) *Ibid. §. 13.* (l) *Ibid. §. 18.* (m) *Ibid. §. 19.* (n) *Ibid. §. 21.*

(o) *Ibid. §. 23.* (p) *Ibid. §. 24.* (q) *Ibid. cap. IV. §. 1.* (r) *Ibid. §. 2.*

18. Idque notissimo *Jure Gentium*, monstrante *naturali* ratione, nec minus *jure divino* in tantum invaluit, ut neque *lex*, neque *pactum* valeret in contrarium, quā vir imperio in uxorem renuntiaret. (s).

19. Sed quominus *civiles effectus*, ut de curā bonorum, similesque, tam *conventionē* quam *lege* aliter se habeant, nihil obflare videtur. (t)

20. *Individua consuetudo* significat arctissimum illud consortium corporis, animorum, omnisque vitæ, quod *natura*, & *mos Gentium* non minus quam *jus divinum* conjugio inesse debere dicitur. vid. l. 1. π. de rit. nupt. Dixi in Digress. *Justinian. lib. 2. cap. 10. & 11. (v)*

21. *Multitudo uxorum* cum arctitudine illius consortii, & individuo affectu, consistere non potest, adeoque internæ conjugii naturæ adversari videtur *polygamia*, ut latius ostendi d. lib. 2. Digress. cap. 16. (x)

22. *Solvitur matrimonium repudio* inter sponfos, *divortio* inter conjunctos. Illud *mutua partium gratia* fieri posse videtur, nec non alterutro graves ob causas renunciantē, cap. 5. & cap. 10. x. de

*Sponsal. cap. 25. x. de Jurejur. (y)*

23. Hoc *partium consensu* nullo modo fit, quia non ut reliqui *contractus* mere *consensuales* contrario consensu ad statum infecti redire possunt, sic quoque *status prior conjugum* eodem modo potest *redintegrari*, quoniam arctissima illa *conjunctio*, per quam duo in unum coaluerunt, ita comparata est, ut non recipiat *separationem*. (z)

24. Proinde ejusmodi oportet esse *causas*, quæ *fœdus conjugale* penitus destruant, quales *duæ* esse videntur: *adulterium*, & *desertio* quæ fit cum animo non reverteendi; *malitiosam* vocant. *Matth. cap. 5. v. 32. & cap. 19. v. 9. Ep. 1. ad Corinth. cap. 7. v. 17. (aa)*

25. *Vinculum conjugii* non modo a *muliere*, sed etiam a *viro*, rem cum alia soluta habente *dirumpitur*, quia *fides mutua* jus in corpora utrique largitur idem, 1. ad Corinth. 7. v. 4. tamen si *gravius vir*, quam *uxor suppositione* partus lædatur. (bb)

26. Unde licet *diversæ delicti species*, & *nomina* esse queant, atque *pænæ*, ut multis visum *Legislatoribus*; l. 6. §. 2. π. ad l. *Ful. de adulter. Levit. cap. 20. v. 10. Deuterofon.*

(s) *Ibid.* §. 3. (t) *Ibid.* §. 5. (v) *Ibid.* cap. III. §. 4. (x) *Ibid.* §. 8.

(y) *Ibid.* cap. IV. §. 19. (z) *Ibid.* §. 20. (aa) *Ibid.* §. 21. (bb) *Ibid.* §. 23.

*teron. cap. 22. v. 22. tamen utraque species matrimonio sufficit dissolvendo, d. cap. 5. & 19. Matth. (cc)*

27. Idem efficit *malitiosa* & obstinata *derelictio* tecti aut thori, quæ tollit peremptoriè omnem *evangelii* & *evangelii*, non minus naturaliter, quam jure divino. (dd)

28. Si aliter mores feminæ sint intolerabiles, non ultra quam *domo* exigi potest. Nec illa se alio modo sævitæ viri opponere, aut luxuriæ suas res subducere potest; quamquam *Justinianus* Princeps religiosus, exemplo *Mosaico*, libellos divortii pro ultimâ discordantis matrimonii medela permittit, *Nov. 140. (ee)*

29. Diversæ à causis divortii sunt rationes *nullitatis*, ut est impotentia, (quæ tamen superveniens non rumpit conjugium) sanguinis propinquitas, quæque per leges plura in hanc rem statuta sunt. (ff)

30. Cæterum, quæ ratio mulieres imperio viri in familia subdit, eadem arcet eas à cunctis *muneribus publicis*, *l. 2. n. de R. I. (gg)*

31. Nempe ut viris *postponantur*, quod in promiscuis Reipubl. officiis, ubi nunquam viri desunt, fit semper, *d. l. 2. n. d. R. I. (hh)*

32. At in *Summis Imperiis* æque postponuntur maribus; his autem deficientibus in regnatrice familiâ, non est absurdum feminas, natasque ex illis admitti, ut *supra* dictum. (ii)

33. Plane in omni Republ. *marium* melior est conditio in his, quæ ad decus & dignitatem spectant; *feminarum* melior, quatenus imbecillitati subvenitur, quâ parte *Justinianus* & *Theodora* sexui largiter in suis legibus indulserunt. *Vide specimen in Nov. 134. c. 9. 10. 11. (kk)*

(cc) *Ibid. §. 24.* (dd) *Ibid. §. 25.* (ee) *Ibid. §. 26.* (ff) *Ibid. §. 28.*

(gg) *Ibid. cap. I. §. 26.* (hh) *Ibid. d. l.*  
(ii) *lib. I. Sect. VII cap. II. §. 33.* (kk) *lib. II Sect. I. cap. I. §. 26.*

## C A P. I I.

*De Parentibus ac Liberis, Dominis & Servis.*

**A**ltera in familia societas orta è priori inter parentes liberosque, ex justis nuptiis natos, intercedit. Nam qui absque matrimonio



trimonio suscipiuntur, non sunt membra familiæ, quia deficit principium familiæ. (a)

2. Qui tamen è muliere, cum quâ conjugium esse posset, sunt nati, suppleto defectu, quo à familia removebantur, possunt cum illâ reintegrari. Scilicet, subsequente parentum connubio, aut sublato alterutro, per *Rescriptum summæ potestatis*. (b)

3. Sed differentia *Juris Romani* inter eos, qui domi è concubinis, & qui foris è furtivo amplexu nascuntur, non est *Juris Gentium*, quo sufficit patrem esse certum, ut liberi pro naturalibus & aptis ad legitimandum habeantur. (c)

4. Sed nati è *coitu nefario*, incestuoso, vel adulterino, non sunt in terminis habilibus, ut cum familia parentum unquam coalescant; quia vitium illis obstands nunquam potest tolli, & turpe videtur eo modo natos familiis aggregare. Quominus tamen Principes speciali *rescripto* jubeant eos in civitate, effectisque civilibus, haberi pro honestis, & quasi pro legitime natis, ratio non prohibet; idquæ fit passim. (d)

5. Sed quod ad eos attinet, qui

ex nuptiis sine parentum consensu initis sunt nati, horum status per *ratibabitionem* avorum ad originalem integritatem reduci potest. (e)

6. Neutiquam tamen nefariæ proles *abjici*, alimentisque privari debent, quæ sententia Justiniano, in *Nov. 89. cap. ult.* nescio an merito, adscribitur; quamquam ut *inhonorati* in civitate degant, id juris ratio non abnuit, imò postulat. (f)

7. Denique, tædio orbitatis commentum *Adoptionis* repertum, & à multis gentibus usurpatum est, quo extranei in nomen & jus liberorum adiscuntur. (g)

8. POTESTAS PARENTUM in liberos ejusmodi esse debet, quæ ad regimen familiæ sufficiat, & quidem ut par est in civitate, ubi major est potestas prædita gladio. (h)

9. Proinde *jus vitæ & necis*, quod olim Romæ habebant parentes, recte novis constitutionibus, aliarumque gentium moribus, in modicam coercitionem est mutatum, l. un. C. de Emend. prop. l. 3. C. part. pot. (i)

10. Cum autem familiæ Imperium sit penes *virum*, sequi debuit,

K 2

ut

(a) Auctot in *Op. Mai. lib. II. Sect. I. cap. V. §. 2.* (b) *d. l. §. 6.* (c) *d. l. §. 7.* (d) *d. l. §. 8.*

(e) *d. l. §. 9.* (f) *d. l. §. 10.* (g) *d. l. §. 15.* (h) *d. l. §. 22.* (i) *d. l. §. 23.*

ut potestas in liberos, quæ civiles validosque haberet effectus, patri soli permitteretur; honore interim & obsequio pietatis matri æqualiter præstando. (k)

11. Jura Patriæ potestatis tam ad personas liberorum, quam ad res & bona illorum pertinent. Vid. Grotius lib. 2. cap. 5. §. 1. & seqq. (l)

12. In personalibus id juris habet pater, ut quæcunque ad regimen familiæ spectant, in iis filius nihil sine illius consensu possit, adeo ut pater acta ejus irrita facere queat (in infantibus res loquitur, nullam esse exceptionem.) (m)

13. In cæteris tenentur quidem liberi parentes revereri & observare, sed facultas perfecta patri in illis competere non potest. (n)

14. Cujus generis videtur esse jure naturæ *Matrimonium*, quod non ad regimen familiæ, sed ad ejus dissolutionem spectat; præter quod gignendi facultas tam propria & cuique singularis esse videtur, ut imperio subjici non possit. (o)

15. Sed ratio summa honestatis & gratitudinis, communisque utilitatis, plerosque Legislatores impulit, ut necessitatem vimque

coactivam huic rei addiderint; adeo ut Divino, & Romano, aliisque juribus, excepto Canonico, invitis parentibus contractæ nuptiæ nullius momenti conseantur, pr. & §. 1. *Inst. de Nupt. Exod. cap. 22. v. 17. Deuteronom. cap. 7. v. 3. 1 Corinth. 7. v. 8. 9. can. sufficiat; caus. 27. qu. 2. cap. cum causa, 6. x. de Raptor. (p)*

16. Jam in causis ad *Rempublicam* pertinentibus, clarum est, cessare debere patriam potestatem, eaque est regula Juris Romani, Gentium juri conveniens, l. 9. π. *de his qui sui vel al. jur. (q)*

17. Quæ præterea Jure præsertim Romano constituta sunt, ea legum commenta suo loco non inutilia, sed à jure universali aliena sunt. *Dixi in Posit. Jur. ad tit. I. de Patr. Pot. (r)*

18. *Solvitur patria potestas* Jure Gentium, non morte tantum, sed & ademptione libertatis, & civitatis, aut emancipatione voluntaria; qui modi Jure Romano sunt cogniti, tit. *Inst. Quib. mod. solv. patr. pot. (s)*

19. Sed & *matrimonio*, separataque habitatione, quia tunc ipsi liberi novam colunt familiam. Igitur ætate verius est non solvi potestatem Jure Gentium, contra quam

(k) d. l. §. 27. (l) d. l. §. 32. (m) d. l. §. 33. (n) d. l. §. 34. (o) d. l. §. 35.

(p) d. l. §. 36. (q) d. l. §. 38. (r) d. l. §. 41. (s) d. l. §. 42.

quam nonnullis populis in usu est.  
(t)

20. Porro per connubia *filiorum* [nam filiae innubunt in alienas familias, unde & capita & fines familiarum dicuntur] propagatur familia, omnesque nominis & cognationis participes, ejusdem *familiae* esse dicuntur, l. 195. §. pen. & ult. π. de Verb. signif. (v)

21. Quanquam *servi* per se membra Civitatis non sunt, tamen ad familiam sine dubio pertinent, atque ita sunt in Civitate. (x)

22. Isti *SERVITUTEM* esse docent; constitutionem juris gentium, quâ quis dominio alieno contrâ naturam subjicitur, §. 1. *Inst. de jur. person.* (y)

23. *Multæ* servitutis justæ posunt esse *causæ*; veluti conventio, cum quis impos sui tuendi se dedit alii defendendum aut alendum, hac lege, ut in ejus potestate sit, & imperata faciat; quod Jure Romano & Mosâico permisum, §. 4. *Inst. de jur. person. Exod. cap. 31. v. 6.* (z)

24. *Secundò*, alimentorum, l. 2. *C. de infant. expos. Tertio* jus belli, nam quos occidere honestum est,

ut jure belli constat; eos servare ad serviendum non potest esse inhonestum neque injustum, *arg. §. 3. Inst. de jur. person.* (aa)

25. *Quarto* nativitate, quia pars sequitur jus totius, & quia sœtus à domino, tam ante quàm post nativitatem altus est. (bb)

26. *Denique*, propter delictum potest quis justè redigi in servitutem, ut hi qui in metallum, vel ad remos, aut ergastulum perpetuum damnantur. (cc)

27. *Duo* præcipue de servis quæruntur; *primum*, an & quâ ratione prohibitum illis sit, resistere Dominis? *dein*, an jure suo fugere possint? (dd)

28. Sane, quandiu capti bello non recipiuntur in gratiam, sed in *vinculis* habentur, palam est, nullum pactum expressum, vel tacitum, inter ipsum atque victorem intercedere. Proinde tum captis omnia, quæ in hostem, licere non est dubium. (ee)

29. Quod si bellum careat *so-lennibus Juris Gentium* requisitis, non fiunt capti, jure, servi; proinde nec ejusmodi tacita oritur obligatio, ut in his, qui piraticâ aut latrocinio barbarorum capiuntur. (ff)

K 3

30. Cum

(t) d. l. §. 43. (v) d. l. §. 54. (x) d. l. cap. VI. §. 1. (y) d. l. §. 5. (z) d. l. §. 7.

(aa) d. l. §. 8. & 9. (bb) d. l. §. 10. (cc) d. l. §. 12. (dd) d. l. §. 13. (ee) d. l. §. 20. (ff) d. l. §. 21.

30. Cum his qui ob delictum fiunt *servi pœnæ*, nullum initur pactum neque tacitum neque expressum: jus tamen resistendi non habent jure damnati; fugere quominus jure possint, nihil ob stare videtur. Etenim hoc non aliter, quam vi pactionis expressæ committitur; longe enim potentius est recuperandæ libertatis desiderium, quam ut ei tacite renunciatum videri possit. (gg)

31. *Voluntaria* servitutis obligatio modum accipit ab expressâ vel tacita voluntate contrahentium. *Expressa* per se terminatur: *tacita* in qualibet civitate jus habet idem, quod publice de servis receptum est. (hh)

32. *Moribus hodiernis* utimur ingenuis, adeò ut qui servi ex Indiis, aut aliunde huc adducuntur, statim atque fines nostros attingerunt, ad libertatem proclamare possint, ut omnium fere

gentium in Europâ scriptores, citati à Groenewegio *ad tit. Inst. de jur. person.* testantur. (ii)

33. Igitur *famuli famuleque* non aliter, quam ex sua conventionione, secundum naturam rei, quæ agitur, idque ad tempus, sunt obligati. Natura autem negotii, ad quod se locaverunt, hæc est, ut diligenter imperata faciant, operamque sedulam dent iis rebus, ad quas se locârunt, ita sicut vir prudens definiverit, idque toto tempore quo suas operas addixerunt. (kk)

34. *Domini* vicissim debent ipsos omnia, de quibus inter eos convenit, victum & mercedem, omniaque humanitatis officia, quæ salvâ subordinatione status ipsorum civiliter præstari queant; nec ante tempus eos, nisi causâ cognitâ dimittere possunt; ni lex aut mos locorum aliter ferat, quæ admodum hac parte variant. (ll)

(gg) *d. l. §. 22.* (hh) *d. l. §. 23.*

(ii) *d. l. §. 29.* (kk) *d. l. §. 30.* (ll) *d. l. §. 32.*

### C A P. I I I.

#### *De Civibus, & Municipibus.*

**Q**UI domi sunt membra familiaræ, hos in Republica *cives* appellamus. (a)

(a) *Auctor in Op. Mai. lib. II. Sect. II. cap. I. §. 1.*

2. Definimus *CIVEM*: quod sit *homo liber, qui juris fruendi, vitæque felici*

*feliciter agenda gratia, cum aliis sub eadem summa potestate sociatus est.* (b)

3. Ita generaliter, ut Aristoteles *lib. 2. Polit. cap. 1.* Οὐ δὲ πολίται, inquit, κοινονεῖν ἢ μὴ πῶς. *Cives sunt omnes ejusdem civitatis participes.* (c)

4. Ergo, pro civibus habemus, omnes tam mares quam feminas, filios & patres familiarum, tam nobiles quam plebejos, etiam Duces, Principes, & Comites; tam rusticos quam urbanos, tam subiectos quam imperii participes, denique tam incolas quam naturales. (d)

5. *Advenæ* temporarii recte à civibus distinguuntur, quia nec sunt uniti in eandem societatem, neque id agunt, uti vitam in ea civitate transigant, etsi imperio illius Reipubl. tantisper ubi degunt, subiecti sint. (e)

6. *Quæstio* hic oritur, numquid aliquis diversarum civitatum possit esse civis, uno eodemque tempore. Negabant *Romani*, non modo respectu municipiorum ejusdem Imperii, de quibus agit *l. 29. ad Municip.* sed etiam ratione Romanæ civitatis erga populos externos, ut probavimus *lib. 3. Digesti. cap. 8.* (f)

7. Vera *Juris Publici* sententia hæc est; in diversis municipiis eidem summæ potestati subiectis, nihil vetat, unum duobus locis civium muneribus oneribusque subiectum haberi, ut *Jure Romano* qui migrabat, priore loco tanquam civis seu municeps, in posteriore tanquam incola tenebatur *d. L. 29. π. ad Municip.* (g)

8. Verum ut unus idemque in *diversis Rebuspublicis*, summo Imperio distinctis, proprie sit civis, id non habet facultatem, non magis quam ut unus idemque duorum corporum esse queat membrum. (h)

9. Potest quidem civi alterius Reipubl. liberum jus *commercii*, aut aliud civile privilegium concedi, jus quoque honorarium civitatis dari; sed unio civilis sub obsequio summæ potestatis nullo modo uni homini duobus locis tribui potest. (i)

10. Quid autem? An civis non habet liberam *discedendi* facultatem, ita ut vinculo fœderis, quo civitati innexus, & imperio obnoxius est, solvatur? Hæc acerrima disputatio est, de qua vide Arniseum in *System. polit. cap. 5. sect. 7. & 3.* (k)

11. Res inde *judicanda* est, utrum

(b) *Ibid.* §. 9 & 10. (c) *Ibid.* §. 3. (d) *Ibid.* §. 7. (e) *Ibid.* §. 20. (f) *Ibid.* §. 23.

(g) *Ibid.* §. 24. (h) *Ibid.* §. 25. (i) *Ibid.* §. 26. (k) *Ibid.* §. 28.

trum in primævâ constitutione Civitatis id inter contrahentes populos actum censeatur; an non potius fuerit tacita fœderis conditio, ut obligatio maneret, dum cohabitatio duraret, eam tamen mutare singulis liberum esset. (l)

12. Hoc enim videri voluisse populos, est ratio quæ suadeat evidens, & quæ dissuadeat nulla magnopere. *Vid. Grotius, lib. 2. cap. 5. §. 24. ibi: Solet hic illud quæri.* (m)

13. Nisi majore frequentia discessus instituat, vel nisi intempestive aliqui discedere parent, aut cum grande æs alienum collatione facta publice exsolvendum, aut belli majus imminet urgetque periculum; nisi rursus abiturienti offerat id quod interest. (n)

14. Denique lege semper potest caveri, ne in posterum discessus aliter quam venia publice impetrata instituat, (o)

15. Omnes igitur incolæ, qui sedem fortunarum læscque suos alicubi fixerunt, hos recte cives appellamus. (p)

16. Et si nec jurejurando, nec ulla promissione devincti, sufficiente tacita consociatione; quate-

nus sæpe, originales maxime, nullâ promissione expressa obligantur, neque etiam allesti, præterquam in urbibus, ibique soli patresfamilia. (q)

17. Cives cum respectu ad civitatem dicuntur, & civitas cum Republ. æquiparatur; *municipia* autem sunt urbes majori subjectione imperio. Pari modo differt a *muncipe* civis; *hic*, qui unitus est cum Republ. *ille*, qui certo municipio se conjunxit, dictus inde, quod capiendis muneribus atque oneribus sit subjectus, *l. 1. §. 1. π. ad Municip.* (r)

18. Usus sæculi fert ita, ut hoc genus peculiariter *cives* dicantur; reliqui Principes, Comites, Nobiles, agricolæ, quique alii sunt hominum ordines, suis singuli appellationibus distinguantur. (s)

19. *Municipem* apud Romanos causa facit triplex, origo, manumissio, & adoptio, *d. l. 1. in pr. π. ad Municip.* (t)

20. Sed ex ratione *Juris Universalis*, nec locus originis, nec nativitatis, sed domicilii tantum tribuit forum, & munerum capionem; idque convenienter *Juri Gentium*, quod moribus hodiernis ubique, ni fallor, observatur; ut

(l) *Ibid.* §. 34. (m) *Ibid.* §. 35. (n) *Ibid.* §. 38. & seq. (o) *Ibid.* §. 40. (p) *Ibid.* §. 44.

(q) *Ibid.* §. 45. (r) *Ibid.* cap. II. §. 1. (s) *Ibid.* §. 3. (t) *Ibid.* §. 5.

# INSTITUTIONIS REIPUBLICÆ. 81

ut mutatione domicilii jurisdictionem mutare liceat. (v)

21. In eo differt *jus municipale* à jure majori civitatis, quod ratio nulla vetet, municipem esse *duobus in locis* (manet enim ejusdem corporis, ejusdemque Reipubl. membrum) ut, si quis voluntate sua diversis in urbibus semet instruxerit, fortunasque collocaverit; vel *jus municipale* utrobique, civium privilegiis usus, impetraverit; tunc enim utrique Magistratui parebit, oneraque duplicia ferre debebit, l. 6. §. 2. d. tit. π. ad Municip. (x)

22. Est & per excellentiam usitatum nomen *civium*, de illis, qui Imperii sunt participes, aut eam incolunt civitatem, in qua

sedes Imperii est; ut tum qui in subjectis habitant civitatibus *municipes* dicantur. (y)

23. *Finitur* jus civitatis non tantum morte, qui modus est tralaticius, sed & *libera* cujuscunque voluntate, mutata fede rerum, ut aliquoties dictum; *ni lex* intercedat. (z)

24. Dein per *sententiam*, si quis in exilium agatur, aut in opus publicum, vel ad remos damnetur. (aa)

25. Nec refert, temporale an perpetuum sit *exilium*, quia quo tempore sunt expulsi non sunt membra civitatis, neque participes functionum publicarum, neque jurisdictioni subjecti. (bb)

(v) *Ibid.* §. 14. (x) *Ibid.* §. 16.

(y) *Ibid.* §. 18. (z) *Ibid.* §. 31. (aa) *Ibid.* §. 32. (bb) *Ibid.* §. 34.

## CAP. I V.

### *De Civium qualitate, & differentia.*

**Q**UALITAS civium ex variis eorum differentiis intelligitur. (a)

2. Primo à *naturâ* distinguuntur in mares & feminas, l. 10. π. d. Stat. hom. (b)

3. *Conditio illorum* in civitate potior est, in his quæ ad dignitatem

(a) *Auctor in Op. Mai. lib. II. Sect. II. cap. III. §. 1.*

(b) d. l. §. 2.

tatem auctoritatemque pertinent; *barum* vero in iis rebus, quæ ad imbecillitatem sexus referuntur; exempla scribere longum est. *Diximus ad tit. ff. de His qui sui vel al. jur.* (c)

4. Secundo, a *statu* distinguuntur homines in liberos & servos, de quibus similiter dictum. (d)

5. Altera à *statu* petita differentia inter filios & patres familiarum; perinde occupata est in *superioribus*. (e)

6. Tertio, ab *etate* cives dicuntur majores aut minores annis; punctum dividens hæc intervalla est, quinque supra viginti annorum, etsi aliquæ gentes hoc tempus coarctaverint. (f)

7. Juris diversitas hinc oriunda est, quod *maiores* ad munera functionesque Reipublicæ, haud perinde *minores* adhibeantur, l. 8. *π. de Muner. & honor.* (g)

8. *Mulieres* Jure Gentium, majores annis, nullis subjiciuntur Curatoribus, ne quidem nuptæ; nam maritalis potestas longe à curatoria distat; & quod bona uxorum à viris reguntur, hoc juris & instituti civilis est. (h)

9. Præterea *ætas* virilis, aut

senilis est, habetque suos etiam juris effectus, quod senes à muneribus. Reipbl. excusentur; ad honores, si velint & pares sint, magis admittantur; *senectus* autem à septuaginta fere annis duci videtur, l. 2. *π. de Excusat.* l. 3. *de jur. immunit.* (i)

10. Præterea differunt cives ratione *habitus* corporum, animorum, disciplinæ, famæ, fortunæ, natalium, artificii, dignitatis, & si qui modi sunt alii, respectum ad juris publici rationem habentes. (k)

11. Quod ad *corpus*, sunt vel sani vel morboſi. Horum alii excusantur à muneribus, alii excluduntur ab honoribus, prout magis aut minus impediunt, levioresque aut graviore sunt. (l)

12. Ab *animo* sunt etiam sani vel mente capti: In sanis magna est latitudo, magnique gradus prudentiæ noscuntur, quorum in publicis haud leve quidem momentum consistit, in universum tamen definiri nequeunt. (m)

13. *Mente capti* sunt vel dementes, qui ad omnia sunt cæci, vel *fatui*. Illi aut dementes in specie vel furiosi, *Dementes* qui nihil sapiunt

(c) *Sup. cap. I. hui. sect. §. 30. & seqq.*  
(d) *d. lib. II. Sect. II. cap. III. §. 3.* (e) *d. l. §. 5.* (f) *d. l. §. 14.* (g) *d. l. §. 15.*  
(h) *d. l. §. 18.*

(i) *d. l. §. 20.* (k) *d. l. §. 21.* (l) *d. l. §. 22.* (m) *d. l. §. 25.*



piunt innocenter; furiosi, quos agitatur rabies. Illi ferè perpetuum, hi plerumque ad tempus laborant. (n)

14. Fatui sunt quadruplices, fanatici, moriones, melancholici, & stupidiore, vulgo *macarones*. I. I. §. 9. & l. 4. §. 1. r. de Edil. Ed. (o)

15. Illi omnes à publicis functionibus, ubi locus electioni, excluduntur; ab hereditariis demones similiter removentur, ut & moriones. (p)

16. Furiosi, quia sperantur *diva-viſum*, ut & fanatici, melancholici, & stupidiore, magis est, ut curatoribus subjiciantur. (q)

17. Porro, a disciplina homines sunt bene vel malè morati aut exercitati, denique docti vel indocti. (r)

18. Qui Reipublicæ cupit admoveri, teneat ex sapientia doctrinaque modum: facilius tamen nimium, quam nihil doctus, suum corriget defectum, nisi *pædagogismus* sit, qui nunquam exoleſcit. Dixi in Orat. de Pædamismo, *Auspicio*. Oration. x. (s)

19. Ex famâ cives sunt honesti vel famosi, quos alii cives definire esse tradunt; male: ut tu ex definitione *Civis* sponte vide-

bis. Sed *infames* ab officiis magistratuum honoribusque excluduntur. (t)

20. Fortuna distinguit cives in divites & pauperes, in viliores & honestiores. Divites, quatenus eorum maxime interest, salvam esse Rempubl. ad regimen honoresque præ pauperibus admittendi sunt, idque hodieque passim servatur. (v)

21. Ratione natalium cives sunt nobiles vel ignobiles. (x)

22. Nobilitas nihil est aliud, quam excellentia generis ex claritudine majorum ad posteros propagata, adeoque nihil heic est aliud, quam civilis qualitas in sola honoris supra plebem eminentiâ consistens. (y)

23. Apud Græcos & Romanos, Nobiles habebantur, quorum progenitores summis in Republ. honoribus præfulserant, (z)

24. Apud gentes Germanicas, quæ per omnem Europam se diffuderunt, Nobilitas ex re militari oritur, accedente Principum auctoramento, qui vel feudum cum titulo nobili, vel præmium nobilitatis per se, aut cum insigni ordinis equestris largiuntur. Unde ad posteros propagatio. (aa)

L 2

25. De-

(n) d. l. §. 26. (o) d. l. §. 27. & 28. (p) d. l. §. 31. (q) d. l. §. 32. (r) d. l. §. 33. (s) d. l. §. 36.

(t) d. l. §. 37. (v) d. l. §. 39. (x) d. lib. II. Sect. II. cap. III. §. 11. (y) d. l. §. 2. (z) d. l. §. 10. (aa) d. l. §. 14.

25. Denique sola *Monarcharum* auctoritas fons nobilitatis vulgò in universum habetur, adeò ut in populis, qui plurium Imperio reguntur, vix ulli nobiles fieri posse credantur. (bb)

26. Tamen, si *jus creandi Nobiles* sit ex juribus summæ potestatis, quod nemo negat, manifestum est, illud æque in plurium, quam singulorum Imperiis posse constitui. (cc)

27. Quod si in *liberis Rebuspublicis* feuda talia, vel diplomata non distribuuntur, videndum est, sufficere ad Nobilitatem alia argumenta voluntatis eorum, qui summam habent potestatem. (dd)

28. Et si nulla extent, sequemur institutum, quod apud Græcos & Romæ juris publici fuit, ut *Nobiles* putemus eos, quorum majores insignia Reipublicæ munia gesserunt. Neque enim ulla ratio proferri potest, quare id minus hodie juris sit, minusve moris esse debeat. (ee)

29. Denique, *usu temporis immemoralis* cum jura quælibet, etiam Majestatis acquiri possunt, nihil est causæ, quare *Nobilitas* eo-

dem modo quæsitâ haud perinde legitima censeri debeat: quasi ex tacitâ voluntate eorum, qui cujusque Reipublicæ tenent Imperium. (ff)

30. Majoris excellentiæ gradus, ut *Baronum*, *Comitum*, *Marchionum*, *Principum*, *Ducum*; propriæ sunt nomina potestatum, seu summarum, sive aliis, tam feudis, quam civitatis jure subjectarum. (gg)

31. Ex his colligi potest, fundamentum *Nobilitatis* non consistere in virtute, neque famæ rerum gestarum, sed esse eam nihilquam *hereditariam* in civitate honoris *prærogativam*, quæ tanto major quidem est, quanto cujusque majorum fama virtutum meritumque celebrior fertur; absque ea tamen perinde haberi potest, ac sæpe honores alii cum dignis & indignis communicantur. (hh)

32. Momentum, quod *Nobilitas* habet in Reipublica, non modo ad inania honoris, sed & in functionibus Reipubl. capiendis ignotum est nulli. (ii)

(bb) *d. l. §. 16.* (cc) *d. l. §. 18.* (dd) *d. l. §. 19.* (ee) *d. l. §. 22.*

(ff) *d. l. §. 25.* (gg) *d. l. §. 31.* (hh) *d. l. §. 33.* (ii) *d. l. §. 40.*

*De diversis Civium Ordinibus.*

**H**Æ fere sunt differentiae ex qualitatibus civium; Dantur & aliæ ex variis vitæ generibus ac professionibus; unde ordines hominum diversi componuntur. (a)

2. Antiquissimum vitæ genus est *Agricultura*; idemque innocentissimum, nec minus Reipubl. utilissimum, ideoque apud priscos omnes populos merito honorum. (b)

3. Post agricolas sunt origine *Mercatores*; illos necessitas, hos utilitas commendat; quando nullâ re compertum est, celerius incrementum vel coarctatâ mercaturâ, populos & civitates. (c)

4. *Philosophi* mercaturam detriore loco habere videntur, quod cum simplicitate Juris Naturæ minus conveniat, rem eandem minoris emptam vendere pluris. (d)

5: Sed *consentientibus* in eam, quæ arguitur, inæqualitatem eumentibus, nulla ratio naturalis aut civilis eam reprehendendi superest. (e)

6. Voluntas autem eumentium *indigentia* colligitur; prout enim quisque magis aut minus aliquare indiget, ita pluris aut minoris eam æstimat. (f)

7. Proinde non modo tale lucrum, quod simpliciter pensationi laboris operæque respondeat, sed & juxta subitum *indigentia incrementum* majus aliquid licite capi potest. (g)

8. Est omnino tacitus ubique gentium & publicus in hanc rem consensus; ut res emptas cum lucro distrahere liceat, quæ generalis consensio in *Jus Gentium* abiit; idque frequenter *Naturale* dicitur; unde Romani Icti, naturaliter licere contrahentibus se invicem circumscribere docent; l. 16. §. 4. *π. de Minor.* adde Grotium *lib. 2. cap. 12. §. 14.* (h)

9. Juxta mercatores censerī cupiunt *fœneratores*, quos alii non modo penitus è civitate vellent ejectos, sed & fœnus in universum juri Naturæ & Divino contrarium judicant. (i)

L 3

10. Sed

(a) Auctor in *Op. Mai. lib. 11. sect. 11. cap. V. §. 1.* (b) *Ibid. §. 2.* (c) *Ibid. §. 6.* (d) *Ibid. §. 11.* (e) *Ibid. §. 12.*

(f) *Ibid. §. 13.* (g) *Ibid. §. 15.* (h) *Ibid. §. 16.* (i) *Ibid. §. 20.*

10. Sed *Jure Naturæ* certum est, id non prohiberi. (k)

11. *Jure Divino* fundamentum prohibitionis est caritas, cujus legibus si possit usura non adversari, dicendum, dari quoque usum ejus non nefarium. (l)

12. Atqui ut ab eo, qui nostrâ pecuniâ in suum commodum utitur, mercedem capiamus, id non repugnat officio *caritatis*. (m)

13. Quatenus autem legi *dilectionis* adversetur usura, id ex solidâ & infucata didicatione circumstantiarum, quæ in universum terminari nequeunt, cuique colligendum. (n)

14. Plane, qui apud nos *trapeziticam* exercent, ne quidem ferendi in civitate erant, nisi ipsos Magistratus tenerent implicitos: quæ tamen honorifica societas nihil ultra impunitatem tribuere, neque labes Reipublicæ internam rei spurcitiam tollere potest. (o)

15. Mercatoribus jure meliori succenturiantur, qui *piscatoriam*, maxime Oceani, quique *mechanicæ* exercent artes; sed de his Politici habent quod moneant. Quod ad Piscatores attinet, id, ubi ad locum de *jure maris* perventum erit, videbimus. (p)

16. *Milites* ordinem in civitate proprium constituere non videntur: quod verò secus apud Romanos obtinuerit, id vitium ac pestis, non jus fuit Reipublicæ. (q)

17. Sed qui studiis honestarum artium exercentur, hi optimo merito civilis ordinis censentur: sunt autem *duplicis differentię*, qui docendis tantum eruditis disciplinis dant operam; & qui faciunt artes, seu praxin earum, ut vulgo loquuntur, exercent. (r)

18. Qui institutionem scientiamque earum artium profitentur, quibus *Ecclesiæ & Civitates* reguntur, & utilissimi humano generi, & ab omni seculorum memoria honoratissimi fuere; præterquam ubi corruptis moribus præmia virtuti & doctrinæ debita ignaris bonarum artium promiscuè tribuuntur. (s)

19. Qui exercent in Civitate disciplinas, hi quod attinet ad rerum *divinarum* scientiam, alium locum quam est is, de quo jam loquimur, in Republ. tenent, idemque de *Jureconsultis* in loco videbimus. (t)

20. *Medici & Philosophi* huc quidem

(k) *Ibid.* §. 21. (l) *Ibid.* §. 22. (m) *Ibid.* §. 23. (n) *Ibid.* §. 27. (o) *Ibid.* §. 31. (p) *Ibid.* §. 32.

(q) *Ibid.* §. 34. (r) *Ibid.* §. 37. (s) *Ibid.* §. 38. (t) *Ibid.* §. 39.

dem pertinent, sed de iuribus illorum vix est, ut in hac arte univ-  
niversali, materia dicendi occur-  
rat. (v)

(v) *Ibid.* §. 42. & 43.

C A P. V I.

*De Universitatibus, maximè Personarum.*

**S**æpe plures personæ, vel familiarum, communis utilitatis causâ in unum conveniunt, quæ **CORPORA**, sive **UNIVERSITATES**, dicuntur. (a)

2. Est autem **UNIVERSITAS** multitudo, communis utilitatis causa, certo regiminis ordine sociata, quæ nec sit familia neque Respublica; sicut diximus *ad. tit. Inst. de Acquir. rer. dom.* (b)

3. Partiemur eas, quod vel personæ singulæ, vel integræ familiarum, cum omnibus suis rebus convenient. (c)

4. Corpora, quæ *personali* tantum *unionē* constant, propter usum aut civiles aut sacros congregantur. (d)

5. Illæ vel ob mechanicas artes, vel ob studia bonarum artium haberi solent; suntque col-

legia Artificum, & ex *adverso* Academia; nam scholæ & gymnasia per se Universitates non sunt, quia nullo regimine civili continentur. (e)

6. Quæ ob *sacra* congregantur universitates, *Ecclesiæ* dicuntur, quæ utcumque à Republica separatae sint; membra tamen civitatis esse negari nequeunt. (f)

7. *Universitates*, quæ non modo personas, sed & familias domosque complectuntur, sunt vici, pagi; oppida seu municipia, territoria, provinciæ, & similes. (g)

8. De his omnibus in genere statuendum: nullas *jure constitutas* videri Universitates, nec ullas omnino tolerandas; nisi quæ ab eo qui summam habet potestatem; aut si minoris momenti sint, ab his qui delegatam à principe habent

(a) *Auctor in Op. Mai. lib. II. Sect. III. cap. I. §. 1.* (b) *d. l. §. 3.* (c) *d. l. §. 5.* (d) *d. l. §. 6.*

(e) *d. l. §. 7.* (f) *d. l. §. 8.* (g) *d. l. §. 9.*

habent potestatem, probatæ vel confirmatæ sint. (h)

9. Unde *criminis* extra ordinem rei sunt, qui *εταίριαι*, sodalitia, collegia, formaverint; ut non tantum jure Romano receptum, sed etiam universali Jure Publico statuendum est, *Vid. tit. π. de corpor. & colleg. (i)*

10. Forſitan ex his omnibus definiri poteſt *Univerſitas* paulo melius: Cætuſ hominum in civitate agentium ſub certò regimine, permiſſu ſummæ poteſtatis ad utilitatem communem ſociatus. (k)

11. *Numerus* ſociatorum variè ſe habere poteſt, minimus omnium à quo initium capere poſſit univerſitas; habetur *trium* perſonarum l 33. π. d. *Verb. ſignif. (l)*

12. *Hominem* in Civitate agentium diximus; non *civium*, ſiquidem & advenarum temporaria poſſunt eſſe collegia & univerſitates, ut Mercatorum, Studioſorum, denique Eccleſiæ, & Monafteria. (m)

13. *Sub certò regimine*: his verbis conſtat differentia à ſocietatibus, quales Romæ publicanorum, hodieque mercatorum. (n)

14. *Permiſſu ſummæ poteſtatis*, plerumque immediate, aliquando per Magiſtratuſ. (o)

15. *Ad communem utilitatem*: hic ſiſis in omni legitimâ univerſitate neceſſarius eſt. (p)

16. Collegia *Artificum*, & *Mercatorum*, habent notionem cauſarum ad inſtitutum ſuum ſpectantium; eaque cauſa multæ dictionem; imperium tamen, ſive facultatem exequendi regulariter non habent; niſi *foris*, ubi mand publica adjuvari non poſſunt, agant, ut in longinquis navigationibus, ubi quoque meri Imperii exercitio privatis ſocietatibus concedi ſolet. (q)

17. Jus etiam habent condendi *Statuta* profeſſioni ſuæ convenientia, dum ne aliquid ex publico jure corrumpant, aut aliorum commodis adverſentur, cuſuſmodi ſunt quæ ad *monopolia* ſpectant. (r)

18. *Illuſtres ſcholæ* olim non erant Univerſitates; ſed tempore Frederici Barbaroſſæ facta ſunt, datâ juridiſtione in ſtudioſos; alioqui multitudo docentium diſcentiumque per ſe non eſt Univerſitas. (s)

19. Sed *dignitas liberalium ſcientiarum*

(h) d. l. §. 10. (i) d. l. §. 12. (k) d. l. §. 14. (l) d. l. §. 17. (m) d. l. §. 18. (n) d. l. §. 19.

(o) d. l. §. 24. (p) d. l. §. 31. (q) d. l. cap. II. §. 24. (r) d. l. §. 25. (s) d. l. cap. III. §. 4.

tiarum præ vulgo aliquid etiam externi decoris postulat. (t)

20. Igitur habent *Academiae* jurisdictionem, consequenter & Imperium, quod mixtum vocatur, & in executione, ac modica coercitione consistit, sine qua juvenus, hac præsertim morum ætate, in officio contineri non potest. (v)

21. *Merum Imperium*, sive jurisdictionis criminalis, haud aliter ad *Academias* pertinet, quam si diserte à summa potestate concessa sit, ratione in loco reddenda. *Vid. l. i. in pr. ff. de off. ei. cui mand. est jurisdic.* (x)

22. *Jurisdictionem Academiae* esse penes Rectorem, & reliquos juvenutis Magistros, ab Friderico Cæsare, in *Auth. Habitâ C. Ne Fil. pro Patre*, constitutum & ubique receptum est: de reliquo regimine, quod est peculiare *Academiis*, heic supersedebimus; locus communis erit *infra de jurisdictione, Sect. III. cap. 3.* (y)

23. *Ecclesias* quoque inter Universitates posuimus, non eo sensu, quo Johannes Hus rectissime dicebat, teste Martino Luthero, in *Dietâ Vormatiensi*, apud *Sleidanum*, lib. 3. *Rer. German.* Ecclesiam esse Universitatem prædestinato-

rum; nec etiam, cum quemlibet *cætum*, qui communionis sacræ causa, quovis tempore habetur, hoc nomine appellamus (z)

24. Sed multitudinem credentium Deo, quæ certo loco publicum & stabilem religionis cultum exercet, recte *Universitatem* dici arbitramur, quia definitio superior collocata, perspicue illis convenit. (aa)

25. *Ecclesiæ* igitur *prohibita* non sunt *Universitates*, ex ratione juris publici; nec proinde hereditates aut legata relicta capere, non emere, conducere, ullave commercia exercere, multo minus in judicio stare possunt. (bb)

26. Quæri potest, an & hoc ejusmodi *Ecclesiis* tribui debeat, quæ *publicè tolerantur*, cultumque suum libere profitentur, & in corpora conveniunt; improbantur tamen, & pro *hæreticis*, aut *schismaticis*, ab his, qui civitati præsunt, habentur. (cc)

27. Faciendum, illis hæc jura personarum videri concessa, quatenus ad *exercitium* liberi cultus necessario requiritur, non etiam in illis, quæ ad *id evolvantur*, ad meliorem conditionem eorum faciendam, pertinent. (dd)

28. Possunt igitur emere, conduce.

(t) d. l. §. 9. (v) d. l. §. 34. (x) d. l. §. 39. (y) d. l. §. 45.

(z) d. l. cap. 1V. §. 1. (aa) d. l. §. 2. (bb) d. l. §. 7. (cc) d. l. §. 8. (dd) d. l. §. 9.

ducere domos, in quibus conveniant, in quibus suos *Ministros* collocent, aut fundos redditusque alios, ex quibus impensæ necessariæ redundant, comparare.(ee)

29. Non idem in *lucratis*, ut hereditatibus, legatisque, vel aliis rebus, quæ ad amplificandam rem illarum faciunt, statuendum videtur. (ff)

30. Ultimum in definitione Universitatis Ecclesiæ applicandum id est, quod posuimus, *regimen certum*, quod in omni Ecclesiastico cœtu haberi nemo ignorat.(gg)

31. Omnis enim *hierarchia*, sive gubernatio Ecclesiarum, quæ jure divino præscripta non est, haud aliter quam Imperii Summi permissu constare potest, ut *præcedenti sectione* probavimus. (hh)

32. Sed *Pontifex Romanus*, non modo sibi jus Principum in Ecclesiam arrogavit; sed universum quoque Ordinem Ecclesiasticum Imperio atque Reipublicæ subduxit. (ii)

33. Unde sequitur, immensam multitudinem illam *hominum Ecclesiasticorum*, totâ Europâ diffusam, qui fide infiniti obsequii Papæ subjecti sunt, unam constituere *Reipublicam sine territorio*; nam re-

spectu proprii in Italia Imperii Papa nihil discrepat ab aliis Principibus. (kk)

34. At quominus Ordo Ecclesiasticus sub Pontifice Summo, vere *Civitas* sit, obstat, quod è familiis non constet, deficiente matrimonio: propriè quidè dictæ *familie* non sunt, ut apparet; habent tamen imperfectas, aut improprie dictas. (ll)

35. Quid enim aliud *Coenobia* sunt, quam magnæ familiæ, in quibus neque pater, neque mater, licet absque matrimonio, desunt: qui vero extra monasteria vivunt, habent sane familias utcumque suo modo imperfectas. (mm)

36. Aliæ sunt Universitates, quæ ex *familiis* cohabitandi causâ institutis componuntur, ut pagi, territoria, oppida, provinciæ, &c. (nn)

37. De quibus definitione prædictâ positâ tenendum, quod non aliter sint Universitates, quam si *aliquo regimine* peculiari contineantur. (oo)

38. Hinc *vici*, in quibus nihil est quam vicinitas incolarum, sine ullo magistratu, vel rectore proprio, non sunt Universitates, atque

(ee) d. l. §. 10. (ff) d. l. §. 11. (gg) d. l. §. 13. (hh) d. l. §. 15. (ii) d. l. §. 19.

(kk) d. l. §. 20. (ll) d. l. §. 25. (mm) d. l. §. 26. (nn) d. l. cap. V. §. 2. (oo) d. l. §. 3.



que in hoc differunt à vicis *pagi*.

(pp)

39. Urbes solent distingui in *metropoles*, & inferiores. Hæc autem vel *subjectione*, vel *reuerentiâ*, minores subjectione dicuntur; quando summa potestas, aut originale duntaxat Imperii jus, est penes Metropolitanos, ut Romæ, Venetiis, & apud Florentinos.

(qq)

40. *Reuerentiâ*, cum reliqua opida comiter observant Metropoles dignitatem, ut colonie Græcorum, & fœderatæ civitates Atheniensem, ac Spartanorum, quæ sub Ducatu quidem, at sub Imperio nequaquam tenebantur.

(rr)

41. Cæterum, colonie Græcorum, & Metropoles, non tam erant Universitates, quam *Respublicæ*; nec Roma fuit Universitas, quia non habuit conformationem à summa Imperii distinctam, sed Magistratus Senatusque urbis Romæ iidem erant Imperii Universi.

(ss)

42. Plures *pagi* corpus territorii, plures insuper *urbes* faciunt provincias; neque tamen numerus sufficit, ut Universitates sint; Ordo proprii regiminis, quo con-

nectantur singuli *pagi*, & urbes, requiri certum est. (tt)

43. Quare *Provincia*, quæ misis ab aula regnatrice Præsidibus & Præfectis immediate gubernantur, sine ullis populi aut Nobilium Ordinibus, Universitates non sunt, verum partes tantum Imperii, limite non jure distinctæ. (vv)

44. Contra, *Provincia* majoris Imperii, quæ regimine certo summa potestati subordinato passim continentur, sunt vere Universitates, quales in *Galliâ* habentur, Normandiæ, Britannia, Aquitania, Languedocia, Delphinatus, aliæque. (xx)

45. Universitatem habere *jus personæ*, dictum est aliquoties, quod tamen videndum, ne non ita capi oporteat, ut de Civitate dictum est alias. (yy)

46. Ratio *diversitatis* inter fœdus Civitatis, & constitutionem Universitatis obscura non est; siquidem populus liber, Imperio translato, Imperantes ita suo loco statuit, ut nullo remedio se, utique adversus externos, tueri possit. (zz)

47. Nam si Imperantes officii limites exceßerint, ea inter populum

(pp) d. l. §. 4. (qq) d. l. §. 7. (rr) d. l. §. 8. (ss) d. l. §. 10.

(tt) d. l. §. 18. (vv) d. l. §. 19. (xx) d. l. §. 20. (yy) d. l. cap. VI. §. 1. (zz) d. l. §. 6.

pulum & ipsos sit disceptatio; Exteri id quod ob oculos est sequuntur, *personam* scilicet, totam civitatem repræsentantem. (1)

48. Inter Universitatem, & eos qui præsent, nunquam est conventio generalis & obligatio, per quam hi nomine communio- nis omnes res gerant; verum potestas Rectorum Universitatis pendet à tenore *mandati*, quod habent à Summa Potestate, sicut *infra* videbimus. (2)

49. Ideo tenentur quidem Universitates è contractibus Rectorum, nomine publico initis; sed illorum onus, nisi credito in rem verso, in Præfectos redundat, apud quos pecunia resedit, vel qui in culpa sunt; ubi non liquet, omnes qui administrare tenebuntur, *d. l. 27. π. de reb. cred.* (3)

50. Nec valet heic *argumentum*, quo aliqui utuntur, Rectores Universitatum repræsentare suos cives, ita ut quicquid illi agunt, id omnes singulique cives agere videantur; nam talis repræsentatio tantum habet locum

in liberâ Republ. non in eâ, quæ alteri summæ potestati subiecta est. (4)

51. Jam in *delictis*, quorum ratio mere personalis est, minime dubitatur, quin soli delinquentes ad pœnam teneantur: quod si adeo *populare commissum*, ut innocentes discerni nequeant, pœna in universitatem non in singulos exercenda, ademptis juribus, aut multa indictâ, vel dissolutâ Universitate. (5)

52. Rectores ejusmodi subiectarum civitatum, non repræsentant suos cives, nec ab iis modum Præfecturæ suæ habent, verum à *Summa Potestate*; proinde quod agunt, non ad mandatum populi, sed Principis exigendum est. Populus nequidem si velit, augere possit Jurisdictionem, potestatemque suorum Rectorum. (6)

53. Jam quibus *pecunias* indicare non licet, hi nec municipes obligare possunt ad solvendam pecuniam cis aliquod tempus; est enim id ejusdem utrumque facultatis. (7)

(1) *d. l. §. 7.* (2) *d. l. §. 9.* (3) *d. l. §. 11.*

(4) *d. l. §. 19.* (5) *d. l. §. 13.* (6) *d. l. §. 20.* (7) *d. l. §. 22.*

## CAP. VII.

*De Magistratibus, & Jurisdictione.*

**Q**ui præfunt Universitatibus præsertim majoribus, dicuntur **MAGISTRATUS**, qui nihil sunt aliud, quam *Ministri summæ potestatis*, ad vices illius in minoribus *Reipubl. partibus obeundas, potestate debita instructi.* (a)

2. *Ministrum* cum dicimus, ipsos qui Summum habent Imperium, a nomine *Magistratuum* factis excludimus, quod idem ratio juris, & latini sermonis exigit proprietas, etsi aliter plerique Politici, ac fere Theologi. (b)

3. Dicuntur in *minoribus Reipubl. partibus* occupati, ut majora, hoc est, jura Majestatis à *Magistratuum officiis* aliena intelligantur. (c)

4. Potestas Magistratum est duplex, Jurisdictio, & Imperium; quarum illa in jure dicundo, hæc in manu & coërcitione consistit. (d)

5. **IMPERIUM** rursus aut majus aut minus est. (e)

6. *Majus*, quod consistit in animadversione capitali, aut aliâ gra-

viori, quod *Romani* ob magnitudinem, & periculum abusus, cunctis Magistratibus permittere noluerunt, sed extra ordinem & lege speciali. (f)

7. *Minus*, quod modicâ coërcitione constat, & jurisditioni ordinariæ adjungitur, eamque perpetuo comitatur, ut vim executionis vigoremque judiciis necessarium addat. (g)

8. Hinc & **MIXTUM** dicitur, quia cum jurisditione miscetur, ut ab eâ nunquam separari queat. At *majus* illud ab ordinaria jurisditione prorsus est discretum, adeoque **MERUM**, id est, nihil quam Imperium: inde Juris Consultis *Merum* dicitur, quia non mixtum. (h)

9. Secundum hæc, etsi frequenter neque absurde *Merum Imperium* criminalis jurisdictio appellètur, nos tamen more Romano hæc distinguemus, Imperium merum, Jurisdictionem, Mixtum Imperium. (i)

M 3

10. Quid

(a) Auctor in *Op. Mai. lib. III. Sect. I. cap. V. §. 10.* (b) *Ibid. §. 11.* (c) *d. l. §. 16.* (d) *d. l. cap. VI. §. 1. 2. 3.* (e) *d. l. §. 21.*

(f) *d. l. §. 22.* (g) *dd. ll.* (h) *d. l. §. 3. & 21.* (i) *dd. ll.*

10. Quid sit MERUM, jam intelleximus, *potestas animadvertendi in facinorosos*: aliter *jus gladii*, idque modò plenius evolutum, ut & discrimen à Mixto collocatum est. (k)

11. *Mixtum Imperium* in modica cōercitione consistit, & jurisdictioni, ut dictum, civili adjungitur, eamque perpetuo comitatur, ut vim executionis vigoremque judiciis necessarium addat: velut multæ dictio, pignoris capio, &c. (l)

12. Nam hi omnes modi ad *Imperium Mixtum* referuntur; uti & manus militaris, & missio in possessionem, aliaque ad executionem, & ad coactionem comparata. *Vid. quæ dixi ad tit. ff. de jurisdiction. n. 40. & seqq.* (m)

13. *JURISDICTIO nihil est aliud, quam de causis civilibus cognoscendi, judicandique potestas, cui & exequendi facultas adjuncta est.* (n)

14. Ultima verba fecernunt jurisdictionem à notatione nudâ, quæ executionis vim ignorat, qualem habent arbitri, & judices, qui *Romæ pedançi* dicebantur. (o)

15. Ejusdem fere generis est *Audientia Episcoporum*, & *Consistorialis* in Ecclesiis, de rebus,

quarum cognitio illis à potestatibus Reipubl. permittitur. (p)

16. *Divisio* Jurisdictionis *prima* est in voluntariam, quæ nonnisi inter consentientes; & contentiosam, quæ inter contradicentes exercetur. (q)

17. Ad *priorem* spectant adoptiones, emancipationes, legitimaciones; non æque tutorum dationes, veniæque ætatis impetrationes: simile de similibus esto judicium. (r)

18. *CONTENTIOSA* dividitur, (omissa partitione in civilem & criminalem) quod sit *ordinaria*, vel legitima. (s)

19. *Ordinaria*, quæ competit Magistratui quâ tali, & more solito, absque speciali sanctione. (t)

20. *Legitima*, five extraordinaria, quæ competit iis tantum Magistratibus, quibus expressa lege, vel constitutione data est. (v)

21. *Ordinaria jurisdictionis* rursus est vel propria, vel aliena: *Propria* dicitur, quæ immediate à summâ potestate sive specialiter, seu generali jure, proficiscitur: *Aliena*, quam quis exercet vice alterius Magistratus, ex voluntate ejus, cujus est propria, vel è consensu partium. (x)

II. *Illæ*

(k) *Ibid.* (l) *d. l. §. 23.* (m) *d. l. §. 23. seqq.* (n) *d. l. §. 4.* (o) *d. l. §. 7.*

(p) *d. l. §. 9.* (q) *d. l. §. 20.* (r) *d. l. §. 20.* (s) *d. l. §. 10.* (t) *d. l. §. 10.* (v) *d. l. §. 11.* (x) *d. l. §. 26.*

22. *Illā dicitur mandata, hæc prorogata. Jurisdictio mandatur tota vel pro parte. Tota, cum Magistratus omnes officii sui partes obire impeditur, aliumque pro tempore substituit; neque enim id licet in perpetuum, nisi abdicato Magistratu, quò facto redit ad fontem. (y)*

23. *Prorogari jurisdictio tantum potest in specialibus causis; Magistratus quidem totum id quod habet rectè transfert; sed privati plus quam de suis rebus cognoscendi jus tribuere non possunt. (z)*

24. *Præcipuus est usus prorationis, quando is qui judici alicui non subest, jurisditioni se submittit, quod vel tacite fit ipso actu, vel expresse per conventionem antecedentem. (aa)*

25. *At publici juris ratio privata pactioe nihil immutatur. Hinc vi submissionis sub nostro iudice factæ, civis alterius Reipublicæ non potest in jus vocari, dum manet in suâ civitate; non ibi in loco, quia nulla potestas in alieno Imperio ullos actus jurisditionis instituere potest; neque per editum in finibus nostræ Reipubl. ut in subditos vagos fieri solet, quia deficit medium, quo citatio,*

*quæ est actus Imperii, alienum civem obligare possit. (bb)*

26. *Sed in utrisque submissione effectum habebit directum; si, qui foro suo renuntiavit, in loco iudicis prorogati, territorioque sit deprehensus, ibique citatus; tunc enim jurisdictio fundatur, ut litem contestari cogatur. (cc)*

27. *Maximum porro usum habet hæc prorogatio in his, qui se immediate superioribus submitunt Iudicibus, ad quos prima alioquin instantiâ vocari non possunt (dd)*

28. *Apparet ex his quæ diximus, Jurisdictionem esse facultatem moralem, quæ personæ competit, à summa potestate expresse delatam, quæ proinde nec aliis modis acquiri, neque amitti, nisi ex voluntate summæ potestatis possit. (ee)*

29. *Præscriptione igitur illam propriè nemo acquirere potest, ut alias dictum; nec etiam ita amittitur; adeo ut nec abdicare potestate sua quis ignaro vel invito Principe se possit. At morte, velut cuncta personalia, sine dubio finitur; maximeque tempore præfinito, ut in functionibus ambulatoriis. (ff)*

30. *Sed usus fert, ut jurisdictio sæpe cum respectu ad subjectum*

ter-

(y) d. §. 26. & 27. (z) d. l. §. 30.  
(aa) d. §. 30. & 34.

(bb) dd §§. (cc) dd ll. (dd) dd ll.  
(ee) d. l. §. 40. (ff) d. l. §. 41.

*territorium* appelletur, eodemque jure, quo ipsa territoria censeantur. (gg)

31. Hoc sensu *præscriptio* potest acquiri, & amitti jurisdictio, ut Magistratus cuique territorio præfecti latius aut angustius imperent; attamen Summa Potestas eos semper ad antiquos fines revocare potest. (hh)

32. Quod si jurisdictio sit *hereditaria*, tum etiam *præscriptio* ne, sicut omnia quæ sunt in pa-

trimonio, & acquiri, & amitti potest. (ii)

33. Diffusæ sunt *jurisdictiones* illæ *patrimoniales* per omnem Europam, Angliâ Frisiâque nostrâ excepta, ut observat Eques *Tempe- lius* commentario, *de Republ. Belg. cap. de Frisiâ*; qui inde colligit inter alia, quod est verissimum, præcipuos Anglorum, qui in Britanniam olim trajecerunt, fuisse Frisios. (kk)

(gg) d. §. 41. (hh) d. §.

(ii) d. l. §. 18. (kk) d. §. 18.

## CAP. VIII.

### *De Subjectione Rerum.*

Post homines qui subjiuntur Imperio, transeamus ad RES. (a)

2. Cum enim propter homines habeantur bona, consentaneum est, eos qui Imperium habent in *personas*, eandem in *res* habere potestatem. (b)

3. Res sunt vel corporales vel incorporales. Illæ mobiles aut immobiles, quas inter non modi-

cum juris discrimen constitui solet. (c)

4. Nam quia *mobilia* proxime, & immediate ad usum personæ spectant, ideo subiacere volunt hæc imperio illius, cui ipsa persona subiecta sit, quocunque loco bona reperiantur. (d)

5. At secus in *rebus soli*, sive immobilibus esse; nam hæc cum par-

(a) Auctor in *Op. Mai. lib. II. Sect. IV. cap. 1. §. 1.* (b) *Ibid. §. 2.*

(c) *Ibid. §. 5.* (d) *Ibid. §. 7. junct. cap. II. §. 2.*

partem Reipublicæ subjectivam, id est, territorii constituent; non possunt alterius, quam qui regit eandem civitatem, sequi auctoritatem. (e)

6. Præterea dividuntur res, quod vel singulorum, aut communes, vel publicæ, aut universitatis, denique nullius sint. (f)

7. De rebus singulorum constat, vim Imperii dominia privata relinquere. Quid autem Rex verus in illa, ex ratione publicæ utilitatis, aut necessitatis, quid Monarcha despoticus jure possit ordinario, alibi explicatum est, (g)

8. Res communes sunt, quarum usus & proprietas cunctis hominibus æqualiter competit, vi divinæ largitionis; condito & instaurato generi humano factæ, Genes. cap. 1. & cap. 9. (h)

9. Quæ sunt hujus generis, eæ vel sunt tales, ut à quolibet occupari queant; aut penitus dominii sunt incapaces. (i)

10. Prioris naturæ sunt omnes res, quæ possessionem & occupationem, stabilemque custodiam recipiunt; ut sunt feræ bestię, volucres, pisces, gemmæ, metalla nondum effossa, res derelictæ, aqua profluens, omnesque

maris insulæ, regionesque desertæ. (k)

11. Ejusmodi res naturali ratione cedunt occupantibus. Vid. Grot. lib. 2. de jur. bell. & pac. cap. 2. §. 2. & lib. 2. jurispr. Holl. cap. 5. (l)

12. Quod enim aliqui disputant, (Böklerus comment. ad lib. 2. Grot. cap. 3. §. 2. Strauch. de Imp. mar. Job. Bapt. Burg. lib. 1. de Dom. Reip. Genu. in mar. Ligust.) ea quæ de communione primæva dicuntur, esse fictitiæ; id demum vere, si quid unquam, fictitium est. (m)

13. Nam si communio sit jus, quo res eadem plurium pro indiviso propriæ sunt; res loquitur, cum creator Deus cunctis mortalibus dedit jus in res hujus inferioris naturæ; nihil potuisse illud esse quàm communionem; adeoque ridiculæ sunt in contrarium rationes. (n)

14. Certum quoque est, quod totus populus æquale jus habeat in feras, volucres, & pisces, item in metalla, thesaurosque subterraneos, qui in territorio ab ipso met occupato reperiuntur. (o)

15. Unde clarum; quod communi consensu, id est, per legem,

(e) d. cas. II. §. 5. (f) d. l. cap. I. §. 10. (g) Ibid. §. 42. (h) Ibid. §. 26. seqq. (i) Ibid. §. 11. & 12.

(k) Ibid. §. 12. (l) Ibid. §. 13. (m) Ibid. §. 14. (n) Ibid. §. 15. (o) Ibid. Sect. IV. cap. II. §. 17.

gem, singuli à jure suo recedere, idque in unum, vel in certas personas, transferre possint. (p)

16. Atque hoc est fundamentum, quo jus feras venandi, aucupia, piscationes, metallifodinae, thesauri, & similia *Principibus*, aut *Proceribus* hodierno gentium usu vindicantur, qua de re dixi in *part. 1. Digress. lib. 4. cap. 19. & seqq.* (q)

17. Ex his clarum est, quæ res extra territorium cujusque populi vacuæ sunt, eas à nemine quam per *occupationem* acquiri posse: occupatas autem ab aliis omnino neminem rectè sibi vindicare. (r)

18. Atque hæc de *rebus communibus* occupationem recipientibus; supersunt res *dominii incapaces*, cujusmodi esse videntur tam aer, quam mare. (s)

19. Nempe ut distinguantur *aqua marinæ*, & *aëris particulae*, ab aëre; atque mari ipso. Illas enim occupari, & in dominium redigi posse, nulla dubitatio est. (t)

20. Sed *mare per se* totum, vel quod ad præcipuas partes, non recipere dominium, cum effectu, ut jus sit Principi, vel populo, alios *prohibere* piscari in eo, navi-

gare, aquam haurire, *conchas*, & *naufragiorum reliquias* colligere, probatur hisce rationibus: (v)

21. *Prima* est, quod in mari cesset ratio, per quam dominia instinctu necessitatis ab hominum primis divisa fuere. (x)

22. Scilicet quia non omnes pariter ad *usum sui* admittebant, & quod suus cuique labor prodesse deberet. At *mare* commodissime toti humano generi sufficit. (y)

23. *Alterum* argumentum sit, quod mare propter fluiditatem & vastitatem occupari nequeat. Quæ res, inquam, non recipit *possessionem*, ea nec *dominii* Jure Gentium capax est, per *l. 1. in pr. ff. de Acquir. Poss.* (z)

24. Sed mare non recipit *possessionem*, quia possessio est sedium positio, & rei detentio; at in mari neque sedes unquam poni, nec ipsum detineri, aut custodiâ coerceri potest. *adi. §. 12. Inst. & l. 2. n. de R. Ditol.* (aa)

25. Ex his sequitur, jus piscandi, balænas capiendi, per cuncta maria in omnes terras navigandi, & *commercium* exercendi, à nullo Principe, vel populo, jure prohiberi posse. (bb)

26. Recipit tamen hæc sententia

(p) *Ibid.* §. 18. (q) *Ibid.* §. 19. (r) *Ibid.* §. 23. (s) *Ibid.* §. 25. (t) *Ibid.* §. 26.

(v) *Ibid.* §. 27. (x) *Ibid.* §. 28. (y) *Ibid.* §. 29. *seqq.* (z) *Ibid.* §. 31. (aa) *Ibid.* §. 32. (bb) *Ibid.* §. 34.



tia aliquas *cautiones*, & limitationes. (cc)

27. *Prima* sit, quod & aer & mare sub dominium veniant, quatenus sunt *partes* & accessiones terræ, quoniam hætenus requisita veræ occupationis conveniunt. (dd)

28. Dein II. *conventionem* Populorum fieri potest, ut quidam jure & usu certi maris cedant, aliique liberam ejus dominationem permittant; quod scilicet universale jus non mutat. (ce)

29. *Tertio* observandum, fieri quandoque, ut *divisio maris* instituat ( & divisio aliquam supponit occupationem ) non ad possessionem stabiliendam, sed ob curam piratas coercendi, & securitatem præstandam. (ff)

30. *Denique*, ratione territorii *adjacentis*, pars vicina maris videtur esse sub Imperio Principis aut populi, qui navigantes à terra pro lubitu cogere potest: tunc enim custodia illius coerceri videtur. (gg)

31. *Extra has causas* nec dominium, neque imperium maris, jure cuiquam competere posse, prædictis rationibus constat. (hh)

32. Fuit, cum *Imperium* faci-

lius quam *Dominium* acquiri posset, idque minus juris continere putavimus, d. cap. 13. lib. 4. *Digressi. pr. edit.* sed verius est, Imperium tribuere omnia, quæ dominium maris principi aut populo tribuere queat; adeo ut *jure Imperii* exteris prohiberi & piscatio & navigatio possit; æque ac introitus in terras alienigenis, ab eo qui imperat civitati, interdici potest. (ii)

33. Porro, *Publicæ res* sunt, quarum proprietas certi alicujus populi est; eæque *duplicis* sunt generis; aut enim in occupatione per universitatem subsisterunt, nec à singulis divisæ sunt; aut ex postfacto originem habuerunt. (kk)

34. *Prioris* generis sunt portus & flumina, lacus plerique, & loca deserta, ac vacua; aut ab initio ad sustentationem Imperantium, vel publicos usus sequestrata. (ll)

35. *Ex postfacto* Publicum dicitur, quicquid ex collatione singulorum, aliove instituto, proprium liberæ Reipubl. constituitur; ut est ærarium, bona vacantia; fiscalia, & quicquid præterea cujusque in *populi patrimonio* noscitur. (mm)

N 2

36. Ex

(cc) *Ibid.* §. 36. (dd) *Ibid.* §. 37. (ee) *Ibid.* §. 40. (ff) *Ibid.* §. 41. (gg) *Ibid.* §. 42. (hh) *Ibid.* §. 43.

(ii) *Ibid.* §. 44. (kk) *Ibid.* Sect. IV. cap. I. §. 35. (ll) *Ibid.* §. 36. (mm) *Ibid.* §. 37.

36. Ex natura cujusque rei de usu judicandum. *Quarundam* enim usus rerum omnibus patet, ut fluminum portuumque; *aliarum* usus Reipubl. quâ tali, illisve qui præsunt civitati, solis conceditur; ut ærarii, fisci, & domanii, quod dicitur. (nn)

37. De *insulis*, quæ in *fluminibus* nascuntur, Jure Romano traditur, ut quasi ex Jure Gentium privatis, qui habent proxima prædia, cedant; sed ratio vult, ut *publicæ*, hoc est, ejusdem juris cum fluminibus, quorum sunt partes, censeantur. Vid. quæ disputavimus *part. 1. Digress. lib. 4. cap. 21.* (oo)

38. Haud dispar ratio in *ripis* est, quæ pro partibus alvei merito habentur, ideoque ejusdem, ac *alvei*, juris esse videntur; etsi rursus aliter Jure Romano; cujus ratio benignitatis magis civilis, quam juris universalis esse videtur. De *alveis exsiccatis* idem esto judicium. (pp)

39. Jus Romanum, quod dominis adjacentibus *alveos* adscribit, derelictionem Reipublicæ præsupponit, quo præintellecto non potest aliud fieri, quam con-

stitutum est, in §. 5. *Inst. de R. div.* (qq)

40. Sed quæ per *alluvionem* adjiciuntur, quia non constat, quantum quoque tempore accedat; & quia natura id quod adjicitur, *partem* facit ejus cui advolvitur; necessario cedunt iis, quorum proximi sunt agri, & non Reipublicæ. (rr)

41. Jam de rebus *Universitatum* nihil præcipui potest adfirmari, siquidem *corpora* subjectorum, quod ad res suas, eodem jure, quo *singuli* cives, utuntur. (ss)

42. Res nullius vocantur; quæ commercio ita sunt exemptæ, ut à nemine in dominium redigi possint, quales *sacræ*, *sanctæ*, *religiosæ*. (tt)

43. *Sacræ* Romani dixere, quæ rite per Pontifices Deo sunt consecratæ, nec abluunt recentiores Romani Christiani, in §. 8. *Inst. de Rer. div.* à quibus separantur res piis usibus destinatæ, quas alii haud ineptè quasi *sacræ* appellarunt. (vv)

44. Utræque *Summæ Potestati* subjectæ sunt, ut leges de illis ferantur, quibus inviolatæ manent,

(nn) *Ibid.* §. 38. *segg.* (oo) *d. lib. II. Sect. IV. cap. IV. §. 19.* (pp) *Ibid.* §. 23. *segg.*

(qq) *Ibid.* §. 14. *segg.* (rr) *Ibid.* §. 25. *segg.* (ss) *d. lib. II. Sect. IV. cap. I. §. 40. junct. cap. VI. sup. hui. sect.* (tt) *d. cap. I. §. 21.* (vv) *Ibid.* §. 22.

ant, & bene administrantur: *dominium* autem verè sacrarum nullus est, sed Dei immediate, ut quidem definitio postulat. (xx)

45. Res quasi sacræ, quod ad dominium sunt Ecclesiæ, à quibus & libere administrantur, & flagitante utilitatis ratione etiam alienari possunt, multò magis ob necessitatem, Nov. 119. cap. pen. & Nov. 120. cap. 7. (yy)

46. Cæterum, res verè sacræ in statu renovati fœderis per Christum esse nullas, cum ratione dicendum; quia consecratio, per quam character aliquis rebus imprimatur, sine dubio ex genere *cerimoniarum* est, quæ ut umbræ per adventum corporis evanuerunt. (zz)

47. Res sanctæ, quas Romani

dixere, muri & portæ civitatum, nihil præter superstitionem habent, quo à publicis, aut Universitatibus rebus separentur. (1)

48. Denique, religiosa loca, Sepulchra, præter memoriam humanæ fragilitatis, quam repræsentant, nihil etiam à privato jure domini separatum continent; cum & in commercio, perinde ac aliæ res habeantur, nisi quod apud Pontificios cærimoniis quibusdam sepulchra consecrantur. (2)

49. Reliquæ res, singulorum sunt patrimoniales. (3)

50. Plenior autem hujusmodi rerum expositio, ex *Juris Privati* commentariis petenda, remittitur ad lib. 4. Digress. cap. 4. & seqq. Part. 1. (4)

(xx) *Ibid.* §. 22. (yy) *Ibid.* §. 22. (zz) *Ibid.* §. 23.

(1) *Ibid.* §. 24. (2) *Ibid.* §. 25. (3) *Ibid.* §. 42 (4) *add. Præf. Inst. 1. de Res. div.*



## SECT. III. CAP. I.

## De Legibus.

**P**ostquam de *jure Imperantium* & eorum qui subiecti sunt, egimus, superest, ut de *CIVITATE ADMINISTRANDA*, persequamur. (a)

2. Est autem *administratio duplex*, aut enim spectat internam constitutionem civitatis, vel habet respectum ad externos. Ad illam spectat primo *Legislatio*. (b)

3. *Lex est commune præceptum summe potestatis, honestati conveniens, omnesque Imperio subditos ad parendum obstringens*. (c)

4. Dicitur *Commune præceptum*, quia non de singulorum, sed universis rebus; non de raro contingentibus, sed de his quæ ut plurimum eveniunt, condi solet ac debet. (d)

5. Quod à *Summa Potestate* proficisci debeat, quid inde sit observandum, *supra in capite XI. de juribus Majestatis, sect. I.* est dictum. (e)

6. Debet etiam esse *honestæ Lex*, hoc est, non inhonestæ, ut nihil quod necessitati morali, & divinis præceptis adversatur, præcipiat. (f)

7. Dein dictum est, quod *omnes subditos* obstringat, non cives duntaxat. (g)

8. Ubicunque igitur illa summe potestatis est mens, ut omnes teneantur, ibi vis legis; adeoque *Lex* est, quacunque forma emittantur; sive ut *Edicta*, seu *Rescripta*, vel ut *Epistolæ*, aut *Decreta*. (h)

9. *Virtutes Legis* à *Ictis* enumerantur hæ; imperare, vetare, permittere, punire, *l. VII. n. de Legib.* (i)

10. Imperantur faciendæ, ventantur contrariæ, permittuntur licitæ: & quidem *permissio* differt à *tolerantiâ*: nam quod permittitur, id juris habet effectus; toleratur, quod *Lex* impune saltem transmittit. (k)

II. Ita

(a) Vid. Auctor in *Op. Mai. lib. III. sect. I. cap. I. §. 1.* (b) *d. l. §. 2. et 3.* (c) *d. l. cap. II. §. 2.* (d) *d. l. eod. §. 2.* (e) *d. l. §. 11.*

(f) *d. l. §. 13.* (g) *d. l. §. 24.* (h) *d. l. §. 24.* (i) *d. l. §. 27.* (k) *d. l. §. 27.*

11. Ita *Lex Mosaiica* permisit divortia, *Lex Romana* concubinatum; sed meretricias libidines idem *Jus Romanum* tolerat, non permittit, ut aliæ civitates ebrietatem, ingratitude, aliaque vitia, quæ ubique improbantur, nusquam puniuntur. *Seneca lib. 3. de clem. cap. 7. (l)*

12. Nec offenditur hoc casu, ne permittendo quidem, Regula Apostoli *ad Rom. cap. 3. 8. non esse facienda mala, ut inde eveniat bonum*; nec enim Legislator eo facit, aut probat malum, sed permittendo regit, ac intra limites coercet. (m)

13. Suadere, admonere, non est virtus Legis; cum *parendi necessitatem* ejusmodi decreta habere non possint, quales illæ Claudii Cæsaris, ut uberi vinearum proventu bene dolia picarentur; nihil aequè facere ad viperæ morsum, quam taxi arboris succum. *Vid. Suston. in Claud. cap. (n)*

14. Denique proprietas legis,

ut omnium præceptorum est, quod respectu futuri intelligatur, ad præterita non pertineat, nisi casus præteriti temporis discrete exprimantur. (o)

15. Habet Lex suam perfectionem statim atque decreta, etsi non scribatur, ut rhetra Lycurgi fucere, ejus inter alia instituta fuit, *μη κρησθαι νόμους ἑγγράφους* non uti legibus scriptis, ut tanto fidelius impressa memoriæ sanctius custodirentur. (p)

16. Vim quoque Legis habet Consuetudo, sive Jus non scriptum, quod tacito populi consensu vim obligandi accepit, *l. xxxii. ff. de Legib. (q)*

17. Proprie in popularibus Imperiis viget hæc species juris, nempe ut sua vi nitatur; Verum in Monarchiis, aut Aristocratiis, valet Consuetudo ex tacito imperantium consensu, sic tamen ut contrariis placitis semper abrogari queant. (r)

(l) d. l. §. 28. (m) *cod. §. 28. (n) d. l. §. 29. et 30.*

(o) d. l. §. 44. (p) d. l. §. 46. (q) d. l. §. 53. (r) d. l. §. 54.

## C A P. I I.

*De Magistratibus Creandis.*

**M**inistri legum sunt MAGISTRATUS, quorum pridem habuimus definitionem, *Señ. II. cap. 7. (a)*

2. Quibus rebus, & quo jure præponantur Magistratus; è *disferentiis* eorum intelligitur. (b)

3. Dividuntur autem primo in *Majores & Minores*, qui apud Romanos auspicii discernebantur: hodie secundum plus aut minus momenti, quod singulorum functiones habent in Republicâ. Quæ res tamen & Romæ non minus intererat quam hisce diebus. (c)

4. Dein ratione *objecti* dividuntur, quod vel in regimine publico, aut in controversiis privatorum judicandis occupentur. (d)

5. Porro sunt vel *ordinarii* Magistratus, vel *extraordinarii*. (e)

6. Illi, qui statis temporibus semper in Republicâ sunt; *hi* non aliter, quam usu aut necessitate postulante constituntur, quales Romæ Dictatores, & Interreges. (f)

7. 2

7. Quid si & in *civiles* aut *militares* dividere Magistratus audeamus, ut præfecti legionum, & tribuni militum, centurionesque, tam majores quam minores sint Magistratus? (g)

8. Sunt & aliqui *simul* tam *civiles*, quam *militares*, cujusmodi apud Romanos omnes fere majores, exceptis Censoribus, & Tribunis plebis: uti & olim *Tribuni Militum* cum consulari potestate, vel præcipue militares, & tamen Magistratus erant. (h)

9. Sunt etiam *perpetui* vel *temporarii* Magistratus, inter quos tamen, quod ad jus & potestatem, exigua, aut nulla differentia est; præstet autem perpetuos an ambulatorios habere Magistratus, ea Politicorum disputatio est. (i)

10. Forte etiam tolerari posset divisio in *Civiles & Ecclesiasticos*; quatenus summæ potestatis aliqui constituuntur Ministri, à quibus partes illius circa *Ecclesiæ externa* admittuntur. (k)

II. No-

(a) Auctor in *Op. Mai. lib. III. Sess. I. cap. V. §. 10.* (b) *Ibid. §. 20.* (c) *Ibid. §. 21.* (d) *Ibid. §. 33.* (e) *Ibid. §. 17. seq.* (f) *d. l.*

(g) *Ibid. §. 35.* (h) *d. l. §. 35.* (i) *Ibid. §. 36.* (k) *Ibid. §. 42.*

11. Notanda etiam hæc differentia, quod Magistratus alii conjunctim per modum *Collegii* functiones suas exerçant; alii singulares sint personæ, quales Romæ plerique fuerunt. (l)

12. Ex quâ diversitate oritur hæc insignis discrepantia juris: quod ubi *singuli* in Magistratu sunt, majores magistratus sibi invicem non subordinantur, ut Romæ juris fuit notissimi. (m)

13. Sed ubi plures magistratus uno corpore juncti in eadem functione sunt, ibi singuli *privatorum* loco habentur, ideoque tam ad illud collegium suum, quam apud diversa collegia recte conveniuntur. (n)

14. Denique, sunt qui Magistratus dividunt, quod alii Regis, alii Regni sint. *Regis*, qui ab Rege constituuntur, & rem Regis aulicam maxime curant: *Regni* volunt esse Magistratus, qui Reipubl. gubernandæ præficiuntur, sive à Rege sive à populo, eligantur aut confirmantur. (o)

15. Judicium hac de re nostrum sit, valere divisionem, quatenus Populo *ius* aliquod *speciale* & fundamentale quæsitum est, cui adferendo certi Magistratus sint præpositi. (p)

16. Multo magis in Regno legibus subiecto, ubi summæ vis potestatis penes populi *Ordines* aut *Optimates* residet. (q)

17. Sed in Imperio *simpliciter* uni vel pluribus delato, negamus hanc obtinere distinctionem, quia summa potestas, cujus ministri sunt *Magistratus*, & à qua omnis inferior potestas derivatur, penes solos est Imperantes, ut pridem edocuimus. (r)

18. Creari Magistratus ab Imperantibus Summis res ipsa loquitur, & diximus dudum, utique *maiores*: Nam quo minus *inferiores* per ministros creari curet, nihil de jure quidem obstat. Quandoque per Populum creantur, aut *hereditarii* sunt, quod tamen non minuit eorum à summâ potestate dependentiam. (s)

19. Digni an indigni, *gratis* an *pretio*, functionibus præficiantur, politice quidem & interni juris respectu interest multum, sed externa facultate parum aut nihil refert; in primis si pretio nundinentur officia Reipubl. (t)

20. Quæri potest, an intrinsecus cum honestatis ratione convenire possit, quod summæ potestates ipsæ *pretium* officiis Magistratuum præscribunt, ut quibusdam

O

(l) *Ibid.* §. 20. (m) *d.* §. 20. (n) *ead.* §. 20. (o) *Ibid.* §. 23. (p) *Ibid.* §. 32.

(q) *d.* §. 32. (r) *Ibid.* §. 24. (s) *Ibid.* §. 36. (t) *Ibid.* §. 50. *seqq.*

dam locis fieri vidimus, & videmus. Si *mores* adeo sint *corrupti*, ut sordibus nullo modo privatim abstinere queat; vel in *summa* rei communis *angustia*, fieri potest, ut nec Civitas peccet, quod sic publico quæstui servire, vel Procerum avaritiam eludere satagat. (v)

21. Sed lex de *pecunia pro suffragio*, vel Aulicorum in Monarchiâ, vel Regentium singulorum in Polyarchia, danda exigendaque, ratione vix ulla, nec quidem necessitate defendi potest, quanquam ejusmodi Constitutio extet Justiniani in *tit. C. de Suffrag.* (x)

22. Juris ratio non prohibet, unum civem *pluribus officiis* & honoribus fungi, modo functioni-

bus omnium par sit implendis. Sed an expediat, honores ita cumulari, politica quæstio, & legibus cujusque Reipubl. terminanda fuerit. (y)

23. Spectant quoque ad *Politicam* hæc quæstiones: utrum senes, an juvenes; divites, an pauperes; esse debeant Magistratus; an plebeji cum nobilibus, advenæ cum indigenis admittendi. (z)

24. Quod ad Magistratus capiendos homines *coguntur*, id usum magis habet in Muneribus propriè dictis, quæ sine incommodo atque honore continent Reipubl. administrationem, quam in Honoribus. (aa)

25. Sed hæc à *Magistratum* officiis, de quibus hoc loco, factis aliena sunt. (bb)

(v) *Ibid.* §. 53. *seq.* (x) *Ibid.* §. 56.

(y) *Ibid.* §. 58. (z) *Ibid.* §. 59. (aa) *d.* §. 59. (bb) *vid.* §. 4. *et* §. *ibid.*

### C A P. III.

#### *De Judiciis.*

**A**D hoc reperta est sacra *Legum* reverentia, ut nihil proprio ageretur impulsu, adeoque vis abesset, ut bene olim Theodoricus Rex apud Cassiodor. *lib. 4. Var. Epist. 4.* (a)

2. Hinc

(a) *Auctor in Op. Mai. lib. III. Sess. II. cap. I. §. 2.*



2. Hinc summum *præceptum*, non esse singulis concedendum, quod per magistratum publice possit fieri, ne occasio sit majoris tumultus faciendi, l. 176. *π. d. Reg. Jur.* (b)

3. Exceptâ *necessitate*, quoties sine certo periculo vel damno iudex non potest expectari. (c)

4. Res adeo est sanctissima *judicium*, quo ultimum in rebus humanis malorum evitatur Bellum. (d)

5. Definitur *JUDICIUM*, *legitima causæ disceptatio, quæ fit apud iudicem, à parte actoris & rei, litis finiendæ gratia.* (e)

6. Disceptatio tam de *jure* quam de *facto* pertinet ad *Jus Privatum*, quod totum circa judicia, veluti cardinem suum vertitur. (f)

7. Sed constitutio & ordinatio judiciorum ad *Jus Publicum* merito refertur. (g)

8. Forte & *criminalia judicia*, quibus vigor disciplinæ publicæ vindicator, recte *publici juris* dicuntur; quare & hodie publico nomine per Fisci Procuratores duntaxat vindicantur. (h)

9. *Civilia* sunt, quibus hi quorum interest, ad commodum pe-

cuniarium sibi applicandum expectantur. (i)

10. *Criminalia*, quibus ad publicam animadversionem, hoc est, ad mortem vel cruciatum corporis, aut exilium, vel multam fisco applicandam agitur. (k)

11. Horum divisio in *privata*, vel *publica*, Juris est Romani, non Universalis; Namque hodie de cunctis, uti dictum, criminibus publicæ accusationes instituantur. (l)

12. Pleræque aliæ *Judiciorum* partitiones, quas habent Isti, à nobis alienæ sunt, præter unam, quæ dicuntur *ordinaria*, vel *extraordinaria*, sive *summaria*. (m)

13. *Illa*, in quibus ordo judiciorum solennis, plenaque causæ cognitio intervenit. *Extraordinaria*, quibus nec solennia servantur, neque exacta cognitio adhibetur. (n)

14. *Locum* habent, quoties vel periculum in morâ, vel celeritate opus est, aut res agitur non peremptorii præjudicii, vel inter partes ita convenit (o)

15. Porro ex definitione *Judicii* liquet, *personas* id constituen-

(b) d. §. 2. (c) d. l. §. 3. (d) d. l. §. 5. (e) d. l. §. 6. (f) d. l. §. 7. (g) *cod.* §. 7. (h) d. l. §. 8.

(i) d. *Sect. II. cap. II. §. 1.* (k) d. §. 1. (l) d. l. §. 2. (m) d. l. §. 7. *legg.* (n) d. §. 7. (o) *cod.* §. 7.

tes dari *tres principales*, Judicem, Actorem, & Reum: (p)

16. JUDEX est *vir bonus, juris peritus, ad lites terminandas publice constitutus*. (q)

17. Nulla igitur ratione *Hobbes* doctrinam artis legalis in *Advocatis* necessariam, in *Judice* prope supervacuam existimat, *Angliæ* potius suæ, quam ingenii humani, morum, negotiorumque perplexam varietatem, ut videtur, considerans. (r)

18. *Officium judicis* in genere est, ita judicare, quemadmodum legibus & moribus est proditum, & meritum cujusque causæ ex *actis & probatis* postulat. (s)

19. Plane is, qui *summam* habet *potestatem*, aut qui datus est ita, ut judicati rationem nullam redditurus, (quanquam ita vix potest) actis scientiam suam potest præferre. (t)

20. Sed quorum sententiæ *retractari* possunt, his id nullo modo indulgendum; quia superior, qui errorem ejus corrigit, aliter de eo quam ex actis arbitrari potest. (v)

21. Is igitur se exoneret officio suo, ac inter *testes* potius auxilio veritatis adsit. (x)

22. Dein, per omnes *judicii* partes vertitur officium *Judicis*, initio ab *in jus vocatione* facto, quæ rectius multò jussu magistratus per apparitores fit, quam lubitu privato, sicut olim tumultuario *Romæ* in usu erat, ut probavimus in *Prælect. ad §. ult. Inst. de pæn. tem. litig.* (y)

23. *Privilegia fori* sunt quidem æque juris publici, at peculiariis & civilis, de quibus singularum scita gentium consulantur. (z)

24. Post *litis contestationem*, quæ perficitur intentione actoris, & contradictione rei, propria incipit disceptatio, & cognitio causæ, & ab hoc tempore *Judicii* appellatio strictè loquendo inchoatur. (aa)

25. Si de facto partes consentiant, de jure saltem ambigant, sequitur *decisio* immediatè. (bb)

26. Quod si & in facto discrepent, primò *interloquitur* *judex*, & *probationem* utrique injungit, quod illi tam argumentis, quam testibus, & instrumentis satagunt. (cc)

27. Cognita causa finitur *SENTENTIA*, quæ est *ultima* *judicis* de *re controversa* pronuntiatio, *condemnans* vel *absolutionem* rei, vel *condem-*

(p) d. *Secl. II. cap. I. §. 10.* (q) d. l. §. 11. (r) d. l. §. 25. (s) d. l. §. 20. (t) d. l. §. 22. (v) d. §. 22. (x) *ead.* §. 21.

(y) d. *Secl. II. cap. II. §. 8.* (z) d. l. cap. III §. 24. *seqq.* (aa) d. l. cap. IV §. 3. (bb) d. §. 3. (cc) d. l. §. 6.

*denationem certam actoris, aut rei.* (dd)

28. Lis finita dicitur *res judicata*; unde confestim victori *actio* nascitur. (ee)

29. At *executio* differtur aliquantisper; quâ in re civile fuit jus Romanum vetus. XXX. dies reis pecuniâ condemnatis pro laxamento concedens; *quadrimestre spatium*, quod novo jure datum, nimis enorme, l. ult. C. de usur. rei jud. Mores hodierni, qui parum aut nihil largiuntur, austeriores videntur. (ff)

30. Impeditur executio per *appellationem*; quæ nihil est aliud quam *querela super iniquâ sententiâ*, aliæ gravamine, ab inferiore facta ad superiorem. (gg)

31. Differt ab *appellatione Relatio*, quæ duplex est; una cum judex, Principem expositâ facti specie super eâ consulit; hæc non impedit *appellationem*, tit. C. de Relat. & app. l. 35. C. de Appellat. juncta l. 1. §. 1. ff eod. (hh)

32. Altera, cum omnia & integra acta mittuntur ad Principem, ut is ipse ferat sententiam, cui sese judex parem non sentit, & ab hac non potest provocari. (ii)

33. Perinde à provocatione differt *Querela denegatæ justitiæ*, quæ immediatè ad Principem fieri potest, vel ad eum qui vicem principis hætenus exercet. (kk)

34. Propter moras & sumptus judiciorum haud rarò in *Arbitros* compromittitur, qui sunt privati homines, quos partes eligunt, ut litem instar judicium definiant. (ll)

35. Horum omnis potestas *Compromisso* continetur, quod tamen de rebus ad jus publicum pertinentibus; in quibus crimen aut infamia similisve causa vertitur; concipi non potest, sed tantum de his, quæ in arbitrio sunt privatorum, l. 32. §. 6. de Rec. arbitr. (mm)

36. *Sententia Arbitrorum* non parit actionem rei judicatæ, quoniam hæc publicam supponit auctoritatem, l. 1. C. Arbitr. (nn)

37. *Provocatio ab Arbitro* nulla potest fieri; quia nulla inter arbitrum, qui privatus, & judicem subordinatio inferioris ac superioris est. (oo)

38. *Reductio* quæ fit hodie, nec cum juris publici ratione, nec cum naturâ compromissi satis convenire videtur. (pp)

O 3

39. Id

(dd) d. Scil. II. cap. VI §. 1. (ee) d. §. 1. (ff) d. l. §. 8. (gg) d. l. §. 19. (hh) d. l. §. 30. (ii) d. l. §. 30.

(kk) d. l. §. 7. & cap. III. §. 40 (ll) d. Scil. II. cap. I. l. §. 41. (mm) d. l. §. 41. (nn) d. l. §. 42. (oo) d. l. §. 44. (pp) d. l. §. 45.

39. Id porro sponte intelligitur, *Actorem* esse, qui provocat ad iudicium; *Reum*, qui provocatur. (qq)

40. *Personæ minus principales* ad iudicium necessariæ sunt, *Scribæ*, *Executores*, *Apparitores*, *Viatores*, denique *Advocati*, & *Procuratores*. (rr)

41. *Olim* ita juris publici erat *advocari* & *procurare*, ut à quovis pro quolibet institui possent; *nunc*

aliò sensu publica sunt, ut à nemine quam cui venia data sit, illæ functiones exercentur. (ss)

42. Quibusdam locis *Pocuratorum* officia, & *Advocatorum* pariter habentur, laudabili instituto; etsi dignitatis speciem minuat *Advocatis*, modo litigantibus sit compendio, sicut est evidenter. (tt)

(qq) d. l. §. 26. (rr) d. l. §. 27.

(ss) d. §. 27. *seqq.* (tt) d. §. 31.

## CAP. IV.

### De Judiciis Criminalibus.

**M**odus vindicandi maleficia duplex est, per *inquisitionem*, vel per *accusationem*. (a)

2. *INQUISITIO* fit immediatè à Magistratu, cum vel delicti ignotus est auctor; vel notus quidem, at à nemine postulatur. (b)

3. *ACCUSATIO* apud Romanos in certis & gravioribus delictis cuiuslibet è populo competeat; hodie omnium criminum soli ad eam rem constituto *Procuratori Generali* persecutio committitur. (c)

4. Non male, siquidem multa manerent *impunita* delicta, si accusator è populo esset expectandus. (d)

5. Querela tamen nec *hodie* privatorum excluderetur, si negligentia conniventiave *Procuratorum Generalium* vigor iustitiæ adversus quosdam remitteretur, quod nec graves *Juris consulti* à praxi horum temporum existimant alienum. *A. Matth. tract. de Crimin. ad lib. 48. ff. tit. 20. Cap. 2. n. 2. (e)*

6. *Quin*

(a) *Aufser in Op. Mai. lib. III. Sect. II. cap. IV. §. 27.* (b) *conf. Sect. II. cap. I. §. 8.* (c) d. §. 27. *cap. IV.*

(d) *cod. §. 27.* (e) d. §. 27.

# INSTITUTIONIS REIPUBLICÆ. III

6. Quin et si *inquisitio* fiat, causa tamen per modum accusationis ac defensionis utcumque dispari formâ, agitanda & discutienda est, quamquam in hoc Mores variant (f)

7. Item ubique locorum, ubi Reus deprehenditur, iudicium recte instituitur; rectius tamen ad locum *admissi*, modo id requiratur, transmittitur, & hoc *suprà* dictum. (g)

8. *Carcere* clausus celeriter examinandus judicandusque, ne mala mansio pœnæ loco cedat, nec omnino excedendum juris Romani biennium, sine gravi causâ, l. *Properand.* 13. C. de *Jud.* (h)

9. Sed gravissima quæstio hæc est: an, si probationes ad sententiam non sufficiant, quæstionem de Reis per *tormenta* habere liceat? usus temporum fert ita; multi tamen sapientes viri in alia omnia eunt. (i)

10. Leges equidem de tormentis probandas existimo, modo ad sint *duo requisita*, & *una cautio*. (k)

11. *Primum*, ut crimen sit grave, quod sine magno Reipublicæ detrimento non potest ignosci. (l)

12. *Secundo*, ut adsint tam prægnantes præsumptiones, sola ut

Rei confessio deesse videatur; ut iudex, licet ad damnandum progredi nequeat, prope tamen certus sit animi, fontem esse Reum. *Vid. l. 1. §. 1. π. de Quæst.* (m)

13. *Cautio* est, ne confessiones extortæ pro exploratis facinoribus habeantur; sed ni cum iudiciis & vestigiis facti, omnibusque circumstantiis, convenient, fidem ne mereantur. (n)

14. His suppositis, legem de Quæstione per tormenta non esse improbandam, ea nobis ratio est; quâ & alias usi sumus, quod lex sit *ὁμολογία πόλεως communis Reipubl. sponsio*, cui sponte cives se submittere intelliguntur, quam proinde nemo iniustitiæ adversus se aut alium quemvis arguere potest. (o)

15. Aut enim tota civitas perpetuo ingenti incommodo & discrimine laborare debebat, aut tale quid recipiendum, unde rarissime, nec nisi exquisitis casibus, immerito civis affligeretur. & *Malum hoc triste*, non turpe erat, ad quod sua se quemque voluntate boni publici causâ obligare posse dictum est *alias*. (p)

16. Damnatis *POENA* infligitur, quæ est *delicti coercitio*, de qua sum-

(f) d. l. (g) d. *sect.* II. cap. III. §. 21  
(h) d. *sect.* II. cap. IV. §. 30. (i) d. l. §. 32. & 43. (k) d. l. §. 46. (l) d. l. §. 47.

(m) d. l. §. 48. (n) d. l. §. 49. (o) d. l. §. 50. (p) d. l. §. 54.

summa regula est, quod pro quantitate peccati, gravior esse debeat, ut tamen crebrescentibus delictis ex usu possit asperari. (q)

17. Quanquam autem *Jure Naturæ* pœna à quolibet, qui paria non deliquerit, exigì possit, ut recte *Grotius* docet *d. lib. 2. c. 20. §. 3.* tamen nec Civitatis constitutio, neque divinæ Legis sanctitas, facile id cuiquam privato concesserint. (r)

18. Et si quandoque publica auctoritate jus puniendi *privatis* permittitur, non modo ad emendationem, ut Parentibus, & Propinquis; sed & ad satisfactionem & exemplum, ut Patri in filia adulterâ, *l. 20. π. ad L. Jul. adult.* (s)

19. Cæterum puniuntur non quilibet actus vitiosi, sed qui *humanam lædunt societatem*, quam quo magis violant, eò vindictam graviores esse oportet. (t)

20. Spectari tamen debent *causæ*, quæ impulerunt, quæ retrahere debuerunt, *aptitudo personæ* delinquentis, ad judicandum de illis; *locus & tempus* perpetrati delicti; *qualitas & quantitas* facinoris; denique *eventus* qui subsequutus est; quæ omnia latius exe-

qui non est hujus loci. *Vid. Grotius, d. cap. 20. §. 29. & seqq.* (v)

21. Id autem facile intelligitur, non alium quam *ipsum delinquentem* esse puniendum, neque ad posteros quicquam pœnæ propagandum, quod leges tam divinæ quam humanæ inculcant, *Secl. I. cap. III. §. 12.* (x)

22. Quanquam incommoda pœnæ parentibus inflictæ liberos premere possunt, veluti ex *publicatione bonorum* egestas eorum consequitur; quæ tamen hoc nomine reprehendi non potest, quasi personam delinquentis egredere-  
tur. (y)

23. *Morte reorum* crimina pœnasque deleri, cum ad heredes nunquam transeant, per se clarum est. (z)

24. *Modi quoque custodiendi* reos criminum à pœnis diversi esse debebant, ideoque *Carcer* maxime *perpetuus* non immerito ab Romanis & veteribus cunctis fuit improbatum ad usum pœnalem. *l. 8. §. 9. l. 35. π. de Pœn.* (a)

25. *Crimen Majestatis* est, quod admittitur à subditis contra summam potestatem; estque duplex, *Majestatis* in specie, vel *Perduellionis*, *l. ult. π. ad L. Jul. Majest.* (bb)

26. *Pri-*

(q) *d. l. cap. V. §. 1* (r) *d. l. §. 4.*  
(s) *d. l. §. 5.* (t) *d. l. §. 6.*

(v) *d. §. 6.* (x) *d. l. §. 7.* (y) *d. §. 7.*  
(z) *d. l. §. 11.* (aa) *d. §. 11.* (bb) *d. l. §. 13. seqq.*

26. *Primum* est, cum quis animo hostili adversus Rempub. aliquid machinatur. (cc)

27. Cujus apud plerasque Gentēs pœnas non modo personas delinquentium, sed & liberorum & propinquorum seriebat: cujus rigoris vestigium in jure Romano superest. *l. Quisquis* 5. C. ad L. *Jul. Majest.* Sed hoc, ut videtur, præter rationem. (dd)

28. Sequitur *Peculatus*, qui nihil est aliud quam furtum publicum, cujus mille modi formæque, proinde & variæ pœnæ. (ce)

29. *Repetundarum* tenentur, qui in Magistratu, potestate, curatione, legatione, aliove munere publico positi, pecunias acceperunt, quo magis aut quominus officio suo fungerentur. (ff)

30. De *Ambitu* tenentur, qui corruptis suffragiis honores petunt. (gg)

31. Crimen *Annonæ* committitur ab his, qui malis coitionibus hoc agunt, ut annona fiat carior; quod Romani multâ saltem xx. aureorum plebunt; sed Carolus Cæsar V. pœnam capitis præscripsit, *Const. Crim. art.* 113. (hh)

32. Crimen *Residuorum* committitur ab his, qui pecuniam in

publicos usus sibi commissam intervertunt sibi que retinent. (ii)

33. Denique *Concussio* vocatur, cum quis obtentu potestatis, quam habet, terrore injecto, pecunias aliis extorquet. (kk)

34. Est & publicum crimen *Rupti violatæ aggeris*, *l. un. C. de Nil. aggerib. non rump.* (ll)

35. Privatam læsionem, sed & publicam, manifestâ consecutione præferunt, primo, *Homicidium*, quod jure divino sanguine vindicandum, utique voluntarium, non invitum. (mm)

36. *Parricidium* fumitur pro cæde alicujus, qui in rectâ sanguinis lineâ nobis est conjunctus; reliquorum cædes propinquorum magis est, ut homicidia atrociora sint, §. 6. *Inst. de Publ. jud.* (nn)

37. *Adulterium* est corruptio mulieris alii nuptæ, *l. 6. §. 1. π. ad l. Jul. adult.* (oo)

38. In muliere igitur *adulterium*, in virgine viduæque *stuprum* committitur, *Levit. 20. v. 13. Deut. 22. vers. 22.* (pp)

39. Recentiores Legislatores quæ antiquum Jus Romanum, quo *relegatio* tantum in adulteros sancita erat, facilitate superare; quam & novum Constantini, &

P

di-

(cc) d. l. §. 13. (dd) d. l. §. 15. (ce) d. l. §. 21. (ff) d. l. §. 22. (gg) d. l. §. 24. (hh) d. l. §. 26.

(ii) d. l. §. 27. (kk) d. §. 27. (ll) *ead.* §. 27. (mm) d. l. §. 33. (nn) d. §. 34. (oo) d. l. §. 35. (pp) d. l.

divinum, & veterum Germanorum, aliorumque gravium populorum, quibus hoc capitale fuit, leges, imitari maluerint, nullâ idoneâ ratione probari potest. (qq)

40. *Stuprum* est corruptio virginis viduæque honestæ; nam *meretricia* voluptas, etsi impunita, ut visum Romanis, exemplo ebrietas similiumque vitiorum, esse non debet; æstimatione tamen *criminis* distingui meretur. (rr)

41. *Persecutio stupri* moribus hodiernis non malè exerceri videtur, in hanc sententiam, ut vir ducat vitiatam, vel dotet. (ss)

42. *Vis* fertur duplex, publica & privata; publica vis dicitur quælibet atrocior, maxime quæ fit armis; & hinc *privata* intelligitur. (tt)

43. Ad publicam vim pertinet *Raptus* virginis viduæve honestæ, quem meritò Jus Romanum gravissime persequitur, capitali pœna, l. un. C. de Rapt. virg. (vv)

44. *Falsi* crimen est ficta veri-

(qq) d. l. §. 36. (rr) d. l. §. 37. (ss) d. l. (tt) d. l. §. 44. (vv) d. l. §. 45.

tatis imitatio, vel suppressio, in fraudem alterius facta, cujus plurimæ sunt species, aliæ aliis graviores. (xx)

45. *Magia* propriè est crimen eorum, qui ope diabolicâ, præstigiis artibusque vetitis grassantur. (yy)

46. Puniendi quidem, sed maxime, qui *nocendi* causam habent. (zz)

47. *Plagium* vocatur furtum hominis, cujus pœna usque capitalem extendi potest, haud minus, quam *Raptus* sine stupro, l. ult. π. C. de Plag. (1)

48. *Abigeatus* est furtum majus pecudum ex agro vel stabulo abductarum, l. ult. π. de Abig. (2)

49. *Stellionatus* postremo dicitur omne crimen, quod speciali nomine caret, à *Stellione* versuto animali, quod se in omnes formas vertere dicitur; adeoque specierum enumerationem hoc delictum, quasi clausulâ generali, obfignat. (3)

(xx) d. l. §. 46. (yy) d. l. §. 48. (zz) d. l. (1) d. l. §. 49. (2) d. l. §. 50. (3) d. l. §. 51.

### C A P. V.

#### De Tributis, & Veltigalibus, &c.

**A**D hunc locum pertinent quævis commoda *fiscum* & *ararium* augmentia, quorum pleraque in capite, de minoribus Majestatis juri-



*juribus* ita recensâ sunt, ut in universali hac disciplinâ parum de illis supersit amplius dicendum. (a)

2. VECTIGALIA propriè sunt præstationes, impositæ rebus, quæ invehuntur & evehuntur. *TRIBUTA* non habent relationem ad investitiones in, vel extra fines. Sed *Vectigalium* sæpe generalis appellatio est. (b)

3. Iustissimus omnium *Tributorum*, *CENSUS* videtur, quo secundum facultates divitiarum cives in contributionem vocantur; & forsitan magis ratione *fructuum*, quam *sortis* habitâ, quia alioqui fœneratores, & qui redditus capiunt faciliores, præ immobiliū possessoribus enormi præcipuo gauderent. (c)

4. Secundum hæc *Tributa*, quæ minus exhauriunt, & causis lucrativis imponuntur, veluti quod à *successionibus*, quæ ex latere propinquitatis, aut ab exteris veniunt, in universum præstare videntur. (d)

5. Tum *Vectigalia* rerum, quæ extra civitatem evehuntur, quæque aliunde advehuntur; earum imprimis, quæ magis ad luxum & abundantiam, quam ad usum

necessarios pertinent, quales sunt, quas Marcianus, in l. xvi. n. de *publicanis*, recenset. (e)

6. Ad *Censum* proximè accedunt præstationes, *agris* & *domibus* impositæ, quæ rebus semper cohærent, & à quolibet possidente exiguntur, etiamsi convenerit inter emptorem & venditorem, ut emptor tributum solveret. (f)

7. Imo & *reliqua tributi* non soluti, quæ ante venditionem cesserant, ab emptore solvenda sunt, quia fundum sequuntur. *Vid. tit. C. Sine censu, vel reliquis, fundum comparari non posse* (g)

8. Idem erit, si venditor *partem census* ab agro vendito in alium, quem habet vicinum, transulerit, tamen si possessionis censualis translatio publicis actis inserta fuerit; semper enim fundus *vetusto censui* manet obnoxius, nisi à Principe permessa sit translatio, *eod. tit.* (h)

9. Rebus ad *vitæ usum* necessariis, liberisque *capitibus*, non nisi summa urgente necessitate vectigal imponendum: sed hæc ad politicam vergunt. (i)

10. *Immunitas* concessa ad heredes aut posteros non pertinet,

P 2 nisi.

(a) Auctor in *Op. Mai. lib. III. sect. III. cap. I. §. 6.* (b) *Ibid. §. 16.* (c) *Ibid. §. 41. seqq.* (d) *Ibid. d. §. 6.*

(e) *Ibid. d. §. 16.* (f) *Ibid. §. 7.* (g) Auctor in *Præf. ad tit. Quis pot. in pign. §. 7.* (h) *d. l. c. in Op. Mai. d. cap. II. §. 43.* (i) *d. cap. I. §. 17.*

nisi diserte privilegio sint comprehensi, l. 1. §. 1. *π. de jur. immun.* Et mentione *posterorum* simpliciter facta, rationem habet, quod Lege Romana sanctum, posteros feminei sexus non intelligi, sed masculinos duntaxat, d. l. 1. §. ult. (k)

11. Collegiis vero data immunitas, veluti Academiis, perpetua quamdiu durat collegium, esse intelligitur, l. pen. §. pen. eod. (l)

12. Quia tamen vim majorem non habet immunitas, quam *privilegium*, ideo lege contraria tolli & aboleri potest; nisi per contractum promissa & adsignata sit; quo casu jus quæsitum auferri non potest, nisi id quod interest in vicem præstetur. (m)

13. Immunes autem fere sunt perpetuo, *Res fisct*, res exercitibus paratæ, & Præsidum provinciarum, d. l. 4. §. pen. l. 9. §. pen. & ult. eod. studiorum quoque honori datum sæpius, ut *Academiæ*, ibique tam docentes, quam discentes, ab oneribus vectigalium liberarentur. (n)

14. His etiam, qui loca palustria aut eluvione maris vadosa, aliterve inculta emendant & frugifera faciunt, urbesve desertas

frequentant, meritiò immunitate, saltem ad tempus, sublevantur, l. 3. C. de *Alluv. & palud.* (o)

15. *Tributa*, sive *Census*, pleurumque immediatè colliguntur. *Vectigalia* proprie dicta solent locari, quia diligentius quæritur pecunia ab his, quorum privatim interest, quam ab iis qui Rempublicam administrant. (p)

16. Qui conducunt vectigalia, *Publicani* dicuntur, odiosum cunctis gentibus nomen, tam ob actiones, quibus vexant cives, quam ob inivsum per se institutum, l. 12. *π. d. Publican.* (q)

17. *Pæna* eorum, qui res municipales, sive tributo obnoxias non profitentur, est hæc ubique, quod res celatæ cadunt in *commissum*; & in fiscum, publicani sæpe commodo, redigantur, l. 11. §. 2. d. tit. (r)

18. Cæterum Vectigalia, sine *Principis jussu*, neque à Magistratibus, neque ab ipsis publicanis augeri, vel minui, vel reformari possunt. (s)

19. Vigor etiam publicæ utilitatis postulat, ut *Reliquatores* publicanorum corporaliter plectantur, nisi perspicue docere queant, nec cupiditate, neque negligentia

(k) *Ibid.* d. §. 37. (l) *eod.* §. 37. (m) *Ibid.* §. 38. (n) *Ibid.* §. 39.

(o) d. §. 33. (p) *Ibid.* §. 18. *freq.* (q) d. §. 18. (r) *Ibid.* §. 29. (s) *Ibid.* §. 25.

tiâ suâ, verum fato accidisse, quominus solvere possent. (t)

20. Est & hoc rationi consentaneum, ut qui maximos fructus ex redemptione vectigalium consecuti sunt, si postea minime tanti locari queant, iidem ea prioribus pensionibus suscipere compellantur, ut Romanis usitatum erat; hodie non perinde servatur, l. 111. §. ult. eod. (v)

(t) *Ibid* §. 20. (v) d. §. 20.

21. *Debitorum* autem *fisci*, vel Reipubl. vectigalia conducere prohibentur, nisi forte tales obtulerint fidejussores, qui & reliquis eorum satisfacere parati sint, l. 9.

§. 2. & 3. eod. (x)

22. Denique, si *pensionibus* facta sit locatio, prioribus non solutis, pellere licet conductores, tempore licet conductionis necdum impleto, l. 10. §. 1. eod. (y)

(x) eod. §. 20 (y) d. §. 20.

## C A P. V I.

### *De Jure Reformandi Civitatem.*

**F**requenter ita accidit, ut vel jura Civitatis administrandæ ab initio malè collocata sint, vel rectè posita deinde corrumpantur; atque ut ita *Reformatione Reipubl.* opus sit. (a)

2. *Quæstio Juris* imprimis heic est: quis reformationem institueret, quis petere possit? (b)

3. Et quidem sine hæsitatione dicendum est, eam non posse fieri ab aliis, quam qui jus habent *Imperii Summi*; formare enim at-

que reformare est ejusdem facultatis. (c)

4. Proinde in *Populari Imperio*, quod ad jubendi potestatem attineat, proficisci debet ab ipso populo; suadendi auctoritas à viris sapientibus oritur. (d)

5. Talis erat *Attici Populi* conditio, priusquam *Solon* ejus statum reformaret, qui volenti populo reformationem imposuit. (e)

6. Diverfum *Lycurgi* exemplum fuit, is enim leges suas reforma-

P 3

torias

(a) Auctor in *Op. Mai. lib. III. Sect. III. cap. IV. §. 1.* (b) d. l. §. 2.

(c) d. §. 2. (d) eod. §. 2. (e) d. l. §. 3

torias per vim tulit; Βίᾱ μᾶλλον ἢ πειθοῖ χρησάμενος, vi magis quam persuasionibus utens, ait Plutarch. In vita Sol. p. 87. ed. Par. (f)

7. At secuta Populi Laconici approbatio non modo juris vim, sed incomparabilem quoque gloriam *Lycurgo* addidit, quam meretur hoc unico in rebus humanis exemplo ab orbe condito, ut in in tota aliquâ gente πλῆτος esset ἀτιμος, ἀζηλος, & reverâ ἀπλευτος; divitiæ inbonoratæ, contemptæ, imò non Divitiæ forent. (g)

8. In *Aristocratiis*, atque *Monarchiis*, reformatio non nisi per eos, qui Summum habent Imperium stabiliri potest. (h)

9. Non posse *privatos* Imperantibus in hoc genere quicquam præscribere jam diximus; preces, supplicationesque in hunc finem illicitas reputare non licet; utique in universum: si enim hoc prætextu *fomenta seditionum* quærantur, ut aliquando accidit; maxime, si cœtus concionesque ea gratia instituantur, ipsæ quoque supplicationes hujus generis prohibendæ sunt. (i)

10. Tu dices: qui formavit Imperium, ejus est, idem reformare; sed *populus* dedit primam Imperio formam; ergo in omni Re-

publ. *populus* efficaciter *urgere* potest reformationem. (k)

11. At nos *Sect. I cap. 9. § seq.* abunde probavimus, Imperio *simpliciter* translatò, populum semet ipsum privasse potestate Reipublicæ curandæ; nec est dubium, quin hæc *positio* concessa quælibet Imperia redderet democratica, & confusionibus obnoxia turbulentis. (l)

12. Ex his porrò sequitur, *Reformationem* nullo modo peti posse, tanquam ab iis faciendam, qui sunt *extra Rempublicam*; imò quoties cives ejusmodi querelas petitionesque reformandi corrigendique regimen civitatis suæ deferunt ad externas Potestates, hi se manifesto reos *Majest. læsæ* præbent. (m)

13. Quomodocunque facta *Reformatio*, fere ita vitio ingenii humani accidit, ut brevi exoleat. Unica ratio constabiliendi reformationem est, *executionem* ejus, observationemque *legum*, diversis in Republ. Ordinibus committere, quorum utilitates atque respectus sibi invicem ita adversi sint, ut conspirare nequeant, sed alii aliis invidere, mediaque *aemulatione* se mutuo & impellere & impedire debeant. (n)

14 Op-

(f) d. l. §. 4. (g) d. l. §. 7. (h) d. l. §. 9. (i) d. l. §. 10.

(k) d. l. §. 11. (l) d. §. 11. (m) d. l. §. 13. (n) d. l. §. 14. *seqq.*

14. Optimus alioqui Reformator est *Deus*, qui calamitatibus immisissis ipsos Imperantes sæpe cogit, ut ni ipsi cum Republicâ interire malint, instituta prava mutare, publicæque salutis cogantur velificari. Cæteræ omnes vix aliud efficiunt, quam ut palam fiat, quibus flagitiis impares simus;

(o) d. l. § 16.

hujusque dicti veritas innotescat: Reformatione factâ, magis alios homines quam alios mores nasci. (o)

15. Sed pluribus hanc rem persequi Doctorum est *Politicoꝝ*, quibus alia multa in hoc loco inculcanda sunt. (p)

(p) d. l. §. 17. *seqq.*

## CAP. VII.

### *De His, quæ Exteri sibi invicem debent.*

**S**equitur, quid Juris Publici adversus EXTEROS, qui sub eodem nobiscum imperio non degunt, cuique Civitati sit observandum. (a)

2. Et primò, quæ necessitas postulat, ea sibi invicem exteri debent: proinde, ut si qua civitas fame laboret, frumentum à vicinis petere potest, precio justo. Si quis *populus virorum* sit, is matrimonii copiam, quâ ex se frui nequit, jure petit à vicinis (b)

3. Secundo, quæ sunt *innocentis utilitatis*, ea jure à quovis populo petuntur. (c)

4. Hinc non modo ignis & aquæ copia indigentibus danda; sed & *transitus* per terras & aquas patere debet eis, qui hoc transitu opus habent ad causas justas; modo *cautionem* securitatis sufficientem petentibus præstent. (d)

5. Sed & commoratio ad tempus, & perpetua *habitatio* his, qui sedibus suis pulsi sunt, negari non potest; modo *imperium* agnoscant, & recipi possint. (e)

6. Nam ut quisque *suum* quod occupavit secure teneat, non minus primæva hominum conventionione statutum videtur, quam ut res

(a) *Aufhor in Op. Mai. lib. III. Sect. IV. cap. I. §. 1.* (b) *Ibid. §. 2.* (c) *Ibid. §. 3.*

(d) d. l. §. 3. (e) *cod. §. 3.*

res dividerentur; ideoque hujus rei *cautio* semper excipienda est. (f)

7. Hinc tempore belli jure suscepti, licet occupare locum in *solo pacato* situm, quoties certum periculum est, ne hostis eum locum invadat, ac inde gravissima damna nobis infligat, multo magis, si jam hostis eum teneat, & inde nobis noceat. (g)

8. Forte ex eodem *fundamento* rectè statuetur, posse vicinum impediri, ne in suo sine aliâ causa, suâque evidenti utilitate, *munitum* nobis propinquum extruat; aut aliud quid faciat, unde justa formido periculi oriatur, idque non minus quam quilibet rectè prohibetur aliquid in suo, re suâ non postulante, facere, quo damnum rebus nostris inferatur. (h)

9. Eòdem pertinet *quæstio*, an Regi aut populo præpotenti, cujus viciniam timeamus, impugnanti regionem, qua captâ, nobis & vicinus sit futurus & nocendi validus, ob hanc causam

impedimento esse liceat, ne quod intendit hoc obtineat, quod ex eâdem sequela videmus disputari. (i)

10. *Responsio* est, tametsi, ut se res habent humanæ, in suasoriis hæc causa maxime valeat, justificam per se semperque non videri. (k)

11. Quid enim si laceffitus arma moveat? si optimo jure suam petat ditionem? nobis ob metum incommodi nostri, bello utentem suo jure, licebit aggredi? si hoc, *Politica* est, jus non est. (l)

12. Aliud fuerit, si tali certitudine, qualis sufficit in moralibus, constet, impugnari urbes alienas vel ad hoc maxime, ut nobis deinde noceri possit. (m)

13. Hoc quoque *Jus Naturæ* permittit, imo jubet, ut iis qui vim injustam ab aliis patiuntur, suppetias feramus; injuriâ modo sit manifesta. (n)

14. Multo magis idem licebit, vi *fæderis* icti prius cum eo qui oppugnatur. (o)

(f) *Ibid.* §. 4. & 5. (g) *d.* §. 5. (h) *Ibid.* §. 6.

(i) *Ibid.* §. 7. (k) *d. Sect. IV. cap. IV.* §. 32. (l) *d.* §. 35. (m) *Ibid.* §. 33. & 35. (n) *d. Sect. IV. cap. I. §. 8.* (o) *d. cap. IV. §. 35. fin.*

## CAP. VIII.

*De Conflictu Legum in diversis Imperiis.*

**H**Odiè, scissa in infinitas Civitates sibi mutuò non subiectas Europa, fit omni die; ut negotium, alibi inchoatum vel celebratum, alibi effectum habeat vel judicetur; atque tunc est *quæstio*, utrum jus ejus loci, in quo acta res fuit, an ubi exitum habet, vel judicatur, sequi oporteat? (a)

2. Nos quam poterimus, facillime brevissimeque hoc caput explicabimus, præmissis fundamenti loco *tribus positionibus* indubitatis, ut arbitramur. (b)

3. Prima sit: *Leges cujusque Reipubl. tenent obligantque cunctos eidem Imperio subiectos, nec ultra.* (c)

4. Secunda: *Pro subiectis habentur, quicumque in territorio cujusque Civitatis reperiuntur, quamdiu illic commorantur, l. 7. §. 10. π. de Interdict. & releg.* (d)

5. Tertia: *Summæ Potestates cujusque Reipubl. indulgent sibi mutuo, ut jura legesque aliorum, in suis*

*territoriis effectum habeant, quatenus sine præjudicio indulgentium fieri possit.* (e)

6. *Exempla*, quibus utemur, ad juris privati species maximè quidem pertinebunt; sed iudicium de illis, tantum Juris Publici rationibus constat, atque exinde definiri debet. (f)

7. Hinc constanter receptum est: Actus viventium factos secundum *requisita legalia* locorum, in quibus celebrantur, ubique gentium valere, effectumque iudiciali potiri. (g)

8. E contrario, si in vicinia factum sit testamentum, aliusve actus *contra leges* istius loci, iudices diversarum provinciarum è tali instrumento jus non dicunt. (h)

9. Neque tantum pertinet hæc ratio ad formam *instrumentorum*, quæ de negotiis inter vivos, aut mortis causâ conficiuntur; sed ad ipsa quoque *negotia*, hominumque actiones. (i)

Q

10. De

(a) Auctor in *Op. Mai. lib. III. Sect. IV. cap. I. §. 12. med.* (b) *d. l. §. 13. fin.* (c) *d. l. §. 14.* (d) *d. l. §. 14.*

(e) *cod. §. 14* (f) *d. §. 14. fin* (g) *d. l. §. 15.* (h) *d. l. §. 17.* (i) *d. l. §. 18.*

10. Detur exemplum: *matrimonium*, si iustæ sunt nuptiæ illic, ubi contractæ sunt, valet ubique; si non valeant illic, nusquam subsistunt; hoc ita, nisi præjudicium nostris juribus, ordinique Civitatis inde creetur. (k)

11. Exemplum: In Brabantia duxit aliquis *filiam fratris* cum dispensatione Pontificis; Ille, si huc migret non animadvertetur, ut putem. Quod si *Frisius* hinc se in loca Pontificia conferens, ibi neptem è fratre vel sorore duxerit; vix est, ut heic tolerandus videatur, quia pertinent ejusmodi conatus ad manifestum juris ordinisque nostri contemptum. (l)

12. Alius usus: contractum est matrimonium in Batavis, ubi *communio bonorum* universalis viget, nî pactis dotalibus aliter sit cautum; an etiam bona sita in *Frisia*, ubi matrimonium non mutat neque confundit dominia rerum, communicabuntur cum altero conjugē? Communicabuntur, quia spectatur *locus initi matrimonii*, & quia videtur hæc esse voluntas contrahentium, quæ ubique debet habere effectum. (m)

13. Alioqui bene receptum est: *Immobilia* sequi jus loci, in quo sita sunt; *Mobilia*, cum non fa-

cient partem territorii, sed affectionem ad personam ultimi possessoris habeant, sequuntur jus loci, in quo ille defunctus est. (n)

14. Nequidem expressâ partium voluntas operari potest adversus *leges*, quæ in singulis Civitatibus specialiter rebus immobilibus impositæ sunt. (o)

15. Exempli gratia: *Frisius* habet res soli in *Omlandia* nobis vicinâ, ubi non licet testari de rebus immobilibus; vult ille tamen eas res extraneo relinquere. Quæritur an possit? non potest. (p)

16. Ita juris est in *rebus*. In qualitatibus *personarum* spectatur ubique jus loci, in quo cuique personæ certa qualitas impressa fuit. Eum characterem persona quæque per omnia loca circumfert, omnesque iudices hætenus agnoscunt *jus loci originalis*; quatenus etiam hac parte nihil præjudicii diverso Imperio creari videatur. (q)

17. Hinc, qui in patria major vel minor annis, prodigus, aut curæ alienæ obnoxius habetur, vel factus est; hic ubique censetur, *eodemque jure* gaudet in omni Republ. quo ibi majores minoresve, prodigi, curæve obnoxii, gaudent; etsi juxta leges il-

lius

(k) d. l. §. 20. (l) d. §. 20. (m) d. l. §. 21.

(n) d. l. §. 22. (o) d. l. §. 24. (p) d. §. 24. (q) d. l. §. 26.



lius Reipubl. pro talibus non haberentur. (r)

18. Exempli gr. in provincia *Trajectinâ* pro majore habetur, qui unum, ni fallor, & viginti annos implevit; hic in *Frisiâ* res immobiles sine decreto potest vendere, quia majoribus ætate competit hoc jus in *Frisiâ*, licet ille secundum leges nostras pro majore non habeatur. (s)

19. Qui heic *veniam ætatis* impetravit, is alibi quoque pro majore habetur, ideoque si malè contraxit alibi, non restituetur in integrum, etsi hoc beneficium ejus ætatis hominibus illic tribuatur, (t)

20. Tenendum igitur: quemlibet agnosci in *eâ qualitate*, quam in Patriâ acquisivit, ibique eodem jure gaudere, quo personæ ejusdem qualitatis in eo loco, non in Patriâ fruuntur. (v)

21. Exemplo: *Filius familias* utcumque dives & major annis non potest in *Frisiâ* legare de suis bonis; in *Hollandia* potest. Proficiscatur igitur filius aut filiam.

nostras in *Batavos*, faciat ibi *testamentum*; quæritur, an valeat? Videtur: attamen non valebit heic in *Frisiâ*, quia licet actus in se initioque sit validus, institutus tamen est in fraudem Juris *Frisici*, atque ad illud eludendum, quod nostræ Potestates approbare non debent. (x)

22. Nec enim tenentur Potestates sequi alienum in fraudem sui juris vel civium suorum. Sit hoc exemplum: *Jure Civili* creditor hypothecarius res etiam mobiles debitoris sui à tertio possessore potest evincere, quod apud nos observatur; in *Hollandiâ* secus. Creditor ex hypothecâ in *Frisiâ* contractâ vult agere contra possessorem rei mobilis sibimet oppignoratæ in *Hollandiâ*. Nihil aget, si justo titulo bonaque fide res ibi possideatur; quia tum jus ei possessori quæsitum est, quod ei per leges apud nos receptas, licet heic contractus sit celebratus, auferri non potest. (y)

(r) d. §. 26. (s) d. §. 26. (t) *Ibid.*  
(v) d. l. §. 17.

(x) d. l. §. 18. (y) d. l. §. 29.

## CAP. IX.

*De effectu Jurisdictionis in alieno territorio.*

**N**Otum est: Nemini extra territorium suum juris dicendi esse facultatem, l. ult. n. de Jurisdic.

(a)

2. Sed Potestates diversorum Imperiorum, jurisdictiones aliorum, etiam in suo territorio, agnoscunt atque tuentur, quatenus sine præjudicio suo civiumque suorum fieri possit. (b)

3. Hinc si is, qui se extero judici submisit, in hujus territorio deprehendatur, ibi proculdubio in jus vocari detinerique potest. Atque, si tum recesserit, denuoque in eadem causâ citandus sit, tum *judex* ejus *ordinarius*, non debet negare citationem requisitus; quia non expedit utilitati populorum communi, ut jurisdictionis semel legitime fundata, litisque disceptatio inchoata intermoriatur. (c)

4. Idem habebit locum, si contractus in certo loco celebratus sit, debitorque alibi habitet; at si res, de quâ litigatur, sub eadem ju-

risdictione sita sit, etsi dominus alibi degat, *Judex* ejus *ordinarius* non gravabitur requisitus, eum compellere ad sistendum se illic, ubi res immobiles sitæ sunt. Unde apud omnes gentes, in judiciis, quæ in rem ipsam diriguntur, *situs rei immobilis* tribuit forum. (d)

5. Idem juris accidit ob *connectionem causarum*, quando negotium in uno loco vertitur, cujus participes in aliâ civitate degunt. (e)

6. Idem in causâ *reconventionis*: civis Batavus convenit Nostratem apud hoc forem. Hic reciprocam actionem adversus ipsum instituit in eodem foro; debet se defendere, & si ob causam in ea lite incidentem citetur in suâ civitate, non debet negare *Judex* loci *requisitoriam* citationem. (f)

7. Potest etiam, quando jurisdictionis in exterum, ita uti diximus, fundata est, citatio *per Edictum* fieri, cujus insinuatio tum peti-

(a) Auctor in Op. Mai. lib. III. Sect. IV. cap. I. §. 32. (b) d. §. 32. (c) Ibid. §. 33. & 34.

(d) Ibid. §. 35. (e) Ibid. §. 37. (f) d. §. 37.

petitur à iudice Rei citati, quam si ille neget, causæ tamen cognitio procedit. (g)

8. Quod autem *delicta* ubivis terrarum admissa puniri possunt, ubicunque malefici reperiuntur, non est juris extraordinarii, sed è natura jurisdictionis, summæque potestatis immediate fluit; & ratio salutis humani generis exercitium illius regulæ in criminibus maxime commendat, ut & *Remissionem* in locum delicti admissi; quæ peti, non exigi, aut flagitari potest. (h)

9. Quod juris est inter populos diversi Imperii, id etiam valet inter urbes pagosque *eiusdem Reipublicæ*, cum hoc discrimine; quod si Magistratus rei citati, nolint requisiti permittere evocationem, ubi causa iusta apparet, à *Superiore* compelli queant. (i)

10. Ita se habet hoc jus circa in jus vocationem, citationesque durante lite faciendas; sequens consideratio est de *sententiis*, quas ab alio iudice latas in alia civitate non habere vim effectumque sua vi, clarum atque certum est. Sed *utilitas*, imo necessitas adigit Potestates diversorum Imperiorum, ut res uno loco iudicatæ

ab his qui jus ibi iudicandi habebant, *ubique locorum* obtineant; & requisiti iudices aliorum sententias executioni mandent, tam in causis civilibus quam in criminalibus. (k)

11. Nisi forte jurisdictionis nostræ, civiumque nostrorum gravius interfit. Exemplo sit hæc species: *Homicidium* apud nos est admissum, Reus evadit è nostris finibus, & in viciniam sese confert. Illic se iudicio sistit & absolvitur; petitur in patria ipsius, ut sententia executioni detur. Habent illi causam recusandi; quia pertinet exemplum ad suam jurisdictionem eludendam. (l)

12. Alioqui non est iudicum aliorum inquirere in sententias, nec, si Princeps diversæ Civitatis *veniam dederit* homicidii aliusve delicti, in suo Imperio admissi; homicida, licet noster civis, sine metu apud nos versabitur. (m)

13. Ex eadem causa juris etiam ac moris est, ut quicquid ad ordinem iudicii, naturamque actionum instituendarum pertinet, observetur secundum *jus loci*, ubi causa cognoscitur & iudicatur, non ubi res gesta fuit. (n)

14. Ex his omnibus palam est;  
Q 3 ne-

(g) *Ibid.* §. 38. (h) *Ibid.* §. 40. & 41. (i) *Id.* §§. 40. & 41. *junc. Præf. ad l. D. de Cust. & exh. Recor.*

(k) *Ibid.* §. 42. (l) *Ibid.* §. 43. (m) *Id.* §. 43. & 44. (n) *Ibid.* §. 46.

neque leges, neque Jurisdictiones alienas, ullum effectum habere in aliis territoriis, quam ex voluntate populorum, Sicut hodieque *Jus Romanum* in Europa vi-

get, aut languet, ut visum cujque populo, cujus peculiaria scita Romanis legibus ubique praevalent, alibi rarius, alibi crebrius.

(o) *Ibid.* §. 47.

## CAP. X.

### *De Legatis.*

**Q**uia summopere omnium interest populorum, commercia, amicitiaeque officia propagari; aut si bellum sit ortum, id quam primum componi; ideo LEGATI Jure Gentium eximio jure sunt praediti. (a)

2. Est autem LEGATUS nihil aliud, quam Nuncius publicus; vel, si definitione opus, qui cum mandatis publicis ab eo, qui summam habet potestatem, mittitur ad externos. (b)

3. *Divisio Legatorum* vix à Veteribus ulla traditur; sed moribus hodiernis varii characteres, nomina varia usurpantur, quae tamen nihil quam dignitatem, jus haud magnopere variant. (c)

4. Praecipua divisio est in *Ordinarios*,

qui sedem uno loco, moramque longiorem faciunt, ut de omnibus negotiis quotidie occurrentibus agant; & in *Extraordinarios*, qui de certis rebus specialiter sunt missi. (d)

5. Illos *Grotius* antiquis ignotos non ita pridem à Ferdinando Aragonio, cujus summa consiliorum in explorandis aliorum consiliis erat, introductos, ideoque non necessarios, forte nec utiles videri scribit, *lib. II. cap. 18. n. 3. de I. B. & P.* (e)

6. *Hodie* tamen ita usurpantur, ut sine illis amicitia vix stabilis inter populos diversos coli videatur, etsi nec minus usum habeant *exploratorum*. (f)

7. Quæsitæ de *Legatis* hoc loco in-

(a) Auctor in *Op. Mai. lib. III. Sect. IV. cap. II. §. 1.* (b) *d. l. §. 2.* (c) *d. l. §. 7.*

(d) *d. l. §. 8.* (e) *d. §. 8.* (f) *d. l. §. 9.*

inprimis duo sunt: prius, an semper admittendi? secundum, an usque in infinitum inviolabiles? (g)

8. *Admissio Legatorum* sine gravi causa non potest recusari; sunt autem rationes hæc ferè: si, qui mittit legationem, amicitia causam obtendens, verè interim arma intenet. (h)

9. Si sceleribus infamis sit, aut ei, ad quem mittitur, certis de causis admodum ingratus sit. (i)

10. Denique, si causa mittendi suspecta, vel indigna sit (k)

11. Alterum singulare in *Legatis* est, quod sancti sunt, hoc est, ut vocis fert proprietas, inviolabiles; non modo ab injuriis, sed & ab iis molestiis, quæ alioqui illis jure creari possent; nec quidem in his, quæ sunt Juris Naturæ ac Gentium, delictis pænæ sint subiecti. (l)

12. Nam si liceret ex causis crediti, vel criminis vulgaris, aut machinationis fraudulentæ, vel hostilis, detinere & plectere *Legatos*, vix unquam deessent prætextus persequendi vexandique illos. (m)

13. Accedit, quod eum, à quo sunt missi, repræsentent, ideo-

que subditorum loco haberi nequeant. (n)

14. Quâ ratione novissimo congressu orbis Christiani, qui fuit *Noviomagi*, instante, Fœderati Belgii Proceres Edictum publicarunt, re antea controversâ, ne liceret crediti aliâve causâ Legatis ullam creare molestiam. (o)

15. Adeò ut casu *gravioris delicti*, nihil ultra in Legatum decerni posse videatur, quam ut finibus egredi jubeatur; ac ab eo, qui miserit, puniri postuletur. (p)

16. Nec modò *personæ Legatorum*, sed quicquid ad eos pertinet, eadem sanctione continetur, quatenus ex jure tralatitio, accessoria sequuntur jus & naturam sui principalis. (q)

17. At hæc omnia non aliter habent locum, quam si absque periculo nostro *Legatis* parci queat; denique per modum *defensionis* etiam jure offendi, & male mulctari possunt. (r)

18. Quin etiam, si ipso facto vim inferant, vi illis resistitur, & si cadant, jure cæsi intelliguntur. (s)

19. Obligatio autem de non violando duntaxat inter *Mittentes* & eos, ad quos mittuntur *Legati*,  
ti,

(g) d. l. §. 10. (h) d. §. 10. (i) *cod. loc.* (k) d. §. 10. (l) d. §. 11. 12. 13. (m) d. §. 13.

(n) d. §. 12. & 14. *fin.* (o) d. l. §. 14. (p) d. l. §. 15. (q) d. l. §. 17. (r) d. l. §. 19. (s) d. §. 19.

ti, intercedit, ad tertium non pertinet. (i)

20. De reliquis ad hoc caput

videfis Grotium *d. cap. 18. & tractatum* Wicquefortii *de Legatis, nuper editum.*

(i) *d. l. §. 20.*

## CAP. XI.

### *De Fœderibus.*

**L**egati primò omnium ad externos dimittuntur, ut *Fœdus* contrahant, quod nihil est aliud, quam *conventio inter diversas Civitates non transitoria*; ut ab aliis contractibus, in quibus nihil post conventionem remanet, distinguatur. (a)

2. *Fœdera sunt æqualia aut inæqualia*; utraque vel *pacis* sunt, vel *societatis*: pax bellum sequitur, & in nostra quoque methodo sequitur. (b)

3. *Societates* maximè de commerciis, aut de bellis ineuntur, aut si quæ res aliæ sint. (c)

4. De *Commerciis*, velut ne vectigalia aut omninò, aut ultrà modum certum exigantur, aliæque infinita. (d)

5. *Societas bellica*, vel est de

bello pariter communi nomine gerendo, vel de auxiliis alteri præstandis. (e)

6. Prius est vel *offensivum*, ut vulgo loquuntur, vel *defensivum*; & rursus utrumque, vel ad certa, vel ad omnia bella. (f)

7. *Offensivum ad omnia*, est id quod Græci *ἐμπύκτων* vocant, quo Athenienses & Spartani suos singuli socios habebant conjunctos, sub ipsorum ducatu. (g)

8. *Offensivum ad certa bella* quid sit, hoc per se patet; ut & *defensivum*, tam ad omnia, quam ad certa bella; vel denique cuncta, sub exceptione tamen quorundam. (h)

9. Ea, quibus se Populus aut Princeps ad *cuncta* promiscuè bella adjuvanda obstringunt, tam nocendi

(a) Author in *Op. Mai. lib. III. Sect. IV. cap. III. §. 1.* (b) *Ibid. §. 3.* (c) *d. §. 3.* (d) *eo d. §. 3.*

(e) *Ibid. §. 4.* (f) *d. §. 4.* (g) *Ibid. §. 5.* (h) *d. §. 5.*

cendi quam tuendi causâ, vix juri consentanea videntur. (i)

10. Tamen sancito tali fœdere, est dicendum, omnino ad *injusta bella* nullam esse obligationem, nec proinde contrâ fœdus factum videri, quod suppetiæ illo casu negentur. (k)

11. Idem de illo fœdere sit judicium, quo se quidam ad perpetuam *ἐνυμνασίαν*, nec unquam ab armis alterum sine altero destitutum, obligarunt. (l)

12. Nam si utrique pax honesta & tuta, plenaque satisfactio ab hoste offeratur, *pactum prius* ob stare non videtur, quominus, alter si nolit, alter solus bellum claudat. (m)

13. Quin &, si alterutri justæ conditiones proponantur, vix est, ut prioris vi pacti ad bellum continuandum teneatur. Quia promissio, quæ aliud *bonum morale majus* impedit, non est obligatoria. (n)

14. *Fœdera inæqualia* sunt, quibus alter plus, alter minus promittit. (o)

15. Eaque sunt ex parte vel superiore vel inferiore: *superiore*, ut si quis alterum in tutelam recipiat sine ulla repromissione, nisi

reverentiæ & gratitudinis. (p)

16. Quæ ex *indigniore*, ea vel Imperii inferunt diminutionem, vel salva libertate contrahuntur in alias pactiones. (q)

17. De *personis* fœderatorum quæritur, an licitum sit inire fœdus cum impiis & à verâ religione alienis? quod videtur. (r)

18. Modo ne commixtio nimis arcta cum impiis contagium *animis* adferat, ne *potentia* infidelium nimis promoveatur. (s)

19. *Finitur* obligatio fœderis, si pars altera pactis non stet; nisi convenerit, ne ob quaslibet offensiones fœdus rumpere liceat. (t)

20. *Tempore* etiam præfinito finitur, neque enim fœdus silentio utriusque partis renovatum videtur. (v)

21. Quæritur, an & morte contrahentium fœdera finiantur? quâ parte inter *personalia* & *realia* distinguendum, ut illa morte intereant, hæc ad posteros transmittantur, sed tutum est renovationem cum successoribus contrahere. (x)

22. Quid differant *sponsiones* à fœderibus dictum est *supra*; sunt enim pacta ducum belli, ini-

R

ta

(i) d. l. § 6. (k) d. l. §. 7. (l) d. l. §. 8. (m) d. §. 8. (n) eod. §. 8. (o) d. l. §. 9.

(p) d. §. 9. (q) eod. §. 9. (r) d. l. §. 10. (s) d. l. §. 11. (t) d. l. §. 14. (v) d. l. §. 15. (x) d. l. §. 16.

ta de ejusmodi rebus, quæ ad summam potestatem spectant, & de quibus mandatum illi nullum habebant. (y)

23. *Effectus* earum est, ut sponsores teneantur ad imple-

dum quod promiserunt. (z)

24. Sed Potestas Summa, cuius, scilicet, hac parte nullus, ne tacitus quidem intervenit consensus, nullo modo tenetur. (aa)

(y) d. l. §. 17.

(z) d. l. §. 18. (aa) d. §. 18.

## CAP. XII.

*De Bello.*

**R**IXÆ Summarum Potestatum facile in BELLUM, quia cessant inter illas judicia, erumpunt. (a)

2. Est autem BELLUM *Certatio per vim*, ut Cicero definit *lib. 1. Off. 16.* vel, ut Grotius, *Status per vim certantium, quæ tales sunt, lib. I. cap. 1. §. 1. de Jur. Bell. & Pac.* (b)

3. De hoc prima est *questio*, an bellare unquam sit: justum, quod *Jure* quidem *Gentium* nullam recipit dubitationem. (c)

4. Sed nec de *Jure Veteri Divino* magna est dubitatio, quin non omne bellum sit illicitum. (d)

5. *Abrahamus* sine speciali Dei

mandato Reges quatuor devicit, laudante Melchisedeco. (e)

6. Et bella *Davidis*, quorum, pleraque non liquet nominatim à Deo fuisse iussa, *Dei prælia*, id est, pia ac iusta dicuntur. (f)

7. Imò quod magis est, perpetuæ ac generales de modo belli gerendi à Deo regulæ præscribuntur, *Deuteron. cap. 20.* (g)

8. In *Novæ Testatione* habemus *Johannis præcursoris* dictum, quo milites officii sui non deferendi, sed pie exercendi, admonentur. (h)

9. *Paulus* verò Magistratus Dei ministros affirmat esse, qui haud frustra gerant gladium, *Rom. XIII.*

v. 1-4. (i)

10. Quæ

(a) Auctor in *Op. Mai. lib. III. Sæcl. IV. cap. IV. §. 1.* (b) d. l. §. 2. (c) d. l. §. 3. (d) d. l. §. 4.

(e) d. l. §. 6. (f) d. §. 6. (g) *eccl. §. 6.* (h) d. l. §. 7. (i) d. l. §. 8.



10. Quæ ex dictis *Christi* contra bellum moventur, de cohibendo vindictæ privatæ studio, & exercenda in rebus minoris momenti patientiâ injuriarum, agunt. (k)

11. Jam in veteri Ecclesiæ historiâ celebrantur *Legiones Thebæ, & Fulminatrix*, quique sub Julio defectore militabant, qui teste Ambrosio, *can. 94. C. 11. Q. 3.* dicenti Imperatori: *producite aciem pro defensione Reipublicæ* obediebant; cum autem diceret eis: *producite aciem in Christianos*, tunc agnoscebant Imperatorem cæli. (l)

12. Ne de *Martyribus* dicam, quos etiam milites complures antiqua martyrologia memorant & agnoscunt. (m)

13. Sequitur *divisio Belli*: est enim Privatum, vel Publicum. (n)

14. Hoc quod geritur auctoritate ejus, qui habet jurisdictionem. *Privata* vulgo *duella* dicuntur. (o)

15. *Mixtum* sit, quod ab una parte publicum, ab altera privatum est. (p)

16. *Publicum* rursus aut solenne est, quod & iustum suo sensu, aut minus solenne. (q)

17. *Solenne*, quod utrimque ab

illis, qui summam habent potestatem, ritu Jure Gentium necessario, geritur. (r)

18. *Minus solenne* erit, quod vel auctores habet personas, publicas quidem illas, aut superiorem habentes, ut Magistratus; vel quod aliis Juris Gentium requisitis destituitur. (s)

19. At verò *Magistratus* in externos belli jus gerendi nullo modo habet. (t)

20. Exceptio casu *inopinato necessitatis*; quo casu præsumptio de voluntate Summæ Potestatis dubitare non patitur, ne non armâ permissa sint. (v)

21. Jam *Mixtum* quodnam sit *Bellum*, ex simplicibus facile colligitur, ejusque variae sunt species: miscetur enim aut ex solenni & privato, vel ex minus solenni privatoque bello. (x)

22. Ex *solenni privato*, cum is, qui summam habet potestatem, contra externos latrones aut prædones, vel suos rebelles, expedit arma. (y)

23. Ex *minus solenni & privato* mixtura consilatur, quoties Magistratus, pro officii sui executione, vim parat in contumaces, aut in prædones. (z)

R 2

24. *Mix-*

(k) d. l. § 8. (l) d. l. § 10. (m) d. §. 10. (n) d. l. § 12. (o) d. §. 12. (p) eod. §. 12. (q) d. l. §. 13.

(r) d. §. 13. (s) eod. §. 13. (t) d. l. §. 14. (v) d. l. §. 16. fin. (x) d. l. §. 17. (y) d. §. 17. (z) eod. §. 17.

24. *Mixtura ex publico solenni & non solenni* dupliciter potest supponi; aut cum magistratus in suam Potestatem Supremam insurgit, vel cum adversus externos armis contendit. (aa)

25. *Bellum mere privatum* regulariter illicitum, nec quicquam adeo inimicum est constitutioni civitatis & judiciorum. (bb)

26. Unde liquet, non aliter hoc justum fieri, quam ubi ordo civitatis, & *judicia cessant*. (cc)

27. Exteri, à Summâ Potestate adversarii sui palam spreti, ad suos Imperantes se convertent, quibus si oppressionem negatamque juris copiam approbaverint, ab illis veniam reprædandi, sive literas *Repressaliarum* impetrare possunt. (dd)

28. Superest ad explicationem belli solennis, ut *ritum*, qui Jure Gentium in eo requiritur, paucis explicemus. (ee)

29. Est autem ille ritus, *INDICTIO*, sive denunciatio, quam propterea placuit recipi, ut consta-

ret, non privato ausu, sed voluntate utriusque populi, aut Imperantium, geri bellum. (ff)

30. *Indictio alia pura est, alia conditionalis*. *Pura* fit, cum vel alter jam intulit bellum, aut ea deliquit ipse, quæ pœnam Jure Gentium non dubiè merentur. (gg)

31. *Conditionalis* instituitur, cum subditi alterius deliquerunt; tunc enim ab Imperantibus postulanda satisfactio, ad quam suos cives compellant; aut si tergiversentur, ipsi causam suscipiant. (hh)

32. Et hæc est *Indictio*, quæ cum repetitione rerum conjuncta dici solebat *Clarigatio*, quæ non modo rei vindictio, aut debiti pecuniarii, sed & criminalis persecutio comprehenditur; unde verba *Fecialium antiqua: reddi, satisfieri, dedi*, videlicet fontes delictorum. (ii)

33. Et quidem *Pura* indictio cum ipsa vi parata fieri potest; *Conditionalis* deliberandi tempus largiri debet. (kk)

(aa) d. l. § 19. (bb) d. l. § 20. 21. (cc) d. § 20. (dd) d. l. § 14. (ee) d. l. § 17.

(ff) d. § 27. (gg) d. l. § 28. (hh) d. § 28. (ii) d. l. § 29. (kk) d. l. § 30.

## CAP. XIII.

*De Causis, & Jure Belli.*

**B**ELLI CAUSÆ non male vulgò in *suasorias* & in *justificas* dividuntur. (a)

2. *Suasoriæ* sunt, quæ partes impellunt ad bellum suscipiendum. *Justificæ*, quæ juris fundamentum armis tribuunt. (b)

3. Nos de *causis vere Justificis*, hoc est, justis agimus, quæ non male ad tria feruntur capita: ad *Defensionem*, *Recuperationem*, & *Punitionem*. (c)

4. Enimverò de tuitione corporis, ad vitæ vel pudicitiae custodiam, nihil dubitatur. Sed de minoribus injuriis, aut damnis avertendis *quæritur*, an licitum sit hominem occidere? (d)

5. Sane inter *privatos*, & maxime in *Civitate*, ubi judiciis locus, illud ipsum præcise observandum; ne ob res ereptas, vel eripandas, cædes committatur; nisi forte tales sint res, à quibus nostra vel nostrorum vita dependeat. (e)

6. At si *Potestatibus Supremis* non

liceret raptores suarum rerum quantavis pretii occidere, si resisterent armis, palam est actum fore de salute populorum. (f)

7. Ita quoque ab *injustis detentoribus* sua per vim avocare licet, cui si per vim illi resistant, jam causa puniendi illos justa nascitur. (g)

8. Summis quoque Potestatibus competit *jus ulciscendi puniendique delicta*, quorum species pridem complures habuimus. (h)

9. Videtur & ad punitionem referri posse causa belli, quod pro *auxilio innocentium* suscipitur, qui ab aliis, quibus subjecti non sunt, injuriâ afficiuntur. (i)

10. Imo & pro *subjectis alienis* licere bellum suscipere, si manifesta sit imperantis injuria, generis humani refert. (k)

11. De *metu* quoque *alienæ potentia*, diximus antea. (l)

12. *Libertatis amor* suasoria causa, *justifica* per se esse non potest. (m)

R 3

13. Nec

(a) Auctor in *Op. Mai. lib. III. sect. IV. cap. IV. §. 31.* (b) *d. §. 31.* (c) *d. l. §. 31.* (d) *d. l. §. 36.* (e) *d. l. §. 36.*

(f) *d. l. §. 37.* (g) *d. §. 37.* (h) *d. l. §. 38.* (i) *d. l. §. 39.* (k) *d. §. 39.* (l) *sed, §. 39.* (m) *d. l. §. 40.*

13. Nec studium *propagandæ religionis*, cujus longe aliam Deus in literis suis rationem præscripsit. (n)

14. Etiam *civibus*, & his, qui *bellis alienis* se ministros præbent, causæ, hoc est, conscientia suæ, rationem habere debent, quia magis hac parte Deo parendum. (o)

15. Porro ut sciamus, quid juris belligeranti competat, teneantur hæ *regulæ*. (p)

16. *Prima*: qui *justam belli causam* habet, huic omnia licent, quæ ad executionem causæ necessaria sunt. (q)

17. *Secunda*, ei non dissimilis: cui *finis* conceditur, huic omnia ad finem necessaria conceduntur. (r)

18. Hinc, qui invaditur, & in *vitæ periculum* adductus est, potest id propulsare quovis modo, neque tenetur primum expectare istum, aut paribus uti armis. (s)

19. *Tertia*: si finis obtineri nequeat, nisi *plus faciendo*, quam per se finis requireret, hoc perinde licere dicendum. (t)

20. Hinc plus capere ex hoste fas est, quam ille nobis debeat;

ut tamen quod abundat, *restituatur*, deductis impensis, si bellum statim componatur. (v)

21. *Ex eadem regula* sequitur: posse etiam prohiberi alios, ne ad hostem ea deferant, ex quibus ad bellum instructior esse possit, idque facientes licere deprædari, modo publicè præmoneantur. (x)

22. *Eadem regula* dicat, si per vim adsequi finem nostrum nequeamus, fas esse fraudibus uti, salva tamen fide & dignitate. (y)

23. *Doli*, qui in *actu negativo* consistunt, sine dubio licent: qui in *actu positivo*, hi aut in rebus, aut in sermone committuntur. (z)

24. Qui in *rebus*, cum non habeant certam & infallibilem significationem, sunt liciti: qui in *sermone*, ut mendacia, quibus fides non rumpitur; Jure Gentium improbari non videntur, Jure Divino vix tuta sit affirmatio. (aa)

25. Sunt autem *Jura Belli* vel ejusmodi, ut sine labe interna justitiæ, vel ut tantum impune, & cum effectu externo exerceantur. (bb)

26. *Posteriori modo* licet omnibus,

(n) d. l. §. 41. (o) d. l. §. 43. (p) lib. III. sect. IV. cap. V. §. 13. (q) d. l. §. 13. (r) d. l. §. 14. (s) d. l. §. 14. (t) d. l. §. 15.

(v) d. §. 15. (x) eod. §. 15. (y) d. l. §. 16. (z) d. §. 16. (aa) eod. §. 16. (bb) d. l. §. 1.

bus, qui bellum solenne gerunt, hosti nocere quovis modo, jure an injuria nihil refert. (cc)

27. *Primo* igitur licet hosti occidere hostem, omnesque inter hostium fines versantes, quia ab omnibus illis damnum potest metui. (dd)

28. Imò etiam fœminas, infantes, supplices, dedititios; nempe, ut dictum, impune; non tali jure, quod vitio careat. (ee)

29. *Stupra* in feminas, vel pueros, neutro jure licita censentur. (ff)

30. *Veneno* hostem interficere naturaliter licet, Jure Gentium non æquè. (gg)

31. *Percussorem* immittere, si fides expresse vel tacitè non violatur, utroque jure (vix tamen dignitate salvâ) licet, alioqui non licet. (hh)

32. Post corpora, res quoque hostium auferre, abigere, rapere, perdere, licet; etiam res sacras, & religiosas. (ii)

33. Quas res quisque capit, eas facit suas, nempe, si nomine proprio illas capiat. (kk)

34. Nec tantum res, sed etiam personæ dominio capientium cedunt; quos enim licet occidere,

hos multò magis servare licet ad serviendum. (ll)

35. Unde *jus vitæ & necis* in servos, & facultas quidlibet imperandi, Jure Gentium recte exercetur. (mm)

36. Quod jus in singulos, idem in universos competit, ut victor eam civitati formam det, quam voluerit, estque hoc imperium in victoris patrimonio. (nn)

37. Porro ad personas, & res privatas ab hostibus captas, Jure Gentium obtinet *POST LIMINIUM*, quod definitur: *Jus ex reditu in fines publicos*. (oo)

38. Estque duplex, personale, & reale. (pp)

39. *Personale Postliminium* est jus, quo is qui captus ab hostibus, & eodem bello reversus est, perinde omnia recuperat sua jura, ac si captus non fuisset. (qq)

40. *Reale postliminium* efficit, ut res ab hostibus captæ, iisque iterum ereptæ, prioribus, dominis restitui debeant, scilicet *immobiles*. (rr)

41. *Mobilia* enim sunt in præda, nec postliminio recuperantur, nisi quæ res usum in bello habeant; ut tamen ab his arma & vestimenta excipiantur, quia hæc

(cc) d. l. §. 2. (dd) d. l. §. 3. (ee) d. §. 3. (ff) eod. §. 3. (gg) d. l. (hh) *Ibid.* (ii) d. l. §. 4. (kk) d. §. 4.

(ll) d. l. §. 7. (mm) d. §. 7. (nn) d. l. §. 9. (oo) d. l. §. 10. (pp) d. §. 10. (qq) eod. §. 10. (rr) d. l. §. 12.

hæc sine dedecore non amittuntur. De hoc jure videantur lcti in l. 18. *seqq. n. de Captivis* & *postliminio. Adde Grotium lib. 3. de jur. bell. & pac. sub fin. passim. (ss)*

(ss) d. §. 12.

## C A P. XIV.

*De Fide Publica, dum Bellum geritur, & dum finitur.*

**N**aturalis obligatio, quæ ex fide data oritur, etiam viget inter hostes; quia promissio jus tribuit ei, à quo acceptatur; nec aliud ad hoc requiritur, quam ut rationis sit capax. (a)

2. Quod adeo verum est, ut nec latronibus, nec tyrannis quatalibus, fides data infringi possit; nisi remedio *Juris Civilis*, quod illos loco pænæ juris effectû privet. (b)

3. Si quis tamen *præsenti metu* sit coactus ad fidem dandam, hic non tenetur, nisi *juraverit*; quoniam Deo non obstat metus exceptio. (c)

4. Hæc de obligatione interna; nam *jus externum* latrones, quique societati hominum noxii sunt, nullum habere possunt. (d)

5. Ad fidem, durante bello, pertinent *INDUCIÆ*, per quas intelligitur conventio, ut partes *ad tempus* bellicis actibus abstineant. (e)

6. *Pacta captivorum* cum hostibus omnino valent. (f)

7. Et *dimissus sub conditione* redeundi captivus, ni faciat quod convenit, redire debet; etsi per ipsum non steterit, quominus faceret. (g)

8. Qui colloquium facit cum hoste, *tacito pacto* eatenus, de non offendendo, obligari intelligitur. (h)

9. Conventio, quâ bellum finitur, *PAX* est, quam inire potest is, qui Summam habet Potestatem. Ducum pacta sunt *sponsiones*, inquam. Vid. *cap. xi. de Fæder. supra.* (i)

10. Si

(a) Vid. Auctor in *Op. Mai. lib. III. sect. IV. cap. V. §. 18.* (b) d. §. 18. (c) d. l. §. 20. (d) d. §. 20.

(e) d. l. §. 22. (f) d. l. §. 23. (g) d. l. §. 23. (h) d. l. §. 24. *fin.* (i) d. l. §. 25.

# INSTITUTIONIS REIPUBLICÆ 137

10. Si dubitetur de *interpretatione Pacis*, pronunciandum est adversus eum, qui legem clarius dicere potuit. (k)

11. *Rumpitur Pax*, cum quid adversus pacta conventa committitur, quanquam nova belli causa pace integrâ etiamnum, hoc est, non violatâ, præberi potest. (l)

12. *Facto subditorum* rumpitur pax, si summa potestas id sciverit, at reparare noluerit. (m)

13. Solet confirmari pax OBSTRIBUS, quos violatâ pace, *jure externo* licet occidere, *jure interno* (sic liceat loqui) non nisi ob culpam ipsorum. (n)

(k) d. l. §. 23. (l) d. l. §. 29.

(m) d. l. §. 30. (n) Conf. Grotius lib. III. cap. IV. §. 14. cap. XI. §. 18. & cap. XX. §. 53.

## CAP. XV.

### *Quomodo Civitates, & Imperia finiuntur.*

UT omnia orta intereunt, ita quoque Civitates & Respubl. vel ipsa *multitudine* extincta, vel ejus *unionem* sublata. (a)

2. MULTITUDO perire potest inundatione, terræ motu, bellis. (b)

3. UNIO tollitur sublato omni imperio & communitate juris. (c)

4. Quod (1) fit *dissipatione hominum*, peste, seditione, bellis (2) *servitute publica*. (d)

5. Sed *mutatio loci* non extin-

guat Civitatem, si maneat ordo aliquis imperii, ut cum Athenienses, bello Medico, urbe deserta, naves conscenderent. (e)

6. *Formâ* quoque Imperii mutata neque Civitas neque Respublica perisse censetur; semper populus Romanus idem mansit, sub Regno, Consulatu, & Cæsaribus. (f)

7. Unio quoque plurium populorum non extinguit Civitates, sed conjungit diversas. (g)

S

8, Fu-

(a) Auctor in *Op. Adai. lib. III. Sect. IV. cap. V. §. 33. seqq.* (b) d. §. 34. (c) *ead. §. 34.* (d) *ibid.*

(e) d. l. (f) d. l. §. 35. (g) *sup. sect. I. cap. I. §. 12. seqq.*

8. *Iustitiâ deficiente*, Civitas non amittit formam, quamdiu juncta manet societas, juris etsi minus perfectè fruendi causâ; ut ne bar-

bari quidem *Algerienses*, & *Tunetani*, Civitates esse negandi sint.  
(h)

(h) d. l. lib. III. sect. IV. cap. V. §. ult.

F I N I S.



I N.



# INDEX CAPITUM. INSTITUTIONIS REIPUBLICÆ

## SECTIO. I.

Cap. I. Quid sit Respublica, quid Civitas? pag. 1	majoribus. 24
Cap. II. De Fundamento & efficacia Imperii; quæ ex origine Civitatis & è naturâ status Democratici indagatur. 2	Cap. XII. De Juribus Majestatis minoribus. 27
Cap. III. Quo probatur, idem quod pars major potest in Democratia, etiam posse Reges, & Optimates. 8	Cap. XIII. De Alienatione & exercitio jurium Majestatis 30
Cap. IV. Quo rationes contrariæ examinantur. 9	Cap. XIV. De Præscriptione jurium Majest. 33
Cap. V. Quo superior sententia confirmatur ex Jure Romano, & Literis Sacris. 12	Cap. XV. De Jure Summæ Potestatis circa Sacra. 36
Cap. VI. De Summæ Potestatis definitione, & differentiâ. 14	Cap. XVI. Quo refelluntur diversæ Optiones. 42
Cap. VII. Continens monita de aliis Imperii differentiis. 15	Cap. XVII. De variis Rebusp. & primo de Democratia. 45
Cap. VIII. Quatenus Summa Potestas per fœdera mutetur. 17	Cap. XVIII. De causis constituendi Monarchiam. 48
Cap. IX. De Fundamento innuendæ Majestatis, seu Summæ Potestatis. 18	Cap. XIX. De Electione Monarchica. 50
Cap. X. De Legibus Fundamentalibus. 21	Cap. XX. De Jure Successionis 51
Cap. XI. De Juribus Majestatis	Cap. XXI. De Jure Aristocratico. 57
	Cap. XXII. De Democratico. 60
	Cap. XXIII. De Tyrannide, & Jure Civium resistendi Imperantibus. 62
	Cap. XXIV. De Contractibus Summarum Potestatum. 66
	Cap. XXV. Quibus modis Summa Potestas finitur. 69

# INDEX CAPITUM. &c

## S E C T I O. I I.

Cap. I. De Familiâ, & Matri- monio. <u>71</u>	Cap. V. De diversis Civium Ordini- bus. <u>85</u>
Cap. II. De Parentibus ac Liberis, Dominis & Serois. <u>74</u>	Cap. VI. De Universitatibus, ma- ximè Personarum. <u>87</u>
Cap. III. De Civibus, & Munici- piis. <u>78</u>	Cap. VII. De Magistratibus & Ju- risdictione. <u>93</u>
Cap. IV. De Civium qualitate, & differentia. <u>81</u>	Cap. VIII. De Subjectione Rerum. <u>96</u>

## S E C T I O. I I I.

Cap. I. De Legibus. <u>102</u>	diversis Imperiis. <u>121</u>
Cap. II. De Magistratibus cre- andis. <u>104</u>	Cap. IX. De effectu Jurisdictionis in alieno territorio. <u>124</u>
Cap. III. De Judiciis. <u>106</u>	Cap. X. De Legatis. <u>126</u>
Cap. IV. De Judiciis Criminalibus. <u>110</u>	Cap. XI. De Fœderibus. <u>128</u>
Cap. V. De Tributis & Vexigali- bus &c. <u>114</u>	Cap. XII. De Bello. <u>130</u>
Cap. VI. De Jure reformandi Civi- tatem. <u>117</u>	Cap. XIII. De causis, & Jure Bel- li. <u>133</u>
Cap. VII. De iis, quæ Exteri sibi invicem debent. <u>119</u>	Cap. XIV. De Fide Publica, dum Bellum geritur, & dum fini- tur. <u>136</u>
Cap. VIII. De Conflictu Legum in	Cap. XV. Quomodo Civitates, & Imperia finiantur. <u>137</u>

F I N I S.

UL

ULRICI HUBERI,

De Jure Popularis, Optimatium,  
& Regalis

I M P E R I I,

sine vi, & à sui juris Populo,  
constituti,

*Ad regenda hominum circa res maximas  
judicia, contra periculosissimos errores,*

DISSERTATIO.

THE

AMERICAN

REVIEW

OF

THE

ARTS

AND

LITERATURE

OF

THE

# DE JURE IMPERII, sine vi, à Populo sui juris, constituti.

## C A P. I.

### *Constitutio Quæstionis, & de Origine Imperii Voluntarii.*

**D**isputationes de JURE IMPERII, quod non à vi bellicâ, sed à voluntate liberi, & sui juris Populi, originem habuit, nostro sæculo à clarissimis ingeniis agitatæ, his diebus, occasione motuum Britannicorum, denuo incaluerunt. (1)

2. Nec abs re forte quis ita existimaverit, inanem hujus rei esse disputationem; quando Regnantes ubique tantum juris habere creduntur, quantum manu complecti & viribus exequi possunt; ut hic fere unicus sit Arbitrator hujus Quæstionis.

3. Præsertim, quando tam immanis est diversitas opinionum, ut cum omnium singulorumque rationes examinaveris, incertior sis multò quam pridem.

4. Non displicuit adeo institutum cujusdam ex Anglia scripti, quod publico nomine, vero an prætexto, prodiit; narrans eò rem disputando esse redactam, ut fidei potius quam doctrinae res videatur. (2)

5. Proinde sibi esse propositum, ajebat, exemplis rem conficere, ut quod Britanni fecerunt, id jure factum videri approbet iis Populis, qui exempla duntaxat ab ipsismet edita refellere nequeant.

6. Non est tamen hæc omni ratione destituta res, & quamquam victoriæ ratio non redditur, causam tamen quisque suæ causæ prætendit; quin nec parum in animis populorum momenti habet juris conscientia.

7. Duæ sunt opiniones summæ  
A 2 de

(1) Anno 1688. *Wilhelmo & Maria* in profugi locum *Jacobi II.* publice surrogatis.

(2) Vid. *Historia nuperæ rerum mutationis in Anglia*, authore E. B. id eos, *Essex. Burridge*, iterum edita Londini, a. 1697. 8.

de efficaciâ Imperii non violenti, altera quæ *Principibus*, altera quæ *Populo* indiscretam potestatem tribuit.

8. Prior duplici viâ procedit, unâ, quæ potestatem Imperantium à *Deo* immediatè arcessit; alterâ, quæ populum in Reges omnia, quæ transferre potuit, transulisse contendit.

9. Sed hanc, uti nunc est, paulisper missam faciemus. Posterior sententia *Potestatem Supremam semper & in omni Republica Populi* esse commemorat; idque nunc quasi jure suo postulat ab iis, qui successu Anglicano gaudent, nec illa consilia laudare non audent.

10. Angli tamen diligenter id agunt, ne hoc jure suum Regem nuper expulisse videantur; quando se Regi Imperium non *abrogasse*, sed hunc illo *se abdicasse* videri voluerunt, idque decreto publico enixe prosecuti sunt.

11. Quo magis nescio quam gratiam ab illis inituri sint, qui se *Britannicam methodum* aliter, quam *Miltonianis* rationibus, tueri posse desperant.

12. Meo loco jam pridem factum est, ut cum hæc pars Juris, cujus est eam tractare Quæstionem, mihi commissâ fuisset, curæ habuerim, ut Auditores mei intelligerent, non opus esse ad

*effrenem dominandi licentiam intra Juris cāncellos coercendam*, ut omnis Imperii vis aboleatur.

13. Quod parum aut nihil abest, quin eâ sententiâ fiat: quæ statuit: *Imperantes nihil esse quam Populi procuratores, Mandatarios.*

14. Procul habeo causas ægrè ferendi, quod adversus rationes meas, quibus inter impotentiam Tyrannidis, & insolentiam Plebis, mediam viam curatè indagaveram, apud Academiam nostram disputari declamarique videmus & audimus.

15. Nam etsi id actum fuerit, ut rationes mihi propriæ refellerentur, quia tamen est problema tralatitium, ineptus simi, id si ullo modo succensendum putem.

16. Quin gaudeo potius, occasionem mea pressius examinandi exponendique veritatem liquidius esse datam.

17. Quod quidem plane faciendum mihi fuit, ne primum caput Artis, quam fere quotannis vivâ voce tradimus, indefensum in loco destituisse videamur.

18. Sententia, quam volunt esse hujus temporis, novissime renovata est his verbis: *Imperium à libero & sui juris Populo in Magistratum, Principem, aut Regem, simpliciter collatum, primitus & unice ex natura MANDATI arces-*  
sen-

*sendum; vim autem majorem aliquam esse à PACTIS inter Populum & Principem initis.* In quibus terminis prora & puppis, initium & finis, Orationis hac de re scriptæ continetur. (3)

19. Bene habet, quod Collator Imperii statuitur *Populus liber & sui juris*, ut vis belli, præcipua & antiquissima Regnorum origo, ab hac disceptatione removeatur.

20. Sed hoc novum est in illa propositione, quod cum Imperii constitutio simpliciter in civitate facta, MANDATO perpetrari dicitur, *vis aliqua major è PACTIS*, inter Populum Imperantesque initis, proficisci statuitur.

21. Nam quæ Pacta inter populos atque Reges iniri videmus hodie, vel quæ unquam inita fuisse accepimus, omnia pertinent *ad Regiam potestatem limitandam*, ac intra certos terminos coërendam.

22. Qualia certè videmus esse, quæ *Britannorum* populi olim novissimeque cum suis Regibus ini-verunt.

23. Adeo ut si potestas Regia simpliciter delata nihil sit quam *Mandatum*, pacta nihil esse possint quam circumscriptiones, & quasi *instructiones* mandati exer-

cendi ac administrandi, ne sit Procurator cum liberâ, quem vocant.

24. Nec mihi venit in mentem, ulla unquam pacta cum Regibus augendi juris eorum causa fuisse inita; nisi tu facultatem successionis ad heredes, quæ naturæ *Mandati* non ineest, huc referendam putes.

25. Verum hoc pactum temporis quidem extensionem adfert, juris intensionem augmentumve præstare non potest:

26. Nam constitutio successionis nihil est aliud, quam juris primo delati in heredem continuatio.

27. Unde colligi potest, quam juris & prudentiæ sit inops hæc sententia, *quæ Regiam potestatem simpliciter, & sine PACTIS delatam, à natura Mandati, pendere statuit.*

28. Nam si Regia potestas simpliciter delata, eodem quo constituta est arbitrio revocari & aboleri potest, ut natura *Mandati* fert, & novi Auctores diserte statuunt, palam est:

29. Mandatum cum pactis adjectis, ne successorio quidem excluso, plus continere non posse, quam ut *Mandatarius semper ab arbitrio Mandantis dependeat.*

30. Proinde, si Britanni suum  
A 3 Re-

(3) Oratio intelligitur *Jac. Perizonii*, ad calcem hujus Opusculi adiecta.

Regem ex lege Mandati destituerint, ut hujus sententiæ Auditores volunt, non est recusandum, quominus eadem lege Mandati Rex novus, ubi populis visum fuerit, ab re ipsorum administrandâ curandâque removeri atque dimitti possit.

31. Idque tametsi leges Mandati exactè servaverit; sub præstatione *indemnitàtis* ratione impensarum, & *gratiarum actione* pro operâ præstita.

32. Nam hanc facultatem inesse *Mandati* obligationi, notissima Juris omnium Gentium ratio & observatio dicitur.

33. Sed absit omen! credo, ipsos *Mandati Regalis* Patronos esse dicturos.

34. Quamdiu tamen *Pacta* Britannorum cum Regibus suis *ad augendam potestatem Regiam simpliciter positam inita*, non demonstrantur, Thesis nobis contrariam ita ferre satis est manifestum.

35. Atque hæc ad statum Controversiæ. In ipso tractatu Quæstionis occurrit primo adversus *Hobbesium* disputatio de jure *Naturæ*, nobiscum *Oratori* communis.

36. Nisi quod minimè negandum est, ut visum illi, *Statum naturæ esse statum belli*; hoc est, naturam hominum adeo esse cor-

ruptam, ut suum quoque proximum oderit, eumque si prævaleat, spoliare cupiat; adeo ut, si homines sine imperio agant, pax inter eos custodiri nequeat.

37. Et si hæc humanæ naturæ perversitas non juris, ut *Hobbes* sed injuriæ causa sit, quando ratio naturalis, utcunque, corrupta in alia omnia concedit.

38. Hunc casum belli promiscui, in quem incidit omnis *Anarchia*, tam necessario, quam id semper & ubique factum vidimus, ubi nulla civitatis erat unitas cum Imperio maximum esse malum, cujus sit capax humanum genus, non potest negari, & fatentur dissentientes.

39. Idcirco hanc acerrimam hominibus causam extitisse *constituendi civitates*, tam clara res est, quàm certum, *Anarchiæ* vitium nonnisi contrario stabiliendi Imperii instituto posse devitari.

40. Non excluso licet amore societatis, & mutuarum necessitudinum communicatione, rerumque judicandarum necessitate, de quibus *Orator* prolixè.

41. Quæ bona sine pace & unione Reipubl. haberi non possunt, & cum bello promiscuo pariter amittuntur.

42. Quamobrem *nihil actum erat* ab hominibus, quamdiu talem non



non statuissent *Unionem*, quâ statum illum funestum arcere, bonaque pacis conservare possent.

43. Proinde nec dissolubilem, nisi ob mala non minora quàm erat ille status belli promiscuus, absque Imperio inevitabilis.

44. Hoc populos voluisse tam est dictu necessarium, quam illos bellum omnium contra omnes quam

maximè averfari manifestum est.

45. Verum enimvero modus formandi talem unionem, in *libero sui que juris Populo*, inde ab initio plane est arbitrarius.

46. Sive Imperium uni dare homini, vel pluribus simul, aut ipsi per se retinere velint, ut contendit *Orator*, & fateri necessum est.

## CAP. II.

*De Jure Imperii Popularis, quale Romæ ac Athenis fuit.*

IN quâvis autem formâ Reipubl. Summam Potestatem, si modo summa sit, eandem, quod ad vim ac intentionem ejus attinet, esse oportet.

2. Qualis autem illa vis ac intentio sit, nos viâ quâdam demonstrationis propriâ indagavimus in *Libro 1. de Jure Civitatis*; cujus, etsi ab *Oratore* comiter inrisa, cur nos pœnitere debeat, causam necdum videmus. (4)

3. Initium facimus à facultate Imperii in Civitate *Populari*, quam proximè à statu naturali, longissimeque ab invidia, quæ hominum judicia præstringere solet, abesse manifestum est.

4. Nihil est propius & promptius, quàm ut *Populus sui compos*, & generosus, ipse retineat Imperii *moderamen*; nec aliis se committat, summæ memor hominum improbitatis, avaritiæ, sævitæque, dum adest licentia.

5. Nec aliter cordatissimi quique populi, vel inde ab initio, vel post experientiam, præcipuis auctoribus Romanis & Atheniensibus.

6. Modus exercendi regimen *populare* ab iisdem est editum, idemque est unicus in multitudine, qui dari potest; prærogativa numeri *SUFFRAGIORUM* in rebus summis, & *MANDATUM* in minoribus, per Magistratus procurandis, quorum

(4) Vid. Auctor lib. I. sect. II. cap. I. seqq.

rum jus scilicet à majoris partis voluntate pendet.

7. Effectus conclusionis à majori parte factæ fuit idem, qui est in omni universitate, quæ certo regimine continetur; ut decretum majoris partis, omnium & singulorum voluntas censeatur.

8. Quod tam liquidæ in Campo Martio fuit observantiæ, ut cum pars major centuriarum consentiebat, reliquæ centuriæ, cum earum voluntas majori parti inesset, ne quidem rogarentur, ut memoriæ prodidit *Dionysius Halicarnassensis lib. IV. cap. 24.*

9. Hoc autem ex præviâ submissione, & renuntiatione singulorum manasse, tam certum est, quam clarum, quod in libero populo non detur exitus dissensionum, nisi hac viâ, vel pugna belli.

10. Insignem igitur Juris imprudentiam animadvertere licet in his verbis, de unione liberî populi factâ in civitatem, prolatis: *Coire in fœdus & societatem sui æqualiter conservandi causâ, nec ulli suo juri, in quod erant geniti, vel verbis, vel animo RENUNTIARE.* (pag. 26.)

11. Namque libertas faciendi quod libet, in quam maxime sumus genti, per fœdus civitatis & Imperii Popularis, majoris partis ar-

bitrio subicitur, in casum, si quem in minore numero esse contingat, eaque tam late patet renuntiatio, quam pene sunt actiones humanæ.

12. Proinde sine renuntiatione facultatis illius faciendi quod libet, si Populo secus videatur, nullam posse constitui Civitatem, manifesta res est.

13. Nec quicquam refert, quod ad vim obligandi attinet, utrum rectius an pejus major pars sentiat; alioqui lis super hoc judicio rem identidem ad primam redigeret confusionem, quam ut omnium malorum maximum cives supra omnia vitare voluerunt.

14. Nec aliud dicendum, et si malitia in parte majori adversus aliquos appareret. Ejus enim injuriæ patientia, longe optabilior est præ bello anæxiâ, idque singuli, antequam eveniret, rogati præferre non cunctarentur.

15. Proinde, quod in thesi quisque censuit esse faciendum, id in hypothese nemo improbâre potest.

16. Hoc Cicero dixit his verbis: *Est enim Conditiio liberorum populorum præcipueque hujus Principis populi, & omnium gentium domini atque victoris; POSSE SUFFRAGIIS VEL DARE VEL DETRAHERE QUOD VULT CUIQUE.* *Nostrum autem, qui in hac tem-*

*tempestate populi jactamur, ac fluctibus, ferre modicè populi voluntates, allicere alienas, retinere partas. Orat. pro Plancio, cap. 4. fin.*

17. Hæc est Obedientia quam vocant *Passiva*, Oratori nimis exosa: FERRE populi VOLUNTATES & injurias. Nam jus verum Populus inique agendo non magis quam Privatus quilibet adsequitur. Et hinc pendet judicium de *Petalismis* & *Ostracismis* antiquorum.

18. Nec tamen in infinitum durat hæc submissio & renuntiatio; non sane, si pars major *coitione facta* id agat, ut reliquos omnes, aut magnam partem vitâ bonisque pro lubitu exuere possint. Id enim non esset minus malum, quam promiscuum bellum.

19. Verum ut vis, aut damnum singulis illatum, Imperii solvendi causam præbeat, id Reipubl. conditores nullo modo voluisse palam est; salvo tamen moderamine inculpatæ tutelæ contra vim more latronis illatam.

20. Ita enim in animum omnes inducunt; non posse Rempub. sine magnis injuriarum exemplis haberi; quæ ferenda; eo quod utilitate publicâ contra singulos rependuntur, ut de hoc genere Tacitus, lib. IV. *Hist. cap. 44. fin.*

21. Atque ad hujusmodi con-

sensionem submissi nemque Populi facile descendunt, quoniam in *fœdere Democratico* conditio, spes, & ratio, par est omnium; nec quisquam magis se superatum iri, quam alios superaturum præsumere potest.

22. Equidem a dissentiente conceditur, *minorem partem*, utcumque dissentientem, ad sequendum majoris partis sententiam teneri; ferenda etiam minora quævis incommoda.

23. Sed *majora mala*, liberorum abductionem, mancipationem, decimationem gregum, armentorum, omniumque proventuum, non esse ferendam.

24. Ad ea sic est ratio: Si pars major in id conspiret, ut minorem partem simul aut carptim eo modo vexet, affligat, & exhauriat, hic casus à nobis jam olim est exceptus; etsi vix facultatem habeat, neque extet, opinor, exemplum.

25. Injuriae singulorum paucorumve ferendæ sunt, ut Cicero monet: *Est enim hæc conditio & facultas Populi, ex primævo instituto acquisita, faciendi injurias impune.*

26. Nec ideo tantum laudabiliter fecit *Aristides*, & *Camillus*, quod exilia injusta patienter tulerunt; sed *Themistocles*, & *Coriolanus*, injustè quoque fecisse judican-

dicantur, quod ob similes injurias, quas pati debuissent, bellum Patriæ intulerunt, aut pararunt.¶

27. Imo, ajunt Dissidentes, nec injuriæ, neque juris iniquicquam, major pars Civitatis in minorem habet, aut exercere ullâ specie, vel colore potest.

28. Imo pars major, addam, agit perfide & sceleratè, quis neget? jus tamen ex consensione stabilitum est, propter injurias privatis illatas Imperium civitatis non resolvi, nec vi agendum.

29. Dictum vetus & sanctum est, vim patriæ & parentibus non inferendum. Hoccene tantum de Patriâ, parentibusque beneficiis accipiemus? Digna res monitu, scilicet! ad duos & iniquos in primis spectat.

30. Quid opus heic notissimam Juris, quod est bonum & æquum, & Juris, quod est, facultas ad aliquid habendum vel agendum, inculcare distinctionem? qui nescit vim ejus, temere se talibus immiscet.

31. Sed ajunt: saltem secedere fas erit. Fugere quominus liceat male habitis, nulla vetat ratio. Sed novam per secessionem in iisdem sedibus instituere Remp. contra fœdus unitatis esset, & belli principium inevitabilis.

32. Ajunt: Romana plebs, quum

à Senatu, quocum comparata erat veluti minor, certe inferior civitatis pars, durius tractaretur, secessit plus semel ex sede Patriâ, quod nemo veterum non laudavit, pag. 66.

33. Versamur in hypothesi Popularis Imperii, quale fuit Roma vetus, & hæc verba majorem partem è dignitate metiuntur. Tu dic: Senatus fuit inferior pars, quia numero minor. Auctoritatis aliquid, potestatis nihil habuit, quæ tota fuit Populi, ut partis majoris. Denique nihil aptius in rem nostram, quam specimen illud exempli proferri potest.

34. Superest aliud argumentum: Major, ajunt, pars, si à toto Populo separari ac distingui potest, omni populo est inferior; quippe qui semper rescindendi potestatem habet, quicquid major illa pars statuerit.

35. Arguantur, & fingunt majorem partem, quasi semper eandem iisdemque semper hominibus parti minori prævalentem. Major pars in singulis decretis cum minore comparanda est, ut ratio Imperii intelligatur, neque ulterius extendi potest; cum ipsa facultas perpetua penes populum sit, qui Imperium in se habere non potest; sed ratio Imperii, inquam, in singulis actibus, decretis, & maximè in ultimo quovis decreto elucet.

36. Denique, non opus est moneamus, partem majorem eventu suffragiorum identidem repertam obligare ceteros; non vi *Mandati* ab his accepti, nec eandem partem majorem reliquis esse inferiorem. Expedit tamen

heic eas positiones præsumi.

37. Si qua *Pacta* in antecessum, quæ major pars servare debeat, adjecta sint, hæc servari debere non est dubium; sed de his commodius infra agetur, *cap. V.*

## CAP. III.

*De Imperio Optimatum,*

**V**erum ejusmodi species, *Popularis Imperii* jure modoque administrandi, vix est, ut ulla detur amplius in mundo. Confusionum tumultuumque experientia Monarchias, vel *Aristocracias*, sive Regna, & *Optimatum* Imperia, passim introduxit.

2. Utraque, si de vi bellica non constet, *Populi voluntate ac consensu*, expresso vel tacito, post Deum, constituta esse oportet. Tertium enim non datur, nisi Tyrannides ponas.

3. Nos de *Optimatum potestate*, quæ proxime à populari civitatis genere abest, primo videbimus; sitne per *Mandatum*, an per *translationem juris irrevocabilem*, constituta.

4. Quantum interfit, utrum

statuas, ex suprà dictis intelligi potest. Nam si *Mandatum* sit principium *Aristocratiae*, *Populus* aut major ejus pars, semper est superior *Optimatus* Reipubl. præpositis. Hi semper tenentur ad rationes reddendas; semper in ordinem redigi & puniri possunt. Denique, semper iis potestas, etsi ad tempus certum, aut ad vitam constituti sint, adimi potest.

5. Hæc enim est notissima *Mandati* natura, quod cum totum sit in gratiam mandantis, quicquid de tempore aliisque conditionibus sit adjectum, à Mandantis nutu, qui manet rerum suarum arbiter & moderator, dependet.

6. Non valde acutum esse opus est, ad intelligendum, quantum è Republicâ petatur hoc imprudent-

dentissimo postulato, *quod omnis Imperii vis, & jus, petendum sit à natura Mandati.*

7. Nec minuitur insolentia dicti, hac limitatione; *quod pactis inter Populum & Imperantes major aliqua potestas deferri soleat.*

8. Quid enim hæc limitatio in Regibus valeat, NIHIL scilicet, jam primo capite probatum est.

9. In Aristocratiis adhuc minorem habet usum; *quia in stabilendis Aristocratiis, præsertim laxioribus, rarior usus pactorum venit.* Nulla sunt in Venetis; pauca, si qua sunt, in Batavis, in Frisiis. (5)

10. Singulorum Municipiorum sua sunt privilegia; sed totus Populus non habere solet pacta cum Proceribus Reipubl. ad universum regimen spectantia; quemadmodum Frisæ populus nulla habet pacta cum Immobilium possessoribus, quos penes est summa potestas. (6)

11. Nihil apparet, quam simplex Imperii constitutio; quæ proinde ex Oratoris disciplina pendet unice ex lege Mandati.

12. Ac ita subjecta est Populo, semper ab eo dependet, huic reddenda ratio, ab hoc aboleri, mu-

tari, ad Mandantes revocari, aliisve deferri potest.

13. Hæ non sunt consequentiæ, quibus adversam opinionem oneramus, sed explicitæ notissimæque Mandati proprietates, quæ hunc titulum audienti ultrò sese offerunt.

14. Si quis autem in his rebus Optimatum Imperio adscribendis nihil incivile reperiatur, eum nec hoc movebit, *quod secundum hanc sententiam una tantum sit Reipubl. species, DEMOCRATIA, modis administrandi variata.*

15. Nam *Democratia est, quando summa potestas est penes totum populum, qui mandat exercitium sui juris Magistratibus, ut ministris suis. Mandatum semper relinquit jus ipsum penes Mandantes.*

16. Proinde si mandatum à populo proficiscatur in Regnis & Aristocratiis; hæ non sunt species oppositæ quomodo adhuc creditum est, *Democratia*; sed huic subordinatæ; sive modi illius.

17. Summa Potestas est anima Civitatis eique dat formam. Si hæc semper est penes populum, non potest aliunde forma Reipubl. quam a populo arcessi.

18 Quan-

(5) Batavorum tamen, & Frisorum regimen, magis esse *Democraticum* videtur, Grotio & Ubone Emmio auctoribus.

(6) Immo vero apud Nobiles quæ tales, & memoratos Possessores coniunctim. Illi Principes, hi Ingenui apud Tacit. de M. G. cap. 12. 20. 25.

18. Quanto rectius *Populi* jus in *Optimates* translatum, iisque Summa Potestas, in *Aristocratiis* nulli extero *subjectis*, competere dicitur!

19. Nemo quidem antehac dubitavit, quin Summa Potestas, ut in Democratia penes Populum est, ita in Aristocratia Penes *Proceres*, in Regno nullis pactis limitato penes Regem esset; ita finire sunt soliti *Juris Publici* intelligentes.

20. Sed qui ad omnia solita apud nos pridem nauscare sunt visi, non est mirum, si & hæc paradoxa præferant.

21. Ceterum exempla populorum, qui Democratiam, habitâ deliberatione, & expresso consensu, mutaverint in Aristocratiam, vel hanc primitus constituerint, pauca memoriæ prodita sunt, ut *pleraque à tacitâ voluntate repetenda videantur*.

22. Cujus rei hanc ego rationem existimo esse; quod plebs libentius paret uni celso Principi, quam pluribus se paulo majoribus.

23. De *Florentinis* notabile est, quod cum hi populariter agerent, aliquando suum jus totum in paucos conferre sunt soliti ad tempus, & ad certas causas, instar *Dictaturæ*.

24. Modus, quem deinceps in perpetua translatione, sed involuntaria, similiter observarunt, his verbis describitur à Guicciardino, *Histor. Ital. lib. xi. cap. 5. ad a. 1512.* quæ cum venia *Legatoris* heic collocabo.

25. Convocato *insu la piazza del Palagio*, col suono della *campagna grossa*, il popolo al *Parliamento*, consentirono, che à circa cinquanta cittadini *fusse data sopra le cose pubbliche la medesima autorità, che aveva tutto il popolo.* Chiamano *Florentini questa potestà così ampla, BALIA.* Id est; „ Convocatus „ in forum palatii per sonitum „ campanæ magnæ *populus ad „ Comitia, consensit, ut in quinquaginta circiter cives conferretur eadem potestas in res civitatis quam totus populus habebat.* Hanc potestatem adeo „ amplam vocant *Florentini Balia.*

26. Credo nec Oratorem negaturum, si hoc modo liber & sui juris populus *Optimates* in perpetuum civitati præficiat, quin hi verè summam potestatem, non ex *Mandato*, quod summæ potestati repugnat, sed per translationem habeant.

27. Verum ubi de tali translatione non constat, videndum quid tacitus consensus ferat: ut si Po-

pulus Romanus acquievisset in usurpatione Senatus post Reges expulsos, eique Rempublicam permisisset.

28. Quemadmodum in *nostra Patria* contigit, post ejuratum Dominum. Summa Potestas non nisi ad populum *per se* redire poterat, nec adeo ad Rectores Civitatum in *Hollandiâ*, nec ad Possessores immobilium in *Frisiâ*.

29. Quoniam pauci, vel saltem longe minor pars populi, non potest in omnes habere potestatem, nisi vel ex *Consensu*, vel ex *Bello*.

30. Posterius cum nullum fuerit, quo Proceres plebem subegerint, nihil superest, quam *consensus*, quo summa potestas vacua stabilita fuerit.

31. Quando igitur nihil expressum est, fieri debet, quod unice in rebus humanis fieri potest, ut dubia voluntas è conjecturis & effectis colligatur.

32. Ex his autem manifesto liquet, nostrates populos non *mandasse* tacitè, sed abdicasse ab se jus summæ potestatis, ac ita transtulisse in *Optimates*.

33. Passi enim sunt inde ab initio, Rectores Civitatum, & Possessores immobilium, non *expressè*

ab ipsis constitutos, suo arbitratu Rempubl. administrare.

34. Ipsi populi nunquam de publicis rebus in unum conveniunt, ut vel præscriberent Optimatibus, vel rationes ab illis exigerent.

35. Existimarunt, quod res erat, ejusmodi conventibus universi populi, bonum publicum retardari, & omnium rerum foveri confusionem.

36. Neque deinceps dubitatum est, quod *Optimates* egissent, perinde habendum ac si à populo toto id actum fuisset.

37. Ardua quæque pacis & belli negotia, ultimis & peremptoriis *Procerum* decretis, constitui & finiri, ne tacitis quidem rumoribus unquam sunt questi, idque jam toto sæculo continuatum est. (7)

38. Nullus ordo, nulla facultas, nulla potentia totius populi in unum convocandi. Nec ulli unquam fuere tales conventus, nisi per deformes & insanas seditiones.

39. Quas qui jure summæ potestatis, in populo sitæ, factas adseveret, tam egregius auctor politicus fuerit, quam qui omne civitatis Imperium è populi *mandato* arceffat.

40. Quod

(7) Ab instaurato avitæ libertatis jure, anno 1581.



40. Quod igitur nunquam habet actum exercitum, ei nec actum primum, nec adeo juris facultatem, adscribere fas est.

41. Atqui jus totius populi; majorisve partis, apud *Frisios*, & in cæteris nostratibus liberis populis, (sive *Provinciis*, ut more sæculi loquar) nullum habet actum exercitum, nec habuit unquam.

42. Ergo nec actus ei primus, qui semper & necessario est in *Mandante*, potest adscribi.

43. Consequenter tam sua voluntate nostrates populi jus suum, quod ipsi per *majora* exercere potuissent, transulerunt in *Optimates*, quam Populus Romanus id se nolle facere palam testatus est.

44. Non potest igitur populus *Venetorum*, *Batavorum*, *Frisiorum*, à suis *Optimatibus* repetere jus quod alienaverunt, quod transulerunt, & quod repetere iisque adimere possent, si *Proceres mandata* à populo haberent potestatem.

45. Ne quidem, etsi perverse consulant *Proceres*, etsi publicam rem negligant, majorem sui commodi, ut sit, quam communis rationem habeant, multisque hominibus præter rationem graves & iniqui sint, non est tamen Po-

pulo jus arma capiendi, atque resistendi.

46. Cum enim nihil sit contestatius & liquidius hodiè, quàm quod olim Plato ad Dionem de sui temporis civitatibus scripsit, *ὅτι κακῶς ἐντοπάζονται πολιτεύονταί*, quod omnes malè administrantur, sententia quæ *mandantis* jus populo, *mandatarii* regnantibus adscribit, nullum unquam stabile jus parendi imperandique relinqueret.

47. Duntaxat, nisi palam sit, hoc agere *Optimates*, quod vix fieri potest, ut *hostes se populi sui gerant*, vel civitatem pessumdent; hoc casu cessare sædus civitatis, antea demonstratum est.

48. Quod si Populus certa *pacta* cum *Optimatibus* inierit, inde ab initio, vel deinceps; aut si *ad tempus* illos præesse voluerit; non est dubium, quin *acta factaque* *Optimatum* post illud tempus, aut contra *leges conventionis*, sint ipso jure nulla.

49. Tantum abest, ut *pacta vim aliquam majorem Mandato*, scilicet *Imperii*, circumdent, quod Orator volebat.

50. Neque tamen illa *pacta* conditionesque faciunt, ut delatio Imperii fiat *Mandatum*; verum faciunt, ut sit translatio conditionalis.

51. Hac ratione *Decemviri* apud Romanos, acceptâ sane potestate summâ, verum ad tempus & ad certum finem, elapso tempore vel expleto fine præscripto, nihil erant quàm privati, ut jure Cives etiam privati illis restiterint.

52. Nec idem adfirmare verë, si qua Respublica *Reitores* habeat *Annuos* cum summa potestate, qui post annum ut Impe-

antes se gerere perseverent.

53. Ut adeo frustra *Decemviri* tali exemplo in rem suam & *mandati* probationem utantur Oratores.

54. Verum, ut antea dictum, *Pacta* vitandæ tyrannidis causâ in *Optimatum* Imperiis adeo pauca sunt, quam rara tyrannidis in *Aristocratibus*, præsertim laxioribus, exempla memoriæ sunt prodita.

## CAP. I V.

*De Jure Regni simpliciter delati.*

**S**ed Imperium Regale, quod jure belli non est fundatum, voluntate populorum expressâ plerumque constituitur, idque vel *simpliciter*, vel cum certis *Pactis*.

2. Quantum intersit, utrum constitutio Regis simplex sit *Mandatum*, an *translatio* juris quod populus habet, *superius* intellectum est, *cap. I.*

3. Nos ita existimamus; *Constitutionem Regis simpliciter factam esse translationem* juris imperandi totius, *quod habet populus*, aut alioquin *Optimates*; cui *Pacta* tantum *derogant*, quantum in iis *continetur*.

4. Orator constitutionem Regis simpliciter factam esse *Mandatum*, *Pactis* fieri ut major aliqua potestas quandoque regnantibus tribuatur, contendit (*pag. 10.*)

5. Videamus primo de Rege simpliciter constituto, sine ullis *pactionibus*; quales plerique *Orientis* Reges olim, hodieque habentur; qualis & *Daniae* Rex nuper creatus. *Inf. §. 29.*

6. Ejusmodi simplicem Regis constitutionem non esse *Mandatum*, probabimus tam ex naturâ *Mandati*, quam & ex *Jure*, quod in talibus regnis omnes inveniri fatentur.

7. Ad

7. Ad naturam Mandati pertinet, primò quod *Mandans est Superior, & Dominus*; Mandatarius *inferior, & minister*: ac ita appellantur.

8. II. Mandans de singulis rebus Mandatario *præscribere* potest, & hic non tantum de dolo, sed etiam de culpâ negligentiaque tenetur.

9. Mandans *semper revocare potest Mandatum*, modo indemnem præstet Mandatarium; non tantum si male res gerat, sed etiam quoties *Mandator* per se vel per alium res suas administrare mavult.

10. Hæ proprietates non modo in privatis, sed etiam in *publicis Procuratoribus*, id est, *Magistratibus*, qui *Mandatu summæ potestatis constituuntur*, ita se habent ac ita observantur, tam in Democratia quam in aliis civitatibus.

11. Sed in *Regibus simpliciter constitutis* nullo modo habent usum.

12. Nam Reges à populis suis vocantur *Domini Clementissimi*, non tantum à singulis, sed etiam ab universis, populique se appellant *subjectos Regum fidelissimos*, ut non modo *Dant*, sed etiam *Angli πανδημει* congregati.

13. Ita nemo unquam Domi-

nus mandans, adversus Mandatarium suum, locutus est aut loqui potest.

14. Nunquam populi Regibus simpliciter constitutis de singulis rebus præscribere instituerunt; etsi aliquando *supplices*, quod mandantis qualitati repugnat, videas; extremis solummodo violentiis resistere quandoque solent.

15. Nullus unquam populus contendit, ut jam postulatur: *jus sibi esse Regi simpliciter constituto abrogare potestatem pro lubitu, & pari libertate quâ constituit illum*: nihil naturæ negotii, manifestæque partium voluntati, magis est contrarium.

16. Proinde Regiæ potestatis constitutio nihilo secus se habet, quam fert natura cujuslibet potestatis, cui volentes se aliquando subjiciunt.

17. Minor qui Curatorem, Uxor quæ virum, servus qui Dominum eligit (ut juris est Hebræi, atque Romani,) quam potestatem voluntate suâ fecerunt, ei subiecti sunt, ut eadem se eximere nequeant.

18. Quod si Jus Regium non sit ex *Mandato*, sicut non esse probavimus, debet esse è translatione juris, quod eligentes habent, & quod Regi cesserunt, in eumque alienaverunt.

C

19. Hoc

19. Hoc est evidentius, quando populus Rege constituto dilapsus est, ut nunquam redeat, nec ullus ordo, nulla facultas conveniendi, & de publicis rebus deliberandi jubendique reservata est.

20. Nullum enim potest evidentius signum esse, quod totum jus suum abdicaverit, idque universum in Regem transtulerit, quam hujusmodi infinita dissolutio.

21. Præsertim si antea, cum juris non parum ipse populus & Optimates retinuisent, convenire sint soliti, sicut in *Dania* vidimus factum.

22. Quod tenendum ad hanc positionem: *Rex nunquam in mandata sibi à populo Republ. tantumdem juris obtinet, quantum ipse populus; nisi is disertissime id ei concesserit, & clarissimis verbis, indubitisque locutionibus, suum à se jus prorsus & plane in Regem illum transtulerit.* (pag. 67.)

23. Valde vereor, ut qui sic loquuntur, quid *Mandatum* sit, intelligant; dum à mandato translationem juris, quæ sunt res oppositæ, excipiunt.

24. Verum qui antea Mandatum ita explicuerunt, quod sit,

*ubi potestas quo arbitrio data est, eodem adimi potest, oportet heic memoriâ connexionis sint lapsi.*

25. Tu potius ita collige: si Imperium non sit ex *Mandato*, ut demonstratum est, sed ex translatione juris ac alienatione, simplex ejus constitutio est alienatio universalis.

26. Propter hanc regulam: *oratio indefinita æquipollet universali*, non minus in populari sermone, quam in definitionibus Artium.

27. Hoc agnoscunt omnes populi, quibus solenne est, simplicem Regni delationem limitare pactis & exprimere, quas res Imperio delato velint exceptas.

28. Quod nullius usus & inep- tum foret, si vera esset Oratoris sententia: *simplicem Imperii delationem unice æstimandam à Natura Mandati.* Tunc enim nihil proprium haberet Rex, nihil quod excipi posset, existeret.

29. *DANI* cum absolutum in Regem suum Imperium totumque jus populi & Optimatum nuper a. 1660. in illum transferrent, nihil aliud fecere, quam quod *Pacta Legesque Regiæ potestati præscriptas aboleverunt, librumque earum Regi tradiderunt*, ut testatur oculatus testis *Terlonius* in suis *Memoriis.* (8)

30. Ar-

(8) Conf. *Molesworthii* liber anonymus, *Etat du Danemark*, cap. 7. ejusque refutatio, *Defense du Danemark*, eod. cap.

30. Argumento, se Pactis sublati rem intelligere esse redactam ad summam sine fine potestatem, nisi quem finem populus & Optimates ipsi habuissent.

31. Verba Terlonii cum venia Lectoris, etsi peregrina, apponam: *Les Estats s'assemblerent dans la grande salle du Chateau, ou le Senateur Trolle presenta au Roy de Dannemare, de la part de la Noblesse, le Handfestnung; qui est un livre que l'on nomme ainsi, ou sont toutes les Loix contraires à la Souveraineté qui s'alloit establir.* Id est: Ordinibus in Aula majore congregatis, Senator Trollius Regi Danie tradidit librum cui nomen erat Handfestnung, quia in eo continebantur omnes leges contrariæ absolutæ potestati, quam erigebant, idque nomine Nobilitatis: urgente imprimis populo, ut satis constat.

23. Omnis igitur ratio generis humani omnino conspirat in hoc, quod Juris-Consulti Romani colligunt ex *Lege Regiæ*: Imperio populi simpliciter in Regem vel Optimates translato, totum quod populus in se suasque res habuit, jus esse translatum.

33. Atque adeo Populum vi suæ voluntatis non posse redire ad bellum, nisi Rex hostis populi sit factus, atque ut talem se ge-

rat, quem casum & in Democratia excepinus.

34. Quod facere intelligitur, si data opera quolibet ex populo perimat, spoliât, vexet; in eoque præfractè perseveret, fere ut unus olim talis; *Hoc agamus*, ait, ne quisquam quicquam habeat. (9)

35. Verum ut singuli ob ejusmodi injurias, quamdiu institutum illud non patet nimis late, nec fit generale, se armis opponant, non convenit cum natura fœderis, quo civitas constituitur.

36. Multo minus cum patientiâ Christi populo imposita, neque cum Literis Sacris, aut usu veterum Christianorum.

37. Quatenus satis constat, in Dei literis nihil esse, quo privatis potestas fiat ob injurias corporis aut bonorum, vel populo toti aut ejus parti, ob talia quæ non arguant animum hostilem, aut præsentem Civitatis magnæve partis ejus ruinam, se Regum actis opponendi armis belli. De moderamine inculpatæ tutelæ contra vim more latronis illatam antea diximus, nec est heic locus agendi. *Sup. cap. II. §. 19.*

38. Textus Samuelis *וְהָיָה כִּי יִשְׁמַע ה' בְּקוֹלִי* & βασιλεὺς alibi à nobis absolutus, & probatum est, nihil opus esse, ut vocem Hebræam

bræam aliter quam solito more per *Jus* reddamus; sed *Jus*, quale Prætor facit, quando inique decernit, ut Paulus docet in *l. pen. de Justitia & Jur.* obligans scilicet ad *patientiam*, sive *passivam obedientiam*, in quam vocem valde ringuntur politici Mandatarii. (10)

39. Novi quidem ad locum istum nihil admodum adtulerunt. Nam quod multis verbis populo non fuisse propositum, se Regum injuriis subijcere, sed judicia & ducatum in bellis quæsiisse contendunt, hæc est indubitata mens omnium, qui veniunt in civitatem.

40. Sed quia prudentium est scire, quam perverse homines potentiam sibi delatam soleant uti, secunda consideratio est, quam Samuel iis inculcat, fore ut, si Reges male regnent & injurias committant, idcirco jugum excutere nequeant.

41. Nec id unquam legimus, populo auctores fuisse Prophetas, ne quidem adversus Reges impientissimos.

42. Nam defectio decem tribuum à Roboamo, unde juris argumentum ducit Orator, justo quidem Dei judicio & decreto, sed

nullo bono exemplo consiliove, viâ pervulgata tumultuantis plebis, & ambitione tyrannidi imminentium perpetrata est.

43. Valde sibi placent dissentientes in eo quod Prophetam à Deo inspiratum, morem tyrannicum *juris* nomine fuisse demonstraturum minime credendum sit.

44. Ego vero *jus* esse statuo, per quod filius à Patre, uxor à Marito, servus à Domino, civis à Civitate male habitus, ad *passivam*, fas erit hac voce opinor uti, *obedientiam* tenentur.

45. Ejusque juris Deum Auctorem, atque eundem injuriæ à parte facientis vindicem esse probō, quod nullo modo pugnare sciunt Divini atque Humani Juris Consulti.

46. Definendum igitur in hoc est, Regiam potestatem simpliciter à Populo, nullam Imperii partem excipiente, delatam, non esse *Mandatum*; sed esse juris, quod populus habebat, *translationem*, ita ut de Aristocratiis intelleximus.

47. Atque ideo de Regibus ita constitutis, recte dixeris, quod Argivi antiquissimi ad suum Regem apud *Æschylum*, in *Supplic.* vs. 402. *seqq.*

ΣΤ

(10) Vid. Opus de Jure Civit. lib. 1. Sect. II. cap. VII. §. 12. & Inst. Reip. Sect. I. cap. V. §. 7.

# DE JURE IMPERII.

21

ΣΥ ΤΟΙ ΠΟΛΙΣ, ΣΥ ΔΕ ΤΟ ΔΗΜΙΟΝ,  
ΠΡΥΤΑΝΙΣ ΑΚΡΙΤΟΣ ΩΝ.

TU QUI ES POPULUS, TO-  
TAQUE CIVITAS,

JUDEX JUDICIS EXPERS.(11)

Quod hodie nemo de Senatu *Veneto*, de Ordinibus Universis *Bataviae*, & Possessoribus immobilium in *Frisia*, juxta urbium Rectores, prædicari insolens arbitretur.

(11) Vid. de hoc loco Gronovius *Avus ad Grot. lib. 1. cap. III. §. VIII. num. 10. not. 98.*

## C A P. V.

### *De Contractu originali, & Jure Regni pactis limitati.*

**P**orro ad Imperii simpliciter aut certis pactis constituti naturam pertinet *Quæstio*, nuper etiam in Angliâ mota: an inter Imperantes atque subiectos intercedat omnino aliqua *Conventio*, sive *Contractus*, quo primum fundatur Imperium, unde *Originalis* vocetur?

2. Qui *negant*, hi simplicem Imperii constitutionem per modum *Compromissi* omnium singulorumque civium inter se considerant.

3. Ne de illis, qui Imperium à Deo, sine medio suprà cives impositum, derivant, loquamur.

4. Quando litigantes metu belli judicarii in Arbitrum *compromittunt*, hoc fit mutua conventionione inter ipsos; *Quod Titius de*

*nostra controversia statuet, id tu servaturum te spondes? Et Tu vicissim? Spondeo*, dicitur utrimque. Hoc est *Compromissum*, cujus vi partes stare coguntur Arbitri sententiâ, sive *æqua* sive *iniquâ*, sine ullo provocationis remedio.

5. Quanquam autem omnis Arbitri potestas ex *compromisso* veniat, nullus tamen inter litigantes & Arbitrum vertitur *contractus*, quo hic se bene judicaturum promiserit, sed tantum, quo Arbitrium *recepit*.

6. Interim litigantes certos limites Arbitro futuro præscribere solent, quos si excedat, *ipso jure nullum est*, quod facit & jubet; quia potestas ejus unice de *compromisso* partium pendet.

C 3

7. Eo-

7. Eodem modo, ajunt, qui illorum sunt moderatiores: Civitatis Imperium metu belli fundatur in reciproca promissione Civium, hujusmodi in Democratiâ; *Quod pars major populi statuet, id tu facere, pati, spondes? Spondeo. Et Tu vicissim? Spondet* similiter; sic totus populus conjungitur. In Aristocratiâ, in Regno: *Quod Optimates, quod Rex statuet, ei te pariturum spondes?*

8. Hactenus cives inter se conjuncti sunt; *pars major* quæ tum adhuc nulla est, cæterique *Imperantes*, etsi recipiant Imperium, ad certum modum regnandi nullo contractu tenentur.

9. Si tamen ante receptum Imperium certae *leges* regnandi præscribantur, has limitare potestatem regnantis, ut acta contraria sint ipso jure nulla, dictum & certum est.

10. Non quod *leges* istæ per modum Contractus eum obligant, sed quia vim habent *legum fundamentalium*, ne plus juris habere possit quam Populus voluit.

11. *Jusjurandum* quod ferè sequitur, non facere novum cum populo contractum, Imperio jam pridem stabilito, sed obstringere Imperantes Deo.

12. Quando igitur hi male rem gerunt, *perjuri* sunt, nec tamen fidem populo datam violant; quia id actum non est, ut nova obligatio contraheretur.

13. Nam ante præstitum *jusjurandum* Rex electus, aut hereditarius, eandem potestatem exercet, quam postea; nisi aliter expresse cautum sit, ut nuper à Scotis. (12)

14. Hæc in casu *Regni constituti*, sicubi de contractu initio non constet, haud insubtiliter disceptatur.

15. Imò in *dubio* contractum inter Regem populumque, præter acceptationem ejus, quod cives inter se compromiserunt, præsumi non posse videri, quia contractus sunt *facti*, quos ut probari oporteat, præsumi non solent.

16. In *Democratiâ* non videtur ejusmodi contractui locus esse posse, quia pars major quæ exercet Imperium, stabilito demum imperio existet.

17. In *Optimatum* quoque *Republica* vix est ut talis stipulatio interveniat; quia plerumque stabilitur in incertas personas, sicut in exemplo *Baliæ* Florentinæ superius demonstratum est, *cap. III. §. 25.*

18. Ad-

(12) Anno 1689. Vid. Burnet. *lib. V. Hist. ad d. a. p. 23. ed. in 4.* Mutatum vero postea anno 1707. in tractatu unionis. Idem *lib. VI. p. 59. seqq.*



18. Adversus hanc tamen sententiam disputavimus in *lib. I. de Jure Civit. Sect. II. cap. 4.* ubi probatum, in ipsa quoque Democratia dari *fœdus* inter Imperantes atque subiectos.

19. Ideoque illos, si non proponant sibi ut Legem Supremam, populi salutem, *perfidie* reos non modo in Deum, sed in ipsum quoque populum fieri demonstravimus.

20. Sic tamen ut ab illo *fœderis* articulo separatus sit alius, qui est de Imperio ob injurias Imperantium non dissolvendo.

21. Nisi ob demonstrationem *hostilis in populum animi*, vel ob causas specialiter expressas.

22. Tenemus igitur in universum: dari *contractum originalem*, inter quemlibet populum Imperantesque à populo constitutos.

23. Sed contractus ejus partes plerumque multo evidenciores sunt in *Regno*, quam in Aristocratia.

24. Qualis sit contractus species, ex re gesta, naturaque negotii intelligendum est.

25. Plane si populus ita faciendum putet, ut Regem *Mandato* constituat, quominus ita faciat,

nihil magis impedimento est, quam in Magistratibus constituendis.

26. Quin si Magistratibus suis *Regum* nomen tribuere velint, nec vocis etymologia, nec forsitan exempla deficiant, etsi à more populorum id est alienum.

27. Talis Rex Mandatarius fuit *Theseus* Atheniensium, ut ipse quidem fatetur apud Euripidem in *Suppl. vs. 404. seqq.*

Ἄνθρωπος δ' ἀνέστη, καὶ οὐχ' ἰδὼς  
Πέτρ' ἀνδρὸς ἀρχαῖου πόλις.

*Heic populus imperat, nec uni  
Subiecta civitas tenetur. (13)*

28. Hoc autem fit, quando ipse populus jura *summæ potestatis* sibi reservat, pacis & belli, fe-rendarum legum, summam provocationem, creationem Magistratum præcipuorum, & cætera *ἑ κρείττους* instrumenta.

29. Quando autem populus Regem constituit, nihilque sibi retinet; si quis tum velit, *MANDATUM* concipere, non potest aliam imperandi formam habere in animo, quam fuit in castris apud Trojam, apud Eurip. in *Iphig. Aul. vs. 927.*

Kap

(13) Egregius locus, unde comparatio haud inelegans Frisorum inter & Atheniensium rempubl. percommode institui posset. Conf. Grotius *d. lib. I. cap. III. §. VIII. num. 11.*

καὶ τοῖς Ἀτρεΐδαις ὅτι μὴ ἐγίναντο καλῶς,  
Παρόμεθ'; ἰαν δὲ μὴ καλῶς, ἢ παρόμεθα.

*Et nos Atridis, si quidem bene im-  
perent,  
Parebimus; sin minus, non pare-  
bimus.*

30. Hæc enim est ratio *Mandati*, quamdiu placet administra-  
tio, continuatur; quando piget,  
revocatur.

31. Et credo eos, quibus à  
puero Civitatis imperium à *Man-  
dato* pendere visum est, difficul-  
ter limites inventuros, quos ul-  
tra citraque Rectores simpliciter  
creati procedere nequeant.

32. Aut enim Mandatum non  
est; aut à Populi arbitrio, non à  
Rectorum prudentiâ, judicium,  
bene an male fungantur regimine,  
dependet.

33. Quam bene autem se talis  
civitas habitura sit ad pacem, si  
quis ad intelligendum demonstra-  
tionis egeat, cum eo de his re-  
bus disputari non posse, merito  
quis dixerit.

34. Qualis igitur est *Contractus*?  
Est cessio & alienatio, cujus titulus  
Imperium: eaque vel simplex, vel  
limitata pactis & conditionibus.

35. De *Simplici actum capite*  
*præcedenti*, deque eâ tenendum;  
etsi nullæ conditiones ei palam  
adjiciantur, inesse tamen nonnul-  
las ex natura negotii quod agitur.

36. Præter eas, quibus etiam  
in *Democratia* locum esse diximus,  
de animo hostili, & de vi more  
latronum facta.

37. In *Voluntariis* tacite intelli-  
gitur, I. Salvam civibus esse de-  
bere *libertatem* personarum, re-  
rumque suarum. *Dominium.* (14)

38. II. Imperantes non posse  
*alienare* civitatem vel ejus par-  
tem, Regesque nihil ultra ter-  
minos *vite* de Imperio statuere  
posse, & si qua similia.

39. Sed *expressa Pacta* in Im-  
periis Voluntariis plura vel pau-  
ciora sunt, ut quisque populus  
libertatis suæ providus, aut fidu-  
ciâ erga Principes securus est.

40. Nam in *Aristocratibus*, ut  
sæpe dictum, maxime laxioris  
numeri, pauca vel nulla sunt in-  
ter populum & Optimates pacta  
conditionalia.

41. Utrum autem *tollant* condi-  
tiones Potestatem Summam, an  
*arctius* duntaxat exercitium ejus  
faciant, ex qualitate sententiâ-  
que singularum est colligendum.

42. *Tol-*

(14) Quod nescio. an quisquam plenius ostenderit acutissimo Lockio, *de Regim. Civ. cap. 3. & 4.* imprudentius vero negaverit Jo. Fried. Hornio, *in Archib. de Civit. lib. 11. cap. 2. & 3.*

42. *Tolli* videtur, quando sic constitutum est, ne quicquam Rex in summâ Republ. sine consensu Senatus vel Ordinum populi facere possit.

43. Quo casu summa potestas inter populum Procresce cum Rege *communicatur*, atque ita omnino in hujus persona definit esse *summa*: sicut usu venit in *Polonia*. (15)

44. Quod si communicatio non fiat in universum, sed de certis capitibus, ibi non tolli, sed *minui* summam potestatem, ratio dicitur; ut fit in *Magnâ Britannia*.

45. Hujusmodi conditiones *tribus modis* constitui videntur. Aut per modum ferendi leges inde ab initio; vel prævio consensu Regnantis; vel per præscriptionem.

46. Inde ab *initio*, per modum legis, priusquam Regnum constituatur, vel cum postea thronus vacat. (16)

47. Vacare thronus dicitur in *Electivis* regnis, quoties Rege mortuo novus eligitur, cui novæ conditiones identidem præscribi possunt, ut fit in *Capitulationibus*,

quas vocant.

48. In *Successivis* Regnis vacat thronus, quando Regia stirps, deficit, aut quando successio interruptitur.

49. Quod *jure* fieri nequit, si verum est quod probavimus: Imperium à populo esse alienatum; nisi quando *verè* casus existit, quo Respubl. aliter salva esse non potest, qui casus est *facti*.

50. Quod si demonstrare voluerint, qui nuper in vicino regno ingeminabant: *Rege opus esse de jure, vel de facto*; & hunc modum posse legitimari; nec ratione, neque exemplis, destitui videntur. (\*)

51. Quatenus nulla forte gens tam monarchica aut successoria est, in qua plura ejusmodi exempla *juris facultatem* non induerint, sicut bis apud Francos *Gallia*. (17)

52. Non vacante throno, novæ regnandi leges stabiliri non possunt, nisi Rege consentiente per modum *Contractus*; quorum obvia sunt exempla, nullumque *πραγματικώτερον Frisia Orientali*. (18)

D

53. De-

(15) Minus convenire exemplum *Polonia* ex fundamentalibus ejus Regni legibus perquam manifestum est. Vid. Couringius de Rep. Pol. tom. IV. Opp. p. 416. Becmannus in Hist. Civ. cap. VIII. §. 6.

(16) Immo solius pacti, de quo in cap. seq. (\*) Regnum *Anglia* intelligitur.

(17) Sub *Pipino*, anno 752. & sub *Hugone Capeto*, anno 987.

(18) Immo vero prius alicum, secundum principia *Juris Publici Imp. Rom. Germ.* Vid. Ubb. Emmii Historia nostri temp. sub init.

53. Denique *Præscriptione* Regna simpliciter delata sæpe fieri conditionata; quemadmodum li-

mitata quandoque simplicia, & absoluta fiunt, probavimus in lib. 1. de *Jure Civit. Sect. III. cap. IX.*

## CAP. VI.

*De Sanctione Legum Fundamentalium.*

**C**onditiones alienationi summae potestatis adjectæ, sive per modum Legum, quas *fundamentales* vocant, sive per modum paciscendi concipiuntur, *sanctione* sive clausula executoria, quæ det illis effectum, confirmantur. (19)

2. Sanctio autem illa est expressa vel tacita: *Expressa*, quando populus, aut Proceres stipulantur; ut si *Rex non servet eas Leges, eave pacta, tum cives ad obsequium non teneantur.*

3. Talem Poloni & Hungari suis electionibus adjicere sunt soliti, & illi quidem non desierunt; hi novo Regi suo volentes nolentes, eam nuper, sub titulo de *Editto R. Andreae* tollendo, remiserunt. (20)

4. *Tacita* sanctio est, quæ ver-

bis non exprimitur, sed ex animo sententiæque partium, negotiique naturâ, tacite intelligitur.

5. Inter expressam autem & tacitam hoc interest, ut videtur: vi *expressæ sanctionis* singuli cives, aut Magnates, habent jus opponendi se & resistendi his, quæ contra pacta fundamentalia fiunt.

6. Sicut in *Polonia* singuli Nobiles habent jus tribunitium intercedendi, & comitia rumpendi; atque in *editto R. Andreae* continebatur; rebelles non fore, qui Regum actis contra leges susceptis vim opponerent.

7. Ex *tacita sanctione*, quam recte dicas inesse cunctis Imperii pactationibus originariis, duplex effectus

(19) Omnem istiusmodi vim *legum a naturali pactorum* inter pares obligatione arcescendam esse, res ipsa loquitur. Vid. *Instit. Reip. Sect. I. cap. X §. 26 seqq.*

(20) De *Polonia* id Pacta Conventa nominatim testantur; sicuti de *Imperatoribus* nostris Capitulationes. De Principibus *Bolgarum* Schookus *Lib. I. cap. I* Privilegium Regis *Andreae* ab anno 1201. usque annum 1687. quo in Comitibus abolitum. Vid. Gundlingii *Discurs. Eur. p. II. p. 744. seqq.*

effectus oriri videtur, primus, & secundarius.

8. *Primus* est nullitas, quatenus acta Regum Pactis Fundamentalibus contraria, sunt ipso jure nulla.

9. Quia Rex potestatem sibi delatam notoriè excedens, hactenus ipso jure fit *privatus*.

10. *Secundarius* effectus est, qui inde mediâtè oritur, *jus de facto*, ut ajunt, se opponendi, atque resistendi.

11. Hoc singulis non competit, verum his qui pacti sunt, aut *parti* illorum *majori*.

12. Nam *singuli* qui non pacti sunt, jus univerforum occupare non possunt, quibus competit existimare, quando leges exequi, vel pacem præferre velint.

13. Proinde singuli tenentur *obedientiam* duntaxat *passivam*, ut ne consentiant, nec faciant quicquam parendi causâ; sed vim ne opponant. (21)

14. Quod si tantus sit excessus legum & tanta vis dominationis, ut nullum sit dubium, quin hi, quorum est jus pacti, si possent, opponere se vellent; dicen-

dum est, initium à *paucis* fieri posse.

15. *Ratihabitio* quoque liberz eorum, qui jus pacti habebant, eandem vim heic loci, quam semper, obtinebit, ut pro *Mandato* habeatur.

16. Harum rerum evidens usus venit in *motibus Belgicis*, qui à paucis Proceribus & infimâ plebe, non ab iis quibus ab antiquo jus populi erat, sunt inchoati (22)

17. Sed postquam de *nullitate* plurium à Principe actorum non dubitabatur, nec etiam de animo majoris Procerum partis, ut ex *ratihabitione* liberrimâ dein approbatum est, acta gesta *paucorum* legitimata sunt.

18. Idem in novissimo *Angliæ Scotiæque* processu, ac eventu, curatè observatum esse, facile animadvertum est. (23)

19. Ex his facile colligitur, in Regnis, & in Aristocratiis simpliciter constitutis, ubi nulla sunt *Pacta Originalia*, non oriri tale jus primævum, aut secundarium; nisi faciant Imperantes contra quod tacitè in omnibus Imperiis excipi *suprà* demonstravimus. (24)

D 2

20. Sed

(21) Meretur de abusu hujus obedientiæ apud Anglorum quosdam, ex rigidiore *Torserum* secta, evolvi Thoyrasius, *pec. diss. p. 81. seqq.* & de *Hugonotis* Galliz Baylius, *Diet. v. Amvraus* p. 186.

(22) Vid. Grotius, *Lib. 1. Annal. sub init. & de Antiq. Reip. Bat. cap. 6.*

(23) *Sup. cap. 1 §. 4 & 5.*

(24) *Cap. V. §. 37. & seqq.*

20. Sed an violatis quibusdam pactis originalibus, imperantes ideo excident Regno, si *clausula Commissoria* expresse non sit addita, non facile dictu est.

21. Fit autem clausula Commissoria, hoc modo; *si is, in quem rei vel juris aliquid translatum est, non stet pactis, tunc illam rem vel jus illud, amissum iri.*

22. Satis constat, si *pacta* contractibus adjecta non servantur, agi ad *reparationem*, non ad *rescisionem* contractus.

23. Nam illi plurimum errant, qui inter *pacta* contractibus adjecta & inter *conditiones*, à quibus contractus suspenduntur, non distinguunt.

24. Dicendum igitur: jus *removendi* Imperantes non oriri ex violatione quorundam pactorum fundamentalium; sed *jus in ordinem illos redigendi.* (25)

25. Verumtamen & hoc certum est, *Tyrannos* posse *removeri*, non tantum eos qui *titulo* tales dicuntur, sed etiam qui *jure* constituti in *exercitium* tyrannidis degenerant.

26. Quid autem sit *Tyrannus*,

perplexa disputatio est. Tu nihil errabis, opinor, si dicas: *Tyrannum* esse in Imperio simpliciter delato, qui *hostilem animum induit adversus suum populum.*

27. Et in Imperio pactis limitato; qui *jus sibi delatum notorie atque præfractè egreditur*, idque exequitur.

28. *Egressus* notorius inchoat, *executio præfracta* absolvit *Tyrannum.*

29. Ne quis putet, hoc vocabulum solis convenire *sanguinariis.*

30. Quando igitur Princeps non contentus *egredi* terminos potestatis sibi delatæ, monitus aut rogatus non desistit; sed iis se *nolle teneri* demonstrat, in eoque *præfractè* perseverat, hunc esse *tyrannidis* reum, & posse *removeri*, nulla dubitatio est. (26)

31. Hac ratione *Belgarum* populi sunt usi, qui plus decennio se intra terminos resistendi continuerunt; antequam Principi suo Imperium abrogarent.

32. Nec id faciendum credidere, nisi postquam *id præfractè* multiplici experientia constiterat, cujus rei momenta *Decreto Abrogationis* sollicitè recensuerunt. (27)

33. Ut

(25) Vid. Grotius *Lib. I. cap. III. § 16.*

(26) Grotius *Lib. I. cap. IV. §. 11.* item Schelius *de Jure Summi Imperii*, & Noodtius *de L. Regia*

(27) Vid. *Epistola de Motibus Belgicis*, apud Schurtzfl. *diff. LI.* Decretum abrogationis anno 1581. promulgatum d. 26. Jul. habet P. Bornius *Lib. XVI. p. 276.*

33. Ut tamen *longi temporis spatium*, quod decennio à Juris-Consultis finitur, non sit opus, ad colligendam ejus rei certitudinem; præsertim si quis populus Regem habeat præsentem, ejusque acta testis oculus inspiciat.

34. Hoc etiam inter Tyrannum populi *hostem*, & Paſtorum violatorem, interesse merito statuatur.

35. Ut qui *animum* erga populum *hostilem* ultro & ex libidine suscipit, eumque demonstrat, is etiam jure possit occidi; adeoque

si res ferat, per sententiam damnari, ut factum est in *Neronem*. (28)

36. Qui vero *pacta* duntaxat *servare* præfractè noluit, in hunc pœna, *remotio* ab Imperio, & *cautio*, ne redeat, ex Juris quoque ratione sufficit.

37. Denique, *Personam Principis* extra consequentiam *remotionis*, male haberi, nec juris, neque dignitatis, nec humanitatis, ratio patitur; ut exemplo *Davidis* in *Saulem* recte probatur. (29)

(28) Apud Sueton. *cap. 49*. Verum minus rectè, ante tempora *Diocletiani*, ius summi imperii Principibus Romanis tribuitur. Vid. Eutropius *lib. IX. cap. 16*.

(29) Vid. Grotius *lib. I. cap. IV. § 7. n. 6. itiq. Barb. & Bælius, Diction. v. David, & Tom. IV. p. 655. 662. & seqq.*

## CAP. VII.

*Comparatio Mandati, à quo Imperium pendere dicitur, cum priore sententiâ.*

EX his rebus expositis denuo satis evidenter intelligitur, nullos populos, Imperium simpliciter deferentes, ita existimare, se cum Imperantibus contrahere *Mandatum*, & hos esse *Procuratores* suos.

2. Cui bono *Leges Fundamentales*, jura reservata, *pacta* limi-

tantia Regiam potestatem, ut his violatis potestas Imperantium *revocetur*? cum *Mandata* semper revocari possint?

3. Quin satis indicant populi, inquam, se excipiendo *casus certos*, quibus Regi negare possunt obsequium, ita statuere: quamdiu *leges* illas servant, non posse

iis obsequium à civibus negari, & sic non esse Mandatum.

4. Denique *Mandati*, & *Alienationis* discrimen circa Imperium, non minus est ob oculos in quibusdam *Aristocratiis*, ut *Venatorum* exemplo jam pridem illustratum est, quam in *singularum*. (30)

5. Manifestior, quam in *Venatoribus*, datur oppositio *Mandati* & *Alienationis*, in florentissima *Batavorum* Republ. ubi Summa Potestas est penes *Ordines*, hoc est, *Equites* & *Civitatum Rectores*, verissimâ *Aristocratiâ*.

6. Hi per *Legatos* in unum coeunt, quos esse veros *Procuratores* & *Mandatarios* *Ordinum*, non *Ordines* ipsos, res ipsa demonstrat.

7. Quia de singulis rebus sibi mandatis, quas egredi nequeant, instruuntur, denique perpetuo à suis *Mandatoribus* dependent.

8. Sed hi *Mandatores* iterum non sunt *mandatarii* *populorum*, ut ab his ita, quemadmodum *Procuratores* à suis *Mandantibus*, dependeant.

9. Cujus enim rei nulli sunt

effectus, hanc in civilibus non existere certum est: nec tamen ulla pacta sunt, quibus majorem aliquam potestatem acceperint *Ordines à Populo*.

10. Unde igitur, quod à *Populo* non dependent, quod rationes ei reddere non coguntur, quod *Populus* formam regiminis mutare non potest? (31)

11. A Deo, sine medio, voluit *Graswinkelius*, in *Tract. de summa potest. Ordd. Holl.*

12. Sed non est recedendum à doctrinâ *Petri Apostoli*, quod Imperium sit *κρίσις ἀνθρώπων, humana creatio*; licet ad curam divini moderaminis eximie pertiens. (32)

13. Proinde si volente & consentiente *Populo*, ut dictu necessarium, inde ab antiquo structum est Imperium, quod *Populus* nullo modo participat, oportet esse simplicem atque inrevocabilem *alienationem*, à *Mandati* natura diversissimam.

14. Vi similis cum in *Batavis* *Mandato*, patrum nostrorum memoriâ, *Conventus Ordinum Frisiae* agebantur. *Legati* erant veri

(30) Vid. *Instit. Reip. Sect. I. cap. III. §. 8. & 9.*

(31) Potius ab imperio *Francorum* hæc jura repetuntur, unde ad *Comites, Duces, Reges*, Imperii vassallos, & ab his ad *Ordines* transierunt anno 1581. Pace demum *Westphalica* publice confirmata, anno 1648. *art. 1. & 53.*

(32) Vid. *Instit. Reip. Sect. I. cap. II. §. 9. seqq.*



veri Procuratores, & Mandatarii. (33)

15. Nomen idem manet hodieque; tabulæ quibus instructi ad Comitia mittuntur, vocantur *Procuratores*, ipsi Procuratores cum liberâ, barbæ, *Plenipotentarii*.

16. Sed accidit, quo nihil in Jure frequentius, ut *re mutatâ*, nomen idem manserit.

17. Olim à *Mandantibus*, qui sunt Immobiliū possessores, & Senatus Urbium, dependebant; ad quos de rebus majoris momenti referebant, nec iis inconsultis quicquam novi decernere poterant.

18. Deinde comperto, multitudine Mandantium publica consilia inretiri, placuit, ut *annua potestas* independenter, & sine relatione, Legatis daretur. (34)

19. A quo tempore constitutio Legatorum fuit *translatio juris*, quod habent Constituentes; ita ut omne eorum jus ad Rempubl. spectans habeant *Plenipotentarii*, sic jam dicti *ἡμπατικῶν*, non ut Mandatarii, sed ut ita loquamur, *Cessionarii*, jus plenum habentes.

20. Non tamen ultra *annale spatium*, quo finito, jus eorum sponte finitur: nihil enim vetat

translationem juris æquè fieri ad tempus, ac in perpetuum.

21. Non tenentur igitur tales Legati ad rationes reddendas, non possunt ante *annuum elapsum* revocari, aut circumscribi, juberi, vetari à Constituentibus: quæ facultates sunt inseparabiles à *Mandato*.

22. Cujus quidem *hypothesi* nihil periculosius aut Imperantium Majestati inimicius, & imprimis à juris ratione alienius, excogitari potest.

23. Ultimum isthuc abunde demonstratum est, & *consequentiam* reliquam ipsa res loquitur.

24. Credendum est equidem, obtestantibus viris egregiis dissentientibus: nunquam illos favisse *tumultuanti & seditiosa plebi*, quam fatentur esse teterriam postem & sentinam Civitatum.

25. Sed qualiscunque sit Populus, etsi sæx Romuli, si modocives & major pars sint, in *Mandatore*, & ejus potestate non distinguuntur mores. Quisque liber est arbiter & moderator suarum rerum, bonus an malus, prudens an imprudens, nihil interest.

26. Si *Populus* semper habet supremam potestatem, si *Mandator* sit

(33) Ubbo Emmius *pec. tract. ad calc. Histor.*

(34) Ab anno 1629. apud Auctorem *de Jure Civit. lib. I. Sect. VIII. cap. I §. 3. seqq.* Salvis tamen Legibus Fundamentalibus, de Juribus *Præfelli*, & superiorum *Collegiorum*, &c.

fit Imperantium; hi debent *ὑποτάσσεν*, nec ægre ferre, quod à pessimis Dominis pendeant, & reposcentibus rationes aut summam Imperii, non habent negandi causam.

27. Quod igitur Mandati Regalis, aut Optimatum Imperii, Auctores testantur: nihil sibi cum *plebe seditiosa*, neque nunc, nec unquam alias commercii aut negotii esse velle, bene habet, ac credi fas est.

28. Sed hæc ratio non convenit cum *hypothesi Mandati*. In *Democratia* major populi pars, etsi pessime consulat Imperio, potestatem Magistratibus optime meritis abroget, omniaque misceat; jure tamen suo, licet injuriam committat, utitur.

29. Idemque juris est, ubicunque summa Imperii à Mandato populi, quod est fundamentum *Democratiae*, pendet.

30. Si plus juris habet populus, quam ipsi expediat, ut de quâdam in Belgis civitate scribit Grotius, hoc ad juris quæstionem non pertinet; non magis quam prodigentia Patrisfamilias, cui nemo interdicit, vim domini infringit.

(35)

31. Frustra dantur Imperanti-

bus vires *ἔ* copiae ab Oratoribus, per quas colibeant tumultuantes; frustra additur modus; *ne tales sint copiae, quibus ipsum opprimere ἔ* in servitutem redigere queant.

32. Hæc sunt monita *prudentialia*; Jus mandatarii à voluntate Mandantis populi pendet, qui vel nullas tribuit copias, vel quas tribuit, has iterum, ubi visum fuerit, adimit.

33. Ut nihil sit manifestius, quam motus populi rerum domini & mandatoris, si quando *major pars* consensit, quicquid etiam movetur, nullo juris repagulo posse cohiberi.

34. Plane destitutam ratione & ordine sententiam ratione & ordine velle gubernare, tam est irritum, quam conciliare rem ipsam cum philosophiâ juris, est *ἐκ τῶ ἀδυνάτων ἢ ἀδυσάτων*.

35. Ajunt præterea: *in finitis modis plura evenisse mala in humanum genus ex eo, quo fræna laxantur tyrannidi*; quam quod summa potestas populo vindicatur.

36. Sed præter quod *ἀναρχίας* mala facile vincunt tyrannidem, velim & mihi vicissim credant Oratores politici, *me nunquam favisse tyrannidi*, sed contemnere populos, qui Imperia simpliciter, &

& sine exceptione transferunt in Principes. (36)

37. Laudare me *Aristocracias* populosque prædicare beatos, quibus sub optimatibus agere licet.

38. Aut si *Regno* careri non potest, censeo id agendum, ne potestas Regum sit effrenis, & ne scia legum.

39. Verum, ut populi, qui sponte se abdicant Imperio, nihilque facultatis reservant, *supremam potestatem* in Reges & Optimates *retinere* dicantur; miror civili judicio præditos homines non animadvertere, quam sit alienum à ratione juris, & evidentia rei gestæ. (37)

40. Atque hæc ad explicationem sententiæ nostræ, & demonstrationem, quam *inconsulta* sit contraria, sufficere arbitramur.

41. Ex his quæ *Mandatum originale*, quod omnibus Imperiis det fundamentum, novissimè adstruxerunt, nihil quod ullam oppositionis speciem haberet, omissum recordamur.

42. Pleraque utrimque concessa transmisimus, qualia cum Oratoribus ingeminare licet: *Utinam ubivis Gentium re ipsa esset, simul Salus populi Suprema Lex, simul declarata ejusdem voluntas & Consensus Supremum jus!* & id genus alia passim.

(36) Ex genio & voluntate cujusque populi id æstimandum esse, prudenter mones Grotius, *lib. I. cap. III. § 8.*

(37) Omnem vero litem facile componet Majestatis in *realem* populi, & *personalem* imperantium distinctio, perperam vulgo intellecta, ideoque & reprehensa. Grotius *Lib. I. cap. III. § 7. n. 1. & 3.* eodem sensu Subjectum summæ potestatis duplex statuit: unum *Commune Populi*, & alterum *Proprium Imperantis*: prius in *iure publicæ potestatis*, a singulis in civitatem collatæ; posterius in *exercitio*, secundum cuiusque populi leges, situm est.





JAC. PERIZONII, ANT. F.

# ORATIO

DE

ORIGINE ET NATURA  
IMPERII, IN PRIMIS REGII,

A

*LIBERO ET SUI JURIS POPULO  
SIMPLICITER DELATI,*

DICTA

KALENDIS JUNIIS, CIOIOCLXXXIX.

*Quum Annum Academiae Frisacae Magistratum  
pro concione inivisset.*



## A U D I T O R E S ,

*Varia Aetate, Dignitate, & Eruditione :*

*Omnes praeceptis divinarum humanarumve Literarum studio  
& amore Insignes, ac publice privatimque Honorandi.*

P. 3. **R**ecte Ego atque  
Ordine a Majori-  
bus nostris insti-  
tutum censeo,  
ut, quicumque  
Magistratus hujus Academici  
stationem & insignia vel di-  
mittunt vel suscipiunt, fa-  
ciant id publice Vestra pro  
concione, atque ita occasio-  
nem habeant non orationis  
tantum apud Vos dicendæ,  
sed & in ea, partim vel red-  
dendæ publico, servatæ sibi  
in administrando hoc mune-  
re rationis, vel ejus, cui  
lampada tradunt, admonen-  
di, quid sui jam sit futurum  
officii, partim etiam testi-  
ficandi declarandique palam  
animi, quo, qui honorem  
hunc iniit, eum deinceps sit  
gesturus. Sed habet hoc quo-  
que inter egregia sua utilium  
exemplorum documenta, quæ  
imputare nobis queat Roma-  
na illa Urbs, sapientia sua

non minus & prudentia ci-  
vili, quam fortitudine &  
fortuna illustri. Nam & illic  
coram omni populo adibatur  
quotannis summum, sed le-  
gitimum tamen, tantæ Ci-  
vitatæ imperium, Consulatus,  
& incusabatur in libera qui-  
dem Rep. ut nefas, & contra  
imperii majestatem factum,  
immo in ipsis notabatur Cae-  
saribus, ut alienum a mori-  
bus majorum, si qui Consu-  
latum extra Urbem & con-  
cionem Quiritium inivissent.  
Romæ illud, & Rostri, &  
populi totius oculis erat dan-  
dum. Teste eo jurabat in  
Leges novus Consul, pro-  
bareque illi suum animum  
nitebatur, suamque fidem,  
commemorando, si nobili  
quidem esset & antiqua o-  
riundus profapia, quicquid  
sui Generis Auctores Propa-  
gatoresque e Rep. unquam  
fecissent, sin novus esset ho-

mo, quicquid ipse, domi militiæque, re aut exemplo utile civibus suis jam præstitisset, vel si quid aliud esset sua in indole, aut vita, aut honoribus jam actis conspiciendam, quo certus fieri posset populus & spei securus, secundum Leges & Jura Patriæ tantam a se Potestatem curatum iri. Similiter vero, quando idem exacto jam anno Consulatu abibat; in eodem iterum loco, postquam omnibus in memoriam revocasset res a se gestas, dum amplissimam hanc in

p. 6. Rep. personam sustinuerat, atque eos simul & Jovem illum, quem Imperii & Nominis Romani Statorem Custodemque vocitabant, testes adhibuisset suæ affirmationis jurejurando firmatæ, nihil se contra Leges, dolo malo, scientem prudentemve fecisse, ita demum pro concione se abdicabat.

Quod si nostram mediocritatem conferre licet & comparare cum tanti Imperii majestate, quo & potissima Orbis Terrarum pars, & ipse Victor ac Dominus Gentium Populus continebatur, vidistis modo imaginem quan-

dam rerum, quas in ponendis sumendisque summis Magistratibus Civitas illa in usum & exemplum induxit. Vidistis modo, & audivistis Virum Clarissimum, quem honoris causa nomino, PHILIPPUM MATTHÆUM JUNIOREM, Academici hujus imperii vigilia, quam mihi vere per manus tradidit, postquam ea erat maxima sua cum laude perfunctus, se exsolventem, & dum mihi singulatim mei officii rationes studiose adeo inculcavit, per modestiam tacite quodammodo, quod verissime palam potuisset, de se prædicantem, quam ipse secundum Leges & Mores dudum receptos, secundum jus, non illud strictum & summum, sed quod bonum & æquum appellamus, potestatem suam exercuerit. Conspicitis jam & me in eodem hoc loco, in quo tantum quod omnia istius Magistratus jura atque insignia ab illo accepi, adhuc constitutum, ut publicæ Oratione, tanquam auspicio quodam mei jam per Academicum hunc annum muneris, vestræ me commendem expectationi, & omnem ex

p. 7.

ani-



- animis, si qua forte inhæreat, evellam suspicionem; quasi collatum illud in me qualecunque tandem imperium, asperius, aut ex mea unius lubricine, præter Amplissimi hujus Senatus Consultum, vel Judicialis Consilii Sententiam, essem administraturus. Sed quid agam? Permulcere igitur vestras ego aures conabor, multa ipse de me, meaque modica adeo laudum supellectile, prædicando? Abhorret illud meo ab ingenio, meaque consuetudine, quippe qui nunquam ita magnifice de me sentire, nedam opinari soleo. Abhorret & a moribus publicis omnium Civitatum, a quibus Democrazia abest, seu in quibus præcipuam Reip. partem sibi non sumit ipse exercendam populus.
- p. 8. Ne tamen vel nihil, vel aliud quid hoc tempore agam, quam quod opportunum est, dabo saltem quoddam veluti pignus ac symbolum, unde pernoscere possitis, quò animo, aut qua animi mei interpretatione isthæc ego sceptra hisce manibus modo acceperim, quidve iis in me delatum putem. Videlicet
- p. 9.

est ea, ut quis unquam, optimo jure ac legè habeam, nihil tamen in iis aliud me habere, nisi quod mihi impositas jam esse has partes sciam, ut de omnibus, prout quidque inciderit, Vos ego, Conjunctissimi Collegæ, continuo consulam, Vestram animi sententiam diligenter exquiram, eique jam exploratæ morem sine exceptione geram: Deinde ut vestras quoque rationes, Carissimè Adolescentes, ut vestram omnem causam mihi primum curæ semper cordique habeam, utque lita Amplissimo huic Ordini studiose prorsus & prolixè commendem, quicquid autem ab eo mandati retulerim, gnaviter pro mei officii ratione exsequar. Quod vero isthæc ex animo ita autem, meque igitur hoc anno potius in splendida quadam servitute, vel obsequii gloria, quam in libera atque ampla constitutum potestate, revera arbitrer, non videor mihi aliâ ratione certius Vobis & planius declaraturus, quam si hac hora, Vobis arbitris, edisseram, quid de omni Imperio, ejusve juro & natura, quod quidem

p. 10.

a li-

a libero & sui arbitrii populo in Magistratum, Principem, aut Regem simpliciter collatum est, ego sentiam; seu si probare vobis annitar, quæ mea est opinio, arcescendum primitus talis Imperii jus, (nam aliud alio majus nunc esse ex pactis inter populum & Principem initis, non ignoro) unice ex natura Mandati: Neque abjectum re ipsa omnem populum ex Imperii ipsius natura infra unius hominis aut paucorum adeo libidinem, qui trahant agantque publicam rem pro lubitu ut suam; p. 11. qui titulo Imperii, tanquam jure quodam, non Magistratum aut Regnum, sed Dominationem ac tyrannidem exerceant: Quibus populus contra nihil juris opponere habeat, nisi abjectissimæ servitutis & obedientiæ, quæ omnia etiam iniquissima æquo animo excipere & pati debeat. Quod quid est aliud, quam libertatem populorum radicitus extirpare, & omnem Remp. immo omne genus humanum paucorum hominum affectibus, eorumque inconsultis plerumque desideriis usu & mancipio ad-

dicere? Hoc velint probatum Hobbesii, & magno mercentur Pelopidæ, quorum utinam nec nomen, nec facta amplius inter Christianos audirentur.

Ego vero, quum ab illa semper alienissimus fuero sententia, & pene jam a puero in contraria omnia abierim, existimavi non posse me ea vobis oportuniore tempore & loco exponere, quam hocce, in quo me istis nostri imperii insignibus, specie quam re ipsa augustioribus, ornari modo vidistis. Non diffitebor tamen, etiam hunc mihi fuisse stimulum vobiscum de isthoc argumento nunc potissimum agendi, quod ipso hoc anno per causam excussæ a Britannis nuper admodum dominationis regiæ, contra jus & fas humanitatis, in eos exercitæ, quæstio ista multum caluit magnis disceptantium studiis agitata. Eam ergo dum & Ego, sed meo prorsus more ac modo, sine cujusquam diversum forte vel contrarium sentientis injuria aut contumelia apud Vos, Clarissimi atque Ornatiſſ. Aud. disputando exsequor,

p. 12.

p. 13. quor, rogatos vos majorem in modum volo, ut interea temporis æquo adesse animo, & faciles mihi ac commodas paulisper gratificari aures ne gravemini, etiam si forte nihil audituri sitis, nisi quod dictum sit jam pridem. Quid enim reliqui nobis factum a tot diversissimorum in Rep. sensuum Scriptoribus, qui omnes hujus materiæ partes perreptaverunt, omnia exhausserunt jamdudum loca? Sed tamen, quum identidem contraria opinio per eos, qui Regum & Principum assentantur Majestati, voce ac stylo inculcetur gnaviter, & ita sensim quasi invalescat, expedit enimvero & conducibile est publico, etiam hanc nostram, Libertati & Legibus amicam, sæpius itidem veluti ex situ & tenebris protrahi, vindicarique ab oblivione, ne, si repetatur nunquam, penitus tandem, tanquam obsoleta jam prorsus, & oblitterata, quæque alteri suum p. 14. ultro locum cesserit, ex animis hominum deleatur.

Dabit ergo veniam, ut spero, si jam a principio quaedam minime vobis ig-

nota præfari aggrediar. Cui enim ignotum esse queat, homines æquali prorsus jure & fortuna primum natos, fuisse cunctos, ut ejusdem generis, ita ejusdem conditionis & Libertatis: sicuti omnes per unum Deum una ex terra suam duxerant originem, unoque ex cælo spiritum pariter hauriebant, sic omnibus idem fuisse jus in omnia a Deo producta, quæ quidem inter ipsos adhuc erant nullius: nullum vero in alios suæ naturæ & fortunæ undiquaque consortes? Ceteroquin enim extincta statim fuisset illa maxime naturalis singulorum inter se æqualitas, quæ nesciebat discrimen Dominorum Servorumque, Opulentorum ac Pauperum, Nobilium aut Novorum hominum. Neque porro ignotum est vel negatum a quocumque mortalium: Naturam hujus Universi, seu ejus Auctorem Deum, distinxisse genus Humanum a reliquis Animantibus sola Ratione, atque idcirco in ea potissimum querendam esse statuendamque hominis Naturam, & Jus inde natum. Habet enim corpus ceteroquin iisdem neces-  
F sita-

p. 15.

statibus obnoxium, quibus illud Animantium. Habet partem illam animæ, quæ omnia ex corpore trahit, ac desiderijs ex eo ortis afficitur, sibi cum Brutis communem. Sed habet præ iis solus Animæ aliud quid immenso modo præstabilius, particulam illam seu imaginem Divinæ Auræ, quæ non incassum profecto aut vanæ distinctionis ergo est ei data, sed ut doceat etiam reluctantem, quid rectum, quid prævum sit, quid Deo tribuere, quid hominibus debeat. Quam opprimere quidem, sed exuere nunquam aut abjicere penitus potest, quo minus, quando etiam deteriora sequitur, meliora tamen videat, ac ingratijs suis probet.

Quum itaque extra omne dubium non modo pari jure ac fortuna nati sint, quantum est humani generis, sed & pariter tali sint ratione omnes omnino prædicti, quis mirari satis queat illum ab Anglia Philosophum, qui & extra Civitatem, & in ea, liberos homines ut in Regum suorum servitutem dedat, ad belluas semper detrudit, &

quod omnem pene fidem superat, utramque istius sententiæ partem specioso *Juris* nomine velare non erubescit? Etenim dum fingit, singulis hominibus, antequam coierint in Civitates, seque Imperio submiserint, esse ab natura jus in omnia, etiam ab alijs jam occupata, neque agnoscit illo in statu *Meum & Tuum*, ex eo deinceps conficere laborat, licere igitur quasi naturæ instinctu, & jure ex ea ipsa orto, unicuique facere quæcunque & in quoscunque libeat, atque adeo vivere ab natura omnes in perpetuo adversus se invicem bello, & metu mutuo, summumque inter homines jus esse illius, qui viribus corporis præ alijs valeat aut præstet. Hoc ille *Jus*, hoc *Statum Naturæ* vocitat. Hoc nomine prætexit non Culpam, sed Scelus & Flagitium. At vero, ubi jam odio istius belli, sui que conservandi studio, societatem contraxerint, inierintque convictum, eo ipso tradit, illos e vestigio, quoniam talis Societas consistere non possit sine imperio, veluti renunciasse suis in rebus, certe

p. 18. certe sua in Rep. non tantum Juri & Libertati, quam a natura habebant, sed & Voluntati suæ ac Judicio. Adeo enim non licere cuiquam, non modo nihil facere aut velle secus, quam is, qui Imperium habeat, velit, ut ne quidem liceat, non dicam singulis, sed neque omni populo, judicare, utrum voluntas Regis, vel quicumque in imperio est constitutus, ad sui conservationem, an contra tendat, rectene an perfade & scelestè respectu suorum Civium se habeat: certe ei, quanquam sceleris rebus ipsis & factis jam manifestæ, resistere neque jus neque fas sit; sed ut, tanquam bruta vere animalia & judicio ac ratione omni prorsus destituta, quoquoersum se ex lubricine imperantis ferri & agi, æquo an iniquo animo, pati debeant omnes. Valeant sane, qui ita sentiunt, ita docent, dummodo nos ab ejus doctrinæ contagio absumus quam longissime. Ego enim vero nihil in Naturæ statu homini magis proprium reperire possum, quam ut primum quidem se conservare studeat,

quanta potest cura ac diligentia; deinde vero, ut alios quoque ejusdem secum generis & naturæ participes, tanquam Cognatos sibi & Consanguineos, amore ac benevolentia prosequatur, eorumque convictum & consuetudinem desideret. Nihil autem ex his elici potest vel debet, quod alterutri sit adversum. Nihil, ex illo primo suæ salutis studio, juris consequitur homo in hominem, nisi ut liceat, vim, si liqueat parari, vi prævenire; si jam inferatur, repellere; si periculum sit justum, ne alia iterum occasione repetatur, etiam punire. Ceteroqui tantum abest, ut naturale sit hominibus inter se bellum, aut ut ex vero Naturæ motu oriatur mutuus ille homini ab homine metus, atque ita ex eodem fonte Jus aliquod nocendi etiam nullodum maleficio cognitis: ut e contrario nihil magis averseatur & horreat prima & intima ingenii humani indoles, quam solitudinem, nihil magis amet & expetat, quam conjunctionem cum aliis & familiaritatem. Quin immo certus sum, antiquissimis temporibus

p. 20.

poribus nullo plane metu fuisse captum, qui alium sibi ignotum videret, nisi si vel ipse malo Genio natus, suæ sibi malæ mentis malique animi fuerit conscius, atque ita alios ex suo æstimarit ingenio: vel experimentis ipsis & usu vitæ jam didicerit, aut fando etiam acceperit, metuendum esse ab iis, quorum animum quis & indolem nondum satis habeat exploratam. Nec enim inficias iri potest, fuisse, uti postea quamplurimos, qui

p. 11. ipsas Civitatum Leges præsentis & gravi pœna sancitas violare tamen sunt ausi, sic & tunc minime paucos, qui Legibus Naturæ & Rationis non auscultantes, contra jus ex iis natum, involarint in ea, quæ ab aliis vel jam occupata erant, vel sua sibi sedulitate & studio comparata: Immo qui neque occidere alios dubitaverint hoc solum nomine, quod possiderent sua vel fortuna vel industria, quæ ipsi expetebant. Neutiquam tamen ex eo conficitur, proficisci proxime ex hominis natura intuitum aliquem metum & intestinum veluti bellum, nedum ut istius belli

odium fuerit unica Societatum Civilium causa. Nam unde, quæso, etiam ipsum hoc odium, nisi ab natura longe aliud quid, quam belli studium, conjunctionem scilicet & corporum & animum, benevolentiamque mutuam, hominibus etiam atque etiam suggerente. Certe p. 12. humanas illas Societates conciliavit haud dubie primum naturalis inter se amor & fides eorum, qui jam aliquandiu iisdem in locis alter alterius sine noxa vitam egerant, &, quod inde exstitit, amicitia & emolumenti vel commodi in mutuis operibus & contractibus simplicissimis sit desiderium. Arctius deinde eas astrinxit commune periculum ab incursionibus alienigenarum, qui undique accurrentes suis jam in agris persultarent impune, nisi conjunctis a se viribus talis latrocinii feritas vel excluderetur vel depelleretur. Hoc demum modo, hac ratione & consilio, ceptum est tandem aliquid publicæ rei & curæ formari; Hanc originem habuerunt, hæc initia, hæc causas antiquissimæ pleræque Civitates, quæ pro-

p. 23. proinde primis temporibus, præsertim quum & quandiu essent Civium vel Sociorum numero exiguæ, steterunt maximam partem sola mutua operæ & auxilii fide subnixæ.

Sed tamen desiderabatur brevi in iis administratio quædam publicæ jam rei, litigiorumque, quæ inter ipsos subinde existerant socios, æqua disceptatio. Eam vero in rem haud dubie conveniunt primum omnes pariter, sicuti & ad bellum exhibant itidem omnes: atque ita consuluerunt in commune, suaque simul auctoritate & veluti arbitrio exortas fortiter componuerunt. At vero ubi illud jam difficilius evaserat, cum propter multitudinem sociorum, tum etiam, quod per hanc ipsam causam indies magis magisque frequentarentur lites, decurrerunt tandem ad illud, quod agrestibus istis, & vere adhuc rudibus, omniumque  
p. 24. artium imperitis hominibus maxime obvium & in promptu erat: ut constituerent unum ex omni Societatis corpore, spectatæ fortitudinis, compertæ sapientiæ, fidei-

que ac moderatæ speratæ virum, cui potissimum rem publicam committerent, inque ea has maxime demandarent partes; Curaret sacra Deorum: præiret sibi in hostes: controversias civium sua sententia ex æquo & bono decideret: denique de omni majoris momenti negotio consuleret populum, & quicquid ab eo iustum foret, bona fide exsequeretur. Luculentam ita, & magnæ profecto jam dignationis sustinebat ille in Rep. personam, vulgoque Rex appellabatur; sed tamen, rem ipsam si spectes, nihil erat aliud, quam veluti alienorum, vel saltem communem sibi cum aliis negotiorum Procurator & Administer: neque alio jure in Judiciis, quam  
p. 25. quo est Arbitrarius utrimque consilio communi sumptus: in Bello, quo est Ductor copiarum, quæ ex fœderatis populis adversus unum eundemque hostem bellantibus constant: in reliqua Rep. quo est Præses Senatus aut Consilii, summam rerum gubernantis: denique in omnibus, quo est, qui Sociorum mandatu communem sibi cum

cum iis causam curat & agit. Quo in casu sicuti is quidem potissimum a sociis deligitur, quem credunt præ aliis intelligere dandum sibi negotium, idque curaturum integra fide, justaque diligentia: sed tamen ita, ut, si deinceps non respondere suæ expectationi sentiant eventum, illumque vel imperitum rerum sibi mandatarum, vel mala fide aut omissiore animo eas administrare deprehendant, summo semper jure remove eum queant, & revera remoturi sint; sic plane etiam in primis Civitatibus, quod ad earum Reges, olim se res habuit & habere debuit Etenim erant in iis omnes, ut supra diximus, natura & fortunaprorfus æquales; erant omnes ejusdem plane juris, libertatis & conditionis: coierant fœdus & societatem sui æqualiter conservandi, rebusque suis tutius fruendi causa: nulli suo juri, in quod erant geniti, vel verbis vel animo renunciaverant: Constituerant quidem in illa conjunctione unam rempublicam, eique procurandæ præfecerant simpliciter, quem maxime ido-

neum rebantur, sed haud aliter, quam ut revera penes se maneret summa publicæ suæ rei potestas, penes illum esset administratio, quæ quo arbitrio data erat ipsi, eodem etiam poterat adimi. Quid enim inter tales universæ Reip. aut alios privatarum rerum socios, veri discriminis in ipso Societatis jure fingi potest aut ostendi? Dicam amplius, quid inter singulos priscarum Civitatum homines plane liberos, aut complures suæ spontis populos, unam sibi Remp. pariter constituentes? Utrique summa utique libertate, & æquo jure convenerunt, rationibus suis consultum ducentes, iſto quodam societatis fœdere, in unum coalescere veluti corpus, & præcipuam communium rerum administrationem, seu partem ejus aliquam, summam videlicet belli, aut judiciorum, vel uni demandare homini, vel aliquot simul Magistratibus. Ceterum sicuti jam plures illi unius Reip. populi semper, communi certe consensu, suæ Societatis curandæ formam mutare, quosque ei præposuerant, da-



p 23 ta ipsis potestate exuere possunt, salva sibi Republica, salva quoque Societate, etiam si nullum adeo infinitum imperium suis domi Magistratibus, aut belli Imperatoribus, vel etiam integro totius fœderatæ jam gentis Senatui concedant: sic idem sua in Civitate facere olim potuit omnis populus, quippe quum utriusque Societatis revera sit eadem plane ratio, nisi quod hæc singulorum sit Hominum, illa Urbium vel Populorum. Manifestum ergo ex iis, quæ fuerint incunabula, quæ origo, quod primum & antiquissimum jus summi illius Imperii, quod *Regium* appellatur, cujusque ex natura Regibus hodie tribuitur immensum illud & iniquissimum vere jus, res Civium suorum impune rapiendi, consumendi, aut servis vel Adulatoribus donandi, immo ipsa, si velint, liberorum hominum corpora in suum privatim servitium p. 29. trahendi. Qualem sive licentiam, sive jus, vel disertis verbis, vel tacita cogitatione, cuiquam in se dedisse priscos illos homines, adeo æquali in libertate na-

tos, si quis in animum inducere possit, is enim vero Anticyras foret ablegandus.

Quidni? inquirunt: quum utique Israelitæ jugum istius Juris, licet sibi jam prædicti & denunciati a Samuele, vel sic tamen ultro subierint, & quidem ad exemplum aliarum gentium, quæ idcirco idem illud isto jam tempore videntur recepisse. Nihil minus, inquam Ego. Quin immo, præterquam quod alia erat ratio Israelitarum, Vesteris jam Populi, alia priscorum hominum, qui tantum quod in unam convenierant societatem; postularunt illi Regem, non, ut se ei in servitutem addicerent, sed ut is sibi duo hæc, quemadmodum alii aliis Gentibus, præstaret; exerceret judicia, & bellum adversus hostes curaret instrueretque. *Rex*, ajunt; *prærit nobis, ut eadem sumus conditione, qua aliæ gentes: Ut Rex noster nos judicet, & nos ducens ipse in hostem bella nostra gerat.* Auditisne heic diserte satis, quæ in & a Rege, suo desideraverint munia, quam potestatem & curam illi detulerint, quod jus ei dederint? Et profecto

p. 30.

tan-

tantum abest, ut insuper violentiæ ac libidini cujuscunque, seu Regis, seu Judicis, se subjectos degeneri animo voluerint, ut hæc potius causa fuerit & occasio unica petendi Regem, quod ægerime ferebant, filios Samuelis, qui Patris sui in judicando vices exceperant, a publico & recto tramite, quem Egregius ille Senex iis præiverat, deflexisse, dum muneribus capti, jus ac judicia per gratiam & sordes adulterabant. Qui ergo tantillis de causis, si cum memoratis istic Regiæ Dominationis exemplis comparentur, removerunt, quos jam receperant Judices ac Magistratus perpetuos, & quidem Viri de se optime meriti, summoque jure omni populo venerabilis, filios, an cuiquam in mentem venire potest, illos ipsos homines, exuta adeo omni libertate, volentes prudentesque, infinito isti ac immodico Regiæ potestatis Juri ad scelera omnia & flagitia impune perpetranda, rapinasque & gravissimas exactiones sine fine modoque exercendas, se permisisse, immo se ac liberos suos mancipavisse sua sponte

in irrevocabilem simul & durissimam unius hominis servitutem, jure quodam sanctitatem? Hoccine annon vere esset, quod vulgo dicitur, Fumum ut vites, lubenter & consulto ruere in Ignem? quod in gentem non omnino ratione defectam, aut suæ p 32. mentis compotem, qui cadere queat, nullus video. Quin acceperunt illi verba Samuelis, non, tanquam verum aliquod jus Regum in populos, qui se eorum fidei & curæ tradidissent, exponentia, sed ut augurantia potius & ominantia sibi ex eo, quod aliis jam Gentibus accidere solet, quid & ipsis aliquando ex Regiæ potestatis abusu evenire posset, quibusque adeo periculis se, Regem flagitante, implicitum irent. Credebant autem hanc ejus veluti obnunciationem plus ex paterno in filios affectu, quam ex vero trahere: eorum magis causæ illum in hoc negotio servire, quam populi fortunis. Melius opinabantur de futuris sibi Regibus, rejicientes tamen haud dubie suis cogitationibus jam tunc & illos, si in immodicam ejusmodi

p. 33. modi licentiam præcipites ruerent. Certe quam non accep-  
runt aut agnoverint tale Regium in se Jus, declaraverunt satis superque primis adhuc constituti apud se Regni temporibus, quando Roboamum, clarissimorum Regum, Salomonis filium, Davidis nepotem, quia iustis eorum desideriis obsequi recusabat, destituerunt, immo in Roboamo ipsum quodammodo Davidem Regno Regiaque in illum & ejus familiarum collata dignitate abdicaverunt. Quid enim, quum pariter longe maxima totius populi pars renunciaret Roboamo, *nihil sibi amplius fore negotii cum Davide Jessæi Filio*, quid, inquam, hoc erat aliud, quam quod ipsius Davidis Regnum in ejus nepote aboleverint?

Neque vero est, quod reliquas heic gentes mihi quis ingerat, & apud quas illa Regiæ violentiæ exempla a  
p. 34. Samuele Israelitis exposita, impune, & quasi suo jure, edita fuerint. Nam Samuel certe aut Israelitæ non potuerunt alias istic respicere, quam quæ erant Orientis, & quidem illorum jam tempo-

rum in Oriente, Regione, quæ omnium prima, & deinceps ad hoc usque seculum præ aliis servire suis Regibus est sueta, adeo ut illa potissimum & olim & nunc præcipua quidam patientissimæ servitutis atque obedientiæ gloria Regio nomini commendare se queat. Taceo, quod plerorumque istic Populorum Regnorumque initia nobis sint prorsus ignota; ut adeo quid juris Reges eorum ex populi institutis habuerint, & ab ipsis rerum initis; Quid postea quasi usu ceperint, vel dolo aut etiam vi quadam sibi vindicaverint, utique definire nequeamus. Apud Medos certe, præcipuos & antiquissimos totius Orientis, si ab Assyriis & Babylonis disceserimus, constituti sunt olim Reges *bene morati*, testibus Herodoto ac Cicerone, & quidem *justitiam fruendæ*, nequitiam juris istius, quod Regibus impune in se grassari, & omnem justitiam pervertere permittat, condendi *causa*. Neque secus se rem apud alios istic populos primis quidem temporibus habuisse, magna profecto verisimi-

similitudine colligitur ex eo, quod Regiæ Dignitatis appellatio apud illos, quorum lingua ad nostram usque memoriam est propagata, minime infinitam aliquam omnia pro arbitrio agendi potestatem, sed potius Populum aut Senatum semper *consultendi*, pariterque cum eo de publica re deliberandi officium notaverit, ipsisque Regibus veluti inculcaverit, p. 36. ne temere animos supra Populum efferrent, ejusve rationes, quibus maxime, immo unice consulere debebant, suis posthaberent.

Verum missis Orientalibus, pervestigemus potius Europæos, inque iis cultissimos omnium, & quorum originem ac natales habemus præ ceteris compertos. Et sane æquius est nihil, quam ut ipsi sint populi nostræ controversiæ Judices atque Arbitri, habeanturque certissimi, sicuti revera sunt, istius juris, quod ab iis ipsis est profectum, Interpretes. Quamvis enim Imperia & Magistratus sint vere a Deo, sed non aliter, quam omnia humana; nihilo tamen minus ipsum illud jus in popu-

los ac homines liberos est proxime ex *Humanis constitutionibus* ortum, vel ipso id nos docente Petro, docente etiam rerum natura. Quoniam ergo primi Reges a populis suis instituti, non p. 37. potuerunt quicquam juris habere ultra, quam illi in eos voluerunt conferre: quoniam, etiam in cujusque populi, qui quidem erat liber & suæ spontis, potestate fuit, quousque in Imperio aut Rege sibi constituendo a Naturali Libertate recedere vellet, undenam tandem certius rectiusque, quam ex Historiis & factis ipsis populorum definire atque affirmare poterimus, quid sibi juris ac potestatis vere servarint, quid Regibus suis detulerint, quando iis publicæ suæ rei administrationem simpliciter & sine conditionibus ac Legibus, quæ primis temporibus nullæ, mandaverunt?

Primum omnium, si in res gestas Græcorum, gentis inter Europæas vi & cultura ingenii facile principis, inquiramus, docebit nos ipse Aristoteles, antiquissimis tem-  
Lib.  
III.  
Poliic.  
p. 10.  
p. 38.

testatem, sed triplicem omnino sustinuisse curam: nempe, ut Sacra Diis publice facerent, bella pro populo gererent, & judicia æquabili jure exercerent; immo quibusdam ex illis nihil aliud tandem relictum a suis Civibus, quam ut solam rei bellicæ præfecturam haberent. Succenturiatus sit illi Dionys.

*Lib. v. Halic. qui in principio, ait, apud Græcos, & deinceps in longum usque tempus, Civitates omnes administratas a Regibus, sed ita, ut Regnum Lacedæmoniorum: quod certe Legibus non fuisse solum, sed populo atque Ephoris obnoxium, adeo ut Reges in carcerem rapi, damnari & supplicio affici potuerint, in confesso est inter Eruditos. Cum vero inciperent nonnulli, ut addit, pleraque ex sua libidine agere, populi id ægre ferentes,*  
*p. 39. Regna & eam reip. administrationem sustulerunt. An vero credibile est, Auditores, hisce populis unquam in mentem venisse istius Regii juris, de quo nunc ambigimus? Quin & in Vrbe Atheniensi, quam veluti templum habuerunt non literæ modo ac facundia, sed etiam ille civilis*

disciplinæ ordo, quo loco tamen aut jure fuerint Reges, testabitur Rex ipse Theseus, professus ultro apud Euripidem, *liberam esse suam civitatem, quippe quæ non plane regatur ab uno Viro, sed in qua populus regnet.* Poetæ hæc sunt, fateor, sed tamen non accipienda, ut poetica nimis, exitus probavit, siquidem Athenienses postea hunc ipsum Thesea, Regem suum, Vrbe summovertunt, seque in insulam Scyron, tanquam in portum quandam exilii, coegerunt recipere. Quumque deinceps filium ipsius & familiam ad regnum tamen revocassent, mox nepotem ejus Thymæten, quoniam pro patria in singulare certamen descendere cum Xantho Bœotorum Rege detrectabat, suum denuo locum cedere jusserunt Melantho, qui duellum illud feliciter depugnavit. Quidni & Argivos heic memorem, Regnum omnium, de quibus constat, in Græcia antiquissimum? Certe enim neque hi ullo se Regio jure impediri censuerunt, quo minus Regem Sthenelum, Inachidarum ultimum, extra omnem seditionem, re-

sedulo deliberata, regno spoliarent, ut eo ornarent Danaum, qui se, quàm siti infestarentur, habitantes quippe in regione siticulosa, demeruerat ostendendis aquarum fontibus.

Sed quid ego in Græcia tam diutinas ago moras? quum idem animorum sensus in plerisque aliis gentibus & nationibus undiquaque se prodat; Quum omnes populi Remp. primum ordinan-

*Lib. 11. tes, jus semper, ut ait Cicero, quâsiverint æquabile: Idem, que si ab Vno, sed Justo & Bono Viro consequerentur, eo fuerint contenti: Quum vero id minus contingeret, suo jure usi, eum Vnum Virum, seu Regem, potestate ipsi mandata abdicare se adegerint, & vel suffecerint ei alium, vel omnem istam Reip. formam prorsus immutarint. Certum profecto documentum, quam non existimaverint, se, dato Regibus simpliciter imperio, summum in Rep. amisisse jus, inque Reges illos transfulisse. Et*

*Lib. 1. quid amisissent, qui auctoritate magis regebantur, quam imperio, ut diserte de Euanthro testatur Livius? Nec ab-*

horret, quod de nostris majoribus Tacitus, tractari apud eos in Conciliis potissimum Reip. partem, inque iis Reges audiri magis auctoritate suadendi, quam jubendi potestate. Appellent sane, quiqui velint, tales nomine tantum Reges, dummodo liqueat manifestum plane in modum, antiquissimos plerosque, immo haud dubie omnes, qui primum Reges appellati, non alio fuisse jure: atque adeo jus illud, quo hodie Principes supra Leges ipsumque populum extolluntur, necessario aliud quid esse, quam proprie Regium, si quidem Regia isthæc appellatio, quando exorta est, nihil tale fuit complexa, ut populus, si simpliciter Regem sibi præfecisset, eo ipso detulisse illi censendus esset legibus solutum & obnoxium nemini imperium, quod maxime hujus est loci ac disputationis.

Sed tamen ait Justinus, Principio rerum arbitria Regum pro Legibus fuisse: & ipse Romulus primus Romanorum Rex ex sententia Taciti iis, ut libitum ipsi, imperitavit. Præstabant sane præscis illis

tem-

temporibus Regum arbitria in judiciis & litibus idem, quod postea Leges, quæ nullæ tunc erant; nam neque populus, ut ibidem affirmat Justinus, *ullis Legibus tenebatur*. Leges inventæ sunt tum demum, quum vitia ingenii humani jam essent usu cognita. Quin immo præcipuæ earum ex delictis sunt natæ, & idcirco in corruptissima quaque Rep. quamplurimæ, at rudibus adhuc hominum animis simplices fuerunt & paucissimæ, immo nullæ, ut dixi, sub primis Regibus, quibus proinde feruntur passim Leges veluti successisse. Quum igitur Reges illi jus dicerent, prout ipsi jus ac leges naturæ interpretarentur ista animi facultate, quæ ab natura est hominibus insita discernendi æquum ab ini-

P. 44. quo, sane quam tunc *regum Judicia & arbitria pro Legibus erant*, hoc est, Reges erant Arbitri in litibus & causis nulla Lege definitis: sententiæ eorum ex æquo & bono latæ idem tunc præstabant officium, quod postea Leges de jure privato constitutæ. Eadem porro ratione *imperiali* dicitur & *Romulus Ro-*

*manis, ut libitum*. Nempe haud secus ac *Judex*, qui nullis Legibus in casus singulos est alligatus, controversias dirimit, ut ipsi æquum & bonum videtur, licet illud sæpe sit iniquissimum. Agitur enim apud Tacitum ex professo de Legibus, quas Romanis ante Servium nullas ait fuisse, sed tunc demum sancitas, *quibus etiam ipsi Reges obtemperarent*; Tantum abest, ut fuerint illi apud Romanos legibus soluti, aut omnia, ut libitum ipsis, agere potuerint. Quid, quod Sallustius disertissime *imperium Romæ fuisse legitimum*, P. 45. *nomen imperii Regium* dicat? <sup>8. Cap. tit. cap.</sup> Scilicet quo juris vinculo Reges istic subjecti erant Legibus, postquam jussit eas populus, eodem etiam ante Leges auscultare populo huic debebant, quippe qui jam ab initio in Rep. præcipuas sibi partes vindicaverat sumferatque per se gerendas, curandasque. Quo enim certiori argumento declarari potest, penes populum Romanæ Urbis summam fuisse totius Reip. potestatem, quam quod sibi habuit ac servavit jus pacis & belli; quod suos

ipse designavit Reges & Magistratus; quod nihil ista in Civitate vim Legis obtinuit, nisi quod jussu a populo; quod denique ad eum etiam provocatio ab Regum Tribunali capitalibus in causis fuit facta, ut docuit teste Seneca Cicero in libris de

*Epist.*

*CVIII.*

*p. 46.*

Fateor equidem durius potestea & adductius regnatum plerisque in gentibus, etiam in Urbe Roma, etiam a Romulo, sed factum id nullo, ut plurimum, jure, sola vi, & sæpe factione populari, qua pene omnium populorum libertas convulsa est, & prostrata jacet. Quin & quum exempla latius serperent, suoque contagio infecissent plerasque jam Civitates, largior ultro, plerisque tunc Regibus majorem quoque, quam priores habuerant, a Civibus suis, ex pacto cum iis inito, permissam fuisse potestatem, minime tamen infinitam illam impune quælibet faciendi licentiam, quæ nobis *Regii juris* specie ex Samuele obtruditur, quæque ab homine libero simul & non infans aliis in se concedi vix potest. Qua in re,

non mihi velim, sed Aristoteli, Regibus ceteroqui nequitiam inimico, credatis, affirmanti, *neminem liberorum hominum sponte sua subire aut sustinere imperium vel Monarchiam, quæ rationi reddenda non sit obnoxia, quæque Reip. administrationem non ad Civium, sed ad suam unius utilitatem & libidinem referat.* Quod si illud verum est, ut est, unde ergo in liberis Civitatibus controversum illud Jus ad Reges pervenit? Non utique ab hominibus, qui sui erant juris, suæque spontis. Minime omnium ab illis, qui inter populos prudentia & ingenio maxime valebant, atque ipsam Civilis Sapientiae doctrinam profitebantur. Hi enim si quando ab aliis in consilium adhiberentur de constituenda Reip. forma, quid iis suaferint, discamus sane ex Platone, Philosophorum omnium Principe, qui consultus a Syracusanis, quum Dionysium illi minorem expulissent, jubet eos ita componere Remp. *ut Civibus sit Libertas cum Regno: Reges imperium habeant populo subiectum: Leges vero dominatum obtineant supremum non modo*

*p. 47.*

*Lib.*

*IV.*

*Polit.*

*cap. 10.*

*p. 48.*

*Epist.*

*VIII.*



*modo in alios Cives, sed & in ipsos Reges, si quid & hi contra eas committerent.* Vtinam, utinam præstantissimam hanc Civitatis speciem Gentes cunctæ & instituissent, & potuissent servare! Vtinam tales semper consiliarios & auctores rerum gerendarum haberent sequerenturque populi! Sed fatendum est, sæpe eos sua imprudentia lapsos, & popularitatis captos illecebris, ita summæ potestatis administrationem Regibus demandasse, ut non quidem suum & supremum jus in eos transfulerint, sed tamen illud deinceps adversus eorum violentiam non valuerint tueri.

Nihilo tamen minus si quando postea experimentis  
 P. 49. ipsis comperirent, sua se spe, quam de iis conceperant, falsos, viderentque eos vi ac libidine grassari in quoslibet, tum sane, quam non existimaverint hoc esse jus Regium, ut non liceret neque populo resistere eorum violentiæ, multis profecto & clarissimis, quotiescunque potuere, demonstraverunt documentis. Non dicam, quod *Tyranni* nomen, quo

primum significabatur apud Græcos simpliciter quisque Rex aut Princeps, invisum adeo ac detestabile evaserit omnibus pene gentibus, ut proprie denotarit Regem, qui populi Libertatem, qui Leges, qui jura patriæ opprimeret, suamque potestatem in Cives violenter exerceret; quod ipsum hoc *Regis* vocabulum Romanis quoque eadem de causa tanto in odio fuerit, ut invidiosissima cum acerbitate exprobraretur illis, qui præcipuam quandam in Senatu aut Foro obtinerent auctoritatem, quasi & ipsi supra Leges se efferrent: immo ut prudentissimi ipsorum Cæsarium *Regis* appellationem tanquam maledictum aliquod aut opprobrium exhorruerint, seque *Cæsares esse* non Reges, ita se salutantibus Cæs. responderint. Illud vero haud possum, quin vobis iterum atque iterum inculcem, quod, quandocunque Reges in eam præcipientes irent sententiam, Licere sibi, quicquid libere, & Impune quælibet facere, id demum esse Regium: atque adeo si jam calumniis & rapinis animum applicarent, vel simpliciter do-

dominationem supra Leges exercerent, quod, inquam, populi tunc omnes, qui quidem non essent plane barbari aut stupidi, sine hæsitatione tales Principes, quotiescunque facultas ipsis esset, removerint, civitate exterminaverint, & sæpe etiam  
 p. 51. mortem oppetere cõegerint, facturi id haud dubie sæpius, si sæpius fuisset copia. Quin si maxime id vel non auderent ipsi, vel non possent, & si qui tamen suorum Civium privatim tam glorioso facinore patriam demereri & vindicare sustinuissent, imensis illos honoribus & laudibus in cælum usque semper extulerunt, longe alia mente præditi, quam quæ nunc traditur, nefas esse non modo singulis, sed etiam omni populo, Reges suæ libidinis potiores, quam justis & æqui, rationem ducentes in ordinem cogere. Fatigarem haud dubie vestram, Auditores, patientiam, si oratione mea exsequi tentarem, quæ in hanc partem de communi cunctarum gentium consensu cum ex aliis, tum imprimis ex Cicerone, immo ipso Sozomeno, Chri-

stianarum rerum Scriptore antiquo, commemorari possent, ut *omne illud pestiferum* p. 52. *atque impium genus tyranno-* Civ. *rum, hoc est, Regum, qui* III. de *præter voluntatem populi* Offic. *supra Leges escendunt, ex* cap. 6. *hominum communitate extur-* *bandum censuerint, ut Græci* Cic pro *etiam Deorum honores tribue-* Misone *rint iis, qui tyrannos, licet a* *populis vel deserto vel tacito* *consensu receptos, necave-* *rant, immo ut eos non Græci* *modo, sed & omnes homines* *ad Sozomeni usque ætatem pa-* So- *lam laudare fuerint soliti.* zom. *Hist.*

Sed malo his præteritis Eccler. *devertere vobiscum ad Sa-* lib. VI. *crum nobis Codicem. Video* cap. 2. *enim passim istic populum* *Israëliticum ipso belli & vic-* *torix jure oppressum, arma* *tamen, quum durius habere-* *tur, adversus Victores, &* *Dominos, & suos jam ab* *longo tempore Reges, fi-* *denti animo, Deoque bene* *juvante, cepisse, jugumque* *sibi impositum exuisse. Vi-* *deo istic privatam hominem* *a Deo excitari ad Eglonem* p. 53. *Moabitarum quidem, sed* *decem atque octo annos* *etiam Israëhtarum, Regem* *in Aula ipsius obtruncan-* *dum*

dum, quum ille graviore, quam fas erat, servitute hosce premeret. Non refero tamen hæc, Auditores, ut ea in exemplum, quod imitari quibuscumque liceat, proponam, aut ut temere armem & veluti telis instruam Civium manus adversus suos Reges vel Principes, sed ut ostendam solummodo, neque Deum, neque homines sanxisse jus illud Regium, quo, si ipsis libeat fas humanitatis negligere, atque omnes perverli animi affectus laxis veluti habenis effundere in populum, huic contra nequiquam liceat adversus illos, tali modo in se grassantes, se suosque liberos & uxores, suas possessiones & opes, suam sibi libertatem ac jus ab Natura datum asserere, p. 54. atque illatam sibi vim vi repellere, vel saltem Regibus, ut res suas sibi habeant, renunciare.

1. Sam. cap. 8. Sed quid, si ab ipso tamen Deo diserte satis hocce jus Regibus communiter tributum vel concessum in libro Samuelis reperiatur? Enimvero non ignarus sum, quam raro homines vera rerum vocabula adhibeant, immo

quam sæpe ea etiam penitus amittant. At Deum quoque ejusque oracula in hæc partes advocatum iri, nullus sane credideram. Quid enim? Sanctissimus ille Deus, ille, qui ab omni vitiorum labe est omni modo purissimus, qui abhorret planissime & detestatur, quicquid ea in rebus humanis existit infestum, ille, ille ergo nefas appellaret fas, pravum diceret rectum, injuriam ab homine homini fæderato, immo hominum multitudini, quæ se unius curæ commiserat, factam, specioso *Juris* elogio ornaret? Ille istic tale Jus Regibus daret, qui longe aliud iis Mosaica in lege præscripserat, qui præceperat iis, ne sibi præter modum præterque æquum augerent seminas, equos, aurum argentumve, neve se efferrent supra fratres, seu consanguineos, hoc est, supra Cives suos: immo qui per Moysen, si qua fides *Jo. Antiq. Jud. lib. IV. cap. 2.* sephe, monuerat disertissime populum, ut obviam Regiis irent conatibus, si id ab eo ageretur, ut evaderet potentior, quam ipsis expediret? Ne igitur, ne induca-

H

mus

mus quæso tam alienam ab absolutissima Divini Numinis integritate nostrum in animum opinionem: quin existimemus potius, quod res est, fuisse hoc *Jus Regum*, quale illud filiorum Eli, immo filiorum Belialis, qui sacrificia Israelitarum non Deo, sed sibi, impio plane ausu, profecabant, quum etiam inter Gentes religiosissime ca-

p. 56. veretur, ne quis gustaret quicquam ex hostiis, ante-

1 Sam quam earum proficiæ Diis

2. 5. 13 essent oblatæ. Hocce tamen factum eodem prorsus vocabulo a Samuele insignitur, quo illa Regum facinora, licet paulo post diserte item,

5. 17. ut erat revera, peccatum valde magnum appelletur. Quid ergo aliud id fuit, quam Consuetudo, cum filiorum Eli, tum Regum, orta pessimis ab exemplis impune editis, atque ita veluti usu jam receptis, tacitoque approbatis consensu, quæ sane apud improbos *Juris* vicem abunde sustinent, quoniam, ut ait Tragicus, exemplo qui peccat, minus est nocens? Neque vero aliena est hæc interpretatio a cetero apud Hebræos istius vocabuli usu,

quippe apud quos etiam quamcunque vitæ secum vel inter alios agendæ rationem, quam sibi quisque sumit & proponit suo ex judicio, licet sæpe pessimam, notare certum est. Quid, quod & p. 57. apud Latinos *Jus scelerei* quo-<sup>Lucan. lib. 1.</sup> que datum canat Poeta? Im-<sup>vers. 2.</sup>mo vero, ut simile prorsus & exemplum & locutionem adferam, notabile omnino arbitror, quod Liuius, quum narrasset, L. Postumium Consulem, primum contra mores Romanorum, sociorumque jus, imperasse Prænestinis sumptus, quibus se exciperent, monet & observat, *silentium nimis aut mode-* Lib. *stum aut timidum Prænestino-* XLII. *rum, JUS, veluti probato ex-* cap. 1. *emplo, fecisse Magistratibus graviorum indies talis generis imperiorum.* Pari enim modo & Reges, qui facinora isthæc, quæ Israelitis a Samuele denunciantur, impune designaverunt primi, dederunt successoribus quoddam quasi *Jus* similium flagitiorum, exemplis suis jam veluti receptum & probatum; dum populus contra ea nihil, nisi timido plane ac de- p. 58. generi silentio, tacitave indigna-

dignatione, nullabat. Illud autem Jus quid erat reipsa aliud, quam consuetudo, nulla lege, nullo vero jure, sed sola hinc patientia, illinc usu, firmata & quasi licita?

At vero, opponunt, nisi revera Jus tale sit, sive Regium, sive summi saltem Imperii, quicumque tandem id teneat, non potest ulla consistere Civitas: quin immo exercet illud extra controversiam Democratico in statu Major pars in Minorem. Jam vero, quicquid Juris illa istic obtinet, idem plane habent Reges in populum, quando is simpliciter imperium illis dedit, nullamque simul iniit aut præstituit rationem administrandæ per se quoque Reip. summæque potestatis aliqua ejus in parte exercendæ. Hæc illa sunt, in quibus se jactant, ac sibi mirifice plaudunt, tanquam

p. 59. egregie prorsus locuti, qui Regii Juris causam tuentur.

Ego vero, qui meus est stupor, primum nullus video, cur non optime constituta sibi sit Civitas, & quæ unice in omni Civitate spectanda erat, salus populi, si Reges semper cogitarent &

crederent, sibi quidem permissam totius Reip. procuracionem, sed tamen summam ejus potestatem hære usquequaque in toto populi corpore: si persuasi sint & certi, jus sibi quidem esse, quando æqua, immo quando non iniqua plane, eaque sapius, imperant, cogere singulos in obsequii & obedientiæ officium: verum si regnandi gratia nihil habeant pensi, quo minus jus violent, divina humanaque omnia misceant, vix ullis in rebus pietatem & fas colant, posse se tunc a populo ad reddendam rerum gestarum rationem adigi, & exigere

p. 60. gno tam male ac perfide a se administrato. Spectemus obsecro fortunam Romanorum, immo cunctarum pene gentium. Non dicam felicissimam fuisse Civitatis Romanæ faciem, quando Jus summum haud dubia ratione erat penes populum, licet ejus longe plurimis in rebus exercitium & administratio penes Senatum esset & Consules. Illud rogo, annon infinitis modis meliori etiam loco fuerint fortunæ Civium, salva simul & illibata vi imperii,

perii, sub Augusto & primis Principibus, qui jus illud populi agnoverunt partim, partim metuerunt, quam sub quibus nulla tandem ejus habita est ratio? Quis & Græciæ olim, inque ea Urbis Spartanæ, fuit vigor ingenii, fuit fortuna & gloria, quando seu Reges seu Magistratus comiter reverebantur majestatem populi? At postquam ea jugo infiniti  
 p. 61. istius imperii collum subdere est coacta, non gloria tantum ac fortuna, sed & ingenium & animus ipse ita in Græcis exstingui paulatim coepit, ut hodie nulla Græciæ vestigia in Græcorum præcordiis reperias.

Deinde vero, neque juris iniqui quicquam, mea ex sententia, Major pars Civitatis in Minorem habet, aut exercere ulla specie vel colore potest. Coierunt enim omnes in eandem societatem æquo prorsus jure ac fœdere, eoque potissimum animo, ut salutem suam, ac libertatem, rerumque suarum securam possessionem tanto certius tueri valerent. Constituerunt etiam receperuntque certam curandæ Socie-

tatis istius publicæque jam rei rationem, ut inter se jure ac justitia fruerentur. Quoniam vero neutiquam expedit hominibus, ut temere rursus aboleant mutentue ini-  
 p. 62.

tam jam Societatem, eique etiam administrandæ proprium est & veluti naturale, ut in plerisque saltem rebus id, quod complurium suffragio est decretum, jussum ratumque habeatur, idcirco, quicquid Major pars, malæ fidei non comperta, ad societatis istius rationes vel specie quadam accommodatum sciverit ac sanxerit, id servandum est haud dubie Minori, licet ipsi aliter in Concilio fuerit visum. Quin immo ferenda sunt etiam minora quævis incommoda, ac veluti pensanda maximis, quæ in singulos ex societate ipsa redundant, bonis. Sed & subire ea, utcunque invitos, quodammodo tamen sua sponte, existimandum est, qui eadem Civitate, quæ istiusmodi quid decrevit, uti perseverant, quum utique relinquere eam potuissent. Verum tamen si Major illa  
 p. 63. Civitatis pars tale, seu summi Imperii, seu Regium, Jus,

Jus, quod ex Samuele nobis obtruditur, sibi vindicare vellet in Minorem, si filios hujus partis abduceret invitis parentibus ad faciendum sibi opus rusticum, si filias ad parandos sibi cibos, instruendamque mensam, si vineas ejus invaderet & agros, si decimam gregis & armenti, decimam omnium proventuum sibi sumeret, tum vero Insanam ego & servitute dirissima dignam haud dubius pronunciaverim Minorem illam, quæ, si modo possit, non resisteret, neque illatam sibi vim quocumque modo repelleret.

p. 64. At seditio ea ratione & tumultus incesset Civitatem, societatemque solvet. Fateor illud & agnosco. Verum omnis causa & culpa residet in iis, qui vim fecerunt, non qui prohibuerunt. Est utique etiam generis humani aliqua inter se societas, est & arctior generis Christiani. Quid ergo? Si quando iste publicus jam gentium Europæarum hostis suas illas ferales, illas incendiarias, illas sacrilegas in nos cohortes immitteret, an federemus ignavi

& inertes, pateremurque in tristissimam nos servitutem redigi, ineptissima hac scilicet solitudine ducti, ne, si moverimus lacertos adversus vim ingruentem, ita per nos distraheretur communis illa societas, bellumque exoreretur, quod ut jam olim Græcus Poeta dicere fuit solitus, *magnum* vere est *malum hominibus*, & præciqua eorum calamitas? Enimvero ludibrium præberemus hostibus, joculari quidem illis, at nobis eventu luctuosissimum, si ita essemus animati. Ceterum eadem pene est & Minoris partis in una Civitate ratio, si ab altera contra jus & fœdus societatis dolo malo opprimatur, quæ gentibus adversus gentes æquo sibi junctas fœdere. Sin autem minoribus illa urgetur malis, sed quæ tamen item iniqua sint prorsus, & societatis initæ, vel expressis, vel tacitis, legibus repugnent: sive illa exercitam in se tyrannidem injustamque dominationem a suis cervicibus depellere nequit; nulum est dubium, quin summo tunc jure liceat ei saltem

secedere, & societati, quæ præter expectationem suam, præterque æquum & justum, infida evasit & leonina, nuncium remittere; nisi quis tamen & hoc, Regii Juris, supremique Imperii forsan putet, Cives omnibus modis prius divexatos, seque servituti & violentiæ subducere jam gestientes, etiam p. 66. heic quoque locum ea habent, suppeditabit iterum illa optimorum feracissima Resp. Romana, sed prisca, sed adhuc vitæ & morum integra. Etenim plebeja Urbis istius multitudo, quum a Senatu, quocum comparata erat veluti Minor, certe inferior Civitatis pars, durius tractaretur, secessit plus semel ex Sede patria, Senatunque res suas sibi habere jussit, & vacuis, si vellet, dominari in moenibus. Ecquis est vestrum, Auditores, qui licitum illud fuisse neget? qui factum hoc. incusare auit? Nemo certe Veterum id tentavit, nemo non laudavit hoc in negotio plebis modestiam.

Comparetur itaque, per me licet, Rex cum Majore populi parte, vel sic tamen nullam ex eo speciem, nullum colorem, nihil ne imaginarii quidem Juris recta ratione elicere potest ad continendum in servitute populum, ad subjiciendas suæ libidini Leges, ad ludificandam impune omnem Remp. p. 67. Sed tamen neque justa est illa comparatio Majoris partis in populo Democratico cum Rege, & Minoris cum integro populo sub Rege. Major enim vel accipi heic debet, ut ipse populus, vel si ab eo separari ac distingui potest, est omni populo inferior, quippe qui semper rescindendi potestatem habet, quicquid Major illa pars statuerit. Rex autem nunquam in mandata sibi a populo Rep. tantundem juris obtinet, quantum ipse populus, nisi is disertissime id ei concesserit, & clarissimis verbis indubiisque locutionibus suum a se jus prorsus & plane in Regem illum transtulerit. Neutiquam enim heic sufficit ad illud Regibus asserendum populoque ab-



p. 68. abjudicandum , quod forte  
 iis simpliciter deferret ,  
 non constituerit simul rationem , secundum quam vel  
 conveniret ipse , vel advocaretur ab illis , ut consuleret in commune , & quid in Rep. fieri vellet , declararet sciscereturque . Enimvero rarissime quidem illud , si modo unquam , evenisse arbitrer . Nam quod reperiuntur Regna vel Dynastiæ , in quibus nullum existat Concilium vel totius Populi , vel Electorum , vel Optimatum , id haud dubie ortum ex eo , quod , invalescente paulatim Regum ac Principum potestate , vis Conciliorum , fatali quadam omnium populorum fœcordia , dum singuli suarum sunt rerum , omissa publica , sensim abolita fuerit , atque ita tandem ipsa illa Concilia quoque penitus sublata . Ceteroquin enim antiquis temporibus plerasque Civitates ea habuisse , inque classes , tribus , & Comitia , fuisse ordinatas dispositasque , ex Historiarum monumentis satis superque constat . Neque tamen idcirco per se , aut forte teme-

p. 69.

ro , conveniebant , sed per Regem aut Magistratus suos vocati : neque scisciebant jubebantque quicquam , nisi de quo ad se ab iisdem esset relatum . Quid ergo , si forte vel Rex , vel Magistratus illi conspiratione quadam nullum unquam advocarent Concilium , nulla haberent Comitia ? Interciderint tunc quidem , & extinctum sit plane jus illud populi ? Immo vero , quando ille jam convenit integer , quoque etiam modo convenerit , jus suum semper obtinet , nulla parte imminutum , si modo se ipse nunquam diserte eo exuerit . Id quoque , ne de hodierno hoc Angliæ & Scotiæ Concilio loquar , Urbs Roma probabit firmabitque . Dederat istic populus Decemviris , Legum scribendarum gratia constitutis , amplissimam profecto potestatem p. 70.  
 Reip. totius administrandæ , adeo ut Viri Eruditissimi istis quoque Regum illud tribuant imperium , licet multis tamen documentis ostendiqueat , jus illud summum , quod populis sua in Rep. naturale est , fuisse etiam huic reve-

revera integrum, atque a primis Decemviris agnitum. Ceterum quum posteriores traherent lacerarentque Remp. libidinoſe & crudeliter conſulerent in Cives, nihil ad Senatum referrent, Comitia, quia nunquam vocabant populum, ex uſu veluti tollerent, & deſuetudine oblitterarent: an itaque tunc populus, quum ſecundum leges Civitatis, & receptum Reip. ordinem per ſe ipſe coire non poſſet, & præter Decemviros nemo alius jus illum convocandi haberet, nullo jure fecit, nullumve jus habuit, quum, extra ordinem congregatus, licet modeste ſatis, repetiit ab injuſtis illis Reip. inſeſſoribus ſuam libertatem? Nemo, opinor, veſtrum id dixerit, nec memini uſquam legiſſe ullam hujus facti accuſationem.

Sed vereor jam dudum, Auditores Præſtantiffimi, ne intra animum tacita quadam indignatione mihi ingeratis. Quid, per Deum Immortalem, ſibi vult hæc Tua Oratio? An ut auctoritas quædam concilietur ſeditionibus

populi? Ut jus imperii penitus labefactetur convellaturque? Ut civilia paſſim & inteſtina excitentur bella? Ego vero ante omnia obnixè velim, hanc mihi habeatis fidem, nunquam me faſſiſſe tumultuanti & ſeditionis plebi, ut quæ ſemper, mea ex ſententia, præſtantiffimos quosque ſuæ Reip. Viros, & vere Optimates, maxime ſuſpectos habere ſolet & inſiſos, quæ, ut Verbo dicam, uſu plerumqueprehenditur teterrima eſſe Civitatum ſentina & peſtis; pernicies & ſcopulus publicæ Libertatis ſane quam periculoliſſimus. Quapropter nihil mihi cum ea neque nunc, neque unquam alias, commercii aut negotii eſſe volo. Deinde illud etiam atque etiam rogo, excuſatis diligenter memoriæ veſtræ fidem, perpendatiſque, annon infinitis modis plura evenerint ſemper, atque utinam non evenirent deinceps, in genus humanum mala, ex eo, quod ita nunc fræna laxantur tyrannidi, quod ipſa tyrannorum ſcelebra & flagitia jure quodam

p. 72.

ornantur muniunturque, quod populus omnis ad se tuendum, atque ab acerbissima oppressione vindicandum, veluti exarmatur, & si id tamen tentare forsitan audeat, omnium odio & execrationi obicitur; quam ex asserto innocuum in modum populi totius adversus injustissimam unius hominis dominationem Jure. Certe Ego nihil aliud vobiscum hac oratione egi, neque aliud quicquam spectavi, quam ut ostenderem, Imperium in liberos sui que arbitrii populos duxisse primam revera originem & naturam ex Mandato, licet acceperit deinde sæpius majorem aliquam vim ac Jus ex Pacto: atque adeo neutiquam sequi ex ipsa Imperii simpliciter delati natura, ut liceat impune in populum quovis modo grassari, populo autem nequaquam liceat iniquum illud tyrannidis jugum excutere, tanquam si nihil prorsus sibi adversus eum, cui summa cum libertate sui curam & salutem commendaverat, publicæ rei permiserat tutelam, servaverit juris, non modo Civilis, sed ne quidem

Naturalis, quo licitum ceteroquin unicuique, vim ab alio intentatam, quoquo modo prohibere, avertere, quin & punire. Immo vero recte in eo fecisse, & optimo suo jure usos, cum alios olim, inque iis nostros quoque majores, tum nuper admodum Anglos, Scotosque, quod Regem, qui nullam non publicarum Legum attaminabat, qui nihil juris sanctum populo & integrum relinquibat, qui omnem Remp. ad se suæque dominationis incrementum trahebat, destituerint vel abdicaverint: Recte etiam & iustissime facturos vicine regni Cives, si immanissimæ, quæ in eos incumbit, tyrannidi obviam ire audeant, atque avide prorsus affulgentem ex proximo suæ salutis spem arripiant, suarumque opum viribus juvent & promoveant. Habeant ceteroqui Reges, habeant Principes, habeant Magistratus, gerendæ Reip. Legibusque exercendis præfecti, imperium ac potestatem, qua seditiones vulgi, & tumultus compescere, facies & concitores motuum civilium coercere, seque aut

Lib.  
117.  
Polit.  
cap. 11.

p. 76.

domi pacem, aut foris bella  
e re publica fideque sua tra-  
ctantes adversus imperitissi-  
mæ simul & iniquissimæ ple-  
bis fufurros aut conatus va-  
leant tueri; immo habeant  
vires & copias, per quas,  
ut volebat Aristoteles, su-  
periores sint, non modo sin-  
gulis, sed etiam compluri-  
bus, omni autem populo in-  
feriores, hoc est, cohibere  
possint tumultuantes, mo-  
lientesve res novas in popu-  
lo, ipsum populum opprime-  
re, & in servitutem redige-  
re nequeant. Utinam vero  
ubivis gentium reipsa esset  
simul Salus Populi suprema  
Lex, simul declarata ejus-  
dem voluntas & consensus  
supremum Jus! Utinam Ma-  
gistratus & Principes sem-  
per sibi proponerent, sicuti  
Legibus exercendis &  
tuendis præfæti sunt, sic  
oportere tamen & eos una  
cum aliis, Legibus esse sub-  
jectos! Utinam vere esset ea  
mens & cura Principum, ut  
etiamsi Legibus se forte ar-  
bitrentur solutos, Legibus  
tamen viverent & ipsi, &  
eorum Cives, viderentque  
pariter omnes, ne quid  
Resp. detrimenti caperet!

Sed ut cumque sit de aliis,  
Vos Ego, Ornatissimi Ado-  
lescentes (nam in Vobis de-  
sinet hæc mea Oratio) cer-  
tos Ego Vos esse jubeo,  
me secundum Leges nostras,  
quæ quidem inusu & de-  
suetudine nondum jacent  
quasi sepultæ, Magistratum,  
quem hodie inivi, gestu-  
rum, nullum iniquius inhi-  
biturum in Vos imperium,  
nihil denique potestatis inu-  
sitatæ mihi arrogaturum. Sed  
vicissim per vestras Ego Vos  
fortunas obtestor, vestro-  
rumque de Vobis paren-  
tum spem, per quicquid  
carum vobis desideratumque  
est, vitam ut vestram, ve-  
strasque actiones, dum no-  
stri eritis Cives, dirigatis  
secundum easdem Leges,  
quas Vobis Nobisque sum-  
ma hujus Athenæi potestas  
præscripsit, commodas, uti-  
les, salubres utrisque. Ne  
vero quisquam ignorare eas  
possit., præclare & illud a  
majoribus nostris institutum  
fuit, ut quotannis vestra  
pro concione palam heic re-  
citantur. Cui instituto &  
Ego hoc hora, ut par est,  
obtemperaturus, edico jam  
nunc Scribæ nostro, quem  
ea

p. 77.

ea gratia in inferiore hoc  
subsellio confidentem vide-  
tis, ut Academicas illas Le-  
ges, Vobis audientibus, e-  
lata & distincta voce legat.

Vos quæso animum advor-  
tite, & studia moreſque ve-  
ſtros ſedulo ad eas confor-  
mate.

## D I X I.



A V.

IX

U L R I C I H U B E R I  
AUSPICIA DOMESTICA

Exercitationum, Quibus Otium,  
quod ILLUSTRES

*FRISIAE ORDINES*

Ei apud Academiam suam fecerunt,  
occupare constituit.

*Accedunt amœniora quædam alia.*

# THE HISTORY OF THE

REIGN OF

CHARLES THE FIRST

BY

JOHN BURNET

OF

THE UNIVERSITY OF OXFORD

IN TWO VOLUMES

LONDON

Printed by J. Streater, at the Sign of the Gun, in St. Dunstons Church-yard, near St. Dunstons

1704

Printed by J. Streater, at the Sign of the Gun, in St. Dunstons Church-yard, near St. Dunstons

1704

Printed by J. Streater, at the Sign of the Gun, in St. Dunstons Church-yard, near St. Dunstons

1704



*Celsissimo & Illustrissimo Principi,*

# HENRICO CASIMIRO

D. G. Principi Nassoviæ &c. Comiti Catimelibociæ,  
Viandæ, Dietzæ, Spiegelbergæ &c. Baroni Liesveldiæ,  
Domino Beilsteinii &c. Gubernatori & Capitaneo Gene-  
rali *Frisiæ* Hereditario; & Groningæ Omlandiæ Drentiæ-  
que Præfecto domi militiæque Supremo. Acad. Frane-  
keranæ Curatori Honorario, Magnificentissimo. &c. &c.

U T E T

Nobilibus ac Potentibus

D O M I N I S

*Ordinum Frisiæ Delegatis ad Acta,*

O C T O V I R I S

LASIO van BURMANIA  
ARNOLDO van HAERSMA  
WILHELMO van HAIREN  
TJARDO van AYLVA  
DANIELI BLOQC van SCHELTINGA  
VALERIO van GLINSTRA  
TACONI à TÊKEMA  
HENRICO à DOMPSELAER  
ULRICUS HUBER S. D.

(A) 2

Cel-

Celsissime PRINCEPS  
Nobiles & Potentes DOMINI.

**V**alerius Licinianus Senator quondam Romanus iniquitate fortunæ, an Principis sui, è Senatu ad Eloquentiæ professionem redactus, in præfatione primi actus dolenter & graviter dixisse legitur: Quos tibi fortuna ludos facis! facis enim ex Professoribus Senatores, ex Senatoribus Professores. Cui sententiæ tantum bilis, tantum amaritudinis inesse, Plinius censet, ut Licinianus ideo professus ei videatur, ne hoc non diceret. Me quoque, Celsissime Princeps, de Professore Senatorem nihil ejusmodi expectantem honorifice fecisti; Ex Senatore Professore denuo. Tu, Proceresque Nobilissimi, non fecistis; baud sane, quod indigne habitum me judicarem, si ad veteres Musas redire cupienti docum in spectatissimo ordine capere licuisset; At tamen honoris causâ meique & Amplissimæ Curiæ Reipublicæ respectu faciendum censuistis, ut Ex-Senatoris titulo noscendus, apud Academiam Reipublicæ literariæ comoda pro meâ facultate promoverem. Atque tantum abest, ut hæc mutatio cum Liciniani casu quicquam habeat commune, potius ut omnia summi beneficii vim effectumque mihi familiæque meæ præstiterint. Namque cum plures justæque rationes ad tranquilliora studia redeundum mihi suaderent, easque tibi, Celsissime Princeps, pro facilitate benevolentiaque erga me tuâ probassem, ne alteras quidem meas magni momenti preces adspernatus es, quin annuisti, ut Senatorium munus, quod totum Tui muneris erat, in filium transferre liceret: Hæc enim mihi amicisque sola ratio exeuendi è Senatu, non modo honesta, sed etiam judicio populari speciosa videbatur. Cum autem una me difficultas, juvenus filii, retardaret, Nobilissimusque HARENIUS pro sua gravitate prudentiæque salutare medium monstrasset, æque facilem in hoc amplectendo TE præbuidisti, Vestroque Nobiles atque Potentes Domini favore, nec non relatione factum est, ut Illustres Ordines amplissimâ Secretarii sui dignitate meum filium cobonestaverint. Tu vero, PRINCEPS, ne non abunde sperata surrogatio, pensata videretur, absens, etiam mandata dedisti Reverendo Amplissimoque Viro, Johanni van der Waeyen. Tuæ Celsitudini à Consiliis, ut solertissimo ita fidelissimo, ageret apud Magistraturæ inclytæ civitatis Leovardiensis, Tuo nomine, quo Consiliarii quoque

Pen.

# D E D I C A T I O.

Pensionarii bonore eundum meum filium augere vellent. Quod ille pari fide pro tuis voluntatibus, pari amore nostri, industriaque res gerendi effecit, quâ antehac & in Senatoria dignitate mihi concilianda & in exitu decore deinde moderando versatus fuerat. Nunc Celsitudini Tuæ vobisque Nobiles ac Potentes Domini submissâ manu offero Auspicia functionis, quâ me novo exemplo Patriæ beneficentissimæ additum mancipatumque voluistis. Non arbitratus sum pudori mihi fore, si quod nomen vos me publice gerere nolulistis, ejus ego vim domesticis officiis juventuti præsentarem. Quod animi propositum re jam effectûque probari cæptum in his paginis non uno loco expositum reperietis. Est heic Collatio prima Juris Frisici cum Romano, in Illustri auditorio habita; sunt insuper aliquot Orationes, cum hac occasione, tum alias habitæ, argumento non eloquentiâ se commendantes; quam affectare cum ita recitarem, quasi scriptæ non essent, supervacuum vel ignoscendum fuit. Vobis autem ideo dedicandas putavi, ut quorum auctoritate hæc Auspicia capta, futuræque exercitationes habendæ sunt, eorum favore præsidioque primum hujus generis scriptum prodeat in lucem; donec alia, liberalitate vestra digniora, si mearum id erit virium, elaborentur. Interim bis verbis publicè Vobis gratias agere maximas volui; habere nunquam desiniam, neque precari, uti vos Deus optimo publico diu conservet, omnibusque fortune animique bonis augeat.

Franeckeræ

2. d. VII. Kall. VIIIBr. CIO IDC LXXXII.

U L R I C I H U B E R I  
O R A T I O.

Habita ante primam Juris Frisici cum  
Romano Collationem, domi ipsius a. d. vii.  
Eid. April. cio dcc LXXXII.

*Qua rationem reddit, quur, postquam ex Antecessore,  
locum in Supremâ Frisiorum Curia accepisset,  
inde post triennium rursus ad tranquil-  
lora studia se contulerit.*

Præterea de antiquo & recentiore modo disputandi  
conferendique differitur.

*Celssime & Illustrissime PRINCEPS, Gubernator bujus  
Provinciae Hereditarie, Curator Academiae Honorarie, Magnificentissi-  
me, Domine Clementissime.*

*Illustres Ordinum Generalium, Frisiae Deputatorum, Curiae Supremæ,  
& Admiralitatis, DOMINI Adsesores.*

*Tuque è multis Legationibus Excellentissime Vir, & Academiae Curator.  
Procurator Frisiae Generalis Amplissime.*

*Domini ac Proceres, qui præterea adestis, Nobilissimi, Spectatissimi.  
Rector Magnifice, Admodum Reverendi, Consultissimique Professores,  
Amici bonoratisimi.*

*Prudentissimi DD. Consules & Decuriones.*

*Pastores venerandi, Doctores, atque Togati Prudentissimi, Magistri,  
Candidati Eruditissimi.*

*Vosque Generosi, ac Ornatisimi Juvenes Studiosi.*

SI,

## O R A T I O. I

**N**I, quàm ego me libenti atque gratanti animo ad meas veteres Musas & intermissa sacra recipio, tam vos, AUDITORES, æquos & intelligentes instituti mei æstimatores habeo; sicut habere me confido; non est, quòd de ratione consilii mei vobis approbanda sollicitè laborem. Sed mea sic est opinio, non esse prudenti viro in ordinandis rerum suarum vitæque momentis negligendum illud popolare; *Quid dicent homines?* & sive quædam imbecillitas illa, sive non pudenda sit animi sententia, nihilo secus ego in actionibus studiisque meis animadvertendum censeo, quid hi mortales, quibuscum vivo, quam quid posterì, quorum nemo Sapiens sprevit iudicium, sint laudaturi. Enimvero non debeo dubitare, quin hominum iudicia de personâ, quam per hoc triennium in Republicâ sustinui, deque meis viis, jure quodam suo varia & arbitraria esse possint. Qui per duos & viginti annos Academicam doctrinam publicè professus, inde è Schola

in Curiam, ex umbra auditorii in lucem magni fori translatus eram: Nunc iterum veluti prænitens suscepti muneris; relicto foro, in Academiam me recondo & quasi postliminio ad antiquam studiorum consuetudinem relabor. Extitere quidem & alias exempla Professorum, qui è cathedra *Themidos* in Senatorium Tribunal evecti fuere; qui verò è Senatu rursus ad Academiam se contulerit, adhuc repertus est nemo: Proinde, recusandum mihi non est, quin æquo animo cives meos de novi exempli ratione disceptantes judicantesque feram, atque forte an etiam errantibus indulgeam. Quo minus autem frequenter id usû veniat quam necesse sit, existimavi faciendum esse, ut antequam id acroama, cujus gratia frequentes convenitis, *Auditores*, aggrediamur, ingenue vobis dicam, quæ mihi tam prioris quam novissimæ mutationis ratio constiterit. Intelligo, si dicam, in utraque me nihil æquè considerasse, quam ut studiorum jurisque prudentiæ cultum in animo meo augerem, multis

multis id inexpectatum minusque credibile visum iri, qui aut honoris aut pecuniæ rationes in omnibus consiliis primarum partium esse arbitrentur. Equidem, non sequor eorum sectam, qui vetant sapientem ejusmodi rerum aliquam præferre curam, nec utor ea conditione fortunæ, ut spernenda mihi sint dona Deorum; sed liceat hoc absque metu invidiæ profiteri, me semper ejus fuisse sententiæ, quâ Pomponium, è juris conditoribus unum, in extremâ senectute sic animatum fuisse accepimus, ut optimam vivendi rationem statueret esse *discendi Cupiditatem*. Quamvis autem hæc in recessu bibliothecæ gymnasioque melius quam in medio hominum & in strepitu fori à studiosis hominibus coli & expleri posse videatur, censeo tamen haud temere laudatum esse à veteribus Afranium Poëtam, qui Sapientiam in Comœdiâ sic fecerat loquentem; *Ufus me genuit, mater peperit memoria*. Quem versum qui recenset Auctor, ad eum hoc modo commentatus est: *Eximie hoc atque verissime*, ait, *Afranius Poëta de gignendâ comparandaque Sapientia opinatus est, quod eam filiam esse usus & memoriæ dixit, eo namque argumento demon-*

*strat, qui sapiens esse rerum humanarum velit, non libris solis atque disciplinis opus esse, sed oportere eum versari quoque exerceri in rebus omnibus noscendis periclitandisque, eaque omnia acta & eventa firmiter meminisse, & proinde sapere ac consulere ex his, quæ pericula ipsa rerum docuerint, non quæ libri tantum ac magistri didicaverint.* Hactenus noctium Atticarum scriptor. (1) Et mihi quidem sic venerat, ut è subseiliis discientium adolescens adhuc in Doctorum cathedram publica auctoritate productus, in eaque grandi mortalis ævi spatio commoratus, parum aut nihil eorum quæ in usu rerum humanarum habentur addiscere possem. Non equidem ita me addideram in angulos & secreta librorum, ut penitus nihil eorum, quæ in foro Curiisque tractantur, audirem atque viderem, cujusmodi homines in scholis stultissimos fieri Sattyricus (2) arbitratur; sed tamen agendo periclitandoque in intimam earum rerum notitiam penetrare me non potueram. At huic rei pulcherrimam facultatem deinceps præbuit Tua Celsissime PRINCEPS generositas, qui locum mihi in Supremo Senatu juridico Frisiorum, dignatione maximis in Re-  
publ.

(1) Lib. XIII. cap. 8. (2) Petronius *sub init.*

publ. honoribus parem, measque fortunas revera transcendentem, sine ullo ambitionis respectu glorioso exemplo deferre voluisti. Atque tum id tempus eluxerat, quo doctrinam è libris disciplinisque studiorum hausitam, & exercitiis commissionibusque Academicis auctam vivâ exhibitione periculisque rerum instruere atque firmare liceret. Nec vero metuendum fuit, ut obliviscerer, *Auditores*, operam dare, quo commodum illius optatæ magis quam speratæ occasionis in rem utilitatemque meam studiosè converterem. Quod adeo bonâ cum veniâ vestrâ fiat, utar hac libertate, ut obiter vobis exponam, quæ ratio, quis ordo laborum, in hac opera triennali, quam foro navavi, servatus à me fuerit, ut, iis auditis, existimetis, jure modo, an injuriâ causam mutati vitæ instituti, cultum ingenii doctrinæque fuisse declaraverim.

Primo omnium ab ingressu in Senatum complexus sum animo meo divisionem totius Romanæ Jurisprudentiæ in partes duas, alteram quæ diversitate Rerumpublicarum, mutatione temporum, atque morum his diebus, ne quidem in patria nostra, juris scripti alioqui tenacissimâ usurpatur, & alteram, quæ rationibus semper & ubique valituris subnixa,

neque legibus aut moribus abolita nostris, hodieque servatur. Putavi recte me facturum, si hanc posteriorem inde ab initio in ordinem scriptumque redigerem, eoque velut in adversaria congererem, quicquid in adjudicatione causarum omni die memorabile ventilaretur: effectumque id dedi celerius quam pene credideram, adjutantibus aliquot studiosis adolescentibus, qui manus suas calamosque dictanti impigrè commodavere, dum opus ipsum accessione rerum, identidem in foro occurrentium, nivei instar orbis assiduo cresceret ac invalesceret. Visum etiam convenientius ingenio illius scripti, ut eodem cuncta sermone, quo in senatu tractabantur, exararem, non quia minus ad laboriosum, sed quod ita comperiebam, vernacule cogitata mea clarius & simplicius fluere, dictaque propius ad captum popularem, quo me demittere volebam, accedere, quam si erudito sermone res quotidiani usus efferre voluissem. Nec est quod dissimulem *Auditores*, me, cum utilitate tum voluptate singulari in hoc novo genere studendi esse versatum. Nam præter quod homini studioso discendi profectu nihil dulcius esse potest, haud facile dixerim,

(B)

quam

quam mihi jucunde hæc res even-  
nerit, quod regulas juris antiqui  
totius auditoribus inculcatas meis,  
non modo, ut positiones & pla-  
cita Cæsarum, sed etiam ut juris  
Naturæ, hoc est, Divini dicta-  
minis æquissima Præcepta, re-  
bus actionibusque hominum egre-  
gie convenire sentiebam. Place-  
ant sibi Censores Juris Romani  
vicio creati, infectando pleraque  
eorum, quæ Justinianus è vete-  
ribus hausta nobiscum communi-  
cavit. Mihi sic in illa experien-  
tiæ officina compertum est, long-  
ge maximam partem eorum, quæ  
ab illis sciolis exagitantur, opti-  
me cum ratione bonoque publi-  
co conciliari. Nec adeo dubi-  
tem adfirmare, quot illi nævos  
Juris Latini censent eluendos,  
pene tot errores Pragmaticorum  
nobis esse vitandos. *Atque hoc loco  
non possum, quin beatam prædicem  
Patriam meam præ cæteris Europæ  
nationibus, quod cives suos non se-  
cundum æquitatem veri nudiussve ter-  
tius repertam, sed juxta cynosuram  
cultissimæ artis per mille fere annos  
à sapientissimis hominibus elaboratæ  
gubernat. Parcius, per me licet,  
imprecemur diras factionibus Schi-  
ringiorum, (3) quique illis adver-  
sati sunt, & placabilius irascamur*

*majoribus nostris, quod bellis omni-  
um contra omnes integro seculo &  
amplius continuatis, pristinas gentis  
leges, inconditas illas, cum toto im-  
perandi parendique ordine subverte-  
rint, ut intestinis defuncti furoribus  
in vacuum juris locum perfectissimi  
exempli disciplinam adoptarent. Rose  
vero & lilia tuum, Alberte Saxo,  
(4) monumentum perpetuo exornent,  
quod dissolutum populum saluberrimo  
vinculo colligasti; Legibus, in qui-  
bus omne delictum Themidos est fi-  
tum, & custode Legum Senatu, non  
auctoritate modo venerabili, sed etiam  
potestate salutare pro vindictis legum  
armato. Sed ex diverticulo, sul-  
tis, in viam redeamus: Ego,  
præstantissimi Auditores, sic ratio-  
nes meas inibam, ut studium Ju-  
ris Romani, cui inde ab ineunte  
adolescentiâ deditus & adfuetus  
fueram, periculis rerum actio-  
numque forensium instruerem ac  
corroborarem, non etiam ut de  
interprete Juris toto genere mu-  
tatus in pragmaticum transirem,  
inque fori profundum me immer-  
gerem, quo saltem tingi, quod  
fatis esset, imbuique cupiebam.  
Nam, ut liberè quod res est di-  
cam, non erat, ut ab animo im-  
petrarem meo, vitam omnem  
transigere in hoc genere, quod  
&*

(3) Auditor in *Hist. Civ. part. II. Lib. I. Sect. II. cap. 11. p. 220.*

(4) Auditor *d. l. Sect. III. cap. 10. p. 244. seqq.*



& serius ac alii inceperam, & in quo nihil præ aliis Reipubl. præstabam; denique ut eam facultatem, in qua sine jactantiâ possum dicere, me ante alios multos exercitatum esse quoque multo prolixius Patriæ commodis servire poteram, hanc ut abjicerem & à tergo relictam oblivioni traderem. Ideo, cum quod animo conceperam, mediocriter adsecutus videbar, in hoc me sedulo comparavi, ut ex iis quæ in foro intellexeram, Juris scientiam, sicut eam professus fueram, meo commodo munirem atque illustrarem. Contraxeram ante hac lectiones meas familiares ad libros Justiniani Institutionum & Pandectarum, eosque pridem in gratiam auditorum meorum ære typographico excudi curaveram. Has institui recensere & emendando, supplendo, mutandoque in eam formam redigere, ut universam juris prudentiam moribus seculi adtemperatam compendio repræsentarent. Nam etsi jus illud pragmaticum ita composueram, ut Romana quæ ab usu recessere cuncta secernerem, stetit nihilominus semper hæc animi sententia, sicut est revera, non videri Jureconsultum esse consummatum, qui utramque studii nostri partem & *dicælogicam* & *anti-*

*quariam* memoria non comprehenderit. Idque non modo hac gratia, ut in Academia quis docendi munere fungatur, sed etiam ut forensi more jus colat & exerceat. Nam quia totum jus Romanum uno artificio devinctum & colligatum est, non habet res facultatem, uti quæ nostris moribus vigent ita de reliquo corpore præcendantur, ut altera sine alterius notitia plane penitusque intelligi possit. Sed qui recensione mearum lectionum defungi me posse credideram, cum vestigia relegerem, in eam adductus sum opinionem, posse plura paucioribus dictis, etiam clarius & efficacius collocari. Nec diu cunctatus totum Justiniani disciplinam secundum Institutiones & Digesta, prioribus indutis, in novas *positiones* redegei, habitâ passim ratione discrepantiarum, quæ ex diversitate temporum atque morum plerâque Europâ invaluerunt. Sed quo imprimis id opus qualecunque, profecto leve ac tenue, placere mihi possit, est certitudo major, & judicium adseveratius de usu sententiarum Juris, quæ his libris continentur, præ quam olim imaginari potueram; etsi ut historiarum rerum judicatarum, quæ absolvunt hoc judicium, adjunge-

rem brevitatis instituti hoc tempore non permisit, Forte Deus alias otium animumque dabit hunc defectum supplendi, quod ad ea quidem attinet exempla causarum, quibus ego decidendis interfui, vel ab iis qui ipsi interfuere, scripto relatuque percepi. Nam si quis alius ex eventu decisionum de sententiis Juris interpretationem capere velis, nã hunc sæpius ab semitã veritatis oporteat aberrare, quando rationes, quibus moti fuere iudices, nullo modo quam à præsentibus intelligi possunt. Idque *Wissenbachius* noster, quem honoris causa nomino, carissimæ præceptor memoriæ, sine dubio expertus fuisset; si Curia supremæ Patres annuissent ejus desiderio, quod in epistola dedicata ad primam Digestorum partem illis exposuerat, ut imponerent sibi provinciam colligendi digerendique & illustrandi decisiones, quæ post excessum *Sandii* in augusto Curia sacratio ineditæ adservantur. Sed has, inquam, repetitas lectiones jam denuo inchoatas haud inficior eò diligentius absolutas esse, quod augurabar aliquando, fore, ut iis ipse

met enarrandis adhuc operam dare possem; cujusmodi occasio celerius multò quam præsumeram nata vel oblata est. Namque, cum motus opportunitate notabili, ab Illustrissimo Principe *Nassovio*, Gubernatore hujus Provinciæ Hereditario, spe gloriaque Patriæ, ne quid amplius de præsentem dicam, demisse commeatum petiissem, Ille non modo gratiosissime roganti annuit, sed & operam dedit, ne abitus ex amplissimo loco mihi familiæque meæ vel honoris vel emolumentum causa pœnitendus esset. Verum ut ipse patriæ, cui jam olim tot tantisque beneficiis obstrictus eram, in æternum bona fide manciparer, Illustres & potentes Frisiæ Ordines in quatuor *Diatas* (5) consentientes, otium mihi apud Academiam suam honorificum fecerunt. Otium appello, sed cui maximum ego negotium inesse interpretatus sum; nec enim ejusmodi id otium est, quod sub nomine magnifico per inertiam duci queat: quippe nomen quod attinet, id Patres Conscripti ab hoc otio, an negotio meo, penitus abesse voluere: simpliciter ita jusserunt, ut in hac civitate domicilium meum

(5) *Oostergoas, Westergoas, Septemsylvaniae*, & quæ, auspiciis Gulielmi I. Aradionensis, a prioribus distincta accessit Oppidorum XI. Auctor in *Hist. Civ. part. III. lib. I. sect. VII. cap. III. p. 573. seq.* & *Grotius in Annal. ad ann. 1584.*

meum collocem, ibique scriptis meis paratis parandisque Jus Civile, Jus publicum, atque Iuriscum illustrare satagam; sed & vobis, gratissimi Themidos alumni, cum rogatu singulorum, tum aliquando universis, aditum apud me præbeam, ita quemadmodum utilitati vestræ, gloriæque Academiæ potissimum convenire visum fuerit. Equidem intelligo, priorem hujus mandatæ provinciae partem omnium esse gravissimam; siquidem in primis mihi bene constat, quam sit res difficilis ita scribere, ut eruditorum judicia, & imperitorum fastidia ferre possis; utrumvis autem tibi adversum eveniat, scito jace-re tua scripta & habere sua fata libellos: Sed viva voce docendo famam propagare minus arduum multis atque proclivius esse res ac experientia docent. Idcirco mihi sic videtur, optimum factum esse, ut viam utramque non tam seorsim ingrediar, quam pariter atque junctim incedam, idque sine ulla novitatis effectatione, venerandæ antiquitatis imitamento. Ita enim veteres facili-tate solitos accepimus, ut cum scriptum aliquod in lucem edere cogitarent, prius illud in auditorio publice prælegerent hominumque judicia experirentur, quo cepsuris eruditorum exactius &

limatius prodiret. Hoc exemplo atque scopo communicavi vobiscum. Viri Doctissimi, jurisque Patrii consultissimi, positiones aliquot ejusdem Juris cum Romana disciplinâ comparatas, ut vestro examini judicioque subiectæ aliquando in eum statum venire queant, ut, si publico dentur, reverentiam aliquam posteritatis præ se ferre videantur. Quo autem id liberius & spectatius, simul cum aliquo in circumfusam juventutem fructu fieret, visum est hac gratiâ solennes instituere *Collationes*, præsertim quia Dominis meis ita placuit, quod palam præstiturus essem, id nomine *Collationum* in decreto suo designare. De nomine alioqui non laboro; nam si quis id quod agemus *disputationem* putet appellandum, me quidem non habebit refragantem. Quin si grave non erit patientiæ vestræ, *Auditores*, date mihi hanc veniam, ut præ-senti occasione tam de voce, quam de omni genere disputandi conferendique, breviter sed paulo magis scholasticè, quam reliqua fluxit oratio, dicam.

Disputandi verbum esse compositum ex præpositione *dis* & verbo *putandi*, evidentius est quam ut monendum fuerit. *Puto* derivatum est à *puro*, sicut *Alfenum*

Jure consultum scripſiſſe *Gellius* (6) auctor eſt, per formam diminuendi, opinor, quaſi, tu dices, *purito*. *Putare* veteres dixerunt, ait *Gellius*, vacantia ex quaque re ac non neceſſaria, aut etiam obſtantia & aliena auferre & excidere, ac quod eſſe utile ac ſine vitio videatur, relinquere; ſic namque arbores & vites, ſic etiam rationes putari dictum, argentum quoque *putum*, id eſt, puratum dicitur. Inde tranſlatio facta eſt, ut *puto* ſignificet id quod declarandæ ſententiæ noſtræ cauſa dicimus, quatenus deciſis amputatiſque falſis opinionibus, quod videatur eſſe verum & integrum & incorruptum retinemus, ut iterum *Gellius*. Nec tantum animi decreta ſic exprimuntur, ſed etiam actus ipſe ratiocinandi cogitandique, ut apud Terentium; *Dum hæc puto, præterii imprudens villam & alibi, mitte maledicta, rem ipſam putemus*. Particula *dis* in compoſitis non tam augere ſignificationem, quam diverſitatem aliquam ſeparationemque inferre videtur, utin diſcors, diſpar, diſſentio, diſjungo; ſic etiam diſputo, quando putando falſum à vero divido. Etenim Græcanica eſt hæc vöcula, ſignificans *diſtaſem*, adeoque diſiſionem, que

tam reſpectu rerum duntaxat, quam perſonarum ſimul, intelligi poteſt. Priore ſenſu iſ quoque *diſputare* dicitur, qui continua oratione rem controverſam diſcutit, falſumque a veritate dividit; Altero modo frequentius & efficacius *putandus* actus inter duos appellatur *diſputatio*. quod exercitium indagandæ explicandæque rerum cognitioni aptiſſimum, omnique ab ævo diſcendi cupidis hominibus uſitatum fuit. Modus autem diſputandi alius apud veteres erat in uſu, alius hodiè in ſcholis exercetur. Veteres aut continuis orationibus per vices mutuas de rebus controverſis agebant, aut dialogis ſive colloquiis brevioribus rationes ſuas commutabant, qui modus inter Socraticos & Academicos olim celebris etiam à Marco Tullio aliſque Latinorum uſurpatus eſt. Mos hodiernus diſputandi in hanc formam apud ſcholas invaluit, ut ex duabus brevifſimis poſitionibus eductæ conſuſiones hinc inde collidantur, cujuſmodi collectiones *Syllogiſmos* appellant. Prior & antiqua ratio plus artis & eloquentiæ requirebat, altera & hodierna conſuetudo ad altercandum argutandumque melius comparata eſt, eaque à multis retrò ſeculis

seculis adhuc in Academiis regnat, nisi quod nuper admodum Galli in suis, quas vocant, *conferentiis*, & Philosophi atque Theologi recentiores, etsi novitatis invidiâ adpersi, in meditationibus suis explicandis ad antiquitatis exemplum hac parte se componere malunt; rati haud immerito, illis *argutiarum* torturis atque *metæandris*, nimium involvi intricarique notitias rerum, veritatesque sæpe recondi. Quamquam & ab altera parte fatendum est, scholasticam methodum aptiorem validioremque esse constringendis adversariis, ne extra oleas vagentur neve circuitu orationis elabantur. Ita *Maccovius* olim noster sentiebat, cum nactus aliquando Opponentem, qui fusâ oratione theses ejus impugnaverat, *agimus*, ait, *gratias*, cum alter absolvisset; *pro diserta oratione tua*, neque respondit; erat enim ingenii homo perquam disputacis & arguti. Nec aliter animati fuere plerique, eorum quos adolescentes audivimus, apud quos si quis longiore spiritu, extra formulam de *Barbara* vel *Baroco* similive, ratiocinaretur, audiebat continuo, *age syllogistice, fac argumentum*. Vidi tamen anno hujus seculi quinquagesimo sexto virum præstantem, Argentorati,

*Johannem Henricum Boeclerum* adolescentem in illo genere vetusto, non sine egregio successu, exercentem. Ipso præside, Respondens & Opponentem Academico more commissi erant, solutaque oratione de rebus philologicis politicisque per vices loquebantur. Erat illa methodus ad meum gustum præstantior quam syllogistica altercatio; sed cum Boeclerus, finita disputatione, non contentus laudare suos actores, domi suæ in prandio (nam utebar ejus contubernio) contemptum diversi instituti insolentius in *Belgas* derivaret, ut pote misellos disputatores, (ita agebat) non temperabam mihi, quin animi honorisque gratia tenderem contra; quippe speciem atque pompam in hoc instituto esse majorem, sed vim deesse, vigoremque contentionis diffusâ oratione resolvi, nimisque facile Respondentes argumenta opponentium ambage verborum eludere; denique disputandi & orandi exercitia temporibus & arte usuque distincta esse, aliterque ac aliter habenda diserebam. Plane pro diversis hominum ingeniis studiisque dicendum est, hanc illamve methodum alteri esse præferendam. *Georgius Conradus Crusius*, Antecessor olim Lugdunensis Bataviæ, cum in hac Academiâ pro honore

honore Doctorali ex more disputaret, vir nobilis *Taco à Glines* Juris Professor, nostras, ingenti motu, & contentione vocis animique ei opponebat, objectabatque inter alia, quod nihil minus quam disputatorem *Crusius* ageret, eo quod nec in ipso actu, nec in scriptione suarum thesium argumenta syllogistica volutaret. Sane *Crusius* eo fuit ingenio, ut à scholasticâ docendi disputandique methodo vehementer abhorreret, nec quidem ferre posset definitiones atque partitiones, quæ non totidem verbis in veterum libris extarent, nedum ut cerviculam agitandis syllogismis jactitaret. Totus in hoc erat, ut sensa consecutionesque locorum, quæ in Pandectis collocata sunt, expenderet, indagaret, legumque nodos emendandi conjecturis solvere gaudebat, in quo genere & illa tum disputatio potissimum versabatur. Etiam vero tali sensu, *Disputationem* eam hoc nomine recte demonstratam fuisse, *Crusius* adversus *Glinsum* facile tuebatur: sed illud studium scrutandi conferendique loca sententiasque veterum, secretas atque suspensas meditationes requirit, & est paulò alienius à celeritate reciprocandi, velut in harenâ co-

gitationes sermonesque, sicuti fit in commissionibus disputatoriis. Atque hanc rationem ego fuisse arbitror, quamobrem ingens Ille Virorum *Cujacius*, & recitationibus è memoriæ genu promendis impar fuerit & refugerit disputationes, quemadmodum Succesor ejus in cathedra *Emundus Merrillius* de illo studii nostri Principe testatum reliquit \* Mea sic ratio fuit olim in hac parte, utramque viam præire studiosis: Etenim illud studium accuratè examinandi scripta veterum verasque eruendi sententias, scio quam præstans hominique doctrinam professo conveniens atque decorum sit, & exercitia disputandi inprimis necessaria duco. Quia per hæc fit, ut studiosi adolescentēs, quos secundum eorum captum oportet erudire, positionibus juris diutius inhæreant, easque memoriæ animoque validius insigant, atque, si eloquentiam non pariunt, saltem, ne sint elingues, inutili excussa verecundiâ, præstant, denique publicarum actionum progymnasmata sunt, atque, sicut nunc se res habent, vitam vigoremque Academiis addunt. Quo pacto vobiscum, *Ornatissimi Juvenes*, hoc genus exercitationum habituri simus, deinceps intelligen-

\* *Dissert. in lib. 3. ex Cujac. cap. 7. in pr.*

getis; sed de *Collationibus*, quarum hoc tempore primam auspicabimur, parum abest, quin ego met ipse majorem mihi fructum utilitatemque pollicear, quam vobis, *Auditores*, de me quidem condicere possim. Incepi nuper in literas redigere doctrinam *Juris Frisici*, quatenus, ab Arte Romanâ discrepat, (7) ac ita sentio, materiam pulchri operis esse, verum ita comparatam, ut & eruditionem & experientiam & judicium inprimis limatum requirat. Animus erat, cum priores paginas quibusdam dominis & amicis ostenderem, eas ita continuare, donec omnes absolutas publici juris facerem; at in progressu scriptionis relegendisque vestigiis meis ita in animum induxi, viam esse inveniendam, quâ facultatem secundarum curarum mihi reservarem, judiciique doctorum expertorumque virorum exquirerem, antequam hosce commentarios plane peremptorieque publicarem. Pleraque etiam concisius posita animadverti, maxime quæ ab usu vulgato alieni & inexpectati quid habent, quam ut ad sensum à lectoribus, nisi latius deducta, impetrare possent. Atque ea, Hu-

manissimi *Auditores*, quæ à me quaeritur, est hæc ipsa via, quam nunc ingredimur: *Paginæ*, quas in hisce *Collationibus* exhibitum imus, erunt pericula, fas sit ita loqui, quæ vestris admonitionibus objectionibusque in eum statum ventura spero, ut denuo typis excusa publicæ luci paria ferendæ esse queant. Quod ut feliciter adsequamur, agite, *Viri Doctissimi*, communicate nobiscum ea, quæ ad primam hujus libelli partem vobis in mentem venerunt, & à me expectate, ut non modo libenter candideque recipiam quæ proponetis, sed etiam ut sine difficultate cedam melioribus, eaque meorum positionum loco ita edoctus promptè gratanterque substituam; nec enim de laude sophisticâ privilegioque altercandi, sed de veritate jurisque publici genuinâ interpretatione satagemus. Proinde non tantum objectiones contra meas opiniones à vobis expetimus, sed etiam, si qua vobis usui vel auditu comperta sint, quæ meis positionibus illustrandis augendisve faciant, egregiè de me & auditorio, deque bono publico merebimini, si & talia subducere candideque proferre vo-

(C)

lueri.

(7) Typis excusæ tantum *Collationes duæ*, in *libros II.* distinctæ, Substitit, labor & Manuscriptum in § 19. cap. 16. *libri II.*

lueritis. Expectamus rogamusque, ut officii vestri honorem huic amplissimæ coronæ imperi-  
tiamini.

*Hac oratione habitâ, vir doctissimus Bernhardus Ten Tooren Advocatus apud forum Supremæ Frisiorum Curiae Eximius, surrexit, & reverenter venit Celsissimi Principis aliarumque præsentium Dominatio-  
num impetrata, quæque præterea dictabat ei modestia præfatus, mon-  
stravit nobis caput octavum (8) nostrarum positionum ibique ver-  
sum XLVII. ubi scriptum est; so-  
cietatem conjugalem, quæ jure Frisico tantum pertinet ad lucra dam-  
naque, durante matrimonio contra-  
cta, cessare in intercessionibus à marito factis; dicebat, etsi praxis  
nostratum in eam partem, quæ à nobis erat posita, jam pridem in-  
clinaverit, sibi tamen contra juris  
rationem id ita esse receptum videri:  
Nam Statutum generaliter ait, Lu-  
cra & damna pariter ab uxore viro-  
que ferenda solvendaque esse, lib. 1.  
Statut. tit. 3. art. 1. nec apparere  
causam, quamobrem Fidejussio &  
omne genus intercessionis, quod late  
patet, ab regula sint excipiendæ.  
Nam quæ ratio profertur à Sandio  
lib. 2. decif. tit. 5. def. 8. quia fi-  
dejubere quodammodo sit donare &  
perdere, eam ita comparatam esse,*

*ut hanc sententiam tantum non evertat, quia juris apud nos esse creditur, ut mulier ad res alienum à marito luxuriose prodigique contractum puta ludendo, potando, scortando, pro parte solvendum teneatur, idque vi generalium Statuti verborum. Proinde, si fidejubere maxime sit perdere, inde nihil aliud consequi posse, quam mulierem ex fidejussione quoque teneri, sicut ex omni contractu, quem vir animo licet perdendi inierit; imo, si prodigalitati causa non liberat uxorem ab ære alieno, multo minus fidejussioni id esse imputandum, quia prodigalitas semper est perditio & improbum damnum; fidejussio sæpe rationem habet probabilem & ad administrationis causam pertinere potest. Cum absolvisset in hanc sententiam Vir Consultissimus, primo nos Auditoribus controversæ statum rationemque difficultatis contra nos motam clare breviterque declaravimus, diximus etiam non improbari nobis, quod hoc quesitum, licet apud nos certæ praxeos, ad disputandum elegisset; quia sicut anima Legis est ratio, sic etiam praxis vel consuetudo nulla vim obligandi habere debeat, quæ juri aut rationi sit contraria, quod ut alibi gentium, ita & Herbajus & Sandius, alique cordatiores Jurisconsulti no-  
stratum, ubivis libere præ se fe-  
runt;*

(8) Lib. 1. tit. 1. tredecim capita complexi.



runt, eo cum fructu, ut multa praxi inolitæ per eorum observationes reformatæ sint, utique duntaxat, ut post mortem eorum id effectum habere potuerit habueritque multis modis. Dein respondendi viam hanc institimus, ut concederemus, rationem, quæ Sandio placuit ad probandum, quod praxi nostrâ de intercessionibus mariti receptum est, non esse omni exceptione maiorem, nec à nobis adoptatam; sed aliud nos usos esse eodem capite versu xxiv, ubi generaliter collocavimus, excipi à facietate conjugali mere personalia, quæ personam ejus ad quem proprie spectant, egredi non possunt, cujuscumodi non modo esse delicta vere vel quasi talia, sed etiam intercessionem mariti, quæ in mulierem cadere non possunt, propter Senatus Consultum Vellejanum, quod vetuit mulieres intercessionibus obligari; ideoque non esse committendum, ut cui Lex mulieres directe voluit exemptas, huic nos eam per maritum obnoxiam reddamus. Instantia Dni. Opponentis ad hanc responsum, si rectè recorder, duplex fuit; prima, non posse rationem à Statutis alienam produci ad limitationem ejusdem Statuti: Hoc loquar indistincte de omnibus lucris atque damnis, neque fingi posse mercedem statuentis esse, ut ea constitutio restrictionem accipiat ex ea Lege Romanâ, cujus tibi nulla mentio. Ali-

tera fuit; sufficere, quod fidejussio esset contractus, nec referre jam, utrum ille contractus mulieri conveniat, an secus; exemplo Tutelæ, quam satis constat, Feminis non convenire, quæ tamen ratio non impediat, quominus ex ejus administratione à viro perpetratâ mulier pro parte teneatur, ut idem Sandius ex sententiâ Curie docet, in eadem definitione vers. dubitatum quandoque. Ad priorem instantiam respondimus, jus Civile non minus receptum esse apud Frisios quam Statuta, quæ legibus non derogant, nisi quid lege moribusve Frisiorum specialiter adversus dictata juris Latini sit introductum, adeoque Frisiis unam esse juris disciplinam libris Justiniani atque Statutis comprehensam; Itaque non modo juxta omnia Statutorum capita, sed articulis etiam singulis jungenda esse Juris Romani præcepta, quæ sano sensu cum his jungi conciliarique possunt. Proinde nihil esse causæ, cur Statutum de lucris damnisque matrimonii communicandis in præjudicium Senatus consulti Vellejani irabatur, idque in aliis ubique rebus omni die sic usurpatur. Alterum replicationis argumentum plus habet coloris et ponderis; namque tutelam fateor æque esse inaccessam mulieribus, si matrem aviamque excipias, ac intercessio est, imo fortius ab ea prohiberi sexum; quia

sic juris est, ut si mulier renuntiet Senatus-Consulto Vellejano, cum effectu intercedere possit, tutelam verò ne quidem si maxime velit, adire queat. Quare igitur, si mulier de Tutela viri tenetur, non minus de intercessionibus ejus obligata videri debet. Elidendæ huic instantiæ primo adduximus rationem differentiae, quæ placuit Sandio in d. versu, dubitatum quandoque, Et cum obligatio Tutelæ, inquit, ex quasi contractu proficiscatur, nihil obstare Senatui visum est, cur eâ etiam mulier non adstringeretur. Herbajus etiam in cap. 13. rer. quotid. §. 14. ita scripsit: licet ex contractu non obligentur mulieres nostræ, secus tamen dicendum, quoad ea, quæ quasi ex contractu oriuntur. ut tamen excipiat hereditatis aditionem & repudiationem. Jam verò intercessionem esse è numero verorum contractuum, Tutelæ administrationem è quasi contractibus, in confesso & manifesto est: ideoque secundum hanc Sandii Herbajique rationem perspicuum est, quare mulier de Tutela viri obligetur, de intercessione non teneatur. At hæc ratio talis est, ut ratio rationis jure quæri possit, de quâ nec Sandius, nec Herbajus laborandum putarunt. Quasi contractus dicuntur tales, quia rediguntur ad similitudinem contractuum, etsi contractus

proprie non sint: atqui de veris virorum contractibus mulieres nuptiæ tenentur, ergo & de quasi contractibus; nisi ratio diversitatis adferatur, quod, inquam, illis curæ non fuit. Hanc ego non puto aliam esse, quam quæ indicatur in l. 46. ff. de Obligat. & Action. junctâ l. 25. eod. tit. ubi de obligationibus, quæ ex re & ex facto oriuntur. Ex re dicitur obligatio nasci, quando evidens æquitas adeoque res ipsa dicat, aliquem debere teneri: ex facto, cum quis ideo tenetur, quia fecit aliquid, obligationis meritum continens; videlicet, ejusmodi factum intelligitur, quod à contractibus diversum atque distinctum sit, ut in d. l. 25. docetur. Causa obligationis illa duplex in quasi contractibus concurret, etsi diverso respectu. Nam Re nascitur obligatio ex illis hoc modo; Qui negotia alterius gessit sumptusque ad eam rem fecit, qui Tutelam pupilli administravit, in eoque munere pecunias erogavit; qui Rem cum alio communem habens expensas in communem utilitatem fecit; hi omnes habent obligatos eos, pro quibus expenderunt, licet ignorantes, idque non è contractu neque ex aliquo facto, sed ipsâ negotiî naturâ, & æquitate semet ipsam monstrante; perinde qui pecuniam sibi non debitam ab alio per errorem numeratam accepit, ipsa res loquitur, cum teneri ad

ad restituendum, quod sine ulla causa accepit: sed hereditatis aditio est etiam quasi contractus, quoniam heres adiens hereditatem nihil quidem contrahit cum creditoribus hereditariis, (9) veruntamen ejusmodi factum orbit, ex quo sequitur, eum teneri creditoribus ad solvendum; non tamen ex re, sed ex facto suo. Rursus, qui negotia gesserunt, tutelam administrarunt sumptusque pro aliis fecere, tenentur quidem etiam de quasi contractu, at non ex re, sed ex facto, inquam suo obligantur. Hinc jam patet, cur & quatenus personæ contrahendi incapaces de quasi contractibus obligentur; scilicet, ubi ex Re, non ex facto (extra delictum, quod alio pertinet) jus oritur; Furiosus & pupillus, ubi ex Re actio venit, obligantur, etiam sine Tutore & Curatore, ait Paulus in citatâ l. 46. ff. de O. & A. perinde & mulier, sine viri consensu poterit obligari, quoties de Re venit obligatio, quia tum æquitate prægnantissimâ Reique ipsius pondere character obligationis ei imprimitur. Jam hæc ratio non convenit Tutelæ administrationi de marito habitæ, quia tametsi pupillus Re obligetur Tutori suo ad indemnitatem ei præstandam, Tutor obligatione con-

traria obstrictus est, non Re, sed ex facto suo; quod factum cum mulieri nequaquam conveniat, manet adhuc ille scrupulus, cur non æque mulier ejus oneri eximatur ac intercessioni. Nos igitur in his ipsis Positionibus n. 52. aliam rationem his verbis adtulimus; Videndum ne non hæc potius sit ratio; cum vir ex curâ reliquator existit, pecuniæ pupillares in rem communem versæ præsumuntur, quod secus in intercessione; quo casu per ea quæ modo adducta sunt, intelligi potest, etiam tunc obligationem mulieris ex Re nasci, supposito præsumptionis illius argumento. Nam quando vir pecunias pupillares intervertit, rationesque distraxit, vel, inquam, convertit pecuniam in utilitatem suam uxorisque, vel prodegit eam dissipavitque perverse; Priore casu mulier Re devincta est, quatenus locupletior ex alieno; posteriore, tamen adhuc obstricta est, quia tenetur de ære alieno etiam male prodigere à viro contracto, ut superius dictum. Non de fuit Domino Advocato ad banc quoque rationem sua rursus exceptio; Videlicet, non semper accidit, ut Tutor pecunias pupili interverterit; vel dissipaverit; sæpe etiam ex mera negligentia convenitur eamque lue-

(9) Immo veto legatariis tantum, & fideicommissariis, Nov. 48. in præf. Edita ipse Auctor, *Pract. ad Instit. de Obl. qu. ex contr.* § 7.

re debet, in quem casum rationes à nobis allegatae nullo modo conveniant; ideoque cessante ratione, jus etiam cessare diversumque esse oporteat. Responsio fuit, Leges & in constituendo & in ratiocinando considerare, quod ἐπὶ τῷ πλείονι ut plurimum contingit, nec ideo, quod rationes in certis casibus cessent, jus etiam cessare dicendum, quia tum jura, prae incertitudine, cuncta resolverentur, ut pluribus exemplis è medio usu desumptis confirmavimus, quibus repetendis jam superfedemus; Atqui plerumque sane, quando ex eventu rationum redditarum apparet, Tutorem esse pupilli debitorem, ita se res habet, ut pecuniae pupillares intra manus ejus baserint, cui proinde rationem juris constituti atque recepti convenire sufficit. Tentari quoque potest, etiam si Tutela; quod est publicum munus, in mulierem non cadat, eique per maritum implicari non possit, facta tamen in administratione commissa & omnia ejusmodi esse videri, ut ad generalitatem lucri atque damni ex quovis negotio factore referri debeant. Postremo duas res velim adhuc observari in determinatione hujus quaesiti, primo, Sandium in loco praedicto non simpliciter hanc rationem reddere, quamobrem mulier ex intercessione mariti non teneatur, quod fidejungere sit perdere; verum quod sit donare & perdere, quin perdere consequens donandi habere videtur; jam donare non potest vir in fraudem uxoris, ut hæc pro parte teneatur, sicut Sandius colligit; addit enim, unde mandatum cum liberâ, ut non potest donare, ita nec fidejungere; argumentatur à procuratore cum liberâ

ad Virum: Ille non potest donare, inquit, ergo nec fidejungere: perinde vir, ut donare prohibetur, ita uxoris quoque damno fidejungere nequit. Verum Sandius parum abest, quin impingat heic in illud vulgatum, non valet exemplum, quod litem lite resolvit.

Nam si controversum est, utrum fidejussio Viri noceat ejus uxori, sicut est, nibilo secus disputatur, an donationes ejusdem non onerent uxorem, Id enim absolute post alios adfirmat Rodenburgius, extra quam, si donaverit hoc animo, ut uxorem studio datæque operæ exbauriret, de marit potest. tit.

2. cap. 1. n. 8. 9. & 10. Quin si mulier donationum viro factarum particeps fiat, ut Sandius statuit, & Curia definit lib. 2. tit. 5. def. 3. quid ni onus maritalium donationum æque ferat ac lucrum, juxta l. 10. d.

Reg. Jur? Forte non abs re fuerit, si distinguas inter donationes modicas & grandes, ut illæ tam ad damnum quam ad lucrum uxoris pertineant, non largitiones vel acquisitiones hujus generis magnæ. In his valeat ratio Sandii, quod donandi facultas Curatoriâ potestate mariti non contineatur; modicæ vero non sint alienæ à naturâ societatis universalis, quæ inter conjuges obtinet, nec repudiant præsumptionem, quod in rem bonoremque communem fiant; quemadmodum mulier habens à Statuto jus contrahendi in rebus æconomicis, similiter jus modicas erogandi donationes in eodem genere exercet, onere communi, majores facere non potest. Nec dubito, quin ita liceat coartare sententiam Sandii, de donationibus alteri conjugum factis, quas cum altero vult communicari,

ri, ut si magna sint, valeant rationes Herbaji, negantis donata cedere communioni, cap. 16. rer. quotid, si modica, sunt communes, ita quemadmodum à Curia finitum esse diximus. Postremum, quod circa merita bujus controversia notandum esse monuimus, hoc est; Quod Groenewegius ad tit. C. ne ux. pro Mar. & Rodenburg. d. tit. 2. cap. 1. negant, audiendum esse Sandium, quando mulierem ex fideiussione Viri negat teneri, id eos hac ratione potissimum ita contendere, quod Statuta Gentium, de quibus illi agunt, inter virum & uxorem non stabiliant communionem lucri atque damni, sed omnium bonorum, ita ut vir etiam possit alienare bona uxoris, quod apud nos haud quaquam permittitur: adeoque potestas maritalis in uxorem apud istos populos amplior sit quam in Frisia, nisi pactis dotalibus apud illos restringatur, ut fere fit ibi à prudentioribus in modum nostratam. Atque hac fuere, quæ cum Advocato Ten Toren ultro citroque agitata sunt. Ille gratiis Principi, Proceribus, & Senatui actis confedit; atque

Successit ei Theotardus vander Sluis, similiter apud Curiam Supremam Patronus causarum, egregiis studiis & pari famâ. Compellatione prius decore peractâ, & elegantî præfatione de utilitate forensis disciplina cum Academicâ eruditione conjuncta, se paucis nobiscum actarum de positione XI. qua est in cap. VIII. conceptis verbis; Communicantur inter conjuges &c. etiam redditus, quando perpetui; nam qui ad vitam habentur, finito

matrimonio, restituntur ei, cujus fuerunt, idemque est in usufructu, quem alter conjugum intulit in matrimonium. Sarmient lib. 3. Select. Interpr. cap. 10. n. 5. & sequ. Hanc sententiam Vir Doctissimus & usui recepto & auctoritati legum adversam esse putabat, quin omne genus reddituum sive usus fructus sive usura prægrandes, quæ sortem juxta vitæ cursum absumunt, communiter à conjugibus in Frisia percipiantur, sine ulla restitutione, de qua vix cogitare solent nostrates, quibus usus venit hujusmodi redditus inferre in matrimonium. De Jure vero putabat rem esse definitam à Paulo & Celso Jureconsultis, in l. dotis 7. §. 2. ff. de jure dotium, ubi hoc modo scriptum est; Si usufructus in dotem datus sit, videamus, utrum fructus reddendi sint, nec ne, & Celsus libro decimo Digestorum ait, interesse, quid acti sit: & nisi appareat, aliud actum, putare se, jus ipsum in dote esse, non etiam fructus, qui percipiuntur. In quibus verbis hanc questionem in terminis, ut ajunt, tractari atque decidi statuebat. Dein & fundamentum, quo positionem nostram unice nitî præsumebat, hac ratione Vir Consultissimus occupatum removebat; Non potest vos aliud in contrarium movere, quam quod, conjugè aliquid inferente in societatem, fors & redditus distingui debeant, quod fieri non possit, si redditus vitales sint, quoniam hi lapsu temporis evanescent, nisi redditus ipsi quotannis percepti in sortem

sortem ei conferrentur. At vero *Jus ipsum*, ajebat ille, percipiendi fructus, *beic*, loco sortis habendum; quod soluto matrimonio, si vivet, ei salvum manet; etiam inde ab initio, vel postea vendere potest, ut ita vere proprieque sortis induat naturam. Nos operam dedimus, ut primo Auditoribus rationem sententia à nobis collocata exponeremus. Ejus fundamentum est in lib. 1. Statut. tit. 3. art. 1. quo cautum ut quæstus & dispendia, durante conjugio, communicentur, ipsa vero fors cuique salva & propria maneat. Proinde, si ab altero conjugum res inferantur, quarum usus consistit in abusu, vel quæ paulatim deteantur aut mori possunt, ratio talis initur; ut, finito matrimonio, tantundem, vel æstimatio, restituatur ei, qui res ejusmodi habuit, quarum proinde ab initio sit descriptio, vel initur æstimatio: Si autem res sit ejusmodi, quæ annuis redditibus absumatur, bi redditus accumulatur in sortem, ejus commodo, cujus illa res aut illud jus fuit proprium. sic omni die servatur in oleo, vino, frumento, butyro. quin etiam in suppellectile animalibusque: nec dubitatur, quin æstimatio talium rerum, finito conjugio, de communi præcipiatur ab eo, cujus fuerunt; societas interim gavisa est usu libero earundem rerum, sive usuris pecuniæ, quæ definita fuit æstimatio. Quod si res, inquam, ejus naturæ sint, uti quotannis dominum redditibus augeant, sed talibus, ut res ipsæ paulatim depereant inutilesque fiant, tunc aliter fors conjugii inserenti

salva præstari non potest, quam si reditus sive fructus ille coacerventur, sive corporaliter, sive computando in patrimonium ejus, qui habet rem, unde reditus isti resultant. Ita fit in lapidicinis è quibus marmor excisum non renascitur, ipsi lapides sunt mariti quod attinet ad dominium, sed non lucratur eos, verum restituere debet, ut docetur in l. 7. §. 13. ff. solut. matrim. Marmor, ait, quod cæsum neque exportatum, est mariti; & impenſa non est ei præstanda, quia nec in fructu est marmor, nisi tale sit, ut lapis ibi renascatur, quales sunt in Galliâ, sunt & in Asiâ. Hæc ita, quia leges summopere curæ habent, ne mulieres fiant indotatæ, quod summæ Republicæ noxium est, quia tum præciditur copia facultasque matrimoniorum, quibus rareſcentibus, civitates tabescunt, ut bodieque satis communi malo probat experientia; tu vide, *ſir*, l. 1. ff. solut. matrim. (10) Furis ratio quam reſpeto, est, ut, quando res, quæ ab altero, conjugum inferuntur in matrimonium, ejus sunt naturæ, ut fors usu redituve minuat & evaneſcat, tum ex res vel æſtimentur ab initio, ut pretium pro sorte habeatur, vel reditus, ita ut proveniunt, accumulatur pro eo, cui decurrunt, eorumque usura societati cedant; conſequenter, finito matrimonio, corpus illud redituum perceptorum restituatur ei, cujus fuerunt. Eo pertinet etiam, quod in poſitione XIII. prædicti capitis collocavimus; ſed in

(10) Et l. 2. D. de jar. dot. qua de re nonnulla monui lib. II. *Lect. Jur. Civ. cap. 23. p. 201. ſqq.*

in metallifodinis, & apud nos in fodinis cæspitum ustilium, & argillarum, idem juris erit, quod in usufructu. videlicet, ejusmodi cæspites & argillæ à terris effossæ non renascuntur; ideoque fors effodiendo perit, aut ad pretium vilissimum, agri ita exinaniti rediguntur; qualis fuit ager ille fguli, quem Judæi sacerdotes emerunt xxx nummis sive siclis argenteis à Juda penitente restitutus, id est, quadraginta fere Carolinis, ut nunc putamus. Jam, quæ est ratio in his rebus? & nominatim in hujusmodi agris, ea perinde militat in rebus vitæ terminatis. Nam & hinc jus ipsum percipiendi redditus lapsu temporis imminuitur & evanescit, nec adeo fors inde salva manere potest, si actus non vendantur, aliter, quam si redditus coaccerventur, sicuti fit cum pretiis cæspitum effossorum; usuris pecuniarum, quæ inde rediguntur, communioni videlicet relictis. Quod attinet ad textum l. 7. §. 2. ff. de jur. dot. respondimus, etiam agere de jure mariti, quod habet in rebus sibi in dotem datis, quorum ille sit dominus, vel jus plenum consequitur, secundum notissimam doctrinam, l. 7. pr. §. 3. d. jur. dot. l. 13, §. 2. ff. de fund. dot. proinde non potest, quin jus ipsum ad virum pertineat; cum è contrario ex hypothese nostre consuetudinis sive Statuti, singulis conjugibus suum dominium, seu plena facultas, si res incorporea sit, salva maneat. Hinc, si maritus in dotem acceperit servos, jumenta, greges, nusquam legimus, eas res æstimari, ut si mortuæ sint, uxori pretium restitu-

atur, nisi id actum sit; quod tamen secundum praxin nostram, quando ejusmodi res in societatem conjugalem inferuntur, fit indistincte. Non usi sumus inter disputandum alio respondendi medio, quam quod Sarmiento loco supra adducto placuit, Paulum in objectâ d. l. 7. §. 2. agere de usufructu specialiter in dotem dato, nostram verò positionem de nulla speciali illatione loqui, sed de casu, quo juxta alia bona redditus vitales sunt illati, vel conjuges, ita ut erant instructi, in societatem venerunt, nulla bonorum, quæ inferant, habili mentione, quemadmodum fit. Arbitror aliqui responsum illud nec à textu nec abs re alienum esse, nam textus ait; si ususfructus in dotem datus sit; exprimitur ususfructus; nec potest igitur, quin ille specialiter in dotem datus sit. Tu dicis; postea subjicitur; nisi appareat aliud actum; jus ipsum in dote esse, non fructus, qui percipiuntur; Ergo, quando ususfructus simpliciter datus est, ipsum jus transfertur; si mulier hoc sibi custodire velit, oportet id exprimatur. Nempe, supponendum hoc, quod è primis d. §. verbis liquet, ususfructum hunc specialiter in dotem esse datum. Hujus dationis specialis ea vis est, ut ipsum jus datum intelligatur, non soli fructus, nisi aliter inter partes convenerit. (11) Si quis jam ita existimet, ususfructum, qui nominatim in communionem conjugalem illatus est, ita communem fieri, ut de rebus nihil, finito matrimonio, sit restituendum, salva quidem positione nostra, id eo modo concedi potest, necesse tamen non est; quia maritus accipiens aliquid

(D)

(11) Vid. l. 4. D. de pact. dot. al.

in dotem, manifesto plus juris in eam rem consequitur, quam qui accipit ita, ut solos redditus vi societatis percipiat, jure rerum ipso, dominoque, mulieri salvo & illibato, ita quemadmodum cujusque rei natura ferre queat. Ad posterum, quod de moribus Frisicis fuerat objectum, diximus, hanc inspicari nos, hanc tamen inexpectatam alienioremque ab usu communi visum iri omnibus, qui rem, ut primo intuitu illis videtur, aestimant, minime tamen inter abrogata referri posse, quin nihil de eo cautum vel scriptum sit, non unquam, quod nobis constet, ab Amplissimo Ordine secus sit judicatum. Neque verò admittendum esse putamus, ut error popularis jus faciat, ac inde novæ praxeos auctoritas stabilietur. Præstantissimus Advocatus in his tamen non putavit acquiescendum, sed & argumentum Legis VII. §. 2. ff. de Jur. dot. & constantem in hac provincia usum pluribus urfit. tum etiam ad judicatum Illustris Curie Hollandicæ, teste Corenio decif. 7. provocavit. De interpretatione Legis VII. dictum erat abunde, neque addidimus dictis; sed quia post collationem habitam intelleximus, aliis quoque non modo Nobilissimis sed etiam sapientissimis hominibus ita visum esse, moribus Frisicis sententiam à nobis positam sine dubio improbari, faciendum est, ut hæc res paulo pressius ob oculos ponatur; non quod postulemus, nobis fidem potius habendam esse de praxi Frisicâ, quam communium prudentium virorum iudicio; sed quia pretium opera putamus, ut bene expendatur, sive species ex earum numero, quæ de consuetudine potius ac opinio-

ne populari, quam stabili usu & ordinatâ praxi inolitâ receptaque sint, de quo genere loquitur Sandius in lib. 3. tit. 6. def. 8. ubi, Aliter, inquit, hætenus observatum in colono &c. absque ulla contradictione ipsorum dominorum, qui ita juris esse non dubitarunt; At hic mos magis ex legum ignorantia, quam certa juris ratione est introductus, & deinde: His consideratis, Senatus, repudiato & expulso priore stylo errorem introducto &c. Nec facile dictum est, quam hæc res late pateat, ut si communibus istis populi opinionibus indulgendum sit, celebris illa Frisiorum accuratio in Jure civili custodiendo brevi in irritum incertumque cessura sit. Consuetudines fatemur habere vim Juris abrogandi; verum ad illas non modo, requiritur desuetudo & diversa popularis observatio, sed actus contrarii & positivi, maxime judiciales, sique frequentes atque signati concurrere debent, l. 34. ff. de legibus. l. 2. C. Quæ sit longa consuet. Ego nullus dubito, quin illud præjudicium adversus hanc sententiam non sit ex aliquo Jure Frisici principio, seu legali, sive consuetudinario, sed ex intellectu contrario circa meritum Juris, quod plerique de hoc problemate conceperunt. Et enim ita existimant, incivile ineptumque esse, ut qui duxit uxorem in annuis redditibus habentem mille florēnos, ipse vel heredes ejus partem mediam eorum mille florenorum annuatim perceptorum (ex massa communi bonorum) uxori heredituræve ipsius restituere cogantur, & contenti esse



esse debeant, quod illis millibus, durante conjugio, absque usuris usi sint; non modo ~~sed etiam~~, sed etiam ~~non modo~~ multis habetur; Proque evidenti absurditatis hujus exemplo proferunt patrem, qui usufructum in bonis matris liberorum habens ad secunda vota transit, ejusque usufructum in novam matrimonii societatem infert; tunc dicere audebis, finito conjugio, partem illorum reddituum posse recuperare? nihil insolentius, inauditi; Et in medio sunt exempla procerum, civium, qui id genus occasionebus usi nihil tale somniant. Ego verò, liceat, inquam, suspendere judicium de hoc exemplo, donec Et ego exemplorum quorundam species protulerò; longo enim disputandi usu didici, fallaciam banc esse non è minimis, pro sustinenda thesi suâ exquisitum aliquod exemplum captare; rursus scio, illud opposito exemplo sepe retundi. Ecce! Realis injuriæ actio non annalis sed perpetua est; certa jure, præxi, sententia; quid? clamabat Wissenbachius noster, de colapho impoſito post triginta annos agere fas erit? intolerabile hoc quidem. ego vero, de oculo, inquam, excusso post annum agere nefas erit? iniquissimum hoc quidem, ubi tot impedimenti vita hominum forique actiones obseptæ sunt. Videndum, ne non hujusmodi aliquid Et in hac questione evenire possit. Est puella, cui ab avunculo legati sunt mille annui, dum vivet. Scimus ita juris Et prætoris esse, uti, quæ legatu capitur ab altero conjugum; ea non sine

communis, sed finito matrimonio restituantur: ut eis annuus redditus vitales diversa esse nature: non audebis tamen negare, quin isti mille annui quotannis puella testamento relictis, loco sortis ei esse debeant; namque annuum legatum est multiplex; tot legata sunt, quot anni. l. 4. ff. de ann. legat. proinde semina triginta annos vivens, accipit triginta legata millenorum florenorum, quæ, aut me omnia fallunt, aut patrimonium ejus constituere debent, nihil secus quam si à triginta testatoribus singula millia diversis temporibus ei legata fuissent. siue autem mille, siue centum annui sint, nihil credo; referet; Et si ve isti annui veniant è fundo, vel simpliciter ab aliquo præstandi sint, nihil æque referre potest. Rursus, è contractu inter vivos inito debeantur annui mille puella; quis rationem mihi differentia inter legatum Et stipulationem hac parte dabit? (12) scio, stipulationem annuam esse Et non multiplicem, sed unam; l. 16. §. 1. ff. d. verb. obl. sed hoc eo pertinet, quod in stipulatione non spectatur singulis annis, utrum creditor jus petendi habeat nec ne, quod in legato attenditur; sed in utraque specie jus crediti cessum in tot partes intelligitur, quot sunt pensiones, partiterque sortem constituunt; Jam causa diversitas, unde creditum illud annuus pensionibus siue ad longum tempus, siue ad vitam præstandum oriatur, diversum hac parte jus inferre non potest. Pone, domum mulieris esse venditam, hac lego, ut quoad femina viveret, ei centum annui solvantur; idem pone de (D); p. ~~perpetua~~ ~~et~~ ~~in~~ ~~finis~~ ~~fundo~~.

(12) Vid. §. 3. inst. de V. O. cujus ratio non alia, quam, quod pacta negotiorum strictis adject. cum effectu alio, quam exceptionis non possunt; l. 40. D. de Reb. Cred. neque adeo quidpiam mutandum in l. 34. §. ult. C. de Donat.

fundo; nonne fateris mulieri hæc pensiones in patrimonium esse imputandas; perinde ac si domus pensionibus plurium annorum decem, viginti solvenda venderetur? Loco domus ponè: Feminam Titio tradere decem millia, hac lege, ut millena quotannis sibi, dum viveret, solvantur, num quis in hac specie diversi quicquam à domo, à fundo, hac lege traditis monstrare potest? Et numquid hoc aliud est quam quod nos querimus de annuo redditu in matrimonium illato? nam utrum ipsa, an pater vel auctor ejus sortem dederit, ex qua redditus annui veniunt, non dices interesse quicquam, Idem de usufructu, quem alter conjugum intulit, judicandum. Notè hominem primarium, qui à priore conjugè habebat usufructum omnium bonorum. Heredes primæ uxoris cum eo pacti sunt, ut bona sibi possidenda curandaque relinqueret, ipse vero quotannis de manibus ipsorum acciperet millenos Carolinos, quos etiam magno suo damno solvere coacti sunt, postquam fructus prædiorum annui lapsu temporis enormiter diminuti fuerant. Aut mihi præconcepta opinio nimium blanditur, aut nemo sani judicii potest autumare, aliud juris esse debere in hisce millenis, quam quod in prioribus exemplis esse diximus; nihilque absurdè statuerit, qui putet illos mil-

le florenos annuatim perceptos pro sorte haberi debuisse, si hac de re quæstio mota fuisset. Pergamus: Fæmina nubens & secum ferens ejusmodi jus annuum non modo habet spem illos redditus percipiendi, sed etiam jus habet, quod est in bonis, & facit partem patrimonii ipsius aut aliquando totum, quod præsentis pecuniâ vendi potest; si vendat; nemo negabit, pretium ipsius & esse & manere proprium: atque, non potest vendere sine consensu mariti; quem si hic neget & redditus percepti transeant neque pro femina ferentur, jam hæc suo patrimonio evolvatur à marito; nam qui negant, maritum teneri ad redditus uxori custodiendos, iidem negabunt, eum teneri ad æstimationem ejus juris permittendam, quæ finito conjugio, restituitur, nisi videlicet, pactis dotalibus aliter convenerit. Vel si etiam sine pacto concesserint, virum teneri ad æstimationem admittendam, non poterunt negare, eum teneri & ad restituendam. Quod si æstinatio olim facta restituenda est, nullo prætextu, cum illa non facta est, redditus negari possunt. Æstinatio, inquam, nibilo magis recusari potest in jure reddituum, quod tempore perit, quam in aliis rebus ejusdem nature suprâ demonstratis, nisi dicere velis, bona incorporalia minus esse bona & proficua hominibus quam sunt ani-

*animatia, suppellectilia, quæque numero, pondere, mensura constant. Neque plane video, quid homines moveat, ut aliter de jure reddituum opinentur, quam quia in mentem illis non venit, in Reditiibus sortem redditusque à se invicem distinguere; quod tamen nibilo plus difficultatis habet, quam in terris fossilibus, quarum nulli sunt redditus, nisi in iis quæ identidem effodiuntur. Et cum redditibus ipsæ terræ evanescent: Eorum tamen reddituum dantur sine dubio redditus; nec aliud discrimen observet, quam quod terra magis in oculos incurrat & palpabilior sit, quam Jus incorporale, licet haud minus fertile fructuosumque civiliter consideratum, quam cæspites argillæ videri queant. Atque hæc, nisi egregie fallor, species hominibus nostris imposuit, ut cum jura reddituum vitalium in matrimonium inferrent, raro soliti sint pertendere, saltem fructus eorum reddituum conjugibus esse communes: quanquam & ego scio, prudentiores eam rem non fecerunt, tametsi an in contradictorio apud nos definita sit questio, non possum affirmare; sed Ultrajectina Curia sæpe ita judicavit, quando redditus vitaliter in dotem dati sunt, dimidium eorum, qui stante matrimonio decursi essent, defun-*

*cti conjugis heredibus refundendum esse, teste ejusdem Curie Senatore Rodenburgio, tract. de jur. conj. serget int. gratif. potest. tit. 2. c. 4. Id est hoc ipsum, quod nos optimi juris esse defendimus. Idem, præter Sarmientum antea laudatum, tuetur Gutierrez in tract. de Tutel. & Cur. cap. 35. per tot. Et omnium acerrime recta sanaque ratio valide, ut mihi videtur, demonstrata. Quod attinet ad sententiam Curie Hollandiæ apud Corenium decif. 7. ad quam Dominus Advocatus provocabat, eam non reperio versari in iisdem terminis, quibus nostræ thesis limitatur. Adum ibi de usufructu omnium bonorum conjugis & conjugis legato, cum etiam inter bona redditus vitales in personam aliorum constituti essent, visumque hos redditus ab usufructuario perceptos non esse restituendos. Fieri potest, ut ultimas voluntates, plenius interpretandas putaverint, quasi testatrix legans usumfructum, redditus omnes indistincte legasse videretur; ut sane Corenius argumentatur. Et tamen in hac ipsa specie Curia Ultrajectina aliquoties in alia omnia ivit, ut Rodenburgius in loco citato testatur, judicavitque: æstimationem fieri oportere reddituum illorum personalium, quanti essent, cum conjux legans in fata concederet, ejusque dimidium restitu-*

tuendum illius heredibus; quia, scilicet, inter conjuges eorumve heredes communionem habentes questio intercedebat. Atque hæc sententia pertinet ad alternativam nostræ disputationis, quam maritum, qui acceperit ab uxore tale jus reddituum, subire oportere diximus. Confido etiam, si quis contulerit sententiæ nostræ rationes cum iis, quæ à Corenio in alteram partem proferuntur, etiamsi illud judicatum magis affine, quam idem sit cum nostro quesito, tamen eum facillime judicaturum, Ultrajectinos juridiciis censuisse, quam Batavos (absit invidia comparationis) in illa, inquam, specie de usufructu. Nam quia & hic eo modo habendus est, ut salva sit rerum substantia, perinde ac conjugibus sua fors salva manere debet, non est dubium, quin jura, quæ adiduo abusu evanescent, ita sint exercenda, quemadmodum res corporales, quarum usus in abusu consistit, ut vel æstimatio rerum vel tantundem atque perceptum est, finito usufructu, restitatur, ut docet Justinianus in §. pen. Inst. de usufr. Rationes hic sunt eadem fere, quas supra exposuimus; videamus in contrarium quid moveatur: Usufructuarium, ait Corenius, sequuntur omnes redditus, obventiones, & emolumenta, quæ ex rebus ullo modo percipiuntur, ideoque etiam re-

ditus annui. Sotomaj. c. 36. de usufr. per tot. Quasi non incontinenti subaudiendum sit, ita videlicet, emolumenta redditusque omnes ad fructuarium pertinere, ut vel substantiam, vel sortem duntaxat, proprietario salvam præstet: substantiam, si rerum natura talis sit, ut in suâ substantiâ durent; sortem atque summam, si res utendo minuantur. Præterea in exemplum contrarii instituti proferuntur species quædam rerum incorporalium, ex quibus omnes redditus cujuscunque naturæ, fructuario cedunt; velut Jurisdictio, cujus usum fructum qui habet, etiam percipit multas, stipendia, quæque præterea exinde commoda proveniunt; & qui habet jus patronatus exercet præsentationes ad munera Ecclesiastica, & id genus alia. Nemo hæc audit, cui non statim liqueat, nihil simile esse in his exemplis siquidem jurisdictio, atque jus patronatus, post sexcentos actus jurisdictionis præsentandique, semper idem & integrum manet, cum jura vitalia quotidiano usu ad interitum suum vergant. Idem respondetur ad id quod de redditibus annuis perpetuis objicit Coren; siquidem eorum æstimatio semper æqualis manet, centum licet annorum perceptis usuris; nec magis ad rem pertinet, quod est in l. 34. ff. de usufr. ubi; usuræ vicem

cem fructuum obtinent; quis enim id negat? Quod ad Sotomajorem attinet, à Corenio laudatum, is banc questionem in terminis suis non tractat volumine de usufructu, sed in cap. 36. n. 39. & sequ. laudat distinctionem Baldi, circa proventus, qui semel percepti non renascuntur, eos pertinere ad usufructuarium, quoad potestatem utendi fruendi duntaxat, non perpetuo & irrevocabiliter, sed ita ut cautionem præstare debeat de tantundem finito usufructu restituendo; quod est ipsum illud, quò nostra disputatio tendit. Ultimum & præcipui valoris argumentum, quo Corenius utitur, est petitum à similitudine animalium, cunctarumque rerum mobilium, in quibus est verus usufructus, quibusque adeo usufructuarius utitur, omniaque emolumenta inde percipit sine ulla restitutione, §. pen. Inst. de usufr. Primo, velim heic paulum subsistat, qui ex populari usu tam facile praxin judicariam colligunt; Est ita liquidi certique juris, ut Corenius narrat; usufructuarium posse animalibus veste, supellectile, aliisque mobilibus rebus, uti ad extremum usque; mortuisque pecudibus; detritis vestibus, cæterisque mobilibus, eum non teneri ad pretium earundem rerum, quod fuit prius, sed posse defungi redhibendo easdem res,

ita ut nunc sunt. Atqui nihil absurdius, nihil inusitatus, more populari nostratum; omni die sic fit; ut usufructuarii ejusmodi rerum æstimationem recipiant, caveantque, se finito usufructu pretium esse restitutos; idque sine ulla ipsorum contradictione, qui sic juris esse nullo modo dubitant. Nemo tamen ejusmodi opinione usuque populari jus mutatum esse contendere ausit; & valde verendum, ne non idem in altero, quod agimus, quesito fere usu veniat. Qui habet usumfructum animalium mobiliumque rerum non potest aliam ex iis utilitatem capere; quam singulis pro natura cujusque rei utendo, quamdiu usum sui præbent: res quæ perit domino suo perit, nec aliter fieri potest: sed pecunia, quæ collocatur, ut redditibus annuis ad vitam capiendis absumatur, utique recipiebat alium & stabilem usum; redditus singulorum annorum qui pecuniâ constant jam per se rursus usuras pariunt; ac ita cum naturam sortis induerint, hi ut percipiuntur, usufructus jure retinentur. Atque hæc de jure usufructus in his rebus hæctenus; ex quibus evidenter putare consistat, ne quidem usufructuarium, ex ratione juris, redditus vitales annuos sine restitutione suos facere irrevocabiliter; quæ licet inter conferendum exposita non sint, addere tamen heic loci volumus. Addeamus &

& hoc: non ob stare sententiæ nostræ, quod stipendia munerum publicorum, quæ ab altero conjugum, à viris, inquam, inferuntur, ita fiant communia, ut nihil inde, finito matrimonio, restituatur: quæ tamen stipendia sint etiam redditus vitales. Existimo enim esse neminem, qui non animadvertat, honoraria quæ præstantur officiis Reipubl. esse veros acquæstus industriales, in quibus societas matrimonialis maxime consistit, perinde ac in mercedibus operariorum, nec enim refert animi, an corporis laboris occupatione lucrum acquiratur. Ad redditus vitales, qui è sortibus olim collocatis, aut è fundis percipiuntur, nullam industriæ intentionem requirunt, sed inter bona habentur, quæ otiosos quoque & dormientes beant. Præstantissimus Advocatus Opponens, antequam desisteret, mediam viam tentare voluit, inter utrumque hujus sententiæ extremum: videlicet, conjugibus inter se communicandum esse, quod in redditibus vitalitiis usuras redditusve consuetos excedit, si ve quantum è sortibus non transitoriis & ordinariis redigi solet; illud autem reliquum, quod datur ideo, quia fors interitura est, conjugum, ad quem redditus pertinet, esse restituendum. Sane hoc temperamentum postremis temporibus placuit Ultrajectinis Sena-

toribus in casu usufructus legati, ut Rodenburgius ibidem testatur, & potest esse medium conciliationis in eorum usum, qui utrumvis sententiæ hujus extremum, ut rigidius, aspernantur; nec valde repugnaveris huic commento mediocritatis; qui multa contra rationem disputandi recepta, recipienda esse pro seculi moribus, & utilitate promiscui usus cogitet, l. 51. sub fin. ff. Ad Leg. Aquil. Nec diffiteor, in usufructuario moderamen illud non esse remotum à specie recti, propter similitudinem reddituum vitalium cum rebus mobilibus in usufructum datis; nam ut hæc res usum quidem recipiunt & integræ manent, verum tamen lapsu temporis, serius ocyus, ad nihilum rediguntur; ita cum redditibus ad vitam constitutis quoque comparatum est; manent ejusdem quantitatis nec utendo minuuntur, sed toti ad mortem usque durant: hoc tantum interest, ut antea diximus; pecunia potest ita collocari, ut usuras reddat, neque fors tamen unquam pereat; res mobiles sequæ moventes illud institutum nullo modo recipiunt: Utcunque igitur æquum, videri possit, ut usufructuarius percipiat, quod pecuniæ in usufructum datae semper tribuunt, in conjugibus tamen hæc res ita se non habet; quia, tametsi conjugum alter animalia mobiliaque in communionem inferat, earum tamen æsti-

*æstimationem, finito matrimonio, recipit, quemadmodum usu nostratum quotidiano adfirmatum est; ideoque argumentum Corenii ab animalibus ad reditus vitales in hac quidem specie retorquere licet: Quod juris est, ait; in illis, idem in his statuendum. Atque in illis sic est, ut restitui debeant. Ergo. Sed diu satis de ratione juris disceptatum: Etiam vero de praxi Frisicâ, quod à nobis quidem proficisci queat. Sitne popularis abusus, an stabili consuetudine à genuinâ ratione juris hac parte recessum sit, à judicio prudentium virorum, dataque occasione ab Amplissimi Senatus arbitrio expectabimus. Sane, quod ad exemplum attinet patrum superius adductum, qui habent usumfructum in bonis liberorum, credo, non advertere eos animum ad hoc, ut reditus illos tanquam sortem considerent, in comparatione communionis, quam habent cum secundis uxoribus; sed arctissimum inter patrem liberisque vinculum unitasque eorum forte aliquid discriminis iudicio quorundam inferre videatur; nisi & hic casus inter alia incuriosæ praxeos exempla referendus sit. Denique, num qua diversitas inter usumfructum reditusque vitales sit constituenda, pro parte vel in totum, à nostris moribus abhorreat quod disputavimus, an secus, iudicium penes eos esto, quibus & novi juris Au-*

*ctoribus esse licet atque concessum est. Denique, si non obtineo, ut, ita juris esse, quemadmodum disputavimus, in Frisia credatur, saltem id utilitatis ex hac dissertatione eventurum præsumo; ut qui valorem equitatemque hujus sententiæ percipient, vel ipsi animum advertens, vel audiores erunt aliis animadvertendi, ut in contrahendis matrimoniis, quando usumfructum reditusque vitales habent inferendos, paciscantur, uti quod juris & equalitatis ratio largitur iis, eo sibi, pace novi conjugis, frui & gaudere liceat. Advocatus van der Sluys cum sua dicta, gratiis actis, conclusisset.*

Zachæus de Gemmenich prompti & excitati Advocatus ingenii, solemnibus reverentiæ præmissis, ad articulos nonum & decimum cap. vi. quod est de potestate maritali se contulit; in quibus ita est positum: Virum quoque talem esse oportet qui potestatem in uxorem exerceat, ut, hi esse debent, qui curam aliorum sunt gesturi; multo magis, ut ipse suis rebus administrandis sufficiat: Proinde, si minor annis 25. sit, veniam ætatis eum impetrare oportet; antequam se ut uxoris Curatorem gerat. Ex inde collegit & formavit hanc thesin; utrum is, qui veniam ætatis impetravit, alterius tutor vel Curator idoneus esse possit.

(E.) jure

jure civili, quod negandum arbitrabatur, ob sequentes rationes; Primo, quoniam ætas viginti quinque annorum præcisè in Tutore vel curatore requiritur, §. 2. Inst. Qui testam. Tut. dar. ubi autem talis necessario desideratur, illic venia ætatis à Principe impetrata nihil mutationis infert; eò pertinere dicebat, si quis alteri aliquid dari voluerit, quando perfectæ vel legitimæ ætatis sit; non committi conditionem, cum Imperiali beneficio venia ætatis ei facta est, sed tum demum, quando viginti quinque annorum curriculum implevit, l. ult. d. t. C. de his qui ven. æt. etiam lex quæ requirit, ut, qui ad munera & honores admitti cupit, annorum viginti quinque sit, l. 8. ff. de muner. & honor. eodem indulto ætatis beneficio, non accipit implementum, arg. d. l. ult. Nec est, quod quis dicat, pergebat Ornatissimus Advocatus, Tutelam non esse munus Reipubl. eò quod ad privata patrimonialia datur, l. 6. §. 15. ff. de Excusat. tut. nam è contrario, satis constat Tutelam esse publicum munus, ut Juris Auctores loquuntur, in pr. Inst. de Excusat. & l. 9. ff. de His qui sui vel al. jur. junct. l. 18. §. 28. ff. de muner. His addebatur, legem, quæ perfectam ætatem desiderat, generaliter loqui, proinde generaliter accipiendam & intelligendam esse; ita ut qui exceptionem in eo, qui veniam ætatis impetrasset, collocare vellet, ei probatio incumbere, quæ nunquam præstari posset. dein objectio occu-

pabatur, verum quidem esse, veniam ætatis tribuere jura majorum, sed hæc ætas, ut rei suæ administratione sufficere credantur, non ut aliorum patrimonialia regant, arg. l. 2. C. de his qui ven. æt. in verb. qui paternam frugem vel avorum patrimonialia gerere cupiunt, & super hoc imperiali auxilio indigere cœperint &c. sed palmarium & decretorium argumentum, quod jugulum causæ ferire putabat Dominus Opponens, hoc esse memorabat; Quorum bona non possunt plenissimo jure hypothecarum teneri, tales non possunt esse Tutores vel Curatores, l. ult. C. de Legit. Tut. Horum autem qui veniam ætatis impetravere, bonâ non possunt plenissimo jure hypothecæ teneri, l. 3. C. de his qui ven. æt. Ergo non possunt esse Curatores. Hæc erant quæ uno spiritu continuæ oratione proponebantur. Antequam responderemus, sententiæ nostræ rationem exposuimus, ita fere, quemadmodum à Thomâ Herbajo cap. 13. §. 4. & à Sudio lib. 2. tit. 4. def. 1. factum est; Sane, ait hic, si minor veniam ætatis impetravit, cum in omnibus, excepta immobilium alienatione, pro majore habeatur nihil impedit, quominus jure maritali administret res uxoriæ. Herbajus addit has rationes: 1. quod qui veniam ætatis habet, si læsus sit, non impetret restitutionem,



tionem, l. 1. C. de his qui ven.  
 æt. 2. quia sine curatore in judi-  
 cio rectè consistit, l. 10. C. de  
 Appell. dein occupat objectiones quas-  
 dam, sed ab his quæ ab Opponente  
 nostro motæ sunt, diversas. Secundum  
 eorum sententiam praxis indubitata for-  
 ri nostri, maritis, veniæ ætatis impe-  
 tratâ, rerum quoque uxoriarum admi-  
 nistrationem vindicat, etsi Rescripto  
 veniæ, nulla ejus rei mentio sit facta;  
 quanquam Herbajus fatetur, cautius  
 acturos maritos, si tam uxoris quam  
 suarum rerum administrationem petie-  
 rint: vix tamen est, ut id unquam fie-  
 ri soleat. uti quoque ad alias Tutelâ  
 Curæque species aliquando, qui veniam  
 ætatis impetrarunt, admittuntur, ut  
 de praxi nostra res satis explorata sit;  
 utique sane quod ad maritos attinet uxo-  
 rum. Nam de reliquis Tutelâ Curâ-  
 que speciebus baud æquè tertio adfirmâ-  
 verim, an usus communis in vim juris  
 absolute invaluerit. Me, præter rati-  
 ones allegatas, etiam id move-  
 bat, quod Tutelâ minoribus annis 25.  
 jure deferatur, ut tamen administratio-  
 ne abstineant, donec ætatem impleve-  
 rint, l. 10. §. 7. ff. de Excusat.  
 Tut. Cum igitur administrationis per-  
 veniam ætatis capaces intelligantur, &  
 in omnibus, excepta alienatione rerum  
 soli, pro majoribus habeantur; nihil  
 causæ videtur esse, quare non ad Cu-  
 ram aliorum admittendi videantur, si  
 vel testamento dentur, vel adhibita sa-  
 tisfactione, pupillorum securitati consu-

latur. (13) *Hic consentaneum est, ut*  
*quod de ætate perfectâ 25- anno-*  
*rum in Tutoribus atque Curatoribus*  
*requisitum est à Legibus; cum admi-*  
*strationem patrimonialem spectet, bene-*  
*ficio ætatis indulto suppletum videatur,*  
*quo medio primum, quod audi-*  
*vimus, argumentum removetur.*  
*Attamen hæc res ad extendi non debet,*  
*ut jus inter alios constitutum & stabili-*  
*tum invertatur; veluti, cum in testa-*  
*mento vel inter vivos legitima perfectâ:*  
*re ætatis, quæ daretur aliquid aut fie-*  
*ret, mentio absolute facta est, datio il-*  
*la factumve per hoc privilegium non*  
*anticipatur; nec enim id vult neque po-*  
*test Princeps; non vult, inquam, ubi*  
*ætatis beneficium adolescenti impertitur,*  
*alios adstringere necessitate prius sol-*  
*vendi, ut, si fideicommissum debeatur,*  
*ubi juvenis tot annorum factus sit; ab-*  
*surdum, inquam, foret, ab eo qui ve-*  
*niam acceperat ætatis, id fideicommis-*  
*sum prius exflagitari; atque hæc re-*  
*sponsio est ad secundum argumen-*  
*tum. Non dixerim etiam, pertinere*  
*beneficium ætatis ad munera publica*  
*strictè ita dicta, quæ in gubernandâ*  
*Republ. consistunt; nam privilegium*  
*hoc ad privata administratione loquitur,*  
*à quâ ad regimen Civitatis non potest*  
*admitti consequentia. Quod autem Tu-*  
*tela dicitur esse munus publicum,*  
 (14) *ut in hac rem aliqui textus ci-*  
*tabantur, id ab hac consideratione per-*  
*quam alienum est; novimus enim qua-*  
*dam dici publica sensu communi, si-*

(E) 2

cût

(13) Immo vero singulare illud *veniæ* ætatis beneficium ad propria minoris bonâ  
 ubique restringitur, salvo *perfectâ* ætatis in Tutoribus requisito, l. 1. C. 2. C. de his,  
 qui ven. æt. (14) Sed quid notius *muneris* & *honoris* discrimine, l. 1. io. 14. D. de  
 Mun. & hon. vid. Interpp. ad l. 214. C. l. 239. §. 3. D. de V. S.

cut omne jus est publicum, l. 38. ff. de pact. quatenus publicâ auctoritate latum est, in publicam utilitatem, & omnes publicè, non aliquos privatim obligat, l. 8. ff. de Legib. Strictius quædam etiam functiones, munera publica vocantur, quatenus publica necessitate omnibus imponuntur, nec cuiquam eas detrectare licet, l. 1. ff. d. vacat & excusat. ceterum materia & objectum Tutelæ atque Curæ manifestò privati patrimonii est, ideoque latus l. 6. §. 15. ff. de Excus. acute ait, non esse munus Reipubl. Tutelam, etsi publicum alio laxiore sensu passim appelletur. Nam reliquæ argumentationes, quod lex ætatem perfectam requirens generaliter loquatur, & exceptio de veniâ ætatis probanda sit; & quod verba, quibus venia ætatis explicatur de propriis adolescentum patrimonii solummodo loquantur, ex iis quæ superius ad confirmandam thesin nostram adducta sunt solvi & expediti possunt. Ad ultimum & quod Dominus Opponens palmarium vocabat argumentum, ex l. ult. C. de Legit. Tut. sic ratio nostra fuit; Justiniani mentem illuc esse de Tutela legitimâ excludere eos, qui talis ætatis sunt, quibus rerum suarum administratio non committitur, rationemque reddit Cæsar; Cui enim ferendum est, eundem esse Tutorem, & sub Tutela constitui; & iterum, eundem esse Curatorem, & sub Cura agere? Hæc

certe & nominum & rerum, ait, fræda confusio est. Palam est, hæc verba rationesque iis demonstratas non arcere eos, qui veniâ ætatis impetratâ, Curæ aliorum subducti, suæque auctoritati commissi sunt. Addit deinde Cæsar hæc verba, quorumque res possunt plenissimo jure hypothecarum teneri. Hæc non tam est nova ratio, quam accessio & ipse prioris, & principalis; ideoque si prior illa præcipuaque salva sit, hæc accessoria nihil novi committit. Si tamen Præstantissimus Opponens mordicus hujce verbis inbærendum putaret, inferendumque inde contenderet, eos qui veniâ ætatis habent, non posse res suas hypothecæ obnoxias reddere, quia pignoris obligatio sub prohibita alienatione continetur, l. ult. C. de reb. alien. non alienand. & venia ætatis in alienatione rerum interdicta nihil adferat adjumenti, l. 2. d. t. C. de his qui ven. æt. in promptu esse diximus aliquam respondendi rationem; Loqui Imperatorem de hypothecâ Legali, sive tacitâ, quæ perinde conveniat iis, quæ veniam ætatis impetrarunt, quam vere majoribus annis. Intelligi autem heic loci pignus legale, probationis indigere non putabamus; quia satis constat, in bona Tutorum atque Curatorum pupillis minoribusque celebrem hypothecam a lege datam esse, l. 20. C. de Administr. Tut. D. Opponens nec primæ rationi acquiescebat, eò quod verba diserte posita suum peculiarem sensum inferrent; neque alteri, quia sic etiam evinci posset, minorem annis viginti

viginti Tutorem quoque vel Curatorem uxoris esse posse. Sed in proclivi fuit replicare, minores annis viginti manifestissime excludi verbis præcedentibus, quæ facultatem administrandi res proprias requirunt, quæ minor viginti annis nullo modo præditus esse potest. Si maxime requisitum hypobeca ut novum & speciale sit accipiendum, non potest tamen nisi conjunctim cum administratione huic hypobecæ applicari. Quin si maxime dicendum sit, conventionalem hypobecam à Cæsare designari, ac inde sequatur, Legitimam Tutelam, de quâ sola textus obiectus loquitur, Curamque, non deferri his qui veniam ætatis impetrarunt, ea res tamen ad maritos extendi non posset, quia facultas illa viri in uxorem ejusque bona non est Cura juridice loquendo, sed proprii generis potestas maritalis. Si esset Cura, necesse foret, eam vel ob ætatis defectum, vel saltem ob sexum introductam esse, sed neutrum est verum; quod ob ætatem immaturam vir non sit Curator uxoris, apparet inde, quoniam & in conjuges anus competit hoc jus; non respicere ad sexum. patet, quia virginis viduæque non sunt in Cura. plures discrepantias inter hoc Jus maritalis, Curatoriamque potestatem recensuimus lib. 1. Inst. Jur. Fris. cap. 6. §. 4. & seqq. Cum igitur mariti non sint uxorum suarum Curatores, sensu Juris Romani, non potest, fieri, ut textus ejusdem Juris suppeditantes argumenta adversus Curam specialia, accipiantur ita, ut Juri quoque maritali nostrati adversentur. Lex tribuit

maritis administrationem rerum uxoris, modo capaces sint administrandi. Tales sunt omnino, qui venia ætatis privilegiati sunt; Ergo nihil vetat, his perimitti rerum uxoriarum regimen atque Curam; voce largius acceptâ, ut sit usu communi. Post hæc transit D. Opponens ad thesin 5. & 6. capitis tertii; quæ sunt hæ; Præterea, qui duxit filiamfam. minorem annis 20, aut quæ nupsit filiofamilias minori annis 25. nihil luctri ab illâve mortis causâ vel inter vivos percipere potest, idque tametsi Parentes consensum suum post concubitum adhibuerint, d. tit. 1. art. 6. Eadem sanctio locum habet in his, qui quæve sub Curatoribus agunt, d. tit. 1. art. 10. Arbitratur, nimis generaliter nos esse locutos, adserendo, eum qui pupillam minorem annis 25. duxit, isdem penis statutariis subjici, quibus is, qui sine Parentis consensu filiamfam. ejus ætatis in uxorem sibi sumit, obnoxius est, nam ex collatione art. 6. & 10. lib. 1. tit. 1. Statutorum liquido constare putabat, in versiculo 6. majorem penam esse constitutam, quàm versu 10. Quippe, qui filiamfam. minorem annis 20. invito patre, duxit, privatur etiam lucra Statutario, quod consuetudo societasque matrimonialis aliqui conjugibus tribuit, d. lib. 1. tit. 3. Atqui hæc de re altum est silentium in d. §. 10. ideoque non videri id adserendum, licet par vel major ratio subesset; eo quod odia sint re-

*stringenda*, cap. 15. x. de Reg. Jur. ibique Peckius n. 3. & in pœnalibus interpretatio benignior accipienda est, l. 155. §. 2. d. R. I. Aldi volebat, quæ Sandius scribit in lib. 2. tit. 9. def. 19. ad interpretationem libri 1. Statutorum tit. 7. §. 9 circa fin. Quin ita dis-  
ferebat, tentari posse, non modo id interesse; quod dixerat de emolumento Statutario, sed etiam ita se posse interpretari d. versiculum 10. ut is, qui filianfam. duxit, prohibeatur aliquid capere tam mortis causâ quam inter vivos, sed qui pupillam sive adultam sibi junxit, invito Curatore, mortis quidem causâ non possit capere, sed inter vivos si quid acquisitum sit, ejus incapax non habeatur; argumentum se habere ex ipso textu artic. 10. ubi tantum enumerentur species ultimæ voluntatis: verba, *bp donatie maken* referri posse atque debere ad donationem mortis causâ; utpote cum *vd maken* etiam juxta communem loquendi usum significet legare; Statuta vero interpretationem recipere ex usu communi sermonis, ut omnibus est in confesso, docente inter alios Tiracuello de retract. §. 2. gl. 1. n. 5. & sequ. Straccâ de Mercat. p. 1. n. 14. His addendum monebat D. Opponens in d. art. 10. nullas species acquirendi inter vivos allegari, quales tamen in artic. 6. connune-

rantur, Summa Responsi fuit; hasce positiones ut jam ad ventilandum propositæ sunt, concise breviterque conceptas esse; quod imprimis in hac thesi sexta evenerit: In thesi præcedenti argumentum sanctionis adversus matrimonium filiamfam. invito patre contractum exacte propositum esse, Sequens thesis nihil aliud habet, quam hæc verba: Eadem sanctio locum habet in his qui quæve sub Curatoribus agunt, d. t. art. 10. Pœnalis, inquam, sanctio ejusdem generis; cujusmodi autem illa sit omnibus suis partibus, ibi verbis non est expositum, sed remisive ad ipsum Statutum demonstratur. Unde petendum, quod propriè in hac secunda sanctione contineatur: Videlicet, personæ Curatoribus subjectæ prohibentur nuptiis jungi aut proclamari sine Curatorum consensu; quibus iniquè negantibus, potestas datur proximis cognatis, consulto Magistratu, causâque cognitâ, legitime eâ de re disponendi, sub pœnâ nullitatis, si quid ejusmodi conjuges testamento, legato, fideicommissio ul-  
lave donatione sibi invicem reliquerint. In his verbis plura continentur quam à nobis est positum in thesibus nostris. Verba prædicta habent legem atque sanctionem. Lex duobus constat membris, primo est prohibitio nuptiarum cum iis qui sub Curâ sunt; indistincte, cujuscunque sint

sunt ætatis? ita est in verbis; sed ratio vult, ut quod de ætate 20. annorum respectu filiorum superius dictum est, versu 6. id heic *ἡὸν κοινὸν* repetatur. nec enim menti legislatoris consentaneum est, ut qui nuptias filiesam. tum demum pœna adficere voluit, quando fuit infra annos viginti, puellæ quæ sui juris, sub Cura tamen, est, eandem pœnam applicare voluerit, etiam post id tempus ætatis: Ideoque tu sic accipe hunc locum, quemadmodum & usu servatur, ut prohibitio sanctioque tantum in puellis viginti annis inferioribus obtineat: de adolescentibus simpliciter dicendum, eos non posse jungi matrimonio, quamdiu sub Curatore sunt, eo invito; cum, quia verba hujus artic. 10. generalia sunt, tum quia in filiesam. ætate viginti quinque annorum pœna definitur, quæ ex articulo x. hac relata incidit in id tempus, quo Cura amplius non est. Puellæ verò, quæ vigesimum annum exceßerunt, non egent auctoritate Curatoris, sed bastenus liberioris arbitrii sunt, quum juvenibus licet. Altera pars legis est, de auctoritate propinquorum; quibus de nuptiis adultærum disponere licet, ubi Curator ini que recuset adfensum; quod non ita accipiendum, quasi propinquis decernere liceret, quoties Curator nihil habet obijciendum ambientibus; optime semper de negatione Curatoris tan-

quam Patris præsumendum; nisi iniquitas manifesto liqueat. Sanctio nem quod attinet, de qua nunc proprie queritur, fatemur, eam paucioribus verbis esse conceptam & angustiore, quam superior in art. 6. Ibi est nullitas omnium commodorum, quæ à conjuge in conjugem ullo modo proficisci possunt, sive ex consuetudine Provinciali, seu Testamento, donatione, cessione, translatione, aliave ratione, quæ excogitari possit; heic tantum recensetur Testamentum, Legatum, fideicommissum; additur, aut ulla donatio, additâ voce maken: Nec il libenter concesserim; videri tantum imperari nullitatem liberalitatum. quæ per ultimas voluntates inter conjuges exercentur, adeoque donationem mortis causâ duntaxat; cum quia Vox maken omnino de legatis usurpatur, tum etiam quia species reliquæ sunt ultimæ voluntates duntaxat serupulum solummodo movet, quod habetur; of enimge donatte/ cujusmodi expressio plures donationis species indicare videtur, Respondeo bifariam: primo verbum donationis accipere licet, pro liberalitate, ut sit clausula generalis post enumerationem specierum; vel, si mavis, vox enimge respicit ad materiam donationis mortis causa, sive ad res donatas; non licet quicquam relinquere, Testamento, legato, fideicommissum, aut ullius rei donatione;

natione; quamquam & ipsa donatio mortis causa non caret suis speciebus, l. 2. ff. de donat. mort. c. In hoc igitur articulo D. Opponens non abludebat à mente nostra; licet verba brevius obscuriusque posita essent. Atque in his, servato actionis decore, ab Advocato de Ghemenich desitum est.

Dein Feito Wesselius ingenii alacris optimeque spei Advocatus, post honorem Illustri Auditorio habitum consurrexit, atque thesin penultimam cap. 8. examinare cepit, ubi sententiam Thomæ Herbaji nostram fecimus; qui inter modos finendi societatem conjugalem refert hunc casum; si vir venerit in eum statum, ut ipse Curatorem accipiat, velut, si prodigus aut furiosus fiat, cap. 15. rer. quotid. Fundamentum rationis contrariæ petebat à verbis Statuti lib. 1. tit. 3. art. 1. conjuges lucrum & damnum, quod durante conjugio acquirunt, pariter ferunt, aut fruntur ipso jure, Regula generalis est; lucra & damna conjugibus sunt communia, pertinens ad omnes conjuges, omnesque casus, in quibus non probatur exceptio. dein e Statuto venit communio; proinde nec aliter finiri potest: Additur, durante matrimonio, staande 't houwelij; proinde quamdiu matrimonium consistit, hæc etiam communio du-

ret oportet; Atqui prodigientia, vel furore, non finiri matrimonium, palam est; & de furore textum habemus notabilem, in l. 22. §. 7. ff. solut. matrim. Accedit, quod Statutum ait, ipso jure lucra damnaque communicari, ita ut factio alterius conjugum nihil sit opus: Proinde licet furiosus nihil operæ conferre possit ad acquirendum, hæc res tamen impedimento esse nequit, quominus sit particeps quæstum ab altero perceptorum: præsertim quia casus tam miserabilis, furiosi causam videtur reddere favorabilem. Præterea non parum hoc facere putabat, quod jura seu facultates in favorem hominum constitutæ maneant integra furiosis; Etenim ille retinet patriam potestatem, l. 8. ff. de His qui sui vel al. jur. & consequentur usumfructum bonorum filii adventitiorum: Acquiritur & actio furioso iisdem è causis, ex quibus ignorantibus acquiritur, l. 24. ff. de obl. & Act. Hinc furiosi causam agens Ulpianus in l. 22. §. 7. ff. solut. matrim. ait: Quid enim tam est humanum quam fortuitis casibus mulieris maritum & mariti uxorem participem esse? Non sunt equidem hæ rationes de nihilo: Nec moverunt tamen Herbajum nostrum, quin ita statueret, ut à nobis positum recognovimus, ex cap. 13. libri elegantis rerum quotidian.

Ex

*Ex facto pendet definitio questionis, inquit, Refert enim, an Curator furioso datus sit. Id si factum est, procul dubio inventarium conscriptum erit, quum ad id Curator præcipue teneatur l. ult. vers. fin. aut. C. de Curat. fur. Tum Curatoris administratio ad furiosum tantum ejusque bona pertinet, ac proinde per separationem illam bonorum, communio- nis jus sublatum videtur. Sin vero eorum nihil factum sit; sed (quod aliquando toleratum scio) uxor aut consanguineus aliquis furiosi eam curam in se suscep- rit, an manet communio? Id ve- ro affirmandum putat. Respectu prodigi, causa cognita, fit interdi- ctio ac ita Curatoris datio, quâ tolli communionem bonorum inter conjuges dubitatur, idque promulgatione pub- lica significatur omnibus, ne quis opinionis errore ductus societatem obli- gationum inter eos adhuc optinere pu- tet: Atqui prodigos & furiosos, quantum ad patrimonii causam atti- net, exacte comparari juris est no- tissimi, l. 12. ff. de Tutor. & Cur. dat. Duntaxat hoc interest, quod circa furiosos non opus est causæ cognitione atque decreto; quia furor ultro se prodit, luxuria & prodigen- tia magnam habet latitudinem, an- tequam ad furoris similitudinem per- tingat, ideoque non habet effectum*

*interdictionis, priusquam Magistra- tus decreto suo id approbaverit. In furioso igitur hæc conjungenda sunt, Mentis absentia, inhabilitas concur- rendi ad actus acquisitionum, Cura- toris datio, & realis separatio pa- trimoniorum. Priora parant viam, posterior hæc absolvit recessum à com- munionem; sicut aliqui societas, ut Re, hoc est tacitâ illatione rerum in communionem initur, sic etiam Re, sive tacitâ actualique separa- tione bonorum solvitur.*

Quod jam ad argumenta obje- ctionum attinet; *Ex his quæ dicta sunt intelligi potest, non sequi, ma- trimonium subsistit, ergo bono- rum communio durat; finitur enim pacto conjugum, finitur se- paratione judiciali, & interdictione bonorum, cui nos merito com- paramus dationem Curatoris, se- parationemque bonorum ei cohe- rentem, propter furorem. Quod autem Statutum banc communionem ipso jure ait, exerceri, non ob- stat huic interpretationi, qui suppo- nitur actualis continuatio societatis bonorum, atque tum singulares effe- ctus non requirunt cessiones aut con- ventiones, sed ipso jure; hoc est, vi legis immediatâ dominium ex alterius contractibus, in alterum transfertur; cujusmodi effectus ces- sare palam est, ubi societas ipsa bo- norum venit in eum statum, ut con-*

(F) tinuari

*tinuari nequeat.* Jam, Ex statuto venit societas, Ergo nec aliter finiri potest. *Resp.* Non est sane, quod è Statutis plenam cujusque rei tractionem, ita ut ex rationibus atque sequelis juris communis ordinandæ sunt, expectemus; summa tantum capita in illis collocantur, quibus explicandis illustrandisque juris civilis regulæ perpetuo jungendæ, applicandæ sunt. Postremo, non est quod negemus, furiosum jura facultatesque stabili jure semel acquisitas retinere, puta patriam potestatem, usumfructum, adde, dominium, successionem, obligationem, & quicquid in, aut ex bonis, habetur: nam talia non habent relationem, nisi ad ipsum solumque furiosum, cui ob calamitatem jus suum auferri non debet. At bonorum communio refert sese ad alium, nec consistere potest cum separatione reali, quam in nostra facti specie evenire probavimus. Jam quod de miserabili favore, quem furiosus mercatur, assentiente Ulpiano, prolatum est, id locum inveniat, ubi furor necdum adeo inveteravit, ut Curator sit constitutus, sed confux cum furente altero sine interventu diversæ personæ separationisque apud eodem penates aurat. D. Advocatus adsumpto, quod ex ratiocinatione nostrâ colligebat, præcipuum hujus controversiæ momentum consistere in illa separatione bonorum, quæ dato Curatore, factoque seorsim inventario contingit, faciendum putavit, ut rationes adduceret,

quare illi qualicunque separationi ea vis adscribi non possit: Nec adeo separationem revera per dationem Curatoris furioso factum accidere contendebat, eò quod separatio bonorum inter conjuges nonnisi per Judicem, vel partium conventionem fieri possit, quarum neutram in hac specie intervenire; Nec eam inferri per confessionem Inventarii, quia Curator id tantum faciat officii causâ, ut rationes deinceps reddat, atque sciat; quanam res ad ipsius curam pertineant; denique administrationem quæ facti sit, duntaxat separari, juris nullam contingere mutationem. Quid vero dicemus, ait, si Cajus & Sejus minores contraxerint matrimonium, Cæsusque non impetrata ætatis veniâ, sub Curatione remanserit, an, quia bona ejus adhuc à Curatore administrantur, societas conjugalis non videbitur esse contracta vix putem & quotidiana praxis reclamât. Porro ad diversitatem inter prodigum furiosumque demonstrandam; Quando Cajus inquit, hominis prodigi, vitæque dissolutæ, bona à conjugis Sempronix bonis per Judicem separantur, tum dicendum est, finiri societatem, quia judex separando bona id vult, ne Cajus contrahendo pro more æs alienum, Semproniam vi societatis obliget atque lædat: verum, si quis miser



miser in furorem inciderit, iudex dando ei Curatorem, magis ipsi vult prospicere, quia suis rebus ipse superesse nequit, quam re- scissâ communione multare jam afflictum. *Putabat autem, banc rem pendere totam à voluntate iudicis, eo quod societatis conjugalis causa non sit cumulatio bonorum, sed matrimonium; ideoque bonorum separatio non potest tollere quod bonorum collatio non fecit, juxtaque matrimonium durare communionem oportet. Postremo sententiam nostram hujusmodi absurdum urgebat D. Opponens; Maritus, cui ob sustinenda onera matrimonii dos datur, si furere cœperit, & jam onera illa sustinere nequeat, quicquid emolumenti ex dote venerit, jam omne capiet, cum suæ mentis, & ferens onera, semissem tantum sibi haberet, quatenus ac- quæstuum indistincte etiam ex do- talibus rebus inter conjuges Fri- sios communio habetur. Ratio no- stra ad hæc est, separationem, quæ, datione Curatoris furioso accidit, babe- re causam primò, furorem ipsum inba- bilitatemque ad societatem bonorum ex- ercendam; dein, Curatoris dationem, quæ non aliâ ratione constat, quam si prodigo Curator detur, quo realem fieri separationem conjugalemque cessare communionem non dubitatur. Quid enim interest, nisi quod ad prodigum Curato- ri subjiciendum interdictio precedere debet, siquidem prius non est prodigus?*

*Interdictum adeo facit, ut prodigus in eo statu constituitur, quo furiosus jam est per se; bonorum separatio sicut per furorem non committitur, ita neque per interdictum infertur, atqui per da- tionem Curatoris prodigus fit ex- pers communionis; Ergo nihil causæ est, cur non idem in furio- so sit statuendum: sola Curatoris datio, quæque eam sequitur in- ventarii confectio, potest hoc efficere in prodigo: nam inter- dictio, inquam, nihil ad eam rem confert; quid adfers, quominus datio Curatoris inventariique con- fectio idem respectu furiosi effi- cere possit? Aique, si in prodigo non tantum administratio, quæ facti est, sed etiam jus communionis iis re- bus distrabatur, distinctio tua, quæ administrationem bonorum furio- si duntaxat separari, ipsa bona volebas communia remanere, de- struitur. Id etiam ex dictis apparet, separationem, quæ ex hac causa inter furiosum ejusque conjugem accidit, æque per autoritatem Judicis perpetrari, quam Tu ipse contendis per Curatorem prodigo datum evenire; ne putes, & nuda administrationis diversitate nobis ita vi- deri. Quare quod de novis conjugibus quasi à simili argumentum profertur, eorum bona, si minores sint annis XXV. seorsim à Curatoribus administrari, nec tamen ideo minus inter eos esse bonorum communionem, nihil valoris habet ad hanc disputationem. Præter enim quod*

(F) 2 fun-

*fundamentum & causa movens longe dispar est, cum furor habilitatem colendi societatem tollat, minoribus adsit æqualis industria, palam est, hisce nullum accidere factum judiciale, quo societas eorum abrumptur. Nihil magis stringit nos ratio differentia, quam D. Opponens inter prodigum & furiosum reddere conatus est; Ratione prodigentia Judex, ait, separando bona parti innocenti vult consultum, ne per conjugem prodigum obligetur; sed Curatorem dans furioso non id agit Judex, ut rescissâ communione mulctet admixtum, sed potius ut ei prospiciat. Videbatur in ea esse sententiâ D. Advocatus, casu, quo communionem inter furiosum ejusque conjugem indistincte continuari statuimus, dementem esse lucrorum participem, de damnis haud teneri, quod etiam Herbajus noster in hypothese illius sententia supponere videtur d. cap. 15. sub finem, versu; nihil sane vetat, maritum furiosi conditionem meliorem fieri. Quod ut ipse judicet iniquum proponit temperamentum his verbis: Tentet aliquis forsitan in casu, quo Curator necdum datus est, lucri eo casu omnino participem esse furiosum, damni ita demum, si ab uxore aut agnato nihil factum, quam quod debuit aut solebat, ut si ob rei familiaris angustiam su-*

*stentando matrimonio quid æris alieni impensum sit, aut fortuito quidpiam evenerit, id ut ad furiosum quoque spectet. Ego vero ita existimo, si tenemus, societatem conjugalem furore, datoque eâ causâ Curatore, non tolli, sed durare, nihil tum mutationis inferri, sed omnia lucra atque damna, sicut lege statutum est, inter conjuges indistincte communicari. Unde enim diversitas, & quod non est mutatum, cur in eodem statu manere prohibetur? nec rationem habet Herbaji temperamentum; quia per hoc supponitur furiosi conditionem calamitate sua meliorem fieri, cum sufficiat, non reddi deteriore; si conjux sanus factâ separatione Curator insipientis esset, tum ita foret distinguendum; sed vi societatis conjugalis non potest communionis ratio in hoc casu aliter stabiliri, quam generaliter lege præscriptum est. Quod porro opponebatur, societatis conjugalis causam non esse collationem bonorum, nec proinde separationem eorum esse causam dissolvendæ communionis, sed hanc rem unice pendere ab ipso matrimonio contracto vel dissoluto, Respondimus; imo verò communionem inter conjuges esse consequentiam rerum, quæ in matrimonium inferuntur; & si aliæ causæ concurrant, absque rebus tamen eam non oriri, neque posse coiri; matri-*

*monium ipsum esse quidem societatem vitæ l. 1. ff. sol. matrim. sed non potest dici causa communione bonorum; quia satis constat, jure communi nullam esse rerum inter conjuges societatem. Ideoque nihil impedimento est, quominus etiam, durante matrimonio, societas bonorum finiat, quando sine eâ conjugium omnino consistere potest. Postremo quod absurdi argumento voluit urgere sententiam nostram D. Opponens, non est visum inevitabilis consequentia. Nisi enim hac hypothesi, quod vir furiosus, soluta per Curatoris dationem, secutamque separationem bonorum, societate rerum, adhuc dotem ejusque commoda retineat; quod mihi non videtur, neque probatur ex laudata l. 22. §. 7. ff. sol. matrim. ubi nihil est aliud, quam virum dote fruentem posse compelli ad alimenta uxori furiosæ subministranda: Unde rectius ita colligas; si verum esset, dotem remanere penes maritum quemlibet furiosum, redditus ejus in rem communem debere converti; vel si communio sublata sit, ita ut quisque suum patrimonium recipiat, tum nihil est dubii, quin dos, utpote proprium mulieris patrimonium, ad ipsam revertatur, sicuti fit, quando maritus vergit ad inopiam vel quando deportatur, l. 24. ff. sol. matrim. l. ult. C. cod. l. 29. C. de jur. dot. l. 1. C. de repud. Jure civili casus*

*hic in nostris terminis definitus non est, quoniam sequela est communione bonorum, quæ jure communi ignoratur.*

*Haftenus cum Wesselio actum. Eum supremus excepit Albertus Schotanus à Sterringa, Bernardi Schotani Antecessoris quondam in Franekeranâ, Trajectinâ, Lugdunensi Academiis Celeberrimi, è filio nepos, Juvenis ingenti contentione animi, nec impare successu ad avitæ laudis emulationem aspirans. Antequam vero quid Ille tunc in medium proposuerit explicem, faciedum puto, ut interponam paucula, quæ ab hisce duobus Advocatis sequente Actu Collationis disputata sunt, eo quod ad positiones primæ Collationis pertineant, atque etiam, finito Actu primo, ab aliis præcipuis Auditoribus ventilata fuerint. Quæ gratid, cum positiones secundæ collationis publicarem, præscribi curavimus, ut juxta illas liceret etiam impugnare sententias primæ Collationis. Ita D. Wesselius opposuit rationes suas contra th. 9. & seqq. cap. decimi, in quibus tentatum à nobis est, in hac sententia Juris communis, quæ statuit, invitis adolescentibus non dari Curatorem, forte nihil mutationis Jure Frisco esse illatum; supposito, quod cum Interpretibus communiter, paucis licet dissentientibus, pro indubitato ba-*  
(F) 3

bemus, minores annis xxv. non modo cogi non posse, ut hunc aut illum Curatorem eligant, verum ne ad hoc quidem, ut aliquem in universum accipiant, quâ de re plenâ manu egimus in lib. 3. Digress. cap. 15. & seqq. Ratio oppositionis duplex inprimis fuit; primo, quod Statuto Frisîæ lib. 1. cap. 7: ita cautum est, si quis moriens liberos minorennos relinquat, Prætores aut Magistratus Urbium iis quamprimum Curatoribus datis prospiciant. Quibus verbis traditur officium esse Magistratum, quod necessitatem publicam continet, ut minoribus annis 25. dent Curatores. Rationem alteram sumserat D. Advocatus ab eo, quod omnidid institui videmus, ut adolescentes adultæque minores annis 25. subjiciantur Curatoribus, nisi puellæ post octavum decimum, juvenes post vigesimum annum impletum veniam ætatis impetraverint, quâ utique opus non esset, si ad Curatores accipiendos compelli non possent. Magistratus etiam ita servans, ut cum mortui sint homines, relictis minorennibus, bona describant & obsignent, donec Curator sit constitutus; denique rem videri insolentem, alienamque à foro, ut minores, privilegio ætatis non impetrato, suas res agant. Ad hæc nos primo operam dare, ut Auditoribus mentem nostram, quæ

primo auditu cruda videtur, exponeremus. Prisci Romani adolescentibus, toga virili acceptâ, quod fere eveniebat anno ætatis decimo quinto, res suas permittebant, dicebantur in suam tutelam venisse. Cura non erat munus publicum, nisi in furiosos & prodigos; ita ut qui è tutela exisset Curatori non absque notâ ignominie subesset. Marcus Philosophus constituit primus, ut Cura munus publicum esset, juvenesque minores annis xxv. Curatores petere possent, non redditis causis, hoc est, sine dementiæ prodigientiæque notâ: Invitis tamen non dabatur Curator, præterquam in litem, ut Justinianus docet in §. 2. Inst. de Curatoribus, quod cum aliis Juris locis optimè consentit. Admonebantur quidem à Tutoribus, ut sibi peterent Curatores, l. 55. §. 1. ff. d. Administr. Tut. & credi par est, admodum paucos adolescentes è Tutela exiisse, quin peterent Curatores, arg. l. 33. §. 1. ff. eod. tit. sed qui ætate maturiores amiserant parentes, si fiduciam sui haberent, sibi permittebantur, nec admoneri quidem dicuntur; cogi certè ullos omnino, res inaudita est, l. 2. in fin. Qui pet. Tut. vel Curat. adeoque multos sine Curatoribus egisse adolescentes satis probat l. 3. C. in int. de restit. minor. ubi minores distinguuntur inter Curatorem habentes & sine Curatione con-

constitutos, *Verum-enimvero quod directo jure in eos non statuebatur, ad hoc indirecte sæpe redigebantur. Nec enim judicio poterant contendere, nec debitores suos ad solutionem adigere, nec quicquam alicuius momenti cum aliis aditare poterant, nisi prius Curatores petere in animum induxissent, l. 2. C. Qui pers. stand. in jud. non hab. l. 7. §. 2. ff. de Minor. Atque hæc inevitabilis difficultas, quæ minores Curatoribus destituti, impliciti sunt, in causa fuit, ut regimen Curatorum in adolescentibus tanquam ordinarii juris commemoraretur: Hinc idem Cæsar, quo loco, ait, invitos adolescentes non accipere Curatores, etiam ita loquitur; Masculi quidem puberes & feminæ viripotentes usque ad vicesimum quintum annum completum curatores accipiunt, quia licet puberes sint, adhuc tamen ejus ætatis sunt, ut sua negotia tueri non possint, pr. Inst. de Curat. (15) Nec multo secus hodieque apud nos comparatum esse crediderim. Narravi auditoribus exemplum, in quo momentum hujus quæstionis accurate ob oculos ponitur. Triduo, antequam hæc collatio haberetur, accesserant ad me consulentes*

*dum aliquot cives ex genere Menonitarum, qui plerumque sunt homines frugi, & a tricis fori abhorrentes. Erant, adolescens novendecim annorum, vitricus ejus, & Patruus. Mater adolescentis recens nupta filio bona paterna cupiebat erogare, desiderabatque ut filius patruum sibi Curatorem deligeret: hic, filius, detestabatur curam, adferens, patrimonium suum non esse tantum, ut alienæ Curæ indigeret, seque sibi sufficere, & sufficiebat haud dubie. Quærebant, an id fieri posset. Respondi, separationem paternorum maternorumque bonorum non posse fieri sine Curatore ad actum divisionis, utique non tuto respectu matris & vitrici, nec etiam paterna bona adolescenti posse tradi, ita ut ipsis liceret esse securis: verum ad hos actus adolescentem cogi accipere Curatorem. Rogabat, an eo peracto, juveni sine Curatore liceret; hoc enim & ipse volebat, & Patruus ejus malebat. Respondi, satius esse, ut acciperet Curatorem; si tamen nollet, putaretque, se tranquille res suas gerere posse per se, non scire me, legem esse, quæ directe eum pe-*

(15) Propter beneficium restitutionis, potuisse ab adversariis suis minores cogi, ut ad certos actus sibi curatores peterent, dudum est observatum. Vid. §. 2. Inst. de Curat. inue. l. 2. c. qui legis. pers. l. 7. C. qui pers. tut. l. 7. §. 1. de Minor. l. 2. §. 5. qui pers. tut. l. 6. C. eod. Qua de re pluribus Ampl. Otto in Comm. ad d. §. 2. Instiss.

petere Curatorem cogeret, annum ita qualitercunque transigi posse, eo peracto parva operâ sumptuque peti posse veniam ætatis, quæ solerti adolescentiæ non soleat negari. Interea experiri eum posse, num vel à Magistratu, vel ab iis quibuscum ei res foret compelleretur; atque tum è facto consilium capiendum.

*Hoc igitur nostræ quæstionis est, an Magistratus eum juvenem compellere potuisset, ut incontinenti peteret Curatorem ad gubernandum ipsius patrimonium. Fateor, me nihil in Statutis, nec quidem in praxi nostra videre, quod eò nos adigat. Nam verba Statuti modo relata, quid aliud continent, quam adolescentes usque ad ætatem perfectam haberi sub curâ, idque Magistratibus ut operam dent quo fiat, injungi? Atqui illud ipsum textus Juris civilis passim inculcant, nec ideo minus negant coactionem. Dein Statutum etiam maxime de Tutelâ loquitur, omnimodique enim proprie sunt infantes, nullamque facit mentionem electionis ab adolescentibus faciendæ, quæ tamen indubitatâ praxi ad eos pertinet. Denique Magistratum duntaxat meminit, quasi nulla amplius esset Tutela Testamentaria, quod profecto ex bis verbis probabilius quam coactio, de qua agimus, colligi possit. Sed hæc omnia tacitè relinquuntur dispositioni juris communis, verbis curatè insertis Statuto, sô nâe recte behoort. D. Advocatus volebat, ea tantum indicare modum dandi Curatores jure civili præ-*

*scriptum: sed eò non posse restringi, præter quod sensus verborum abnuat, inde patet; quod aliqui Tutela Testamentaria Statuto præclusa foret, nisi bis verbis conservaretur. Hæc ad primam rationem. Alteri de quotidiana praxi jam satisfactum est, scilicet, ideo fere semper adolescentes accipere Curatores, quia difficultatibus aliqui crebris nimium intricarentur; at vero esse quoque non paucos sine Curatoribus certum habeo; nec ullum extare coactionis exemplum mihi quidem constat. Si Magistratus descriptionem obsecrationemque in bona talis adulti adultære decernere vellet, isque sese opponeret juris communis præsidio, expectandum foret, ab arbitrio Amplissimi Senatus, an hoc caput Juris Romani usu nostro abolitum esset; quod pro lege nobis est futurum. Una ratio superest adversus opinionem nostram, cujus explicatio & aliud incedens quæsitum suppeditabit. Impuberes, qui sub Tutelâ fuerunt, impleta pubertate, non liberantur potestate Tutoris, sed Tutela transit in Curam, eique manent subiecti usque ad annum vicefimum quintum impletum; inviti utique; siquidem id ipsi fatemur, adolescentes qui semel accepere Curatorem, ejus potestati subducere se non posse, juxta l. 1. §. ult. ff. de minor. quam de iis qui jam habent Curatorem, quique suarum rerum administrationem volunt recipere, intelligendam esse probat abundè Lex sequens. Non potest negari, quin hæc sit consuetudo fere omnis Europæ, vulgiquæ ita jam usurpetur in Frisiâ, sed non est concedendum, ut quicquid adversus præscripta Juris Civilis*

*Civilis sine auctoritate Statuti rerumque ab Senatu Juridico judicatarum, usu populari inolevit, pro solida praxi, indubioque jure sit agnoscendum; quod de re superius, quod satis fuerit, dictum est. Habemus regulam Frisii singularem, quæ multo validius nobis à Juris nostri conditoribus inculcata est, quam usquam alibi gentium obtineat; Quicquid Statutis diserte non est mutatum, in iis obtinet ratio Juris Romani. Sand. lib. 2. tit. 2. def. 20. vers. Quod axioma & def. 7. in fin. lib. 4. tit. 1. Herbar. cap. 13. §. 6. Consuetudines contrarie Statutis jam pridem insertæ fuere; non negaverim, posse etiamnum populi moribus Juri scripto derogari; sed ut ejusmodi instituta in juris vim convalescant, non sufficit desuetudo neglectusque, sed opus est præter longum tempus frequentia actuum contrariorum, maximeque judicialium, l. 34. ff. de Legibus. Quod verò non ratione introductum sed errore primum, deinde consuetudine obtentum est, in aliis similibus non obtinet, l. 39. ff. eod. Quæ res quam latè pateat, ignorare non potest, qui usus forensis disciplinam cum notitia Juris Latini conjunxit. Jam porro, Jure Civili ita constitutum esse, Tutelam pubertate finiri, nec eundem qui Tutor fuit, in Curâ posse continuare, sine nova petitione minoris, & confirma-*

*tionis Magistratus, de hoc nihil est quod dubitetur & in positionibus Justinianeis probatum est. nihil etiam Statutis insertum esse, quod caput hoc juris Romani sit mutatum, e textu d. tit. 7. liquet; Nam quod ibi indistincte van nimmerjarige en Doorgominders tractatur, non est idoneum argumentum, ad probandum, quod omnis differentia Tutelæ Curaque sublata sit. Idem enim in Jure Græco fit, ut Tutores & Curatores, Impuberes Minoresque, illisdem vocabulis, κηρυόμενοι, & ἀφελαιες appellentur, nec ideo tamen minus reales discrepantia in illo jure servantur. (16) Verum ad usum hujus provincie forensis magis pertinet quod Curia Suprema plus semel antebac ita judicaverit, Tutorem, qui à Magistratu super impuberem confirmatus erat, & post pubertatem in administratione continuavit, in contradictorio sibi non posse vindicare cunctos effectus Curatorie potestatis, nominatimque non posse eum impedire nuptias puellæ, cujus se pro Curatore gerit. Fuit hac de re lis olim inter Frans Jacobs de Fries, & Doctorem Martinum Wybinga, Juri in hac quondam Academia Professore, sed tum apud Harlingana Tribunalis postulante. Pellexerat in matrimonium Catharina Heres tredecim annorum puellam, quæ antebiennum, & sic ante viripotentiam, acceperat Tutorem illum.*

(G)

(16) Quæ sequuntur, multo uberius ab auctore exposita vide in *De Re. Po. Juris Frisii*, quam propterea huic Collationi subjiciendam putavimus.

sum de Fries, qui exinde manserat in administratione, tempore Curæ. Hic intercedebat nuptiis contendens se jus habere eas impediendi, tanquam avunculum, & Curatorem datum simpliciter, ut *Woozinomber* / quæ vox tam Tutelæ quam Curæ conveniat. Quia decisionem hujus causæ ad probandam veteris Curæ sententiam forique præxin laudaveram, nonnullis visum fuit negare, id ex definitione colligi posse, ideoque pretium operæ putavi processum ipsum perlegere, cum antea satis habuissim citare testimonium viri gravissimi Johannis à Saekma Senatoris doctissimi, qui in notis Manuscriptis ad Statuta Frisicæ ita scripserat; Senatui in illa causâ ita sensisse, Curatorem, qui finita Tutelâ, non fuerat confirmatus, impedire non posse nuptias puellæ, cujus res gereret. Ventilata fuerat causa prius in foro Harlingano, ibique secundum Wybinga eras judicatum; Curator, vel qui pro tali se gerebat, appellaverat ad Curiam; Patroni fuere Lensius & Nys; duo validissimi ejus temporis Advocati jurisque peritissimi. Nihil fere processu ab illis agitatum est, quam de potestate Curatoriâ Francisci de Fries; Lensio contendente, Tutoris potestatem non abrogatum durare ad usque annum vigesimum quintum; Nys contra sic iuris adfirmabat esse, quod

Tutelâ finita, Tutor pro Curatore non habeatur, sine nova petitione minoris, iudicisque confirmatione; Et quod proinde consensus ejusmodi Tutoris, qui pubertate pupillæ Tutor esse desit, in contrahendo cum puellâ matrimonio non requiratur. Lensus Gailium pro suo cliente citabat, quæ lib. 2. obs. c. 96. ita plane arbitratur, & hoc passim moribus hodiernis obtinere testatur. Nyssius auctoritatem Juris Latini, Stando nihil discrepantia, & exemplum judicatis prioris allegabat. Nam ita Curiam censuisse jam olim in causis Tjallingi à Botnia contra Godschalk ab Herama in his ipsis Terminis; non posse Tutorem absque nova petitione minoris & confirmatione Magistratus, auctoritate Curatoris uti, nec adeo nuptias adultæ, cujus bonis præest, impedire, Curia litem pro Wybinga decidit, & sententiam Judicis inferioris confirmavit; neque tantum confirmavit; sed etiam pro eodem Wybinga retractavit. Nam Judices Harlingani in nuptiis quidem impediendis non agnoverant Curatoris dissentium, verum tamen puellæ amicis saluum reliquerant jus suum ex Edictis ordinum adversus eos, qui puellas viginti annis minores ad nuptias sine Curatorum & propinquorum adsensu pelliciunt. Adversus hanc clausulam Wybinga communione



nione appellationis usus erat, obtinuitque rescissionem ejus, nullo alio fundamento, quam quod de Fries Curator non erat, ut quidem D. Saekma testatur, & ex actis liquet; nam factorum, quæ discrepantia hinc inde jactabantur, nullam esse habitam rationem liquet inde, quod absque interlocutione res definitive judicata est. Tum temporis igitur, (accidit ea res anno hujus seculi decimo nono) sic fuit judicium Curæ, sic usus fori valuit; si nunc aliter juris est, quaesitum velim, unde nova diversaque juris interpretatio orta sit. Non potest aliunde, quam ex abusu negligentiaque hominum; vel potius ex ignorantia Tutorum atque pupillorum, qui vernaculo usu vocum decepti, non putarunt interesse quicquam inter Tutelam atque Curam, ideoque simpliciter utriusque muneris tempora & officia conjunxerunt. Quia vero judices non solent in his muneribus, nisi requisiti, agere quicquam, non potuit fieri, quin nova confirmatio Tutorum ad Curam obeundam ires in desuetudinem; At cum hæc è mero neglectu socordiaque sit orta, non potest pro consuetudine recepta haberi; ideoque non putavit Senatus in contradictorio hujusmodi abusus habendam esse rationem; Saltem id extra omnem dubitandi aleam ponimus, adolescentes, emensâ Tutelâ, si velint, posse novos petere Curato-

res: quod sufficit, ad obtinendum id de quo jam disputamus; Inuitis adolescentibus non posse Curatores obtrudi: Tametsi rursus fateamur, non videri tolerabile moribus nostris, ut recentes pubertatis pueri suæ tam crudæ potestati permittantur; quod ne Jure Civili quidem post tempora Divi Marci frequentatum fuisse credimus. Proinde, si poterit obtineri, ut sententia Juris Romani adhuc apud nos valere dicatur, causæ tamen cognitione opus esset, utrum adolescens suis rebus sufficiat administrandis, an secus; ita quemadmodum in d. cap. 10. n. 11. posuimus; proinde si adolescentes bene res suas gerant (& sunt qui sufficiunt) bene habet, nec videntur cogendi; si male, in promptu erat & est hodieque remedium interdictionis: cujus evitandi gratia (nam sugillat famam) dicendum est, Consanguineos à Magistratibus petere posse, ut inuitis Curator detur, vel ipsos judices id ex officio in eos decernere posse; Quod & inde ab initio fieri potest, si appareat eos non esse habiles ad res suas gerendas, ut fere sunt, qui recentes in pubertatem appulerunt.

Faciliores credo me Lectores habiturum in eo, quod secundâ Actione disceptatum fuit cum Alberto Schotano, quod etiam heic commo-

*morare visum, quia thesis ad primam collationem pertinebat, tametsi magis ad interpretationem Juris Justiniani quam Statutarii spectet. Quia tamen, ut communiter à nostris accipitur, meo iudicio recessum à Jure Civili esse oporteret, baud incommode hoc referri potest. Sandius lib. 2. decis. tit. 1. def. 5. statuit ipse, & in Senatu refert esse judicatum, filiamf. majorem annis xxv. sine Patris consensu validum inire posse matrimonium. Nos eam sententiam, nec Statutis probari, nec Juris civilis rationi consentaneam esse, diximus in cap. 3. n. 9. & seqq. Addidimus, nec à Senatu ita adhuc esse judicatum; quod ut ἀποδείκναι, Sandio, ut videtur repugnans forte aliquos offenderit. Verba Sandii, quibus sententiam Curia demonstrat, hæc sunt; Hinc, cum quidam filiamfam. 25. annis majorem in jus vocasset, cum qua fatebatur se in scio patre matrimonium contraxisse, filia verò matrimonium negasset, ad probandum admissus fuit, cumque in probatione defecisset, absoluta est. Unde vulgò colligitur, si juvenis probasset contractum matrimonii, filiamfam. fuisse condemnandam. Sed quam id nullo modo tutum sit adfirmari, norunt qui judiciis interfuerunt. Nam propter multitudinem causarum, quando partes circa facti historiam discrepant, omni die contingit, ut interlocutio ad probandum fiat, etsi facta illa non sint litis decisoria; sive quod non*

*vacet Senatoribus exactè curioseque examinare, num sine claritudine illorum causa finiri queat; sive quod speretur, è discussione factorum aliquid lucis causa disceptationi adpersum iri. Non ita pridem hæc questio rursus agitata est in senatu, super causa Georgii Blankert contra Isaacum van der Helten. Georgius desponderat sibi filiam Isaaci majorem annis 25. sine Patris consensu, quanquam multis id egerat, ut probaret, Patrem ex post facto consensisse. Pater tamen nuptias detredabat; Georgius eum in jus vocaverat, petens ut condemnaretur, permittere celebrationem nuptiarum, virgo subscripserat libello. Pater, jus patriæ potestatis allegabat, nec sibi imputari posse moram in elocandâ filiâ; esse Pastorem boni moris & familia, cui filiam destinaverat. Cum ad rem judicandam ventum esset, primò quidem Domini sentiebant, exemplum Sandii non facere judicatum Curia; nec adeo questionem adhuc esse decisam. Longè etiam pars major, re bene disceptata, sentiebant, non esse verum, quod filia major annis 25. sine Patris consensu nuptias contrahere possit: cum enim nullum sit aliud ejus sententia fundamentum, quam in Nov. 115. cap. 3. §. si alicui 11. quam urgebat D. Opponens, illo textus bene examinatus nihil ejusmodi continet. verba sunt; si vero usque ad viginti quinque annorum ætatem pervenerit filia, & parentes distulerint eam marito copulare, & forsitan ex hoc contigerit in suum corpus eam peccare, aut sine consensu Parentum marito se,*

se, libero tamen, conjungere ; hoc ad ingratitudinem filiae nolumus imputari: quia non suâ culpâ, sed parentum id commississe cognoscitur. (17) Videmus questionem hujus loci esse, non, an valeant nuptiae, sed an filia ingratitudinis loco sit imputandum quod commiserit, ita videlicet, ut exheredari possit; quae de re per totum hoc caput unice differtur. Si Leger hætenus ignoscunt impatientia virginis, à Patre vel à prociis tam diu neglecta, ideone matrimonii contractus omni jure subsistet? Sandius ipse docet, ex eo quod in majoribus annis viginti puellis remittitur pœna Statutaria; ne quid conjuges sibi mutuo relinquunt, non sequi tamen nuptias subsistere, d. lib. 2. tit. 1. def. 5. in fin. In hac Novellâ nihil habetur quam exheredationis pœnam remitti; Quid causæ est, ut ex hujus remissione pœna, conjugium magis convalescat; Et quare ætas tot annorum sequiorem sexum magis subducat patriæ potestati, quam filios, de quibus textus non loquitur, nec Sandius sentit: an, quia difficilius puella tolerant virginitatis onus, quam juvenes? ratio lenone quam Cæsare dignior. Nunquid in textu d. Nov. 115. c. 3. §. 11. reperitur, quod huic sententiæ, quam mirari liceat à tam multis esse receptam, dederit causam? Proferuntur hæc verba; si forsitan contigerit in suum corpus eam peccare, aut sine consensu parentum, marito, libero tamen,

se conjungere. Unde colligunt, posse talem filiam, se conjungere marito. *sed rectè Bachovius ad Treutl. tit. de rit. nupt. th. 5. observat, illis verbis minime legitimum intelligi matrimonium, sed conjunctionem facti qualemcumque, idque probat ex verbis libero tamen, quæ exceptio indicat, illic agi de conjunctione, quæ de servo etiam prædicari posset, aliqui inepta foret limitatio; at de servo matrimonium nullo modo potest dici, siquidem cum eo duntaxat est contubernium non conjugium, l. 3. C. de incest. nupt. Aliud à Nobilissimo Senatore monstratum fuit in dicenda super hac ipsâ sententiâ evidentius argumentum, ad id refellendum. Nam si hæc verba, agebat, si forsitan contigerit, eam sine consensu Parentum marito se conjungere, virginis jus darent id faciendi quod in conditione memoratur, idem prorjus eveniret in his verbis, quæ habent eundem contextum; si contigerit eam in corpus suum peccare; cum eodem spiritu à Cæsare pronuntientur, quod tamen absurdum esse nemo non videt. Denique, Justinianus ne quidem ingratitudinis absolvit filiam viginti quinque majorem annis, nisi parentes distulerint eam marito copulare, *ὑπεράσταναι*, inquit, rejecerint, cum esset occasio, Plane in id Domini consentiebant, filiam suam. perfectæ ætatis facilius auctoritate publicæ parentis consensum elicere posse.*

(G) 3

De-

(17) Accedit, non aliter eo casu ratum esse eiusmodi filiae matrimonium cum homine libero, nisi auctoritate Magistratus, paternum consensum suppletis, initum, 4. 19. de R. N. Vid. Henr. Brouer de Jure Connub. lib. II. cap. 24. §. 29.

Denique Blancartus ille pluribus suffragiis tenuit sponsam; at ob rationes facti magis, quam quod ita juris esse statueretur.

Supereſt, ut quid D. Schotanus in ipſo actu primæ Collationis move-rit, ultimo loco referamus. Aggreſſus eſt poſitionem xxii. capitis tertii, quæ hæc eſt, Prohibitio matrimo-nii inter Curatorem ejuſque filium & nepotem atque adultam, quæ ſub ejus cura eſt, l. 66. pr. d. Rit. nupt. ceſſare videtur in Friſiâ, quia vir ipſo jure Curator eſt uxoris ſuæ. Laudavimus auctorem Herbajum, qui in hanc partem in-clinat in cap. 13. rer. quotid. n. 11. & praxiſ populi ſic ferre vide-tur, quando hac ratione matrimo-nia impediri adhuc inauditum eſt. Et ratio in poſitione noſtra ſuffraga-tur, quia vir nunc ipſo jure Cu-rator uxoris ſuæ habetur. Jure Civili hæc duo cohærent, ſibiſque mu-tuo reſpondent, Curator non poteſt ducere adultam, & maritus non po-teſt eſſe Curator uxoris ſuæ, l. 8. ff. de Curat. fur. Ratio utriuſque pro-poſitionis eſt eadem, quia mulier ado-leſcens non auſderet rationes exigere à marito ſuo, ejuſſæ Patre, ſive ut ait Ictus in l. 64. §. 1. ff. de rit. nupt. Ne pupillæ in re familiari circumſcribantur ab hiſ, qui ra-tiones eiſ geſtæ tutelæ reddere compelluntur. Si Lex Romana per-

miſiſſet, virum eſſe Curatorem uxo-ris, ſine dubio nec Curatorem ve-tuiſſet fieri maritum, ſicut hæc præ-cepta juxta veterum ſententiam co-hærent. Proinde cum Lex Friſiæ Ma-rito dederit uxoris Curam, quis du-bitet, eandem probaſſe matrimonium cum adultâ, quæ ſub Cura eſt, ini-ri? D. Schotanus hanc conſequen-tiam non admittebat. Ut ratio una, ſic ojebat, rationem alteram ever-tat, oportet terminos habiles ejus rationis, quæ eſt evertenda, poni. Tu viſ everte rationem Juris Civilis, ne femina minor ab-ſterreatur à rationibus exigendis; hoc tentas per hanc rationem, quia vir eſt legitimus uxoris Cura-tor; Atqui hoc caſu non reddun-tur rationes, quibus maritum eximi Jure Friſico certum & no-tum eſt. Ponere debebas caſum, quo vir ante nuptias fuit Curator adultæ; tum vero, cum antea non adminiſtravit uxoris bona, non ſunt termini habiles quæren-di, an impediatur rationum ex-actio. Proinde ratio illa, ne ra-tionum redditio intervertatur, non tollitur, inquam, per hanc, quod ſit legitimus Curator ux-oris ſuæ. Satis acute hæc; ſed noſtra ſic fuit reſponſio; Legem Friſicam credere marito Curam uxoris ejuſque bonorum, nec obſtare metum, ne patrimonium ejus intervertat: ab-fur-

*furdum videtur, fiduciam, quâ viro omne patrimonium uxoris omni tempore permittitur, eam vertere in contrarium respectu præteritæ administrationis. Lex Romana non modo præteritæ, sed etiam futuræ tuitio- nis respectu metuit, ne maritalis potestas curatoriam corrumpat. Utri- usque eandem rationem habet; si crederet, curam marito, durante conjugio, permittendam esse, non etiam recusaret, curatorem cum adul- tâ copulare. Proinde, cum lex Fri- sica prius absolute concedat, non est, quod de posteriore dubitemus. Sed instabat D. Schotanus, quamvis hæc omnia concederemus, tamen juri Romano standum existimarem: Non enim continuo, ubi cessat ratio legis, etiam cessat ipsa legis dispositio. Clarum hoc est ex l. 1. §. 5. ff. de Postul. ubi mulieres prohibentur postulare, & causam ait Ictus huic Edicto dedisse Carfa- niam improbissimam feminam, quod invereconde admodum erga Magistratum se gessisset; jam au- tem, si hoc semper procederet, quod cessante ratione legis ejus quoque dispositio cessaret, mulie- res, quæ non invereconde postula- rent, admittendæ forent; cum ta- men Prætor edicat, ne ulla mulier*

*ad postulandum procedat. (18) Responsio fuit, argumenti illius ra- tionem mediam libenter à nobis con- cedi, sicut & alias exemplis datis demonstravimus, adversus Leonis Augusti philosophiam parum juridi- cam; videlicet, legem esse debere ge- neralem, & iis etiam casibus obti- nere, quibus ratio legis introductæ cessare videatur. ita nempe, cessan- te ratione legis in certis casibus, haud tamen ideo Lex ipsa cessat, At vero, cessante ratione legis in universum, nemo negat Ictus aut Philosophus, ultrò cessare legem. Ita quemadmodum in hac questione nostra accidit; Lex Romana habet hanc rationem, quod marito non cre- datur administratio bonorum uxoris sub titulo Curæ, ubi non est salva libertas exigendi rationes: Lex Fri- sica dat Curam uxoris viro, nullis un- quam rationibus reddendis; cessat igitur apud Frisios Lex, quæ niti- tur hac formidine, ne rationes exi- gi possint. Atqui pergebat. D. Op- ponens, non recedimus à Jure Romano Frisii, nisi contrarium claris verbis in Statutis expressum sit: de matrimonio autem Cura- toris cum adultâ nullam in Statu- tis mentionem factam videmus; Tantum enim hoc ajunt, mari- tum*

(18) Vocabulum *causæ* pro *occasione* ibi accipi, tralatitium est; ratio vero prohibi- tionis mulierum ex l. 3. seqq. de L.L. Satis manifesta est. De re, ipsa quædam disputavi Lib. II. Lect. Jur. Civ. cap. 5.

tum esse Curatorem uxoris suæ, non Curatorem posse ducere adultam in uxorem. *Stricte Statuta esse interpretanda notissimum ex l. 64. §. 9. ff. solut. matrim. & fieri hoc in omni jure novo testantur Gail. 2. obs. c. 33. Faber. l. 1. Cod. tit. 5. def. 1. adeo ut nequidem ex pari aut prægnantiori ratione Statuta sint extendenda*, Bartol. in l. omnes populi n. 60. de Just. & Jur. idque vel maxime locum habere volunt, quando agitur de Jure communi derogando, Gail. d. obs. 33. n. 2. in fin. & num. 9. Verum ego sic existimo, Statutis hac parte nihil convenire, nisi quod de legibus aliàs predicetur, scilicet casus omisos in lege non esse supplendos interpretatione, sicut docetur in d. l. 64. §. 9. constitutiones generales sine dubio continent omnes casus speciales. Est lex generalis; Nuptiis solvitur patria potestas; non est dubium, quin omnes effectus patriæ potestatis per hanc regulam sublati sint; perinde, Lex est; vir est legitimus Curator uxoris suæ; Ergo omnes effectus hujus permissionis lege comprobati sunt; quos inter sine dubio, quod Curator adultam suam possit habere in uxorem.

*Audiimus quinque Egregios Juriconsultos, gravissimas Quæstiones Juris disertis orationibus agitantes;*

*Sextus qui invitatus receperat se de partibus futurum, tum quidem itinere transmarino impeditus, scripto mecum communicavit suas cogitationes, adversus duas è positionibus nostris; Erat is Paulus de Ghemmenich Advocatus doctrinæ & ingenio nulli secundus. Nolui committere, quin id quod in literas redegit, hoc quoque referrem, duntaxat ad alteram positionum. Nam prima quam impugnare voluerat thesis vi. cap. 3. à Cognato ejus Zachæo de Ghemmenich occupata fuerat. Sategerat aliqui probare, quod qui ducit puellam minorem annis xx, sine Curatoris consensu, non privetur lucro, quod Jus Statutarium alioquin in bonis uxoris concederet. Non habiturus erat nimum me in hoc articulo difficiles, ut superius non dissimulavimus. Altera quæstio reperitur in th. 15. cap. 6. de quâ sic disputat Consultissimus Advocatus: Statuit illic Ampliif. Ex Senator, Patrem non amittere usumfructum in bonis filiis: nisi expresse nuptiis ejus consenserit, non sufficiente simplici tolerantia ac taciturnitate. Contra quam sententiam non ineptè quis ita argumentaretur: Si conniventia, ac simplex tolerantia Parentum sufficiat, ut nuptiæ Liberatorum censeantur legitimè contractæ, sequitur ut & illæ sufficiant ad Patriam*

triam potestatem rite tollendam. Consequentia hæc diserte expressa est *lib. 1. stat. tit. 6.* ubi hæc verba: *Dat hi dese Vanden de Kinderen geexmeert worden van de macht van hunnen Vader door den Echt* (id est, matrimonio legitimè contracto) Et prius membrum verum est, vel ipso Sandio (alioquin hac in parti dissentiente) teste *libro 2. tit. 1. defin. 2. §. Succedit nunc &c. per l. 7. §. 1. l. 12. π. de Sponsal. l. 5. Cod. de Nuptiis.* His præsuppositis & corroboratis, sequitur infallibiliter, ut si ipsa Potestas patria nuptiis hoc modo contractis ipso jure tollatur, & ejus effectus omnes, etsi maxime parentibus sint lucrosi, tolli ac dissolvi, utpote causa sublata, tolli effectus notissimum. Imo, inquit Sandius *Lib. 2 tit. 7. def. 5.* Expressus patris consensus requiritur, cum agitur, de summo ejus præjudicio, nempe de tollenda potestate patria, re inæstimabili, *l. 119. §. 8. de Legat. 1.* non sufficit taciturnitas, non conniventia. Sed unde probat hoc Vir Amplissimus? Equidem non ex verbis statutorum nostratium, cum nec in *supra citat: titulo 6.* ulla mentio fiat consensus expressi. Nec in *§. 6. & 7. tit. 1. eod:* ubi ex professo agitur de concessione ac prohibitionem Pa-

rentum; namque simpliciter ibi consensus requiritur sine distinctione, expressus an tacitus fuerit. Ergo, cum statuta nostra hoc requisitum non exigant, recurramus ad Jus Civile, quid illic Juris: Atqui in Jure Cæsareo nihil minus quam consensum expressum requiri, vel ipso Viro Amplissimo judice, textibusque supra allegatis edicti sumus. Imo, *ais*, non præsumitur Parens tantum lucrum tanto sui præjudicio tacite ac conniventer remittere voluisse. Quid? si taciturnitas & conniventia, ut jam dictum, sufficiant ad ipsas nuptias ratificandas, qua Potestas ipsa Patria, res inæstimabilis, radicitus tollitur, quidni sufficient illæ ad unum ejus effectum subvertendum. Scilicet habent, quod sibi ipsis imputent Parentes, quod ab initio nuptias non prohibuerint, quod summo jure ex patria potestate facere potuissent, siquidem indignam filiusfam. duxerit. Sed si principium & antecedens prohibere, cum possint, noluerint, frustra conqueruntur de consequentias ex antecedenti hoc necessario, & ipso jure oriundas: Nempe, non videntur sentire damnum quod culpa sua sentiunt, ait Regula Juris. *Ipsa verba, sicut ea D. Advocatus scripto transmissis,*

imo contextu collocavimus; nec enim, ut reliquorum dicta, sicut erant reciprocata, retuleramus, idem hac occasione servare potuimus. Equidem secuti sumus in hac positione Sandii nostri sententiam, qui, quod leges ajunt, valere nuptias, si pater sciens eas celebrari non contradicat; hæcenus id interpretatur, ut ne contrahentes incident in pœnas legibus statutas in eos, qui sine parentum jussu ineunt nuptias, atque ut liberi ex ejusmodi matrimonio nati pro legitimis habeantur, ut est in l. 5. C. de nupt. sed inde non sequi, Patrem sine suo facto amittere jura Patriæ potestatis, quæ ut naturâ sua est inæstimabilis, l. 114. §. 8. d. Legat. 1. ita continet effecta vere pretiosa, cujusmodi est ususfructus bonorum adventitiorum. Nec ratio deest huic opinioni: Sunt enim distinctæ positiones, Nuptiæ valent, & Patria potestas tollitur, omnesque ejus effectus; nec est quod vetet, cum olim nunquam tolleretur patria potestas per nuptias, nunc aliquem extarre casum, quo idem juris adhuc sit. (19) Non sequitur igitur quod colligit D. Advocatus; Si patris silentium sufficit, ut nuptiæ pro legitimis habeantur, oportet, id quoque suffi-

cere ad patriam potestatem tollendam. Ecce; Pater videt nuptias iniiri, & tacet. Lex requirit jussum patris præcedentem, pr. Init. de Nupt. non placet tamen rescindi matrimonium patris causâ, quod in ejus potestate fuit, ut ne rescindi necesse fuisset. Accedit deinde filius, petit, ut pater usumfructum bonorum suorum dimittat. Pater recusat: ait, se nullo dicto vel facto egisse quicquam, unde suo jure cecidisse dicatur. Imò vero, instat filius: Non prohibuisti me ducere uxorem: habes quod tibi imputes. Silentium meum, regerit ille, fecit, ut hoc quod agebatur transiret, ut id quod videbam subsisteret; non potuit eo trahi, ut etiam consentire viderer in id quod non agebatur, quod non videbam, in ademptionem juris mihi dudum acquisiti. Filius urget per Statutum, quod ait: liberos eximi patriæ potestati per matrimonium. Sed tam generalia verba non patrocinantur filio filiæve in re pessimi exempli, & casu singulari: Sprevit filia patris auctoritatem: Hic majoris mali vitandi causâ noluit uti rigore juris sui, ne filiam prostitueret, domumque spuria prole repletet, passus est

con-

(19) Quum idem in omnibus conventionibus taciti consensus, qui expressi, effectus sit, ac nominatim in sponsalibus, nuptiisque, l. 2. D. de pact. l. 7. §. 1. de sponsal. l. 5. C. de nupt. in alia hic omnia eundem censco.



conglutinari nuptias: Ideone filia patri insultabit, ut etiam jus ei suum auferat? Lex hactenus indulget, ut liberi ex illis nuptiis legitimi nascantur, d. l. 5. C. de nupt. nihil amplius proditum est. Sit discrimen aliquod inter obsequentes liberos, & contumaces, qui periculum facere audent, quibus suis flagitiis impar sit Parentum pietas. Præterea solutio patriæ potestatis per nuptias fit, quia Pater hoc modo liberos emancipasse videtur: sed emancipatio consensum duntaxat expressum requirit. (20) statutum igitur, matrimonio solvi Patriam potestatem dictans, præsupponit id, quod lex ad matrimonium requirit, iussu patris antecedentem, nec intelligi debet de nuptiis, quæ indirectè per conniventiam qualitercumque sustinentur. Denique non habet rationem, ut in eo quod iussum requirit expressum, tacitus consensus operetur ultrà, quam tempore silentii agebatur. Cur enim tacens consentire censetur? quia scit factum & videt: si locutus esset, hoc impedivisset quod gerebatur; silentium igitur ad id quod geritur se refert, non ad id quod nullo modo actum fuit. Atque hæc pro sententia Sandii, & ad rationes adversus eam probatas.

Erit tempus, si volet Deus, quo hæc res, cæterarumque merita quæstionum plenius excutientur, & singula consideratius examinabuntur.

His utroque citroque absolutis, nemine se porro ad rationes communicandas offerente, finis actioni est impositus, his verbis.

Desinat igitur hic actus, ut omnia rectè instituta debent, in gratiarum actione, primo erga Deum Ter Opt. Max. sine cujus auxilio omnia proposita & incepta incassum & in irritum cedunt; quod in his auspiciis potenti suo præsidio nobis adesse voluerit, eumque supplices rogemus, ut & reliquos conatus nostros gubernare, & in utilitatem publicam, sui que nominis gloriam provehere dignetur.

Tibi quoque Magnanime PRINCEPS, humillime gratias agimus, quod hanc panegyryn fulgore præsentiae tuæ illustrare volueris; & profecto consentaneum erat, ut hoc etiam sublimi honore mactares eum actum, quem Tu penitotum feceras, utique ad hunc modum, & exemplum. Quippe semel iterumque Celsitudo Tua declaraverat, non debere formam

(H) 2

vo-

(20) Et huic sententiæ contraria videntur, quæ de tacita emancipatione in l. 25. D. de Adopt. & l. 1. C. de pat. pot. sanciantur. Conf. l. 1. §. 4. D. quando de pec. ad ann. est. c. l. 5. §. 1. de agnos. libb. Ceterum, qua dissentientes utuntur, l. 3. C. de pat. pot. totam expressam ac solemnem respicit.

vocationis Academicæ, quam accepturus essem, ad ordinarios ritus comparari, nec posse me, salvo honore provinciæ, de Senatore tam *Illustris Curie* titulum adsciscere dignitatis, honestissimum quidem illum, & cujus me neutiquam pœniteret, attamen aures hominum minus implentem reputatione honoris, quam fecerat illud munus, quod è *Tuis* manibus acceperam. Ita nihil maximum, minimum, Judicii Tui curam fugit, quâ omni die bene mereris de Republica, bene de Ecclesiâ, bene de Academiâ studiisque liberalibus. Perge ita tibi conciliare, tibi pignora corda civium, in iisque regnare non impotentibus dominandi arcanis, verum sceptro amoris, quem adspectu & alloquio, quem virtute tua efficacissime omnibus inspiras. Sic Tibi *Rex Regum* successus ubique gloriosos, fortunamque meritis parem, id est, augmentam largiatur.

Vobis etiam *Nobilissimi & Spectatissimi Proceres* ingentis beneficii debitor sum, quod huic actioni, quæ sub auspiciis vestris dedit auspiciis functioni, quam Patriæ patres honorifice mihi imposuerunt, interesse voluistis. Spem mihi vultu, oculis, & fronte læta præbetis, fore ut impo-

sterum optima quæque de favore vestro concipere, mihi que polliceri possim. Sic benignitas, sic humanitas, quâ me, quâ omnes bonis artibus deditos excipitis, confidere jubent. Bene, precor, res vestras, bene Rempublicam gerite, gloriamque propagate, quâ modo FRISIAM accurato sapientique regimine vicinis invidendam posuistis, atque tuemini.

Vos etiam, *Amplissimi Senatores*, accipite grati addictique animi testationem, ob honorem huius diei; vos estis, quibus peculiariter hæc mea subjicio atque commendo: *Subjicio*, quatenus censura vestra erit regula, secundum quam mei conatus, qui quidem huius generis erunt, prospere vel secus evenient: *Commendo*, ut favore vestro, quæ opportunè à me dicta, scripta, videbuntur, sublevare; quæ secus, ignoscere, benevolentiaque vestrâ animare me velitis, ad ea quæ pro communibus studiis voce calamoque conferre satagam.

*Vos Celeberrimi Dni Professores*, quibus ante triennium amanter valedixi, jam lætus iterum saluto. maximam atque suavisissimam vitæ meæ partem vobiscum transegi; quod reliquum divina bonitas largietur, id iisdem vobiscum studiis ac institutis spero transactum

etum iri. Nec mea vobis officia defutura spondeo, nec minus ego mihi de amicitia jucundâque consuetudine vestra polliceor, & habemus utrique rationem mutua hac parte fiduciæ.

Jam vobis *Consultissimi*, *Doctissimique* Viri, qui disertationibus vestris erudire nos & exercere voluistis, formamque & decus huic actioni addidistis, non tam officii vestri honore gratias ago, quam habeo & amplius habere volo; sicut animi dicitur ingenui esse, cui multum debeas, huic plus debere velle; respicere me ad secuturas exercitationes mentstruas, quas habere constitui-  
mus, intelligitis. Auguror animo, si porro hisce studiorum digressionibus incubueritis, atque in tempore Academiae Antecesso-

ribus opus fuerit, non desore Proceribus domesticæ electionis copiam, si quis vestrum ad antiqua studia, meo exemplo, redire in animam induxerit. Denique in hoc serio triumpho, quod tot talesque viri omnes è nostra disciplinâ, quod licet audiat Invidia, prodierunt.

Denique, vobis *Nobilissimi Juvenes*, quid dicam aut quid non dicam? præstat, opinor hac horâ tacere, quam pauca loqui. Con-  
dico vobis diem xxvi. hujus mensis, horam primam pomeridianam, quâ Collationem Juris Romani cum moribus seculi primam hoc eodem loco instituemus; atque tum consilii nostri copiam, quo studiis vestris, si commodum erit, utamini, explicabimus.

D I X I.



(H) 3

UL

# ULRICI HUBERI

## ORATIO II.

*Habita domi ipsius, ante primam*

# JURIS ROMANI

cum moribus seculi Collationem

a. d. v. kal. Maj. c15 13c LXXXII.

*Quæ exponit, quibus rebus otium suum apud Academiam  
sit occupaturus.*



Uanquam in prima *Juris Frisici cum Romano Collatione*, quæ functioni publicæ, à Proceribus honorificè mihi delatæ, nuper auspiciis dedit, de ratione studiorum, deque meis institutis, quod tum videretur, abunde verba feci; condicere tamen vobis hanc horam memini, *Juvenes Ornatiſſimi*, quâ pluribus dictis consilii mei copiam vobis facerem, animique propositum explicarem, qua ratione potissimum studiis vestris opitulari me posse censerem. Etsi enim publico decreto nil mihi constitutum sit,

quam ut scribendo *Juris publici* privatique doctrinam illustrare satagam, vobisque aditum apud me domesticum præbeam, quando tamen verba Procerum consideratius expendo, ut illos aditus ita regam, sicut utilitati vestræ, gloriæque *Academiæ* potissimum convenire visum fuerit, non possum inducere in animum, quin ita faciendum sit, ut rationes ineam, quibus opera mea vobis ad summam doctrinæ consequendam prodesse queat. *Princeps Gubernator*, *Academiæque Curator* Magnificentissimus, auctor fuit *Ordinibus*, ut cum è *Senatu Supremo* exiissem, denuo  
me

me Academiæ suæ vindicarent, sed observato Senatoriæ Dignitatis honore; Propositumque fuit, ut *Honorarii Professoris* titulo me condecorarent. Quominus id ita decreto prosequerentur, non diffiteor à me ipso fuisse procuratum: Existimabam enim ejusmodi distinctionem plus invidiæ mihi cumulaturam esse, quam mediocritati meæ expediret; propter onus enorme comparationis, quæ ab exemplis maximorum hominum *Scaligeri*, atque *Salmasii*, (1) qui hac appellatione dignitatis soli in Belgio noscuntur, mihi imputata fuisset. Nam cum eam nullâ parte explere me posse sentirem, committere nolebam, ut similitudine tituli tantorum nominum æmulationi ingessisse me videret. Præterea sic cogitabam; Illos Heroas nihil aliud præstitisse, quam ut præsentia suâ *Lugdunensem* in *Batavis* Scholam illustrarent, famæque nominis sui plus venerationis Academiæ conciliarent; cæterum Institutionis publicæ privatæve copiam Juventuti nullo modo faciebant. mihi vero sic erat consilium; *non respuere vim laboremque docendi*, sed in appellatione muneris obsequi

judicio *Procerum*, qui ut clarissimo *Professorum* Collegio inferendum me non putabant; ita pro interpretatione honoris sufficere memoriam dignitatis, quâ defunctus eram, judicabant. Nec hujus quidem formæ exemplum satis illustre deerat. *Johannes Freinshemius*, (2) quem *Heidelbergam* ab *Electore Palatino* vocatum noveram, atque cognoveram, sine titulo *Professoris*, at intra privatos parietes quotidie docentem, sicut ipsemet ejus institutione domestica usum me recordabar; In publicis interim, ut *Consiliarius Regius*, & sede proximus à *Rectore Magnifico* honorabatur. Existimaui, me salvo decore hujus instituti, ad ejus viri sine dubio magni imitationem meas vias dirigere posse. Quare jam, remoto velo, non erubescam profiteri, *Juvenes Ornatissimè*; me juxta viros Clarissimos *Antecessores* vestros, omni studio animique conventionne privatim operam daturum, ut in Stadio Juris decurrendo singuli feliciter optatam metam adipiscamini. Jam quia plurimum interest, quâ viâ proficiscaris ad iter tuum prosperè absolvendum; siquidem plures sunt, quæ ad

The-

(1) Huic tamen posteriori *Professoris* titulum, ne *Honorarii* quidem publice datum fuisse, negat in *Ejus Vita* Ant. Clementius pag. XLII. (2) Vid. Henning. Witten, *decade VII, Memor. Philos.* p. 346. - ... 360. seqq.

Themidos sacrarium ducunt, monstrabo vobis eam viam, quâ & ipse potissimum incesſi, quâque multos antehac egregios viros haud pœnitendo ſucceſſu perduxî. Non perreptabo vobiſcum gyros aut ambages, nec etiam calles anguſtos compendiarium iter at periculoſum promittentes; ſed via communi regiaque procedam. Atque adeo, ne per ænigmata de re, quam ſimpliciter evidenterque vobis explicare debeo, loquar, exiſtimo, *Juvenes*, attente conſiderandum eſſe, quam rem agamus & quem finem ego voſque nobis propoſitum habeamus. Non poteſt autem fieri, ut errem, ſi dixero, ſummam deſiderii veſtri meiſque voti in eo conſiſtere, ut aliquando fiatîs Juriconſulti. proinde ſciamus oportet, quid hoc ſit, eſſe Jureconſultum. Non opus heic erit *Ulpiani* egregii magniloquentiâ, qui dicet, eum eſſe *Themidos ſacerdotem, verâque non ſimulatæ philoſophiæ profeſſorem*: vox ipſa ſolo audio ſuggeret ejus officium; qui *de jure conſultus*, inquam, *reſpondere, cavere, ſcribere poſſit*. Nam hæcæ tres facultates in bono Jureconſulto ineſſe oportere de Marco Tullio in *oratione pro Muræna* accepimus. *Reſpondere* dicitur, qui de factò controverſo ro-

gatus præcepta juris ei factò applicare, quidque faciendum, aut non faciendum ſit, explicare poteſt. *Cavere*, qui ſecundum naturam cujuſque negotii proſpicere poteſt, idoneis cautionum clauſulis, adverſus hominum fraudes exituſque rerum improviſos. *Scribere* verò dicebatur olim Juriconſultus, quando formulas actio- num, quibus in foro litigantes uterentur, præſcribebat; hodie, qui conſilia dictare, ſcripturaſque omnium rerum, in judicio, vel extra judicium, concipere poteſt, *ſcribendi* partes implere videbitur. Intelligo fore qui dicent; *Tu nobis Jureconſultum forenſem atque pragmaticum formare paras, nos ſaltem de Theoriâ, doctrinâque Academicâ laboramus*. Scio, *Præſtantiffimi Juvenes*, neque periculum eſt, ut praxin ego cum theoriâ confundam, nec quæ in ſcholis, aut in foro docenda; diſcenda ſunt, minus ac oporteat diſtinguam: ſed theoreticum ſtudium ita velim inſtituati, ut ad practicum & forenſe voſ præparet atque ducat. Etenim omnis ars noſtra, quam à Juſtiniano habemus, tota, ne ignoretis, eſt practica, more ſaltem loquendi obtinente, ut diſciplinam, quâ præcepta praxin docentia comprehenduntur, Theoriam appellemus. *Practica* nihil,

nihil, inquam, est aliud quam *facultas applicandi jus ad occurrentes facti species*; Theoria nihil quam *notitia & memoria præceptorum, quæ applicari debent*, ad praxin gubernandam. Hoc igitur credite, & proponite vobis, ut in Academico studiorum cursu de praxi cogitatis, quemadmodum eos, qui in foro versantur, identidem ad Academiam respicere oportet. Nolite tamen metuere, ne vobis in Academia forensibus curis atque præceptis molestiam creatum eam; plus satis experiendo cognovi, quam discendi applicandique rationes diversa requirant instituta nec in una sede morentur. Duntaxat id intelligo, cum in docendo ad *usum practicum* respicere velle dico, me id acturum, ut mascula institutione solidam Juris scientiam, quæ est norma praxeos, utiliter & efficaciter adipiscamini, primò quidem facili & expedita via, dein accuratius & acriori laboris intentione, si qui vestrum in intima Themidos adyta penetrare volueritis: adeoque duplex quodammodo Juris stadium, studiumque, vobis propositum esse videre mihi videor. Primum ad exterius Justitiæ templum vos deducere potest, & libere decursum sufficit, ad exercitationes forenses

cum fructu suscipiendas; alterum magis arduum & difficilius, quo non sine multo sudore perseverantiaque eniti & eluctari possitis. De *primâ viâ*, quæ omnibus calcanda, primo videamus, & deinde, si quid temporis super sit, aut aliâ occasione, de *secundo* altiorique studio differamus. Igitur primus studii Juridici cursus incipit ab Institutionibus Justinianæis, & desinit in quinquaginta libris pandectarum, non ut omnia in illis tradita plene penitusque intelligatis, multò minus cum glossis & commentariis, nec etiam ut in antinomii locisve perplexis toti sitis, sed hoc agatis, ut universam Justiniani doctrinam *paratitlari* memoriâ complectamini. At jam hæc res ita comparata est, ut latior indigeat explicationis & instructionis adversus eorum sententias, qui hanc instituendi viam, ut nos præeundam putamus, non probant, nec ad veram proficiendi rationem pertinere judicant. Paratitla Justinianus in constitutione, quam de *conceptione Digestorum* fecit, appellat *παρατίτλα* sive *admonitoria*, quibus singulorum capitum principia, summæque regulæ, studioso repræsentantur, cujusmodi *indices* (nam sic etiam appellat) ad suos libros fo-

lummodo scribi permittit; *commentarios autem ad textum componi publicarique severe prohibet*; ne verborum sua compendia juris corrumpant, infinitaque varietate cœtudinem artis confundant: quod evenisse post sapientissimi *Principis* excessum, voluntate ejus hac in parte neglecta, docuit abunde experientia. Scribenda sunt hæc paratitla *subtiliter* ut ait *Imperator*, hoc est, ita ut paucis multa dicant, & substantiam cujusque tituli nervose comprehendant, quod aliter quam definitionibus & divisionibus, earumque succinctis expositionibus, effici non potest. Expediit etiam, ut non modo quæ in quaque *Rubrica Institutionum & Pandectarum* inveniuntur, ita in summas redigantur, sed ut quæcunque nova notabilia in *Codice* atque *Novellis* extant, eodem identidem referantur; siquidem ita res fert, ut primus hic & levior studii Juridici cursus *Pandectis*, ut dictum, post *Instituta* contentus esse debeat, relicto *Codice* atque *Novellis* studio addendi conferendique in materiis parallelis, sicut indicavimus. Nec ists, ut ægrè ferat

genius *Justiniani*, si nonnulla quæ post tot secula, mutatis hominum moribus, aliter ac ipse voluit, recepta sunt, juxta *Ipsius* paratitla brevissime collocentur. Ad hanc formam & imaginem, *Ornatissimi Juvenes*, concepi novissime positiones meas, sive *Lectiones Contractas*, ad *Institutiones*, & ad *Pandectas*, (3) necdum luci datas, sed quarum specimen hodie vobis exhibui, ut more disputandi ventilarentur. *Primo enim nihil sunt aliud quam ex mente Justiniani* *Summaria*, sive admonitoria, summæque singulorum capitum regulæ efficaci brevitate substantiam eorum exhibentes, collatis in eundem locum juris novissimi sententiis, morumque generalibus discrepantiis. Præterea, *Juris certi* institutionem imprimis pollicentur, sed operam dedimus ut perpetuo artificio aculei controversiarum iis innecterentur, adeoque tam lectionibus privatis, quam disputationibus aptæ & accommodatæ essent. Audeo vobis polliceri, *Juvenes Nobilissimi*, non de nostra in hoc opere industria, sed de genere illo scribendi insti-

(3) Sæpiissime recusas, & in Germania aliquoties, cum Scholiis, novisque additionibus, *Chr. Thomasi*. Sed & ex utrisque Positionibus, *Institutionum*, & *Pandectarum*, breviter Repetitio, ultimum edita *Franequetæ* anno 1698, ab *Ampl. filio Zacharia Hubero*.



tituendique, si quis has positiones bene explicatas, & probe intellectas memoriâ judicioque complexus sit, eum Juris certi controversique, Academici & forensis, egregiam facultatem possessurum. Non debeo vos celare, quod post longam discendi docendique tritaram, & recentem fori experientiam, ceruissimum verissimumque comperi; nullum esse majus arcanum in sacrario *Themidos*, quam quod minime arcanum esse videtur; *Clara videlicet ac exprompta memoria paratilorum, sive positionum Juris in compendium redactarum methodo Justiniani*. Si me auditis, non inducetis in animum diffundere lectionem per plura volumina, fontibus exceptis, ante quam positiones Juris, ut diximus, ita digestas assiduo labore subactas in succum inque sanguinem verteritis. Nunquam in disputando, in patrocinando, vos argumenta defendendi opponendique deficient, nunquam in consiliis quod prompte respondeatis, in iudicando quod incontinenti decernatis; denique, si ex tempore, si valide vultis esse Jureconsulti, si theoriam, si praxin exercere feliciter, hoc agite, ut fundamenta generalia *Institutionum & Pandectarum*, moribus seculi ad-

temperata, tam exacte, tam exprompte tenéatis, ut semper in animis vestris obversentur, ultroque non arcessita præsto esse queant. Certi estote, inquam, nec in respondendo, nec cavendo, nec in scribendo, vos hæsituros, si mediocris exercitatio applicatioque judicii accedat. Non ignoro multa esse, quæ adversus hanc methodum discendi docendique moveri possunt, nec esse pauca quæ ipse non tam adversus, quam circa & juxta eam requirenda putem; sed his deducendis aliâ novaque opus est oratione, quam sequenti exercitationi reservamus. Nunc porro vobis aperiam, qua via modoque privatim vobiscum, procedere cogitem, ut ejusmodi noticiam fundamentorum Juris quam minimo temporis operæque dispendio adipiscamini. Nam quid? coram omnibus Juris studiosis acturi simus, jam credo vos à rebus ipsis actionibusque intellexisse. Procères heic loci me honoraverunt, ut Jus Civile, Jus Frisicum, atque Publicum scribendo illustrare fatagam. Id acturus singulos menses ita dispertitus sum, ut de Jus Civile binas exercitationes voce scriptoque domi mee institui, insuper unam Juris Pu-

(I) 2 ant ped ob arceiq 117 blici

blici, (4) & alteram de *Jure Statutario*, quod est hujus Provinciae proprium. Hæc omnia nunc agimus & acturi sumus, quamdiu supremus ille rerum arbiter permiserit. Præterea constitui in gratiam eorum, qui me privatim adibunt, singulis diebus interpretari *Positiones Justinianas*, quæ sunt ad quatuor libros *Institutionum* juxta meas Lectiones; in quibus id profectò reperietis, quod in familiari institutione vehementer expedit; illud inquam Nestorem apud Homerum, *παύει μὲν, ἀλλὰ μάλα λυγρὸς*, pauca quidem, at significanter & valide; subtiliter inquam, sed perspicuitate salva; vel ubi per rerum potius quam verborum obscuritatem, deficere videbitur, adjuvabimus eam per interpretationem; quæstionesque thesibus implicitas breviter eductas enucleabimus. Hæc ita, quantum per temporis rationem fieri poterit, explicata Auditores domi suæ recolligent, cum Institutionum textu comparabunt, judicio digerent; memoriæque commendabunt. postridie repetendis eisdem quæ audita & exposita sunt operas conferetis, alii sedulo auscultando, alii verò qui lege severa proficere velint, examen parti-

cipando, quod inprimis vobis auctor sum, ut generose admittatis. Incredibile enim est, quam ea sit valida res ad excitandos animos, acuendum judicium firmandamque memoriam, quæ dux res quam futuro Jecto sint necessariæ, non potest ignorari. Repetitione absolutâ, cum iis, qui rogari non gravabuntur, pergendum in explicatione, sicut antea observatum fuit, usque dum *Institutiones* sint absolutæ, quod semestri Academico peragi potest ac debet. Alia hora, quæ commoda nobis, incommoda nulli, *Pandectæ* explicabuntur, etiam juxta positiones nostras maximâ jam parte typis excusas, eodem modo methodoque ac in Institutionibus declaratum est. At hic quidem multo plus reperi difficultatis, Auditores, quamdiu Juris doctrinam professus sum, ac in *Institutionibus* explicandis offenderam. Nam in hisce tanta varietas est compendiorum systematumque, ut non sit difficile unum alterumve ex iis eligere, cujus ductum sequi liceat, absque periculo tædii studiosorum ex prolixitate librorum; sed in Pandectis adhuc judicatum est deesse tale compendium, quod jus certum controuersumque justa

20.

(4) Vid. plenius de hoc instituto Auctor in *Orat. III.*

accuratione complecteretur, tædiumque prolixitatis concinna brevitate declinaret. Expertus sum varios in hunc usum Scriptores. primus, quem pro collegio Pandectarum Interpretatus sum, erat *Wesembecius*, quem sensi magis aperte præferre genus illud pragmaticum, quam scholasticæ institutioni conveniat; etsi enim plane cupio, ut disciplina studiosorum eos habiles ad forum reddat, nolo tamen id aperte sonoque pragmatico, sed more Academico fieri; præter quod stylus *Wesembecii* magis postulat, ut contractus ob oculos ponatur, quam ut explicetur & evolvatur: ego autem ita censeo, positiones hujus generis tam breves esse debere, ut à tardioribus facile retineri, & à fortioribus ingeniis ampliari, cumque fructu ad alia produci queant. Existimavi aliquando, *Treutleri* theses, utpote breves & efficaces, huic scopo egregiè convenire; quæ & olim in Academiis regnum, ut ait *Bachovius*, hac causâ usuque tenuerunt. Postea sive *cauillis Bachovianis*, sive natura hominum mutationis avidâ factum est, ut *Treutlerus* obsoletus habeatur; mihi tamen cum perplaceret, in domesticis ad Pandectas lectionibus eum explicare cœpi; sed uno tan-

tum collegio: quia comperiebam exegetes thesium; (quippe solæ nimis jejunæ fuissent) tantâ multitudine rerum undique refertas esse, ut unius anni spatio non possent absolvi; persuasus sum autem frequenti experientia, non valere collegia, quæ diutius anno durent. Atque hæc eadem ratio fuit, quare *Struvium*, huic usui non putaverim adhibendum, neque *Zoesium*, cui non docendo ipse, verum discendo, collegialem operam olim adhibueram. Egregii scriptores illi, sed legendi potius seorsim, quam pro exemplo domesticæ institutionis habendi. Ad *Pacium* vir summus *Antonius Matthæus*, quem *Ultrajecti* audivimus, habere se Collegia profitebatur, sed nomine potius quam reverâ. Namque sua methodo Studiosos perpetuo examine, sine respectu ad *Pacium* exercitabat: qui alioqui nimium parcus & inæqualis in *Isagogicis* est, quam ut solidam Juris peritiâ ex eo percipere possitis. Idem de *Corvini* aphorismis manifestum esse credo. Sed Examen *Schotani* ad usum nostrum proximè omnium accedere videbatur, frequenterque Academiis usurpatur, præsertim, quia facile atque perspicuum, quo studiosi maxime & erudiuntur & delectantur.

tur. Sed me offendit in illo nescio quæ nimia & quasi stagnans simplicitas, nihil intus habens quod enucleare, nihil in quo pedem figere possis, nihilque penitus ad intellectum juris controuersi suppeditans. Hæ similesque causæ respectu horum aliorumve scriptorum occasionem dederunt *Antecessoribus*, quos ego adolescens audiui, ut nullum in rei veritate sequerentur *Auctorem*, sed ipsi de se paratitla vel explicando, vel examinando traderent Auditoribus, utcumque se hunc illum secuturos adfirmarent. Unum etiam ex illis meminimus hominem clarum, & dexteritate tractandi ingenia mirabilem (5) hujusmodi usum esse commento apud Studiosos, quorum alii petierant, ut *Wesenbecium*, alii ut *Treutlerum*, vel *Pacium*, alii rursus ut *Zoesium*, vel *Schotanium* ad argumentum collegii deligeret, denique alii ut præcipuas leges interpretaretur, singulis liberaliter promittebat; singulorum proposita laudabat; omnes tamen uno veterique suo modo tractabat; haud dissimilis cauponi cuidam in civitate hujus Provinciæ celebri, apud quem nobiles Rustici sæpe commessabantur,

alius vinum Burdigalense, alius Cognacense, aut Frontigniacum, rursus alii Lagonicum, vel etiam Rhenanum, aut Mosellanum flagitare; Ille nulli non respondebat, esse copiam sibi, mox habituros, & omnibus ex eodem dolio, quod unicum habebat, eundem liquorem tot nominibus audacter insignitum promebat. Sed *Antecessor* ille non absurde consulebat adolescentibus, qui per se nunquam conuenire potuissent de modo rei ponendo, cujus erant inexperti. Cæterum obliuisci non debeo *Wisenbachii* nostri, cujus ad Pandectas commentarios in usum domesticæ institutionis aliquoties Studiosis ita rogantibus, adhibui, & libenter, quia præceptoris mei sententias valide possidebam magnoque commodo reputabam, si in primis disciplinæ fundamentis acquiescere, animumque statim ad altiora conferre licuisset. Sed quomius tantum bonum adipisci potuerim causâ evidente factum est, quia non visum fuit *Egregio viro* Artem integram uno nexu conjunctam tradere, sed quæstiones præcipuas separatis deductionibus illustrare, mixtis aliquando defini-

(5) Intelligere videtur *Do. Frid. Böckelmannum*, de quo plura in *Dialogo, de rat. doc. ac disc. Jur.*

definitionibus & partitionibus, minime tamen omnibus, nec illis quidem ita, ut plane penitusque intelligi possent. Reliqua tanquam faciliora cognitu & aliunde petenda præterit, quæ in familiari institutione nullo modo præteriri possunt; nec adeo ille scripsit hoc animi proposito, ut suis libris in hunc modum uteremur, quemadmodum in ipsa exercitationum suarum inscriptione satis indicavit, cum dixit, *eas in præcipuis cognituque maxime necessariis difficultatibus commentarii vice fungitur.* Sed jam vestrum aliquem audire videor interrogantem, *nunquid Tu, fastiditis tot eximiiis scriptoribus, autumas te confixisse cornicum oculos, & invenisse rationem, quam in Pandectis familiariter explicandis tuto sequi & probare possimus?* Imò vero, Absit à me, ut Auctores modo à me recensos aspernanter habere videar homines meriti gloriæque plenos, eo solo quod eorum scripta parum ad usum domesticæ Institutionis pro more seculi captuque juventutis nostræ accommodata putem; quin imò scitote, me non fore difficilem, si qui vestrum aliquem istorum privatis interpretationibus illustrari, seque ad eorum ductum erudiri cupiant. Cæterum, de me sine

hæsitazione respondeo, *me non esse tam ineptum, ut nesciam aliis plura forsitan in meis displicitura, quam ego in scriptis aliorum hujus generis desiderem: sed hoc facile obvinebo, fuisse in potestate meâ, conscribere librum, in quo defectus, quos in aliis observaveram, commodè supplerem ac emendarem, & quos ad meum gustum animique sententiam paulatim conformarem.* Enimvero non cupio promptior acutiorque videri, quam natura me fecerit, & ars longusque labor perfece-rit. Nam utcumque positiones hæ, quas in manibus habetis, videantur esse tenues & simplices, uti sunt, ac ut essent à me laboratum est, ingenue tammen fateor, eas ita primo conatu non effluxisse de manibus meis. Cum pertæsum esset fluctuationis circa Collegia Pandectarum, rogantibus studiosis dictavi ad calamum *emendatæ*, summasque singulorum capitum per omnes quinquaginta libros; quod accidit anno seculi sexagesimo sexto. quadriennio post, eadem illa recognovi aliisque studiosis denuo dictavi, atque deinceps usi sunt illis auditores mei, donec eas ante quadriennium rursus emendatas ære typographico dedi excudendas, sed absque meo nomine *lectionum*

titulo *Contratarum*. Postremo positiones *Institutionum* totas, prioribus inductis, novas scripsi, aliquanto verbis quam prius paucioribus, sed rebus fertilibus. Quæ ad *Digesta* pertinent, ea non omnino sed longe maiorem partem novo stylo rebusque subinde novis auxi & ornavi; in reliquis materiam secui, sectamque in membra redegei, minora quam fuerant, distinctionis & facilitatis causâ. Nunc adeo persuasum mihi est, eas ita comparatas esse, ut studiosi adolescentes, accedente vivæ vocis ministerio, sinceram & integram Juris Romani notitiam moribus seculi adtemperatam, quam minima fas sit molestiâ, colligere possint. Minuendo discendi tædio dicendum adhuc est, instituisse me rem unam in *Pandectis*, quam à nemine recordor esse observatam. Capita *Institutionum* in *Digestis* omnia rursus occurrere novistis omnes; hæc aut odiose repetenda iisdem verbis, aut aliâ methodo iterum inculcanda erant, quod utrumque & explicanti & audientibus grave tædiofumque esse animadverteram. Scripsi igitur summas *Institutionum* plenius quam aliqui facturus eram, non tamen prolixius quam aliis in pari compendio faciendum videretur;

In *Pandectis* ubi ad titulos *Institutionis* parallelos ventum est, remitto Lectorem ad *Institutiones*, ubi tantum reperiet, quantum ad paratitlarem *Digestorum* notitiam sit necessarium. Putavi adolescentibus, qui longum illud iter quinquaginta voluminum ingrediuntur, solatio fore, si quandoque in itinere vasto loca reperirent, in quibus respirare liceret & jucundâ repetitione eorum quæ pridem tenebant, discutere tædium, quod via tot librorum parit inexpertis. Idcirco de talibus materiis, nihil in *Digestis*, nisi pauca subinde singularia posuimus; cæterum, ita servamus, ut cum ad ejusmodi titulos ordo nos perduxit, examinando recolamus eadem quæ in parte priore collocata sunt; atque ita consequimur, ut qui *Pandectarum* habet Collegium, simul eademque opera perfectè repetat *Institutiones*, quâ re nihil ad solidum discendi profectum efficacius esse potest. Satis diu multumque de libro, cuius ductum in privata eruditione sequemur, locuti sumus; sed quia positiones istæ, sicut demonstravimus, æque ad disputandum atque ad explicandum sunt compositæ, & hoc genus exercitationum studioso juris inprimis necessarium est, decrevi singulis heb<sup>t</sup>

hebdomadibus copiam facere disputationis privatæ, tempore modoque, ubi ad rem ventum erit, constituendo, & habemus antiqua specimina experimento comprobata, quæ non pessimum hujus rei exemplum denuo præbere poterunt. Est adhuc aliud institutum nunquam alias à me exercitum, sed ex quo non minimum utilitatis jucunditatisque mihi vobisque polliceor: *Congressus* erit, ac ita appellabitur, atque hic etiam actus singulis septimanis idoneo tempore celebrabitur, & quidem hac gratiâ, ut *Auditores* tum potissimum & ex professo, cum id alioqui semper liceat, scrupulos, atque difficultates, quas inter studendum collegerint, quæque meditantibus plerumque subnascuntur, proponant, easque nos, si poterimus, incontinenti expediemus; si res altiore requireret indaginem, utemur privilegio *Jureconsultorum*, quos non cogi ex tempore respondere, à majoribus nostris accepimus, atque responsum solutionemque in sequentem congressum sine fraude videlicet rejiciemus. si parum aut nihil erit, quod proponatur, non patiemur tamen congressum inutiliter labi, sed amœniora quædam ad Juris publici rationes maxime spectan-

tia proponemus, & vel more colloquii, vel oratione continua pertractabimus. His exercitiis per triennium sedulo continuatis, modo adferatur ingenium, præparatoriis philosophiæ & humanitatis artibus haud plane inculturn, confido *Auditores* eo perventuros, ut si res eorum ita fiant, colophonem studiis suis honoratum imponere queant. Nam duobus *Institutionum* totidemque *Pandectarum* auditionibus hoc stadium prius confici & absolvi potest; brevius spatium temporis ægrè sufficeret, longius haudquaquam improbandum; quia præcipuum doctrinæ legalis robur in eo consistit, ut generalis Juris præcepta non modo clare & distinctè sed etiam valide firmiterque memoriæ imprimantur, ut nunquam deficere, nunquam obliterari possint, cujusmodi habitum nonnisi crebro usu nec sine repetitione comparari posse manifestum est. Hactenus de primo & faciliore studii nostri parte; quid in altiore illo stadio, quod pauci ingrediuntur, agendum patiendumque sit, hoc tempore non potest, alia occasione commodius edisseretur. Quid etiam contra hanc institutionem quam exposuimus, objici possit ac soleat, quid circa eam amplius observan-

(K)

dunt

dum sit, proximâ, ut dixi, exercitatione *Justiniana* præfabimur. Vos *Ornatissimi Juvenes*, comparate vos alacriter ad eam Juris semitam, quæ est optima, calcandam, ac utimini opportunitate commodi vestri, quo in hac Academia, si usquam alibi, multo amplissimoque ad proficiendum abundatis. Cogitate, quamlibet corruptis temporibus virtuti tamen doctrinæque paulo eminentiori, utcunque fautoribus etiam ac amicis destitutæ constare suum pretium, seculoque id extorqueri, ut dotes quibus carere non potest, urgente licet ambitu, ad-

huc agnoscere & honorare cogatur. Mitto dicere, quod nec hodie defunt generosi Proceres, qui virtuti doctrinæque pretium statuere honoremque habere non dedignentur. Audite igitur *Justinianum* non frustra hodieque vos adhortantem; *summa*, inquit, *ope & alacri studio hæc Leges nostras accipite, & vosmet ipsos sic eruditos ostendite, ut spes vos pulcherrima foveat, toto legitimo opere perfecto, posse etiam Rempublicam in partibus vobis credendis aliquando gubernari; aliamve fortunam meritis vestris partem confidite feliciter vobis eventuram.*

D I X I.



UL



# ULRICI HUBERI

## ORATIO III.

Quâ differitur:

*Quamobrem Jus Publicum olim in Academiâ nostra  
professione publicâ non sit honoratum.*

*Habita domi ipsius, ante primam*

Collationem Doctrinæ

D E

# JURE CIVITATIS

cum Politica,

Prid. Non. Maj. c1513c LXXXII.



Uam non immerito *Venustissimus* Poëta, hominibus Eruditis præcepit, ut si quid publici juris facere vellent, id *nonum premerent in annum*, plurimis in utramque partem exemplis hoc & ante actis seculis egregiè approbatum est. Nam quibus id monitum altius animo infedit, horum scripta, non modo ætatem suam, verum & posteritatis judicium ferre potuerunt, qui vero crudas cogitationes ausi sunt in publicum protrudere, mercedem temeritatis contemptum

præsentem, inque futurum; oblivionem retulerunt. Plus satis librorum in mundo esse jam vetus est querela, sapienterque multi in animum inducere, satis esse gloriæ in testimonio conscientiæ; verum tamen, qui in Academiis docendi munus obeunt, velint nolint, scribendi consuetudine abripiuntur; quia vulgus hominum domi forisque ita rationes ineunt; ex quâ *Academiâ nihil librorum in lucem orbis literati prodit, eam esse obscuram & ignobilem.* Proinde non est integrum nobis uti tam validâ philosophiâ, ut instituta

(K) 2

com

communiam famæ magno animo spernantes nosque virtute ac eruditione, si qua nobis adsit involventes, domi delitescamus. Plane fieri non potest, quin audendum sit aliquid & vel scenæ serviendum, vel operâ danda, ut nonnihil in publicum utile tuis laboribus efficias, *sive τὰ καὶά καὶνὰ, vetera noviter, vel etiam novi quid sine odio vetustatis producere possis.* In utroque genere jam extant conatus nostri specimina; nam ad Institutiones & Pandectas Justiniani veterem & immutatam Juris disciplinam peculiari modo expressimus, Digressionibusque & Observationibus illustravimus. Inter nova quæ sine præjudicio antiquitatis Instituiimus, non modo Juris *Frisici* institutionem colloco; sed etiam commentarios *de Jure Civitatis*, ratione, cujus mox pluribus verbis fidem vobis facere conabor. (6) *Commentarios* appellavi optimo jure, si quis unquam libellus hoc nomine designatus fuit, quia levi opera, sicut primâ cogitatione venerant in conspectum, è calamo effluxerunt. Nunquam aliàs evenerat, ut theses ad disputandum propositas ita continuo in librum exire permit-

terem; sed usus sum aliàs semper beneficio occasionis, quam liberalitas *Ordinum* in hac Academia scripturientibus suppeditat ut meditationes suas primo in chartam conjicere, publicistypis excudere, ventilandas exponere, hominumque judicia super illis experiri, atque deinceps examinata, digesta, recocta publici juris facere liceat. Id in hoc commentariolo non tulit desiderium & ardor Studioforum, per quos factum est, ut inconditum rudimentum formâ libri typis mandatum institutioni juventutis paterer accommodari. Iam tum hanc causam festinationis publicæ præ me tuli, constituique me deinceps, repetitam prælectionem tractatumque, cui aliqua inesset reverentia posteritatis, adornaturum. Eò nunc vota mea tendebant, postquam *Illustres Patriæ Ordines* juxta *Civile Jus* & *Frisicum* etiam *Publicum* à me scripto elaborari illustrarique voluerunt. Annus nunc labitur duodecimus, ex quo Nobilissimi Proceres Juris Publici professionem mihi primum decreverunt, & quidem primo in hac Academia, inde postquam felicibus auspiciis condita fuit à majioribus. Non

se-

(6) Elogium operis Grotiano æmuli habet Thomassius in *Progr.* XXVIII. p. 582.  
1799.

semel in mentem mihi venit dubitare, quamobrem *Illustres Ordines Academiaeque Curatores*, jam olim non instituerint alicui mandare provinciam *Juris Publici* in Academia suâ docendi, cum ejus facultatis ubique non immerito summa ratio apud Magnates haberetur. Inprimis quia videbam nostros laudabili ambitione nunquam esse passos ullam vel sacræ vel civilis doctrinæ partem carere suis in hoc bonæ mentis emporio, ut ita loquar, Institutoribus, neque sumptibus hac gratia parcendum existimasse, ut alios potius superare quam cedere in animum induxisse videantur. Quum hac de re cum amicis familiariter aliquando agerem, fuit, qui sic arbitraretur; Conditores Tutoresque Academiae hoc modo rationem putasse; Cum prima *Juris divisio* sit in publicum & in privatum, non fuisse dubitandum, quin *Juris* professione constitutâ, non utique privatam jus solummodo sed etiam publicum eodem officio contineretur, ideoque non modo superfluum, sed etiam ineptum viris sapientibus videri debuerat, si, ordinatis universæ Artis Antecessoribus, Publici *Juris* professio adhuc defi-

deraretur. Non potuit hæc ratio, utcumque primo auditu valida & irrefragabilis, quærenti hac de re satisfacere. Primo enim satis constat, *Justinianum* idcirco divisionem *Juris* in publicum & privatum primo omnium loco posuisse, ut occasionem haberet, publicam mox à tergo relinquendi, parumque aut nihil de eo in suis libris collocasse; quemadmodum certe in Institutionibus altum ejus silentium, in cæteris libris tam rara mentio occurrit, ut studio illud omisisse manifestus sit Imperator. Adeò ut *Juris Romani* Professores non habeant facultatem, hanc partem disciplinæ suæ, ex libris *Justinianæ* tradendi; aliunde autem ex historiis & Romanarum antiquitatum monumentis eam indagare & explicare, limites professionis eorum egrederetur. (7) Quin et si Romanis Imperatoribus institutum fuisset, *Jus publicum* perinde ac privatum persequi, non existimo tamen, nostrates dominos, pro ea, quæ in omnibus eorum consiliis elucet, prudentiâ fuisse judicatu-  
 rum. (K) 3

(7) In paucis periculum hujus rei fecit Scipio Gentilis, in *Dispp. Illustr. Conf. Jo. Fr. Buddei Specimen Jurispr. Histor.*

dum. Nam Antecessores gravissimæ Artis illius non ea gratia constituuntur, ut historiam Antiquæ Reipublicæ, ordinisque judicialis, qui fuit apud Romanos, exponant; sed ut excolant juventutem in spem Patriæ succrescentem disciplinâ legum, quæ his etiam seculis suum usum retineat, quæque civium actiones & patrimonialia hodieque tueri & gubernare possit. Non nescimus, perfectum Jure consultum, tam jus quod in ipsis rerum obtineat argumentis, quam quod desuetudine inumbratum est, scire oportere, quatenus altera pars sine alterius notitiâ plene accurateque intelligi nequit. ac ita cum Jure privato Justiniani comparatum esse videmus. At si totum Jus latinum, vel potior ejus pars, moribus nostris attritum esset, cui bono tanti sumptus tantique labores ei discendo docendoque impenderentur? credo, quemadmodum Cæsar *Frivius* jura suo vetustiora nominat *antiquas fabulas* (8) ita nostri quoque soli seculique homines universam Justiniani scientiam ut *fabulosam* rejicerent, nedum tanto cultu prosequerentur. Atqui cum Jure publico Romanorum ita se res ha-

bet; sepultum id est cum ipsa Republica Imperioque Romano: proinde notitia illius ad historicam potius quam Juridicam institutionem pertinere videtur; & si corpus ejus Artis desideres, id tibi Sigonius *libris de Jure civium Romanorum, Italia, atque Provinciarum*, Jureconsulto quidem minime spernendis, sed in scholâ Juridicâ ex professo non tractandis, exhibebit. Habemus igitur rationem existimandi, Præsides Academiæ nostræ, hanc causam non habuisse, quod *Jus Publicum* Professione jam olim non honoraverunt, quando non modo in Patria nostra, sed & ipso, quod etiamnum dicitur, Romano Imperio, Germaniâ, inquam, constitutio formaque veteris *Romæ* penitus abolita & extincta cernitur. Sed nihil est tamen celebrius, quam Juris Publici doctrina per *Germaniam*, ubi non desunt egregia scripta hominum maximorum de hac Arte luci data, quæ & in Academiis ubique non minore studio quam Juris privati disciplina colitur, omnibusque exercitiis in reliquis doctrinæ partibus usitatis frequentatur. Videlicet, non de statu priscæ Romanorum Reipubl. sed de consti-

(8) §. 3. *Pronomii Instit.* ibique Theophilus, operosis aliorum conjecturis vel unus potior.

tutione præsentis Germanorum Regni, Imperiique Romani, agunt scriptores illi, qui hoc & superiori seculo de Jure Publico ingenti numero scripserunt. Regni, inquam, & Imperii distincte; sed de regno potissimum, quod ambitu principis *Europæ* populi, *Germaniæ*, continetur: nam Imperii Romani extra illud regnum tam exiguae sunt reliquiae, ut magis in *prætenſionibus*, liceat ita loqui, quam in *possessionibus* consistere videatur. (9) Haud immerito aliquis miretur, quomobrem id ita factum sit, ut ex omnibus hodierni Mundi Imperiis doctrina Juris publici apud solos Germanos in Artem disciplinæ magnam & notabilem evaserit; cum alibi Gentium nihil in-

primis hujus generis, quam satis tenues Rerumpublicarum descriptiones Ordinumque historiarum reperiantur. Quanquam *αξιωμα* Cæsareæ dignitatis & nobilitas Gentis mereatur, ut ejus Regimen præ cæteris populis noscatur, existimo tamen, effusam illam Juris publici Romano-Germanici licentiam inde ortam esse, quod nullius principis verecundiâ, vel intercessione, (nec enim monarchia, vel Aristocratia sed *πολυκρατία* (\*) est in Germania) retardati sunt scriptores, quominus omnia *imperandi arcana*, quæ ad Summam Imperii pertinent, aperto velo, publicatum expositumque irent, quod alibi suspicaces regnantium animos offendere posset; (10) quem-

ad-

(9) Immo vero a *Caroli M. & Ottonis I.* temporibus Reges Franciæ, & Germaniæ, legitimos *Honorii* in Occidente successores fuisse, probatum nuper ivimus in *Dissert. de Romano Germanorum Imperio*. Neque adeo veteris reliquias Imperii nudis prætenſionibus contineri, formula regni *Longobardici* cum maxime evincit; Salvis Imperatori & Imperio, ætate etiam nostra, vasallagiis, regalibus, tributis, judiciis, executionibus, investituris cum antiquis tum novis, &c. Neque incerta magis eorundem supremæ *advocariæ* in *Eccliam* & Papam Romanum jura.

(\*) *Formam* cujusque Reipublicæ ex *legibus fundamentalibus* arcessendam esse inter peritos rerum constat. Regnum itaque Germaniæ integrum si spectetur, limitatæ speciem monarchiæ referet; Ordines vero inter se *socii* videbuntur, communi sædere unum in corpus coaliti; intuitu *exteriorum* denique, singulos Ordinum totidem supremos Principatus obtinere dices, salvo tamen Imperii vinctu, tum civili, tum feudali, qua de re Juris Germanorum Publici auctores varie multumque disputant, Inque illis interpretes Pufendorffii ad cap. V. & VI. *Monzambani*, & gemino tractatu Hen-

niges, de *suprema Imperatoris potestate*.  
(10) Recte Plinius minor, lib. VIII, epist. 14. de oppressa Domitiani tyrannide patriæ libertate, *priorum*, inquit, *temporum servitus*, ut *aliorum optimarum artium*,

64

admodum hac causâ de peculiaribus singulorum principum regimentis non minus infrequenter parcosque videmus esse Germanos, quam Galli, aut Hispani, aliorumque scriptores populorum esse consueverint. (11) Sed quicquid hujus rei Tu aut ego esse putemus, id mihi causam dubitandi non videtur habere; quin nemo ab Ordinibus nostris expectaret, nedum exigeret, ut de Jure imperii *Romano Germanici* functionem docendi publicam, in Academia suâ constabilirent: quando curiositas potius in alienæ Reipublicæ Inquisitione, quam honos erga nobilissimam gentem ejusmodi instituto inesse videretur. Supererat, ut Domini communem patriam hoc notabili honore prosequi debuissent, sive jus proprium *Frisiæ*, seu generale provinciarum *fœderatarum*, Studiosæ Juventuti inculcandum pu-

tavissent. Nec forte an absurda vel inutilis hæc instituti ratio fuisset, maxime in eorum gratiam, qui splendore natalium meritisque fortunæ in spem Reipubl. honorumque gerendorum nituntur; quique diffusum asperumque Juris privati studium labore deteriti vel contemptu infatuati refugiant. Hi Juris Publici, maxime Patrii, cum historiæ amœnitate conjuncti, notitiam forte non adspernarentur; nec eorum parentes de hac parte doctrinæ in animum inducerent, quod aliqui multos de literis studiorum non modo cogitare suspicor è factis, sed adseverare scio verbis, facultatem eruditionis nihil ad Rempublicam prodesse gubernandum: credo quemadmodum ab illis administrari solet; verum aut ego vehementer fallor, aut qui his diebus Rempublicam nostram, *Frisiæ*, inquam, peculiar-

rem

*sic etiam juris Senatorii, quod partem Publici esse paullo ante dixerat, oblivionem quandam & ignorationem induxit.* Primus apud Germanos Jus Publicum Wittebergæ professus est *Henningius Goden*, Tui initium imperii *Caroli V.* de quo, aliisque non paucis plenius egit *Jo. Pet. Ludewig*, in *Singul. Jur. Publ. cap. I. § 29. p. 140. seqq.*

(11) Contra ea nihil hodie frequentius, nihil publice utilius descriptione politici, singulorum *Europæ* regnorum, & territoriorum *Germaniæ* regiminis, quod editas passim systemata abunde loquuntur, ne *Russorum* quidem despoico Imperio excepto, cuius formulam nuper non male concinnavit *M. Morgensternius* Utinam vero & *Belgæ*, tandem aliquando, Romæ cives esse, & in patria hospites, publice, dedicerent, præeunte cum maxime amplissimo Viro, *Cornelio van Bykershoek*, & patriæ suæ, & *Themidos* ornameto principe, in *Quæstionibus Juris Publici*.

rem intuetur, in alia omnia sit concessurus? Qui propius consilia cordata Procerum, qui exactam omnium ordinum officiorumque disciplinam, qui afflictissimo tempore par oneribus erarium, qui adserta foris jura provinciarum, qui curata æquabili habita tenore considerat, non potest non ita existimare, qui hæc suis finibus regunt, eos utique publici Juris esse prudentissimos. Tamen hos ipsos utcumque doctos sapientisque Dominos, cum olim hujus Juris professionem mihi decernerent, idemque modo scriptis illustrandum commendarent, non id egisse opinor, ut Frisicæ Belgicæve Reipublicæ jura & arcana nominatim tractanda curarent; quod ut inusitatum, si Germaniam excipias, vix est ut limatissimis eorum judiciis convenire videatur. Minus politicæ considerationis & plus dignitatis inesse videtur in doctrina *Juris Publici Universalis*, cujus præcepta disputationesque, sicut omnibus & singulis civitatibus, ita nostræ quoque patriæ conveniunt; eique peculiariter sine incommodo invidiaque poterunt applicari. Jam vero tu rogabis, quid fuerit impedimento, quominus hanc *Artem Juris Publici Universalem*, cui judicium de particularibus

Gentium institutis regimentisque inest, Nostratès Domini jam olim in Academiâ docendam ornandamque judicaverint. Ego ita existimo, fuisse illud Jus ignotum & prope inauditum, quatenus ut *Ars propria disciplinaque separata* consideraretur. Etenim hoc modo credita fuit terminis Politicæ contineri pariterque cum illâ scientiâ, sed minus plene, validèque tractari solita fuit. Primus *Hugo Grotius* nostræ memoriâ viam paravit ad *Artem Juris publici à politicâ separandam*, in libris civili sapientiâ omnique eruditione refertissimis *de Jure Pacis & Belli*; Sed viam paravit, inquam, huic Arti, de quâ nos loquimur, à Politicâ dividendæ, non fecit, nec illam separationem; utpote, quæ scopo materiæque descriptionis, quam præmanibus habebat, non conveniret. Nam ille commentatus est doctrinam de jure, quod inter diversas civitates, nec invicem nec uni subjectas Imperio, intercedit; sive, ut ipse loquitur, *quas nulla juris civilis tenet communitio, quales sunt, & qui in gentem nondum coierunt, & qui inter se diversarum sunt gentium, tum privati, tum reges ipsi, & qui par regibus jus obtinent*. Nostra autem disciplina docere debet, quid in

*regimine cujusque civitatis fas & rectum; quid singulis in eadem Republicâ ordinibus, imperanti, subiectisque imperio, sit tribuendum. Manifestum igitur est, Jus Grotianum ab eo; quod nobis propositum est, toto genere materiaque discrepare; sed hoc vidit suisque lectoribus inculcavit & pulyas; ei, qui jus publicum discere, docere cupit, temperandum esse ab his quæ alterius sunt tractationis, inter quæ collocat omnia quæ docent, quid ex usu sit facere. Nam ista, pergit, suam habent artem specialem, Politicam, quam recte ita solum tractare observat Aristoteles, ut alieni nihil admisceat, contra quam Bodinus, fecerit, apud quem hæc Ars cum Juris nostri Arte confunditur, Nec tantum Bodinus hujus confusionis errore ductus fuit, sed fere quicquid est Politicorum hujus seculi, Althusius, Besoldus, Arniseus, & quinque in hoc stadio palmam quaesiverunt, ut vix reperiatur ex recentioribus, præter unum Lipsium, qui meram politicam, Aristotelis exemplo, tradiderit; nisi vir egregius Johannes Henricus Böclerus, præceptor olim noster Argentorati, desideratissimus, in sua politica Lipsio hac parte sit*

PLACIDUS

adjungendus. (12) Verum Juris Publici Universalis, à Politica sejuncti, quod jura regnandi parendique in una civitate, seorsim ab eo quod expedit, doceat, adhuc nullum mihi specimen aut exemplum videre contigit. Cum primum Antonii Perezii nostri Jus publicum, sicut inscriptum est, viderem, primoque intuitu scopum sejas esse generalem, non ad Romanum vetus, aut recens Imperium, aliamve Rempublicam, adornatum animadvertirem, non dubitabam, quin tunc aliquando Jus publicum ad meum gustum doctrinamque de jure civitatis puram sinceramque reperissem. Quomodo enim secus de viro exactæ eruditionis & judicii maximoque Jureconsulto præsumerem, quam ut Jus à facto, justitiam ab utilitate, separatim considerasset; præsertim, quia sic visam ei fuerat, non Politices, sed Juris Publici inscriptionem præferre suo libello. Nunquam, fateor, expectationem meam magis improvisus error elusit, quam cum in tractatu de Jure Publico hujusmodi capitum præscriptiones offenderem; Princeps vitia fugiat, virtutes amplectatur. Uxor ducenda & quæ. Rex filios bene

(12) Sissmelli, Lockii, aliorumque scripta in omnium sunt manibus, Heronii tamen Nechlethionici ego Heritii Prudentiam Civilem longe antefero.



*bene curet instituendos. Primogenitus ne quid, viro patre, machinetur. Rex tributa moderatè imponat. paucis consilia sua revelet. Adsentationi aures ne præbeat. Consilium utile sine morâ exequatur. Qui majora obsequia præstant sæpe gratia excidunt. Quibus modis avertenda belli incommoda, atque id genus alia passim, in quibus omnibus sententiis nihil juris, sed mera esse consilia & monita, primo auditu intelligitur. Nec hoc igitur exemplum, quo doctrinâ de jure Civitatis in Artis formam reducta fuerit, citari potest. Exierit quidem scripta quæ ad Jus Publicum Universale pertinent, sed quæ de toto Jure Civitatis ab summis ad infimos ordines agant, nullum, inquam, videre mihi licuit. (13) Nolo ineptius videri nec inanis auræ captare gloriosam; sed aut primus illam Artem eo modo composui, aut ita scripsi, quasi primus eam constituerem. Si quis vero ex ipsâ rei evidentia, Grotiique magni auctoritate, necdum satis persuasus sit, doctrinam de jure Civitatis à politicâ separandam esse; velim hunc secum reputare, in administratione Reipublicæ duplici ferè prudentiâ opus esse, quarum*

*altera Juris, altera Facti sano sensu vocari potest. Prudentia Juris docet Te, quid civitatî singulisque in civitate Ordinibus ex regulis Justitiæ tribuendum sit: Prudentia Facti moderatorem civitatis consilio instruit, quid in regenda Republicâ pacè bellogue factò optus, quid ex usu sit. Prudentia Juris habet pro materiâ facultates hominibus competentes ad aliquid agendum vel habendum, quæ sunt res certæ atque præsentēs; Facti Prudentia versatur circa res contingentes, earumque futuros eventus. Finis prudentiæ Juris est Justitia; finis alterius, utilitas; quarum reputationes in consiliis hominum semper diversas, aliquando contrarias esse, docet abundè experientia. Sæpe quando in utilitatis respectu conveniunt, de juris ratione disceptatur, ut omni die inter partes evenire videmus; sæpe etiam, cum de jure consentiunt deliberantes, de rationibus utilitatis discrepant. Quamquam hæc res tam clara sit, ut contradictionem recipiat nullam, juvat tamen adducere exemplum, quod discrimen illud juris ac utilitatis non tam explicet amplius, quod necesse non est, quam de-*

(L) 2

cla.

(13) Editum nuper hoc titulo illustris Antoniam Jur. Gent. Henr. Cocceii

Böhmeri opusculum nemo ignorat; uti nec

claret ac illustret. Apud *Tbucydem* in libro tertio memoratur acerrima contentio, quæ fuit inter *Cleonem*, importunum illum demagogum, & *Diodotum* civem bonum atque prudentem. *Mitylenæi*, cum ab *Atheniensibus*, insigni eorum incommodo, atque hostili animo, ad *Lacedæmonios* defecissent, iterum armis subacti, adque deditionem fuerant compulsi. Deliberabant in concione *Athenienses*, quid adversus deditionis statueretur: *Cleon* vehementi oratione cunctos sine discrimine trucidari, *Diodotus* mitiora suadebat. Vicerat *Cleon*, sed dimissa concione, cum populum præniteret, legati *Mitylenensium* novam impetraverunt audientiam; ibique rursus *Cleon* & *Diodotus* summa cum vehementia egerunt. Uterque statuebat, pœnam mortis jure, scilicet jure belli, à deditis expeti posse; tamen si forte nec hæc res, ut innoxii cum nocentibus exitio darentur, dubitatione juris careret, verum de utilitate potissimum discrepabant oratores, eo quod *Cleon* terrore supplicii, *Diodotus* clementiâ ac humanitate, rectius in officio contineri socios imperioque subjectos adfirmabat: at hoc quidem decidere non est hujus instituti. Sed *Cleon* ita con-

cludebat: Παιδοῦλοι μὴ ἴμοι, τὰ τε δίκαια εἰς διτυληναίους, καὶ τὰ ξυμφερόντα ποιήσεται. Si meo consilio obsequamini, & adversus *Mitylenæos* iuste, & pro vobis utiliter consulitis *Diodotus* verò post multam disputationem ita desinebat: τὸ δὲ καλὸν τὸ ἀντὶ δίκαιον καὶ συμφερόν τ' ἐπιμελείας ἢ ἐν εὐεργεσίᾳ. Illa *Cleonis* justitiâ & utilitas non inveniuntur in hoc pœnæ exemplo. Atque ita hæc res satis manifesto, si fallor, usu veritatisque argumento constat, scilicet, artes, quæ tradunt juris regulas, quæque docent utilitatis rationes, penitus esse diversas. Placet occupare duas objectiones, quæ adversus hanc separationem moveri posse videntur. Prima sit, quod regimen civitatis secundum juris artem, regulasque justitiæ, non possit exigi, quia sic ab hominibus summatæ auctoritatis traditum sit: civitates sine multâ injustitiâ non posse gubernari. Sic *Aristides* iustissimus Græcorum sentiebat, de quo *Theophrastus* apud *Plutarchum* auctor est, eum circa res privatas & circa cives singulos summopere justum fuisse, verum in publicis multa fecisse pro ratione status Patriæ ὡς ἐν κοινῇ ἀδικίας δεομένων, cui scilicet crebrâ opus esset injustitiâ. Plato etiam cum alibi, tum in epistola ad propin-

quos

quos & adfines. Dionis, affirmat sibi constare, de omnibus sui temporis civitatibus, ὅτι κακῶς ἐμπατα πολίτευνται, quod omnes male gubernentur. Nec hodiernis temporibus sanctiora esse Regum & Rerumpubl. consilia docet abunde experientia. *Cosmi. Melicæi* Senioris dictum est, non posse mundum regi cum patrenostro in manibus. Lipsius ipse, gravitatem licet Stoicam præ se ferens, alibi quidem se libenter audire scribit, qui verbis Ciceronis vetant, rationem bono consilio à diis immortalibus datam, in fraudem malitiamque converti; verum in civitate regenda negat se posse, quia fraudis mixturam admittat, quam ut ratione certam faceret, hoc egit, ut tres gradus fraudis statueret; primum, quæ haud longè à virtute abit malitiæ rorè levisiter adpersa; alterum quæ ab eadem virtute longius deflectit, & ad vitii confinia venit; tertium, quæ non à virtute solum, sed à legibus etiam recedit, malitiæ jam robustæ & perfectæ; Illam suadeo, hanc tolero, istam damno, inquit. Quicquid Senones aliqui velint, adhuc verum putat esse Democriti dictum; Fieri non potest, ajebat ille, τὸ γὰρ καὶ δεσπότης οὐδὲ μὴ, ut nunc se res habent in mundo, μὴ δὲ ἀδικεῖν τὰς ἀρ-

χίας, quin Principes injuste aliquando agant; ἐν δὲ πᾶσι ἀγαθοὶ εἰσιν; tametsi eximie boni sint, addit. Deploranda Principum conditio, si aliter rectam navem tenere nequeant, nisi prius jacturâ conscientiæ facta, nec aliter commoda populorum gubernare possint ad salutem, utunque boni & sancti, nisi malitiæ rorè plus minus adpersi! Nam id, credo, non contentend illi dispensatores, quin illud æternæ veritatis dictum regnantes etiam teneat, τὸ μὴ καλὸν ἔστι ἔφω καλὸν; Quod semel injustum est, id nunquam fiet honestum. Adeoque nobis religio est assentiri, vel Democriti, vel Aristidi, vel ei qui pietatem in corde, quam in lingua habere malebat, Platoni equidem non detrahimus fidem; omnes omnino civitates, ut olim, ita hodieque pravo more gubernari: sed aliter nullo modo Imperium haberi posse; ne de sacris literis dicam, credo, non concedat, aut Marcus Antoninus, aut Alphonsus Sapiens, aut Ludovicus Sancti cognomen adeptus; homines qui ad regnandum non modo propositum justitiæ immotum, cultumque doctrinæ, sed & vim judicii, peritiæque regnandi præclara copula junctas attulerunt. Quin et si

concederemus, nullum regnum sine fraudis artibus *aliquando* exercendis haberi posse, nemo tamen eo venerit impudentiæ, ut omnem juris observantiam à civitatis administratione velit remotam; Nobis autem ad Artem Juris publici vindicandam, si non daretur ultra, sufficeret, quod sane plerumque Juris regulæ in administrandâ civitate sunt observandæ. De Lacedæmoniiis memoriæ proditum est, eos inter se, jurisque civilis ratione, exactâ virtute justitiæque fuisse usus, sed adversus alios nullum jus cognovisse, nisi quo Sparta major & potentior evadere posset. Quæ philosophia licet flagitiosa tamen huic Arti nostræ, quæ terminis cujusque civitatis continetur, suam relinquit integritatem. *Altera objectio*, quæ adversus institutum separandi Jus civitatis à politica præsumi potest, in eo consistit; quod malo consilio juris & utilitatis rationes dividimus ac in oppositas artes disperitimur. Id enim ad *Machiavelli* (14) institutum accedere videtur, qui Principem suum utilia seorsim docet; cum ea nunquam à Juris & æqui rationibus dividenda, solaque bona, quæ honesta

existimanda sint; eamque conjunctionem melius exprimere videntur, qui juris & utilitatis rationes miscent exemplo Agricola, quem Tacitus, *eruditum* fuisse narrat *utilia honestis miscere*: quod scilicet, hi quoque facere videntur, qui politicam, jurisque publici rationes; uno eodemque volumine tradunt. Ad hæc facilis responsio est, ex eo quod nos diversis libris de rationibus juris & utilitatis agi volumus, minime sequi, in actionibus vitæ regendæque Republicâ eas æquæ separandas esse, nisi quis putet, Ethica & Oeconomica præcepta in eodem patrefamilas non debere concurrere, propterea, quod philosophi de illis alio ac alio systemate tractant. Præterea, quanquam jus ab utilitate non potest ita separari, ut turpia, quia sunt utilia, facere liceat; sine dubio tamen ea, quæ justa sunt, omittere quidem licet, ob rationes utilitatis: ideoque fere in omnibus de jure & æquo controversiis ejus quod expedit rationes seorsim considerandæ, minimèque inter se confundendæ sunt; cujus rei modò evidens exemplum in disputatione Cleonis & Diodoti; referen-

te

(14) *Machiavellum* Republicanum, potius, sive Monarchomachum, fuisse, post *Conringium*, *Basium*, alios, nuper doctissimus *Christius* evicit, gemino opusculo.

te Thucydide, habuimus. Atque hæc, *Ornatissimi Juvenes*, arbitrator sufficere; quo vobis persuadeatur, Artem Juris publici separandam esse à Politicâ, antehac unâ utramque disciplinâ solutam fuisse comprehendere, & hanc fuisse causam, quod *Proceres*, constituta jam dudum *Politices* professione, juxta reliquam philosophiam, de *Jure civitatis proprio Marte docendo cogitare non potuerunt*, quod erat propositum hujus orationis. Utinam æquè jam vobis persuadere possem, debere vos animum inducere, non modo *Juriconsulti*, sed etiam *Theologi*, & quibuscunque salus *Reipubl.* ad animum pertinet, ut hanc Artem, cujus adhuc plane expertes, esse videmini, sedulo discatis. Poteram vobis multa de utilitate, jucunditate, facilitate hujus scientiæ proponere, sed tempus monet esse perorandum. Credo, vos ipsos facile existimatos, cum nihil magis intersit humanæ societatis, quam statum civitatis bene se habere, hanc artem esse non modo perutilem, sed & necessariam. Jucunditas vero quæ major esse posset, quam in eo studio, quod in media luce

historiæ copiaeque omnis generis exemplorum versatur? Nec audio qui dicant; satis negotii nobis est in iis artibus, quæ vota parentum fortunaque nostra nos addixerunt, ut nihil opus sit novo studio, quo carerè nos posse credimus inde, quod adhuc incognitum fuit. Scilicet ignotum fuit; ita ut à politica separatum est, sicut inde separari debet; haud aliter; olim confusè ac ita difficiliter docebatur. Nunc eam viam institimus, ut faciliorem ejus intellectum promittere vobis atque præstare possimus. Quamquam per se nullius scientiæ quam hujus, facilitas major esse potest, de quâ fide meâ jubere pollicerique possum, non modo Juris studiosos, sed & omnes aliarum artium Auditores, nullo negotio quæ à nobis in hoc genere explicabuntur, esse percepturos. Quapropter accingite vos, *Ornatissimi Juvenes*, tantumque studiis gravioribus subtrahite temporis, quantum opus erit ad accipiendam ejus Artis institutionem, quâ nulla majori utilitate, jucunditate, facilitate, vobis commendari potest.

## ULRICI HUBERI

## ORATIO IV.

Quà respondetur ad objectiones, quæ moventur adversus institutum, oratione II. commendatum.

**D**iximus (1) in oratione, quam habuimus ante *primam* Juris Romani cum moribus seculi *Collationem*, esse, qui institutum pluribus verbis à nobis ideo commendatum, ut in cursu studiorum vobis instar cynosuræ esset, non satis præbarent, nec ad veram proficiendi legem pertinere contenderent. Non dissimulavimus etiam, habere non ipsos, quæ non tam adversus consilium nostrum, quam juxta & circa illud commones facta & observata cupe-remus. De his, præsentī oratione vobiscum, *Ornatissimi Juvenes*, agere constituimus, haud alio ordine, quam oratio, de quâ loquimur, nobis suppeditabit. Nec enim, committere debemus, ut consilium cujus ipsi nos solumus Auctores, scrupulis & difficultatibus impeditum relinquamus. *Primo* omnium, cre-

do fore, qui dicent, se expectasse, ut eximia quædam disciplinæ præcepta, quibus in intima Juris adyta pervenirent, exponerem & commendarem: Nunc autem quid hoc est aliud à te suggestum, quam quod omni die traditur & inculcatur in Academicis? Nonne *Paratitla* jam olim plurima sunt in lucem data, nonne communis hæc est ratio methodusque docendi, ut Institutiones & Pandectæ ordine Justiniano institutoque *paratulari* explicentur, Quid igitur sibi voluit hic apparatus orationis, quâ nescio quid inusitati arcanique promittere videbaris? Sæpe mihi usus venit, *Præstantissimi Juvenes*, ut adolescentes studiosi me privatim adirent, seque in amicitiam interiorē peterent admitti, haud aliâ gratiâ, quam ut peculiarem viam secretamque methodum sibi panderem atque mon-

(1) Sup. in *Orat. II. p. 64. seqq.*

monstrarem, per quam celerius atque felicius eruditionis iter conficere possent. Respondere solitus sum: *maximum* quod illis suggerere possem *arcanum* esse, laborem indefessum in eâ viâ, quam publice illis præirem; pararent se accuratè, priusquam in collegium venirent; ibique auscultarent attente, notarent quod non lectum prius audirent; cuncta repeterent cum fontibus, mandarentque memoriæ, rursus offerrent se examini sequente collegio, proponerent solvendum quod non intelligerent; hoc agerent, ut tyrocinium suum paucis onerarent præceptis, attamen universæ artis, eademque validissime sua facerent, & in causas fontesque rerum ubique penetrarent; in tempore dictum iri, quam id sine ambagibus optime brevissimèque fieri posset. Alia si quis arcana vel compendia polliceretur, verendum esse, ne non faceret idem, quod circumforanei remediorum nundinatores, qui miracula ægris promittentes ingenti pretio nihil quam ludibrium & pœnitentiam venderent. Idem prorsus evenire Juris studiosis, qui sese intra pau-

cos menses Juris doctores perficiendos traderent magnificis promissoribus, quorum pudenda exempla semper erunt qui execrarentur, semper etiam qui sequentur. Non est igitur quod vobis displiceat, *Optimi Juvenes*, meum consilium à sapore publico non esse alienum; etsi tamen disciplinæ meæ dictum vetus heic quoque observatum, τὰ κατὰ νοῦν, commune institutum novæ ratione cultum & exercitum reperietis. Nec vero tamen ita vulgatum id est, quod proposuimus, ut non multi se prodant, à quibus improbetur & reprehendatur. Sunt enim qui mirifico contradicendi studio cuncta disciplinarum (2) *compendia*, tanquam mera *dispendia* studiosorum, contemnunt iisque dissuadent, nec sine magnis, ut videtur, rationibus ut ita sentiant induci videntur; imprimis respectu Juris studiosorum & ejusmodi compendiorum, quale nos commendavimus: Nam quia necesse est ea scribi stylo brevi atque conciso, fieri non potest, quin eorum, qui talibus adfuescunt, ingenium & oratio sterilitatem, & nescioquam contrahant ariditatem;

(M)

qui-

(2) Conf. Auctoris Dial. de rat. dec. Jur. ad calc. Digress. quacque Bökelmannus, Otto, Heineccius, in præf. Suis ad Instit. monuerunt. Neque alia Epicuri sententia apud Diog. Laërt. lib. X. p. 729. ad Cal. & Senecæ lib. VII. de Benef. cap. 1.

quibus adolescentes, quos maxime decet ubertas & floridi dicendi copia, degenerant & corrumpuntur. Notum est etiam, qui Juris Studium feliciter exercere volunt, eos *amœnitates historicas* humanioresque literas cum eo jungere debere, cujus rei nulla penitus occasio in ejusmodi compendiis datur. Insuper ars ipsa juris eâ methodo pervertitur, aliumque induit habitum quam à Juris conditoribus accepit, & quam habere debet. Repletur novis principiis, terminisque semibarbaris, atque fictitiis definitionibus, in systema scholasticum deformatur. Quâ re fit, ut studiosi inde ab initio novis innixi fundamentis, in progressu quoque, & in ipsa praxi, rationes decidendi non tam ex limpidis antiqui juris fontibus, quam ex lamis & lacunis, ex præceptis regulisque systematicis, petere consueverint. Præterea, cum nihil ad solidam juris cognitionem sit efficacius, quam ipsos *veteres & totos legere Jurisconsultos*, siquidem aliter veræ & integræ illorum sententiæ satis rectè percipi nequeunt, qui hoc genus compendia amant, eo fructu non potiuntur; sed juxta regulas systematicas, identidem peculiare textus, qui modo

hinc, modo illinc citantur, inspicunt & qualitercunque singulis præceptis applicant: Quin hoc tantum faciunt qui diligentiores habentur, plerique verba compendiorum memoriæ mandare contenti, cum illa recitare possunt, egregios se Jureconsultos evasisse opinantur. Quod si omnino libellus manualis ad inchoandum Juris disciplinam opus est, quæ vos agitat insania, ut aliud compendium quæeratis, quam Cæsar ipse Justinianus composuit, & juvenuti sollicitè commendavit? Nam hac gratiâ narrat ipse Princeps sapientissimus in constitutione, quâ libellos Institutionum confirmavit, se *Triboniano, Theophilo & Dorotheo viris Illustribus convocatis negotium dedisse, ut auctoritate Principali prima legum cunabula in libros Institutionum redigerent*. Quid aliud neoterici compendiorum Suasores & Auctores agunt, quam ut pubem Academicam spolient illo notabili honore, quem Justinianus tam magnifice illis imputat, cum ait; *digni tanto honore, tantæque reperi felicitate, ut & initium vobis & finis Legum eruditionis à voce principali procedat*. Quanti vero illud est, quod Studiosis hac perversa methodo eripitur, quod qui Justinianum veteresque Juris auctores



stores assidue legunt, eorum dicta sententiasque sibi familiares redditae, semper & ubique non modo in scholis sed etiam in foro laudare & allegare possunt, multo certe luculentius & efficacius quam regulas, istorum compendiorum, quibus se vulgus *Candidatorum* jactat. Denique certitudo sententiarum Juris non potest haberi ex hodiernis systematibus, cum auctores eorum alii ab aliis *dic disci patrum* dissentiant, & quod ex uno didicisti, si ad alium te transferas, iterum saepe dediscendum sit. Ex adverso qui solos veteres sectantur, quicquid didicerunt immutabili auctoritate ad extremam usque senectam in doctrinâ usuque perseveratorum esse noverunt.

Sufficerent equidem hæc *objectiones*, si vera sunt, ad eliminandam ex Academiis illam methodum discendi docendique, si tantis incommodis urgetur, si tam noxios habet effectus, nec dubium, quin ille sit scopolus bonæ mentis & importunum eruditionis impedimentum. Sed bene habet, quod talia nullo jure de nostri instituti exemplo, quod non ita pridem laudavimus, prædicari possunt. Id nunc agetur, ut vobis persuadeamus *Ornatissimi Juvenes*, ne quid scrupuli vo-

bis sedeat, quominus alacri animo per viam à nobis monstratam & inculcatam pergatis ad primum illud stadium Juris feliciter decurrendum. *Principio* non erit, opinor, necesse, multis verbis uti ad probandum, quod *Legale* studium nihilo magis ac reliquæ disciplinæ carere possit *institutione compendiarîa* in eorum gratiam qui in primis legum incunabulis versantur; quod oratio nobis opposita inde ab initio moliri videbatur. Nam postea rursus occupata, & quasi inducta fuit illa objectio, per commemorationem Justiniani compendii, quod in quatuor Institutionum libellis representatur. Alioqui statim oppressa fuisset adversantium sententia nimis gravi auctoritate Cæsaris, qui sic ipse loquitur: *Incipientibus nobis exponere Jura populi Romani, ita videntur posse tradi commodissime, si primo levi simplicique viâ, post deinde diligentissimâ atque exactissimâ interpretatione singula tradantur.* Quâ in re secutus est prudentissimus Princeps eorum exempla simul ac præcepta, qui in disciplinis studiorum tradendis & inculcandis ab omni antiquitate celebrati fuerunt, *Aristotelis & Quintilianæ*, quorum ille *δὲ πρῶτον ἐκτενέστερον*; prius, inquit, lineamenta ad-

*cenda, ἡ δὲ ὁρατὴ ἀναγέγραπται, dein veris utendum coloribus, notissimo pictorum exemplo; hic vero, incipientibus præcepta breviter & simplicius tradi convenit, ait; adolefcentum animos scitè cum vasculis angustis oris comparans, quæ superfusam humoris copiam respuunt; sensim autem influentibus complentur. Et rationem Imperator addit gravissimam: Alioqui, inquit, si statim ab initio rudem adhuc & infirmum animum studiosi, multitudine ac varietate rerum oneraverimus, duorum alterum, aut desertorem studiorum efficiemus, aut cum magno labore sæpe etiam cum diffidentia; quæ plerumque juvenes aversit; serius ad id perducemus, ad quod leviori viâ ductus, sine magno labore & sine ulla diffidentia maturius perducî potuisset. In hoc igitur facile conveniemus; Rudimento compendioque opus esse ad primam Juris institutionem rite fundandam; difficultas in hoc vertitur, utrum fas & utile sit, diversam eligere compendii formam ab eo, quod Cæsar nobis compositum reliquit: nam ita illi opinantur, esse in ea re contemptum Cæsareæ Majestatis, cujus legibus nos subjecimus; nec posse quin detrimentum exinde studia tyronum capiant; si aliis discendi principiis quam ipsius*

*Jurisprudentiæ conditoris inbuantur. Ad hæc ita respondebimus, Auditores, ut ratio nostra tam à contemptu Cæsaris, quam à damno studiorum vestrorum aliena esse facile probetur. Nam lectiones nostræ, quas in usum compendii destinavimus; aliter vobis usus esse non possunt, quam si Institutiones Cæsareas juxta eas continuo legatis, eandemque methodum prematis, nec ideo vos ab illis deducere, multo minus earum contemptumingere, sed in iis firmare sui que venerationem augere poterunt, dum à positionibus nostris ad eas tanquam ad principales auctoritates assiduo remittimini. sed hoc mihi sacratissimi manes Justiniani largientur, ut dicam; non esse faciendum his diebus, ut methodo quam ille quondam præscripsit, in omnibus examusim præscripsit, in omnibus examusim præciseque inhareamus. Nam quod ille primo omnium voluit, ut ne studiosi ultra semestre spatium in Institutionibus detineantur, quæso quam hæc res hodie facultatem haberet? Fateor, Institutiones semestri spatio explicari posse, neque diutius in iis olim commorari solebam, nec in posterum longius eas producere cogito. Sed quis vestrum de inge-*

ingenio memoriæque suâ tantum fiducia conceperit, ut una deambulatione se argumenta institutionum ita possidere sentiat, ut super illud fundamentum totam Digestorum molem adstruere sustineat? Accedit, quod nemo negare potest, expedire Studiosis, ut mutationes, quæ universis (3) *Europæ moribus* in disciplinam Juris invecitæ sunt, Justiniani regulis admisceantur. Quæ ratio sola sufficit ad probandum, quod Justiniani compendium non respirat aliud manuale eadem opera methodoque legendum. Cujusmodi jam illud esse putamus, de quo agimus & quod oratione nostra descripsimus. Enimvero, si nihil aliud vobis discendum tractandumque suadere mus, quam hujusmodi compendia brevibus verbis in formam positionum redacta, metuendum esset, ne non sicciore & aridi, sicut *objectio* dictabat, fieretis. Sed quid sibi volunt compendiorum Censitores, ergone credunt, nos ita compendiis delectari, ut in his Studiosos omnes suos labores ordiri atque consumere velimus? ut periculum sit, ne ad horum exemplum orationem styliumque contrahant & exhauriant?

Ego vero priusquam de Juris studio ejusve compendio cogitatis, ita vos omnino animos inducere velim, ut lectione bonorum auctororum, eorundemque imitatione, & assiduus styli exercitium amœnitatem ingenii, ubertatemque orationis, ita comparetis, ut in habitum vobis abeat; ac deinceps, etiam quando Jus studetis, & hæc ipsa compendia tractatis, ne illa quidem amœniora vos penitus omittere, sed laxamentum in ipsa varietate studendi quærere velim. Adde quod sæpius dixi, positiones illas compendiorum esse tantum *indices*, secundum quos textus Juris, quibus nihil amœnius, nihil uberius, inquiri & legi possunt ac etiam debent. Quæ ratio facit in Pandectis, ut absolutè necessaria sit hæc *conjunctio paratitlaris*, etsi nihil Justiniani Institutionibus addere velles; siquidem manifestum est, non modo universam methodum in illis esse difficilem & obscuram, verum etiam singulos titulos, sine directione compendii alicujus methodici, neque disci neque doceri posse; quamobrem Cæsar ipse diserte voluit, ejus generis indices & summas capitum describi, quas utique

(M) 3

bre-

(3) Quæ in contrarium disputavis Corn. van Eck, una cum aliorum traditis, v. delia ad *Aterill. Orat. in sales Repet. Instit. p. 61 seqq.*

breves atque concisas esse debere, negotii ipsius natura satis indicat; nec metuit Imperator illud prætextum corrumpendæ eruditionis & eloquentiæ periculum.

Ex his credo vos jam præsumere, *Auditores*, quid ad alteram objectionem, quæ per hanc methodum præcidi volunt communicationem Juris cum *historiis* omnique literatura humaniori, sit respondendum. Non contineri in hoc genere compendiorum observationes, digressionesque historicas, & literarias, fatemur, impediri prohiberique negamus. Nunquam enim cessavimus hortari studiosos, iisque præire frequentibus exemplis ad hanc conjunctionem variæ eruditionis cum arte Justinianæ. Memini, cum primum ex Eloquentiæ & Historiarum Auditorio (4) in Jurisprudentiæ cathedram solenniter deducerer, me non modo utilitatem, sed & necessitatem hujus conjugationis ex historiâ Juris Romani oratione continua probare, quam & ideo vobiscum brevi communicare decrevi. Cum etiam inde totus ad docendum publice privatique Jus Civile conversus essem, nullam solitus sum occasionem prætermittere,

quâ in antiquarias literatasque digressiones exspatiarer, & Auditoribus juxta solidas Juris dapes elegantiarum quoque bellaria apponerem. Sed non dissimulabo, *Præstantissimi Juvenes*, me deinceps aliquantò diversam animi sententiam induisse, postquam experiendo cognovi, esse quidem utriusque studii copulam perutilem & profecto necessariam, sed in lectionibus tamen, in disputationibus, Collegiisque Juridicis, has facultates separatim esse habendas; nec plus ex Antiquitate literisque humanioribus *Professor Juris*, dum in suis exercitationibus versatur, esse delibandum, quam ad explicationem eorum, quæ identidem ab ipso tractantur, perspicuitas explicandi flagitet; cæterum, Jurisprudentiam domesticis principiiis posse atque debere esse contentam. Idcirco, cum primo ingens volumen *Prælectionum Juridicarum* exorsus essem, in quo conjunctionis illius non modo vestigia, sed etiam ubique tramites conspiciabantur; etsi illis inerat detectio rerum, quarum me nec etiamnum pœnitet, nolui tamen id opus, ut erat inchoatum, absolvere, sed vela converti, mutatoque instituto, cum à professione

(4) Vid. rubrica *Orat. seq.*

sione Fundamentorum Juris ad Digesta translatus essem, quicquid ad Institutiones humaniorum observationum Juridicis lectionibus miscueram, id seorsim in librum peculiarem transcripsi, atque sub nomine *Digressionum* publici Juris feci; ut palam ostenderem, me esse in ea sententiâ, debere Juris doctorem gravitati suæ professionis addere literarias humanitates, non tamen confundere cum institutione propriæ disciplinæ. Atque, ne ignoretis, eundem mihi scopum, *Auditores*, propositum habui, cum *Juris Positiones* solas, ita ut ex *divinis* principiis eductæ erant, epitomarum libris complexus sum, ut vobis, qui meis itineribus ire voveritis, instar manuuctionis essent ad solidiorem Juris doctrinam: quibus proinde rationibus huic quoque *objectionis* argumento me satisfecisse, apud æquos judices, confido,

Nec est quod de *tertiâ difficultate*, quæ mota fuit, laboremus, quâ videri volunt, his neotericis *Institutionum* imitamentis non præferre Themidem suam faciem nativam, sed ejus formam cultu adscititio corrumpi. Fateor equidem, si per hæc compendia fieret, ut Ars nostra terminis quos vocant exoticis impleretur, li-

centiâque finiendi partiendique scholastica in aliam transiret speciem, me quoque alienum ab illis futurum. Ideoque curatissimè id operam dedi, ne quid tale meis quidem positionibus obsecari posset; in quibus *religio* fuit ulla ponere definitiones aut divisiones, quæ non aut è verbis aut è mente sententiaque legum evidenter colligi possent. Fuit, inquam, *religio*; nam *superstitio* non debeo dicere; qualem fuisse futuram ego quidem arbitror, si nihil ejusmodi collocare voluisssem, nisi quod totidem verbis à Justiniano veteribusve Jureconsultis præscriptum esset; etiam ita Cujacium, Duarenum, Donellum, aliosque Juris vetusti & intaminati cultores severissimos existimasse eorum exempla palam ostendunt; quando proprietates rerum à veteribus fusc expositas neque semper in definitionum formam redactas succinctis propositionibus enuntiant atque declarant, quod omnium artium, quæ ab Antiquis ad nos profectæ sunt, Interpretes fecisse videmus. Quis logicam, quis physicam, aut moralem scientiam ex ipso Aristotele adolescentibus hodie tradendam putaret, quis Medicinam docet in Academiis ex Hippocrate vel Galeno,

leno, sine compendio definitionum divisionumque novitiâ methodo conscripto? Nec sacrarum literarum doctores ejusdem instituti auxilio carere potuerunt, quò fluctuantem discendum memoriam judiciumque systematis aliquis aut summario locorum communium instrumento regerent ac præmunirent? Scio non deesse, qui longe satius existiment procul habere scriptores Institutionum hodiernos, tanquam lamas & lacunas, ipsos scripturæ sacræ fontes adeundos puriusque salutare aquas inde bibendas. Atque hæc est eadem quartæ objectionis sententia, quâ jura quoque tersius & syncerius ex ipsâ veterum scaturigine quam ex rivis atque fluentis hauriri putant; cumque facultas sit ipsum adeundi caput incontinenti, præpostere eos consulere, qui novas machinas ad aquam educendam excogitent. Sed ego caput aquæ nostræ, quam indagamus, nego sine duce satis facile commodeque ab ignaris viæ inveniri posse; verum ubi detectus semel, & ope consilioque manu ductoris ipse fons apertus fuerit, tum adsentior, esse vecordiam, quærere aquas inde derivatas jam limum sordesque vehentes, ubi gnaro viæ puras limpidasque è primis laticibus

haurire liceat. Scilicet meministis *Ornatissimi Juvenes*, me dicere vobis antehac, videri duplex stadium studiumque Juris esse, quorum prius Institutionibus & Pandectis via paratitulari discendis absolveretur; alterum in hoc ipso intellexi consistere, quod modo exposuimus, & quod dissentientes illi nimis intempestive ac ante diem urgebant. Novi in exhaustas æqui bonique divitias in corpore Juris latere, si quis totum illud omnesque recessus & adyta penetres ac indefessus excutiat; sed quæ novi, si quis imperitus fundamentorum Juris id impetu quamlibet animoso aggrediatur, eum vix unquam inde solidam eruditionis gloriam consecuturum. Fieri posset, ut valde excellens ingenium perrupta confusione tam immensæ molis directè ad optatam metam eniteretur; sed idem compendiarîâ viâ prius calcatâ, sine dubio celerius & securius eodem pervenisset; mediocribus autem ingeniis nihil ex ejusmodi inconsulto ausu quam pœnitentia & ignorantia redundare potest; nisi quod aliquando ingenti imaginatione doctrinæ, ista duo mala vidimus adumbrari, ut aliis manifesta, laborantibus incognita viderentur. Nimirum, *diffluit inque inane resolvitur illa memoria rerum*

per

per vasti corporis libros diffusâ lectione quæsitâ, nisi iudicium certis principis sedibusque materiarum quasi præmunitum atque firmatum habeat, quo cuncta referat, inter sese comparet, atque discernat. Quò fundamento carent inutiliter, qui systema præceptorum ejus artis, cui se dedere cupiunt, gravioribus studiis præmittere, seque ad ea præparare tanquam indignum vel supervacuum adspernantur.

Sed rursus instantes audio; sufficere debet in hanc finem liber Institutionum à *Justiniano* relictus. (5) Ego vero, non sufficit, inquam; primo, quia mutationes temporum, de quibus alias dictum, significari debent; iterum, quia monendi sunt adolescentes quid alibi, maxime quid recentiori jure Codicis & Novellarum de iisdem capitibus sit dispositum: adde, quod gustum aliquem observationum & controversiarum, quæ in scholis Juridicis tractantur inde ab initio percipere debent; principia notitiasque generales intelligo, quibus deinde plenior & exactior interpretatio accedere possit: postremo, quia in Pandectis nihil habetis à *Justiniano*, quod in hunc usum vobis servire queat; & tamen in his

facile pars æqua fundamentorum Juris exponitur, de quibus Cæsar in institutionibus nihil commemoravit: Nam si maximè ad hoc manuale Justiniani nihil addendum putaretis, illa tamen capita Pandectarum, quæ in Institutionibus intacta relictæ sunt, eodem modo præsumenda esse, quem Cæsar in his quatuor libellis prævit, nemo qui exemplo & auctoritate Cæsaris utitur, negare possit. Atqui hæc est ipsa, nisi multum fallor, hujus instituti, quod præ manibus habemus, & quod laudavimus, ratio. Ut extaret æquabile Institutionis compendium: quod fundamenta Juris Universi succinctè nervosè, que complecteretur. Jam id præcæteris in objectionibus nostris mirari subiit, quod incertitudinis in ratione studiorum, hæc discendi docendique methodus arguebatur. Nam si quod res est, dicere fas sit, non uno mihi experimento compertum est, eos qui diversâ à nobis, via præcipuè se jactabant, in colloquiis & examinibus Juris adeo fluctuantes, ne dicam ignorantes, in Artibus nostræ fundamentis esse repositos, ut miseratione potius quam diversæ sententiæ invidiâ

(N)

con-

(5) Ita Cuiacius lib. XI. Obs. cap. 38. cui tamen inter alios jam responderunt Vinetius, Otto, Heineccius, in præfati, ad Instituta.

convitioque digni judicarentur. Nec est, quod eorum æmulos id egisse per insidias arbitremini, quasi sophisticis argumentationibus, argutiisque scholasticis, simplicem sed rectam eorum doctrinam aggressi fuissent: ne quidem definitiones divisionesque per Institutiones & Digesta sparsas objiciam illis ignoratas, modo ipsa rerum momenta titulorumque Juridicorum sententias intellexissent. Nam ego pro gravi doctoque Jurisconsulto habere non gravabor, qui materias Artis à Justiniano traditas & expositas novit atque perspexit, etsi nullas *terminorum* formulas, nec quidem definitiones partitionesque Juris, recitare possit, modò ex omnibus Juris locis eductas quæstiones usum in humana societate habentes solvere & interpretari queat; hoc enim est Jureconsulti officium, de Jure consultum respondere posse, secundum regulas Artis quibuslibet verbis indutas. Verum qui Jura docet alios, ut is ignoret, quid exempli gratia, (6) sit *Collatio*; ut is contendat, etiam in Adscendentibus, quando liberis succedunt, habere locum jus illud Conferendi, aliaque certi juris capita velut à

facie nunquam cognita tractet & excipiat, hoc equidem nullo modo pati me posse fateor; Et tamen ejusmodi imbecillitates non modo in trivialibus Candidatis, sed etiam in consummatis Juris Cultoribus, quique jam alios, sine compendiis scilicet ac systematibus erudiebant, animadvertere nobis contigit. Nec potest aliter fieri, quin talia quandoque systematum contemptoribus eveniant, dum inde ab initio sententiis veterum obscurioribus indagandis, legum emendationibus excogitandis, ritibus atque formulis veteribus explicandis, omnis disciplinæ compendiis, omni conatu sese dedunt: similes hinc qui omnium primo *Quæstiones Illustres* intricatasque, & legum enantiophanias, aliaque inusitata, & auditu speciosa, adolescentibus proponunt. Qui alterutra via ducuntur & incedunt vel nunquam vel difficillime rarissimeque ad veram eruditionis frugem enituntur. Enim verò non id agimus, ut talia docentes discennesque reprehendamus, aut deterritos velimus; quis enim veræ doctrinæ amator in iis rebus se non plurimum libentissimeque exerceat; hoc tantum desideramus,

(6) Adfinia sunt, quæ apud Jo. Saponium Hattestedium notata legimus, in *Assensu Gloss. Accusj.* p. 56. seqq.



mus, iter à nobis monstratum facile rectum & compendiosum prius esse calcandum, ut deinceps secundum ejus ductum, illud alterum longius & difficilius planeque vastum feliciter absolvi possit. Denique, non debetis ex eo mutare sententiam, quod *objectio* moliebatur, eos qui alium à Justiniano manu ductorem sequuntur, incerta plerumque & olim dediscenda percipere; cum veteres ipsi nil nisi vera, certa clara suppeditent: Quasi non iis, qui statim antiquos Juris conditores legunt, eosdem scrupulos & difficultates occurrere necesse foret, quibus omnes Artis interpretes eos tractando inciderunt. Non patitur institutæ orationis modus agere de infinitâ varietate quæstionum, discrepantiâque sententiarum, quibus diversis sectis dediti Jurisconsulti, quorum responsa Pandectis inserta sunt, inter sese commissæ fuerunt, verum id omnibus haud dubie constabit, eum, qui se tali Oceano sine ductore committere ausit, non posse sine crebris erroribus, nec sine evidenti periculo naufragii, desideratum attingere portum, Nihil etiam de illorum argumento dicam, qui hoc ordine consilioque tyrocinii, quale suggestimus, adolescentum animos

*præjudiciis* occupari differunt, quibus omnino vacuos oporteat esse, qui fiduciam sui certâ cognitione subnixam in quolibet eruditionis genere sectantur. Per me quidem, *Levissimi Adolescentes*, deponite quicquid habetis præjudiciorum, modo unum retineatis; sine quo vos doctiores facere non possum; illud antiquum videlicet; *discientes oportet esse credulos*. Ast ubi me descripseritis, non morabor vos, quominus omnia quæ didicistis, etiam me ipsum, ad examen revocetis, nec aliud vobiscum statuatis, quam quod omnibus exactis atque perpensis in animum induxeritis: Hac lege tamen, ne quis vestrum præsumat, ita se liberare *præjudiciis*, ut juris conditores ipsos ad censuram revocare velit, quò arrogantia videamus esse, qui temetipsos emancipaverint; quasi de Jurisprudentiâ philosophiam creare fas esset. Spero me satis abundeque probasse, *Juvenes Ornatissimi*, nihil in his objectionibus esse, quod vos à consilio nostro detertere vel avertere debeat. Igitur accingite vos, sultis, alacriter ad eam viam summo studio lentâque festinatione decurrendam, quæ vos citissime tutissimeque voti compotes reddere possit: verum oblivisci

nolite, quod hac oratione præmunendi cavendique gratiâ monuimus, omnium primo, ne animos ad Juris prudentiæ cultum adjiciatis, antequam Philosophiæ, maximeque humaniorum literarum, studio vos ad graviores disciplinam rite præparaveritis; aut, si jam properatis votis hanc viam celerius quam oportuit, occupaveritis, saltem ut aliquid subcissivi temporis historiæ, antiquitatis, & eloquentiæ excolendæ, impendatis; quod pariter cum Juris studio commodissime fieri seruarique posse, non modo ratione, sed & experienciâ doctus adseverare possum. Præterea, cum vel nostras positiones, aut aliorum compendia secundum libros Justiniani legeris, cavete, ne unquam aliter quam textus Juris conferendo, memoriæ judicioque vestro ea committatis. Hæc res bene exercita primæ auditio-

nis tempus, & otium vestrum, quod satis sit, occupaturum videtur, neque tum proinde vobis auctor fuerim, ut lectiones vestras latius diffundatis. At cum hæc fundamenta mediocriter animo possidebitis, utile jucundumque erit ad alios melioris notæ scriptores digredi, sed paucos: Nam qui proficere cupit, multa legere debet, non multos, & πολλοίαν exercere potius, quam πολυλογία. At cum hæc generalis plene firmiterque tenebitis, jam tuto quocunque velitis vagari licebit: Tunc instruet varietas nec confundet, delectabit nec abducat, attamen semper à tergo respiciendum, quod didicistis, huic insistendum innitendumque; sic tamen, ut, si meliora deinde videatis, & exploratè cognoveritis, nullis præjudiciis à veritate amplectenda vos retineri avertique patiamini.

## D I X I



ULRICI HUBERI  
ORATIO INAUGURALIS  
HABITA FRANEKERÆ,

Cum ex ordinaria Eloquentiæ & Historiarum Cathedra  
solenniter in Juridicam deduceretur;

*Exhibens Historiam Juris Romani, & ex ejus argumento  
continuum probationem, literas humaniores cum  
jurisprudentiâ esse conjungendas.*

a. d. XIII. Kal. vii. br. cl. l. c. lxxv.

**C**um publico auspicio  
primum ex hoc amplif-  
simo ad dicendum loco  
eminerem, AUDITO-  
RES, quæ singula corroboratam  
& exercitam eloquentiam debi-  
litare poterant, ea tunc in ado-  
lescentem prope universa incum-  
bere videbantur. Non tantum,  
quod Auditorii insolentia, & fre-  
quens doctissimorum hominum  
conspectus, aliaque majora quam  
essent, inexpertis oculis offun-  
derentur: sed quod pro ea di-  
cendum professione foret, quæ  
cum ex multa eruditione, ex

pluribus artibus, & maximarum  
rerum notitia, exundet & exu-  
beret, omnium doctrinarum ve-  
lut compendium repræsentaret,  
Qua quidem existimatione gra-  
vissimi muneris, & publice tunc  
fatebar, & semper alias ita præ-  
me tuli fuisse percussus, ut *Illu-*  
*strissimorum Procerum* voluntati  
vix fuerim obsecuturus, nisi mu-  
nitus testimonio, firmatus allo-  
quio, & hortatu ejus *potissimum*  
*Viri*, (1) *cujus desideratissimam me-*  
*moriam recenti adhuc luctu, & acer-*  
*bissimo jactura sensu Academia præ-*  
*sequitur*; & cujus ego recordatio-  
(N) 3 ni

(1) *J. Jac. Wissenbachii*, de quo mox. plura. Ipsum pro concione laudaverat Col-  
lega *J. C. Guit. Cap.* Vitæ præcipua enotavit Noster in *Dedict. Dissp. Wissenbachii*  
ad *Instituta*. Vid. Inf. Oratio XII. *sub init.*

ni tantis me beneficiis obstrictum reperio, quæ non modo gratias habendi sed & agendi facultatem mihi antevererunt. Quam ut omnino præcideret ille, ac æternum in ære me suo quasi nexum retineret, supremo etiam moribundæ voluntatis honore vices meas sustulit, & gratitudinem, quâ defungi non poteram, soli posteritatis conscientie voluit obligatam. Sed hæc rerum humanarum inconstantia, hæc vices sunt temporum! Quo præ cæteris auctore nuper aulus eram in publicum, in hunc spectatissimum docendi locum prodire, cujus testimonium imbecillitatis meæ auctoritas, cujus laudes quasi Sponsiones publicæ & vades mei studii habebantur, is hoc tempore non hærentem pari occasione, consiliis explicat, non hortamentis nutantem recreat, sed publici privatique damni reputationem & gravem luctus memoriam renovat. Nam etsi, quod imprudentibus largitur tempus, ratio solet occupare solatium, hic in contrarium ipsa ratio doloris vetustatem acuit, nec patitur obliterari, quod continua irreparabilis detrimenti æstimatione repræsentat. *Tu quidem, Beatissime Wissenbachi, vivis etiamnum divesque semper; nam*

*fas non cenſeo mortem vocare quæ tua mortalitas magis finita quam vita eſt; quin & latius in memoria & ſermone hominum verſabere, poſtquam ab oculis reſceſſiſſi; ſed nos publica vocis ſilentium, nos gravitatis, ſanctitatis, doctrinæ fulgentiſſimum ſidus, nos Solem Academiæ noſtræ (Tu ſupra invidiā eſ) occidiſſe lugemus, Si tamen flere fas eſt, & non potius ad exempla conſiliorum atque virtutum tuarum reſpiciendum. Hoc enim multo præſtantius eſt amicorum munus quæ præclare fecerint deſindi, quæ præcepta reliquerint meminiſſe, quam irritō deſiderio & ſe macerare & ipſorum gloriā ignavo luctu æquoſque lœmētis proſequi. Non equidem diſſulam & inexhauſtam Viri maximi prædictionem, Auditores, non vitam innocentiffimis moribus plusquam profeſſioni ſuæ reſpondentem nec loco nec tempore jam ſuo laudabimus. Sed unum ex innumeris doctrinæ conſiliis, quibus ſtudia noſtra regebat, tacitus nullo modo præterire poſſum; quod & ab initio ſuggeſtum & adſiduo inculcatum, ſi quis avidius amplecteretur, cum mirifice delectabat. Hoc enim, cum in adoleſcentiam ſe repetebat, aditum ad intimā civilis ſapientiæ ſacraria præbuiſſe, hoc viro ſibi factō aures homi-*

hominum, hoc tantam famæ patrefecisse recordabatur. Scilicet, à primis disciplinæ rudimentis. cum qui Juris olim sacerdotio cuperet initiari, illuc vota suo dirigere, illuc sonatus instituire laboresque oportere affirmabat, ut gravissimæ Juris Romani prudentiæ, non tralatitiam (verbis ipsius utor) utriusque linguæ, historiarum, antiquitatis & quicquid humaniori literaturæ complectimur, cognitionem præmitteret, nec enquam à Legali severitate eruditæ amœnitates separaret. Et mihi quidem, admissi in animum altius saluberrimi hortamenti ille fructus studiorum atque fortunæ constitit, ut non modo Artem, cui meorum me voluntas addixerat, felicius ac facilius caperem; sed mox etiam, quod auxilio tantum honestæque voluptati comparaveram, otium mihi luculentum & ornatissimam Cathedræ dignitatem conciliaret. Cui sive ab initio fuerim impar (2), seu postea, ut mihi Procerum benignitas persuasit, sim visus satisfecisse, id non sine eximia & incomparabili utilitate me sentio consecutum, ut quanto fidelius mandati officii partes implem, tanto me pro-

fundius iis artibus immergerem, quæ summopere Juris scientiam ornarent, augerent & illustrare possent. Quapropter quod experimenti periculo, quod tam claro Præceptoris & omnium qui civili gloria floruerunt, exemplo, studii nostri caput ac fundamentum esse cognovimus, id hodie pro solenni sententia pluribus approbandum, & Inaugurali occasione dignissimum judicamus. Non, ut quæcunque possent jucunditatis & emolumenti rationes in ampla diffusaque materia proferantur: Sed quod mihi compendiosius, vobis, Ornatissimi Auditores, gratius fore confido, ex historia Juris Romani conjunctionem Legalis scientiæ cum politioribus litteris non modo ad ornatum, sed utilitatem quoque summam pertinere doceamus. Exhibebimus, inquam, compendio, quo statu, quo cultu Romanæ Jurisprudentiæ studium inde à primo Decem Virali initio usque ad hæc ultima tempora sit habitum, per tot rerum & Imperiorum vices provectum & continuatum. In qua commemoratione, si nullos omnino vel Auctores legum vel Interpretes, harum artium, quas lau-

(2) Annos unum & viginti natus, anno 1656. Novembris ultimo, munus summi auspiciatus. Vid. Vitringa Pater, *Orat. fun.* p. 11. & 12. Ceterum ingenuam hanc auctoris modestiam nec dissimulare Eckius potuit, *Epist. ad Amic. de Parentibus Justiniani*, p. 14. seq.

laudavimus expertes, si decus & famam sine harum præsidio nulli temere paria comperiamur, nec hodie censeo dubitatum iri, quin Jurisconsulto futuro sit idem necessarium, quod ab omni antiquitate illis ratio & usus adesse oportere approbavit. *Primo omnium satis constat*, populum Romanum, ut de antiquissimis mortaliū accepimus, sine jure certo sine legum freno manu Regum esse gubernatum; sive quod nulla adhuc mala libidine nec pœna coercitionibus indigerent, sive antequam unius imperii pertæsum, simplicitate & ignorantia rei pulcherrimæ *Principum arbitria pro Legibus acciperentur*. Sed cum pulso Tarquinio plebis & Patrum factiones Rempublicam agerent, pravoque licentiæ vel dominationis usu nullum jus æquum, sed contrariis cunctæ studiis raptarentur, facile constabat, opus esse remedio, quod neque inflecti gratiâ, neque perfringi potentia, nec malis artibus adulterari posset; multitudinis lasciviam, nobilitatis ambitionem, utriusque pravi pervicaciam *re jure & inexorabili coercendam*. Igitur compositæ duodécim *Tabulæ*, non ut sæpe alias, *diffensione ordinum & apiscendi illicitos honores aut pellendi claros viros aliaque ob prava per vim*

*latæ*, sed ut summis infimisque; quatenus humanum providere posset ingenium, ex æquo consuleretur; idque tanto populi consensu, ut non *justiſſe latas sed ipſemet tulisse videri posset*. Hoc est non Romani jam sed omnium populorum commune præceptum & velut *Sponsio generis humani*. Hic est *unicus in immenso aliarum super alias acervatarum Legum cumulo, fons omnis publici privatiq; juris*; quo duobus hæc annorum millibus orbis terrarum utitur. Ex hoc fonte, inquam, velut rivi, ceteræ *Leges, Plebiscita, Senatus Consulta, Principum & Magistratuum Edicta* promanarunt, hinc illud flumen *Prudentum interpretationis* & ad hujus exemplum recentiora gentium scita ac instituta in universum juris Oceanum confluerunt. Sed unde hoc immortale Dei donum? Unde primam hujus fontis scaturiginem arcessimus, *Decem-viri accitis, quæ usquam egrégia, Duodécim Tabulæ composuerunt, non tantum ex antiqua Hetruscorum disciplina, sed & celeberrimis Græcorum maxime Atheniensium, quæ sapientiæ & æqualitatis temperamento laudabantur, monumentis excerptas, civiumque ingeniis, quatenus Italica gravitas à Græcolorum levitate non abhorrebat, accom-*

accommodatas. (3) Quin eâdem opera Phœnicum, Ægyptiorum, aliarumque per Orientem nationum, memorabilia huc fuisse derivata liceat affirmare, cum ex iis eruditionem adeoque & corpus suarum Legum peregrinantem collegisse *Solonem*, vetustas prodiderit. Videtis igitur, *Auditores*, hos *duodecim Tabularum* Conditores, sine Græcis artibus, hoc est, omnibus quæ philosophia & universa studiorum doctrina sibi vindicat, muneris sui partibus perfungi non potuisse. Qui de omnibus viræ publicis privatisque, forensibus & domesticis officiiis, de omnibus rebus divinis ac humanis commentabantur, an hos ullam sapientiæ partem, nedum linguarum eruditam varietatem aliaque communia & pervagata ignorasse arbitrabimur? Si *bibliothecas omnium philosophorum unus duodecim Tabularum libellus & auctoritatis pondere & utilitatis ubertate complectatur ac superet*, ut *Tullius* arbitratur, satin clare videtis, ejus Artifices & philosophicas artes & earum Comites ac administras cultiorumque gentium mores & instituta percaluisse? Eos in doctrina de naturis

hominum, de historia, de antiquitate, de administratione Reipublicæ, & si quam aliam suppellectilem in Jurisconsulti instrumento *Sœvola* requirebat, præclare fuisse versatos? Cæterum, populus Romanus, his legibus latis, quod apud omnes peræque gentes evenisse videmus, nequaquam in simplicitate & severitate illarum acquievit. Nam & rigorem antiquum, cui par non erat posteritas, à Prætoribus emolliendum curaverunt, & mox imperitia multitudinis interpretationem fori, interpretatio novum jus, *Prudentium Auctoritatem* stabilivit. Quid attinet, *Auditores*, denuo contendere, quod ultro se probat & in oculos ingerit, non potuisse legum sensus intelligi, non rationibus confirmari, multo minus illustrari vel ad utilitates communes & fruitionem æqualitatis flecti, nisi illarum artium ope & facultate, quas in compositione juris nobilissimi adhibitas & expressas memoravimus. Quid hic ego *Sextum Papirum*, *Appium Cæcum*, *Tiberium Coruncanum*, qui primus profiteri cœpit, aliosque, quorum laudibus *Pomponii* manuale sufficit, enarrandis enume-

(O)

rcm?

(3) Post Jac. Gothofredi integram messem, & 1105 spicas legere instituimus, *De Agr. Proam. Insistit.* § 13. Sed nec hisce nunc opus, edita absolutissima de LL. XII. Tabb. commentatione Ev. Ottonis, jam Syndici Brem. in *Præf. tom. III. Thef. Jur. Civ.*

rem? ne *Mutii* quidem *Scævolæ* Jurisconsultorum eloquentissimi, & Eloquentium Juris peritissimi, pervulgata mentione utemur, cum omnis antiquitas plena sit exemplorum, quibus nullas res æque conjunctas, usuque assiduo conglutinatas apparet, quam *bene dicendi Artem*, & *Juris notitiam*. Legum, inquam, studio eloquentiam conjungimus, non eam qualemcunque dicendi exercitationem, sed ut omnes variæ eruditionis partes hac una voce complectamur. Nam & *publici juris auctoritas* & *regendæ Reipublicæ ratio* & *monumenta rerum gestarum* & *vetustatis exempla*, ut *Cicero* judicabat, oratori nota esse debent, ac pariter *Jurisconsulto* est enim plurima, pergit idem, in *Pontificum libris*, qui & *Jura tractabant*, in *duodecim Tabulis* & in *omni Jure Civili antiquitatis effigies* & *historiæ ac Eloquentiæ communicatio*. Hinc *P. Crassus* illius *Scævolæ* frater sæpe testabatur, se nec ante causas amicorum tractare atque agere cœpisse, quam *jus Civile* didicisset, nec in hujus studio feliciter se versatum, nisi cum vicissim dicendi copiam assumpsisset. Quid vero ille *M. Cato*, qui nihil ostentationis, nihil voluptatis & vis quicquam ornatus causa affectabat, nonne & eloquentia tanta fuit, quantam il-

la tempora atque illa ætas Romæ ferre maximam potuit & *Juris Civilis* omnium peritissimus? Nonne & provectus in senectutem, ut accuratius utrique studio satisfaceret, literis Græcorum excolendis animum applicuit? Cui potissimum exemplo, *Juvenes Ornatisimi*, velim pro se quisque diligenter attendat. Vir antiquæ severitatis, ab omni novitate, elegantia, cultuque amœniori pene morose alienus & jam ætatis vitio asperior, ut civili tamen doctrina se plenius imbueret, non aktiorem modo sapientiam, non domesticæ antiquitatis memoriam, non modo vernaculam sibi facundiam comparavit, sed transmarinam humanitatem & politiores *Musas* sectari tanto quidem amore voluit, ut pridem *Consularis* & *Censorius*, postremò *Elementarius* quoque *Senex* appellari non erubesceret. Qua mutatione literaria forsitan austeritas ejus efficacius quam uxorio levamento, quod octuagenarius in juvenula quæsierat, detrita fuit ac emollita. Sed proinde, num quisquam erit vestrum, *Themidos Alumni*, qui ætate ingenioque florente faciscentem corpore & animo *Catonem* imitari sit cunctaturus? Imo si vel utilitatem necessariam vel liberalem animi oblectationem quæritis, oc-

cu-



cupate tantum decus, ne vel ad senectutem *Catonis* non pervenias, vel eam assecuti animo forte pari commodoque destituamini. Quod si hæc severiora pristinae doctrinae nomina juventutis animos nondum satis elegantiarum amore inflammaverint, transeamus ad proximum multo equidem pulchrius & politius ac aureum vere sæculum, quo *Æ verbis delectus*, & *ars compositioni*, & *sententiis accuratior inventio est adhibita*, & quo cultior omnino ac lætior eloquentia viguit ipsamque Jurisprudentiam multo reddidit illustriorem. Omnia in admirationem florentissimi temporis e-logia cumulasse videbor, si hoc ipso *Tullianam* è rostris & in foro vocem tonuisse ac fulgurasse dixerò, si libros scripssisse de Juris arte *Sulpicium*, si responsa dedisse *Trebatium* commemorarim. Quorum uterque, ut Græcis artibus, sic amicitia proximus *Ciceroni*, perfectos, ut Oratorem alter, si tamen unquam possunt esse perfecti, (4) Jurisconsultos exhibuerunt. Et *Servius* quidem altero primum studio contentus & infixus, postquam necessitate & convicio *Scævola* exagitatus ad conjunctionem utriusque compul-

sus est, nec Oratorem, nec Jurisconsultum, in suis tantum subfelliis exactam mereri laudem experimento docuit. Quæ non ejus fuit solius, aut *Trebatii*, sed omnium qui Romæ ad honores contendebant, exultatio; *sine eloquentia*, & *civili facultate*; *neminem aut assequi posse, aut tueri conspicuum, & eminentem in civitate locum*. Nemo plus nominis & favoris apud plebem, apud Principes gratiæ, apud Patres & Magistratus auctoritatis, quam Patroni causarum comparabant, quorum numero qui censerentur, tanquam inertes nec honoribus suffecturi negligebantur. Hos Præturæ & Consulatus ultro vocabant, nec privati quidem honore & potestate carebant; *cum nihil splendidius, nihil ad magnam potentiam efficacius haberetur, quam clientelis abundare, & laborantium spem, vitam, ac posteror, gloriosæ vocis munimine tueri*. Hoc igitur fuit tempus, quo forum nobilissimis Patronis coartatum, quo Juris Facundiaque Magistri & numero & dignitate in immensum augebantur. Quin forte adeo nimium, ut luxurioso ingeniorum proventu, hoc nimium verteretur in vitium, & eloquentia fieret alumna li-

(4) Obviæ sunt *Freigii*, *Praschii*, aliorumque hujus argumenti dissertt. quibuscum jungenda Cl. Heineccii de *JCis Semidottis* Oratio Viadrina.

centiæ, comes seditionum, effrenati populi incitamentum, arrogans, temeraria, contumax, sine obsequio, & ignara servitutis, in quam tamen ab Augusto, (5) subtracta, quæ faciem admovebat, contentionum materiâ, una cum populo brevi fuit redacta. Nec minus Jurisprudentia Legum multitudine & Interpretum copia non sine magno judiciorum dispendio & omnium rerum confusione laborabat. Adeo quidem, ut *Cæsar Julius* inter præcipuas ordinandæ Reipublicæ curas, huic morbo nonnisi magno & audaci remedio succurrendum judicaret. Quippe ex infinita Legum & disputationum mole tollere supervacua, seligere & in paucos conferre liberos, ut multis postea sæculis à Justiniano factum, probatissima quæque decreverat. Quod, nisi mors eum infausta & hac utique parte inauspicata occupasset, cis paucos menses incredibili cum posteritatis fructu absolvisset. (6) Per me quidem fruere conscientia tua BRUTE, & quantum vis, imputa Idus Martias populo Romano. Consulisti tamen immortalitati tuæ

potius quam orbi terrarum, pessimo dicam an pulcherrimo facinore. Manes tuos non insectamur, nec tyrannicidæ statuam invidemus, sed rosæ ac lilia sepulchrum tuum non ornent, qui nimis crudo servitii odio improspera festinatione saluberrimi conatus fructum generi humano intercepti. O quam præstitisset, corruptos & degeneres tuos cives legum & imperii obsequio licentiam exuere, quàm ancipiti & piculari libertate intempestive onerari! cujus adeo incapaces & indigni erant, ut ne traditam quidem & inculcatam à vobis recipere & conservare potuerint. Si carunculam Senis expectare & tantisper indomitam regni impatientiam cohibere, quam Rempublicam in casum dare & civilibus bellis involvere maluisses, O quam præclaro Magni Dictatoris beneficio Jurisprudentia frueretur! Quanto cultius Justiniano (ignoscant sacratissimi manes) *Cæsi Cæsaris* ingenium, quanto melior & doctior *Triboniano Sulpicius*, quàm dispares *Dorothea* nescio cui, vel *Theophilo*, *Scævola* atque *Trebatius*, quanto beatiora florentis Romæ quam jacentis & à Gothis oppressæ tempora, tanto elegantius, tanto con-

(5) Quam materiam erudita oratione persequutus est Jo. Kool, de artiq. quib. Aug. sibi paravis imper. Trajecti, anno 1695.

(6) Hanc *Erycii Puteani* querelam fuisse, Auctor in *Eun. Rom. p. 2. c. 3.* memorat. Conf. *Thomasius de Næv. Jur. Rom. lib. II. cap. 1.* Rem ipsam in *Doctrina Principis Instit.* excusimus, § 15.

concinnius & eruditius (confessionem vis veritatis extorquet) Julianum præ Justiniano Compendium extaret. Non versaretur in ore doctorum tristis querela, fractum nobis & lacerum & enervæ Juris corpus esse relictum. Non repræsentarent deliciae nostræ, Pandectæ, quasi rudera magnificentissimi ædificii pulvere multo dissipata, quasi tabulas ornatissimæ classis ex infelici naufragio reliquas, aut merces pretiosissimas irreparabili-jactura mari vasto fluctuantes. Ille, qui ingeniosa Kalendarii emendatione suas anno tempestates, suas vices Soli & Cælo restituerat, quantam non lucem foro idem ac tribunalibus, id est, ipsi Justitiæ, unico societatis humanæ præsidio, immortalis posteritatis bono infudisset! Non hoc solo, quanquam fortuna major, Patre fuisti minor Auguste! Qui potentia securus & otio affluens, cum abjecto Triumviratu, jura dares, quibus pace & tanquam Principe populus uteretur, institutum Divi Julii adeo non persequeraris, ut potius de cumulandis legibus augendaque fori disceptatione cogitares. Interpretes Juris non modo auctoritate, quam & olim populari consensu obtinebant, sed insuper immensa Legislatorum potestate armasti. An ita dominationi visum expedire? ut nova responsa vetus Edictum, & Prudentium auctoritas

judiciale regnum Prætoris coërteret? An ut otii dulcedine plebs emollita, nobilioresque animi civilibus studiis ac forensi occupatione, partium & armorum oblitæ, pristinam ferociam & atrocem Reipublicæ memoriam deponerent? Sed interim gloriæ atque dissentendi libido docentium copia & dignitate aucta, non modo judicum religionem multitudine sententiarum distraxit; sed & Græculorum exemplo scholasticas contentiones & sectarum nomina sanctissimis auditoriis intulit. Verum hoc professionis nostræ damnum aliud pensavit commodum, hanc tam severi studii corruptelam novum Augusti sæculi ornamentum oblitteravit. Nam licet illa quondam Tulliani ævi senatoria & judicialis eloquentia paulatim, imminuta libertate, in arcum cogeretur, ab hoc tamen potissimum tempore, politiores illæ & secretiores literæ, quas humanitatem & elegantias appellamus, cum Legum interpretatione conjunctæ & velut adoptatæ à Jurisconsultis, in eorum cultu ac comitatu esse cœperunt. Temporum quies, otium populi, Senatus tranquillitas, & contentiones ordinum severiore Principis disciplina castigatæ popularem vehementemque facundiam adstrinxerant & frenum oratoribus imposue-

rant. Proinde, qui plausum & clamorem audientium velut pleno theatro mereri non poterant, domi tanto exactius eloquentiæ & literarum ope Jurisprudentiam excolebant. Præclarum specimen *Antistius Labeo*, Princeps & Pater *Proculejanorum*, hujus instituti præbuit; qui, teste nocturnum *Atticarum Aristarco*, Juris quidem civilis scientiam principali studio exercuit, & consulentibus publice responsitavit; cæterarum tamen bonarum artium adeo non fuit expertus, ut & in *Grammaticam sese & literas antiquiores aliaresque penetraverit, Latinarumque vocum origines rationesque perculluerit*. Quod adjumentum quantopere Juris Professori expediat, nemo clarius eodem *Labeone* docuerit, qui hac præcipue scientia ad enodandos plerosque Juris laqueos feliciter utebatur. Quis hodie non risu vel flagris dignum judicaret, qui Jurisconsultum ad vocabulorum disputationem & Criticorum nugas adstringeret? quis Majestatem artis amplissimæ non corrumpi hisce minutiis & indigne violari contenderet? Sed desinent mirari, qui quod Oratoriæ Institutionis Auctor de hoc ipso censet, animadvertent; omne jus positum esse, aut in æqui praviq[ue] discrimine, aut in ver-

borum interpretatione. Agnoscite, reponite hoc animis, *Ornatissimi Juvenes*, duas professionis nostræ studiiq[ue] vestri partes constitui, unam gravissimis Philosophiæ, alteram jucundissimis philologiæ præceptis imbutam & instructam. Quapropter exuite hanc persuasionem, alterutram vobis partem ad consummatam Juris intelligentiam sufficere, Mihi vel potius *Quintiliano*, quem laudavi, credite; sine studiis humanitatis Leguleji, non recuso, Jureconsulti nequaquam haberi potestis. Hinc æmulum *Labeonis*, & pacis eodem tempore decus alterum, *Capitonem*, & *Sabinianos* Auditores, quique proximis Imperatoribus utrique Scholæ præfuerunt, idem incorrupta sectatorum imitatione continuasse & annales & ipsorum monumenta sequuntur. Nam licet illa Veterum magna & notabilis facundia spretis exercitationibus paulatim erat amissa, quantopere tamen facultatem ejus Jureconsulti necessariam judicarent, cum in Rhetorum declamationibus, fictisque controversiis, & imitamentis dicendi versarentur, abunde significabant; uti nec illæ, quas dixi, arcana & à strepitu remotæ literæ, donec Imperio suum decus & honos mansit, à Patronis cau-

causarum separatæ unquam neglectæque fuerunt. Quod utinam, qui nostro sæculo in forensis gloriæ, ut hoc dicto utar, peristylis ambulant, imitari dignarentur! à quibus vulgo in bonas adeo contemni aut ignorari videmus, ut in actionibus eorum atque consiliis etiam sæx quotidiani sermonis, omniaque inculta & impolita, nec raro, cum Legum autoritas erudita Lingua profertur, pudendi errores vixque tyrocinio ignoscendi repellantur. Sed ab irritò reprehendendi labore ad antiquos relabamur. Haud frustra societatem elegantioris doctrinæ atque Juridicæ professionis, modo cum honore & magnitudine Romani Imperii conjungebamus. Nam priusquam migratione Thracica, & Vandalarum Gotthorumque inundatione, Romana Majestas aut in exteros sparsa, vel à Barbaris extincta defecisset, nunquam elegantius suis, nunquam suis literis & humanitate Jurisprudentia destituebatur. Cujus rei magnificentius & gloriosius argumentum, quam responsa Veterum, quibus hodierna Digestorum vo-

lumina constant, nulla gens vel ætas præstare potest. Quæ ab alienis quoque Lectoribus, ne ad suspectam domesticæ auctoritatis fidem provocemus, non modo laudis maximæ, sed admirationis etiam summæ testimonio extolluntur. Quale mihi mihi non tempero, quin ex nobili Scriptore, nec Jure Consulto, nec satis æquo Jure consultis, quique censor alias & obtrectator eorum insolens & acerbus audiat, unum & insigne producam. (7) Quippe non modo summam diligentia, gravitatis, prudentiæ, æquitatis & doctrinæ laudem Pandectarum Auctoribus tribuit, sed & orationis tantam esse puritatem, dignitatem & elegantiam fatetur, ut beatos prædices Juris Studiosos, qui tam ornata, tam, ut ipse loquitur, aurea disciplinæ dent operam, cum qua nulla ex iis quæ publico leguntur, quoad venustatem & eloquentiæ copiam, comparari possit. Non rerum sacrarum professionem hunc cultum recipere, non Jus Pontificium, quod ex maxima parte sit Gothicum, non Philosophos sui temporis, quorum perita verborum, ait, nec à Gothis aut Vandalis intelligerentur. Digesta

(7) *Laurentium Vallam*, indigitat, doctum quidem illum, sed rabiosum Grammaticum, in *pref. lib. III. Eleganti. Lat. Serm.* Quam vero nuper *Cl. Jensus* de Pandectis nostris conjecturam extulit, in *Stricti. Jur. Rom.* in *pref.* mihi quidem, alio enim igitur, nunquam scio probaturus est.

*Ista Juris Romani cum arce Tarpeja comparat, quæ ut urbe capta & incensa, non tantum sola mansit inviolata, sed recuperandæ totius urbis & imperii occasione præbuit; ita & hos libros non modo puros & sanctos, cum omnia barbariæ situ obrita & contaminata jacerent, esse servatos; sed per quotidianam eorum lectionem, & semper aliqua ex parte incolumen atque in honore fuisse Romanam Linguam, & brevi suam dignitatem atque amplitudinem recuperaturam. Tantum igitur, inquit, deberi puto hisce libris, quantum illis olim, qui Capitolium ab armis Gallorum atque insidiis defenderunt; per quos factum est, ut non modo tota civitas non amitteretur, verum etiam ut tota restitui posset. Hactenus animosi illius Grammatici autoritas, qui hæc tam magnifice, de Juris Auctoribus, non utique Græcis, nedum recentioribus Gothorum posteris, prædicavit; sed de genuinis ipsisque Romanis. Nam donec Urbs æterna, quæ procreaverat, nostram Artem in suo gremio fovit ac nutrit, nunquam germana proles à Parente & à Majoribus de-*

*generavit. Sed in aliam translata sedem, alioque induta cultu, non secus mores & formam corripit, quam solum & cælum omniaque instituta mutavit. Romam videlicet eodem tempore civilium doctrinarum & eloquentiæ honos cum Imperii majestate destituit. Quæ dum mansit, non modo sub Antoninis, sed ad Diocletianum usque & Maximianum, haud quaquam spernenda, quæque sæculum ferre possent, utriusque specimina duraverunt. Tandem ex Britannia (paucos scio quod dicam expectaturos) pestis atque clades Italiæ & eruditionis Latiniæ prodiiit. Constantinus, inquam, cui religio magis quam Respublica, Pontifex quam populus Romanus, Magni cognomen debet. (8) Mole potius rerum gestarum, & enormitate successuum, quam solida suisque meritis subnixâ fama, gloriam ad posteritatem adeptus. Nam ut libertatem Romanam non contentione novissima, sed priore Cæsaris & Pompei concordia, trucidatum iri Cicerone atque Cato vaticinabantur; ita ruinam Occidentis non Gallie-*

ni

(8) Veræ ut religionis, ita jurisprudentiæ, atque item reipublicæ, corruptorem principem fuisse Constantinum, & ab ambitiosa in Episcopos profusione, honorum atque divitiarum, Magni cognomen accepisse; ex historiis tum sacris, tum profanis constat. Vid. Jo. Leunclavii apologia pro Zosimo, & B. G. Struvius in *diff. de Const. M. ex rats. poll. Christiano.*

ni aut *Honorii* socordia, non *Stiliconis* & *Narsetis* perfidia, sed tua, *Constantine*, imprudentia, & domicilii omniumque rerum præpostera mutatio, & Augustæis præsidiiis nudata Imperii claustra pepererunt. Nam ut inconsulta Imperialis sedis, & Germanicarum legionum distractione, porta Barbaris in cultissimas provincias ipsamque *Italiam* patefacta est, ita eruditionem & literas hac funesta occasione translatoque palatio, Romam & Occidentem reliquisse, nemo cui illorum temporum historia vel levi auditu constat, ignorare potest. Græcos autem, qui & olim sua tantum mirari solebant, nequaquam pari affectu studioque Leges & artes Italicas exceperunt, nec eadem qua Romani Veteres dexterritate coluisse, res ipsa, quæque reliquerunt de Jure commentaria,

testantur. Nolo doctissimis eorum Interpretibus (9) *Draconem Lacedæmoniorum Legislatorem*, *Severum ac Antoninum Divos Fratres* salutatos, & tot ridiculas verborum derivationes, aliosque lapsus pueriles exprobrare. Non patitur institutæ orationis modus in reprehensiones evagari; nec omnino præposteram eorum sagacitatem probamus, qui in *Justinianum*, & Amanuenses ejus, quæcunque personis contumeliosa, vel compositioni Juris indecora & adversa reperiuntur, conquerere studiose, & cum bile multa evomere gaudent. (10) Erat sane quod graviter indignaremur, si, ut vulgo jactatur, constaret, *Justinianum* post novam Legum digestionem, *Compilatorum* suorum instinctu, antiquorum *Jureconsultorum* abolevisse & concremassè monumenta (11); nec omnino

(P)

(9) Non *Theophili*, sed librariorum *εφαλακται* hæc esse, jam *Nannius ad § 2. Inst. de l. N. G. & C.* item *Curtius*, *Hotmanus*, & *Fabrotius ad § 6. Inst. de Excus. tutor.* ostenderunt. Et *Nannius* quidem illaudatum sequutus est *Meusius in Solone, cap. 13. fin.* Vindicias vero secundum *Theophilum*, ceterosque Græcos, post *Fabrotium in Apologia, XII Exercitiis præmissa*, nuper admodum postulavit *Jo. Henr. Mylius, ad Proem. Inst.* & in *Historia Theophili*; spe majoris operis forte jam præcepta.

(10) Inter alios *Hotmanus*, in *Anti-Triboniano*, *Ant. Faber*, *Matthæus avus*, & *Chr. Thomafius*: contra vero *Justiniani* & *Archytectorum* causam strenue egerunt *Chiffetius*, *Rivius*, *Trivorius*, *Gaudentius*, & *Cl. Schultingius* peculiari Oratione, ad calc. *Jurissr. Ant. Jus.* Ego mediam potius cum *Ludov. Vive* sententiam probarem, lib. VII de *Corr. Discipl. p. 202. seqq. ad in 8.*

(11) Ficta ab *Helmæo*, ut *Cujacium* ureret, calumnia est, in *Anti-Trib. cap. 17.* nullo urquam auctore censita. jamque pridem ab aliis satis explosa. Vix enim fieri illud

omnino deeat, in quo iusti doloris libertati indulgeretur, adeo penitus in versam vetustæ Jurisprudentiæ faciem, nec pauca sine dubio perperam addita, detracta atque mutata monstrari possent. (12) Sed alium dictioni meæ scopum, alios mihi fines terminosque pridem constitui, extra quos si in illam materiam egrederer, nec orationi finis, nec modus querelis reperiri posset. Quin ex ipsis hisce temporibus, & quæ multo infeliciora sequentur, novæ rationes se produnt, & valida pro conjunctione studiorum argumenta suppeditant. Nam & passim in commentationibus suis Græci, ut Auditores Linguae & Antiquitatis Latinae rudes, ex ipsis velut fontibus intimisque principiis erudissent, mores ritusque veterum & vocabulorum origines crebro & accurate inculcant. Quæ licet ab omni hallucinatione forsitan li-

berari nequeant, minime tamen vel hoc solo spernenda fuerint, quod nobis exemplo, his diebus, *Ornatissimi Juvenes*, in vestram gratiam imitando præluce-re videantur. Nam si Græcorum juvenus hoc novo lumine in percipienda Legum disciplina carere non potuerit, cum adhuc in recenti memoria vetus Respublica versaretur, quæ spes aut ratio vobis post tot seculorum decursum facilioris intelligentiæ superest? ut adeo non ornatum vel amœnitatem solam, non qualecunque commodum, sed inevitabilem discendi necessitatem literas & humanitatem flagitare videatis. Sed cum permultas hujus studii partes dari aliquoties sit dictum, audeo tamen affirmare (licet non paucos verear percussum iri) nihil Juris Studioso utilius, nihil ad proficiendi compendium efficacius, quam mediocre Græci sermonis usum esse ha-

illud potuit in tanta exemplarium toto orbe dispersorum multitudi-ne; tum & non pauca hodie dum integriora veterum fragmenta superant; denique & complura alia in Basilicorum scholiis repenas, quæ in Pandectis Justinianeis frustra quaesiveris. Adde sis *l. un. § 9. fin. C. de cad. toll. item Harmenopulum lib. II. tit. IV. & principem denique Jctum, Corn. van Bynkershoek, Opus de Rob. Manc. cap. 7. Quæ omnia ex ipsis Basilicorum libris illustrare sum conatus in Doctr. Pream. Inst. § XIX. not. §*

(12) Inficias nemo prudens hæc ieverit, modum tantummodo servandum hic esse, viri doctissimi admonent. Vid. Ampl. Bynkershoekius in *praef. Sec. vol. Observat. Jur. Civ.* quique eruditam Wissenbachii Emblematabus opposuit apologiam Triboniani consilissimus Wybo, in *ed. sec. Ed.*



habendum. (13) Novimus pervagatam haftenus, avidaeque vulgo susceptam opinionem. Theologos quidem & Medicos, forte an & Philosophos, nunquam suis artibus, quas è Græcis fontibus hauriunt, absque hujus linguae praesidio decore satisfacere posse; At Juris Romani prudentiam, vernaculo sermone traditam, Græcis indigere literis, id vero inexpectatum & inauditum videri. Græcorum adolescentes ad nostras Leges accedere, sermonemque ausos aspernari accepimus, nobis non erit integrum ignaris Hellenismi Latinum Jus tractare, & negligere in Interpretibus, quod illi impune in Legislatore spreverunt? Equidem feliciter illos, *Genere est Juvenes*, latinitatis imperitos in nostra fuisse disciplinam versatos res ipsa copiose refellit; Sed agite, quid nobis hodie expediat, non quid illis praestare licuerit animadvertamus. Fontes Romanos, nisi per Græcorum rivulos proponi inacces-  
sibiles indignamini; Sed quid si fon-

tes in arduo sitos, inventuque difficiles, rivos inde per latas valles, & aperta camporum manantes, aditumque ad fontes planum facilemque praebentes reperiat; nam quis eos adire, ut mox puriores bibat aquas, gravabitur? Sed ita cum Legum studio, & Græci sermonis, hodieque comparatum esse, quaeso attendite, *Auditores*, dum ex recentiore Juris historia, priusquam peroremus, strictum, at in conspectu exhibeamus. Hoc enim nemo inficias ire potest, postquam *Italia*, & omnis qui nunc est *Christianus orbis*, Barbaricis armis, Urbe & Imperio extinctis, redactus est in servitutem, Juris Romani scientiam omnemque memoriam funditus per populos Latini nominis eversam atque deletam, tantumque *Gothicas*, & *Longobardicas*, & *Saxonicas*, atque *Normannicas*, similesque magis Barbaras per Europam Leges valuisse, quæ nec hodie quidem Juri Civili tam eleganter doctæque composito, & humani-

(P) 2

tatis

(13) Cicero *pro Archia*, cap. 9. *fin.* Si quis, inquit, *minorem gloriae fructum ex Graecis parvas percipi, quam ex Latinis, vehementer errat*: in Romana certe Jurisprudentia, ut quæ Graecam Latinamque eruditionem trahit universam. adfectu autem magis, quam vero judicio, in alia omnia ivisse constat Ath. Gentilem, in *Cato*; cujus verbis abuti passim videas semidoctos, a Viris Clar. Hombergio, Brunquello, Sibenio, jure merito reprehensos. Addeſis laudati supra Mylii *Hist. Theoph.* cap. 6. ubi tametsi minus benignum *Eckius* noster calculum tulisse videtur.

tatis æquitatisque pleno, cedere dignantur. (14) At interim *Constantinopolis*, nova Roma, & domicilium Imperii facta, Illustri Gymnasio, totiusque Orientis supremo Tribunali præfulgens, Juris Professionem, omnesque literas, pacis & florentium rerum amicas, cum nusquam sedem tutam stabilemque reperirent, sibi facile vindicavit. (15) Tam eximia potiti occasione Græci, omnium reliquarum artium inventarum gloriâ superbi, insito suæ linguæ excolendæ propagandæque, Latinorum autem obscurandæ studio, hanc quoque Regnam & Dominam Artem, una cum Imperii dignatione, Romanis subtrahere, sibi que totam mancipare constituerunt. Igitur licet Imperatores, qui usque ad Justinianum novo Juri excogitando, ferendisque legibus operam navarunt, veneratione Urbis Æternæ, regnatricis Linguæ honorem utcumque tuerentur, absurdumque judicarent, alio pu-

blicos actos sermone celebrari, quam eorum à quibus ipsi originem, nomen, auctoritatemque ceperant; brevi tamen extitere, qui leges Vetustas in suam Linguam transtulerunt, & Constitutiones novas Græce tantum edidit atque promulgari curarunt. Cui postremo accessit Justiniani, Recentioris & Antiqui Juris compendiaria Digestio, quam neque multo post intervallo, vel Gentis invidiâ, vel fatali focordiâ, venterum secutus est interitus monumentorum: Non equidem iussu Sanctissimi Imperatoris, quod nunquam mihi persuaserim, sed eâdem qua nos ratione sentimus omni die, brevioriis & excerptis clarissimos auctores incuriâ paulatim & oblivione sepeliri. Itaper annos plusquam sexcentos sola doctrinam Legalis sapientiæ Græcia retinuit ac continuavit, ut non modo in Italia cæterisque provinciis, omni careret usu & honore, sed necopia quidem aut ullum in publico exemplar Pandectarum

(14) Utramque Juris prudentiam; *Romani & Patrii*, conjungendam ab omnibus; qui *Pragmatici* censeri gestiunt, non vero divellendam esse, cordatiores omnes vere sentiunt; Contingius, Schilterus, Kulpisius, Strauchius, Hofmannus, quique alii Maiorum nostrorum leges illustrare sunt adgressi. Conf. V. Cl. Jo. Gotl. Heineccius in *Praef. Elem. Jur. Germ. & proæm. diss. Corpori Jur. Germ. præmissa*.

(15) De Gymnasiis publicis Romæ utriusque, item Berytensis, professæ opera Contingius, Strauchius, & Hassæus egerunt. Vid. Consl. *Omniem*, pr. c. §. 7. ubi quædam adscripsimus, ad *calc. Rep. Inst. Jur. Civ.*

deſtarum haberetur. (16) Nam vetuſtiſſimus Piſanorum Codex, quem poſtea Medicæ domus fortuna Florentinis addixit, primum in lucem prodiit anno ſupra milieſimum & centeſimum trigeſimo ſexto, cum in Urbis Maſſitanæ diſſeptione repertus, magnoque veneratione ab victoribus prædæ exemptus, & quaſi conſecratus eſſet. (17) Quocirca totum Corpus, Ornatiffimi Juvenes; ut hodie circumfertur, vel à Græcis contractum, digeſtum, & in fragmenta redactum, vel à Græcanis Principibus omnino eſt conditum atque procuratum. Et cum hoc quidem Græce maximam partem conſcriptum, illud ita Græcorum interpretationis, & obſervationibus

ſit illuſtratum, ut multa ſine illis à Noſtratis intelligi non poſſent, quis ea lingua tam præclaro hujus ſtudii inſtrumento carere ſe poſſe exiſtimit? niſi Baldum, Bartolum, & Accuſum, vel Bulgarum, & Hugolinum, aliosque ejusdem ævi Legum expoſitores. genuinos earum ſenſus aut vidiffe putet, aut vere Antiquorum reſponſa fuiſſe interpretatos. (18) Enimvero nec potuerunt, nec proinde reprehentionem merentur, eo deſtituti præſidio, quod unice erat neceſſarium, & Conſtantinopoli abundabat. Ubi expeditum & in promptu erat reſolvere difficultates, quas noſtri ex conciſis tot millium librorum particulis, ex ineptis verſionibus,

(P) 3

(16) Eandem ferme ſententiam tuetur Henr. Brenckmannus, in *Hiſt. Pand. lib. 1. cap. 9.* a qua tamen ut meam ſejungam, inter alia quamplurima facit Juris Juſtiniani per Italiam promulgatio, ſub ipſiſmet Gothis; perpetuusque tum Romæ, tum in Exarchatu uſus; Romanum porro ad Carolingos & Ottones uſque celebratum Juris Gymnaſium; citationes Juſtiniani legum in Jure Longobardico, Francico, Siculo; Gratiani, Gregorii, Yvonis auctoritas; loca apud Sarisberienſem, Philippum de Leydis, Speculatorem utrumque; ut alia nunc tranſeam, peculiari fonte opera mox perſequentia.

(17) Unus omnium optime iſta excuſſit laudatiſſimus Brenckmannus in *Hiſt. Pand. lib. 1.* Non tamen omnia ex Florentino exemplaria, quibus utimur, manaiſſe, in præſ. *Leſſi Jur. Civ.* me profeſſum memini, & pluribus aliquando evinceſce aduſit, in nova Opuſculorum hujus argumenti editione.

(18) In *Gloſſatoribus*, ab Iſnerio uſque, plura omniſino laudem, quam vituperium mereri, poſt Alb. Gentilem, cum Cujacio, Viglio, Alciato, Cheſio quoque, & Marano, Bynkershockio denique, adſimulare non dubitavi, in *Orat. Trajani Inaug. pro Gloſſatoribus.* Ceterum in utramque partem a viro docto ſatis prolixè diſputari iſta poſſe nullus ignoro. Auſtor itaque ſum ut cum noſtris conferantur, quæ poſt editam a me Orationem prodierunt, geminae præſationes, una illuſtris Heineccii *tom. II. Jurispr. Att. et Rom.* altera Cl. Treſzii novæ editioni operum Gul. Marani adjecta.

nibus, & mendosissima Codicum Lektionē, vel nunquam assequantur, vel cæca falsaque divinatione corrumpebant. Cæterum, quis deformem & infelicissimam disciplinā nostræ Professionem, à Lotharii & Saxonie Imperatoris (cujus auspicio) & Bononiensis Irnerii tempore, (19) (cujus ductu) restituta est Europæ Jurisprudentia, fuisse ignorat? Quam tamen prolixius ostendere, & exagitare superfædo, ne quis eorum existimationi detractum & insultatum putet, qui adhuc in foro regnant, nec Pœnitendis de Arte nostra meritis claruerunt, ut tamen meliores haut dubie condendi Juris Auctores, quam conditi & à veteribus traditi Interpretes esse contendam. (20) Verum tandem aliquando superiori sæculo, depulsis tenebris, *novus illuxit sol Jurisprudentiæ*, postquam Græcæ & Latine literæ cœlesti beneficio renatæ, ut reliquis di-

sciplinis, ita nostræ facultati facem prætulerunt; postquam harum subsidio pristinos fontes vitiorum colluvie turbidos & turbulentos, Viri Magni repurgarunt, & limpidissimos inde rivos suo labore industriaque deduxerunt. Quorum Antesignani *Alciatus*, *Budæus*, *Cujacius*, alique illam magnam & duraturam cum Artibus famam, non magis in suis quam Literaturæ subfelliis comparaverunt (21); Quorum ad scripta, *Præstantissimi Juvenes*, si ab *Accursianis* & *Bartolistis* aliquando transeatis, non aliter vobiscum agi putabitis, quam si è domo situ & aranearum telis obsita in æde: pulcherrimas & argente aureaque supellectile residentes adscendatis. Quæ amœnitas & incredibilis delectatio præter utilitatis respectum sola vos ad amplectendum orationis nostræ propositum abunde, ni fallor, provehet ac invitabit. Sed ne arduum nimis asperumque

(19) Jam ante Lotharium ineunte sæculo XII. privata magis, quam publica auctoritate, *Peponem* primum, deinde *Irnerium*, Romanas Leges Constantinopoli editum, Bononiæ Juris Scholam aperuisse, post *Calixtum*, & *Conringium*, data opera ostendit *Ampl. Brencmannus d. lib. 1. Hist. Pand. cap. 9.*

(20) Verba sunt *Grotii*, in *Proleg. de 1. B. et P. § 54.* neque aliud judicium *Gualdæi* ad tit. *D. de Off. Praef. prat. & Lud. Vivis lib. VII. de Corr. Discipl. p. 207.*

(21) Literaturæ omnium virtutum maxima prædicatur *l. 1. C. Th. de Decus. urb. Rom.* notante etiam *Cujacio lib. XXI Obs. cap. 10* Commentatum hac de re *Brunquellam* vide sis in *Diff. Praef. Hist. Jur.* Modum tamen a futuro Jurisconsulto sollicite tenendum esse, Auctor pluribus infra nos docet, in *Orat. X.* & in *Dial. de rat. dec. Jur.* quod ulcus & ipso leviter tetigi in *praef. Lit. Jur. Civ.* utinam vero & medici liceret.

que eruditionis hoc iter, quod pridem incultum, desertum & impervium sit, existimetis; non omnes equidem Juri destinatos pari modo & æque profunde literis ac antiquitatibus immergi suadeam; *sed qui otio & facultate abundant, hos plene vellem instructos; qui secundum eos, nec admodum festinant, nec longiores patiuntur moras, quod satis foret, imbutos; sed quos Parentum imperium, vel familiaris fortuna occasio, properandi necessitate adstrinxit, si non daretur ultra, leviter saltem tinctos desiderarem, etiam ex illa modica & perfunctoria Humanitatis notitia incredibilem in studiis suis & lucem & voluptatem percepturos. Sed ut aliquando absolvamus, si advertistis animum Auditores, quinque vobis intervalla & insignes studii nostri mutationes, post Decemviralia comitia, representavi. (22) Et primum quidem ad Antoninos usque Cæsares, sub quibus præcipui, quorum supersunt responsa, floruerunt; alterumque spatium ad Byzantinam migrationem arctissime Leges & Literas copulasse, pluribus quam necesse erat verbis comprobavi, modo non paucioribus, quam ad alliciendam*

excitandamque juventutem requirebantur. *Tertium à Constantino Magno ad Saxonem Lotharium Græcam Linguam ejusque inexhaustas divitias propius cum Legalis gravitate conjunxit. Quod sequitur ab Irnerii Auditorio ad renatus novissime politiores artes, non minus acri validoque, licet diverso ad humanitatem stimulo vos impellet, si barbariem illorum temporum, & incredibilem incitiae deformitatem, oculis animisque proponatis. Sed ultimum, cujus nuper initium extitit, & mox nisi Deus & BONA MENS avertat, exabit finis, quo recentius; eo nos efficacius præsentis discriminis sensu movere debebat; ne sextum deterrimi ominis intervallum à nostro sæculo inchoaretur. Nemo enim, qui & cæterarum scientiarum & Jurisprudentiæ statum studiumque intuebitur, dubitabit, ire nos magnis passibus ad superiorum temporum barbariem, non iisdem utique causis, quibus Literæ & Artes, Romano collabente Imperio, interierunt, non diminutione publicæ Majestatis, nec inhumanis Attilæ vel Totilæ armis, sed proprio Marte, nullo prohibente vel infestante, doctrina-*

rum

(22) Pluribus hac de re post. J. G. Gohefr. egimus in *Doctrina Præcæmii Institutionum*.

rum instituta, velut immaturo festinatoque senio clangerunt. (23) Cujus corruptelæ qui causas expetit, *Quintilianum* ut nobis loquentem audiat: *Quis*, inquit, *ignorat*, & *eloquentiam* & *cæteras Humanitatis Artes* descivisse ab ista veteri gloria, non inopia hominum, sed desidia juventutis, & negligentia Parentum, & inscitia Præcipientium, & ignoratione moris antiqui. Non est igitur, quod seculum accusemus, vel ingeniorum nos pœniteat, *Generosi Juvenes*, modo incuriæ socordięque maculam eluamus; quod cum in omnium sit potestate nostrum, absit ut vel conatibus vestris diffidamus, vel de successu præclaro desperandum putemus. Non est quidem nulla Parentum quos *Fabius* inculcat, hodieque culpa, dum liberorum fortunis provide consultum credunt, si festinatis votis eorum cruda studia non per legitimos gradus promoveant, sed in forum Ecclesiamque protrudant. Verum hanc difficultatem, qui serio ad amorem elegantiarum sunt animati, facile profligabunt. De *Francisco Duareno* proditum est memoriæ, quod missus

*Lutetiam Parisiorum*, ut Jura studeret, cum *Budæanum* quoque Auditorium frequentaret, delatus à popularibus indignationem Patris incurrerit, quasi nugis feriaretur, nec quicquam pro spe atque expectatione præstaret Sed placato per *Budæum* parente, celeberrimum &, vix Cujacio secundum *Duarenum* nomen evasit. (24) Non sunt vobis, fateor, *Budæi* Præceptores, quorum & nunc peritiam atque dexteritatem merito *Quintilianus* requirat. Nobis nihil quam voluntatem affectumque & sincerum gratificandi Vobis propositum studiumque vetustatis arrogamus, sine quo spes solida disciplinæ & severa lex proficiendi nulla servari potest; quoque duce, si non omnia consecuturi summa, nunquam tamen ab omni spe laudis via nobis præcludetur. Persona quidem modo suscepta imposterum serio est agenda, quamque nacti sumus Spartam hanc solam ornare contendemus, *Literas* commendamus, *Jurisprudentiam* docebimus, nec proinde amore diverticulorum desilectemus à regia via; sed ad veram solidamque studiorum frugem

(23) Causas corruptæ Jurisprudentiæ post *Gravinam* & *Noodium* illustres viri *Barniensteinius* & *Heinacius* professa opera indicarunt.

(24) Non auditor *Budæi*, quippe non docentis, sed liberorum pædagogus fuit, atque domesticus. Vid. Bayle in *Dict. Crit. h. v.*

frugem ipsamque Civilis Sapientiae Arcem recta vos deducere conabimur. Dux & Auctor proprius humanitatis, curabunt Illustriissimi Proceres, & jam curaverunt, ne in hac ipsa bonae mentis palæstra desiderari possit. Vos modo quibus bona mens & incorrupta disciplina sinceram proficiendi rectamque eruditionis viam monstravit, nolite adspernari hæc studia, quæ plus in recessu quam in fronte gerunt, plus præstant quam polliceantur; quæ non ad speciem atque pompam, sed veram solidamque laudem magnifice sunt comparata. Liceat nobis cum *Laurentio Valla*, quem modo scientiæ nostræ gloriam tantopere extollentem audivimus, hortamentum Maroniani versiculi vobis applicare, *O fortunatos nimium, bona si sua norint, Jurisconsultos!* Pulcherrimam vereque auream habetis Artem, si agnoscere pulchritudinem ejus atque splendorem, si percipere suavitatem, imbuto literarum deliciis palato, potestis. Proinde curandum vobis & prospiciendum, ne putenda ignorantia, quam nunquam imputare possitis, fructu vos rei saluberrimæ destitutos & orbatos relinquat; ne propterea minor sit vestra felicitas, quod bona toties exhibita & inculcata

cognoscere, & tota mente complecti neglexeritis. *Quis ea fronte, quis tanta erit audacia, qui ad Ulpiani, ad Scævolarum, ad Papinianum lectionem manibus illotis, id est, sine bonis literis audeat accedere? Quod eris os illius Jurisperiti, qui sine ulla humanitatis scientia Paulum, qui Cajum, qui Africanum, non dicam legendos, sed interpretandos aggredietur? Credo, quod divinarum & humanarum rerum se Consultos prædicabunt, licet verborum minutias & scrupulos Grammaticorum ignorent. Sed quæ, malum! est arrogantia in minoribus navigiis rudem esse se consiteri, quinquereemes autem & majores etiam gubernare didicisse! Maximarum rerum scientiam jactare, ad quas sine parvis & minutis illis nemo unquam pervenit! Interpretari Juris auctores absque præsidio illarum artium, sine quibus nullo modo intelligi possunt! Scilicet, quibus non aliter aurum ex Antiquis erutum, quam multo oblitum Accursiano fimo splendescere videtur! qui sic adornant Jurisprudentiam, ac si vestem attritam laceramque opulentissimæ Reginæ circumdandam pararent. Et hos tamen videas non modo præsidium clientibus, sed orbi prope toti lucem ingenii atque doctrinæ suæ porrigentes ac ostentantes.*

(Q)

Quos

Quos ut fugiatis, Generosissimi *Juvenes*, & hortatus sum multis, & ad excitandum ardorem vestrum plura supererant; sed non omnia vobis inculcanda, quædam intelligenda relinquemus. Non usi sumus ignotis ad persuadendum argumentis; domestica sufficiunt. Leges vestras evolvite, Magistros Legum consulite, quamque docendi rationem illis tam præclare servatam videtis, eandem discendi viam alacriter inspicite, & me auctore, præclara quæque de successu sperate. Sed nunc quidem satis ad vos abundeque diximus. Quod superest, ad Te nos convertimus, Parens Ter Optime, Ter Sanctissime, cælestis munificentie Dator & fons copiosissime, Te supplices veneramur, ut hæc nova muneris nostri professio in sanctissimi nominis Tui gloriam, in Ecclesiæ & reipublicæ utilitatem, juventutis omniumque nostram temporalem æternamque salutem cedat. Est ita Clementissime Pater; omnia pene cælitus inculcata nobis præsentia commonefaciunt, supremum Filii Tui adventum circumacta præcipitantis ævi periodo, brevi terminum finemque rebus humanis impositurum, ejusque terribile (sic meriti nostri conscientia dicat) justumque judicium hæc terrena iudicia Legesque & omnia fluxa socie-

tatis fundamenta sublaturum. Proinde nequaquam temere in has cogitationes delabimur; frustra tantum laboris & negotii civilibus studiis paulo postea desituris impendi atque consumi; dandam potius operam, ut à vanis transeuntium & caducarum rerum feriati curis animos in Tuæ Majestatis cultu ac æternitatis meditatione defixos & occupatos teneamus. Auget sollicitudinem nostram asperitas præsentium temporum, Reipublicæ terræ marique periclitantis perturbatio, & omen majoris mali, tam conspicue flagrantis iræ tuæ contemptus hominumque pudenda securitas; dum violatos Patriæ fines, vastatos agros, prostratas classes, interceptas à ventis victorias & haustas fluctibus utriusque Solis divitias, præda hostes, littora naufragiis impleta, non ut magnas calamitates loquuntur. Sed iterum Ter Maxime & Benignissime Pater, excitat perculsas mentes & ad officii institutum actionesque vitæ revocat Magni Judicis cohortatio, beatos prædicantis, quos in ultimis humani generis, illis cæli atque terræ comitiis, sui muneris satagantes operique sedulo incumbentes observaverit. De Republica, beneficiorum, quæ Majoribus exhibuisti miracula non minus desperare vetans, quam vitia nostra & ingratitude reformidare jubent. Ignosce nimis luxuriosæ prosperitati no-



*noſtræ & fortunam quam feciſti, nova ſed inculpata felicitate tuere, datisque tam largiter incrementis perpetuitatem præſta. Interea nobis animum, humilitatis, innocentiae, gratitudinis plenum, fiduciaque propitia-*

*torii ſanguinis ſubnixam ſpem largire, qua ſtationi commiſſæ fideliter inbærentes rationem ſui quiſque muneris in illa die Magno Quaſitori probare poſſit.*

## D I X I.



(Q) 2

U L

ULRICI HUBERI  
ORATIO,  
HABITA FRANEKERÆ  
Cum iterum Rector Academiæ declaratus esset.

Kal. Jun. MDLXVII.

*Agit de celebribus Jurisconsultis Frisiis, qui hoc & anteaſſo  
ſeculo floruerunt.*

**I**nter cætera pietatis  
ac fortitudinis speci-  
mina, quæ Patres  
noſtri in vindicanda  
libertate ſuperiori ſe-  
culo exhibuere, quanquam mul-  
ta præclara memorantur, mihi  
tamen nullum illuſtrius extare vi-  
detur, quam quod magnificum  
*Academiæ* fundandæ conſilium dif-  
ficillimis temporibus & capere  
& explicare potuerunt. (1) Nam  
expeditiones continuæ, prælia,

obſidiones, vigiliæ, conſtantia  
in adverſis, ſollicitudo in proſpe-  
râ fortunâ, virtutes illæ quidem  
magnæ & admirabiles fuere; ſed  
quas ratio temporum & neceſſi-  
tas bellorum ſine interitu ſum-  
mæ rei abeſſe non patiebantur;  
at de ſeminario erudiſionis, or-  
namentisque literarum, tam alie-  
no tempore cogitare, ad animos  
in mediâ tempeſtate ſecuros, &  
conſcientiâ cauſæ fiduciæque pro-  
ſperi eventus ſerenos, arguebat.

Majus

(1) Crescentis in dies libertatis, puriorisque religionis, firmandæ cauſa, *Leiden-  
ſem* anno 1575. d. 8. Febr. ac decennio poſt *Franſqueranam* d. 29. Jul. anno 1585.  
inſtitutas fuiſſe, ignorat nemo Vid. *Fr. Fabricii Oratio in Natal. Ill. Acad. Lugd. Bat.*  
*ibique citati in Adnotat. ex Nic. Blancardi Panegy. pro Jubileo Acad. Franco. Conf.*  
*Pier. Winſemii Chronic. Friſ. lib. xix. p. 758. ſeqq. item Henr. Ant. Nerdens Initia Acad.*  
*Francoq. De excitata denique, annis poſt quinquaginta, Univerſitate Ultraieſt. d. 6.*  
*Mart. anno 1636. luculenta egit oratione Cl. Drakenborchius, in feſto læculari, anno*  
*1736 d. 27. Mart. ſt. nov. Conf. Giſb Voetii, Ant. Maſſachi, & Ant. Aemilii, alio-*  
*rumque Orationes Inaug. Gymnaſii primum, deinde Academiæ Ultrajectinæ,*

Majus erat fortitudinis documentum, clangente ad portas tubâ, agrisque incendio fumantibus, tanquam in pace Musarum sacris vacare, quam de finibus cum potentiore hoste indies decertare; quatenus hoc audaciam in præsentī necessitate, illud fiduciam de futura felicitate contra incumbentes undique terrores indicabat. Præsertim autem mirari liceat unde tam in arctâ contentâque rerum copiâ, in extremis ærarii angustiis, quod belli quotidiano apparatus non sufficiebat, animi nostratum tam repente creverint, ut erigendæ insuper, & ex decore, etiam ultra vicinorum exempla, instruendæ Academicæ se pares existimaverint. Magnitudo enim publici oneris cives tam importunè prementis omnem impensam ornandæ quam defendendæ patriæ inservientem respuere videbatur; ut, tametsi plerique Rempublicam neque Ecclesiam hominibus eruditius carere posse perpenderent, non fuerint tamen Proceres, sumptuosissimi rem consilii extra ordinem decreturi, nisi per quam nobilis doctrinæ amor cuncta obstacula perrupisset. Equidem de Juris

Romani studio notabiliter in memoriam advertisse videor; ad hæc præ cæteris Artium disciplinis; ingenia nostratum, qui se studiis dare volunt, naturali vigore ferri. Quin fortean adfirmare liceat, haud aliud populum tam anguste habitantem hoc & anteacto seculo plures numero clarioresque dedisse Jurisconsultos. Quod ne affectu reverentiâque Patriæ præsumptum videatur, permittite mihi, *Auditores*, ut repetitis altius exemplorum documentis breviter approbetur, donec ordo temporis ad initium Almæ nostræ sermonem perduxerit. Nam exinde, volentibus vobis, consilium est, Jureconsultorum, qui in his Auditoriis docuerunt; & si quī fuerint alii; non *vitæ*, quod est alterius instituti, sed breves *laudum* summas excerpere, nobisque ad æmulationem inflammandis proponere. Primò omnium, quam proclivia sint ingenia Frisiorum, ad Jurisprudentiam, clarioribus nunquam speciminibus approbatum est, quam cum detritis factionibus, pulsisque *Saxonum & Gelrorum* exitiosis armis, *Carolus Cæsar V.* Burgundicæ Domui nos adjecit (2), compositâque

(Q) 3

(2) Quam exiguo autem, vel nullo jure, immediatam hanc usque Imperii terram, suam velut Provinciâ effecerit, hujus loci non est, ut ostendatur. Idem vero & de Episcopatu *Trajectino*, de *Transalania*, *Groninga*, *Drenia*. censendum puto.

que Republ. civilis otii, quo in hodiernum diem fruimur, saluberrima fundamenta à Saxonibus inchoata firmavit. Quâ temporum opportunitate detecta & exulta ingenia mox ita effulserunt, ut non *Frisia* modo eximiis abundaret Jureconsultis, sed coarctatâ multitudine Patriâ, per exterorum Gymnasia Curiasque diffunderentur, præeuntibus & quasi signum egregiæ æmulationis extollentibus *Viglio* ab *Ayta* *Svichemo*, & *Joachimo Hoppero* *Snecano*. *Viglius* enim (3) *Patavii* & *Ingolstadii* Jus Romanum professus, cum jam inter eruditissimos Italiæ Germaniæque numeraretur, ad Aulam Cæsaris vocatus est, moxque sub Philippo secreti Belgicæ Consilii Præses, Adfessor Senatus Ordinum, aliisque honoribus præfulgens, incredibili cum sapientiæ & gravitatis existimatione vixit; neque parum ad studia popularium excitanda contulit, cum exemplo & hortamentis, tum quod plus minus triginta adolescentes plerumque suo sumptu in Academiis ex-

hiberet, totidemque fere mortuus, continuatâ in posteros liberalitate, Collegioque Lovanii constituto, sustentaret. Proximus ætate & dignatione *Viglio* fuit *Hopperus* (4), primo Juris apud Lovanium Professor, dein Senatui Mechlinensi, mox Secretiori Consilio adscriptus, postremo Belgicarum rerum in Hispaniâ Curia tantâ cum prudentiæ opinione præfuit, ut homo *Belga Sapientis* cognomine ab Hispanis, sua tantum mirantibus, honestari meruerit; præsertim postquam atrocia *Philippi Regis* consilia adversus Belgas tumultuantes, ita, sicut ille vates ratiocinatus erat, in nervum erupissent. At vero neminem ita bene subductis rationibus ad infinitam casuum varietatem fuisse, quem non aliquando fortuna refelleret, idem ille Sapiens *Hopperus* ostendit, cum in fata concedente *Requesenio* Governatore, pervicisset apud Regium Consilium, quo Rei Belgicæ summa Senatui Ordinum committeretur (5); quasi hoc populare remedium compe-

scendis

(3) Præter *Suffr. Petri* de Scriptoribus Frisiae, Decad. XII. cap. 10. vid. *Gesnerus* in Bibliotheca, & *Aubertus Mizarus* in Elog. Belg. unde sua excerptit Melchior Adamus in *Vit. Germanor.* Jctor. p. 229. seqq.

(4) Idem Auctores *ad* II. apud *Suffr. Petri*, Dec. XII. cap. 9. & *Melch. Adam* p. 220. seqq.

(5) Auctor in *Hist. Civ. part. II. lib. II. sect. I. cap. 16. p. 325.* post Hug. Grotium *Ann. Belg. lib. II. ad ann. 1576.* & *Fam. Stradam lib. VIII. de Bell. Belg. ad eund. ann.*

scendis populi motibus suffectu-  
rum putaret. At cum aliter quam  
opinatus erat evenisset, secuta  
mox omnium provinciarum uni-  
versa defectione, vir generosus,  
& sibi parcere nescius, tam alto  
pestore concepit dolorem, ut  
vel hac, vel aliis accedentibus  
causis, tabifico corporis languo-  
re brevi consumeretur. Sed *Vi-  
gilius*, & *Hopperus* idem, antea  
pridem sub *Granvellano Cardinali*,  
*Duacensium* Academiae constitu-  
endae praepositi, juxta alios *Fri-  
sios*, *Boëtio Roordabusano* (6) Ju-  
risprudentiae docendae provin-  
ciam detulerunt. Nec minus eo-  
dem tempore decora *Frisiae* extra  
Belgicae limites propagata sunt.  
Quippe *Cyprianus Vomelius à Sta-  
pert* (7) Juris Antecessor *Mogun-  
tinus*, à Carolo Caesare nobilita-  
tis Comitisque Palatini insignibus  
auctus, *Imperialis Judicii Spirensis*  
Adfessor constituebatur. Eandem  
*Spira* dignitatem tenuit *Aggeus*  
*Albada*, eique postea suffectus *An-  
dreas Roorda*, viri splendore fa-  
miliarum & eruditione praecipui.  
Sed *Georgius Ratallerus Leovardi-  
ensis*, primo *Mechliniensis* ma-

gno Senatui interfuit, dein lega-  
tione Danica pro Caesare defun-  
ctus *Ultrajectinam* Curiam Praeses  
gubernavit. In quo tamen hono-  
re praecesserat cum *Hector Hox-  
wirijs*, qui ex *Frisia* Senatu *Tra-  
jectensi* Curiae praefectus fuerat.  
Sed plurium laudes dignitatesque  
tradidit in libro, quem de claris  
*Frisiae* Scriptoribus edidit *Suffri-  
dus Petrejus*; qui & ipse postea  
*Coloniae* Jurisprudentiam docuit,  
quemque licet Pontificium, Or-  
dines *Frisiae* primum Historiogra-  
phi sui munere & honorario sunt  
prosecuti; à quo hic honos diu  
vacuus in *Pierium Winssemium* tran-  
scriptus, & ab illo egregie exer-  
citus jam exinde pro beneficio  
Reipublicae habetur. Sed pul-  
chrum hoc veterum *Frisiae* Jure-  
consultorum agmen claudat me-  
morabilis *quadriga*, cui nescio an  
paris gentibus alijs in promptu  
sint futura, quatuor germanorum  
fratrum, qui Jurisconsulti & bo-  
nis artibus copiosi, nomen suum  
omnes aeternitati, quod ex vero  
sit dictum, consecraverunt. Erant  
ex *Popmanâ* familia *Sixtus*, *Cypri-  
anus*, *Titus*, & *Aufonius*. (8) Qui  
omnes

(6) Vid. *Suffridus Petri d. l. Decad. XV. cap. 3.*

(7) *Ibid Decad. XII cap. 1 & 2 item Decad. XI. cap. 2.* ubi & de Ratallero & Hoxwino differtur.

(8) De iisdem late *Suffridus*, de Sixto *Decad. XV. cap. 4.* de Cypriano *Decad. XIII cap. 4.* de Tito *Decad. XV. cap. 5.* & de Aufonio *Decad. XV. cap. 6.*

omnes cum per exterarum Academiarum se preclare exercuissent, in patria civitate *Istana* dediti otio nobili, secretumque studiis quærentes, rei literariæ scriptis adjuvanda perpetuò incubuere; quod eorum tersa nec vulgaris doctrinæ monumenta hodieque extantia declarant. Interim neque Reipublicæ, nec Academiæ, florentibus adhuc ipsis constituatæ, aggregati fuere, seu religione sacrorum, sive, quod propius puto, amore secessus, & eruditæ quietis ab omnibus vitæ motibus abhorrentes. Hæc pauca & insigniora ex pluribus decora, quæ tulit ætas illa, memoravimus, non tam, ut argumentum orationis ab honore patriæ peteremus, quam ut posterius nos, conscientia degeneratæ virtutis in ruborem acti, ad æmulationem popularis, ac quasi domesticæ virtutis excitaremur. Enimvero, qui hæc bene consideret, huic in proclivi erit existimare, quo pacto tam clavis studiis exulta *Frisia*, fundandæ Academiæ consilio desperatis temporibus applicari potuerit. Principio tamen,

cum hæc res agigaretur, informes adhuc & angustæ cogitationes erant, rerumque sacrarum major quam reliquarum Artium ratio habenda videbatur. Crebrescebat interim fama egregii instituti, nec dubitabatur, quin *Leovardia*, metropolis *Frisiæ*, sedes Professorum novisque Musis domicilium destinaretur; quo loco *Vigilum* quoque, & illos veteres *Frisios*, de Collegio stabiliendo cogitasse *Suffridus Petri*, qui consuetudine illorum usus est, commemorat. (9) Sane *Henricus Schotanus* (10) Jurisconsultus, recens è Galliis & auditione Cujacii redux, communem hanc credulitatem errore pulcherrimo secutus est. Quippe, ne vota Magnatum in sacra & philosophicâ re subsisterent, ipsis procerum quibusdam auctoribus, Jurisprudentiæ gustum faciemque nascentis quodammodo Academiæ *Leovardiensibus* repræsentavit. Excitata enim non mediocri studiosorum hominum frequentia, Institutiones Imperiales in aula *Jacobinorum*, apertis valvis, interpretari aggressus est. Promovit hoc haud

(9) Quæ de re vernaculo conscriptus sermone *Dialogus* Auctoris nostri prostat; citem inter *Leovardiensem* & *Frânckeranum*.

(10) Hunc primum Juris Antecessorem dictum mox fuisse, tum ex fastis Academiæ, tum ex *Winfemil Chronico*, satis constat, d. lib. XIX. p. 759. Conf. *Panegyricus Nic. Blancardi*, p. 13.

haud dubiè & auxit instituendæ ornandæque Academiæ consili-um; sed invidia civilis discordiæ, cui se Leovardienfes intemperantius miscebant, hoc decus Franke-  
 ranis conciliavit. Qui cum sua in Urbe comitia tunc haberi cernerent, plerisque Nobilium Leovardianis partibus adversis, facile tenuerunt, ne alibi, quam in hac Civitate *Academia* collocaretur. Non potest negari, quin *Leovardia* magnificentius Musarum fuisset domicilium eoque juven-  
 tus frequentior confluxisset, ad majorem scilicet & pulchriorem abundantioreque civita-tem. Et tamen, si ad exempla eorum, qui alibi terrarum Aca-  
 demias constituerunt, respicimus, plerique id egisse videntur, ut Collegia æmulantium studia sapi-  
 entię in parvis secretisque locis haberentur. Novimus, *Acade-  
 miæ* nomen esse à vico Athenis proximo, ubi Plato suas exerci-  
 tationes habebat, fugiens me-  
 tum strepitumque magnæ Urbis Athenarum. Marcus Tullius Ar-  
 pini Tusculive, non in urbe gen-  
 tium domina, collegia lectiones-  
 que studiorum colebat. Quæ-  
 cunque sunt in Germaniâ celebri-  
 ores Academiæ, mœnibus angu-  
 stis continentur, *Heidelberga*,

*Witenberga*, *Lipsiæ*, *Jenæ*, *Altor-  
 pbii*, *Helmstadii*, *Tubingæ*, *Lau-  
 sanna*, *Marpurgi*, *Gießæ*, licet a-  
 libi vicinæ non deessent urbes  
 longe ampliores. Idem Britanni  
 in suis universitatibus apertè quæ-  
 siverunt. Nec est dubium; quin  
 concursus occupationesque ma-  
 gnarum urbium habeant aliquid  
 Musis secreto gaudentibus inimi-  
 cum: Quanquam & alii condito-  
 res Academiarum non defuere,  
 quibus diversa placuit ratio. No-  
 strates ita putare videntur, sa-  
 tius fuisse magnam scholam inde  
 ab initio *Leovardiæ* constabiliri;  
 sed *Frankeræ* semel constitutam  
 rectius illic retineri. Hanc esse  
 communem sententiam inde col-  
 ligo, quod sæpius agitatum est,  
 de Academiâ Leovardiam trans-  
 ferendâ, semper autem præva-  
 luit, nihil esse innovandum. Quod  
 de translatione deliberatum est,  
 id argumentum mihi dat; vide-  
 re Proceres, initio faciendum fu-  
 isse quod nunc emendatum vel-  
 lent; Quod nihil mutarunt, eo  
 satis indicant, non tam male se-  
 dere Academiam *Frankeræ*, ut  
 tantæ molis novitas periclitanda  
 videatur. Verum progymnasma-  
 ta Jacobina tantum existimatio-  
 nis *Schotano* addiderunt, ut quan-  
 quam Proceres à principio rei

(R)

Theo-

*Theologica* (11) duntaxat rationem habendam censuerant, ipse tamen inter primos electus & introductus fuerit Professores: atque ex eo per viginti fere annos eandem functionem cum maximo juventutis emolumento continuavit. Præ cæteris indefessa ac immodica, sicut *Timaus Faber* de eo scripsit, diligentia viri celebratur. Cujus documento sit, quod publicas lectiones, quoties & quamdiu sine Collegâ Facultati præfuit, quotidie duas habere fuit solitus, privatis autem Collegiis tam frequenter Studiosos exercuerit, ut nihil commodo suo, nihil otio, nihil negotio tribuere, sed totum se discipulorum desiderii ac utilitatibus consecrasset videretur. (12) Septennium integrum sic unus vir Jurisprudentiæ suffecit; verum ab eo tempore collegas habuit viros nobiles & longe clarissimos *Julium à Beima*, *Johannem à Sande*, *Marcum à Lyklama*. *Beima Documii* natus ita pridem inclaruerat, ut Leidensis Academia hunc sibi delegerit Antecessorem, posteaque

Frisiæ Ordines, eum exemplo *Drusii* atque *Tiaræ*, qui & antea *Leidam* propter *Franekeram* reliquerant, in hanc Almam vocaverunt. (13) Ibi cum *Schotano* gravitate morum, præstantiâ ingenii, & assiduitate laborum, per quadriennium summa contentione sed absque simultate certavit. Cujus rei argumentum habeo, quod juventutem publicis disputationibus pariter exercuerunt, quarum volumen sociatis laboribus, non magis in doctrinæ quam concordie testimonium publicaverunt. Erat tunc seculum, quo supremæ Reipublicæ dignitates secundum merita hominum tribuebantur. Etiam loca Senatus Supremi, & Præturas Jurisdictionum amplissimarum *Professoribus* dari non erat insolens. Forte erat vacuus in summâ Curia locus, nec dubitabatur, quin omnium capacissimi tantæ functionis *Schotanus* & *Beima* forent. Illi tanquam seniori honorem primo delatum esse constat, etiam ab illo recusatum esse constat, & mirabimini, credo, *Auditores*,  
rem

(11) Præter citatos adeundus est *Ubbo Emmius*, de *Republ. Fris.* p. 52.

(12) Cum *Timasso Fabro* conferendus *Vinnius* in Laudatione Bern. Schotani p. 7. seq.

(13) Vid. *Schotanus* in *Descript. Fris.* item *Antiquitt. & Fundat. Fris. tom. 1. p. 407.* Opera *Lamberti* filius postuma edidit, duobus voluminibus, uno formæ majoris, minoris altero.



rem adeo ab usu intellectuque sequentium temporum alienam; magis etiam mirabimini, si causam recusatæ dignitatis amplissimæ intellexeritis. Fuit hæc necessitas torquendi criminum suspectos, quam Senatores in universum evitare non possunt, siue in hac animi sententiâ fuerit, non esse tormentis subjiendos qui scelera convicti non sint (in qua plures egregios non modo Theologos sed etiam Jurisconsultos, nominatimque duos præceptores nostros *Antonium Matthæum* & *Wissenbachium* esse novimus) siue desperaverit vir bonus, animum durare se posse, non modo ad adspæctum, sed etiam ad officium tam tristici imperii exequendum. Rem ita gestam esse filius ejus *Bernhardus Schotanus* narrare solebat, meminitque in oratione funebri apud hujus exequias *Arnoldus Vinnius*, cum *Bernardo*, inquam, *Lugduni Batavorum* parentaret. Itum igitur est ad *Beimam*, qui nihil cunctatus est senatorium honorem familiæ suæ, tam honorifice invitatus, inferre, quod actum anno præcedentis seculi supra no-

nagesimum septimo. Nihilo plus difficultatis successor ejus *Johannes à Sande* in accipienda eadem dignitate postea præ se tulit; cuius viri elogium pars notabilis hujus orationis esse debebat, nisi hunc mihi terminum inde ab initio posuissem, agere de Jurisconsultis in ipsa *Frisiâ* natis; Sandius autem natione Gelrus, *Ultrajecto*, ubi inter fori istius *Togatos* disertissimus habebatur, accessit, matrimonio deinde fortunaque *Frisius* est factus. *Marcum à Lyklama*, cognomento de *Nyebolt*, tertium *Schotani* Collegam paulò diutius *Academiâ* retinuit, ab anno hujus seculi quarto adusque per sexennium, cum *Sandius* & *Beima* cis triennium ex *Academiâ* in summum Senatum migraverint. de nobilitate *Lyklamanâ* quæ satis omnibus constat, nihil opus est docere, sed Eruuditio Viri è *Membranarum* & *Benedictorum* libris (14) clarius elucet, quam meâ prædicatione demonstrari queat. Ex ipsis inscriptionibus titulisque capitum primo auditu intelligitur, eum elegantis admodum sui que fuisse virum ingenii; alienissimum à

(R) 2

more

(14) Præterea librum *Comment de inveniendi rei assestimatione ad l. Vinum 22. D. de Reb. cred.* Item sub nomine *Anthonii Mercatoris*, pro *Jac. Cujacio* Operas scripsit *Gratias, de Conditione Furtiva*, adversus Operas *Ant. Fabri Subsidiarias* Denique *Sermonem forensensem de Heredis Institutione in legitima*, & eo certe, ad *Ant. Fabrum*,

more hujus seculi nimium frequente sed pudendo, describendi alienas, proque suis audacter venditandi cogitationes. Quicquid *Lyklama* composuit ab ipso repertum, digestum & expolitum fuisse primo intuitu legentibus apparet. Quâ conscientia doctrinæ intaminatæ cum nobilitate conjunctæ majores aliquando spiritus fumit, quam forsitan alii convenire, vel licere sibi arbitrarentur; quando capita observationum suarum ita quandoque orditur, ut scripturum se quæ nemo unquam scripsit, demonstraturum quæ nemo ante se docuerit, polliceatur: Non *verfabor*, ait, *ignobili putere; Indam claritatis lucem obscuris, liberabo cimneriis tenebris leges nostras, publico bono famulas commodabo manus*. Cujusmodi formulas ne quis inani jactantiæ adscribat obtrectator, verba factis implevit, summaque vi ingenii, politiore literaturâ adjutus, multa adhuc intricata expedivit, omittensque vulgaria nihil quam præcipua & notabilia prosequi dignatus est. Sed tam eximium Academiæ decus Respublica deinde, quasi modò commodasset, sibi vindicavit, eumque jurisdictioni *Stellingwervia Occidentalis* prætorium præfectum imposuit, aliisque dignita-

tibus, quæ prætoris quasi additæ mancipatæque cohærent, tam domi, quam apud Confessum Ordinum Generalium, exornavit. Quo tempore locoque suo quam utilitatem literis antea docendis contulerat, eandem vel majorem Fautor atque patronus earum præstare non cessavit. At interea cum Schotanus expleisset mortalitatem, *Lyklama* in altiorum locum subductus esset, tantum abfuit, ut generosi *Proceres* Jurisprudentiam destitui paterentur, ut etiam peregrina decora in ejus Academiæque ornamentum conquirenda putaverint. Tam animosè, ut primo *Dionysium Gotbafredum*, dein *Johannem Althufsum*, ex suis quemque locis amplissimis, non sine spe successus evocare conati sint, donec fortuna potius quam liberalitate studioque eorum deficiente, quod foris incassum quærebant, domi feliciter invenerunt. Erat *Timæus Faber* Leovardiensis, Sæptimæ Curia Advocatus, vir acris, ut tum noscebatur & exitus approbavit, ingenii subactæque eruditionis, denique notabili probitate modestiaque super alios eminens. Hic annorum prope septendecim felici diligentia expectationem omnium non modo egregiè implevit, sed, ut de præsentibus minor

minor reputatio famæ est, valore doctrinæ multum superavit, uti non modo vivus & in patriâ celebris, sed apud externos hodieque tersissimi Auctoris nomen laudemque mereatur. Nec obscure animadvertere mihi licuit, multos etiam famæ hilarioris scriptores ejus inventa, dissimulato plerumque nomine, tanquam suis, frequentius quam oporteat uti. Quod tantò facilius & rariore legentium censurâ committunt, quod *Faber* ille noster concisis brevibusque periodis, quod solum in eo censor acutus requiratur, egregias cogitationes involutius proponit: quæ ab aliis fuscus & plenius exposita, non difficulter pro novis & propriis inventionibus laudantur. Imaginem *Fabri* in aula Curiae nostræ, non heredum culpa, sed ex ipsius voluntate desideramus. Nam ut virum fuisse constat eximiae gravitatis & religionis, ita hanc ejus animo peculiarem insedis opinionem à *Sixtino Amama* scriptum reperio; picturas & effigies mortalium hominum nescio quid aut superstitionis aut superbiæ vanitatisque præferre; nec debere sapientem virum tam ineptè sibi placere, uti cum ipsum corpus suum nihil fere quam umbra sit, hujus adhuc aliam velit um-

bram extare; præsertim in hominibus doctrinam professis ferre non poterat illam speciem ambitionis, quâ libros orbi dantes non contenti nomina sua præscribere, tanti putant lectoribus, qui procul sunt, digito monstrari, qualem oculis qualem ore tulerit se tanti nominis Auctor. Filia tamen quam reliquit unica, non credit hanc parentis sui conceptam opinionem sibi usque adeò religioni esse debere, quominus desideratissimæ patris memoriæ, qua etiam hætenus se affectam sentit, duntaxat commentitia imagine lenocinetur, quam tentavit ad similitudinem hominis etiamnum superstitis, in cujus ore patris sui effigiem exactè à natura esse descriptam imaginatur, ut hoc modo ipsa, vel Academia fugitivo honore *Fabrianæ* memoriæ qualitercunque fruatur. Collegas habuerat *Faber* diversis temporibus *Paulum Besium*, & *Joachinum Andrea*, viros insignes sed externos, eoque ad præsens orationis nostræ propositum non pertinentes; tametsi *Andreas* virtute ingenii, fortunæque matrimoniali, non modo suos honores, sed etiam translata in filium senatorii muneris dignitate, quam ex Antecessore meruerat, posteros ad præcipu-

am dignationem propagavit. Hujus viri exemplum & in cathedra & in tribunali nihilo minore successu excepit *Hector Bouricius*, amoenissimi Vir ingenii & eruditionis; de quo rursus *Sixtini Amama* testimonium extat, se dubitare, num post *Heinsium* quisquam eo tempore profa vel vorsa melius & floridius scriberet. Sed exiguum temporis spatium, quo uterque & *Andreas & Bouricius* in Academia vixerunt docendique munere functi sunt, non permisit iis scribendo duraturam in posteros operam navare. Nam & *Bouricius* Curiae deinde Senator creatus, exinde forensibus curis totum se mancipavit, nisi quod subinde carminibus epistolisque scribendis, palam facere maluit, quid praestare posset, quam ostendere quod elaboraverat. (15) Cujus exempli observatio facit, ut minus in universum mirer, in Curia Suprema tam paucos extitisse Senatores vel Advocatos, qui scribendo sibi famam, patriae atque Foro thesauros colligere & cum posteritate communicare voluerint. Tam paucos, inquam; nec enim aliqui

defuere praestantes viri, qui ingenium ad utramque facultatem theoriae, quam vocant, & praeceos habile nacti, alteram in alterius cultum ornatumque sedulo adhibuere scriptisque non poenitendis inclauerunt. Primus eorum fuit ex Advocatorum ordine *Jacobus Bouricius*, qui duobus libellis (16) in senectute publico datis abunde ostendit, si maturius animum ad scribendum apulisset, plura validioraque ab ætate vegeta expectari potuisset, verum id ipsum argumento esse velim ejus quod diximus, esse rem difficilem, uno eodemque tempore judicare vel agere causas & scribere libros, ita ut cum sapore publico recipiantur. At huic duplici officio par fuit *Thomæ Herbaji* Fisci olim Procuratoris ingenium, cultu academico & forensi judicio nulli secundum, ut ex libello ejus postumo, qui de *Rebus Quotidianis* inscriptus est, luculenter elucet. Quod si Deo non placuisset hunc saltem ostendere patriae, sed ad maturam frugem pervenire passus esset, non deerat profecto spes ex hisce primitiis egregiae messis, quæ

(15) Nescio an Auctorem fugerint Opuscula *Hectoris Bouricii* junctim edita, in forma majori praeter *Dissertationes* etiam *Lectiones Juris* complexa, anno 1622. Franck.

(16) De officio Advocati, & de Captivo, una editis cum Joh. Bouricii tractatu de officio Judicis.

quæ *Frisiam* duraturâ in posteros abundantia ditare potuisset. Senatorium Ordinem satis constar, omni tempore graves doctissimosque viros implevisse, quam ego causam fuisse non ex minimis arbitror, quod Romanæ Themidos reverentia & honos, præ cæteris omnibus Europæ nationibus, in *Frisiâ* conservatus est. (17) Nec enim usquam *Leges Justiniani* tam exacte religioseque custodiuntur paucioribusque exceptionibus labefactantur quam apud nos & olim factum audivimus ac etiamnum fieri videmus. Non ignoramus, *Auditores*, principem hujus rei causam inde petendam esse, quod *Saxonie Duces*, cum Rempublicam factionibus plurium ætatum dissolutam, veterumque *Legum* desuetudine confusam accepissent, in restituendo imperandi parendique ordine, facile ab incolis obtinuerunt, ut secundum Jus Civile solum judicaretur, at sine præjudicio consuetudinum, quæ adhuc exiguo numero, minorisque momenti, nec fere aliæ quam ubique fere apud alias gentes æ-

quæ sunt usitatae, reperiebantur. At mihi sic compertum est, longe majorem lepibus Romanis stragem illatam esse per inscitiam eorum, qui praxin forensensem in plerisque locis Europæ gubernant. Nam hi in disceptandis judicandisque causis, ubi rationes Juris Latini minus iis perspectæ erant, proprias æquitatis regulas in suo cerebro excogitarunt, quas aliquando rebus judicatis firmatas paulatim obtentu *præceos* loco Juris introduxerunt. (18) Est mihi facultas probandi, licet huic loco non congruat, eam causam multo latius patere, quam Statuta aliave Instituta, speciali voluntate populorum contra Justiniani auctoritatem recepta. Sed hæc apud *Frisiorum Curiam* cessavit ratio, quæ semper eruditis & exactis referta Jureconsultis, libera sunt ab hoc deformi periculo, ne per ignorantiam artis Romanæ Jurisprudentiæ in cerebrinum æquitatis arbitrium degeneraret. Scriptores tamen *Curia nostra*, sicut aliæ, paucos dedit, sive quod homines nobilitatis aut amplitudinis præcipuæ ad

(17) Cujus argumenti integram dissertationem filius Auctoris *Zacharias* edidit, patetis Orationibus nunc primum adjectam.

(18) Gravissimum hæc in re judicium est Ampl. Præsidis *Bynkershoekii*, in præf. prioris *Observatt. volupinis*. Conf. Em. Merillius in *Orat. de temp. in Sind. Jur. Proreg.* quæque ibi adscriptimus, in *Append. Repet. Instit. Jur. Civ.*

ad illam curam se demittere gravati sunt, sive quod tritura forensis animos ejusmodi consuetudine devinciat, quæ cum accuratione scholastica, qualis ad scribendum requiritur, non bene conveniat. Enimvero fuisse inter Patres, qui domesticis lubricationibus publico se præparent, non est dubitandum; quos inter *Johannes Saekma*, vir doctissima sapientiaque memorabilis, qui notas ad Statuta Frisiæ ab *Herbajo* inchoatas non minus ac ille feliciter continuavit, & quantum ex remissionibus in illo opusculo crebris intelligi potest, habuit alios domi suæ commentarios multi laboris & usus: quos tamen ad editionis maturitatem non oportet esse perductos, ut illis quoque notis, quas dixi manuscriptis accidit, cum alioquin à filiis & adfinibus, quos habuit, eruditissimis publico nequaquam subtracti fuissent. Simili conatui immortuus est *Gajus Nauta* ejusdem Curiae Senator, magnæ eruditionis & diligentiae vir inex-

haustæ, cujus adversaria rerum notabilium ab excessu *Sandii* per decennium in Curia disceptatarum sunt in manibus heredum; sed *adversaria*, inquam, sine ordine rerum delectuque verborum, tumultuario, sicut res indicat, quâ latine quâ vernacule conscripta, ut essent quasi sylva, unde aliquando Auctor *Decisionum* materiam conquirere & usui accommodare posset. (19) Sed *Heßor Bouricius* ex Academiâ primo Graphiarius, quem vocant, Curiae creatus; deinceps hanc licet emolumentis fertiliorum cum Senatoria dignitate commutavit. Nec enim consentaneum erat, ut homo studii clarus & ingenio fidens excellentissimam eruditionis colendæ palæstram pecuniæ causâ, qui ipse non parum copiosus erat, occupare cunctaretur. Cæterum *Bouricius* ille postremus fuit, quem è Scholâ Proceres in magnum Curiae Senatum transtulerunt. Exinde vel tantum dignationis accessit honestati Curiae, vel Academiæ in hominum repu-

(19) Frequentissima eorum omnium passim fit mentio in Scriptis Huberianis tum *Praelectis* tum *Jurispr. Hod.* Imitatus operam patriæ utilissimam laudatus modo *Zacharias*, tribus voluminibus, uno Casuum Eneclætorum inter Academicos labores conscripto, *geminoque* *Decisionum* Supremæ Curiae, cui tum ab anno 1715 adsidebat. Spes denique adfulget gratissima, novis brevi Observationibus, leges Frisorum patrias, illustratum iri, ab Amplissimo curiae Patriæ Senatore *Dominico van Hamerster*, illustris *Ulrici* nostri, per adfinitatem nepote, tantorumque meritorum aemulo laudatissimo.

reputatione tantum decessit honoris, ut transitus è cathedra Professoris in supremum provincialis fori tribunal immodicus & enormis habitus videatur. Quamquam & à parte Academiæ non nihil ad hanc vicissitudinem momenti collatum atque profectum esse fatendum est. Nam antehac Juris Antecessores plerique Frisii, & insignibus familiis editi, vel inserti fuerant. Deinceps labascentibus patriæ juventutis studiis, pravoque invalescente more, propellendi ad officia virilia crudos annis animisque, factum est paulatim in Juris Professores è peregrinis locis Franckeram vocari oporteret. Tres omnino adhuc Frisii ex illâ segete vetusta in Jurisprudentiæ Facultatem succrevire *Bernardus Schotanus*, *Henrici filius*, *Martinus Wybinga*, & *Henricus Rhala*. Quantus vir fuerit *Schotanus*, nullo argumento quam trium notionum iudicio, totidemque Academiarum experimento constare potest. Nec enim post Frisios, *Trajectini* atque *Leidenfes*, eum certatim honorificeque evocassent, nisi eximias in Viro dotes, & omnia perfecti doctoris ornamenta, in eo splendescere credidissent: sed eadem ratio peregrinantis famæ virique sufficit ad intelligendum,

quor ad oblatum Parenti honorem in fori peristyliis adfurgere non potuerit. De *Wybinga* non expectabunt, ut edisseram, cur ille decoris tam excelsi compos non evaserit, quibus constat, eum ne Rectoris quidem Magnifici tralatitio munere, suo tempore locoque, dum vixit, potiri potuisse; siquidem postremo, cum sæpius præteritum electio tandem invenisset, fatalem diem Rector designatus occupavit. *Rhala* per octodecim annos, ingenti mortalis ævi spatio, Eloquentiam Romani sermonis ornaverant, antequam supremis annis Jurisprudentiæ admooveretur; sed illi fortuna Senatoriam dignitatem invidisse non videtur, quâ filium, in quo egregii Parentis ingenium & doctrina revixit, feliciter insignitum videmus. Cæterum, non est, opinor, ut id agamus, quo nobiscum ventilemus, quam obrem antiquis temporibus portæ dignitatum Scholasticis hominibus magis patuerint, quam nostri temporis memoriâ; sed hoc magis ad rem vestram pertinet, *Juvenes Ornatissimi*, maxime qui Frisii, nominatimque Themidos alumni adestis, cur faciendum fuerit Magnatibus, ut post hæc tempora, quæ designavimus, Juris Professores è Gel-

(S)

ria,

ria, Germaniâ, Suediâ, (20) conquererent & evocarent, nullusque Frisius homo totis viginti annis huic officio succedaneus & par inveniri potuerit. Non est, quod naturam quasi effœtam temporumve inclinationem in deteriora accusetis, nec in Proceribus nimia peregrinitatis admiratio, licet hæc plane de nihilo forte non sit, pro causa mutationis haberi debet; sed in ipsis studiosis, eorumque animis & institutis ratio genuina, *Præstantissimi Adolescentes*, quærenda est: Etiam vero in parentibus, qui non patiuntur studiorum gradus fieri, neque id operam dant, ut discendi ratio à filiis severâ lege instituitur. Quid omnino faciendum sit iis, qui animos aliquando ad spem Juridicæ Professionis adjicere cogitant, nolite à me expectare, *Auditores*, dum explicem tempore perorandi. Hoc novæ Orationis officium & materia esse poterat, nisi vetus à me jam pridem ex hoc loco, in hanc finem sufficiens, recitata fuisset; cum primum ex *Eloquentiæ Cathedrâ* solenniter in Juridicam deductus essem, maxime

sub Orationis extremum; unde quid faciendum, antequam Juris studium aggrediamini; quo pacto id exercendum, abunde ad hoc propositum monuisse videmur. Nec enim harum rerum observatio diversa est ab instituto conjungendi Literas Humaniores cum valido Legum Romanarum studio. Dicendum tamen est, in eo tempore, quod absoluto Academico, rebus forensibus impenditur (nec enim factu opus, ut casus auditorii vacantis in longum & incertum expectetur) ad hujus rei momentum præcipui esse valoris. Namque dum eam Facultatem, quæ in audientis agitandisque causis vertitur, novi doctores ita colunt, ut quæ in Academicis didicerunt, non modo obliviscantur, sed etiam hoc agant, ut videantur oblitæ; accidit, ut nihil absurdius habeatur, quam ex Advocato facere velle Professore. Quod si contrariam animi sententiam induerent, studiaque Theoretica pertinere ad animum suum tempore Praxeos ostenderent, egregiè experirentur & in foro se multo esse validiores, atque ad decus

Aca-

(10) E Gelria *Cul Cup*, e Germania *Jac. Wissenbach*, & e Suedia *Laurentius Banck*, sed extra ordinem Antecessor. Ceterum prætermisus ab Auctore, nobilissimæ viri prolapizæ, *Taco a Glins*, quem ex Athenæo Davenrenti in Academiam patriam evocatum, insignique de *Adora* commentario, celebratum constat.



Academicum, si prioribus studiis hanc fiduciam prædesumerint, aditum sibi patere, sicut olim Fabris, Schotanis, Bouriciis, aliisque patuisse accepimus. Agite *Ornatissimi Juvenes*, dum res integra vobis est, ad cultum ingenii capiendum, qualis non modo ad exhibitionem vitæ sed etiam ad laudem gloriamque doctrinæ sufficiat; utimini privilegio ætatis & omne robur ejus

impendite studiis, quæ apta nata sunt ad vos amplissimis honoribus præmiisque, sicut Imperatoriâ voce fideque certiores facti estis, augendos & locupletandos. De legum studio intellexistis Imperatorem loqui, quod æquioribus animis legum Academicarum recitationem, quâ clauduntur hæc auspicia, confido vos accepturos. &c

D I X I.



(S) 2

U L

# ULRICI HUBERI ORATIO, HABITA,

Cum tertium Rector Academiae declaratus esset,

Kal. Jun. MDCCXXVII.

*De statua Eugnomosynes, quæ fuit in foro Constantinopolitano,  
juxta statuam Hermæ Emporii.*

**Q**uanquam solennitas hujus diei gravissimâ oratione Reverendi Viri Ex Rectoris Magnifici, quemadmodum alibi solet, contenta esse poterat, quando tamen ita mos & institutum (1) hujus loci jubet, ut etiam pro auspicio regiminis Academici verba concipiantur, faciendum est, ut receptæ consuetudini quam minime patientiæ vestræ incommodo pareamus, *Auditores*. Hoc autem ita potissimum me consequi posse credebam, si id operam darem, ut & facilitate verborum, & argumenti quadam varietate, tædium continuatæ recitationis occuparetur. Quo

circa non est, quod de magni rebus momenti, de summa Republicâ, de spe pacis in Europâ, vel de causis bellorum, quæ his diebus quatiunt orbem Christianum, me dicturum expectetis. Nec est animus ullam Juris Publici Privative controversiam, utcumque studiorum meorum professioni convenientem, hac horâ seligere ad dicendum. Non jura Majestatis, non Substitutionum, Fideicommissorum, vel Interdictorum, perplexam subtilitatem, non (2) legem *Gallus*, aut (3) *Frater à Fratre*, vel (4) legem *Leſta*, quæ millies lecta necdum intellecta dicitur, enucleabimus. Est Scriptor recentioris

(1) Quo more tamen ab initio hujus sæculi amplius non utimur.

(2) l. 19. D. de Lib. et post.

(3) l. 38. D. de Cond. ind.

(4) l. 40. D. de Reb. cred.

tioris Græciæ Constantinopolitanus, qui libellum *ἐκ τῶν Κωνσταντίνου πόλεως* edidit in lucem, Georgius Codinus appellatur. (5) Ex eo rem minimè gravem, sed à præsenti, ut videbatur, occasione non abhorrentem placuit excerpere; modo fas mihi sit, in Oratione Latinâ verbis uti peregrinis, quod ne fieret, olim ab Rhetorices magistris inter Artis præcepta relatum fuisse accepimus. Quando nec Marcus Tullius in omnibus suis orationibus uspiam Græcè loqui sustinuit, præterquam semel unico verbo, quod eadem efficacia vernacule efferre non poterat. Cæsar etiam Tiberius, cum in oratione publica *monopolii* vocem circumire non posset, haud tamen prius eam pronuntiavit, quam Senatus veniam sollicitè præfatus esset. \* At ego Quintiliani sententiam laudo, qui sic Artis regulas commendat, ut cujusque prudentiæ relinquat, *ne superstitione præceptorum contra naturam causæ trahantur.* \*\* Et est sine dubio longè dispar ratio Professoris in

auditorio doctissimorum hominum de literis studiorum agentis, atque Consularis, aut Imperatoris Romani, ad Quirites suos verba facientis. Codinus ille, ne vos diutius moremur, (6) narrat, in foro novæ Romæ, quam Constantinus Magnus suam urbem vocavit, statuam fuisse positam, *ἑγάλμα*, sic infit, *τῇ δεξιᾷ χεὶρ σκῆπτρον, τῇ δ' αὐτῇ βιβλίον κατέχον*, quæ dextra manu sceptrum, sinistra librum tenebat. Cum modo mihi sceptrum Academicum, libellis è fastigio pendulis ornatum, traderetur, in mentem veniebat hæc ipsa Codini statua, quæ nisi diversam habuisset inscriptionem, nihil commodius illo scepro, eoque libro, quàm Imperium Academicum repræsentare potuisset. Nam Reges & Principes liberæque civitates, quæ scholas doctrinarum excellentias fundavere. Doctores juventutis non modo librorum, sed & Imperii in Studiosos curam habere, eâque causâ jure Scepro-  
rum effulgere völuerunt. (7) Sed in Græciâ mihi non constat, collegia

(5) De cuius aetate, scriptis, horumque editionibus, Fabricius agit, in *Bibl. Græcæ* VI. p. 241. & 480.

\* Suet. in *Tib.* cap. 71.

\*\* Quintil. *lib.* IV. cap. 2. Conf. *lib.* V. cap. 10.

(6) p. 48. *ed. Douz.* qua auctor usus est.

(7) Originem *sceptri Academici* fere incertam, Paulo tamen Papa II. posteriorem esse,

legia: Eruditorum hoc notabili honore, jurisdictionis & Imperii, in suæ conditionis homines fuisse condecorata: proinde statuæ nostræ symbola hunc sensum accipere non patitur vetusti moris in illa gente recordatio. Est alia verisimilior interpretatio, quæ ex solo statuæ illius adpectu, vel imaginatione, cuilibet in mentem occurrere debet; eam scilicet nihil fuisse quam typum Principis Platōnici, quem aut esse philosophum, aut oportere philosophari, • divinus ille, sicut eum veteres honorant, sapientiæ magister prædicabat. Intelligo satis, Ornatiſſimi Auditores, quanto cum expectationis vestræ damno tam luculenta statuæ nostræ sensu refellere cogar, quibus alioquin hoc Auditorium pulcherrime personare potuisset. Quid enim dignius attentione vestrâ excogitari possit, quam si rationibus & exemplis ego comprobassem, quam præclara sit copula sceptri atque libri, quam

longe aliis præstent Rerumpublicarum moderatores, qui naturalem prudentiam eloquentiâ sapientiæque doctrinâ excoluerunt. Sed quominus hanc magnificam sceptri librique significationem statuæ nostræ applicare & oratione prosequi passim, facit inscriptio, quâ Codinus eam fuisse distinctam testatur, τῆς ΕΥΓΕΝΟΜΟΣΥΝΗΣ. Quod Latine reddendum videtur, Statua BONÆ MENTIS. Nam εὐγενεῖος vocabulū, in simplices suas resolutum, nihil magis proprie & efficaciter indicare videtur, ut Budæus † etiam auctor est, quam bonam mentem, etsi aliter à Georgio Dousâ, qui primus hunc Auctorem è peregrinatione Turcicâ retulit, vertatur. Mihi præter vocis usum originalem, etiam rei ipsius cum hisce symbolis convenientia, & reliqua Eugene-mosynes requisita, quæ Codinus scepro libroque designari intelligit, in hunc sensum mirifice blandiebantur. Namque sceptrum

esse, Conringius existimat, de Antiq. Acad. diss. V. § 20. ubi etiam de Jurisdictione Academica ex Authentica Friderici dilquiritur. Conf. Corn. van Eck Vindiciæ ad cit. Auth. brevi typis iterum describendæ.

\* Apud Polybium lib. XII. Hist. cap. ult. pr.

† In Comment. ling. Gr. p. 699. qui tamen & æquitatem recte convertit, ejusque contrarium ἀνυπερβιν iniquitatem. Porro sceptrum Imperii, & Liber legum intelligi videntur, legitimis imperii & æquabilis regiminis adumbrandi causa Vid. Oratio hujus argumenti altera.

trum ideo tribuit *Eugnomosynæ*, *ἢ ἀρχίως*, quod ingeniosa sit, quomodo rursus ego melius hoc vocabulum reddi putem, quam ut Doufa vult, quod *candido sit ingenio prædita*. Nam *ἀρχίως*, si voculam resolvas, ille demum vere dicitur, qui præsentis & exprompti sit ingenii, qui non è longinquo arcessit ratiocinia sed è vestigio, quoties usus venit, ad perpetrandas meditationes excitat, cujusmodi expeditum animi imperium in suas cogitationes *sceptro*, cujus motum intenti observant ministri, aptissime adumbratur. *Librum* *Eugnomosynæ* additum scribit Codinus, *διὰ τὸ τὸν ἐν γνῶμεναι δίδεσθαι ἀναμνήσεως; ἥτις διὰ βιβλίου γίνεται*, quia bona mens eget recordationis, quæ per libros comparatur. Quod si hæc duo conjungatis, *Auditores*, nihil aliud Codinus & Auctores statum indicare voluisse videntur, quam hæc duas res ad bonam mentem requiri, *Ingenium*, atque *Memoriam*. Nec dubium, quin hi, quibus istæ duæ facultates animi bene perfectæque sunt datæ, ponendi sint in eorum numero, quos æquus amavit Jupiter; sicut & eos, qui alterutra virtute destituuntur, ni-

hil præcipui in ullo genere doctrinæ præstare posse manifestum est. Sub ingenio complectimur omnino quoque judicium, sine cuius rectitudine celeritas cogitationum bonam mentem nullo modo perficere potest, & quando perfectum dicimus ingenium memoriamque, civiliter utrumque intelligimus, ne quem omnibus numeris absolutum utraque facultate præsumatis. Jam hoc inter duo bonæ mentis symbola nostra, *Juvenes Ornatiissimi*, interesse animadvertite, quod ingenium quidem ab Auctore naturæ Deo sine studio operæque nostræ singulis tribuatur; sed memoria, sine qua ingenium inutile ac otiosum est, tractatione librorum imprimis instituenda sit. Quapropter, si bonæ mentis amatores haberi vultis, non oportet ita vos fidere ingenio, quin diurna nocturnaque manu libros evolvatis, ne, si ingenio, sine memoria rerum præstantium, solo polleatis, cavillatores potius & sophistæ, quam verè docti esse videamini. Sæpe mihi inter studiosos observare licuit, adolescentes latioribus ingenio præditos, qui tardiores alios ingenti supercilio spernerent, quos tamen deinde multo

•• Immo vero solerti accurata, perspicax.

multo sequiorem exitum utrosque fecisse perspexerim; ut hi tristiciores hebetioresque illos hilares ingeniososque longo intervallo post se relinquerent; nulla alia causâ, quam quod hi libros, è quibus altera pars bonæ mentis formatur, diligenter assiduoque tenendo, defectum ingenii memoriæque supplerent. Illi sceptro suo contenti eoque stolidè innixi loco bonæ mentis vacuum cerebrum tenuissent. Non secus ac si Princeps aliquis sceptro eburneo aureoque præfulgens cives suos adeo neglectim haberet, ut omnes sub alienam ditionem redigi pateretur. Nam quod est Rex, qui non habeat quibus imperet, idem mihi videtur esse ingenium sine memoria rerum frugiferarum. Quin adeo sicut Rex appellari non potest, qui caret imperio subjectis, ita non modo bona mens sine memoria librorum esse nequit, sed ne sceptri quidem insigne tali ingenio per se licet eximio convenire potest. Nam ideo vel maxime ingenium sceptro adsimilatur, quod non modo percipiat res propositas, sed etiam judicet de illis; nam judicare præcipuum Regis officium est, cujus gratia potissimum

ἐκκλητῶν βασιλεῖς, *Principes sceptri* ferri appellantur: sed quo pacto de rebus infinitis, quas viro sapienti judicandæ obveniunt, instituet cogitationes suas ad discernendum inter verum & falsum, cui prius omnium rerum proprietates ex eruditis librorum monumentis non penitus & exactè constiterint? siquidem facultas discernendi è comparatione diversarum rerum consuetudine dissidentium sententiarum, quas suggerit librorum memoria, colligi & invalescere debet. Sed ita rem se habere credo, *Juvenes Egregii*, vos haud gravate concessuros, quis enim bonæ mentis compos id neget? utinam æquè facile veterum excutere possemus iis, qui ingenia naturæque dona adepti non pœnitenda, vel etiam eximia, qualia divina bonitate plerique vestrum possidetis, ut gratulari vobis liceat, minus tamen in studiis proficiunt, quia libris segnius incumbunt, memoriæque sua supellectile instruere, curæ non habent. Deus, fateor, naturalem ingenii vim omnibus largitur, varietque singulis dispertitur, at tamen omnibus ex æquo verissimum accinuerit carmen antiqui\*,

*Deum*

\* *Epicharmi dictum est apud Stobaeum, (serm. 117. p. 363. cui addeſſis geminum, huic loco opportunum, ibid. p. 365.)*

*Deum cuncta vendere laboribus; nec adeo quisquam insanus esse debet, ut ea conditione se putet exemptum, utcumque naturam adeptus felicissimam. Quis unquam sine bona mente doctus & sapiens fuit? sed non est bona mens, nec illa se dat cuiquam, nisi cum sceptro libroque simul, cum ingenio memoriaque, labore multo ad omnigenam rerum notitiam severa lege subacta. Verum enimvero numquid ad eruditionem duntaxat acquirendam hæc duo symbola bona mentis suppeditant argumentum? est nisi fallor & aliud majoris aliquanto momenti, quod *Eygnomofyna* libro sceptroque suo spectatoribus inculcat. Et de *sceptri* quidam interpretatione differentem audiamus *Aristotelem* in epistola, quam dedit ad generosum Auditorem suum, qui unus instar omnium ei fuit, *Alexandrum*, quando libros *Rhetoricorum* posteriores ei inscribebat, ubi inter alia; *Ἄπειρος ὁ σκεπητός*, inquit, *ἰσὶ σωτὴρ σκεπητός*, ἢ τοῦ λόγου μετὰ παιδείας ἡγεμὼν ἰσὶ βίῃ. Quemadmodum Imperator est saluus auctor exercitui, sic ratio cum disciplinâ dux & imperatrix est vitæ. \* Si auctores statuæ Byzantinæ hæc philosophi*

verba in conspectu habuissent, non potuerant, credo, vim sententiamque eorum efficacius exprimere, quam per statuam *bonæ mentis*, sceptro libroque insignitam. Si enim tu clarè disertèque velis expositum quid *bona mens* sit, nihil, opinor, ad rem magis appositum protuleris, quam quod Ille dixit, *λόγῳ μετὰ παιδείας*, id est, *ratio erudita*. Quoniam vero, docente eodem philosopho, dux & imperatrix vitæ est *Ratio*; quid officium ejus in imperando vitæ modo rectius & elegantius quam sceptrum indicaverit? Et si disciplina eruditionis ad compositionem bonæ mentis est necessaria, sicut ab *Aristotele* ponitur, qui melius illa quam libro demonstraretur? ut intelligamus, rationem ad imperandum factam regni sui partes nullo modo feliciter explicare posse, nisi libro instructam verâque prælucente doctrinâ. Credo, vos audivisse, *Juvenes*, mentem humanam à philosophis\*\* in duas partes distinguere, quarum altera sit *λογικὴ ἢ ἡγεμονικὴ*, rationalis & imperatoria; rursus alteram esse volunt *ἄλογον ἢ ὑπηρετικὴν*, irrationalem & servilem: Quo modo sceptrum rationis non

ia-

\* *Tom. II. Opp. p. 609. lit. D.*

\*\* *Vid. Aristoteles lib. 1. Eth. cap. 13. in med. tom. II, Opp. p. 16.*

integræ menti, sed ejus solummodo parti tribuenda, & sic per excellentiam *bona mens* ea pars animi foret appellanda, cui imperandi facultas in alteram sibi subjectam conveniret. Me quidem parum delectat illa rei simplicissimæ, divinæ particulæ auræ, distributio in partes oppositas, parumque abest, quin *Salustii* † notum & popolare dictum magis arrideat: *Omnis, inquit ille, nostra vis in animo & corpore sita est; animi imperio, corporis servitio magis utimur, alterum nobis cum diis, alterum commune cum belluis est.* Proinde genius ille cælestis originis, *Mens*, inquam, sola & tota, modò sui compos, imperium in corporeas facultates exercet, aut si quando servireprehenditur, non est in eum usum pars altera mentis decidenda; sed ipsa totaque mens, eadem cui imperium dedimus, corporeis affectuum insulibus succumbere, & à gradu suo dejici intelligitur, ut recentiores philosophiæ Magistri (8) sanius & rectius tradere videntur. Imo vero existimaverim, antiquæ novæque philosophiæ rationes hac parte forsitan verbis potius,

quam rei ipsius interpretatione, discrepantes videri. Nam ut veteres in mente duas partes, quibus uno eodemque tempore jubendi parendique facultates sibi invicem oppositæ inessent, extare crediderint, mihi non sit verosimile, nec unde probetur observo. Sed hoc equidem viderunt, animum hominis aliquando fortem validumque coercendis libidinibus, aliquando mollem iisque cedentem animadverti. Has aptitudines, quæ diverso respectu aliisque & aliis temporibus in mente conspiciuntur, totidem facultates appellarunt; quod ego non video, cur mihi quoque in illa *Salustiana*, novæque philosophiæ hypothefi, facere non liceat. *Imperio mentis*, ait ille, *magis utimur*, id est, frequentius; est etiam ubi turpi obsequio mens à voluptatibus rapi agique se patitur in transversum. Ita modo facultas imperandi, in eâdem illa mente conspicitur, & dum fluctuat animus inter imperium, corpori imprimendum, vel ab eo perpetiendum, nihil absurdi à veteribus exaudio, cum facultatem imperatoriam servilemque inter se contendere dicunt;

† Sub init. *Belli Caril* ibiq. Theod. Graswinckel.

(8) Cartesio duce, quem videtis in *part. 1. de Passum. animæ.*



eunt; modo sani sensus explicatio, quam ex recentiore doctrinâ occupavimus, emendet ambiguitatem verborum, ubi rerum nulla contrarietas esse potest. Quam vero illud sceptrum rationis interfit bene gubernari, facile existimabit, qui cogitet, in corpore nostro nihil habitare boni, sed latere in eo semina atque fomenta innumerabilium vitiorum, quæ generositati puritatisque bonæ mentis, acerrime adversantur, eamque continuis perturbationibus ac insulsi- bus infestant, adversus quorum insidias si quis animum assidua constantiæ & honestatis meditatione pernitentius firmaverit, nã huic verisimilè dictum illud accinemus: *Tunc omnia regna tenebis, Cum poteris Rex esse tui.* (9) Hæc fuit illa celebris veterum philosophorum palestra, quam certatim nec sine magno plerique fructu calca-

vere, qui inter eos sapientiæ fama excelluerunt. Pulchri nobis atque beati videmur *Christiani*, quando illorum ἀρετῆς, & ἀνιδυλας, omnesque virtutes, ut *splendida peccata*, \* magnifice increpamus; ipsi plerumque ne minimis quidem affectuum incursionibus, ut omni die pudenda patet experientia, pares. Quin si jure nostro constantiam illorum, ut illa sane vitio suo non caruit, reprehendere volumus, censeo; demus hoc operam, ut frequenti intentaque exercitatione, mens nostra motus corporeos, quibus regali præest imperio, habeat in potestate, ne fallacissimis cupiditatum illecebris, importunisque affectuum irruptionibus cedentes, nos setvorum nostrorum libidini, turpissimæque dominationi subjiciamus. (10) Est operæ pretium *Auditoribus*, recognoscere, quam grande,

(T) 2

(9) Claudianus de IV. Conf. Hon. vs. 162.

\* Ita vulgo nostri cum *Augustino*, quasi vero Rationem inter & Fidem nulla intercederet differentia; eademque essent officia hominum moralia, quæ bona sunt opera Christianorum. Alia certe virtus hominis est ex ratione, & alia Christiani ex fide. Quamvis itaque virtus, ex ratione quæ est, *Christiana* non sit, virtus tamen est, actio nempe moralis suæ conveniens normæ. Et frustra Paulinum illud occinitur, in *Epist. ad Rom. cap. XIV. fin.* „ Quidquid ex fide non est, peccatum est; „ siquidem eam Apostolus fidem hic vocat, quam Christianæ libertatis persuasionem plus semel interpretatus jam fuerat, vs 5. 14. 22. Vid. Vitringa in *polyt., lib. V. Observat. cap. 18.* item ex Chrysostomo Erasmus d. l. denique locus Philonis apud Clericum *ibid.* Quod illud Plinii pertinet *lib. I. ep. 18. Quod dubitas, ne securis.*

• (10) Vid. Magni Dan. Omicili *Ars regnandorum assiduum.*

grande, quam sublime veteres de hoc sceptro bonæ mentis super affectus omnesque motus corporeos philosophentur; ut cui stylus eorum minus sit familiaris, inter participes divinæ conscientiæ versari se arbitretur; Facis rem optimam & tibi salutarem, hortatur Lucilium Seneca (11) si, ut scribis, perseveras ire ad bonam mentem. Non potest res tanta sine admiculo Numinis stare; Bonus vir sine Deo nemo est. Ille dat consilia magnifica & certa. Major ista res altiorque est, quam ut credi similis huic, in quo est, corpusculo possit. Sacer intra nos spiritus sedet, malorum honorumque nostrorum observator & custos. Hic prout à nobis tractatus est, ita nos ipsos tractat. Prope est à te Deus, tecum est, intus est. Quis non aliquem è schola Patrum hominem cælesti afflatu supra terrenas affectiones elatum, de sceptro Sancti Spiritus animos fidelium regente, concionantem audire se putet? Nec mirum, si hæc & talia legentes pii Patres Senecam in Christianorum numero ponendum judicaverunt. (12) Sed idem

ille Sapiens Romanus, qui tam altum adsurgebat, aliquanto deinceps humilior ingreditur. Quis Deus, inquit, incertum est, non sunt ad cælum elevandæ manus, propria virtus est, quæris, quæ sit? animus & ratio in animo perfecta. Quid est autem quod ab illo ratio hæc exigit? rem facillimam, secundum naturam suam vivere. (13) At nos è contra divinitus certi sumus, ni manus eleventur ad cælum, ni virtus inde aliena, supraque naturam mentibus affundatur, fieri non posse, quin miserâ atque deformi servitute pars melior nostri infra deteriorem proculcetur, & captiva teneatur. Quò minus ad severandum putamus, quod princeps recentioris scholæ philosophus (14) inter egregia multa, quibus interiorem hominis notitiam illustravit, ita tradidit; esse nullum adeo infelicitis hominem ingenii, adeò tenacem animi affectum, etsi congenitum aut vetustate corroboratum, qui jugi exercitatione, mentisque contentione, subigi expugnarique non possit. Facile equidem patiar, ut benevolâ inter-

(11) *Epist.* 41.

(12) Vid. Buddeus in *Anal. hist. philos. de Erroribus Stoicor. & de Spinozismo ante Spinozam.*

(13) *d. Epist.* 41.

(14) *Ren. Cartesius*, insuperius citata Commentatione, de *Passionibus animæ*, parti I.

interpretatione sublevetur adfertio, parum alioqui memor imbecillitatis humanæ, quam sacrarum literarum tabulæ passim nobis inculcant. Inde videlicet docemur, sceptrum, quo *bona mens* Christiana subiectum corpus moderatur, esse divinæ virtutis efficaciam; nec illam sine libro, ut etiam hac parte statuæ nostræ signa se suumque mysterium implere videantur. Illic liber non è porticu, vel Academiâ, non è peripato, vel ex horto, sed è celestis aula demissus, generique humano per Prophetas & Apostolos traditus, absolutam uberriamque bonæ mentis institutionem in quærentibus suppeditat, quâ de re latius agendi copia dabatur, nisi disciplinæ nostræ, huiusque loci, & auditorii expectationem egrederetur. Habetis ita descriptam, *Auditores*, Eugnomosynen, sive statuam bonæ mentis, ejusque frugiferam interpretationem, ut ejus aspectus non modo vos commonefaciat, ingenio jungendam esse variarum rerum è libris memoriâ; sed inprimis operam esse dandam, ut regnum *bonæ mentis* in affectus & voluptates, in omnia, quibus *mens bona* corrumpi,

& *mala mens* fieri queat, exerceatur; proinde etiam in pecuniam, quâ nihil in rebus humanis ad pervertendos animos, subruendamque virtutem exitiabilius esse, tam monita Sapientum, quam innumera ab omni ævo in utramque partem exempla docuerunt. Nonne vobis hac gratiâ veteres illi juxta statuam *bonæ mentis* scepro libroque insignitam, in eodem foro *Hermen Emporium* crumenam præferentem statuisse videntur? nam sic idem isle Codinus auctor est, (15) in foro Constantini, juxta *Eugnomosynem* fuisse statuam *Hermæ*, sive Mercurii, marsupium portantis. Exhibete vobis apud animos vestros BONAM MENTEM, ut Reginam vel Imperatricem scepro conspicuam, juxtaque vel infra eam *Hermen* pecuniam ostentantem; num qua rectius indicari potuisset, bonam mentem pecuniæ imperare debere; perinde ac omnia quæ homines arant, navigant, ædificant, virtuti parere *Sallustius* idem cujus modo de mentis imperio sententiam intelleximus, (16) scriptum reliquit? Non expectabitis, *Auditores*, ut latius in philosophiam hujus

(T) 3

loci

(15) d. p. 48. *Edis Dom.*(16) In *Belio Casil. cap. 2.*

loci digrediar, eorumque indignam animi servitutem suis coloribus describam, qui & ipsi obediunt, & cuncta faciunt obedire pecuniæ; cuncta dixerò, si in pectore, quod obsidet avaritia, generositatem funditus eradicari, nihilque nisi vile & abjectum in eo retineri dixerò. Sed vix est, ut omnibus persuasum iri putem, Constantinopolitanos hisce duabus statuis tam subtilem philosophiæ sententiam præsentare voluisse. Quod ad *Hermen* quidem attinet, Codinus ille noster ideo marsupium ei datum narrat, quod *Hermes* sit *emporius*, sive ἡ κερδὺς αἰνέσις, *lucris* videlicet *auctor*, atque etiam potentia. Quo facit quod de Phœnicibus addit, eos fingere deos gestantes crumenas, ὥς δὲ χρυσὸν συμβόλῃσιν ὄντι δυνάμειας, *ed* quod *aurum* sit *potentia* signum. sicut profecto, si pecunia desit, nulla pace bellove potentia durabilis esse potest. Proinde non spernenda fuerit Græcorum solertia, si juxta bonam mentem pecuniæ quærendæ rationem sibi cordi esse testati sunt: aliter ac philosophiæ Professores, qui

*fororem bonæ mentis paupertatem* esse prædicaverunt, (17) quod etiam Papinianus noster illis imputat, quando *vere philosophantes*, ait, *pecuniam contemnunt, cuius retinendæ cupidine fidam adseverationem detegunt.* (18) Græci recentiores, interprete Codino, rem alia civiliore viâ reputarunt, quando civibus suis *bonam mentem* ante omnia commendavere, non tamen eam, quæ paupertate magistrâ staret, verum quæ pro lato marsupio nummorum divitiarumque spem pariter ostentaret. *Bona mens* illis placuit, etiam in foro regendâque Republicâ exercenda; sed talis, quæ civitatem beatam reddere posset, non eo genere felicitatis, quale *Florus* Numantinis adscribit, quos in ipso horribili excidio, per extremam desperationem suis manibus patrato, *beatissimam* vocat *civitatem* (19) sed ejus generis, quod Princeps eloquentiæ *Tullius* moderatori civitatis propositum esse debere sentiebat, ut illa *copiis locuples, gloria ampla, virtute honesta* sit. (20) Hæc est illa demum solida verèque civilis beatitudo, quam Constantinus ur-

bi

(17) Petron. in *Satir.* cap. 84.(18) l. 8. § 4. *D. de Vacat. & excus. mun.*(19) lib. 11. cap. 18. *fin.*(20) lib. VIII. ad *Assic. epist.* 11.

bi suæ perpetuam vovebat, & cujus symbola in ipso foro civi-  
umque adspectu extare voluit, ut Eugnomosynæ, & Mercurio, doctrinæ pecuniæque, pariter studerent. Non, ut iidem homines mercaturæ literisque studiorum vacarent, sed ut intelli-  
gerent qui summæ Reipublicæ præerant, id agendum esse, ut utrumque studium in Republicâ floreret. Ita enim prudentissime Cæsar iudicabat, in quâ Civitate divitiarum cupiditas sine præsidio bonæ mentis regnaret, eam non magis esse duraturam, quam sapientia sine viribus opibusque securam reddere posset. Ne quid dissimulem, *Auditores*, etsi hæc utriusque statuæ significatio à priori interpretatione nostrâ desleat, adeo tamen evidens earum rerum cum his symbolis convenientia videtur, ut nullo modo refutari queat. Ni potius sit, ut hæc posteriora cum primis jungi aptæque conciliari possint. Fiat Eugnomosyne cum Mercurio, concurrat bona Mens & Mercaturæ studium, sed terineat sceptrum Eugnomosyne, regnumque bona mens super opes & pecunias exerceat. Denique Reges & Principes, quique liberis

civitatis præsumt, ut scepro imperioque desistantur in populis imperio coercendis, ita hoc ab ipsis sciant expectari, ut bonæ mentis sceptrum non minus quam summæ potestatis exerant, eoque se reliquis omnibus excellere testentur. Proinde non tantum in mercatores hominesque pecuniosos imperium se habere credant, quo tributis & vestigalibus eos exhauriant; sed ipsi pecuniæ imperare se posse, eaque reverâ superiores se esse declarent. Verum enimvero quam metuo, ne multi Rerum publicarum Arbitri hæc statuas scepro crumenæque insignes, multo secus ac nostra divinatio tulit, accipiant; dum sceptrum facile patientur imperium significare, Mercurium autem cum marsupio illud ipsum designare, quod alius inter antiquos voluit, qui rogatus quid esse *Respublica*, nihil aliud dixit quam, *aurea messis*! Quam vellem nos veteres solos aut exteros hæc causâ reprehendere posse neque malum hoc ipsa patriæ nostræ regimenta effrenem in modum occupasset! (21) Loquuntur id ipsum pudendo more leges sanctionesque, ad irritandum potius quam compefcendum

(21) Videtis conquerentes de inveterato isthoc m'lo Reidanum lib. XVII. Ann. ad ann. 1600. & Ubbon. Emmium de Republ. Eris. p. 36.

dum deforme vitium sæpius iteratæ. Quod nisi Deus inter plures, qui perverse consulunt, aliquos verè generosos, bonæque mentis memores Reipublicæ moderatores ad clavum collocasset, ne salus quidem ipsa nos in portum salutis subducere posset. Sint qui suffragia vendunt, qui functiones publicas auctionum more distrahunt; sunt etiam, quibus honos, religio, quibus fas fidesque pluris sunt; quibus, inquam, *mens bona* carior est, quam Mercuri ostentatum in foro marsupium, quam dolosi spes affulgens nummi. Quin forte non deest nobis, quod cum severissimis temporibus, veterumque in hoc genere populorum exemplis comparare possimus. Non sunt amplæ res nostræ, exigua Republica, modicis opibus; quo magnificentius & admirabilius est, *quadraginta millia Carolinorum pro uno suffragio oblata, inculcata, cum tabulis puris pro quibuslibet aliis conditionibus, recusare*: non oblata propter aliquod dominationis flagitium, sed ob alium alii in honore, sine præjudicio Reipublicæ, præferendum, nulloque in adversa parte præmio, nisi *bonæ mentis*, & integri Magistratus testimonio. Integra novæque opus esset oratione, *Auditores*, ad extollendam animi magnitudinem,

sanctitatem, constantiam, quæ in hoc abstinentiæ exemplo tam raro, tam inexpectato elucet. Sed eadem hilaritate, qua pecuniam sprexit *Ille Generosus*, facile patietur hoc exemplum sibi non imputari, quod claritudine novarum majorumque laudum minus in illo memorabile habetur, quam in aliis, æstimatum contra soli seculique mores, ab omnibus celebraretur. Sed ne ita quidem præclarum facinus auctorem suum laude, gloriâ, quodque majus utraque, & auro longe majus est, conscientia in æternum remunerari desinet. At nos, *Auditores*, ad initia nostra relabemur, & in illis aliquando videbimus, ut finem inveniamus. Non abhorrebat à specie veri conjectura nostra, cum primo statuam illam ad imperium Academicum referebamus; Postea de *bona mente* deque imperio in res memoriâ comprehensas, maximeque in affectus libidinesque, secundum symbola *Eugnomosynes* egimus. Omnia, nisi fallor, egregie occasione institutoque præsentī convenientia. Nam cui melius sceptrum atque liber, quam Rectori Academiæ sedeant? qui non modo sceptrum vobis regendis, sed & librum docendis vobis adhibere ac usurpare debebit?

Quia

Quin vos ipsi, *Juvenes Optatissimi*, non modo librum sed & sceptrum aliquomodo tractetis oportet: *Librum*, ut id cujus gratia in hoc bonæ mentis emporium confluxistis adipiscamini, scilicet eruditionis disciplinam; *sceptrum*, ut in vosmet ipsos malasque voluptates, quæ juventutem comitari solent, imperium exerceatis. Quo autem certius & constanter in hoc regimine, quod sæpe adolescentibus effluit, versemini, censeo diligenter animum advertatis ad hoc, quod modo nobis tradi vidistis *Academici sceptrum*, quodque præceptis è libro inculcandis vim salutarem publicæ au-

thoritatis adjungat. Quin hac ipsa hora in eum finem sceptri librique copiam vobis facere in promptu habemus. Ecce *sceptrum*, quod *Illustres Frisæ Ordines* in usum regiminis publici *Academici* concesserunt; & ecce *librum*, in quo leges, secundum quas mores vitæ studiorumque vestrorum componere debetis, insigni gravitate prudentiæque conscriptæ sunt; quas dum *Academici* scriba more solenni vobis recitabit, modesta attentione considerate, vobisque in exemplum eas mutuum proponite custodiendas.

## D I X I.



(V)

UL

# ULRICI HUBERI O R A T I O,

*De statuâ Eugnomosynes*

A L T E R A.



Uanquam de statuâ *Eugnomosynes*, quæ fuit in foro *Constantinopoleos* juxta effigiem *Hermæ Emporii*, non ita pridem copiosè disseruimus, ut secundum ejus symbola bonæ mentis studium vobis, *Ornatissimi Juvenes*, commendaremus, nescio quid tamen animo adhuc obversatur meo, quod ad ejus explicationem ita spectare videtur, ut nisi pariter explanatum fuerit, in iis quæ præcedenti oratione dicta sunt, nullo modo acquiescere possim. Tunc igitur, videor aliquem audire vestrum interrogantem, *retractas ea, quæ tam graviter, tam meditatè, & ex ipsa interiore philosophiâ deprompta, nobis inculcasti?* Non muto, inquam, nec opus est retractari, quæ, nisi vehementer fallor; cum dictis atque rebus à *Codino* demonstratis egregie convenie-

bant. Verum non hac in re solâ contingit, ut unius dicti ejusdemque rei diversæ significaciones dentur, quod præsertim in publicis inscriptionibus, in hieroglyphicis, in statuis & imaginibus docendi causâ propositis amat observari. Proinde nihil est quod miremini, *Eugnomosynen* cum sceptro libroque suo, præter bonæ mentis ideam imperiumque rationis in affectus animi, pecuniæque facultates, aliam non minus utilem elegantemque recipere interpretationem: Quam *Georgius Doufa*, qui primus, ut antea dixi, *Codinum* publici juris fecit, inde ab initio versione suâ nobis suggestit, & pro verâ propriæque recipiendam putavit; quando verba, *ἡ εὐνομία*, vertit Statuam *ÆQUITATIS*. Enimvero quod ad verbum attinet, ejus quidem simplicissima, & etymologica significatio,



catio, inprimis *bonam mentem* indicare videtur, sed usus vocabuli forte frequentior ad æquitatis demonstrationem inclinat, quam & Aristotelem modo *ἐπιείκεια*, modo *εὐνομία* in suis ad Nicomachum libris appellare videmus. Et quidem si obtineri potest, ut symbola, quæ hæc statua tribuit *Eugnomofynæ*, bene congruant *Æquitati*, credibile est, hanc sententiam melius civiliusque in usum nostrum, *Juris Studiosi*, quam quod de *bonâ mente* disseruimus, applicari posse: nam *æquitatis* intellectum ad Jurisconsulti officium Artemque vel inprimis pertinere, non potest ignorare, qui inde ab ipso limine templi Themidem salutavit. Jam si bene ad animum, quid sit *Æquitas*, adverteritis, non dubito, quin summa cum delectatione sceptri librique imitamentum ei eximie convenire sitis intellecturi. Nec minus evidenter vobis ostendam, quod ego dictum in disciplinæ symbolum, & ad declarandum *Eugnomofynæ* officium, pridem adoptavi, LEX ET RATIO, id ipsum in sceptro libroque & æquitatis expositione luculenter repertum iri.

Jam in describendâ æquitate, quem tutius auctorem sequemur, quam eum quem ad intellectus humani finem pervenisse veteres crediderunt, *Aristotelem*, à quo definitur, *ἐκείνου δὲ νόμου ὁ νόμος δικαίος*, *Correctio juris scripti*. (1) At officium corrigendi Leges, id est, scripta jura, si rectè pleneque consideretur, bifariam intelligi debet. Leges enim, aut revera suoque fundamento sunt duræ vel iniquæ, aut ob verborum generalitatem obscuritatemque videntur esse tales. Tu dices; Quæ prioris sunt generis, eæ pro legibus haberi non debent, nec animis hominum valent obligandis; omnis siquidem Lex, auctore Demosthene, *est inventum & munus Dei*, decretum vero prudentium hominum, imperatrix vitæ, *judei honesti ac inhonesti, regula faciendorum & non faciendorum*, (2) cujusmodi prædicata iniquis præceptis nullo modo congruere possunt. Facit eodem quod communiter hac de re ferri solet, *rationem esse animam legis*, sine quâ si Lex esse queat, poteris etiam *jus esse latrocinari, jus adulterare, jus testamenta falsa supponere*, ut Marcus Tullius in primo

(V) 2 mo

(1) Lib. V. Eth. cap. 10 ibiq. Giph. Addeſis Budæum ad Pand. in. & Auctorem nostrum lib. 1. Dig. cap. 6.

(2) Vid. l. 1. & 2. D. de Legib. ad eæque Auctor in Eun. Rom.

mo de *Legibus*. (3) Ego vero discernere vos cupio gradus iniquitatis; Sunt leges quæ absque violatione naturæ gravique scelere animorum exerceri non possunt, cujusmodi fuerint, quas Cicero designat; sunt etiam, quibus sine vulnere conscientiæ civibus parere quidem liceret, attamen duræ nimis acerbæque videntur. Jam de hoc genere *Legum Correctio* nostra propriè intelligenda erat; quanquam si qua prioribus similis inveniatur, hanc etiam correctionis indigam esse res ipsa loquitur. Sit igitur hæc species *Æquitatis*, quando lex nullâ verborum ambiguitate laborans, factique proposito exactè conveniens, ob rationes æqui bonique flectitur & mitigatur, quemadmodum de *Claudio* Tranquillus, (4) memorat; eum sæpe duriem *Legum* in judicando secundum æquitatem esse moderatum. Si exemplum desideratis, non potest illustrius esse quam quod Romæ in Senatu agitatum est, cum *Pedanius Secundus* urbis præfectus à servo suo trucidatus esset. (5) Vetus lex erat, ut fami-

lia omnis quæ sub eodem testamento mansitaverat, ad supplicium ageretur, (6) & apud *Fundanium* quadringenti utriusque sexus & omnis ætatis servi habitaverant. Non erat dubia mens legis, sed immane videbatur tot innocentibus ob scelus unius exitio dari: Ideoque tota civitas misericordiam Senatus & æquitatem implo-  
rabat, nec in ipso senatu de-  
rant studia nimiam severitatem aspernantium: sed lex & mos antiquus effecit, ut pars quæ supplicium decernebat, prævaleret. Non immerito jus illud æquitati, hoc est; mitigationi legis oppositum Græcis ἀντιβουλαιον, jus strictum rigidumque appellatur; imo non deest (7), qui hoc *summum jus summam injuriam* vocat; si non id maxime respectu alterius speciei quæ consequenter exponenda venit, intelligendum. Sæpe fit, ut leges ambiguæ aut nimis, quod sæpius accidit, generalibus conceptæ sint verbis. Ejusmodi dicta præcise adversus omnes sine discrimine rerum casuumque urgere & exequi juris stricti fuerit; sed ex-  
pen-

(3) *Cap.* 16.

(4) *Cap.* 14.

(5) *Tacitus lib. XIV. Annal. cap. 42.*

(6) *Vid. l. 1. r. D. de Sflo Silan.*

(7) *Post Terentium in Heaut. IV. 5. & Columell. l. 7. Cicero de Off. l. 10.*

pendere merita circumstantiarum legesque factis ita applicare, sicut ipse legislator sua verba, si adesset, interpretaturus videatur, id humanitatis & Æquitatis esse dicitur. Agit hac de re Marcus Tullius in oratione pro Cæcinnâ (8), ubi eos qui verbis & literis nitantur summo jure contendere ait, iisque opponit qui bono & æquo se defendunt, qui non ex callido versutoque jure res judicari oportere contendunt; scriptum jus, addit, sequi calumniatoris est; boni judicis, voluntatem scriptoris utilitatemque defendere. Placet inducere aliquot exempla quibus utitur Tullius ad rem declarandam. Edictum Prætoris de vi, datur dejectis; si proprietatem verbi consideramus prodesse non potest, nisi his qui præcipientes de superiore loco acti sunt; at si mentem ac sententiam Prætoris expendimus, non est dubium, quin auxilium ejus omnibus, quibus quoquomodo vis infertur, comparatum sit. Item actio prodita est in actorem præsentem, ait, his verbis; quandoquidem te in jure conspicio; hac actione Appius ille Cæcus uti non posset, si tam vere homines verba

consecrarentur, quam rem, cujus gratia verba sunt, considerarent. Pergit Cicero; Testamento si recitatus heres esset pupillus, isque jam annos viginti haberet, secundum juris stricti interpretes amitteret hereditatem. directè scilicet, hujus rei observatio solis legibus convenit, sed analogicè ad testamenta actusque inter vivos generaliter ambigève conceptos extendi potest. Hæc igitur est duplex Æquitas, & correctio legum, aut vere injustarum, aut quæ verborum hominumque vitio tales esse videntur. Utraque sub *ἐννομονόμης* vocabulo & sceptri librique significatione continentur. Per librum indicari Legem credo jam vos sponte præsumpsisse, Auditores; & sceptrum Principis aut Judicis (9) officium potestatemque tam propriè designat, ut verbis opus esse non putem ad id vobis approbandum; nisi Regum potius, quam judicum insigne putet aliquis esse sceptrum; quod ut primitus apud antiquissimas gentes ita fuerit usitatum, postea tamen inter Curulium Magistratuum apud Romanos decora. Sceptrum fuisse habitum, facile qui historiam urbis inspexere habebunt

(V) 3 In

(8) Cap. 77. seqq.

(9) Vid. Feithius lib. II. Antiqq. cap. 4.

in memoriâ. (10) Videtur igitur legem esse in libro *Eugnomosynes*, interpretem & correctorem in sceptro, quod manu ostentatum Principem Judicemve repræsentat. Sicut autem regnantis & judicantis admodum diversa ratio est, ita negari quoque non potest, quin aliter Princeps aliter Judex in legibus secundum æquitatis regulas corrigendis versetur. Cum enim quicquid Principi placuit Legis vigorem habeat, etiam hoc in potestate Principis inesse intelligitur, ut quibus casibus exercitio Legum durior acerbiorque videatur, iis benignâ dispensatione (11) tabulas Legum non tollat equidem, sed vertat paulisper aliterque decernat, quam mens & verba in hoc ipso casu faciendum fuisse dictabant. Ita quemadmodum fecisse Claudium Cæsarem modo retulimus, & quemadmodum Senatus, qui jure Principis judicabat, erga Fundanii familiam statuere potuisset. At respectu Judicis, qui solummodo minister Juris est, vere dici queat, *Legem esse rem surdam & in-*

*exorabilem, nihil laxamenti, nec veniæ habere, si modum excefferis.* Reges è contrâ esse homines, à quibus impetres, ubi jus, ubi injuriâ opus sit; esse gratiæ locum, esse beneficium, & irasci & ignoscere posse. Quapropter si qua lex non dubii sensus aliquo casu prædura & iniqua videatur, non est in potestate Judicis aliter sententiam ferre, quam lex manifesta jubeat; sed ad Principem Regemve negotii arbitrium referri oporteret, qui non modo Justitiæ, sed & gratiæ dispensationem exercere potest; Judicem vero clementiorem lege esse non oportet, ait Justinianus. (12) Idem de Juris interpretibus, quod in Judicibus, observandum est; non ille, si qua Lex disputando inepta, inutilis, aut injusta demonstrari queat, hoc agere debet, ut aliter consultus respondeat, quam legislatores voluisse cognoverit. Ulpianus id auctoritate suâ firmavit in libro quinto de adulteriis, \* ubi mulierem adulterii ream negat servos ancillasve manumittere posse, ne quæstioni subducantur, nec quidem eos, qui extra mi-

(10) Regum nempe, & Consulum Vid. Dion Halic. lib. III. cap. 76. & lib. IV. cap. 79. Vopisc. in Aurel. cap. 13.

(11) Auctor. de Jur. Civ. III. 2. § n. 8. seqq. ib. Thom.

(12) Nov. 82. cap. 10. junct. l. 11. D. de Poenis.

\* l. 12. § 1. ff. Qui & à quib. manum.

ministerium mulieris fuerint, quod quidem per quam durum est, ait, sed lex ita scripta est. Verum enimvero Judicis officium nullo modo expers æquitatis esse credendum est; nam illa species altera, de quâ superius actum, toto pertinet ad jus dicentis auctoritatem. Hoc, inquam, agere oportet eum, qui jurisdictioni præest, ut æqui bonique notitiæ jungat accuratam verborum, (13) quibus auctor legis usus est, explicationem, ut non modo externum eorum corticem, sed vim sententiamque habeat perspectam, eaque ita cum circumstantiis facti comparet, ut nihil inter partes statuatur, nisi quod Legislatoris voluntati sit consentaneum. Exemplis hanc rem latius illustrare supersedeo, Auditores, cum ea vobis ex superiore loco communi facile sit redigere in memoriam. Existimo quoque, sine difficultate, Juvenes Ornatiissimi, vos jam soluturos esse nodum, qui vobis à Constantino Imperatore nexus relictus est, dum ad Dionysium Volusiano & Anniano Consulibus ita cum Licinio rescripsit; *Placuit in omnibus rebus præcipuam esse justitiam*

*æquitatisque quam stricti juris rationem.* • Biennio autem post ad Bassum Præfectum urbis ita solus scripsit *Inter æquitatem jusque strictum interpositam interpretationem nobis solis & oportet & licet inspicere* • Adeone, Constantine, fortuna & victoria tibi spiritus auxerunt, ut qui cum Licinio Collegâ Judicibus æquitatem supra legis rigorem commendabas, deinde solus rerum potitus voluisti, ut placita tua iudices exequerentur absolute, non interpretarentur? Cum æqualem habebas Licinium, auctoritatem Principum æquitati subiciebas; cum omnes infra te in orbe videbas, tuum solius arbitrium legis & æquitatis loco simul esse volebas? In promptu jam vobis est alium hisce rescriptis in speciem contrariis dare sensum, Auditores. Ita vult Imperator in ea constitutione, quâ commendat æquitatem, ut, si verba legum acriorem duriorisque sententiam præ se ferre viderentur, quam Legislatorem voluisse credi par esset, Iudices æquitatem, id est, benigniorem humanioremque interpretationem amplecterentur. Quod si plane constaret, legis aucto-

(13) l. 17. D. de Legibus.

• l. 8. C. de Judic.

• l. 1. C. de Legib.

auctorem voluisse id ipsum, quod hic & nunc Judici durum acerbumque videatur, non patitur Cæsar, has partes corrigendi juris clari & certi à Juris consultis & Magistratibus usurpari; verum id ei soli, qui etiam novi juris condendi auctor esse queat, vult reservari. (14) Placet utriusque observationis exemplum inducere, quo momentum usumque earum rectius intelligatis, alterum Justinianus, & mos hodiernus alterum suppedabit. Cæsar in Authentica Collatione septimâ titulo primo sub finem (15) posuit hanc legem; *Qui ex complexibus, aut nefariis, aut incestis, aut damnatis, processerit, non est alendus*. Hinc plerique non modo Juris Censores osoresque, sed etiam patroni ac interpretes colleguerunt, ejusmodi proles alimentis à Justiniano indignas pronuntiari, adeoque destituendas esse, ut inopiâ inediaque tam cito quam nascuntur pereant. Non opus est rationibus, opinor, ad refutandam hujusmodi legis inhumanitatem; nec enim ex interpretibus aut inimicis Justiniani, fuerit qui neget, infantibus

culpam parentum non esse imputandam, nec innocentes alieni criminis supplicio opprimendos. Quid facias tamen? verba Cæsaris clara & certa esse videntur: Ejus ne Cæsaris, qui tantam φιλανθρωπίας & humanitatis rationem ubique præ se fert? qui passim juris antiqui rigorem, quasi posteritas ei par esse non posset, improbat, emendat, abrosgat? eum quasi novum Busrin, aut Saturnum, recens natis infantibus exitium destinare, propter scelus parentum? Ergone Magistratus heic etiam subsistent, aut dictis parere cogentur, ut vel extinguant parvulos, aut Principem super alimentis eorum consulant, ut inter moras rescribendi elidantur animulæ? Imo verò quis credere possit hanc esse mentem sacratissimi Imperatoris; quis non æquitatem heic juris rigori prætulit? Admodum vereor, ne non hujus sententiæ auctoribus objectare liceat, quod Menander olim scripsit, τὸν νόμον τὰς νόμους λίαν ἀντιβῆς, συκοφάντη εἶναι φαίνεσθαι. *Eum, qui Leges nimis accuratè examinat, calumniatorem esse videri*, (16) quod videlicet

(14) Quae authentica interpretatio adpellatur. Ziegler de Jure Majest. lib. 1. cap. 6 § 9.

(15) Nov 89. cap. 15.

(16) Apud Scobæum titulo 165. p. 455.

licet in summi strictique juris captatores dictum esse, facile constat. Mihi non absurdum videtur, hanc Menandri sententiam invertere, ac ita efferre; *eum qui leges minus accurate examinat, calumniatorem esse videri*; sicut de eo, qui particulâ legis inspectâ, iudicium de totâ ferre non dubitat, alicubi scriptum est (17), idque in hâc specie, & interpretatione Legis, usu venire videtur. Justinianus in prædicta constitutione *Novellâ*, agit de *liberis naturalibus*, id est, de concubinâ susceptis, & in ultimis capitibus, eorum successionem ordinat, quam scimus ideo liberis in parentum bonis naturali ratione deberi, quia nihil magis naturæ conveniens est, quam unumquemque operam dare, ut in quem procreavit, in mundo subsistere possit; ideoque per consequentiam alimentorum hereditates paternæ liberis deferuntur: proinde qui ab hereditate seclunduntur, hi non aliter habentur, ac si alimentis indigni fuissent declarati; & rursus, qui in lege quâ de successione agitur, quos-

dam obiter non esse alendos memorat, tantundem dicere videtur, atque si à *successione* excluderentur. Vel dic, si mavis, Imperatorem ad notandam efficacius facti sceleritatem, naturæ necessitudinem præcidere voluisse inter liberos & Parentes, qui naturam perverterunt; nec decorum censuisse, ordinariam alimentorum petitionem ei concedere, cujus natales sine execratione memorari non possunt; Quo minus autem publice ali jubeantur ejusmodi infantes sumptu quoque parentum, non modo nihil ob stare, sed ratio quoque summa & indubitata mens Justiniani flagitare videtur. (18) Hoc igitur sit exemplum *æquitatis*, quam iudices ac interpretes sui arbitrii facere possunt. Quod sequitur diversi generis esse facilius intelligetis. Plurium populorum *Leges adulteros pecuniâ, fures*, non modo plagarios, & abigeos, sed & simplices, inquam, fures capite multandos sanciant, præter Juris Divini, Romani, omniumque gentium antiquarum (19) exempla & auctori-

(X)

stor.

(17) *l. 24. D. de Legibus.*(18) *Civilia* alimenta iis negantur, non vero *naturalia*. Vid. *l. 4. D. de agnosc. & al. lib.*(19) *Polygamia* & *divortiorum* licentia polnas adulterii exasperasse, prohibitio minuisse videtur, quo recte observato multum dubii evanescet.

floritates; nec minus contrâ justitiæ æquitatisque præscriptum, quod vult æqualitatem criminis pœnarumque religiose servari: cujusmodi tamen inter contrectationem rei mobilis alienæ, vitæque hominis; aut inter violationem thori conjugalis, pecuniamque modicam, nulla comparari potest. Quid autem, an ubi leges ejusmodi obtinent, ibi Judicium arbitrio relinquitur, utrum fures suspendi, adulteros gladio feriri oporteat, an secus? Nequaquam, sed heic obtinet *Constantini* dictum, Principem sibi soli discretionem juris & æquitatis vindicare. Sed est una furti species, in qua Judicibus arbitrium Æquitatis haud gravate concesserim, & est memorabilis exempli. Extat *Hadriani* Cæsaris rescriptum, quo *abigeos*, cum durissime puniuntur, ad gladium damnari solere adfirmat; \* quæ verba de pœna gladii, sive decollationis, ita ut sonant, capienda videntur, ac ita plerumque etiam ab his, qui interpretationibus suis vim addere possunt, accipiuntur; etiamsi & Divini Juris exemplo, & rationi modo nobis expositæ refragetur.

Quod si verba neutiquam alium recipiant sensum, nihil hærendum, quin judicem aut exequi hunc rigorem, aut abdicare se oporteat; at est ita, ut executio procedat, etiam ubi genuina Juris Romani auctoritas religiosissime servatur. Ego vero saniorum ejus rescripti intellectum æquitati, sententiæque mitiori, locum facere debere aliquando existimavi. Nam per *gladium* ex mente *Hadriani* non strictum ens, sed ludum gladiatorum esse intelligendum, *Sandius* ipse, Decisionis contrariæ scriptor & laudator, fatetur: At ludus ille per *Constantinum*, inquit, sublatus fuit; idcirco tempore *Justiniani* damnatio ad gladium non nisi ad momentaneam decollationem referri potest, utcumque *Hadrianus* ludum designasse videatur. Recte, si non *Justinianus*, aut ejus Amanuenses, pleraque suo tempore moribus obsoleta, veteri tamen sensu *Pandectis* inseruissent, quod innumeris rerum documentis probari potest; ut dubium mihi non sit, quin noster *Flavius* Cæsar *Hadrianum* introducens loquentem, haud alium ei sensum, quam cujus ipse sibi

\* l. 1. ff. d. *Abigis*.



sibi conscius fuit, affingere voluerit. (20) Ideoque bonus & æquus Judex, salva religione Cæsareaque Majestate, abigeos ita punire potest, sicut proportio pœnæ, quâ damnati non consumeantur sed post lapsum temporis pileum rudemque cum libertate sperare poterant, exigere posse videbitur. Sed ut video, sufflaminanda est oratio; ne longius excurrat in legalis Philosophiæ spatia, quam modus instituti & hæc hora patiatur. Credo, me vobis secundum ea quæ disseruimus, haud difficulter approbaturum, *Æquitatem*, sive judicium corrigendi Leges, nihil aliud esse, quam *Rationem* cum *Lege* conjunctam. Nam sive Princeps, aut Senatus, qui jura Principis exercet, arbitraturi sint, utrum leges ob asperitatem in certis casibus emendandæ; an, ut scriptæ, ita exequendæ sint; sive judices verba legis cum probabili mente sententiæque legislatoris secundum merita causarum comparare velint, manifestum est, utroque casu tam *libro* opus esse, id est, accurato examine verborum Legis, quam *ratione*, sive ingenio judicioque veri à falso, æqui ab iniquo, liciti ab illicito separan-

di. Quam ad rem non modo prudentiam, sed etiam *ἄγχινοίαν*, ut *Codinus* addit, id est perspicaciam subtilitatemque, requiri bene sentiunt, qui Jus Latinum, ut est hodie contractum, seriò student. Nec enim unamquamque legem sufficit examinari, sed omni corpore Juris diffusas *Æquitatis* regulas, deque isdem similibusque rebus, inter se conferre, perpendere & applicare præcepta oportet, ut in quoque genere quæsitum super æquo strictoque jure gnarus & adseveratus esse possis; quò pertinet, quod *Εὐνομίαν*, id est, *Æquitatis Arbitrum*, memoriæ, quæ in libris exercetur, apud *Codinum* indigere dicitur. Denique, *sceptrum* esse *Rationis* atque *judicii* symbolum, præcedenti oratione tam clarè demonstravimus, ut jam nihil hæsitandum sit, quin *Statuæ Eugnomosynæ* cum *sceptro* libroque suo bene signatæque *LEX & RATIO* inscribi possit. Nihil ut interea priori sententiæ derogemus, quominus per *Eugnomosynem* secundum *Doussæ* versionem *ÆQUITAS* intelligatur, sine præjudicio bonæ mentis, quam & verborum interpretatione, & signorum convenientiâ, tam evi-

(X) 2 den-

(20) Ita vero jam Cujacius lib. XIII. Observ. cap. 10. Conf. Interpp. ad Cellat. L. 2. Meij. & Rom. tit. XI. num. 7.

denter antehac *Codini* statux ac-  
commodavimus, ut ratio nulla  
sit, quamobrem in eam partem  
dicta, disputata denuo rejecta  
& improbata velle videamur.  
Quid enim opus est, cum *Æqui-  
tas* sit etiam pars *bonæ mentis*,  
quam pridem ex ingenio memo-  
riæque constare docuimus? queis  
facultatibus *Æquitatem* administra-  
ri jam modo comprobatum est.  
Quid porro *menti bonæ* convenit  
elegantius & efficacius, quam  
benignitas & humanitas, quæ  
virtutes *Æquitatem* absolvent?  
nonne & *Εὐνομοσύνη* comitatem,  
consequenter *bona mens* bonum  
& benignum animum affectum-  
que significat? At quæ virtutes  
affectionesque civitati, foro,  
commerciis, totique Reipubli-  
cæ, melius sedent, quam hæc  
præstantia dona *Eugnomoſynes*?  
proinde quid in foro novæ urbis  
sue *Constantinus Cæsar* aptius  
ostentare poterat, quam *Æquita-  
tem* juxta *Hermen emporium*, præ-  
sidem mercaturæ Deum? Nam  
ut hæc urbi frequentiam, civi-  
bus abundantiam, imperio toti  
florem vigoremque conferret,  
palam esse debebat, non jure  
stricto rigidoque, non herili ty-  
rannicove imperio, sed *ex libro*,  
id est, secundum leges, atque  
benigne humaniterque cum mer-

catoribus actum iri. Nihil enim  
hos utiles mundi incolas post fa-  
ces Bellonæ magis terret, offen-  
dit, abigit & fugat, quam rigor  
& duritia imperii, quam inhu-  
manitas Magistratum, denique  
sub juris prætextu quam calum-  
niæ & ambages judiciorum. Hoc  
bene constanterque servatum vi-  
debat Imperator, urbi suæ pecu-  
niam viresque inexhaustas suppe-  
ditaturum, ita quemadmodum  
*Codinus marsupium à Mercurio*  
prolatum, & *Eugnomoſynæ* con-  
junctum atque subjectum inter-  
pretatur. Denique, non *Constan-  
tinopoli* modo, sed ubique terra-  
rum patet usus & argumentum  
hujus copulæ, quâ *bona Mens* &  
*Æquitas* cum *Mercurio*, scep-  
trum cum *marsupio*, quin & li-  
ber atque crumena pari ambu-  
lant passu eodemque foro consi-  
stunt. Prudentiores fuere *Con-  
stantinus*, & domini Gentium  
Romani, quam plerique Monar-  
chæ secutis temporibus visi sunt;  
qui scepro non convenire mar-  
supium, neque regno mercaturæ  
studium putarunt. Quæ res, ma-  
jorum nostrorum memoriâ, quod  
velim observetis, *Auditores*, ma-  
ritimis Germaniæ civitatibus,  
quas *Hanseaticas* vocarunt, tantas  
opes copiasque suppeditaverunt,  
ut magnis Principibus pares ali-  
quando

quando fuerint. (21) Ni potius altera, quam diximus ratio, Humanitatis & Equitatis, in causa fuisse videatur, quando satis constat, *Eugnomosynem* in liberis civitatibus sceptro libroque suo sanctius usam esse, quam in regnis libido dominantium ferret. Nec forsitan alia florentis in Bataviâ mercaturæ causa validior adduci potest, dum è regnis undique in atrium libertatis, in emporium *Eugnomosynes*, hæud minus quam *Mercurii*, Apes illæ generis humani confluerunt: ubi videlicet sceptrum libro conjunctum erat, imperium legibus & æquitati; ubi sub sceptro cives libri non minus quam marsupii liberum habebant arbitrium; etiam scilicet illius libri, quo *bonam mentem* Christianus homo potissimum formare ac instruere debet. Non defuit ratio postea cordatioribus Monarchis, ut etiam *Constantini* exemplo *Mercurium* sceptro suo, utcumque marsupio conspicuum, adjungerè non dedignati sint, nec ullis artibus ad alliciendos illius

Dei cultores parcendum existimaverint. Nos illud comprecemur, ut supremis rerum humanarum *Arbiter* Proceribus nostris *Bonam Mentem*, *Æquitatemque* largiatur, ut *sceptrum Eugnomosynæ* super cives suos vibrare, nec minus ut *libri* curam habere perseverent. *Libri*, quo Reipublicæ regendæ ratio Legesque continentur, *libri*, quo salutis æternæ secreta panduntur, & Auctoris *Divinæ* voluntate nobiscum communicata sunt. Ita futurum est, ut non modo justè pacatæque populum sibi commissum, servatis legibus & æquitate, gubernent, sed ut eundem temporalibus æternisque bonis, veræque cornu copiæ tueri & locupletarepossint. Vos autem, *Præstantissimi Juvenes*, iterum atque iterum monendi horrandique estis, ut bonæ mentis æquitatisque studium nova pulcherrimæque animati ratione, magis magisque colere & exercere, vobisque ad eadem bona spem aditumque certum parare velitis.

(21) Ab sæculo usque XIII. medio, qua de re *Werdenbagius* & *Hagenmeyerus*, data opera scripserunt. Conf. *Herm. Cönnig de Urb. Germ.* § 98. seqq.

## D I X I.

# ULRICI HUBERI LEX & RATIO

sive de

*Eugnomosyne* Oratio III.

**D**Uabus Orationibus de  
statu *Eugnomosynes*, de-  
que libro atque sceptro,  
quibus prædita fuisse di-  
citur, habitis, *Auditores*, ne sic  
quidem interpretatione doctrinæ,  
quæ per illa symbola significatur,  
nos esse defunctos, credo equi-  
dem fore qui mirabuntur. Ego  
verò, si indulgere stylo, & elo-  
quentiæ vela pandere voluissem,  
de singulis horum signorum my-  
steriis, quæ sex & amplius ex-  
posita sunt, facile totidem justas  
Orationes dare me potuissem, ve-  
lim existimatis. Nam de sceptro  
atque libro, quæ Academiis, quæ-  
que Principibus, ad conjungen-  
dam Imperii Majestatem cum  
gloriosâ doctrinarum notitiâ tri-  
buuntur, quam benigna dicendi  
copia se præbuisset! Bonæ men-  
tis studium in ingenii memoriæ  
que facultate exercendâ, *Ratio-  
nis* imperium, corporis obsequi-

um, liber quo mens ad salutarem  
hanc potestatem instrui possit,  
*Hermes* denique *Emporius*, pecu-  
niæque contemptus, & utilitas  
in Republicâ, res erant, quæ  
multò latius quam à nobis factum,  
explanari potuissent. Novissima  
de *Æquitate* fuit oratio, quam si-  
cut de scientia corrigendi Leges,  
ut debebat, explicavimus, ita  
fere nihil aliud eam esse docui-  
mus, quam LEGEM & RATIO-  
NEM; quæ verba dein supra ef-  
figiem *Eugnomosynes*, quam pro  
symbolo exercitationibus nostris  
præfigendo adscivimus, colloca-  
re non dubitavimus. Nam sive  
Græca vox illa per *Æquitatem*, si-  
ve per bonam mentem reddenda  
sit, utroque sensu LEX & RA-  
TIO in *Eugnomosyne* manifestò  
réluceat. *Æquitas* tota nihil aliud  
est, ut diximus; Bonam mentem  
plura complecti jam pridem co-  
piose probavimus, sed respectu  
Juris

Juris studiosi naturam ejus in hoc ipsum inprimis resolvi, argumentum hujus Orationis esse debebat. Nihil enim vetat idem dictum, eademque symbola *Eugnomosynes*, ad plura studiorum sapientiaeque documenta produci. Mihi verò peculiariter hæc libri *Sceprique* interpretatio per *Legem* & *Rationem* placuit, quod nihil aptius & efficacius cognoveram, quo consilium vobis ad studia vestra suggerendum, *Juvenes*, *Ornatissimi*, fundaretur, Legum eruditio vobis est proposita, sed ni rationem ubique conjunctam teneatis, cæcam imperfectamque Juris scientiam scitote vos habituros. Non solum Philosophi, sed & Jurisconsulti hanc oportet esse sententiam; *Felix*, qui potuit rerum cognoscere causas. Futilis & fluxa studiosi hominis disciplina fuerit, quæ in solâ præceptorum memoriâ sine luce rationis consistit. Jurisprudencia ad imperandum judicandumque, id est, ad sceptrum vibrandum nata & idonea facta est; Quid autem res divinas & humanas imperio temperat atque gubernat, nisi *Ratio*? Quid civium controversias & Reipublicæ fata

componit ac moderatur, nisi *Ratio*? denique Lex ipsa quid est, nisi fons & Fundamentum ejus sit *Ratio*? Obiectatur, sed immerito, Arti nostræ, quod ipsi conditores ejus ita tradiderunt; *Rationes eorum, quæ constituta sunt, inquiri non oportet*, idque propterea quod non omnium quæ à majoribus tradita sunt ratio reddi potest, \*quasi pudendum vel ignorantie vel servitutis asylum in his dictis contineatur. Enim vero non ita Juris consultos inducere animos oportere, uti quæ non intelligunt, improbare, legumque vigorem ab æstimatione suâ pendere velint, dicere jam occupavimus. Id enim si procederet, multa quæ nunc certa sunt, subverterentur, ait Neratius in libro sexto membranarum: satis est ad vindicandam Legum auctoritatem, eas non pugnare cum necessariis æternisque boni honestique regulis, etsi cuncta rationum singularia, post longam ævi memoriam forte minus sint conspicua. Sed qui Romanæ Jurisprudentiæ scrutati sunt adyta facile norunt, ejusmodi capita vel nulla, vel rarissima, in libris Justiniani esse relictâ; verum ut artis hujus initia

\* l. 20. l. 21. ff. de LL. Verba *Juliani* et Cicerone expressa esse observat *Ritterhufius*, lib. 11. *Sar. l. 1. cap. 4.* Vid. post. *Mornacium* ad d. l. 20. Cl. *Heineccius* in præf. ad Princip. Pand. p. 13. 1733.

tia ex ipsis naturæ principiis educta sunt, ita nihil imprimis huic fundamento nisi incorruptæ rationis cynosuræ conveniens inædificatum est. Sed heic velim observetis, *Præstantissimi Juvenes*, tametsi ratio sit anima Legis, non esse tamen ut in omnibus infinitisque rerum casibus, eundem à lege rationis tenorem exigere fas sit; Nec proinde tutum usque quaque fuerit, ut ubi ratio legis cessat, ibi continuo sanctionem quoque legis cessare putetis. (1) Lex est generale præceptum, quod sufficit in universum prodesse Reipublicæ, utcumque privatos aliquando præter rationem affligere videatur. Proinde, quibus accidit, ut ratio legis cesset in *universum*, ibi non potest aliter, quin ipsa lex & ejus sanctio desinat; at in singularibus factorum speciebus non raro secus evenire, poteram exemplorum evidentia docere, si tam Orationis quam Prælectionis argumento consentanea viderentur. Jam porro, si Lex sine ratione non præstat felicem Jurisconsultum, multo minus, *Auditores*, Ratio sine *Lege*, sine exacta legum,

*inquam*, notitia, nomen & officium Jurisperiti ullo modo implere potest. Da mihi philosophum, da oratorem, historiarum & antiquitatis cognitorem, eosdemque Juris studio perfunctoriè tinctos, sicut reperiuntur, & qualis olim celebris orator, *triduo*, si vellet, Jurisconsultum se fore minabatur; næ talis in respondendo, in judicando, facile temeritatis stultitiæque convincetur. Hujus generis Doctor Juris fuit ille magnus alioqui *Justus Lipsius*, & si *Wissenbachio* nostro credimus, etiam alius recentioris memoriæ vir æque magnus; quorum ille (2) de suo doctoratu nihil quam nauseam odiumque Legum retinuit; hic vero, cum de *paradoxo Juris* edito libro, derepente Jureconsultum venditasset; eoque disputationibus artis, quibus undique petebatur, implicitus se tueri cogeretur, continuo palam fecit, quam *Ratio sine Lege*, dissimilem Jurisconsulto exhibeat Doctorem; dum positiones à disciplina legum abhorrentes ei passim exciderent, & nodos, quibus impar erat solvendis, lectionibus immutatis, ense

(1) Nonnulla hanc in rem disputata à me videsis *Lib. II. cap. 5. Lect. Jur. Civ.*  
 (2) Vid. Lipsius in *Mém. Polit. lib. II. cap. 10.* & Lud. Vives *lib. VII. de corr. dñe. p. 209.*

ense refecaret. (3) Nec verò tantum hæc res in Academiâ se prodit, sed multò plures in foro *Jureconfulti* id genus *Rationales*, si dicere fas est, reperiuntur, qui studiis, hoc est, *Legē*, multo aliis inferiores, judicandi tamen audaciâ volunt cedere nulli; à quibus habet *Europa* praxin illam excellentem, qua tot præclara Juris Romani capita rationalibus illorum inventis attrita & obsoleta sunt. Operæ pretium est audire, quamobrem in judicando se facile doctissimo cuique pares esse posse contendant. Nonne jus, *ajunt*, nostrum est interpret *Juris Naturæ*, nonne cuncta quæ sita præscripto liquidæ sanæque rationis finienda sunt; quid aliud igitur quam justī rectique vis judicii, cujus facultas à naturâ tribuitur usuque exercetur, ad judicandi partes requiritur? vel si quid Artis præcepta regulæque ad hanc rem adjumenti conferant, forte an Advocatis illorum memoriâ opus sit, à quibus Judici exponuntur; hic vero si ratione judicioque polleat, etsi per se leges non teneat, facile tamen, utra pars melius sentiat, existimare potest. Ecce (nam e-

legantior est comparatio, quam ut prætereunda sit) missum exquisiti & sapidioris cibi parare coqui est artificium, non cujuslibet Patrisfamilias; sed gustando periculum facere, utrius de duabus patinis *jus* sit melius, simplicissima naturæ facultas est; nam ut exacta collatio sit, de *jure* in utroque similitudinis exemplo agebatur. Vim huic rationationi addit, quod argumentum ejus experiētiâ firmari videtur; cum tot Doctores, qui *Leges* in Academiis bonâ fide non didicerunt, quibus nec postea curæ fuere, nihilominus *Judicium officio* fidenter graviterque fungantur. (4) Non potest negari, quin id ita palam usu veniat, etiam hoc verum esse fatemur, multos eorum qui de *jure* cum disseritur, obmutescunt, ubi ad *facta* se contulerint, longè melius expedire se posse; quæ res *Hobbesium* Anglum quoque movit, ut in suo *Leviathan* scriberet, Advocati munus eruditionem dicendique facultatem requirere, Judicem ejusmodi præsidii carere posse; cum jus ei suggeratur, eloquentiæ ab eo nihil, quam ut animi sententiam

(Y)

ex-

(3) Salmasius indicatur in famosa de *mutuo* questione.

(4) Gravissimam de vernaculo hoc malo querelam; videre est apud Ampl. Praesidem Bynkershoekium, *praef. prioris volum. Observationum*, p. 2. seq.

exprimat, desideretur. (5) de *Hobbesio* nihil miramur, dum *Rationem* sine *Lege* Judicem facere posse contendit; cum parum ab sit, quin & Theologum sine verbo Dei sibi formet, utique saltem hoc *Rationi* non obscure sub jiciat, ac eos, qui divini afflatus conscientiae quicquam in rebus fidei tribuunt, *Apostatas Rationis* appellet. Quod si in *Anglia*, quæ jure scripto non multum, Romano prorsus non utitur, è mediâ plebe homines aliquando Judices fieri videmus, relinquamus id suo loco: de nostris autem dicafteriis, quæ Arte Justinianeæ reguntur, adseverare licet, ea non posse non infelicitè administrari ab his qui *Legum imperiti* sola ratione ingenii quæcumque freti, gravissimum iudicandi munus subire non verentur. Fateor iterum in tralatitiis & vulgaribus causis, ut sunt maxima pars litium, eos sine difficultate versaturos; fateor etiam, si iudicem in arduis rebus alterutra facultate vel legum memoria vel acri rectoque iudicio, desti-

tutum esse oporteret, *Rationem* longè majoris esse momenti quam *Legem*; sed ferre non possum hanc inscitiae arrogantiam, quâ homines indocti *Legem*, se primo intuitu perspicere posse imaginantur, quid justum & æquum sit, etsi regulas à Veteribus longâ meditatione multâque disputatione conditas usuque recognitas atque probatas, ignorent. (6) Judices *Caligulâ* Imperatore digni, (7) qui insensus aliquando Jurisconsultis iminabatur, se facturum, ut nihil esset iis, quam æquum, quod responderent; hoc est, se leges, in quibus eorum doctrina consisteret, aboliturum, ut juxta nativam rationis normam æquitatemque nudam consilia dare cogerentur. Non opus est dicere, si id effecisset, dignam *Caligulâ* futuram fuisse Rempublicam, Jus fortunæque civium in manu Principis, in libidine magistratuum, nihil in quo rerum hominumque securitas requiescere potuisset. Propius ad rem pertinet, quod sanè Jus Romanum est interpres fidelissimus *Juris* Na-

(5) Cap. XXVI. *Leviath.* p. 134. junct. cap. V. p. 20. seq.

(6) Inepte arrogantium exempla habet Jo. Saxo Hattapedius, de *Gloss. Accurs.* p. 56. seq.

(7) Suet. cap. 34. ubi ex antiquis libris Casauboni omnino legendum est, ne qui respondere possint præter eum. Unde vero Auctor & æquum crucis, me fateor ignorare; vera certe lectio non est.



Naturæ, qui tamen non semper cum tuo naturali judicio, solertissime Cognitor æqui, conveniat. Et si enim Jus Naturæ nunquam à sensu communi abhorreat, civilia tamen negotia tam varios habent adspetus, tot habent singularia facti, tam infinitos casuum recessus, ut certis rationibus regulisque non nisi magnâ curâ exactis, multoque temporis usu firmatis, æqualiter dirigi possint. Quas cum Romani sapientissime excogitatas, tot seculis exercitæ elegantissimæque excultas reliquerint, quod erit os illius Judicis, qui secundum illas judicare jussus, audebit dicere, fieri potest, ut *hoc aut illud ita secundum leges antiquas ordenandum esset, verum mihi non videtur æquum; ideoque secus judico?* Atque utinam hujusmodi voces in foro Curiisque rariores essent, quàm castigatæ limatæque secundum artis sanctissimæ regulas sententiæ! Jam si modestiores alii, Patronorum utriusque partis diligentiam suam instrui posse putent imperitiam; næ illos fallit ratio, atque refellet experientia. Fallit eos ratio, quoniam Advocati potius id agunt, ut Judicibus quod ipsi volunt persuadeant, quam ut veras ju-

ris rationes legumque dictata genuino repræsentent. Experientia refellit eos, non modo dum idem exhibet ob oculos; sed etiam cum animadvertent, sapientissime fieri in judiciis, ut partium Advocati ne quidem in conspectu habeant loca juris, unde petenda decisio, quibusque merita factorum applicari debeant. Nuntum Judex est memoriâ Legum, judicioque secundum eas bene composito, jura quæ Advocatis defunt, supplere possit, væ miseris partibus cunctisque civibus, quoties de capite fortunisque judicio, velint nolint, certare coguntur. Et hinc facile colligetur, *Auditores*, quid de facietâ comparatione juris cibarii & legalis, qua nonnullos sibi placuisse diximus, sit existimandum. Si gustator juris esculenti non modo discernere, quid sit sapidius, verum etiam indicare possit, quid huic aut illi juri desit, quoque addito vel exempto gratius effici possit, hunc rei *cocinatoriæ* \* scientem esse non negabimus; qui verò nihil aliud novit quam inclinare ad id, quod palatum suum dulcius afficit, cum id cuiusvis sit, hunc ideo condiendi artificem esse nemo contendet.

(Y) 2

Præter

\* Ita in l. pen. D. de pen. leg. sed leg. cum Cuiacio LL. Obj. 6. *cocinatorias*, ex l. 19. § 12. de aur. arg.

Præter quod sapor palati nullius artis & institutionis eget, quod de sapore iusti injustique infinita perplexitate rerum humanarum multò secus esse, nec ipsos hujus comparationis auctores putem esse negaturos. Nec adeo quisquam audebit aperte negare, Rationem sine *Legis* exactâ notitiâ non magis efficere Jurisconsultum, quam Lex sine ratione magistrum ejus artis, quæ vera non simulata *philosophia* audit, (8) absolvere possit. Sed placet, *Optimi Adolescenter*, vobiscum paulò propius, in usumque vestrum efficacius, sceptrum librumque *Eugnomosynes* contemplari, hoc consilio, ut *Legis* notitiam *Rationis* auxilio promptam facilemque comparetis, comparatam æque facile promptèque suo tempore exerceatis. Qui imperium habet, is solo nutu sceptri facit, ut jussa cogitataque sua dentur executioni, æque promptè Jurisconsultum regulas Artis quæstionibus, factorumque speciebus applicare posse cuperem; ubicunque difficultas insolita longior non postulet moram; quemadmodum Imperii nemo tam absoluti fuit unquam, cui ad quemlibet sceptri motum paratissimi

licet ministri in gravissimis rebus incontinenti parere potuerint. Hanc eruditionis promptitudinem habilitatemque non aliter in studio Juris, *Auditores*, adipiscimini, quam si hæc vobis prima, media, postrema sit regula & axioma, cujus modo meminimus, *LEX & RATIO*, id est; *liber & sceptrum Eugnomosynes*. In his duobus vim Themidos juridicæque eruditionis contineri, date paulisper audientiam, dum Studiosi, Professoris, Advocati, Judicis respectu, clare breviterque probem, & si potero, singulis persuadeam. *Lex* igitur est *liber*, & quis liber non est difficilis conjecturæ; quem enim Juris studiosio commendemus, nisi ἡ ἰσὴ Τερβωνισιὸς μεγάλῳ κάμῳ παμβασιλῆϊ, ut Florentinæ in fronte Pandectæ habent; quem *Cæsar Magnus* *subjeſto* tradidit orbi? Unus est liber quem manu præfert *Eugnomosyne*, & hoc Justiniani libro studiosos Juris inde ab initio contentos esse velim; satis magno tamen illo, qui universum disciplinæ Juridicæ corpus amplectatur. Quæ res inde primo intuitu consilio meo tribuat auctoritatem. Namque si tam ingens volumen novis Justinianeis discen-

(8) *l. 1. § 1. D. de l. et l.* quam egregia Oratione illustravit civis, doctor, & doctissimè noster *Bv. Otto*, Reip. Bremensis cum maxime Syndicus Primarius.

discendo subigendum est, quis ferat illorum initia pluribus onerari, quis non potius de laxamento compendioque laboris in gratiam tyronum cogitet? Nec defuit ipse Justinianus huic prudenti temperamento, *Institutio-* num libello suis auditoribus omnium primo hac sine præparato. Cujus epitome perceptâ, certis passibus ipse Cæsar humanissimus eos per Pandectas, & Principium Constitutionum codicem, quasi manu ducit, neque patitur aliis libris discentium curam distrahi, nisi quod *brevissimis positionibus admonitoriis* adolescentes præmuniri, lectionemque regi, permittit ac etiam suadet. Nam per has fundamenta *rationesque* singulorum juris locorum methodicè collocari, & in antecessum rudibus Studiorum insinuari possunt; neque metuendum, ut exinde commentitiis interpretationibus, quod inprimis Cæsar abhorret, sensa legum, jurisque *Rationes* corrumpi vel adulterari possint. Denique, juxta positiones illas vivæ vocis ministerium jungi vult Imperator, in quem finem Antecessores, Juris interpretes, *Romæ, Constantinopoli, atque Berysi*, constabilivit. Hac viâ

sapientissimus Princeps, cui Artis suæ naturam omnium optimè notum fuisse oportet, insistentum putavit, ut omnis disciplina sua, *Lex*, inquam & *Ratio* bene solideque perciperetur. Atque hæc est ipsa illa methodus, quam vobis & prævimus semper, *Optimi Juvenes*, & imposterum præire cogitamus, utpote facillimam, jucundissimam, & quod caput est, utilitate diversa instituta superantem. (9) *Facilitatem* pollicemur, quatenus Artis amplitudo gravitasque recipit ut præstari queat; at sine exceptione præstabimus eam, si cum adversâ studentium ratione comparetur. Quid enim illi? Ingentia volumina ad Institutiones, ad Pandectas, Codicemque; præterea de Antinomiis, legibusque intricatioribus scripta, neglectis aut obiter perlustratis Justiniani libris, rectâ viâ aggrediuntur; & quanto quisque diligentior ingenioque fortior est, tanto plures majoresque legendos sibi sumit Auctores. In quibus intelligendis capiendisque non minus operæ judiciiue requiritur, ac ipsis legibus impenderetur. Et cum hæc tamen quovis modo Juris studioso memoriæ judicioque mandandæ sint, quis

(Y) 3

quis

(9) Quo pertinet Dialogus Auctores de *Ral. dec. & disc. jur.* item præfatio *Institutio-* num.

quis non videt studii Juridici spatia non modo plurimum extendi, sed & augeri implicarique difficultatem ejus & obscuritatem. Nam qui præparatam unâ rectâque intentione mentem legibus applicat, credite mihi, longe facilius earum vim sententiamque percipiet, aut ope Præceptoris se expediet, quam qui in prolixis antea commentariis diu multumque se fatigaverit. Occupato enim alienis ratiocinationibus iudicio, impletâque memoriâ, nec alacritas eadem nec perspicacia esse potest in argumentis rationibusque legum penetrandis. Dicant, qui *Treutleri* theses, & *Hunnii*, *Bachovii* ad easdem commentarios legerint, studendoque subegerint; an post tot subtilitates accrimasque commissiones, vacuos paratosque se sentiant ad leges super iisdem capitibus à Justiniano collocatas serio attentèque examinandas. Idem in *Wesembecio*, *Hahnio*que, velim faciatis periculum; Credo *Bachoviani* aut *Hanienses* facile citoque, *Justiniani* tarde & difficulter evadetis. Hic jam non dubito, quin auditorus sim, unde mihi hæc insolentia, ut tam claros scriptores, eorumque similes: nam eadem ferè omnium ratio est; exponere contemptui

& quantum in me fuerit, è manibus juventutis excutere, iudicioque universi orbis literati opponere me sustineam. Sed horum trium nihil esse quod imputari mihi possit apud æquos iudices facile obtinebo; suspicere & venerari me tanta nomina, deque bono publico, jurisque prudentiæ studio, præclarè esse meritis esse libens & agnosco & deprædico; neque in eo sum ut usum eorum juventuti dissuadeam, licet in *modo utendi* ab aliis dissentiam. Comparent eos studiosi, magni quoque faciant, superque difficilioribus locis & quæstis frequenter eos consulant, excerpant etiam quod alibi non lectum benedictum ab illis, & ad rem suam facere judicabunt; sed hæc seorsim datisque occasionibus fieri velim, non quando in *summa* student, ut *Artem Justiniani* secundum *Institutiones* & *Pandectas* redigant in memoriam; faciant hoc ut *Cæsar* ipse præcepit, *paratissimè* discendo, textus ipsos legendo examinando; si quid residui temporis ab hac occupatione abundet, hoc jam *Cujacio*, *Donello*, *Bachovio*, aliisque scriptoribus, si velint, impendant; non tamen prius quam illud alterum bene, distinctè, valideque perfecерint, sentiant tum in his  
*ipsis*

ipsis recentioribus scriptis se multo utilius versari, iudicio delectuque, eorum, quæ lectis iudicatisque, in ipsis legibus, addenda putaverint, vel quæ usu populi secus ac Imperator voluit recepta & usurpata sunt. Distinctè igitur proponatis vobis, censeo, *Adolescentes*, vim summamque disciplinæ & apparatus ornatumque doctrinæ Juridicæ. Vis & quasi corpus studiorum in *Legē & Rationē*, vestitus comitatusque in variâ lectione recentium Auctorum quærendus & collocandus est. Nam de exoticis ornamentis literaturæ humanioris, & antiquitatum, alio tempore diximus (10) eaque ad præparationem potius & splendorem, quam id ipsum studii Juridici ambitum pertinent. Bene igitur habet, quod *Eugnomosyne* cum sceptro libroque suo Juris Studiofis *Legem atque Rationem* commendat & inculcat; sequitur, ut de Professoribus eorumque instituto hac parte videamus. Horum officium in duobus consistere videtur, in *docendo atque scribendo*; utrobique nihil rectius elegantiusque proponi illis posse, quam *Legem &*

*Rationem* probatu, ut de Studiofis factum, non erit difficile. *Docendi* quidem munus quod attinet, id aliter non constare, quam modo discendi methodum exposuimus, res ipsa sine novo argumento satis evidenter ostendit. Proinde in hoc totum oportet esse Doctorem Juris, ut Auditori summaris positionibus ad singula Juris capita instructo munitoque *leges rationesque* clarè, succinctè, validè monstret, ac ita promptum habilemque perficiat Jurisconsultum, quemadmodum Justinianus eum optimè solideque perficiendum esse præcepit. At in *libris conscribendis* vereor, ut convicia sibilosque indignantium vel iridentium sustinere queam, si aliter eos quam cum multâ numerosâque *citatione* veterum novorumque scriptorum emitti debere dixerò. (11) Quanquam autem ratio non desit, ut heic quoque *legem rationemque* sufficere demonstrem, malo tamen exemplis invidiam amoliri. Quatenus Antiquos Artis Juridicæ Auctores satis constat, nullis aliorum citationibus in suis commentariis usos, sed hoc solo laudem admira-

(10) Sup. *Orat. V.* Confer, si lubet, quæ in præfatione nostrarum *Juris Civilis Lectionum* hac de re plura diximus.

(11) Vid. Heineccius in laudata *praef. Princip. ad Pand.* & in *Orat. de Juriscons. Semid.*

rationemque meritus esse, quod in Legibus Edictisque Prætorum enarrandis, aut verborum proprietates, aut æqui bonique rationes, detegere & explicare fatigerint. Nec in aliis operibus variarum inscriptionum *de ambiguitatibus*, *Membranarum*, *Quæstionum*, *Responforum*, *Definitionum*, *Regularum*, *Variarum Lectionum*, *Institutionum*, *Disputationum*, *Sententiarum*, *Manualium*, & si quorum præterea per Pandectas sparsa sunt vestigia, videas disciplinæ nostræ conditores hoc more farciendi sua scripta nominibus innumerabilium Auctorum unquam fuisse usos. Nihilo magis qui in Græcis Jus Romanum ab ipsis adscitum commentati sunt, hoc negotii datum sibi crediderunt; nec qui post *Irnerium* in Occidentalibus provinciis Jus Civile illustrarunt, id studio habuere, non *Azo*, non *Placentinus*, non *Accursius*, non *Durdus*, non *Bartolus*, aut *Baldus*, non denique superiori seculo genuinæ Jurisprudentiæ instauratores, *Cujacius*, *Duarenus*, *Donellus*, & qui illos in eodem instituto vel præcesserunt, aut non multo post secuti sunt, id sibi placere testatum

reliquerunt. Jam scire velim, quæ nos ratio utilitatis aut decori moveat, ut potius quod à *pragmaticis* quibusdam scriptoribus superiori, & à plerisque præsentis seculo institui cœpit, imitemur quam quod omnis antiquitas & cultiora quælibet ingenia faciendum putaverunt; quodque jam pridem æmuli antiquorum *Galli*, & è nostratibus multi elegantioris doctrinæ viri, in suis scriptis renovarunt. Fateor ingenuè ab omni tempore, quo studiis operam dedi, multo magis delectatum me fuisse Jurisconsultorum (ne de aliis disciplinarum auctoribus loquar) scriptis, qui legum sententias rationibus idoneis æquali orationis contextu illustrarent, quam qui concise & hiulco sermone rationum loco nomina & auctoritates infinitis *remissionibus* (12) accumularent. Quod si hoc more, quem probo, fieri non potest, ut mei libri tolerentur, malo tamen ita inducere in animum, non esse tam miserum tacere, quam indices scribere, ubi fructus ingenii expectetur. Fruantur honore multæ lectionis, qui deformem putant esse paginam, cujus non pars dimidia nominibus

(12) *Barbesiam Delrionem Brossæum* aliosque integra Remissionum volumina erudito orbi obtulisse quis nescit?

nibus concordantium vel dissentientium (13) Auctorum referta appareat; utcumque pars maxima ex aliis descripta, pars etiam falso sententias, quibus approbandis adducuntur, si inquiras, laudare deprehendantur. Rursus heic tamen monendi estis, *Auditores*, me non ita sentire, ab omni mentione veterum novorumque scriptorum esse abstinendum; sed utique nominandos esse; per quos in tuis meditationibus digerendis adjutus es, sæpe etiam de sententiis aliorum in partem utramvis esse differendum; quorum utique nomina ipsorum Lectorumve causâ minime supprimenda esse candor & liberalitas monet. Nec ullo modo faciendum, ut eas à quibus idem argumentum antea tractatum fuit, si quos noveris, tristi silentio notes aut premas. Quo nomine, ut intra nostræ professiones limites me contineam, *Mynsingeri* de *Gailio* querelam arbitror esse justam, nec ejus causam huic licet superiori facile ignoscendam. Ediderat ille primus Observationes Juridicas Judiciis Camerali-

bus approbatas, eo successu, ut hodieque in hoc genere non parum laudentur: Idem institutum postea *Gailius* sanè doctus & uberius continuavit, ut multa quoque *Mynsingeri* suis infereret, nullâ tamen aut observationum, aut nominis ejus in toto suo opere mentione factâ; quod optimus & doctissimus senex quam acerbò doloris sensu ad animum revocaverit, in *præfatione* (14) postmodum editâ non dissimulavit; suo quoque prabans exemplo, quod sapientissimi mortales evitare non poterunt, ut gloriæ cupiditatem, & contemptus impatientiam, ex humanis affectibus novissimam exui testarentur. Cæterum, apud Academias *Legem* atque *Rationem* utramque facere paginam in studio Juris, forte minus incredibile & inexpectatum videatur; modo in foro Judicibus & Advocatis hoc dictum remittamus. *Lex* & *Ratio* summam Theoriæ faciant, praxis hac copula nullo modo contenta esse potest, sed auctoritates communesque opiniones non minus ac legem rationemque proponere

(Z)

re

(13) Præter Syntgmata & Thesaurus communium Opinionum, *Hieronimus de Casvallo*, ne quid deesset, *Speculum Aureum* edidit *Opinionum Communium contra Communes*.

(14) *Dedications* ad Henricum Sax. Archiep. Brem. De *plagio autem literario* Jac. Thomæus, Almeloventius, Schwartzius, aliique data opera scripserant.

re sibi debet. Ignoscant tamen quicumque fori porticus frequentant, si nec Advocatos nec Judices aliter rationes inire permitto, quam ut *Legem & Rationem* pro summâ, forte & unicâ patrocinandî judicandique regula admittant; modo per legem non modo Jus Romanum, sed & propria cujusque gentis Statuta vel mores intelligantur. Hoc sibi quilibet Advocatus sciat esse commissum, ac inde fata clientum pendere sibi persuadeat, si exactè perspexerit, in quibus factorum articulis merita causæ vertantur, iisque verba legis rationemque perspicue, distinctè, valide applicet. Nihil inutilius putet, quam multa recensere nomina Doctorum, vel opiniones crepare communes; cum nihil sit notius quam ludibrium ejusmodi auctoritatum, si examinentur interque sese conferantur; neque desit qui volumen ingens communes opinionum publico dederit. Notabili relatu est, quod Justinianus in constitutione *Tanta de conceptione Digestorum* narrat, antequam ipse immensa vasti Juris volumina in compendium redegisset, *voluntate Judicum magis, quam auctoritate Juris-*

*consultorum*, quorum sententiis antiqui judices adstricti erant, *lites fuisse diremptas*. nec enim habebant in tot millibus librorum, diversisque scribentium sectis, quod sequerentur; aut si haberent semper in aliisque auctoritatibus aderat prætextus, ita ut libitum esset, constituendi. Proinde si hodieque non secundum legem & rationem, sed ex auctoritate Doctorum judicia regerentur, non ea sola, de quibus scribit *Menocius* (15) sed omnis in universum forent *arbitraria*, & Jus ad instar *philosophiæ* redactum esset, in quâ jam olim super uno quæsito quadringentas esse diversas opiniones celebrium Auctorum non erat insolens, & de qua vetus est proverbium, *facilius inter horologia quam inter philosophos conventurum*. (16) Quot capita tot sententiæ, dictum est æternæ veritatis, & in rebus judicandis vel maximè obtineret, nisi Legis certitudo rationi moderaretur, neque prorsus extrâ terminos sibi præscriptos evagari permetteret. Non ignoramus esse, quæ *consensus Interpretum*, contra rationem Legis in usum fori introduxit; at hæc pro legibus aut consuetudinibus pridem invalue-

(15) In tractatu de *Arbitrariis Judicium Questionibus*.

(16) Rationem reddit Cicero lib. II. de *Div. cap. 57. seq.*



valuerunt; ideoque non faciunt exceptionem hujus regulæ, quam commendamus; sed ad custodiam ejus executionemque pertinent. haud igitur est ita, ut iudices, patronique causarum, minus *lege & ratione* utantur, quam studiosos & Professores facere debere diximus. Non est equidem negandum, quin aliter *theoreticum*, aliter *forense studium* exerceatur, scimus praxin fori duas habere partes, quarum altera consistit in ordine trituâque judiciali, altera in applicatione legum ad singulas factorum species; *pars prior* ab Academico cultu aliena est, solaque memoriæ & observantiæ rigore absolvitur; *altera pars* verè Jurisconsulti officium spectat, eaque *Legis & Rationis* colere debet axioma, nam si praxis est applicatio juris ad facta, legem sine dubio scire Judicem ac Advocatum oportet; applicatio autem quid est aliud quam *Ratio* inter *Legem* factumque interposita, quam demonstrare patronum, Judicem discernere oportet. (17) Atque hujus iudicium duæ res inprimis adjuvant, totidemque vehementer turbant. Juvat clara, brevis & distincta facti expositio, præsertim ea parte, ubi momentum decisionis

vertitur; consequenter exacta, iusta Legis ad eam partem appositio: Turbatur Judex multitudinis factorum & narratione confusa atque superflua, tum disputatione juris non certâ, determinatâ, verbis sententiâque legis subnixâ; sed rationibus vagis, longe petitis, undique coratis auctoritatibus, & interpretum testimoniiis. Bonus & solers Judex ingenii radiis dispellit has nebulas, perque illud chaos præcipua facti momenta jurisque conclusiones tonet in conspectu, tandemque juxta *Legem & Rationem*, amputatis inanibus, falsoque obstantibus, veritatem causæ decedit. Nec dubito, quin si scirent Advocati, quam parva ratio tot nominum allegatorum testimoniorumque citatorum habeatur in Senatu, parcerent inepto labori, seque *legi & rationi* diligentius applicarent. Rursus autem monitum volo, non adversari me famæ honorique magnorum hominum, qui tam pressio silentio dehonestari videntur. Non abnuo, cum res postulat, auctoritatem probatorum quorundam Interpretum persuadendis Judicibus usurpari, memini cum & usum reperiret illa cura, sed non suadeo sola nomina ipsorum

(Z) 2 libro

(17) Vid. Herm. Vultcius in *Prolegem. Jurisp. Rom.*

librorumque laudari; Ipsa verba, quibus liqueat, eos lege & ratione fuisse subnixos, producenda & ob oculos posuenda puto; ne cordata iudici, pondere auctoritatis rationem premere, verum consensu celebrium virorum magis illustrare velle videaris. Minus multos hoc modo citari atque produci posse fatendum est, sed hoc ipsum agebamus, & semper animadverti, illos paucos eo modo exhibitos & inculcatos profuisse magis, quam ingentem numerum, solummodo nominatos & quasi ostentatos. Non ignoramus, esse fora, in quibus scripturæ Advocatorum non merentur laudem, nisi plaustra Doctorum ferant, & tamen his ipsis locis quotquot feliciores acrioresque Patroni sunt, hos fiduciam contentionum suarum in *Lege* & *Ratione* collocare non semel exploravi. Fuit *Omphalius* (18) celebris Spiræ apud Imperiale Tribunal Advocatus, ubi, si usquam terrarum, celebrantur auctoritates; hunc memini, juniores, qui ad discendam praxin, ipsi se applicuerant, hortari consuevisse, ut in causis agitandis summum

maximumque præceptum tenerent, *fundamentum theoreticum* ut bene sibi constaret, eò cuncta referrent, eoque stabilito nihil quod undique corraderent adversarii, morarentur. Quid autem aliud suo more fundamentum ille theoreticum vocavit quam quod à nobis urgetur. *Lex* & *Ratio*? Cujus gratia vobis nominatum *Frisii Adollescentes* gratulor, quibus aliquando apud summum Patriæ Tribunal, ambigua fata causarum tractare consilium & animus est. Illuc enim si rationali solidaque Legum notitiâ instructi, ex Academiâ vos receperitis, nonquam spe votoque praxeos aureæ feliciter exercendæ destituemini, Trituram viæ forensis, quæ se rabulæ *legis* & *rationis* inopes unicè merificæque jactant, credite, vobis unius anni, deambulatione cognitam atque perspectam esse futuram. Hoc agite, sultis; ut leges in Academiâ non *deglutiat*, quod hi faciunt, qui tantum eas memoriæ mandant; sed easdem ratione judicioque *digeratis*. Credite mihi, tales in foro quæruntur ab omnibus, tales fautoribus ac amicis carentes brevi clien-

(18) Quem e tribus *Omphaliis* *Jacobo Jo. Francisco*, & *Samuele*, Auctor indiget, plane ignoro. Celebratissimus certe omnium *Jacobus*, Wilhelmo Duci Clivenfi a consiliis; seculo XVI exeunte, plurimis ingentibus monumentis claruit. Vid. *Melch. Adami* Vitas JCtos. Germ. p. 188. seq.

clientibus abundant, opibusque ac honoribus augentur. Nam ad vos etiam, *divine Cultores Tiberinos*, sive *Eugnomofynes* liber atque sceptrum, ita *Mercurii* quoque *Marsupium* pertinet. Vox enim, si *Lex* & *Ratio* sit in suppellectile vestra, sine difficultate consequemini, ut nec *Marsupii* expertes esse videamini. Nam *Eugnomofyne*, Divini *Lex* & *Ratio*, gerit sceptrum supra caput *Mercurii* crumenam ostentantis. Non vos id operam dare velim, quò abjectis sceptro libroque *Marsupium* invadere vobisque vindicare possitis. Relinquite onus portandi saccos illis, qui *Mercurium* adorant, qui nullius rei quam pecuniæ quærendæ notitiam habent. Vos comparate vosmet ad imperandum his, qui aurum argentumque faciunt; nec enim præsidio bonæ mentis & ope legibus atque rationis ullo modo carere possunt. An vos illud *Marsupium*, quod sublime gerit *Mercurius*, solis turgere nummis arbitramini? Sunt equidem abunde, sicut apparet; sed in angulis atque plicis scitote latere lites & controversias, nummorum in dividuas; quas illi affectu *Mer-*

curii nunquam aliter quam *Eugnomofynes* auxilio, Legis rationisque præsidio solvere & expedire potuerint. Tum Vestrum erit officium *Æquitatis* Candidati, sit uti sceptro atque libro, quemadmodum bonæ mentis professionem, & quæ habuimus sanctissima symbola decet. Non gerit *Eugnomofyne* librum atque *Marsupium*, neque committendum, ut pulcherrimam effigiem ita deformatam velle videamur. Habet ante se & ob oculos *Mercurium* pecuniosum, neque procul ab se removet *Marsupii* conspectum; sed in manu tenet librum, in quo scriptum est ab uno & sacerdotibus ejus, *civilem sapientiam esse rem sanctissimam, quæ pretio nummario non sit æstimanda nec debonestanda*; scilicet eo modo, ut in judicio petatur, quod ultro in ingressu debuerat offerri \* Semper igitur mementote sceptri, quod *æquitas*, quod *Lex* & *Ratio* præfert, ut ne pecuniam aliter quam salvâ dignitate bonæque mente curetis, regimentumque Jurisprudentiæ non magis in appetendis quam contemendis opibus consistere in animos inducatis.

\* l. 1. § 5. ff. de Extraord. Cognit.

D I X I.

(Z) 3

ULRL

# ULRICI HUBERI O R A T I O, DE P A E D A N T I S M O, H A B I T A,

Cum Rectura Academiae Tertia sese abdicaret.

Kal. Jun. MDCCCXXXVII.

**F**RIEDERICUS Rex Germaniae & Imperator, qui ab athenaeâ sive *rosâ* barbâ celebre cognomen tulit, vir animo fuisse memoratur imprimis Heroico præditus, quem admodum res ejus per Italiam atque Germaniam gestæ, & constantia adversus iniquas Pontificum usurpationes, egregie restari possunt. (1) Quamvis autem Il-

le totum imperii vitæque suæ spatium in armis belli exegerat, ut jure meliore, quam qui alias hoc nomen meruit, † *filius castrorum* vocari posset, nihilominus erga literatos, hominesque studiosos, liberalem humanissimumque Principem exercuit. Ab hoc affectu prodit illa nobilis constitutio, quam apud *Roncaliat* in campis Placentinis (2) mediò fere sæculo duodecimo promulgavit.

(1) Ex *Ottone Frisingensi*, *Radevico*, & aliis, fata ista persequuti sunt *Ristoribusius*, *Majus*, & *Heumannus*, in singularibus opusculis.

† Caligula apud *Suetonium* cap. 22.

(2) Elegantissimis verbis celeberrimum locum descripsit Friderici æqualis *GuntHERUS*, lib. 11. *Ligurini*, v. 35. seqq. Sæculi scriptor XII. imperantibus *Henrico V* quem alii *IV*. vocant, *Lothario II*. *Conrado III*. & *Friderico I*. auctore *Trithemio* de Scriptor. Ecclæs. p. 269. addeff. Fabricium in *Bibl. Lat. Med. lib. VII. p. 519*. Neque enim tanti apud me sunt conjecturae Anonymi, in *Parergis Gœtting. lib. III. sect. VIII. p. 149. seqq.* ut supposititium sæculi XV. fœtum illud *GuntHERI* opus existimem.

gavit. \* Nam ut alia, quæ in ista Lege continentur, silentio prætereamus, cum antehac ab omni memoriâ, quod ad imperia & jurisdictiones attineret, Ordo literatorum nullo jure præcipuo, sed iisdem cum plebe Magistratibus subiecti fuissent; Friedericus ita sancivit, ut qui studiorum causâ uno loco in Universitatem confluxissent, ne ad alius quam ad *Domini* (2) sive Rectoris sui, tribunal rerum judicandarum causâ vocarentur. Ratio, quæ Cæsari tam novæ, & à priorum temporum exemplis alienæ, sanctionis constabat, hæc in primis ab ipso memoratur; ut occasio atque facultas hominibus indoctis & insolentibus indigne habendi studiosos efficaci remedio adimeretur. Nam etsi magnanimus ille Princeps Erydotos eximio affectu laudibusque decoris profecquitur, haud tamen dissimulas, apud vulgus profanum eos non tolerabili contemptu odioque suis se agitados. Nec dubitandum, quin huic injuriæ multo magis

obnoxii fuissent, si omni die ab importunis hominibus ad promiscua tribunalia litesque trahi potuissent. Enimvero, quamquam de patriæ nostræ Magistratibus, incolarumque ingenio, nihil sit quod conqueramini, *Juvenes Ornatissimi*, si tamen ita juris in nostrâ Academiâ esset, ut omnibus recuperatoriis & fiscalibus judiciis, coram oppidanis Rectoribus obligari possetis; credo vos ipsos facile existimare, quam non eadem atque jam experimini, lenitate & indulgentiâ, salvo publicæ disciplinæ vigore, in illorum dicasteriis consisteretis. Mihi profecto doctrinæ studiorumque cognitionem reputanti, nihil indignius & inimicius illis occurrat, quam ut hi, quos Musarum deliciis innutritos, eorumque secretis additos esse oportebat, fori turbamentis & rabularum clamoribus immisceantur. Quapropter rem, nisi fallor, gravitate sapientiæque suâ dignissimam facere Proceres, quod cum hanc Almam in civitate procul à motu uni-

\* *Authent. Habita C. no. si. pro Patre*; quam vero post alios illustravit Corn. van Eck in *Vind. Jur. Acad. Francq.* 1688.

(2) Vid. Guido Pannirolius de *Clar. Let. Interpp. lib. I. cap. 86*. In Glossis Latino-Grieci *Juri consulti, ad Justinianum*. Ita Cardinalis Hostiensis præceptorem tuum Azonem vocat *Dominum suum, Comm. in cap. I. X. de Testam. num. 1.* De jurisdictione vero Academiæ Bouonienfis, Criminali papiter ac Civili, modo admetta, modo restituta, vid. laudatur Pannirolius *lib. II. cap. 25*, ex Odofredo in *d. Auth. Habita* & in *fin. pream. Pand.*

universæ Reipublicæ, strepituque magni fori, stabilirent; Professores studiososque ne hujus quidem urbis magistratibus subiectos esse voluere; sed imperium & jurisdictionem adeò puram atque sinceram Academiæ seorsim constituerunt, ut aliam in vicinis regionibus parem ullam extare vix affirmaverim. (5) Denique, non tantum eò conducit hoc institutum, quod studiosi tuto & in tranquillo hac via collocentur; sed aliquid etiam, nisi me fallit opinio, dignitatis id Ordini nostro conciliat, quod non modo literis elegantisque ornatus, sed etiam Legibus & potestatis publicæ præsidio armatus, conspiciatur. Hoc enim ejusmodi est, ut prætextum iniqui scommatis, quo literati, *Scholasticorum*, & nescio quo *Padantarum* nomine, vulgò traducuntur, haud parum infringere videatur. Nam *Padantismus* ille, quo titulo doctrinæ professionem honestare volunt, ab auctoritate magistratuum & potestate judiciorum, quâ circumdatus est Or-

do noster, etiam vulgi judicio penitus abhorret. Nec temerè quicquam ægrius inimici literatorum ferunt, quam quod in hujus amplissimi juris possessione à Summis Potestatibus *Academiæ* defenduntur atque vindicantur. (6) Etenim ira clam palam præ se ferunt acui Censores, jurisdictionem publicique vim imperii res ejusmodi esse, quæ non bene se deant humeris Pædagogorum. Venit mihi in mentem, *Auditores*, cum hac hora sceptrum Academicum in successorem transferendum sit, de re, quam volunt à jure Magistratuum esse tam alienam ex hoc loco verba facere. Quanam adeo de re, dicet aliquis vestrum, nunquid de *Padantismo*? Ita consilium erat, si bona cum veniâ salvæque hujus loci majestate liceat, orationemque sic attemperare queam, ut nihilo inepti, sed utilem jucundamque dicendi materiam elegeris videamur. Verum, quod aliàs in proverbio fertur, *dimidium facti, qui bene cepit habet*; id in præsentî causâ verissimum experimento videor

(5) In *Civilibus* scil. non in *Criminalibus*, hoc enim supremo jure una gaudet *Leidenfis*, *Lovaniensem* imitata.

(6) Unam exipimus *Trajectinam*, consilio tam provido institutam, ut Professores omnibus studiorum præmiis honoratos sese, molestia vero fortassis penitus liberatos, jure gloriari possint. Vid. Corn. van Eck, in *Orat. de Relig. et Hist. Vett. llat. p. 46. seq.*

videor inventurus; ut adeo bonum initium definitionemque *Pedantismi* magno comparatam vellem. Nam principii dubium me facit haud adeo copia dicendorum, quæ perplexum reddere queat oratorem, quam cæca fere ignorantia; & quod adhuc mihi non constet, an detur omnino *Pedantismus* in mundo, vel quid hac appellatione ab his, quibus omni die versatur in ore, significetur: Id enim à nemine mihi planè atque diserte unquam memini fuisse explicatum. Nisi quod hoc satis abundeque apparet, in contumeliam doctrinæ, hominumque eruditorum, trahi interpretationem, adeo tamen lubricam & incertam, ut qui hoc

vocabulo, se nobis ægre facere putant, ipsi nullam expedire posse videantur. Mirificam oportet orationem expectetis, *Auditores*, ab homine, qui totum genus ejus causæ, de quâ dicere ingressus est, ignorare se fateatur; imo ipsum pene vocabulum, quod nec *Græcum*, nec *Latinum*, neque *barbarum*, sed origine Grajâ & flexione degenerante, dubii generis esse vult, exemplo hybridarum. At tamen de verbo non usque adeo solliciti essemus, modò rem ipsam finire in integro & in facili esset. Dantur equidem ejusmodi res, de quibus Aristotelem dixisse accepimus, (7) *ἡ δὲ πᾶσι τῶν ὀνομάτων, non omnium rerum querenda sunt*  
(A a) do

(7) *Tria hic εὐρύτιστα fere vocabula distinguimus. Primum est Pedantus, originalis ut videtur Longobardicæ, ususque plebei, forte δὲ τῷ πωδῆς inflexum, pro ποδολόγῳ, Menagius in Etymol. Ling. Gall. h. v. Deinde vero latius acceptum: pro Magistro artium, sed indocto & arroganti. Pasquier Recherch. de France, lib. VIII. cap. 3. mod. Denique; ab augeſcente ſemidoctorum turba, pro quovis ſcientiarum theoreticarum cultore, ſavantem enim & pedantem eodem loco habent idiotæ, quos vulgo gallorum homines vocant. Mich. Montaigne, lib. I. cap. 24. Alterum est vocabulum Scholaſticus, pro grammatices olim & rhetorices ſtudioſo, apud Petronium cap. 6. 39. 61. & paſſim apud Senecam patrem, Gellium, Quintilianum, Plinium, alios. Deinde & pro philoſophiæ, aliarumque artium cultore, ac profeſſore: Quintilianus de cauſ. corr. eloq. cap. 35 & 42. Plinius lib. II. epiſt. 3. Suetonius de Clar. Rhet. cap. ult. Denique in convivium hæc adpellatio degeneravit, ubi jam ſatidire conſulta, & ad mera nugamenta coeſſent deſeſtere, auctore. Quintiliano de cauſ. corr. eloq. cap. 32. ſeqq. qua de re & Petronius conqueritur, initio ſatiræ. Vid. Petronius in præſf. Facetiarum Hieroclii. De Theologiis vero vulgo diſſiſ Scholaſticis peculiari opera commentatus eſt Adamus Tribsevius, præſatione auctus Cl. Heumann. Conſerſis du Cangii Gloſſarium medæ & inf. lat. h. v. Tertium denique vulpeculæ ſcholaſticæ xernaculum nomen eſt, pro linguarum artiumque liberalium, publico magiſtro, ſeu Scholaſte.*

*definitiones* (\*); & *Padantismi* tam variae species, tam *dis disc* *varietas*, ut ajunt Musici, ab se invicem distantes usurpantur, ut sub unum genus differentiamque specialem nullo acumine dialectico redigi posse videantur. Quapropter nihil potius quod agamus esse video, quam ut sensa ususque diversos hujus convitii, quo studiosi nobilitamur, quate-

nus memoriae nostrae occurrant; excutiamus, primoque adeo tractemus, *quid non sit Padantismus?* & deinceps, an *aliquid certi*, in quo pedem figere liceat, & redundaturum inde sit, expectemus; quodque eveniet, id omne sedulo in rem nostram vertamus. *Primo* omnium satis id arbitror esse notum, apud scurras urbanos, hominesque maligne in-

*Scholae*. Quam enim e Graecis, Barbarisque, ad fidem conversi, sub Constantino in primis, ac deinceps, habitu uterentur Romano, capillis resectis, & barba rasa, communis tum Christianorum omnium *roga* erat; donec saeculo VI. barbaris rerum potientibus, propria fieret *clericorum*, potissimum in Occidente. Thomasinus de *vet. ec. nov. hist. discipl. pars. II. lib. I. cap. 20. seqq.* Ceterum exorti hac aetate *Benedictini* Gothorum in Italia tunc dominantium, moxque Longobardorum, vulgarem adoprare vestitum maluerunt, strictiorem nempe ac breviorē una cum *cappa*; quo factum est, ut Episcopi ceterique sacerdotes, modestiae monachalis exemplo, Romanam togam cum *salari* Barbarorum tunica commutarent. Habitus, vero isti, veterum Germanorum instituto, apud Tacitum *de Mor. Germ. cap. 17. ferarum pellibus* erant suffulti, latis manicis, cappique humeros pectusque circum obtegentibus. Eo, quis enim *pellitas* Gothos. Francos eorumque Reges ignorat? Vid. Interpretes ad *Kuallum lib. VI. vs. 49. Chædianum lib. I. in Ruf. vs. 78. seqq.* & Sid. Apollinarem *lib. I. vs. 2.* Antiqui ritus vestigia in talaribus mitrisque Electorum, confutis intus heret miclinis, videre est, qua de re post alios Ludewigius *de form. Duc. Brand. Sell. LX. p. 257. tom. I. Opusc. Miscel.* cui addet. du Cangium in *Gloss. voc. Hermel.* & Menagium in *Erym. Ling. Gall. b. v.* A Sacerdotibus deinde & Monachis saeculo XII. in Academia & Gymnasia idem ornatus transiit. Relicta vero coenobitis *cuscula*, ejus loco *bianum*, sive pileum a talari distinctum, rotundum, vel quadratum, substituerunt; *fulcra pellicea* in humeris demissa. Quae origo insignium doctoralium fuit, observante Panzirollo; *lib. II. de Clar. Leg. Interpp. cap. 12.* Ceteram furtivae istae plebunae epellibus erant *vulpinis* confectae, quo sese habitu Hungaros tui videmus, & superiore saeculo, ineunte rogati tantum non omnes incedebant, velut publicae istius temporis imagines restantur. Mirum itaque videri non debet. Doctoribus Scholasticis istud a *vulpis* cognomen haecisse, tui nempe ab aulicis a sacerdotibus, ceterisque togatis, diversis noscerentur; quos alioquin eadem pellicea, nullo suo merito, Doctorum ordini infertura videbantur. Jocularia hanc in rem plurima concessit Dormavius in *Theat. Sap. Socr. tom. I. p. 540. seqq.* e variorum de *Vulpinea Scholastica* ludicris dissertationibus.

Lib. I. Top. cap. 4. & passim in seqq. Vid. Fr. Hotmanus in *Dial. Jur. lib. I. cap. 20.* & Jac. Gothofr. ad *l. 202. D. de R. L.*



indoctos, omne genus doctrinæ, artisque studiorum, per contemptum hac ipsa *Pædantismi* appellatione traduci. (8) Nam sic illi opinantur, aut videri volunt: disciplinâ eruditionis cultuque literario emolliri atque resolvi hominum ingenia, reddique inepta, non modò ad rei militaris patientiam, sed etiam ad Rempubl. gerendam, aliaque negotia in societate civili administranda, quâ quidem in re potissimum naturam *Pædantismi* constituere videntur, etsi plures velint esse notas ejus & characteres. *Atheniensem* civitatem, quæ commune fuit eruditionis domicilium, ab eo tempore, quo clarissimis Philosophorum Rhetorumque ingenii effloruit, imperium amisisse; denique ad interitum suum magnis passibus ruisse commemorant. *Romanos* etiam multò fuisse bellicosiores, antequam Græcæ artes inter eos doceri incepterint; ideoque *Catonem* illum *Priscum* vehementer improbasse ferunt, quod antiqui mores illis institutionibus corrumpi videbantur. (†) Salutem attulit plerisque

per Italiam & reliquum occidentem *bibliothecis*, cum hæc pars Imperii à Gothis vastaretur; quod inter hos barbaros quidam prudentiæ opinionem apud suos consecuti adfirmabant, relinquenda esse hæc *otii instrumenta* devictis populis, ut inter libros desidentes arma obliviscerentur & jugum patientius ferrent. Sed in his resellendis non est quod magnopere desudemus, cum fere communi generis humani, partis saltem melioris, consensu damnata sit hæc opinio, nec animus est in laudes doctrinæ, quo nihil esset proclivius, evagari. Testis mihi sit idem ille *Cato Censorius*, qui cum temere, quod non intelligebat, damnaisset, deinceps adeò mutatus est consilii atque sententiæ, ut eum *literas Græcas* in ipsa senectute discere non piguerit (\*) non equidem *elementa sermonis*, aut linguam Græcorum, ut vulgo perperam intelligunt; quippe cujus usus ei jam pridem, qui bellum in Græcia administraverat, notus & familiaris fuerat; sed *literas studiorum*, quas Romani Græcas vocabant,

(Aa) 2

(8) Ita Mich. Montanus d. lib. 1. cap. 24. quod de *Pædantismo* inscribitur. Conf. Agrippa de Vanit. Scient. cap. 1. 3. & 100.

† Plutarchus in *El. vir.* quem illustrat. Pag. Gaudentius de Philos. Rom. cap. 10.

\* Cicero in *Cal. Mai.* cap. 1. & 8. Quintil. lib. XII. cap. 13. Val. Max. lib. VIII. cap. 7. init.

bant, omnesque eas artes, ex quibus eloquentiæ disciplina, cuius facultas Catoni præcipua fuit, redundat & exuberat. Jam quod ad veteres Græcorum atque Romanorum Respublicas attinet, earum inclinationis & interitus causam, quis nescit aliunde multo, quam à studio bonarum artium esse repetendam? Atheniensium vires tum concenterunt, quando in segnitiam torporemque resoluti, non, ut olim, in classem exercitusque, sed in dies festos apparatusque ludorum, reditus publicos effundebant, quemadmodum ex Trogo pompejo Justinus (9) observavit. De Romanis nota est Sallustii Crispi auctoritas, qui fortunam ejus populi cum moribus immutatam esse docet; ubi pro labore desidia, pro continentia & æquitate libido atque superbia invasere; postquam primo pecunia, dein imperii cupido creverat in immensum: Tunc enim fidem, probitatem, ceterasque bonas artes esse subversas; illam quasi materiem, omnium malorum fuisse. (10) Tantum igitur abest, ut doctrinæ

studia quicquam ad infringendas istorum populorum vires contraherent, ut nullâ meliore viâ, quæ mala memoravimus, averti ac emendari potuerint, nisi major fuisset temporum labe, quam ut sapientia præceptis reparari & in pristinum statum restitui possent. Succedat igitur alia modestior & speciosior Pædantissimi interpretatio, quâ Principes & Magnates hujus vitii arguuntur, qui non contenti studiis literarum leviter tingi, etiam penitus illis imbui, aliisque in earum notitia præcellere gaudent. De Hadriano Imperatore proditum est in historiâ, cum ejus industria impensius ad Græca studia declinaret, eum vulgo Scholasticum, & Græculum fuisse appellatum. (11) denique Patrum nostrorum memoriâ, quid de Jacobo Magnæ Britanniæ rege, studiorum professione inclyto, senserint prudentiores, neminem vestrum opinari esse, qui non intellexerit. (12) Unde parum abest, quin solidior, adeoque verior sit Ludovici xi. Galliarum Regis sententia, qui, ut ipse

(9) Lib. VI. cap. ult. & Plutarchus, de Gloria Atheniensium.

(10) Bello Civil. cap. 2. ibiq. Gnaev. & Rur.

(11) Spartianus in Adr. cap. 1. 14. seqq. Ceterum Scholasticus, non Adrianus, sed Maximinus filius, laudatur Jul. Capitol. in Maximi Jan. cap. 3. & 1.

(12) Hunc enim Henricus IV. le Maire Jaques, & alii Regem Pædantem vocarunt. Vid. Bernmannus in Hist. Orb. Terr. part. II. cap. IV. § 10. & Bayle in Dict. Crit. voc. Pædantus, tom. III. fin. ubi de audacissima Scioppiti in Jacobum satira.

naturali præditus solertia insigni, curâ studiorum parum erat excultus, ita filium iisdem disciplinis erudiri vetuit, nihilque Latinitatis quam unicum illud & decantatum carmen, *qui nescit simulare nescit regnare*, percipi ab adolescente voluit. (13) Ad has ratiunculas & exempla facilis est responsio: Nam *Hadrianus* vivo dein exemplo vanitatem illius convitiis notabiliter redarguit, cum omnes sermone suos antecessores, si *Julium* Dictatorem eximas, magnitudine expeditionum, alacritate in armis, laborumque patientia superaverit. *Jacobus* ille noster *Britannus*, sanè ab armorum studio perquam alienus fuit, tametsi res & tempus ejus aliud flagitabant; at nemo, cui secreta illius Principis innotuere, dubitabit, quin hæc & alia non pauca mali commatis ei a propria natura, postremo quoque dominationis licentia convulsa, & ab adulatoribus corruptâ hæserant, nihilque sit quod eruditioni hæc gratiâ imputandum videatur. De *Ludovico*, ejusque filio, quorum alter Regum malitiosissimus, alter infantissimus. e-

rat, dicere superfedeo. (14) At in promptu sunt mihi exempla multo quidem clariora Principum, qui summis oratoribus & philosophis æmuli maximam bellicæ fortitudinis gloriam sunt consecuti. Quin omnes fere Græcorum & Romanorum duces utraque laude pariter floruerunt, quorum mihi non licet heic recensere catalogum; at unum *Epaminondam* tacitis nullo modo præterire possum, qui cum ad summam philosophiæ scientiam exercitatione non minus quam disciplina pervenisset, rei tamen militaris peritiâ vix ullum habuit superiorem. Hic est ille, qui incultam atque contemptam Thebanorum gentem, cum prius vilissima pars Græcorum fuisset, ad principatum nationis, magnitudine victoriarum evexit, & inveteratam Spartanorum gloriam, superstitæ etiamnum *Agasilao*, rebus gestis magnificentissimis obliteravit, evertit, obtulit. (15) Ex ejus domo prodit *Philippus Macedo*, cui nihil æquè ad incrementa egregiæ indolis & secutæ magnitudinis profuit, quàm quod Thebis per trien-

(A a 3)

nium

(13) Ex *Cominato*, *Aemilio*, aliisque, omnia prolixè persequitur *Baylius*, in *de som. lib. voc. Louis XI.*

(14) *Bayle d. l. in Louis XI. & Bécman. in Hist. Litt. part. II. cap. III. § 4.*

(15) *Corn. Nepos in Epam. cap. 2. 7. ult.*

nium obses habitus, prima pueritiæ rudimenta in urbe severitatis antiquæ, & in domo ejus, quem diximus, summi & philosophi & Imperatoris deposuit. (16) De *Alexandro* autem ejus filio quid est notius, quam cum sapientiæ doctrinæque notitiam majori gloriæ sibi quam omnia fortunæ ornamenta, quam totius orbis Imperium reputasse, nec ideo illum à rebus gerendis non modo esse retardatum, sed adjutum maximè & inflammatum fuisse, ut ipse nunquam dissimulavit. (17) De *Julio Cesare*, qui ut ætate, sic peritia studiorum superavit Alexandrum, nihil addam; nisi quod ex interpretatione *statuæ*, quæ olim ad imaginem ejus extitit, intelligi potest, quæ alterâ manu gladium, alterâ librum tenebat, cum elogio; ex utroque *Cæsar*. (18) Nec mirabitur è libro *Cæsarem* extitisse, qui *Luculli* audiverit exemplum. Electus erat Imperator ille contra duos orientis potentissimos Reges: *Mithridatem* atque *Tigranem*. Ingressus

est navem rei militaris adhuc imperitus, duntaxat ut tanti motus bellum administraturus: navigationis ille totum tempus in libris orsus est atque consumsit, eo fructu, ut perfectus Imperator è navi exiret, summumque Ducem continuo præstaret. (19) Quare finiamus hunc locum *Alphonfi Regis* eruditissimi dicto; qui boves esse non homines; agebat, quicumque Regum principumque dignitatem scientia literarum dehonestari putabant. (20) Superest igitur, si obtinere non possunt studiorum oblectatores, doctrinam Principum simpliciter esse *Padantissimam*; saltem ut in Doctores atque magistros, qui hoc unum agunt, nec aliud quicquam profitentur, hæc appellatio conveniat: verum si per contemptum illud nomen, quemadmodum sit, honestarum artium doctoribus adscribitur, quâ ratione probari possit, ut qui saluberrimum institutum in societate humanâ exercent, contumeliæ causâ demonstrarentur? *Plinius Secundus* non fuit Professor, sed

(16) Iustinus lib. 77. cap. 5.

(17) Vid. citati a Freinshemio in *Suppl. 2. Curtii, lib. 1. cap. 3. & 4.*

(18) Suetonius in *El. vit. cap. 55. & 56. ibiq. Interpp.* addet Plutarchum in *Cæsare*.

(19) Plutarchus in *Lucullo*.

(20) S. *Martiana*, aliisque, *Alphonfi* singularia deceptis Bayle in *Dict. voc. Castil. et. lit. K.*

sed Consul, atque Proconsul Romanus, & tamen invidendis laudibus cumulat *Isaum*, qui annum sexagesimum exceſſerat, & adhuc Scholaſticus tantum erat, diebus & noctibus nihil aliud agens, nihil loquens, nihil audiens; quo nomine vir ſummus eum non modò, doctiſſimum ſed etiam beatiſſimum prædica-  
bat. (21) Verum ratio, cur illi profeſſionem doctrinæ *Padantiſ-  
mum* eſſe velint, hæc imprimis reddi ſolet, quod qui docendis artibus ſe dedunt, qui libris indefinenter incumbunt, nihil aliud audiunt, nihil vident, ad res civiles gerendas inhabiles & inidonei ſiant. Quanquam juſta erat reſponſio, nullam inde contemptus aut reprehentionis cauſam hominibus à tritura forenſi remotis imputari poſſe, malo tamen recta prius cum *Æliano* (22) reſpondere; qui ad hanc ipſam objectionem, *Εἰ τις ὦν ἀπράκτος λέγει τὸς φιλοσόφους, ἀπὸ τοῦτο γὰρ αὐτὸς ἀνεῖται ταῦτα; ἢ quis*, inquit, *Philosophos*, hoc eſt, Doctrinæ Profeſſores, rerum agendarum eſſe dicat imperitos, nã is imprudẽtiam atque ſtultitiam ipſe ſuam de-

clarat. in cujus rei fidem multa ex omni antiquitate reſert exempla doctòrum ſapientiæ, qui non modo Reſpubl. egregiè, dum viverent, gubernarunt, ſed etiam ſaluberrimis legibus earum perpetuitati conſuluerunt. Quid enim aliud *Zaleucus*, *Charondas*, *Archytas*, *Thales*, *Bias*, *Chilon*, *Pittacus*, *Cleobulus*, & *Anaximander* fuere, quam Profeſſores doctrinæ, iidemque Rectores civitatum, & legumlatores ſelicissimi. (23) Nec aliud fuit *Xenophon*, dux illorum decem millium, quorum expeditio adhuc inter miracula rei militaris habetur, habiturque ſemper. (24) *Plato* autem quid in actione civili poſſet, in ſua quidem Republica noluit oſtendere, quippe quam juſtiſſimus *Ariſtides* *εὐχόμενος ἀδικίας διαμένειν*, multa egentem injuſtitia, teſtabatur. Sed *Platonis* auctoritate præceptiſque *Dion Syracuſanus* impotentem *Dionyſii* tyrannidem evertit, neque per *Platonem* ſtegit, quò minus optimi & duraturi ſtatu conditor fuiſſet, ſi monita Præceptoris *Dion* cuſtodire potuiſſet. (25) At illa quidem laus ſervata *Timoleonti*, qui ex viginti anno-

(21) lib. II. *Επιſτ.* 3. οὐδὲν ἄλλο ποιεῖν ἔμελλεν ἢ τὸν χρόνον τῆς ἡμέρας ἀπὸ τοῦ κοινοῦ ἀφαιρῶν.

(22) lib. III. cap. 17.

(23) *Ælianus* d. lib. III. cap. 17.

(24) Idem d. l. & lib. VII. cap. 14. Vid. ipſe *Xenoph.* in *Cyrol.*

(25) *Corn. Nepos* in *Dione*, cap. add. *Ælianum* lib. II. cap. 42. & *Plutarchum* in *Ariſt.*

annorum secessu literario, præfectus exercitui Siciliam immanibus tyrannis purgavit, & ex afflictâ perditâque Rempubicam post se florentissimam reliquit. (26) Quin ipse *Plato* impigrè militia functus est in oppugnatione *Tanagræ* atque *Corinthis* (27) ipsum denique *Socratem* tribus vicibus in bellum esse profectum contra *Delum*, *Amphipolin*, & *Potidæam*, idem *Ælianus* testatur. (28) Quis denique *Aristidem*, *Periclem*, *Demetrium Phalæreum*, *Phocionem*, summos fuisse nescit philosophos, & simul Imperatores, Reique publicæ gubernatores? (29) Proinde non est, opinor, quod eorum refellam cavillationes, qui ut *Theologos*, & *Jurisconsultos*, atque *Medicos*, *Pædantarum* numero eximi concedant, *Philosophos* tamen hoc nomine peculiariter designare solent, in quo totus est ubique *Scepticorum* ille princeps *Samoſatenus Rhetor Lucianus*. (30) Quin etiam superiore seculo *Thales* il-

le *Gallicus*, quem *Lipsius* appellat, *Michael Montanus*, suo tempore pro exemplo & synonymia *Pædantisimi* narrat usurpatum fuisse *Magisterii* titulum, ut idem esset, inquam, *Magistri*, atque *Pædantæ* cognomen. (31) Unde prudenter non ita pridem philosophi nostrates *Magistri* nomen titulo *Doctoris philosophiæ* magno consensu tegere & illustrare voluerunt: nam illud *Magistri* Ἰδωρ, nudum nimis & tritum vulgatumque evaserat; quod admodum vereor, ne non aliquando ipsis *Doctoribus* eveniat, ut horum quoque vilitas novo tituli commento detergenda videatur. (32) *Mundus* regitur opinionibus, & hæ nominibus magis, quam rerum differentiis afficiuntur, maxime in honoris reputationibus. Hoc jam olim ita visum *Leonidæ Alexandri Magni Ephoro*; qui, cum antea *Regalium puerorum præceptores Pædagogi* appellarentur, noluit hoc nomine jam trito nimis saluari, *Φιδῶν*, ait *Plutarchus*,

(26) Idem in *hul. vit. cap. 2. seq.*

(27) *Ælianus lib. VII. cap. 14.*

(28) *Ælianus d. lib. III. cap. 17.*

(29) Idem *Auctor citatis locis.*

(30) In *Nigrino*, & de *Jud. Vocal. tom. 1. p. 21. seqq. ad. Bonæ.*

(31) d. lib. I. cap. 24. addet. *Menckenii* *Charlataneriam*, in *progr. de dignif. Magistris Lipsiensis.*

(32) Vid. *Car. And. Heegius in Diss. de Titulomania Erudit.* & *Menckenii Charlataneria deul. I.*

tarchus, τὸ τῆ παιδαγωγίας ὄνομα, καλὸν ἔργον ἔχουσης ἢ λαμπρὸν, licet illud nomen rem pulchram & illustrem contineat; ἀπὸ τροφῆς Ἀλεξάνδρου ὃ καθηγυγῆς, *Altor & Præceptor Principis*, ὡς τὸ ἀξίωμα, ob dignitatis reputationem apud vulgus, appellari voluit. (33) Cæterum, non expectabitis à me *Auditores Ornatissimi*, ut probem, Philosophiam nihilo magis contemptui esse debere, quam reliquas studiorum facultates, id enim ex iis, quæ modò de variis *Philosophiæ* Professoribus adducta sunt, abunde præstitimus. Una pars haud ignobilis doctrinæ studiorum superest, cui vehemens *Pædantismi* controversia propriis rationibus movetur, *Philologia*, quatenus hæc inprimis ἀκριβοῦσαν *Grammaticam* custodit, & ab aliis fervari postulat. Cum enim ea circa res minutas versari, & curia curiosa verborum à rebus agendis perquam aliena videatur, nulla pars eruditionis ad ingenium *Pædantismi*, sicut eum vulgò concipiunt, propius accedere credi-

tur. (34) Quin nec ipsi aliarum *Facultatum* Professores parum huic conferre videntur, quando exactioris literaturæ sæpe minus solliciti, & à Criticis reprehensi ægrè ferunt errores sibi pueriles objici, atque adeo vel ipsi principes, philologis notam *Pædagogorum* adscribere gaudent. (35) Sed tamen iniqua est hæc obtrectatio, virisque de genere humano præclare meritis indigna. Nisi enim per hos fuisset, etiamnum mera barbaries orbem Christianum obsideret, eandemque doctrinæ conditionem haberemus, qualem ante renatas literas in omni genere studiorum fuisse accepimus. (36) *Theologi* adhuc Thomistis aut nescio quibus Lombardinis forent similes; *Juriconsulti* nihil quam Accursiani, aut Bartolistæ; *Medici* rudes omnis elegantiae Empirici; *Philosophia* adhuc illas horridas & incultas notiones, quibus olim referta fuit, eructaret. Nunc omnes disciplinæ humanioris literaturæ beneficio ad simplicitatem nitorem-

(33) Plutarchus in *Alexandro*.

(34) Menckenii Charlataneria declam. Sec. Wereufels de *Logomach. Erud. cap. 1. Janus de Doctor. Umbras. § 11. seqq.*

(35) De *Realium & Nominalium* inter veteres Scholasticos distinctione post alios agit Trinechorius de *Doctor. Schol. cap. 5 § 4*

(36) Vid. Mureti & Graevii *Orationes pro Literis*; Burmanni *pro Literatoribus & Grammaticis*; item in *Studia Humanitatis*. Ejusdem fere argumenti sunt Perizonii, Hambergii, Schrammii, & Cl. Drakenborgii *Dissertationes de Vulgaritate Literarum Humaniorum in gravioribus disciplinis*.

remque veterum pene redacta, novoque cultu & ornatu cohonestatæ sunt. (37) Quin, aut ego fallor, aut qui philologicis artibus excellunt, longè altius suprà *Pedantiismi* contemptum evehuntur, quam plerique superiorum, quæ dicuntur, Facultatum Doctores: Nam qui Erasmos, Scaligeros, Salmasios, ne reliquos enumerem, nihil quam *Pedantas* fuisse contenderet, næ is iustissimo gravissimoque literati orbis convitio exploderetur. Excelsius & admirabilius aliquid in ejusmodi nominum auditu intelligitur, quàm quod vulgaris doctrinæ laudibus æquiparari possit. (38) Ego verò nec ipsos *inferiorum Scholarum magistros* per contemptum ullo modo *Pedantas* appellari patior. Ecquid enim, malum! meriti sunt homines utilissimam societati humanæ operam incredibili cum labore navantes, ut contumeliæ & in-

sectandi causâ fas sit eos nominari? (39) Atque ita jam hætenus per omnia disciplinarum genera vagati, nihil invenimus, quod hominibus sanâ mente præditis putido ineptoque *Pedantismi* nomine dignum videri posset. Enimvero non possum existimare apud homines prudentiam adseverantes majoris pretii futurum esse, quod ego plerisque potentibus in causâ haberi puto, quum *doctrinæ professionem* hac voce dehonestare soleant. Fere enim ita ratiocinantur: Doctores studiorum utcunque regulas & præcepta de omnibus belli pacisque negotiis tradant, ipsos tamen nihil in Republica, nihil domi militiæve posse, nisi artibus uti velint, quæ gravitati professionis eorum minus conveniant, quam & his ipsis raro difficiliorque se applicare soleant. Ad hanc *objectionem* nihil respondebo, sed  
nar-

(37) Verum tamen neque ornamenta studiis ipsis, aut verba rebus anteferenda magis quam equo phaleræ, aut sinibria vestimento mentem meam ea de re explicui, tum in *præf. Lætion. Jur. Civ.* tum in *Orat. Inaug. Trai. pro Glossatoribus*. Conf. Jo. Barclaius in *Euphorm. part. I. p. 89. seqq. ed. in 12.*

(38) De Erasmo vid. Bayle in *Diff. Crit. v. Erasmo*. De I. C. Scaligero Idem d. *l. & Scaligerana, p. 140. seqq.* De Josepho Scaligero Teissierius in *Addit. ad Elegia Aruditor. tom. I. p. 144. & tom. III. p. 96.* Denique de Salmasio Menagius in *Anti-Baill. sub init.* Conf. Stollii *Historia Liter. part. I. cap. III. §. 18 p. 164. seqq.*

(39) Quum enim ipsæ & literæ & linguæ ab ista sint labe immunes, professio earum ut itidem immunis sit necesse est. An vero unum forte ætatis discipulorum discrimen, Scholasticos magis doctores, quam academicos, prolioso *Pædantarum* conspectu choro? Hac sane ratione non Theologi solum catechizantes, sed ipsi omnino parentes, ante alios digni turpissimo hoc convitio viderentur.



narrabo vobis historiam ex *Æliano*, (40) quæ sic habet: *Timotheus* Cononis filius dux Atheniensium, cum maxime secundo rerum successu floreret, patriamque crebris victoriis auctam plurimum illustraret, ideoque omnia in Republ. ferè pro arbitrio regeret, vixque scirent Athenienses, quo eum honore potissimum dignarentur; cum ita in hominum oculis & admiratione verfaretur, incidit aliquando in *Platonem*, extra mœnia cum quibusdam discipulis & ambulantem. Hunc primò *Timotheus* gravitate aspectus vultuque venerabilem suspicere cœpit; at cum differentem audiret de virtute, veraque felicitate, abreptus admiratione rerum pulcherrimarum, non potuit se continere, quin exclamaret ὦ εἰς βίην καὶ εἰς ἔστωτος ἰνδομαρτυρίας; O vitam veramque beatitudinem, & ad suos conversus, nos, inquit, res magnas tractare nobis videmur, quando de supplementis, & de tiremibus, de pecuniarum contributionibus, de expeditionibus nauticis & terrestribus, denique de honoribus & Magistratibus distribuendis, in Senatu, vel apud populum agimus; ἀλλὰ φλάνθοι ὑποί; sed nugæ sunt istæ

ac ineptiæ, ὅλας καλῶς, præ his quibus ille divinus *Aristonis* filius suos auditores beat. O nimum igitur felices studiosi homines, sua si bona norint, inque generose utantur & insistant! dicamus hoc jam audacter, non domestici sed tantum non adversarii auctoritate testimonii fidentes. Jam si defectus potentiae nullum *Pædantismo* prætextum dare potest, multò minus apud homines cordatos id efficiet illa, quæ in doctissimis hominibus fereprehenditur, *externi motus & moris ἀπειροκαλία*, quâ inter aulicos & exacti seculi homines sæpe conspiciendos & prope deridendos se boni & docti viri præbent. Ne ad hanc quidem difficultatem meas rationes apponam; Sed referam quod *Michaël Montanus* de *Adriano Turnebo*, homine politicorum scientiâ suo atque postero tempore maximo, commemorat (41) cum hujus, inquit, ingenium explorare vellem, an & ei contigisset, quod de hominibus nimum doctis aliquando intellexeram; ut alienis cerebris insuescentes suum amittant, nihilque nisi obsoleta sapiant, datâ operâ deduxi hominem in ejusmodi sermones, qui à professione studiorum ejus penitus abhorrebant.

(Bb) 2

Sed

(40) lib. II. cap. 10.

(41) d. lib. I. cap. 24.

*Sed repperi, inquit, ingenium adeo expromptum atque politum, judicii tam exacti memoriam, ut omni vitæ suæ tempore, nihil aliud quam id de quo identidem loquebamur, egisse videretur. Duntaxat una res, ait Montanus, evidenter ei deerrat, quod situm pallii, habitumque corporis atque gestum, ad modum aulicæ conversationis nullo modo formare posset; quæ profecto, ait idem Gallus, sunt res nullius pretii atque momenti. quod velim observent, qui hodie pro Pædantis habent eos, qui cultu scæmineo mollescere, qui commodè saltare, comam fictitiam in gradus frangere, ad compositum modum ambulare, vocemque ad blanditias extenuare non didicerunt. Sciant, sapientes ea non modo flocci facere, sed & noxia atque damnosa putare. Quo tandem igitur desinet oratio nostrâ? nihilne Pædantismus erit, quam succus loliiginis atræ, quam indoctorum invidorumque hominum jejuna calumnia? vereor, ut hoc obtineri possit. Idem ille, quem modo laudavi Montanus, dari Pædantismum tenet extrâ controversiam, hominumque etiâ summorum ejus rei testimonia citat, inter a-*

*lia eximii Poëtæ Bellæi versum, quem ego ex hoc loco Gallice non audeo efferre; \* sententia est, odi morte tenus doctrinam Pædantarum. (42) Videndum igitur, ne non hæc res ita sit comparata, ut certum ejus discrimen & intelligentia quædam constitui possit; vix enim fieri potest, ut adeo fortis adseveratio cordatis hominibus exciderit, ubi nullum erat in rei veritate fundamentum. Tamen ne Montanus quidem, licet inscriptio capitis sit de Pædantismo; quem unicum mihi locum de hoc argumentó scriptum inter veteres atque recentes auctores videre contigit; ne is quidem ipse quid proprie sit Pædantismus explicat, aut explicare curat: Rationes saltem indagat, quare doctrina tam frequenter in Pædantismum degeneret, omnibusque refutatis, hanc unum amplectitur, quod hodie non amor ipse doctrinæ, sed lucri cupiditas eos, qui docti habentur, ad cultum studiorum subornet. (43) Sed utcumque severe existimanti hæc ratio forte non spernenda sit; tamen ut hodie Pædantismum etiam viri prudentes interpretantur, quanto quisque minus pecuniæ honesto studio-*

(\*) *Mais je bais par sur tout un Sçavoir pédantesque.*

(42) De quo apud Bailletum, in *judic. Erud. rom. IV. part. I. pag. 248. seqq.*

(43) Vid. Pet. Cuiaci *Sardis Venales* p. 113. *seqq.* ubi de alumnis publicis.

studiorum labore potest acquirere, tanto propius à miseria *Pedantismi* abesse judicatur. Ego sic cogitavi, an non ex ipso nomine, quod jam toties expressimus, aliquod filum, cujus ductu rei natura, intimæque rationes indagentur, apprehendi possit. *Pedantismi* vocabulum ex *Pædagogismo* corruptum esse nemini dubium videri potest. (44) Unde qui primi hoc convitio doctrinam infestati sunt, ejusmodi vitium in hominibus doctis notare voluere, quod *Pædagogis* aut frequens est, aut ejusmodi esse creditur: Absit enim ut de viris honestissimis atque gravissimis, qui primis puerorum ætatibus sunt præpositi, quicquam in universum odiosi, meritisque eorum indigni præsumendum putemus. Sane qui nobis familiariter cogniti sunt, eos ab hisce quæ narrabimus vitiis, alienissimos esse, bene sumus adseverati. Non potest tamen negari, quin ita frequenter accidat, ut qui omne suum tempus in grege puerorum transigit, eosque minis & timore in officio continet, assiduâ consuetudine quasi in naturam vertente, talem habitum fere contrahat, ut etiam

inter alios homines, aliisque occasionibus *Pædagogica* auctoritatis indoles elucescat; idque tam difficile evitari potest, ut etiam suaves amonique homines ingenii cognoverimus, qui utcumque in familiari conversatione nihil ejusmodi præ se ferrent; quoties tamen aliquid pro auctoritate administrabant, incontinenti *Pædagogus* è vultu, è sermone, omni-que eorum gestu, liquido apparerebat. Primum igitur *Pædagogismi* vitium fastus, & inepta auctoritatis affectatio habetur. Præterea, qui perpetuo in ludis inter pueros versatur, cum ingenium ejus minutis exercitiis necessario insuescat, & dicta rebus æquare debeat, vix aliter evenire potest, quam ut judicium ejus de aliis quoque majoris momenti rebus, & ipsa oratio sensim degeneret, ineptiamque nescio quam per omnia redoleat? maxime cum ad civilia negotia vel agenda vel diducanda suo more se conferunt. Denique sunt etiam sua vitia *Pædagogis*, sicut aliis hominibus, libido, ebrietas, avaritia, impietas, aliaque plura; sed hoc illis peculiare præ cæteris, est, quod dum in ludo cum pueris agunt illa strenuè dissimulant, gravitate

(Bb) 3

&

(44) Hoc modo: *Pædagogante*, *Pedagante*, *Prdante*, sicut Itali, & veteres *Fræpæd* Galii pronunciant.

& severitate in altitudinem conditi, sola honesta inculcantes, & rigide peccantibus interminantes, neque punientes ob ea quibus ipsi graviora multa flagranter omni die admittunt. Non est equidem, quod hæc ita quis accipiat, quasi puerorum Magistris ea vitia magis essent familiaria quam aliis mortalibus; sed hoc ad præsens institutum pertinet, quod, ubi illa contagia sunt infecti, vultu severo, & ad virtutis imitamentum efficto, inter pueros soleant ac debeant uti. (45) Nescio, an hæc observationes comparationeque sufficiant, ad *Pædantisini* tentandam descriptionem, ut dicamus, eum esse *doctrinam*, *fastu*, *virtute fictâ*, *ineptoque iudicio*, *corruptam*. (46) Si proposito meo satisfaciendum est, *Auditores*, oportet hanc definitionem per omnia sua membra exequamur, quod nescio, an hoc tempore, cujus copiam nobis hic actus largitur, absolvi possit. Videbimus quo us-

que meorum laterum, auriumque vestrarum patientia duratura sit. Primo omnium, quando *Pædantisimum* diximus esse *doctrinam*, satis intelligendum dedimus, non utique solos Professores, aut Ludimagistros, hoc vitio esse infectos, sed etiam Medicos, Advocatos, Pastores, Senatores, Nobiles, imo Reges atque Principes, & quicumque *doctrinæ participes* haberi gaudent, in hunc censum venire posse, si *doctrinam* suam fastu, virtute fictâ, ineptoque iudicio corrumpant. *Fastus* prima *Pædantisini* nota esse debet, ut vult definitio; non ut omne genus superbiæ, quod in quavis hominum sorte se passim exerit, huc referamus; est quædam species subtilior, & ad usum applicationemque doctrinæ propius accedens, quam ego duplicem videre videor, alteram *fastum*, alteram *ostentationem* appellabimus. (47) *Fastus* non modo in his animadvertitur, qui jactantiâ enormi

(45) Vid. Commentarius *Dan. Frid. Jani* de Doctoribus Umbraticis. Conf. *Erasmi* in *Ench. Mor.* d. l.

(46) Alias aliorum definitiones recenset illustratque *Janus* d. l. p. 6. *seqq.*

(47) Sicut enim *fastus pædantis* facit, ita aulica adfectatio histrionem efforminatum *non petit maître*. Et quemadmodum inepta doctrinæ ostentatio *charlataneria*, sic gloriatio *israhelismus*, & Satyrica aliorum insectatio *Machiavellismus* dicitur. Denique haud prætereundus ille *titulorum furiosus ambitus*, quasi ipsa sibi virtus eruditioque minus sufficerent ad veram laudem meritumque decus. Et de *fastu* quidem *pædagogico* Reitzius, deque *histrionia gallicanorum* Belgarum Schroderus, de *israhelismo* Saldenus, tum de *Machiavellismo* Lalicenthalius, *titulomania*, denique Car. Henr. Heugius data opera egerunt.

intolerabiles sunt, ut *Palæmon* Rhetor apud Svetonium (48) qui literas secum & morituras prædicabat; sed omnes qui de rebus studiorum agentes, sermone vultuque *ἀνδράσιαι*, suique admirationem, contemptis aliis, præ se ferunt, nemo dubitat, quin hic sit *Padantissimus*. Huc quoque retulerim, qui dissidentes à se ferre nequeunt, & tales bifariam considero. Quibusdam mos est continuo, si quis ab se diversum sentiat, *ἀντίβιον μαχιστάς ἐν αἰνῶνι*, *Pugilis in morem hostiliter arma vibrare*; quo furore passim homines doctrinam professi magno cum ordinis sui opprobrio agitantur. (49) Nam quicumque prætextus obtendi soleant, ego sic existimo, *fastum* impotentem, *magisterii*que affectationem, plerasque lites, sive magnæ, sive parvæ moveantur, excitare, fovere, inflammare; sine respectu

sæpe decori, sine curâ boni malique, ad Ecclesiam vel Rempubli- cam inde redundantis. Est aliud genus eorum, qui contra se auctos *disputare*, sublata ad frontem supercilio, alteroque ad mentum depresso, temeritatis increpant, rationibus aggredi dedignantur aut desperant; vel etiam, qui torvo vultu, tumentibus oculis, fulminantibus verbis in adversarios invehuntur; hoc est illud ipsum, quod *Lucianus* in *ἁλῆ* (50) vocat *παδαγωγῶν*; ita enim cum pueris agunt *Ludimagistri*. Latè patebat hic articulus, de utroque genere fastus per omnes disciplinas facile demonstrandus; sed hac parte laboris supersedebimus; nam initium à *Theologis* faciendum esset; in quem ordinem tanta mihi reverentia superest, ut eum attingere non auserim; (51) cæteros, his omifis, examinare non habet gratiam.

(48) In libro de *Illustr. Gramm.* cap. 23. Addef. Baylium in *Diell. Crit. v. Apion.*

(49) Et quæ literarum apud nos calamitas est, bellum id genus *grammaticalium* fecunda nuper seges, immo infelix lolium, rursus effloruit; editis tot libellorum montibus; *Sapientia Hyperboreali*, *Agricolæ* nescio cuius, rure certe & silva, quam tranquillo Mutarum minique secessu dignioris; *Epicrito Norico*, lacerandæ Gundlingii post mortem famæ; quasi non & facile cuivis avaro esset mortuis leonibus insultare; *Chrestomasthia Petroniana*, cui merito *Satiricus* occinat: *Quis tuleris Gracchos de Seditione querentes?* Adde *Ottocorum Hammonseu*, *Charlottiam Amaliam*, *Criticam Van-num*, aliæque non pauca; totidem hercle stultitiæ atque impudentiæ sæculi nostri ad posteror monumenta.

(50) *Tom. I. p. 612. l. 45. edit. Cl. Reitzii.* Vnde verbum mediæ ævi *paedagogare*, pro decere, apud du Fresnoie in *Gloss. med. & inf. lat. h. v.* Vid. *Sup. not. 44.*

(51) Neque tamen attingere veriti sunt viri egregie cordati, euertendo illa *cleri* propria

tiam. Tamen, quod in universum ad omnes pertinet *Facultates*, quæ *superiores* dicuntur, id opinor, sine invidiâ licebit in medium proferre. Familiare novimus esse Theologis, Jureconsultis, Medicis, aut utique multis eorum, Philosophos, & rei literariæ Professores, quasi multò infra se positos despiciere, nec aliter quam *ministras*, & *ancillantes* eorum *Artes* considerare; quod etiam nominibus Heræ & ancillæ ejusdam, ex historiâ sacrâ demonstrare solent. (52) Non nescimus, eam comparationem haud omnino ratione carere suâ; at, nisi ego fallor, bisariam circa usum applicationemque ejus rei peccatur; *primo*, quod res sæpe vertitur in contemptus insolentiam; ita ut dum superiores Magistri propaideuticos velut *Pædantias* accipiunt, se ipsos *Pædantifini* reos faciant; *dein*, qui ad

dominas Artes conferre se volunt, sæpe famulis præteritis re-  
ctâ heras conveniunt, aut negligenter obiterque salutatæ ancillis, veniâ necdum impetratâ, ad ipsas dominas irruunt, suo tamen damno majore quam sentiant. Etenim ancillæ bene tractatæ amatoribus dominarum intima earum penetralia monstrare potuissent, qui nunc ut procedunt, in procæstione tantum ad eas visitant, nec in adyta secretiora notitiamque interiorum admittuntur, nolentibus indulgere se castissimis virginibus, Dominis, tam audacibus & incultis amatoribus. (53) Habebam, *Præstantissimi Juvenes*, & ad vos imprimis divæ Themidos alumni, multa super hoc capite monenda, sed hæc hora non patitur digressiones. Ac nec Philosophi atque Philologi superioribus Magistris solent esse reliquatores, quin paria

pria omni ævo vitia, *hypocrisis*, *fastum*, inque haereticos, id est, dissentientes, furiosam tyrannidem; cum philosophiæ moralis, bonarumque literarum fastidio fere coniunctam. Præter Werenfelsium *de Logom.* cap. 11. p. 21. *seqq.* & Menckenium in *Charl.* p. 186. *seqq.* consulendi Græsum in *Enc. Mor.* p. 173. *seqq.* Agrippa de *Vanic. Scient.* cap. 97. *seqq.* omniumque princeps Cunaeus in *Sard. Ven. & Epist.* 28. 72. 78. *aliiq. pass.*

(52) *Philosophiam* omnium doctrinarum matrem altricemque esse, peritior nemo ambigit: *historias* vero, *antiquitates*, & *linguæ*, totidem veteris sapientiæ claves; scientiarumque graviorum, cum adminicula, tum ornamenta sunt; comitesque adeo, non ancillæ. Vid. Orationes amœbææ maximorum virorum, P. Burmanni. & A. Schultensii, in *Studia*, & *pro Studiis Humanitatis*.

(53) Vid. Terentius in *Moam.* 11. 3. 59. & Anonymi *fab. XII.* p. 498. *ed. Novæ.*

ria sæpe non segniter illis reddunt, dum ut crassos & omnis ingenii elegantiae expertes eos sæpe differunt, tantumque de sua luce præsumunt, ut reliquos omnia inde mutuari, cunctaque sibi debere prædicent; cujusmodi Philosophum memini adseverantem audire, *neminem posse Jurisconsultum fieri bonum, nisi qui ante bonus esset metaphysicus*; quique leges ausu verè pædantico ex ejus Artis regulis terminisque promitteret ac institueret expli-

care. (54) Majoris autem superbiæ reos se peragunt Philosophi, at hoc nomine indigni, qui ex suis regulis *scripturæ sacræ* interpretationem peti, adeoque se ut Theologiæ Dictatores reputari volunt; quod problema non ita pridem magnis animis agitatum, & bene, maleque refutatum, necdum planè conquiescit. (55) Est & aliud genus periculi, quod in atrocem *pædantismum* videtur desitutum, si quis eo studendi more procedat, quo ingentis ani-

(Cc)

(54) Haud magis itaque arti nostræ rite tradendæ *methodus* hodie *Wolfiana*, quam antea vel *Scholastica*, vel *Ramæa*, inserviet; *apodicticis* vero *demonstrationibus* locum prorsus nullum esse, dudum ostendit Franc. Duarenus, ad L. 55. D. de Leg. 1. Item Herm. Vultei *Discept. Schol.* cap. 16. p. 149. & Bern. Suikoldus nostras, *Diff.* 1. ad *Inst.* §. 37. Confer sù Grotium lib. 11. de I. B. et P. cap. XXIII. §. 1. ipsomet præcunte Aristotele lib. 1. *Eth.* cap. 1. Qua de re alias dicemus, ad *Dialog. Auctoris de rat. doc. Jur.*

(55) Equis est, qui infausta sæculi superioris litigia, inter *Cartesio-Cocceianos* *Novos*, & *Aristotelico Voetianos* veteres, ex reliquiis factionum ignoret? Pote autem neuritis a partibus standum putabit veri studiosus; sicuti enim *virtus* vitiorum, ita *veritas* errorum est mediū & utrinque reductum. Equis enim *mysteria* fidei exigenda existimet ad rationis debile lumen? Equis contra in *linguis*, in *historiis*, in *physicis*, credulum magis agat, quam doctum; superstitiosum quam pium? Veritates certe hoc genus, divina extra ordinem revelatione, aut miraculis, ut intelligantur, non indigent. Ipsa denique *mysteria*, si quid video, nostræ non tam adversantur rationi, quam obscuratam sperant. Vtriusque enim luminis idem auctor largitorque *Deus* est. Vtriusque smis idem, initium si species, aeterna *beatitudo*. Ceterum inter *opuscula* alia notissimum vulgo tractatus est, *Philosophiæ Scripturæ Interpretis*, scriptoris anonymi, id est, *Ludovici Meyeri*, Med. Amst., item *Lud. Wolzogen* libri duo de *Interpr.* *Scripturæ & Lamb. Velhusii* *diff.* de *Vsu* rationis in reb. theol., quæ omniā multo cum zelo felle tincto refutare instituit *Jo. Brown*, *Scoto Brit.* quemadmodum adversus *Lockium* gemino opusculo, de fide & ratione, piissimus deinde *Poirsius*. Lites hac de re Auctoris nostri, cum Theologis *Cartesio-Cocceianis*, continet eiusdem argumenti liber de *Concursu Rationis et Sacrae Scripturæ*, inter alios *apophth.* Herm. *Wiesio*. Conf. *Leibnizii* *discursus* *Theodicæ* adiectus de *conformatione fidei cum ratione*.

mi *Philosophus* se usum esse gloria-  
tur. (36) Sententias, etiam in  
moralis philosophia, plerasque no-  
vas & inauditas habet, quas ta-  
men adeò certas & indubitatas  
prædicat, ut se non disputare,  
sed computare atque demonstra-  
re adfirmet. Tam inusitatæ cer-  
titudinis unam ait hanc esse ra-  
tionem, quod nemo eorum, qui  
de iisdem rebus scripsere, com-  
modo usus sit docendi principio.  
Quali vero ipse sit usus, indicat  
his verbis: *Incipit in ipsis dubi-*  
*tandi tenebris filum quoddam ratio-*  
*nis, cujus ductu evaditur in lucem*  
*clarissimam.* Hinc omnia Græco-  
rum, Romanorum, aliaque mo-  
rum scita, tanquam præjudicia,  
ut ubique adseverat, missa facit;  
etiam talia, quæ omnium prima  
putabantur, veluti, hominem  
esse socialem, suum cuique tri-  
buendum, τὸ μὴ καλὸν ἔπαι' ἔφω-  
κεν, Turpia nunquam honesta sunt,  
similiaque, nec patitur illis ut  
Principiis quicquam inædificari.  
Quod autem è dubitandi tene-  
bris emergens clarè distinctèque  
percepiebat, hoc ejusmodi esse  
credidit, ut ipsum fallere non  
posset, nisi Deum mentis & co-

gitationis artificem fallaciæ ar-  
guere vellet; hinc se computare,  
se demonstrare, se *γινώσκειν*,  
quod Plato Deum ipsum facere  
dicebat, gloriatur. Ingressus hanc  
studendi viam, cum in rationa-  
libus sibi plauderet, facile ad  
existimandum adductus est, nec  
in literis Dei interpretandis quic-  
quam illi methodo esse antever-  
tendum: Si enim posito serva-  
toque *dubitandi & meditandi* ordi-  
ne legitimo, clara & distincta  
perceptio tam necessariæ verita-  
tis erat, ut salva Dei sinceritate  
labi non posset, quid hæsitaret  
cum omnia tum & sacras literas  
exigere ad hanc normam? Non  
opino, eos omnes qui adfir-  
mant, quicquid clarè distinctè-  
que percipiunt, id non posse non  
esse verum, ita existimare, se  
posse talem dubitandi cogitandi-  
que legem ac ordinem institue-  
re, ut eo custodito, in rebus et-  
iam incertis obscurisque judi-  
candis nihilo magis falli possint,  
quàm Deus Opt. Max. deceptor  
esse queat; absit à nostro seculo  
tanti erroris suspicio! Tunc equi-  
dem vehementer metuerem,  
eam lucem clarissimam, quæ ex  
tene-

(36) *Corrosium* indicat, dubitationis magistrum, in *Meditat.* & in *Princip. Philos.*  
lib. I. sub. inc. alibi que passim: notissimaque sunt Gassendi, Huetii, Volderi, alio-  
rumque hæc de se scripta. Vid. Jo. Franc. Buddeus in *Hist. Philos. cap. VI. §. 27. p.*  
472. seqq.



tenebris methodicæ universæque dubitationis oritur, sæpe nihil esse quam arrogantem δοκίμοφίαν & abruptam ἀντοργισμότητα, quæ cum aliorum contemptu junctæ sunt verissimi characteres formidabilis *Pedantismi*, quem nobilis ille *Philosophus* palam præ se fert, quando Regibus & Principibus operam suam venditat, emendandi reformandique omnes Academias, & Professionum disciplinæ, ut missis veterum institutis sua principia & instituta pro geometricis veritatibus ubique haberentur; quæ tamen ego sum certus pleraque falsa, damnoque generis humani, esse reperia. Rursus, inquam, absit, ut omnibus, qui dubitandi viâ incedunt, id genus exempla præjudicare putem: sed hoc quod dixi, seu latius pateat, sive, ut opto, apud unum extet *Hobbesium* (57) ad doctrinæ fastum, & immanem vergere *Pedantismum*;

ratione mei instituti nunc sufficit approbasse. Minus credo laboris opus est, ut probemus *Philologorum* quorundam & *Grammaticorum* fastum, de quo minus multa dicam, quia in confesso & conspectu apud omnes esse videtur. Utrique non de iis qui in historiæ, varietque eruditionis nôticia, orbique humanitate excellunt, loquimur; sed de his maxime, quos propriè *Grammaticos* & *Criticos* appellant, quique tales *ἰστοριοφίαι*. Horum ego studium præ cæteris equidem laudo & admirror, verum & hoc sæpe mirari subiit, qui fiat, ut fere omnes qui his artibus se dediderunt, tam sint *audaces* in judicandis, in carpendis, in contemnendis aliorum sæpe magnorum hominum ingeniis, scriptis atque laboribus, idque cum fastu & arrogantia verissime *pedanticæ*. (58) In universum nihil potius occurrit, quam eos ideo

(Cc) 2                      tantis

(57) In *Leolati. cap. V. seqq.* Fastum Hobbi pluribus ostendit refellitque *Chr. Konholtus de trib. Impostor. Sect. II. p. 94. seqq.* Defendit vero, & ab atheismi nota iocundum liberat Gundlingius, tum in *diff. de Scam Nat.* tum in *Scholi. Observat. Sect. II. p. 37. seqq.*

(58) Coryphaeus omnium *Nicod. Prischlinus*, tum in *Prisciano Vapiente*, tum in *Strigili*, & in *Poppyino Grammatico*, adversus *Mari. Crusii* [quem *Crusimulsum* vocat *Crusimulum*] & *Moropolitarum* *Tubingæ* bacchantium coceysinos, sive *Antistrigilem*, Arg. a 1594. in 8. Qui vera inter hæc patriuntur, *Criticos*, mirum sane non est subinde haud mitius in adversarios suos debacchari, quam diversum fere partium *pseudo-theologos*; in tantum, ut de animarum quoque Salute, pollentis Gram-

tantis animis indui, quod in aliarum Artium Professoribus frequentes *Latinitatis* & bene dicendi lapsus, si cum accuratis Grammaticæ, Rhetoricæque præceptis comparentur, animadvertant. Quæ vitia cum illi puerilia putent, fieri vix potest, quin de iis, qui in ejusmodi parvitate impingunt, haud multò secus opinentur, quam si non procul à pueris abessent, adeoque more *pædagogico* excipiendi viderentur. Ita qui primis criticorum rudimentis defuncti sunt, præsumere solent: nam qui maturis consummatisque studiis hoc augustum nomen implere possunt, plerique moderatius opinantur, intellectumque verborum bene norunt dividere à rerum divinarum humanarumque diffusâ notitiâ: plerique sane; nam sunt etiam, qui in literis consensuere, neque tamen arrogantiam & maledicentiam adversus aliarum artium doctores

amittere possunt. Fecit hac parte notabilem se *Laurentius Valla*, qui his moribus *Superbi* nomen *Grammatici* consecutus est, ejusque adversus Theologos & Jurisconsultos acerbitas, & *pædagogica* auctoritatis affectatio, satis etiamnum è scriptis ejus elucet. (59) At *Theologi* quidem illius temporis censurâ politioris literaturæ non erant indigni, nec si *Jurisperitos* ejusdem ævi aliquando irridendos præbuisset, erat quod magnopere incusaretur; sed aculeos suos passim veterum Jurisconsultorum, quos ipse alibi, ut optimos Latinitatis auctores invidendis latidibus extulit, scriptis infigere non cessat, plerumque *superbius* quam verius, & semper ut *Pædagogus*. Sed mittamus aliquando fastum, de ostentatione videamus: ad quam refero jejunam illorum ambitionem, quos pudet ignorantiam ullo tempore in rebus ad professionem suam

maticæ sacris, invicem desperent: certissimo utique argumento, tanto ipsos veræ eruditionis, studiorumque *humanitatis*, quæ profitentur, esse inaniores, quanto acius inter se de verborum, & variantium lectionum, minutis, pudore omni eiurato digladiantur. In quos cum maxime illud anonymi adscripseris: *O Musas insantem furoris defendite montem, ne temeret diam turba profana viam*

(59) Vid. iudicia eruditorum apud Pope Blount, p. 462. seqq. & Baylium in *Diff. Crit. b. v.* De *Salmastii* arrogantia Colomæsius in *Opusc.* p. 317. & ex eo Menckenius d. l. p. 49. item Stollus in *Hist. Lit. cap. III. fin.* Ecquis portò *Scioppij* ignorat, cum fastum, tum rabiem? *Canis Grammatici* elogium ipsi attributum memorat Baylius in *Diff. Crit. b. v.* Nollem vero ejusdem vitii reum sole dedisset Bentleius, i. *piyas*, ad *Horat. in Art. Poet.* vs. 441. in lite Gronoviana.

suam pertinentibus fateri, non advertentes, quanto plus dignitatis sit in *confessione generosa*, quam in turpi dissimulatione imbecillitatis, quæ tamen eruditiores non fallit. Talis apud *Agellium* (60) erat Grammaticus ille, qui deprehensus in dicto quodam, cujus expositionem promere non poterat, cum antea suam peritiam mire jactasset, tandem cum instantes amoliri non posset, lepidissimo, scilicet, commento eos elusit; *Ego verò*, inquit, *taliam gratis non doceo*. Equè misera fuit alterius illius ambitio, qui apud Frontonem Cornelium interrogatus de sensu versiculi Enniani, *præter propter vitam vivitur*, cum ingenuè fatendo honeste defungi posset, (nam cum bellis hominibus ei res erat) ille cum multum rubuisset, multumque sudasset, tandem surgens, *Tibi*, inquit, *Fronto, postea suli dicam, ne infcitiores audiant & discant*; abiitque miser *Pædanta*, ubi gloriam captabat, risum & ludibrium ad-

secutus. (61) Non longe ab his alieni sunt, qui se diligenti lectione parant *certas quæstiones*, easque dein, captatis occasionibus, in medium proponunt, non tam ut alios experiantur; quod intempestive factum per se *pædagogicum* est; quam ut ipsi *variâ lectionem suam promptitudinemque aliorum comparatione vendirent*; quem morem apud Professores, aut magistros rarius, quam apud eos qui *Politici*, aut *Forenses*, simulque literarum cultores amant haberi, observare mihi licuit; nec ideo tamen minus *Pædantæ* existimandi sunt. Ita in omni hominum genere inveniuntur qui versiculos, sententias, aliaque eruditionis argumenta, proferunt & inculcant, ubi nihil usu veniunt. *Præcones Ecclesiasticæ* multi, ad plebem Dei verba facientes sæpe Latina, Græca, Hebræa, terminosque scholasticos magnificè intonant (62) *Advocati* leges latinasque sententias, ubi nihil opus est, cumulant; quin

(Cc) 3

&amp;

(60) Gellius lib. VIII. cap. 17. & lib. XI. cap. 7.

(61) Gellius lib. XIX. cap. 10

(62) Ita fere linguarum solent rudiores, infcitiae suae tegendae, quod iure merito post Caussinum lib. XVI. de *Eloq. Sac. & Hum.* cap. 16, & 17. item 19 in sacris Oratoribus reprehendit Knibbius in *Manud. ad Orat. Sac. tom. 1. cap. VIII. § 7. iunc. cap. VII. § 4. in not. & cap. XII. § 2. pag 62.* Serios studiorum istos vocat Horatius lib. 1. *Sat. X. vs 21.* aliaque longe mens Ciceroni lib. 1. *Tusc. Diss. cap. 8.* quæ de re pluribus egit Alb. Gentilis in *Diss. de Linguar. mixt. post Adnot. in lib. 1. Mac-*

& Medicos atque chirurgos aliquando apud ægrorum lectulos de causis generibusque morborum *μάλα τεχνικῶς* ex arte, sicut putant, audivimus differentes; hos omnes *pædantismi* manifestos esse res ipsa loquitur, sive ostentandi causam habeant, sive innocua sit ineptitudo. Amplius hic locus explicationem haberet, nisi tam prope accederet ad ineptiæ confinia; cui proinde, si quid hujus generis deesse videbitur, reservabimus. Quò celerius ad hanc transire, vosque longioris audientiæ tædio liberare possimus, breviter de altero *Pædantismi* requisito, quod *scitæ virtutis* erat, absolvemus. Primo definitionem *Pædantismi* sic institueram, ut omnem vitiorum contagem in oculos hominum incurrentem, quâ doctrinam professi laborant, ex eruditione *Pædantismum* facere judicaret, inductus in eam opinionem à *Luciano*, qui ad hanc formam sui temporis philosophos ubique tractat. (63) Sed re penitus ad nostri seculi æstimationem perpen-

sâ, non potui animadvertere, homines doctrinam professos, ideo quod sœnatores, quod ebriosi, quod scortatores, & profani habeantur, hoc ipso nomen *Pædantarum* adipisci. Convicia equidem gravissima prudentium virorum non evitant, sed *Pædantismi* notatio est in ore vulgi, à quo id genus eruditi sæpe pro bellis habilibusque viris habentur; ex adverso qui exercitia partesque studiorum sanctissime, at à populari commercio secretius transigunt, non raro *pædantismi*, licet immerito, traducuntur. Verum qui his vitiis modo enumeratis evidenter se conspurcant, & simul fronte caperatâ, gravibusque verbis doctrinæ prætextu contrarias virtutes adfuerant, eorum intestabilem esse *Pædantismum* caret omni dubio. Tales erant, qui tempore *Luciani* magnâ contentione docebant, temperantiam, fortitudinem modestiam, contemnere pecuniam, gloriam, sola pulchra ducere quæ honesta, sine ira, sine affectibus agere; cum ipsi interim (non tem-

*amb. com. V. Bibl. Crit. pag. 214.* Confer sit de hac *γλαυτεροφυκία* Vossium *lib. IV. Inst. Orat. cap. III. p. 6. seq.* & Pet. Nannium *lib. V. Miscell. cap. ult.* Quod genus ineptias lepide suo more Erasmus descripsit in *Ench. Mor. p. 166. seqq.* itemque Balth. Schuppius in *Orat. de Oratore Inepto*; & auctor vernaculus in *Pseudo-Theologo Groningano*.

(63) In primis in *Nigrinus*, seu *de Philosophi moribus*, tom. I. Opp. sub *init.* Vid. etiam Gellius *lib. I. cap. 2. & lib. IX. cap. 2. & lib. XIII. cap. 23.*

tempero mihi à Græcia) appa-  
 rerent, ὀργιλώτεροι ἢ κυνῶν, δαι-  
 δύτεροι ἢ λαγῶν, καλυντικώτεροι  
 ἢ πιθήκων, ἀσιγίστεροι ἢ ὄνων,  
 ἀρπακτικώτεροι ἢ γαλῶν, Φιλονεικώ-  
 τεροι ἢ ἀλεκτρούων, id est, ira-  
 cundiores canibus, timidiore lepori-  
 bus, adulantiores simiis, impuden-  
 tiores asinis, rapaciores felibus, con-  
 tentiosiores gallis gallinaceis. (64)  
 Videres eos cum palliis ἔσθ' ἄρβας  
 apud ostia divitum oberrantes,  
 se invicem detrudentes, cœnas  
 caprantes, illic dominos immo-  
 dice laudantes, mox voracissimo  
 incumbentes patinis, lautiora  
 aliis præripientes, dein cibo vi-  
 noque repletos, & barbīs iure  
 madentibus, iterum clamare:  
 φιλοσophum nullius rei indigere, so-  
 lum esse divitem, fortem, pul-  
 chrum, Regem. Postridiē vide-  
 res eosdem stipem petentes, &  
 non dantibus irascentes; rursus  
 de liberalitate multum loqui, &  
 adiaphoron esse divitias, nihil  
 aurum argentumve à lapidibus  
 in litore sparsis differre. Quod  
 si vetus ad ipsos amicus opis in-  
 digus accederet, tum vero σιῶν  
 ἢ ἀπείρα ἢ ἀμαθία ἢ παλινωδία,  
 silentium ἔσθ' ἰνῶρ ἔσθ' ἰνῶρ ἔσθ' ἰνῶρ  
 cantatio; hæc enim amicos  
 noverant, dummodo nihil auri

argentique positum esset in me-  
 dio. Si liceret, non in iuncun-  
 dam hujus generis orationem vo-  
 bis exhibere possem. hoc unum  
 oportet tamen addam. Virtus,  
 Philosophia, & Justitia, sic pla-  
 cet Luciano (65) proclamari jus-  
 serant Athenis, philosophi om-  
 nes adessent in Acropolim, ut  
 professione suâ re ac moribus ap-  
 probata, præmiis dignis honora-  
 rentur; vix toridem accedebant,  
 quot divitis ostia Nilī. Iterum,  
 Syllogistica proclamabat, ades-  
 sent philosophi in Acropolim, qui  
 optimum facere posset syllogis-  
 mum in formâ, duas haberet mi-  
 nas argenti cum placentâ: Mo-  
 mento temporis plena erat Acro-  
 polis κλαγγὴν προκαθίσταν, cum  
 murmure confuso sedes capien-  
 tium, ἡ πανταχὲ πῆρες τῶν  
 καλῶν, ἀναισχυντία, βακτηρία,  
 λιχυρία, φιλαργυρία, εὐπορευμοί;  
 ubique apparebant baculi, περὶ  
 ἄρβας, impudentia, adulatio, li-  
 gurio, avaritia, syllogismus. Fa-  
 teor hæc ita secundum literam  
 his diebus omnia simul usum non  
 habere, sed an non bona para-  
 de quibusdam hujus quoque tem-  
 poris hominibus vera sint, vo-  
 biscum ipsi, Auditores, existi-  
 mabit. Quid utique, si Pe-

371

(64) Ita habetur. in *Piscatore*, d. tom. 2. p. 411. ed. Bened.

(65) Eodem loco, pag. 416. seqq.

irus & Paulus in illo suo simplici cultu citarent omnes, qui sacra faciunt, ad rationem muneris sui reddendam, & verba sua factis implenda sub præmio cælestis beatitatis (66). Rursus, si *Constantinus Magnus*, ille munificus sacri ordinis Patronus (67) omnes & singulos invitaret ad talentum magnum, & tesseram annui lautioris accipiendam; quid eventurum esset, suæ cuiuslibet conjecturæ delegabo. Transeamus ad ineptiam, quæ sine dubio maximam *Pædantisini* partem occupat, & de quâ ingens æquor orationis se pandit, si exhaustum esset argumentum: Sed rationem oportet aurium vestra-

rum, meorumque laterum habeamus. Principio vobis aliam ex *Luciano* fabellam dabimus. (68) Ait, Menippum ex hortu philosophum, cum per omnes sectarum vias ambulasset, multoque incertior esset quam dudum de vera vivendi ratione, tandem, duce Mago quodam, itinere portentoso venisse ad inferos, ut ibi *Tiresiam Thebanum*, qui sapiens & vates fuerat, de verâ vitâ consuleret; ab hoc autem ægre & sub religione silentii responsum accepisse in aurem, & idcirco *deasos* *Big*, simplicem indoctorum vitam esse optimam. (69) Non sum ejus sententiæ, *Lucianum* id in præjudicium omnis doctrinæ

(66) Sed ita iam olim de rigidioribus philosophis *Juvenalis*, *Sat. II. sub inis. de Pharisæis* Christus, in *Evang. Matth. cap. XXIII. vs. 3* & *Lucas cap. XI. vs. 46. de Papis*; Cardinalibus, ceterisque Episcopis, *Erasmus in Enc. Mor. p. 179. seqq. de Monachis*. *Palingenius*, in *Zod. lib. V. pag. 118. De Tartuffis* vero, sive *Pharisæis* hominibus, omnium certe sectatum fucis, præter *Molierium* in utilissima huius argumenti comoedia, qui ex professo scripserit, utque virum cordatum decet, nescire me fateor. Præstaret hoc sane, quam vulgaribus scriptuunculis atrum indicem augere hæresicorum, tot novis temere confectis nominibus, *Labadistarum*, *Poietianorum*, *Hattemistarum*, *Deurbovistarum*que *Indifferentistarum*, aliorumque id genus innumera-bilium, millia quot non fert *Juvenis* *Apulia muscas*.

(67) De *Constantino Magno* dixi superius *ad Orat. V. p. 112*. Et vel una suffecerit *1. 1. C. de ss. Eccl.* Sententiæ nostræ confirmandæ. Illa enim mundum in Ecclesiam prima induxit, cumque divitiis ambitionem, barbariem, tyrannidem, luxuriam; hierarchiam denique impotentis cleri, velut ex *Pandoræ pyxide*, per orbem sparsit Christianum.

(68) In *Necromantia*, tom. I. *Opp. p. 303. & 318. id. Benid.*

(69) Haud multum abludit inscriptio tabellæ *Barneveldianæ*, Nil scire tutissimæ fieri. Vid. auctor vitæ Jo. ab *Oldenbarnveld*, pag. 13. Et vere *Seneca* in *Epiſt.* Postquam docti prodierunt, boni defuncti; docemurque disputare, non vivere. Quid mirum vero? cum & multo facilius sit, & gloriosius habeatur, theologum potentium agere, quam pacificum; typicum & systematicum, quam moralem & activum.

Strinæ, & philosophiæ dictum voluisse: nam quanti faceret eruditionem & sapientiæ studium, cum passim in suis scriptis, etiam aliud agentibus, tum in *Somnio in Nigrino*, in *Demonacte*, & alibi testatus est luculenter. Sed arbitror hoc eum studiosis hominibus inculcare voluisse, *genus optimum doctrinæ id esse, quod minimum recederet à iudicio communi hominum*, qui simplicitate naturali recte uterentur; scilicet, accedente cultu civilis conversationis, quæ in vitâ privatorum, quos utique noluit esse feros & barbaros, supponi debet. Non est igitur abs re, ad hunc veluti lydiæ lapidem exigere notas *Pædantismi*, ut quicquid in eruditione exercenda impingit in commune atque civile iudicium hominum, id magis aut minus sunt enim gradus hic sine dubio vitium, de quo nunc agimus, participare videatur. Sed *ineptitudinem* hominis docti ego *trifariam* considero, in excolenda eruditione, & in exercitio, atque praxi cum eruditionis ipsius, tum etiam vitæ communis. Dices, in hac ultimâ parte solâ communē

& civile iudicium spectari potest; in æstimatione doctrinæ ejusque exercitio, quo pacto id usu venire queat, non apparet. Ego vero sic existimo, commune atque civile iudicium sal esse omnium rerum, ipsius quoque reconditiſsimæ doctrinæ: Suppono quidem notitias à vulgi sensu remotas; sed illa ipsa scientia tali iudicio regi debet, quale plebs in suis negotiis omni die exercet, aliqui insulsa & insipida cuncta fiunt. Specta tropos & figuras Rhetorum, senties omnem eorum gratiam ab illo communi pendere iudicio. *Cæli ingentes fornices* dixerat Ennius, (70) improbat Cicero, (71) quia commune iudicium dicat, fornices nec magis esse, nec totum implere circulum, & à rectis consurgere lateribus. *Stercus Curiaë Glauca* dictum Fabius reprehendit (72) ut communi iudicio foetidum. Item *Respublica morte Camilli castrata*; alibi, *persecuisti Reipubl. vomicas*; ut civili iudicio nimis enormes & inverecundæ translationes à Quintiliano reprehenduntur, ut etiam *saxa verruca* pro scopulo, nimis exiliter dictum.

(70) Ex incerto libro, p. 327. not. 501. edit. Hoff.

(71) Lib. III. de Orat. cap. 41.

(72) Lib. VIII. cap. 6. add. Vossius lib. IV. Inst. Orat. cap. VI. §. 10. & Buchnerus de Commut. rat. dic. lib. 1. cap. 2. §. 11. p. 33. segg.

Etum. (73) Sexcenta talia, quæ proferri possent vitia, quilibet idiota videbit & ridebit. In affectibus equidem morumque viâ scimus, idoneum auctorem non esse turbam, sed alia est ratio iudicii communis, quod non aliter à Deo conditum est, quatenus labe originali mansit intactum, quàm sicut in consensu longe maximæ partis hominum, de rebus eorum captum non superantibus elucet; unde non absurde fertur in *proverbio*; si id rectè ita mihi intelligendum videtur, vox populi, vox Dei. (74) Igitur in omnibus scientiarum traditionibus id observandum, ut præcepta quantum fieri potest, communi civi ique iudicio consentanea formentur. Etenim eâ gratia doctrinarum professiones institutæ sunt, ut per regulas, attentâ meditatione usuque conceptas & firmatas, secreta rerum in *simplicissimas veritates* resolvan-

tur. Quicunque igitur id agunt, ut involucriis formularum terminorumque scholæ, quasi ænigmatibus, cognitiones rerum implicent atque tegant, ne populo scilicet innotescant, eos hactenus *Pædantismi* absolvere non possum: Quid enim est aliud inepta scholasticæ doctrinæ ostentatio, si hæc non est? Quicunque etiam scientiæ alicujus doctores audiunt, neque tamen in id incumbunt, ut finem usumque Artis suæ adipiscantur & promoveant, iis nullam injuriam fieri puto, si perinde *Pædantismi* insumulentur. A Theologis rursus me abstineo, judicent ipsi Artis gravissimæ Doctores, utrum melius sacra eruditio se habeat, ubi quam proxime ad *Apostolicam*, vel potius ad *Christi Domini* inimitabilem *simplicitatem* accedit, quam ut supellectile scholasticâ ornata an onerata est. Numquid etiam *Magistris nostris*, (75) haud intel-

(73). Vid. Vossius, & Buchnerus *ad* II.

(74) Eadem est doctrina Grotii *lib. 1. de I. B. & P. cap. 1. §. 17.*, qua de re pluribus Jo. Nie. Hertius, *de Jurisp. Nat. Sect. 1. §. 21. vol. 1. Opus. p. 24. seqq.*

(75) De hac adpellatione, & mystica origine, deque ridicula quaestione; utrum dicendum *Magister Nostrandus*, an *Noller Magistrandus*, pro persona apta ad fiendum doctor in Theologia? Professa opera disputat *Thomas Langschneiderius*, Baccularius Theologiæ formatus, quamvis indignus; in epistola prima *Obscurorum Virorum* ad Superexcellentem, nec non Scientificentissimum Virum, *D. Orsinum Gratium*, Poëtam, Oratorem, & Philosophum, nec non Theologum, & plus, si vellet. Epitaphium *Magistri Nostri* habet Menckenius in *Charlas. b. 1. c. 1. Conf. idem d. l. p. 242. seqq. & Ad. Triebachovius de Diff. Schol. cap. V. sub in. & cap. VI. §. 4. p. 333. p. 117.*



telligibili farragine vocum sanctissima mysteria deformantibus, iisque ineptissime superbientibus, dum plebem nihil eorum capientem simplicissimis Dei literis arcent, nomen *Pedantarum* male federet, eadem fiduciâ sanioribus Theologis arbitrandum relinquam. De *Juris* nostri *Arte* liberius dicam, ut domesticâ, quæque tota super illud commune, illud civile iudicium, fundata & ædificata est, atque secundum illud doceri & explicari debet; nî hoc fiat, tanto pejor inde *Pædantismus* exsurgit, quanto ingenium ejus ab hoc vitio longius abesse videtur. Finis *Juris* est justitiâ, non tantum, ut leges secundum ejus præscripta condantur, sed etiam imprimis, ut hæc virtus in societate humanâ colatur & exerceatur. Ideo, qui *Jurisconsultus* haberi vult, eum id operam dare oportet, ut regulas æqui bonique intelligat & in promptu habeat, quibus in loco & in tempore ad negotia hominum gubernanda prudenter uti frui possit: eam *Juris* professionem, quæ hoc sibi non proponit, hoc quoque non præstat, ego fidenter esse dico *Pædantis-*

*num*. Parce, dicat aliquis, & respice temet ipsum; nonne tu ex eodem isto loco, cum pro *Juris* professione diceres, laudasti multum *Alciatos*, *Cujacios*, *Donellos*, & tot alios, præ *Accursio*, *Baldo*, *Bartoloque de Saxo ferrato*, omnique Doctorum turbâ, licet hæc ad forensem noticiam sit aptior, quam sunt illi priores elegantiarum Magistri? (76) Nonne Tu ipse cultiorem hanc viam à præceptoribus tuis edoctus es, nonne videri vis hanc ipsam præire Te tuis sectatoribus? Mea vero sic ratio est, *Auditores*, *Artem Juris Romani* tradendam in Academiis, intelligi non posse sine pura linguæ latinæ, & aliquâ sermonis Græci notitiâ, denique sine historiæ & antiquitatis Romanæ saltem mediocri peritiâ. Sed quid tum postea? *Jurisconsulti* veteres, quorum ad intellectum hæc præambula requiruntur, in eo sunt toti, ut forensem & *pragmaticam* *Juris* prudentiam suis auditoribus tradant. Qui verò hanc ultimam partem fastidiunt, & tamen se *Jus* tenere putant, hos ego, si scapha scapha dicenda est, *pædantissimi* non expertes reor esse; sint *philologi*, excellant *criticâ* laude.

(Dd) 2

de

(76) *Orat. V.* ubi & alia notavimus, pariter atque in *præf. Lect. Jur. & Orat. Lang. Itæ.* pro *Glossatoribus*. Confer sis *sup. Orat. II. p. 64. seq.*

de, *philologi* quoque *juridici* appellantur, fiat, non repugno, quin *Pedantas* esse nego, sed literarum, elegantiarumque cultores esse fatebor. Sed *Jurisconsulti* nomen augustum præferre, nec aliud quicquam dare studiosis, quam de *emendandis aliquot textibus*, de conciliandis circa obsoleta capita quibusdam *antinomiis*, de verborum aliquot *priscorum usu conjecturas*; cum de *jurisdictione*, *judicis*que agitur, nihil facere quam de *tribunali Romano*, de ordine fori antiquo loqui; de usu vero & observantia singulorum titulorum, quæ his diebus obtineat, tribus verbis absolvere, sæpe nihil dicere, nego hæc esse *Jureconsulti*, ineperta *judicio*que communi adversa mihi videntur. (77) Rursus, inquam, absit ut spernam illud *alterum genus*, scire etiam volo, delector iisdem & elegantias voco; sed *Juris Artē* iis rebus perfici, id utique nego. Instituire digressiones observationesque historicas philologicasve bene se habet; in *Jure*, si *πάρεργον*, non si *ἵππον* inde tuum facias; si huma-

niora te adspargere velle *præmonas*, non si *juris Professore* absolvere velis. Sunt præterea, qui *systematicam doctrinam*, quæ per definitiones, & partitiones earumque exegeses, *Juris artem* ob oculos ponit, *Pedanticam* esse volunt, quique *Studiosos* nihil quam libros à *Justiniano* relictos legere præcipiunt. Si *pedantas* vocarent eos, qui nihil aliud quam *systemata* legunt, qui libros *authenticos* vix inspicunt, eorum sensa non indagant, sed *proram* atque *puppim* sui studii in *scholasticis rudimentis* collocant, haberent me consentientem. Sed absque ullo ductu *systematico*, sine *expromptâ definitionum divisionumque memoria*, & *intellectu*, *diffusam* veterum *lectionem* aggre-  
di, *doctrinam* ejusmodi parit, qualis est, *arena sine calce*: possent esse magna, *perspicacia ingenia*, quæ hoc modo *validè* proficerent, non *recuso*; sed *vulgo* *studioforum* nihil *inutilius* arbitror. *Optimus* ille *modus* quem *Justinianus* præscripsit est; Ille vetat in suos libros scribi *commentarios*, sed *paratila* (78) per-

(77) Conf. Heineccii *Oratio Viadrina de Jurisconsultis Semidoctis*. Item *Gravina de Orig. & Progr. Jur. Civ.* cap. 169. seqq. & *Januarii Resp. Illor.* p. 249.

(78) In *Const. De auctore*, §. 12. & in *Const. Tanta*, §. 21. Denique in *Const. De his, nobis Datis*, §. 21. Quæ *Paratylorum* appellatione *Cuiacius* breves & subtiles intel-

mittit, hoc est, breves & succinctas complexiones, quibus judicia tyronum regitur, diffusæque materiæ compendio præsumantur; nam proluxæ commentationes à textu & legibus ipsis initia discen- tium seducunt. Ita modus in om- nibus rebus optimus est habitu. Hæc omnia credo, nec aliter suo sensu apud *Medicos*, atque Philo- sophos se habere, quin & illic indulgere speculationibus solis, mandare memoriæ dictata rudi- mentorum, his se jactitare, ni- hil extra sapere, non contende- re ad usum artis, docere non in- telligibilia, sit *Pædantismus*; ut notabiliter in hoc vitium impe- git *vetus schola philosophantium*, (79) quos nihil opus est ut nos heic loci exagitemus, eaque operâ novatores eorum æmulos, & jam superiores stantes allevemus. Vi- debat aliquando non incelebrem

è Schola *philosophum* in mœnibus hujus urbis obambulantem *Theo- logus* non è minimis, & ipsemet ambulans cum amico philosophiâ non indocto. Vin' tu, inquit, il- lum *philosophum* consequamur? faxy nos audias acerrimè dispu- tantes, ut nec tu nec nos invi- cem quicquam intelligamus. Con- sequuntur, alloquuntur, movetur problema, quod eadem diè publi- ce ab altero ventilatum fuerat, de *quidditate Hæceitatis*. (80) Argu- mentantur hinc inde, fit alterca- tio, vox intenditur, micant di- giti, it clamor in auras; nihil ut capiat ille tertius, nec quicquam intelligi posset, ab his sane, qui quid esset intelligere, scirent. Hunc esse *pædantismum* in quali- bet Artium facultate non credo negaturum, qui vel omnino *Pæ- dantismum* dari negaverit. Si jam porro ad Eloquentiam me con- D 3 feram,

Intelligit titulorum interpretationes, & quasi monitoria, sive claves eorum, quæ sin- gulis titulis continentur, *præf. in Paras. Cod. sub fin.* cumque sequutus Gul. Mara- nus in *Prohem. Parat. ad 1. cap. 1. & 2.* Falli vero istos dudum alius observatum est, uti Fabrotto ad *Cris. d. l.* & Jano à Costa, *præf. ad Summaria Decret.* Priscus enim germanusque paratitorum usus hic erat, ut ad singulos titulos adnotarentur, quæ aliis locis essent tradita; quapropter solas ea voce titulorum repetitiones indicari vere mo- net Math. Blastares, in *fine præf. ad Syn. Can. Alphab.* apud Beveregium in *tom. II. Synodici, pars II.* Confer sis Jo. Leunclavius in *Prol. Paratit. Jur. Gr. tom. II. Biblioth. Jur. Can. p. 1219.* quæque nos plura olim concessimus in *Prolegom. Jur. Civ. Sect. XIX. not. III. p. 64. seqq.*

(79) Vid Agrippa de *Vanis. Sciens. cap. 3.* Erasmus in *Enc. Mor. p. 144.* & Mene- konius d. l. p. 150. *seqq.*

(80) Qua de re pluribus agit Ad Tribecchovius de *Doff. Schol. cap. IV.* & Sapp. Welenselius de *logom. Erudit. cap. II. §. 7. seqq.*

feram, ibique diversas *Inepti* species exutere velim, *Auditores*, vix est, ut finem modumve orationis invenire possem; de oratoria facultate *Quintilianus*, de Historicâ *Lucianus*, de Poëtica *Horatius*, innumeras *Pudentissimi* species & exempla nobis suppeditarent. Summa redit eodem, quod pridem diximus, ad commune atque civile iudicium redigendum esse eloquentiæ modum, ut sit facultas ingenio usuque ita culta, consummata, uti flectendis rapiendisque hominibus apta comparata sit. Proinde quoties in oratione solutâ ligatâve, cura studiumque apparet ejusmodi, per quæ sit, ut attentio voluptasque auditorum comprimatur & suffocetur, non est dubium quin hujusmodi apparatus *Pudentissimi* vitio laboret; maxime, si accedat affectatio grandium sonantiumque verborum, aut quod pejus, eique tamen generi tumido familiare est, obscuritatis, quâ multi etiam docti, ut videntur, homines intolerabiliter sibi pla-

cent, quasi major orationis ulla virtus esse posset, quam pura & decora perspicuitas, quâ rerum difficultates etiam rudibus explantur, & eloquii institutum ita ut ab auctore sermonis Deo gegeri humano inculcatum est, ad communicanda invicem cogitata sua, prompte, jucunde, valideque exerceatur. Quis igitur *Pudentam* fuisse neget illum dicendi magistrum, de quo Fabius narrat, eum increpuisse discipulos, si quid clare nimis simpliciterque posuissent; *Σκώτιον παῖ, σκώτιον*, fac stylum occultio-rem puer, agebat. (81) Alius, cum audisset e discipulis unum ex ipsius præscripto involute, perplexè, declamantem, tanto melius, inquit, ipse non intellexi. Quid vobis de *Professore* publico *Eloquentia* videtur, qui Terentium, atque Ciceronem, ut nimia perspicuitate languidos, se ferre non posse fatebatur, sed *Winsemium* nostratrem (82) admirabatur & stupebat; quid est eloquentia, clamabat, si hæc non est? & exordia quædam orationum recita-

(81) *Lib. VIII. Inss. Orat. cap. 2. num. 18.* ubi *τὸ πᾶν* non habetur, aliaque orationis series conspicitur.

(82) Peregrinum Litteratorem intelligit, *Winsemii nostratis*, ut ait, ineptum imitatore, non Frisium. Illum enim *Dominicus Atranius a Burma*, hunc Auctor ipse exceperat, successore in *Eloquentia* *Buschio Pomerano*; qui huic orationi annos quatuor superstes locum deinde fecit magno *Perizonio*. Vid. *Fasti Academicæ Frisicæ*, quorum excerpta *Nic. Blanchardus* ad calcem *Orationis Sæcularis* exhibet, ad ann., 1647. 1657. 1666. & 1682.

citabat, verbis grande sonantibus, & quasi è profundo effosis, in altitudinem condita; verum adeo perplexa & obscura, ut rarus lector, nisi valde attentus, quicquam intelligeret; Huic enim vitio sic appello & quidem maximo Vir ille Egregius pravâ consuetudine in orationibus (nam in *historiâ* minus hac parte laborat) obnoxium se reddiderat. (83) Si *Padantismus* est doctrina, quæ magno conatu nugas agit, & contra iudicium institutumque generis mortalium nititur, haudquam obscurum est, quid de tali spurâ, atque, ut ita loquar, ebriâ eloquentiâ existimandum sit. At huiusmodi rebus si inhærere vellem, *Auditores*, exitum orationis nullum reperirem, quam vereor ne jam ultra publicæ recitationis modum putetis continuari. Proinde compendio atque transcurfu in reliquis utemur. Habuimus *ineptitudinem*, si licet ita loqui, *theoreticam*, de *practicâ* videndum, quam licet in aliis facultatibus æquè notabilem esse noverimus, solius tamen *Jurisprudentiæ* respe-

ctu nunc eam considerabimus. Nihil est tritius illis, qui in fori peristylis iudicandi vel respondendi causa versantur, quam Academicos Juris Doctores insimulare *padantismi*; propterea, quod usum artis atque praxin, ut loqui amant, ignorent. Ego vero Professores, qui muneris sui partes fideliter implent, nihil minus quam *Padantas* esse abinde probavi. Sed hosce *forenses magistros*, qui *padantissimum* longe infra suæ professionis homines situm esse putant, frequentius hoc vitio infectos esse, quam Academicos, date veniam, *Auditores*, dum paucis verbis ostendam. (84) Primo omnium, quod homines ex Academiâ recens dimissi, insulisque doctorum honorati, eos à quibus Artem didicerunt suam, quasi *padagogos*, eorumque doctrinam pro *Padantismo* insolenter habere videmus; quam procul id absit à vero *padantismi* characterem non potest ignorare, qui definitionem ejus jam pridem à nobis expositam perpenderit. Præterea, non semel accidit ut, inci-

(83) Grandioris eloquentiæ specimen Winsæmius dedit in *Panegyrico funebri Principis Mauricii*, anno 1625. Franequeræ impresso.

(84) Lepide istos perstrinxit Vinc. Obsopæus ad *Anhol lib. 11. epigr. 36. p. 234* Addef. Menagium in *praef. Atque Jur. Civ. & Heineccium in Oras. de Jurisf. Semideclia*.

inciderem in scripta Advocatorum, qui clientum causas ex Jure deducturi integra loca illius materiæ, ad quam res pertinebant, per *definitiones divisionesque* tractarent, uti cum de valore testamenti in judicio certabatur, etsi nihil opus esset, docebatur scilicet; quid & quotuplex testamentum, quænam ejus requisita, aliaque; sicut nos Auditoribus in universa Institutione tradimus; iisque tandem aliquando finitis, ad *rationes juris*, quæ meritum cause spectare videbantur, procedebant. Hujus generis Advocatum memini acerbè aliquando conqueri, se causâ cecidisse, tamen si vix res versus belgicè, omnia ferè Latine ex intimo juris penu elaborasset. Hos ego non minus *Pædantismi* reos crediderim, quam sunt omnes, qui in Consiliis, in libellis, deductionibusque causarum, leges, jurisque rationes, Auctorumque nomina cumulant, etsi nec opus sit, nec ad rem probandam finiendamque pertineant. Id maxime *Advocatorum* parti omni die contingere, testor eorum scientiam, qui audiendis litibus, exa-

minandisque judicialibus scriptis dant operam; nec adeò *pædantismi* plerosque absolvi posse fatentur necessarium est, sive judicio inepto, sive per ostentationem, apparatu eruditionis abutantur. Nam utroque committi *pædantismum* verba definitionis superius à nobis collocatæ expositæque demonstrant. Doleo non esse nobis integrum, evidentiam multifariæ ineptitudinis, quæ in hoc genere frequentatur, exemplis palam facere, quæ haudquaquam sollicitè inquirenda forent. Quod si novum inauditumque esse dixerint, homines Pragmaticos, & in fori luce versantes, accusare vitii, quod *scholas* tantum redeat, velim faciant, ut cogitent, apud Clientes consulentesque præferre mysteria Doctrinæ, legibusque eruditum velle videri, ubi nihil usu veniat, duntaxat ne *parum clerici* (85) habeantur, nunquid ineptæ ostentationis, quæ in studiorum negotio *pædantismus* est, id absolvi possit? Quin nec à Curiis Judicum id esse alienum, fidem facit Parisiensis illius Senatoris exemplum, de quo *Montanum* (86) referre memini, cum pro-

(85) *Clericus* pro sacerdote, monacho, & homine erudito; sicuti *Laicus* pro milite, rustico idiota. Menagius in *Esymol. Gall. voc. Clergie*. & pluribus de Fresne in *Gloss. med. & inf. lat. voc. Clerici*.

(86) Loco supra citato.

prolixè in Curiâ, de causâ quadam, eruditeque, inprimis ut ipse putabat, dixisset, ut collegis autem ejus videbatur, ineptissime, dimisso senatu, auditum fuisse in angulo palatii de successu tam doctæ orationis sibi plausum dedisse, tandemque pietatis memorem exclamasse: *Non nobis Domine, non nobis, sed tuo nomini sit laus & gloria!* Neque desunt alibi passim in Curiis, qui opinione Doctrinæ sibi placentes, neque judicio præditi sano rectoque, pro sententiis suis textus rationesque juris, ambitiose non minus quam infelicitè allegando, cum partibus perversè consulunt, tum *Pædantismi* manifestos sese produnt, tantò vehementius quò pertinacius sæpe pro suis nugis pugnant, nulloque modo ferre possunt, si qui eruditissimis eorum ratiocinationibus contradicere in animum induxerint. Hæc etsi de *Jurisprudentiâ* potissimum disseruimus, nihilo secus in artibus reliquis usu venire probatu facile erat, si tempus audientiæ superesset. Duntaxat in Oratoriâ facultate, quam latè patet observatio dicti Tulliani, quo *Eloquentiam semper inept-*

*tam* ille princeps oratorum judicavit, nisi quando est necessaria (87) profecto non est intolerabilior *Pædantismus*, quam orationibus homines obtundere, ubi non congruunt, vel ultrâ negotii modum explicare dicendi copias. Quo genere ineptæ ostentationis, fateor, ordinis nostri homines frequenter auditores suos enecare; quin etiam ex politicorum numero non pauci in eundem lapidem offendunt. *Henricus Magnus* rex Galliarum rogatus audientiam à legatis Massiliensium paulo ante meridiem, cum ad prandium ipse festinaret, jussit eos admitti, sperans, ut moris est apud Principes, eos breviter absolutores. Sed orator eorum ita ordiebatur; *Hannibal proficiscens Carthagine*; Tum Rex, *Hannibal*, inquit, proficiscens Carthagine jam pransus erat, Ego sum pransurus; & cum dicto abiens oratorem cum suis pudore confusum reliquit. (88) Haud dispar nepotis *Ludovici Magni* exemplum, cum is nuper, Iperis & Gando captis, Lutetiam properaret, Insularum Magistratus, ut publice relatum est, in viâ constiterant Regi congratulaturi; Stabat (Ec)

ora-

(87) Vid. Cicero *sub init. libri II: de Orators.*

(88) Plura ejusdem Regis hoc genus apophthegmata recenset *Perefixius ad calcem Historiæ Henrici IV.*

orator, parans exordium, quod rex altius ductum iri animadverrens, *Satin vobis placent*, inquit, *Gandarum & Ipera captae*? Imò verò illi; Etiam mihi, inquit & pergebat. (89) Teneamus igitur, quicumque in actionibus publicis privatisque affectat videri doctus & eloquens, eruditionesque miscet, ubi necesse non est, *Pedantismi se* alligat, & hujus rei quam multiplex usus abusufque sit pro sese cuivis observare licebit. Idem affectationis vitium facit ex hominibus doctis in commercio vitæ communis & conversatione civili *Pedantas*, quando in habitu, incessu, vultu, motu corporis, ipsoque sermone singulares amant esse, contraque iudicium commune se conspicientes ridendosque præbent. Injuriæ sunt *aulici homines*, aliique peregrinis culti elegantius, quando eruditos, qui talia civilitatis imitamenta nesciunt usurpare, quasi *Pedantas* intuentur, modo in illorum simplicitate nihil affectati vel contorti appareat. (90) Nam etiam hac parte verissimum est illud, τὸ δὲ φέρει χάριτος ἄπαν, quicquid cum natura convenit, optimum est. Non excludimus utique diversitatem hominum atque pro-

fessionum, neque mutationem vultus, cultus, incessus, sermonisque, secundum illam varietatem; modo in omnibus conveniens decor, & moderatio civilis nihil abhorrens ab usu recepto servetur. Nam quicquid eminet, ut quæsitum, offendit oculos, statimque *fastus & v-dadine* suspicionem parit, vel ineptiæ præsentem utique imaginem exhibet. In oratione, sicut animi characterem natura imprimis expressit, ita nihil frequentius in hominibus eruditis degenerat. Vel sola pronuntiatio spectetur in his, qui ad populum de sacris verba faciunt, quam sæpe enormis, inflata, detorta & affectata sit, ut odium sui ædiumque aliquando nulla re alia in auditoribus excitare videantur. (91) Prorsus opera danda est, ne eruditio nostra cuiquam gravis aut molesta sit, nec scio, an non huc, ipsum *Latini sermonis* commercium redigere nos oporteat, ut nec illud *pedantismi* sit expers, si absque necessitate frequentetur apud homines, quibus in promptu non est facultas hujus linguæ, vel qui promiscuo ejus usu non delectantur. Dolendum equidem est, hoc commu-

ne

(89) Anno 1678. dum pacis negotium *Neomagi* trahitur.

(90) Exemplum *Adriani Turnebi* habet Montanus d. lib. 1. cap. 24.

(91) Vid. Petr. Burmannus V. Cl. in *Oras. in Studia humanitatis*.



ne gentium Christianarum vinculum ita resolvi in desuetudinem, ut etiam inter homines doctrinam professos Latine loqui, de rebus à studiorum disceptatione alienis, *pædagogicum* habeatur. Quæ opinio ex Italiâ in Gallias & Germaniam derivata, & in Hollandia nuper recepta, in hanc quoque Frisiam moris antiqui tenacissimam aliqui, nuper invasit, irrupit. Quando ita se res habet, & hic mos jam plane inveteratus est, viri prudentis officium existimamus esse, eo modo cum hominibus agere versarique, ne sui ipsius odium atque fastidium præbeat. Judicavit ita jam olim *Jacobus Augustus Thuanus*, qui refert in *vita sua*, cum ad *Carolus Sigonium* eloquentiâ literisque politioribus inclytum virum Bononiæ aditurus esset; cum *intelligerem*, inquit, *hominem ægrè latine loqui, malui Italice cum eo balbutire, quam minus familiariter cum tanto viro agere.* Nonne meminimus *Salmasium*, humanioris doctrinæ, Artiumque eloquentiæ Principem habitum, cum in Belgicam venisset, ægrè cum hominibus Latine loquentibus verba commutare potuisse, solitumque esse percunctari, siquis

eum ita compellaret, nunquid Gallicè sciret? (92) In Germania cum *Freinsheimio*, cum *Bœclero*, aliisque hominibus, qui vitam omnem in Eloquentiæ Romanæ studiis transegerant, idem mihi ferè contigit, quod *Thuanum* de *Sigonio* narrantem audivimus. Utique postquam *Bœclerus*, in musæum me suum invitans, dixisset aliquando vernacule, habere se illic hominem Belgam; atque roganti, unde? nescio, inquit, subridens, at Belgam oportet esse, cum nihil quam latine loquatur; per me scilicet ingrato hominis colloquio expediri volebat. Sit igitur jam porro, si dñs placet, *Latine loqui Pædanticum*, vel hac causâ, quam diximus, vel ea, quam *alius homo*, in literis jure suo magnus probabat, quoniam latina lingua aliter quam studiorum causâ sermone trita; miserrimè luxatur & laceratur & vulgo eruditorum, quasi præsteream prorsus ut linguam mortuam cedere gallicismo, quam imperfectius usurpari. Nam id jam *Galli* magno successu agunt, ut suam linguam loco Romanæ universalem dominantemque in Europâ faciant, quod utinam aliquando majoris & *dominantioris successus* omen,

(Ec) 2

(92) De *J. G. Grævio* id ipsum aequales uno ore commemorant.

omen, initiumque fuisse non videatur! (93) Quod si unquam fieri potest, ut Latini sermonis usus quibusdam gravis videatur, nolite tamen existimare, *Juvenes Ornatisissimi*, propterea segnius huic linguæ excolendæ vobis incumbendum esse. Namque necessitas eleganter florideque scribendi nihilo minor hodieque manet, quàm fuit unquam; loquendi etiam, ubicunque de studiis quæritur, ubi de rebus magni parvique momenti ex rationibus eruditis, Artiumque fundamentis agendum & disceptandum est. Neque profecto faciendum, *Auditores*, ut nos privari patiamur, ejus linguæ privilegio, quod studiosos à profanâ plebe distinguit, & quod *Gallicismus* nemini vestrum præstare potest, quo femine, milites, aulicique bonarum ignorantes rerum, facile vobis antecellent. Demus hoc societatis seculi, & tralatitiæ humanitati, ut eorum qui latina reformidant pudori ignoscamus; sed nonquam inter nos invicem illam gentis gentium dominæ linguam cessemus reddere nobis familiarem; sine cujus exprompta facultate omnis eruditio nostra tan-

quam situ squalida sordescit, & sapientia balbutire videtur. Tenemus saltem ex eloquentiâ modum, hætenus, ut ne ostentemus, ne obtrudamus eam; sed ita nos comparemus, ut in tempore locoque, gravi illâ & adhuc imperium orbis resonante linguâ, res magnas facunde, copiose, voce calamoque, tractare & illustrare possimus. Nec est quod amplius imposterum nescio quod *Pædantissimi* apud vulgus odium revereamini, quando *Friderici Imperatoris* vere Magni, quod agnomen invidia Pontificum negavit huic Heroi, glorioso patrocinio adversus inimicos literatorum tuti & honorati esse potestis. Imo præsentis & efficacius tutamen atque præsidium nobis omnibus comparatum est, postquam Tu HENRICE CASIMIRE, Princeps Illustrissime, postquam Tu splendidissimis aviarum hereditatis, atque delatis à Republicâ titulis, nomen Curatoris Academiæ, sed honorarii, sed Magnificentissimi addere non despernatus es. Es cui potius conveniebat, hanc Tibi dignitatis accessio- nem gratulari, quam ei, quem fors benigna eodem anno præesse Lycæi voluit, quod post supremum Numen dein.

(93) Quantum isto abusu & studiis, & moribus, regimini politico denique, fuerit doctum, viri cordatissimi, *Cramerus*, in *Vindiciæ. Nom. Germ. Tolandus*, in *Gallo Aretologo*, & *Burmamnus*, *Præf. in Justin.* & alibi. præceter monuerunt.

deinceps in Te suum decus tutelare, suam in prosperis auctoritatem, in adversis rebus praesidium collocabit & venerabitur? Habemus omnes in memoria, quam liberaliter, quam honorificè, & amanter gloriosæ recordationis Parens Tuus rem Academicam tutari non contentus, etiam augere, quotiens usus ferret, & exornare solebat. Non est animus equidem, nec opportunum fuerit, Academica damna, quæ post sapientissimi Principis lamentabile fatum tulimus, ingrata commemoratione repetere. Sed erigit in spem novam percussas tempore suo Musas, Tua, generose Princeps, indoles, quam luculentia primæ adolescentiæ incrementa, quæ inter nos emicuerunt, jam tum egregie patefecerunt. Optamus utique ac etiam sperare fas sit, quæ, cessante Curâ Magnificentissimâ, res nostræ detrimenta cepere, divinâ quidem bonitate potissimum, sed Te, **MAGNANIME PRINCEPS**; duce & auctore postliminio reditura. Restitutum iri adempta postliminio, inquam, ominamur, ut quæ suspensa magis violentiâ belli, quam sublata penitus & extincta credere nos jubet amor ille vetus Frisicæ gentis adversus literas & literatos. Tu verò, cui bono, **HENRICE CASIMIRE**, nuncupationes ornamentorum tuorum literario nomine claudi & obfignari passus es, quàm ut præ-

textum benefaciendî Musis earumque alumnis sub titulo Curatoris haberes? Serviet hoc nomen tibi, credo, velus arcanum aliquod potentiae, vel ingens privati subsidium ærarii; quærendum inde videlicet, ubi nihil lucri proponitur quam bona mens & paupertas. Enimvero ipsum nomen Curatoris palam loquitur, esse munus quod suscepisti, non honorem esse delatum, cujus omnis excellentia in beneficio exercendo orditur atque consumitur. At ne parum Te, **HENRICE PRINCEPS**, Curatorem forte præsumas, scito, pupillam tutelæ mandatam esse Tuæ, obnoxiam contemptui & injuriis, innocentia male tutam solâ, denique tanta auctoritate Tutoris & indigam nec indignam. Quin aut me vehementer opinio fallit, aut nimio generosus eris Nassavius sanguis, quam ut magno apparatu, nomen otiosum, sine re, sine virtute sibi datum videri patiat. An loquerentur solum homines **HENRICUM CASIMIRUM** Academiæ Curatorem esse creatum, idque brevi auditu aliis transmittent, non loquerentur, Eum esse & Eum agere Curatorem? Hocce reputatio honoris in tanto fastigio, in tam acri ingenio ferret, ut novissimus hic titulorum, velut inane complementum, reliquis subjiceretur? Quin potius, sicut Illustres Patriæ Patres judicavere, Principis  
(Ee) 3

*Et* Comitis *Et* Hereditarii Gubernatoris sui decus, additamento literarii characteris non debonestari, sic etiam hoc mihi sapientissimis hominibus propositum esse videtur, ut attenuatam Academiam integris ornamentis suis novâque beneficentia complectantur *Et* erigant *Et* pristino splendori restituant. Quod ut Tu,

*MAGNIFICENTISSIME CURATOR*, adjuvare, promovere, perficere velis, ut pupillam, quæ se totam Tibi dedit, à Te tota pendere cupit, patrocinio curâque tua benefice magnificeque foveas, id ipsas Te Camenas rogare, obtestari, supplicare puta.

## D I X I.



UL

ULRICI HUBERI

DE

Vitâ gloriosa, exitu tragico

CELISSIMI HEROIS

GULIELMI FRIDERICI,

D. G. Principis Nassovii &c. Nationum, quæ sunt  
inter Flevum & Amasin, Gubernatoris &c. &c.

O R A T I O,

H A B I T A,

*Ex decreto Senatus in templo Academico*

A. D. XIV. Kal. Jun. MDCCCLXV.

Præfatio ad Ordines &amp; Principem.

**O** Effert se vobis glorioſæ recordationis PRÆFECTUS ac PAR-  
RENS veſter, exhibitus noſtræ vocis officio, ſi mearum id  
erat virium, qualis Ipſe fuit, qualem vos Potentiſſimi Pa-  
tres, vivum mortuumque judicaſtis, qualis Tu Celiſſime  
FILI eſſe debes & aliquando futurum ſperamus. Nimirum,  
ſi intentus in veſtigia, quorum in exempla natus es, ſævera lege experia-  
ris, utrum efficacius ad virtutem ſit, bene inſtitui, an feliciter naſci.  
Quorum ab altero nihil Tibi voto reliquum Natura fecit, alterum Pietas  
Illuſtriſſimæ MATRIS & excitatiſſima inſoles tua, magnitudinis in  
quam aleris capaciſſima, Reipublicæ præſtabit; cum qua tam arte con-  
junctus es, ut omnis ad eam ætatis Tux bona & adverſa pertineant.  
Non

*Non est dubitandum, si quis cælo receptis humanarum rerum sensus relinquitur, quin beatissimus GULIELMI FRIDERICI animus, hoc pio gratitudinis vestrae, PATRES, in prolem suam consensu mirifice delectetur, seque modo ad sidera vocatum vivere adhuc in Filio gaudeat, cui vota, in quæ pridem successerat tam fideliter tam prompte representastis. Non vos serum in ætatis expectatione præsidium, non excogitatus Reipublicæ metus, aut ambitiosa libertatis ostentatio retardavit, quominus etiam ante tempus inveteratum Reipublicæ institutum, & merita Quatuor HEROUM agnosceretis. Interea, dum Adolescentis vestri cum annis maturescet auctoritas, pari consiliorum tenore, quod populus confidit, non expressam necessitate, sed judicio constitutam, non remedii, sed beneficii causa & in pacis ornamentum spem Domus Illustrissimæ continuatam ostendetis. Sed non morabor gravissimas quæ Vos occupant, belli atque pacis curas, nec gravem luctus memoriam renovabo; Solis precibus & voti pietate defungar; DEUS Pacis, DEUS belli, Stator & Vindex antiquissimæ libertatis nostræ, Sapientissimi Proceres, Consiliis vestris propitius adsit, Pacem domi stabiliat, foris nubem illam trucis & cruenti belli Concordiæ lumine dispellat, tueatur beneficia sua, datisque tam largiter incrementis perpetuitatem addat. Te autem, Optatissime PUER, omnibus ingenii fortunæque bonis augeat, inque mores ac instituta PATRIS euntem perficiat ad lineas vivo Illo jam ductas, quibus virtutum ejus effigies includi possit. Provehat excellentem naturam in similitudinem tuorum, & efflorescens erupturæ virtutis germen ad eam maturitatem perducatur, ut non minor ac olim è Tua messe seges percipiatur. Hoc populus optat, hoc precatur,*

Illustrissimi PATRES,  
Celsissime PRINCEPS,

*Civis & Clientis vester humillimus.*

ULRICUS HUBER.

Tan-

## O R A T I O X I.

**T**andem se luctus Fri-  
siæ justitio & solen-  
ni funeris religione  
solutus è privatis ge-  
mitibus & secreto  
civium stupore in apertos que-  
stus effundit. Qui *Domus Illu-*  
*strissima* cladem confuso adhuc  
murmure miserabantur, tandem  
ægre animos repentina mali e-  
normitate attonitos ad reputan-  
dam publicæ calamitatis magni-  
tudinem attollunt. Deslebant mo-  
do *Generosum Principem*, cui to-  
ties flagrantissima belli & nun-  
quam detrectata pericula peper-  
cerant, quem toties infesta præ-  
lia & redundans sanguine hosti-  
lis campus intactum remiserant;  
nunc domi suæ, tutissimo refu-  
gio, suâ, sed innocenti dexte-  
ra, tot servatis civibus inclytâ,  
in ipso larium obtutu miserrime  
prostratum. Lugebant, *inquam*,  
omnes & manant etiamnum la-  
crymæ prælagis de communi Pa-  
triæ fortuna curis iteratæ. Qui  
enim quatuor & viginti annis  
grandi mortalis ævi spatio, salu-  
berrimis experimentis senserant,  
*nihil majus humano generi quam*  
*gravem & providum Principem ca-*

*lesti beneficio præstari*, haud im-  
merito nullum funestius, post  
hunc horribilem ictum, divinæ  
ultionis omen & argumentum  
expavescebant. Perinde, sicut  
defectiones naturalium siderum  
non tam adspectus horrore quam  
portenti interpretatione populo-  
rum animos percellunt, ita cum  
nunc quasi Sol de cælo Reipu-  
blicæ excidisse videretur, non  
modo tam clari luminis occasum,  
sed florentissimis opibus suis cla-  
dem diuturnæque felicitatis com-  
mutationem FRISIÏ pertimesce-  
bant. Meminerant Seniores qui-  
que ab illis accepere, destitutam  
alias Gubernatorum mortibus  
Rempublicam, bellis quoque fi-  
nitimis implicitam & discordiis  
civilibus agitatam; sed, immi-  
nente semper vestigiis defuncti  
Successore, qui ætate rerumque  
experientia par tantæ moli, quod  
ereptum omnes querebantur in  
promptu repræsentaret. Nunc  
optimum & tot annorum pace  
probatissimum Principem repen-  
te sublatum sentiunt, herede qui-  
dem orto ex illis, sed nondum  
tali, qui se Domumque & Secu-  
ritatem publicam sustentare queat.  
(Ff) In.

Incomparabilem Frisia jacturam in excessu quondam GUILIELMI LUDOVICI (a) eximio cunctorum ordinum mœrore contestata est; recenti imprimis eorum temporum memoria, quibus, incumbente cervicibus Patriæ Hispano hoste, nullum defensionis præsidium, aut spes solatii quam in *Illius* fortitudine consilioque suppeditabat, quæ cum novissima prosperitate colata, quanto cogitantes majore letitia perfundebant, tanto Ejus gloriam & admirationem intendebant. Sed neque deerat fati munere quod amissi desiderium teneret, Frater successioni admotus, ita domi militiæque cognitus, ut omnes *personam Senis non virtutem Gubernatoris mutatam facerentur*; nec anxie *Gulielmi* prudentiam requirerent, qui successaneam ERNESTI vigilantiam intuebantur. (b) At cum hunc improviso nobis istu *Ruremunda* abstruisset, Respublica maximam rerum conatu involuta ve-

terano equidem fortissimoque duce intempestive destituebatur & *Frisiæ* potissimum ingentes luctus inexpectata calamitas parabat, nî medela salutaris interventus fuisset *Acerriini Juvenis*, cujus nota generositas præclara quæque Reipublicæ pollicebatur. Sed postquam HENRICUS (c) in ipso pulcherrimarum rerum primoque ætatis flore extinctus, spem qua *Belgarum* populi mirifico in ipsum consensu erant defixi, abruptit, *Frisiæ* tamen gravissime percussæ tam opportune fatum domus *Nassoviæ* succurrit, ut futuri certa & secura, pene solo præsentis doloris sensu defuncta videatur. Supererat enim consilio animique magnificentia *Alter*, ac velut *Idem*, flos Illustrissimæ familiæ, decus ac delicæ Pacis atque belli; in quem æque Patria prosperis ambiguisque rebus asseverate recumberet; ac ut verbo complectar, in quò non *Fratris* modo, sed & *Parentis*, Magnique *Patru*i instar pariter

(a) Qui patre natus *Joanne*, avo *Gulielmo*; Sigentæ anno 1560. *Frisiæ*, Groningæ, Drenthiæque Praefectus; sterile expertus matrimonium cum *Anna* consobrina, *Patru*i *Gulielmi* I. Arausionensis filia, decessit *Leovardiæ* anno 1620.

(b) *Ernestus Casimirus*, prioris frater, & in Praefectura successor, natus *Dillæburgi* anno 1573. matrimonio usus *Sophiæ Hedwigæ*, de qua infra, in obsidione *Ruraemondana* occubuit anno 1632. inclutæ gentis suæ felicissimus propagator.

(c) Filius *Ernesti* natu maior *Henricus Casimirus*, virtutum atque dignitatum patrum heres, in lucem editus *Arnhemii* anno 1612. coelebs in castro S. *Annæ Flavæ* arotum ex vulnere hostili perijt anno 1640.



riter eludebat, GUILIELMUS, inquam, FRIDERICUS, (d) quem modo suæ nostræque felicitatis gloria florentem acerbissimo casu nobis suisque ereptum deploramus. O instabiles fatorum vices! ô funestam humanarum rerum inconstantiam! Qui tenebras olim, tam insperato Reipublicæ offusas auspiciatissimo lumine discusserat, nunc ipse nos multo tristiori caligine involvit, nec reperit, cui facem novæ luci accendendæ, cui lampada tam feliciter nobis prælatam tradat. Amiserat olim *Atlantem* suum Respublica, sed præsto erat, cuius humeris attolleretur, novisque incrementis auferceret; jam ne hoc quidem solatio allevamur, ut sit, à quo Respublica perinde ac alias sustentetur, cuius juventa, cuius robore subnixa, novaque securitate læta invaleseat. Haud immerito igitur multo quam antehac altius hodierni mali sensus *Procerum Populique* animos penetravit, non modo quod tristis & pene tragica casus recordatio ferali omnes horrore perfundit, sed quod Patria vul-

nus corpori suo tam graviter impressum haudquaquam pari ac olim medela redintegrari sentiat. *Amplexa est memorabili gratitudinis consensu spem unicam quam offerebatur, superstitem, propitio Nupine, dignitatis ac virtutum, ut ominamur, paternarum Hæredem; Sed efficacia subinde saluberrimi temperamenti, quo per annos octuaginta (e) adversis secundisque rebus inconcussi stetimus, hoc fatali deliquio interrupta, imminentem è propinquo & versum jam rerum statum ancipiti experimento committet. Verum hæc & alia Magnus futuri Arbiter, & Sapientissimi Proceres optimo publico moderabuntur. Nobis Beatissimo Heroi perfolvendum est, quod consensu generis humani Magnarum Animarum memoria debetur, ut cuius virtutes atque res gestas, dum in terris egit, admirati sumus, ejus cælo recepti laudes grata commemoratione celebremus. Romani Imperatores, qui salvis successoribus suis moriebantur, solenni ritu, divinitatis elogio, mortaliū superstitioni consecrabitur, proculdubio adulatione adversum*

(Ff) 2

here

(d) Patri, Fratrique in Praefecturis successus, lucem vidit Arnheimii anno 1617. ductaque *Albertina Arawionensi, Friderici Henrici filia*, pater exivit *Henrici Casimiri*, avus *Joh. Gulielmi Frisonis*, & abavus imperantis cum maxime *Gulielmi Caroli Henrici Frisonis*. Reliqua auctor hoc sermone fufius persequitur.

(e) Ab *Vronæ Tractatina* usque anno 1579. inita. Inf. not. (g)

heredes quam credulitate vel affectu erga defunctos. (f) Nostro pietatis officio testimonium fidei ac veritatis, amor, quo vivum mortuumque universi sunt profectui, abunde conciliabit, adulationis necessitate causisque jam procul habitis; at ne amor præiudicio indulgisse videamur, non ut Deo vel Heroi cælis dicato superstitione blandiemur, sed ut hominem, ut civem, ut parentem vel denique ut meretur laudabimus. Utinam vero id Tue, PRINCEPS Gloriose, post fatum memoria præstare dicentis imbecillitas possit, quod Tu novissimo, quo me dignabare colloquio, ne superstiti eveniret, subverri videbaris; ne in historico quod meditarer scripto, tuarum laudum studio à Te gesta ultra quam par esset verborum commendatione extollerentur. Tu quidem generosissima moderatione res tuas faciei qualem fors dedisset, meum stylum pictori comparabas, cui proclivius foret affectatis coloribus imagini lenocinia circumdare & spectantium admirationem conciliare, quam dissimulatos ipsius vultus nævos judicantium æstimationi subtrahere. Sed quanto me potius anxium tenuitatis meæ conscientia habebit, ne dicta fa-

ctis parum exæquem, & incomparabilem meritorum tuorum amplitudinem verborum minutis frangam! Amplissimum *Academici Senatus* innumeris à Te beneficiis auctus, quam unicam contestandæ gratitudinis rationem sua in facultate habebat, nequaquam cum vitæ tuæ tempore dimittendam nominis tui memoriam putavit, sed gratias laudesque meis verbis publico nomine Tibi quidem iustissimo affectu decrevit, at mihi gravissimos adversarios, suum de magnitudine gloriæ tuæ præiudicium, & nescio quam maiorem de studii nostri professione expectationem constituit. Sed erit humanitatis vestræ, *Auditores*, ita huic orationi aures animosque dedere, ut ne exercitationem, qualis in me esse debebat, eloquentiæ, sed difficultatem enarrandi laudes, nedum exornandi, quas in hoc Principe omnes post hominum memoriam agnovere, animadvertatis. Equidem utcumque nostros conatus alii interpretabuntur, tantum apud me, aut ratio suscepti muneris, aut obsequium Senatus, aut potius grati erga defunctum *Heroem* animi reputa-

(f) Omnium indulgiam in explicando hoc ritu facile superavit V. Cl. Jo. Dan. Schoepflius, in *Tract. Hist. de Apothefi Imp. Rom.*

putatio valebit, ut qualicunque facundia opinione cedere, quam tot nominibus obstrictus parum officiosus haberi malim. *Facile contemptum rumoris & securitatem acrioris censura animus in utramque partem sibi conscius induit, cum majus in verecundia ignavia, quam in audacia temeritatis periculum ostentatur.* Quapropter caelesti ope, quod in dicendo non minus, quam in rebus agendis fieri par est, rite implorata, vestroque, *Humanissimi Auditores*, audientiae favore, opus arduum & anceps, non pro rerum majestate sed ingenii nostri facultate, aggrediemur. Nec est, cur pigmentis Rhetorum, & affectatis aliunde coloribus masculam exornationem enervemus, quatenus magnificentissime laudandi partes, qui fidelissimè narraverit impleturus videatur. Proinde nec refertæ imaginibus domui perlustrandæ, nec cumulandis veterum Nassoviorum decoribus, avitisque nobilitatibus commemorandis immorabimur: Quippe adventitiam dignationem ei colligere, qui incomparabili suarum virtutum splendore posteritati præfulgebit, supervacuum ac ambitiosum arbitramur. Quan-

quam facilem ab *Auditoribus* veniam sperabamus, si ex Illustrissima stirpe *Principem* gloria præcipuum, sed *NASSOVIORUM* inter nos, pene dixeram, ultimum laudaturi, parce breviterque de Majoribus, qui tantum nobis Heroem dedere, loqueremur. Non ut Soli facem præferamus, & decantatissimæ Gentis origines operose evolvantur; sed occasiones, quibus in tutelam *Belgicae* libertatis est propagata, inter innumera fertilissimæ domus incrementa collocemus. Magnificum & memorabile ob auctoritatem *Jacobi Augusti Thoui* familiæ hujus elogium est, (g) quo divinitus eam Vir Clarissimus multitudinem bellicosa sobolis, virtute, auctoritate, felicitate destinata ait, quæ factum & enormem domus *Austriacæ* potentiam retunderet atque coerceret. (\*) Tamen id nulla Europæ in parte clarioribus experimentis ac in *Belgica* comprobatum est, nec usquam crebriora victoriarum monumenta, suoque jure superbiora de impotenti gente excitata ostenduntur; quo justiore necessitudine argumenti hujus præfatio popularium recordationi insinuada

(Ff) 3

da

(g) Addeſſis plura aliorum teſtimonia apud Joſ. de la Piſſe in *Hiſt. Princ. Aſſaſſ.*

p. 209. 1719.

\* lib. 135, p. 1184. ſeq. ad ann. 1606.

da videbatur. (h) Satis quippe constat NASSOVIORUM familiā vetustiore[m] aliam ac nobilio-rem per Germaniam ab his octo sæculis annalium memoria clausisse nullam. Utrique cum *Henricus Auceps* subraetam *Caroli Magni* posteris, sibi auctoritatem Imperii vindicasset, jam tum *Otto Primus* hoc nomine Comiusque dignitate à Scriptoribus eorum temporum luculenta cum laude memoratur, isque Patrem, Avum, Proavum hæreditariæ potestatis Antecessores recensebat. (i) Atque hi tam clara fertilitate effloruerunt, ut plures ex ea stirpe Illustrium familiarum rami velut arbore sæcundissima germinaverint, quas inter *Zutphanie Comites*, & *Gelrorum Domini* excelluerunt. (k) Quin & *Cæsarei* fastigii decus auspicato *Adolphus* in eam intulit, vir cunctis, quicquid invidia calumniatur, im-

peratoris virtutibus egregie instructus, qui sic meruit, ita gessit Imperium, ut non tam prospera expertus quam adversis confictatus longe super utramque fortunam emineret. (l) Ille Augustus recto ex se processu alios edidit; sed ex Patruo ejus *Othone* discenderunt, qui ipsam *Nassoviam* triplici amne & jurisdictione distinctam tranquillo usque hodiernum diem imperio moderantur. (m) Ex his *Engelbertus* amplissima ditio[n]e *Bredana* jure uxorio auctus; *Belgicarum* rerum primus occasionem posteritati patefecit. Nam filius ei cognominis fortitudine sapientiaque insignis à *Carolo Pugnace* filiaque ejus *Maria* & *Austriaco Maximiliano* rebus magnis *Flandriaeque* Præfecturæ admotus, dein à *Philippo* in dotalem Hispaniam profecto *Belgica* universæ Gubernator & propinquo constitutus est. Ex fratre hic nepotem *Henricum*

(h) Egrege illustravit hæc omnia Herm. Conringius lib. II. de Finib. Imp. Germ. lib. II. cap. 25. §. 6. seqq. tom. I. Opp. p. 402. seqq. & in Thesouro Rerum publ. tom. IV. Opp. p. 242. seqq. luncta Apologia Gulielmi I. adversus Bannum Philippi II. Leidae in 4. anno 1581.

(i) Præter citatos adeundus Jac. Gul. ab. Imhoff in Notitia Procerum Imperii, lib. V. cap. 5. p. 410. seqq.

(k) Vid. Jo. If. Pontanus lib. VI. & VII. Hist. Gelr.

(l) De *Adolpho Nassavio*, Rudolphi Habsburgici legitimo successore, & iniquis ejus exactionibus, clade ejus denique & caede, in prælio adversus *Albertum I. Austriacum*, anno 1198. professa opera commentatus est Celeberr. Gundlingius in Selectis Observat. sect. IV. p. 91. seqq.

(m) Seriem incluti stemmatis post alios integram repræsentat laudatus Imhoffius d. I. p. 411. seqq. cui addidit Spenerum in Op. Herald. Spec. lib. III. cap. 26.

ricum tam felici judicio adoptavit, ut non opum magis & potentiam quam virtutum quæ difficilior præstantur, fortunæque heredem elegisse videretur. Siquidem is à Carolo Cæsare acerrimis pace belloque ministeriis probatus *Brabantie* totique *Belgarum* exercitui præpositus, contra *Gallos* & *Gelos* pro magnitudine *Burgundica* tunc primum adolescente pari prudentia ac felicitate laboravit. Filius ejus *Renatus*, cui ad paternas divitias Principatus *Araussonensis* & opulentissime in *Sequanis* possessiones accessere, cum juvenis ac cælebs pro Cæsare dimicans occubisset, Patruelem *Gulielmum Nassovium* *Belgarum* postea vindicem & Liberatorem gloriosissimum habuit successorem. (n) Cui fratres omnino quatuor cum fuerint, Gallicis Belgicisque expeditionibus inclyti Duces, manu pulchri, consilio prompti,

omnes vitam implacabili in Hispanum odio & multiplici illius clade, nostra pro libertate effuderunt. Solum *Johannem* beatissimi *Herois* nostri Avum numerosa sobole beatum (o) arctissimaque fratris *Orangii* amicitia publica-que in nostrates munificentia memorabilem secundiora Belgicæ fata superstitem voluerunt. Quippe, cum Principes & nobilissimi quique proscriptionibus cecidissent, aut exiliis fracti & patrimoniis evoluti, se orbamque plebem alserere non possent, in desperatam Ille causam non modo pecuniarum, quod corradere sua fide periculoque posset, elargitus est, sed nec discrimini ipse suo neque sanguini pepercit; nunquam vel ætatis vel carissimorum pignorum respectu, privato incommodu publicas calamitates finire cunctatus. Nam sparsis consumptisque malo intestino Fœderatorum viribus,

(n) Tanti *Herois* elogia apud *Thuanum* & *Grotium*, ceterosque omnes maxima. Res gestas *Mauritius* peculiari opere persequutus est. Conf. Ev. Reicapus lib. III. *Ann. Belg.* p. 59. Ceterum qui Mose olim, & *Davidi*, huic etiam livor ausus detrachere, opere vernaculo triam voluminum, de vita *Gulielmi* 2. Non tamen efficient unquam fat scio zoili hoderari, ut divino per *Auriacos* auxilio sese, maioresque suos indignos fuisse, ingrati posteri testentur.

(o) Ex tribus enim uxoribus viginti & unum liberos suscepisse legitur; ceterum *Joannis* hujus pater *Gulielmus Dillaburgensis*, quem cognomento *Seniorem* adpellant, ex altera uxore *Juliana Stolburgia* duodecim utriusque sexus liberos; horumque mater septuaginta septem nepotes, centum porro & sexaginta pronepotes, superstes marito vidit. Filiorum quinque illius *Gulielmi* natu maximus *Gulielmus* fuit *Araussonensis*. Vid. Imhoffius d. l. p. 424. seq. De *Joannis Nassavi* meritis & obitu *Thuanus* 4. lib. 126. p. 1134.

ribus, molestissimam *Gelriae* provinciam nefaria Praesidis defectione destitutam, misericordia quam praemii expectatione, quae afflictissimo tempore insana fuisset, amantissime suscepit, sapientiaque sua atque solertia perculsa & perturbata restituit ac ordinavit. (p) Quo rerum articulo saluberrimum foedus Traiectinum, quo stetit integro saeculo inconcussa *salus Patria*, aeterno de nobis merito & promovit potissimum & princeps subsignavit (q) tunc rebus pro tempore stabilitis beneficioque suo defunctus domestica quiete laureatam senectutem refovit. (r) Interim è Dillenburgico suo velut è specula quadam animo semper studioque nobiscum agens utilitati fortunæque partium invigilabat, longeque maximum prosperitati nostræ momentum & exercitibus robur attulit, quod floren-

tissimos vigore annorum & virtute Filios, in quibus magnorum instar auxiliorum esset, ad arma & ad pericula intrepide suppeditaret. Quorum alios, superstes ipse, navata praeclare opera, æternitati vidit consecratos, duo pari gloria, praemiisque belli, & opulentissimis provinciarum imperiis ornati, haud poenitenda Parenti officiorum redhostimenta exhibuerunt. Hi fuere *Guilielmus Ludovicus*, & *Ernestus Casimirus*, (s) quorum ita res gestæ saeculo innotuere, ut quicquid in perfectis Imperatoribus laudari potest, eorum nomina brevi auditu representare videantur. Hi sunt, quos *Frisia nostra* praeter ceteris, indefessos libertatis suæ, contra inexhaustam vim *Hispanicam*, Assertores experta, stipendiis quoque & honoribus auctos ad *Principalis* prope fastigii decus, quatenus salo potuit libertate, provexit. Quanto id

(p) Praeter *Ev. Reidanum lib. II. Ann. p. 22.* videlicet *Pontanum lib. XIV. Hist. Gelr. ad ann. 1578* & *Slichtenhorstium p. 538. fin.* Ceterum *Praeses* hic intelligitur *Agidius Myerzius*, *Barlamontii filius*, *Megani Comitis* in *Gelriae praefectura* successore. Defectionem ejus & perfidiam describit *Slichtenhorstius d. I. p. 538. jun. p. 532. & 535.* mortem denique in obsidione *Moss-Traiectina*, ad ann. 1579. *d. I. p. 545.*

(q) Anno 1579 d. 23. Jan. *Gelriae suae nomine Joannes Comes* cum quatuor Deputatis primo loco subscripsit.

(r) Rationes abdicatae Praefecturae habet *Reidanus lib. II. p. 36. seq. ad ann. 1581. Conf. Slichtenhorstius d. I. ad eund. ann. p. 553.* Successorem habuit consobrinum, *Guilielmum*, *Comitem Bergensem*. sed impari consilio atque successu. *Reidanus*, & *Slichtenhorstius dd. II.* Diem obiit *Joannes Dillaeburgi*, anno 1606. Vid. *Thuanus dist. sup. loc. lib. 136. p. 1184. ad. in 8.*

(s) Vid. *sup. nos. (a) & (b)*

id *Ipsorum* merito factum, quam inexpiabili ingratitudine neglectum foret, post depulsum cervicibus publicis impotentissimi hostis dominatum, longum est ad alia properantibus prosequi. Sed *Ernestus*, à quo solo post fata, vel decretorios Fratrum cœlibatus, posteritas sperabatur, maturâ juventâ familiæ amplitudinem Illustri affinitate propagavit. Erat prima natu *Henrici Julii Brunsvigiorum* Ducis filia, corporis forma & virtute imprimis animique vera magnitudine præfulgens, SOPHIA HEDWIGIA, quam ex Serenissimi Daniæ Regis *Christiani Quarti* sorore *Elisabetha* susceptam, *Ernestus* præclare nuper de Socero rebus ejus turbatis meritis, impetravit; ac ita gentis suæ necessitudinem, à multis jam sæculis pleraque Christiani Orbis Imperia contingentem, denuo non modo *Danorum* sed & *Angliæ* (t) regno, aliisque per Germaniam nobilitatibus inseruit. Nullius est tam ex *Friscarum* rerum me-

moria, qui non ipse recordetur, aut creberrimis populi sermonibus prudentiam, pietatem, modestiam hujus *Heroidis* cum pari conjunctam generositate acceperit. Versatur adhuc in ore & quasi in oculis omnium, *quanta gravitate incredibilem erga infimum quemque comitatem, incorrupto Principis, bonore temperavit*, ut discerni non posset, affectu ne an reverentia studioque majori an veneratione certatim coleretur. Ex his igitur Majoribus, è tam Generosis utrinque Parentibus *Pulcherrima Proles nata est melioribus annis: lucem, inquam, adeptus est GUIELMUS FRIDERICUS a. d. vii. Id. Augusti, anno præsentis sæculi tertio & decimo*, quo Belgica recentibus induciis à vetustissimo bello feriabatur (u) sed vicina Germania turbamentis armorum ob causam *Juliacam* agitata (x) mox ab obitu *Rudolphi Cæsaris* altiora calamitatum semina recipiebat. (y) Id non sine industria fortunæ *Infanti* Nostro (Gg) con-

(t) Etenim *Sophias Hedwigis* matertera *Anna*, Regi mox *Angliæ*, tum *Scotiae*; *Jacobo VI.* nupserat, anno 1588. Vid. *Jonsthor. lib. V. Rer. Brit. p. 140.* & *Thuanus lib. 96. p. 726 ad ann. 1589.*

(u) Præter *Dominicum Baudium*, *pecul. tract.* & *Jo. Meursium lib. V. Rer. Belg.* de duodecennialibus hiæce induciis egit quoque Auctor noster in *Hist. Civ. part. II. Lib. II. Sect. II. cap. XIV. p. 372. seqq.*

(x) Vid. illustis Auctor. *d. l. cap. I. p. 338 seq.* Monumenta tantæ controversiæ *Cl. Dittmarus* Annalibus *Teschemacherianis* editione ultima subiecit.

(y) Bellum indicat *Palatinum Bohemicum*, sive tricenale, ab anno 1618 ad annum 1648.

contigisse videtur, quod qui pacis atque belli ornamentum erat futurus, natales eo tempore sit fortitus, quo à castrensi strepitu tantum otii supererat, ut interim adolescere, pacisque & literarum acrioribus studiis, quam si Mars viguisset, exornari potuerit: at rursus bellum expectaretur, cum prætextatus & mox togæ maturus audire, spectare res gestas, capere præcepta, *Patrisque & Magnorum Patruelium* disciplinæ adflescere liceret. Insignita est tam auspiciato nativitatæ decore *Arenacum*, urbs antiqua & florantissima *Gelrorum*, quæ & spectatrix accuratissimæ educationis, quam læta virtutum spe in exemplum sæculi, & præsidium Patriæ à tenella jam infantia succreverit, testari potest. Haud frustra qui formandis fingendisque Principibus, quorum humeris arduum cuncta regendi onus sedebat, incubuere, *attentissimam primæ ætati, præsertim in regnatricibus familiis, curam adhiberi præceperunt*. Nam cum Reipublicæ in universum, nihil præ-

puerili institutione majoris omni ex parte sit momenti, quis licentiam principalis aulæ, & mores inde in populum validiores legibus emanaturos, satis acri custodiæ intentione æstimabit? Atque hic iterum gratia & honos peculiariter habendus est *Matris Pientissimæ Manibus*, quæ, marito in Republica aut foris occupato distractoque, curas suas omnes in liberis ordiebatur & consumebat. Tanta cum sollicitudine & assiduitate tenellis animis virtutum, quæ fortunæ ac spei convenirent, semina instillabat, posteaque tam moderatis capacioræ ætatem institutis regebat, ut nihil consummatius quævis exercita & virilis disciplina præstare potuisset. Quamquam vero perfectioræ Suæ, *Generosique Mariti*, imaginem desiderare non posset, aderat tamen & illustris alia domesticæ æmulationis occasio. Nam primogenitus *Bobemorum* summi ingenii Princeps (z) in hac aula per bienium & ultra commorabatur, in quo nihil quod spei tantæ ad quam

1648. tandem Westphalica Pace, *Monasterii* cum Gallis & Hispanis, & *Osnabrugæ* cum Suecis, eodem anno compositum Vid. Auctor d. l. *sect. III. cap. 1. p. 382. c. pars. III. lib. 1. sect. VII. cap. VII. p. 590. seqq.*

(z) *Fridericus Henricus*, postea anno 1629 d. 7. Jan. prope Amstelredamum, in tractu Teyæ extinctus, locum fecit fratri secundo *Carolo Ludovico*, futuro deinde Electori. Vid. Jo. With. Imhoff. in *Notitia Procer. Imp. lib. IV. cap. 1. §. 15.*



quam natus, cui inauguratus erat, responderet, curæ ac institutionis omittebatur. Quippe hanc Paterni officii partem satis constat optimum *Regem* singulari studio implevisse, ut si regiam Filio, quæ debebatur, fortunam præstare non posset, regiarum tamen virtutum, quibus non modo regere sed & regnum spernere posset, cultum ei præsidiumque pararet. Hoc imitari quin superare conati Illustræ Herois Nostri Parentes, quamprimum anni capiendis doctrinæ præceptis idonei videbantur, Viros prudentes literatosque moribus ordinandis Filiorumque eruditioni præfecerunt. Duo erant nascendi exiguo, ingeniorum multo, ut mirari liceret, minori discrimine, *Henricus*, & noster quem laudamus atque lugemus, inquam *Gulielmus Fridericus*; quorum tam suavis fuit animorum studiorum in adolescentia conspiratio, tanta sine invidia contentionis æqualitas, ut semper alterum velut melior alter accenderet, materiamque & ardorem imitationis per vices suppeditarent. Hinc tam paria virilium virtutum & magnifica in hanc Rempublicam beneficiorum documenta extiterunt; ut ambitiosa antiquitas, in immensum omnia augere solita,

*Dioscuris* fratribus vaniora fortean ampliora nequaquam, imputare potuerit; cum divinitatem illis & cælestes honores superstitiosæ posteritati creditos & frequentissimis religionibus cultos affinxit. Sed *Henrici*, cujus gloriosissimum viget nomen, laudibus explicandis non desuere decora ingenia, quorum facundissimæ recitationes cum rerum granditate certantes in omnium manibus & admiratione versantur. Nos odio comparationis, iterataque ruditatis, ac pro tantæ rei mole infantiae excusatione superfedentes, de *Gulielmo Friderico* institutum prosequemur, id modo à vobis *Auditores* officiose stipulati, ut quod orationis tenuitas rerum gravitati detraxisse videbitur, vos providâ existimatione benevole suppleatis. Dixi, prudentes literatosque eductores Herois Nostri adolescentiæ impositos, quorum primas tenuisse, cujus nomen honore publicæ mentionis non indignum videtur, *Johannem* reperi *Boguslaum*, hominem *Matheos* peritissimum, nec humanioribus literis perfunctorie cultum, quique non animum modo variarum rerum cognitione impleverat, sed & judicio ad civilitatem polito multaue morum elegantia commendabatur. Talem

(Gg) 2

lem enim esse oportebat, qui Principum ingeniis studiisque non ad umbratilem vitam sed Reipublicæ palæstram regendosque populos informandis præponeretur. Sub hoc moderatore GUIELMUS, capace rerum omnium solertia, per linguarum artiumque, quarum usui destinabatur, elementa facile ducebatur; & *Teutonica* quidem *Gallicaque* linguæ, quibus postea & *Anglicanam* adjecit, nativam elegantemque loquendi facultatem brevi assecutus; *Italiam* quoque, civilis sapientiæ opinione laudatis, hætenus se applicuit, ut nihil temere audientem legentemque falleret; quin & *Romanos* civilium bellicarumque rerum scriptores sine interprete tractare, & cum delectu præcipuaque observatione legere consueverat. Nimirum recenter meminerat, quam memorabili cum fructu, *Guilielmus Ludovicus* (aa) quem unice imitandum sibi & describendum proposuerat, utriusque linguæ vetustos scriptores eruditorum quorundam sagacitate adjutus tractasset, æmulatus esset, ac inde nobilem & antiquariam militaris disciplinæ novitatem, quæ in dirigenda, vertenda,

promovendaque acie, certaminum simulacris urbiumque oppugnandarum compendio frequentatur, gloriose eruiisset. Sed hæc accuratius, ut ætas subinde increfcens serebat, ad graviora ac maturiora traductus postea docebatur; interim alia primum, quæ Ecclesiæ *Patrono*, Reipublicæ *Præfæto*, & bellorum *Duci* olim futuro propius conveniebant, sensim instillabantur. Ita religionis sacris capitibus civilibusque præceptis, maxime Belgarum moribus publicisque institutis studiose imbuebatur, tum & facta celebriora veterum Heroum & recentioris historiæ memorabilia paulatim avido talium exponebantur, ut puerilis animus per se generosus præsumptione quantumvis tenella gloriæ ad magnarum rerum desideria inflammaretur. Observatum à prudentioribus jam tum ex primis egregiæ indolis incrementis fuerat, eum omnia quidem summa, sed nihil immoderate, nihil luxuriose aut insolenter, nihil denique præcocius polliceri. Facile, quæ inculcabantur accipiebat, ut sequeretur tamen magis quam præcurreret, conspectiore semper verecundia præ audacia, sed ita ut

(aa) Vide *Go* Orationem Panegyricam *Sibrandi Tevardi Siccamæ*, editam Leovardiae ahaq 1610. in 4.

ut nec temere efferretur nec inutili pudore intempestive tardaretur. Scilicet, vera suberat naturæ vis & efficacia, quæ penitus animo immissa altioribus quam ut convelli posset radicibus innitebatur. Proinde à minimis lente progressus consistentem profectum annis comparabat, atque tunc fidentior & elatior factus ad difficiliora liberius provehebatur. Non, ut summo solo sparsa semina celerius effusa, inanibus arstis ante messem flavescent, ita & noster Adolescens parva facile præstabat, ut ad veram frugem nunquam perveniret; sed adeo moderate ad sublimiora consurgebat, ut continuis incrementis admirationem sui intenderet semperque appareret, eum plura & majora secuturis experimentis reservare. Inter *Romanos Scriptores*, quibus maxime gaudebat, *Cornelium Tacitum* & moralia *Seneca* non otium modo diurnum sed nocturnas sæpe vigilias Ejus occupasse totumque sibi mancipavisse accepimus. Et supersunt rerum argumenta, Codices quibus usus est squalidi, ita linearis insigniti, & observatricis manus vestigiis referti, ut quantopere ad hortamenta virtutis & penetranda civilis doctrinæ arcana profecerit, clarius ex oculari

documento quam laudantis asseruatione intelligi possit. O pulchram vereque admirabilem in adolescente Principe sapientiam? Qui dulcedine honesti commotus, quod tempus Nobilior juvenis intempestivis tribuit conviviiis, quod pilæ, quod aleæ, tantum Ille sibi ad studia virtutis & prudentiæ excolenda inter tot circumfusas voluptatum illecebras, in tanta fortunæ licentia sumpserit, ut nec otium, nec ludus, nec commodum, nec ipsa prope requies animi & corporis eum unquam retardaret. Atque illud mihi imprimis, quam exactæ prudentiæ argumentum contineat, attendite *Auditores*, quod tantopere duobus illis *Scriptoribus* non præceptorum instinctu, sed peculiari judicio fuerit delectatus, cum & *Reipublica* jam admotus pari tamen ardore eos legere perseverarit; quorum alterum virtutis ac honestatis, scientiæ regnandi alterum, ex omni antiquitate magistros consummatissimos, nemo paulo humanior ignorat esse. At quo pacto luculentius testari potuisset, sese ita existimare, in bono *Reipublicæ* moderatore *duas* hasce *res* inesse oportere, curam honesti, & notitiam imperandi; quæ singulæ sejunctæque aut calliditate veterato-

ratoria aut simplicitate exitiosa, sub falsâ virtutum umbra, Republicam perdere vel dehonestare solent. At *Ille* quam perfectam salutaris ac optimi *Principis* imaginem ex tam præclara continuaque meditatione animo intimisque sensibus impresserit, non verborum inani ostentatione, sed vivis *Patriæ* experimentis creberrime repræsentavit. Evagabar longius in admirationem præstantissimi Scriptorum delectus, sed in ordinem maturior *Herois* Nostri educatio me vocat. Igitur initiis, quæ memoravimus, supra quam fert captus adolescentiæ, in aula paterna tam eximio cum successu peractis, *Lugdunum Batavorum* ad uberiores ingenii artiumque nobiliorum culturam se contulit, illa maxime opportunitate invitatus, quod Serenissimi *Bohemiæ* Principes tunc ea in urbe potissimum rudimenta juventutis absoluebant. Prætextatus adhuc, ingenio provectior quam annis, è penatibus dimittebatur, cum mox equorum armorumque tractandorum exercitiis, artibusque præsertim, quæ pugnandi, muniendi, omnisque architecturæ militaris rationem docent, accurate exco-

lebatur. Neque enim ea carere laude *Nassovium* Juvenem consentaneum erat, quæ *Nassoviorum* familiæ suffragio sæculi propria, & artium decus & *Ipso*rum gloriam in immensum propagavit. In his integro biennio apud *Lugdunum* exacto, *Groningæ* aliquandiu haud minore cum fructu commoratus est, mittendus inde ex voluntate Illustrium Parentum in *Angliam Galliamque*, decreto jam, quis itineris dux, qui comitarentur. Quippe in tam læto animi ingeniique *Principe*, cui ratio confirmatioque doctrinæ aderat, ex politionum gentium convictu plurimum cultus elegantiaque summis naturæ disciplinæque dotibus accessurum videbatur. Sed hoc propositum gravissimis de causis maturior consultatio discussit. Nec sine Deo variatum fuisse res atque brevi postea docuit insigniter eventus. Nam si peregrinationi eâ tempestate se *Fratres* commisissent (neque enim à *Guilielmo Henrico*, Alter à se Ipso, divelli poterat) anno scilicet illo memorabili, præsentis sæculi *vigesimo nono*, absentia in id tempus incidisset, quo *Illusterrimus Pater* fato pro *Patriâ* occubuit (bb) pulcherrimæque

(bb) Anno sol. 1632. in obsidione *Ruraemundana*, uti supra dictum est, initio huj. Orat.

successioni *Filiorum* Primus debuit admoventi; quod comparatum erat, ut præpostere ac infeliciter cederet, eosque vi potentissimæ æmulationis, spe forte an & re amplissima, quas in *Frisiorum* animis opibusque fixerant, evolvere potuisset. Igitur *Parens* in tempore *Juvenem* è ludo atque pueritiæ disciplina *Reipublicæ* bellicæ adhibiturus, proxima expeditione in castra *Eum* & obsidionem *Buscoducensem* (cc) ad ordiendam tyrocinia contubernalem adscivit. Quod equidem & omne auspicii & magnitudine rudimenti memorabile fuit: eo potissimum anno, quo nullus post homines natos celebrior in *Belgio*, vi *Hispanica*, periculo nostro, & illa admirabili obsidione, monumentis annalium est proditus. Sed *Guilielmus* per ætatem res gerere prohibitus, minime tamen otiosum tantarum rerum spectatorem egit, verum iudicio bellicæque rei scientiæ firmandis, quicquid insignitum hac ætate, ad *Sylvam Ducis* præsertim occurrebat, non contentus animo insigere mox in diaria curiose referebat; ut non momen-

tanæ utilitati, sed in perpetuum erudiendo sibi rerumque militarium usui inserviret. Hasta Generosissimus *Puer* scutoque nondum poterat, igitur quod proximum fuit, stylo & pugillaribus militem repræsentat. Valla firmare, cuniculos, munitiones instituire voto dudum & spe jam propinqua ordiebatur, interim quod in terra & in pulvere cuperet, in tabulis chartaque lineas ducebat & juxta fossiores verba fodiebat. Quin nec manibus armisque diuturnam aut *Ipse* sibi, aut fortuna Patriæque necessitudo moram concessit. Quippe *Hispanis* ingenti cum successu & terrore hominum in *Velaviam* incumbentibus. (dd) *Illustis Ernestus* cum parte copiarum, finibus earum partium tutandis, animisque civium confirmandis, ab *Arausionensi* Principe legabatur. Ivit socius periculorum & laudis **GUILIELMUS**, qui difficillimo tempore videns eo prope ventum, ut nec ætas hominum neque dignitas à militandi munere excusaretur, juxta *Fratrem* ultra ab armis & laborum societate cohiberi non sustinuit. Igitur cum

(cc) Anno 1629. Vid. Auctor in *Hist. Civ. pars. II. lib. II. sect. III. cap. 18. p. 436. seqq.* Professa opera hanc obsidionem illustrarunt *Dan. Heinsius*, & *Lambertus Barlaeus*.

(dd) Auctor noster in *Hist. Civ. d. I.*

cum expedita equitum manu explorandi carpendique hostis causa alacriter egressi, continuo in *Hispaniensem* turmam prosperis suorum rebus ferocem inciderunt. Quam læti discriminis novitate *Juvenes* tam acriter & opportune invasere, ut plerisque deturbatis atque cæsis, ipse ductor cum superstitibus captivi à victoribus in castra raperentur. Cum hoc pulcherrimi ominis specimine haud degeneres ad pericula, sed generosorum instar catulorum indagandi hostis & pugnandi avidos validosque se probassent, laus quidem & ovatio communes utriusque honori, præmia *Henrico* nascendi privilegio prima & præcipua cesserunt. Nam ut Germanicæ legionis imperio à Senatu *Ordinum Generalium* honoratum hunc præteream, *Frisiæ PATRES* incerta belli metuentes, & si quid de Magno Parente fieret, ne de successione laboraretur solliciti, hæreditatem omnium paternarum dignitatum, quarum *Ipsi* potestatem habebant, *Henrico* decreverunt. Quippe non spe saltem vel augurio quantus ille futurus esset præsumebatur, sed adulta *Juvenis* ætate domi jam tum humanitatis, in bello tam conspicua fortitudinis documenta ediderat, ut de virili-

bis experimentis nihil humile nihil vulgare sibi Patria sponderet. Cui quam præclaræ expectationi responderit, fatoque in medio cursu sit destitutus, alii tradiderunt, & nos ubi ad hunc articulum communis Fratrum fortuna *Guilielmi* historiam perduxerit, in loco memorabimus. Cæterum, cum tricesimo primo sæculi anno anticipatus *Procerum* favor Illustrissimum Patrem de *Filii* spe securum reddidisset, sequenti vere, inopino casu, si quid in bello inexpectatum dici potest, sane quam immaturo paternæ imitationis copia multorum instar præceptorum futura *Novo Gubernatori* subtrahita est. Quod utcumque atrociter Republicam percelleret, adeo tamen à pænitentia festinatæ electionis *Frisii* abfuere, ut *Groningani* mox *Drentique* suis suffragiis illorum judicium enixe confirmaverint. Si hoc loco virtutes *Herois* nostri ad communes humani ingenii characteres æstimandas exigendasque censerem, quibus laudibus magnanimitatem *Ejus* in toleranda carissimi Parentis flebili jactura, & gratulatione fraternæ prosperitatis, non vultus & verborum fictis imitationis, sed intimo sensu gaudioque exprimenda celebrarem!

Quan-

Quamquam luctus impotentia fortissimos sæpe animos emolliat atque frangat, *Guilielmus* tamen quanto altius dolorem animo sentiebat demissum, tanto fortiora non ex dissimulatione, qua crescit quem profiteri nolis mœror, sed è bello publicisque occupationibus solatia captabat. Jam de vulgatissimis *fratrum* & quidem *Principum fratrum* æmulationibus dicere quid attinet; Quis populus ab ultima antiquitate, quæ civitas tam modica traditur, cuius non primæ origines aut secuta incrementa pluribus feralium contentionum exemplis sædissima inclaruerunt? Sed nihil opus est à *Cadmeis* usque temporibus, repetitis ad rem testimoniis, quæ & nostra & omnium seculorum licentia tantum in juris opinionem forte nondum invaluit, ignosci sane & excusari tanquam merito postulat. At contumeliam *Herois* nostri virtutibus impingi existimarem, si hac parte incredibilis *Ejus* animi moderatio velut imputanda sollicitè laudaretur: cum nulla re *Fratri* quam brevissimo nascendi minor intervallo, *Eum* & *Familiæ Principatu* summisque jurisdictionibus ac imperiis ornatum, *Sese* in equestri relictum fortuna, non modo sine morfu invidiæque, sed maxi-

ma quoque lætitiæ & exultatione videret. Quam sermone, vultu rerumque demonstratione palam præ se ferre non contentus, ut candidissimum pectus, velo quasi detecto renudaret, etiam publice præclaram ex *Cornelio* suo sententiam pro symbolo & velut icone ingenii aperto adoptavit; statum domus & suum tempus adumbrante GLORIA PAREN-  
DI. *Maeste* Gloriosè Princeps hoc sapientissimo inanis gloriæ contemptu, ut veram merearis, spargasque in posteritatis memoriam sempiternam. Tu bello & laboribus Rempublicæ humilis attollere, quam de magnitudine potentiaque laborare. Tu Parento dignus imperio haberi, vel aptus ad imperandum fieri, quam intempestive imperium affectare maluisti. Poteras æque prosperis Germani rebus Te socium ingerere, quam in adversis, si incumberent, aliquando eras futurus; sed nihil tibi ex fortuna *Ejus* quam gaudium & quietis bonorem vindicasti. Tu calcata ambitione, & mediocritate Tua multo quàm conveniret alius Te involvens, tantum de armis, laude, gloria cogitabas. Hic stimulus nobilem animum noctes diesque agitabat, ob hunc neque laboribus frangi, neque curis & vigiliis angere, neque de vita ipsa periclitari, si Triplici Patriæ cum Fratre communi expediret, recessu-

(11 h)

*cusabds.* Maſte iterum Magnanime Princeps & dum licet inter equites tuos, nihil cæteris quam valere præſtans, media turma deliteſce; at brevi erit cum mutatam ſortem, licet non plane ex voto, & cum virtute Tua fortunam videbimus adæquatam. Sed revertamur ad ordinem, & fortitudinis ſpecimina, unde nos modetiæ admiratione abduxerat, denuo percurramus. Prima poſt hæc militiæ palæſtra celebris Moſæ Trajectus fuit (ee) quo, nondum juſtis Parenti factis, belli & honoris neceſſitas Generoſum Juvenem vocabat. In hac poſt Buſcoduſenſem clariffima obſidione, qua ſpectante Imperiali Regioque exercitu ad deditionem munitiffima civitas compulſa eſt, ingens ſtatim belli decus, partem uti caſtrorum tutaretur, novo Gubernatori delatum eſt, Henrico, inquam, fratris; verum ita, ut laus GUILIELMI non minus quam labor & opera ab incorruptis rerum æſtimatoribus ex æquo celebrarentur. Peculiare id omnino fortuna Herois Noſtri habuit, ut tyrocinia aſpera & memoranda incurreret; Buſcum Ducis ante triennium quam

grande rudimentum! mox *Vela-vica* expeditio rebus gerendis additum, id eſt, victoriarum dedit; nunc Moſa recentem Martii Juvenis virtutem exercuit, exquiſitis ubique periculis & parifama. Sequenti anno Berca Rheini. (ff) Hiſpano milite inſeſſa in Ordinum poteſtatem redacta eſt, ubi Noſter Juvenis ita in ſuis partibus animo conſilioque excelſuit, ut nec inconſulta temeritas animadverti poſſet, nec prudentia ſupra ætatem juvenili quicquam ardori detraheret. Sed video, *Audiſores Ornatiſſimi*, ſi continuam tot annorum, tot expeditionum ſeriem ſubſequamur, ſi cuique æſtati ſua decora, factorumque clarorum elogia imperſtiamur, ne cogitatione quidem dicendi finem præſumi poſſe. Compendium Orationis opus eſt, ne magnitudo laudum numero vileſcat, ac intentio admirationis audientium fatigatione remittatur. Tu clade tua & miſerimæ captivitatis malis incluta Thena (gg) teſtis eſto, quam promptus ille quam ferox ferro tuos, licet extra ſortem nec juſſus, in prima corona muros invaſerit, tuos-

(ee) Ibidem loc. cit.

(ff) Illuſtris Auctor in Hiſt. Civ. part. III. lib. I. ſect. VII. cap. I. p. 567. imis. & poſt alios Clericus lib. X. Hiſt. Fræd. Belg. ad ann. 1633. pag. 545. ſeqq. edit. in 4.

(gg) Auctor. d. l. ſect. V. cap. I. p. 509. ſub. fin.



tuosque propugnatores, qui nec vim ferre poterant nec pacem in tempore voluerant, acerrime deturbarit. Iterum testare, cum oppressi hostilibus armis sanguine tuo redundares, quanto *Ille* majorem ac tui defensores, qui pars & causa exitii fuerunt, salutis curam gesserit, quam incredibili studio laborarit, ne crudelitas & insolentia victoriæ, omnem sibi fructum laudis eriperet, neu pudorem atque pœnitentiam pro gloria relinqueret. Tam adverso indignoque animo, voce, manu, corpore, sævientium se furori, cum *Fratre*, cujus proprium agebatur imperium, interponebat. Sed necesse erat, hunc formidabilem in *Brabantinos* motum tam inauspicata victoria terminari, ut interceptum ab hoste tutissimum veteris *Bataviæ* castrum omnes conatus & ingenium rerum molimina ad domesticas curas limitesque *Patriæ* vindicandos revocaret. Nihil attingit his immorari, cum majus specimen *Breda* recuperata exhibeat, quam Magni *Arausionensis* arbitrio nostri *Fratres*, profligatis impedimentis, cingere occupaverant. Nunquam alias dignior

*Illis* explicandæ virtuti campus scientiæque bellicæ major palæstra evenerat. Ideoque incredibili cum studio muniendis vallo fossæque castris, inundandis agris jaciendisque castellis audacissime celerrimeque incubuerunt, ut omnia *Magno Principi* post triduum toto cum exercitu affluenti integra & opportuna præstarent; frendente licet *Infante Cardinali* è proximo turbandis munitionum iniitum intento, atque pati coacto, ut totidem hebdomadibus *Breda Arausionensi* cederet, quot mensibus *Egregium Spinolam* sustinuerat. (hh) Ab hoc tempore prosperrimum victoriarum *Auriacarum* cursum aliquot annorum irritis expeditionibus, fortuna velut fatigata interruptit, licet nostrorum *Fratrium* plurima virtute eorum dignissima memorari possent. Sed ordo nos trahit ad fatalem *Henrico*, & quantulum absuit *Guilielmo*, quem animus horret ingredi annum, quo ut gemini *Solles* alter ad occasum vergens, alter pulsa nocte exorians pulcherrime resplenduerunt. (ii) Annus erat *quadragesimus* sæculi, & biennium, ex quo nullum hostis notabile

(hh) Idem loc. cit. scil. VII. cap. II. p. 573.

(ii) Ibidem cap. IV. p. 581. copiose Clericus d l. lib. XII. ad ann. 1640. p. 672 seq. præcunte Livio ab Aitzema tom. II. lib. XX. p. 703. seqq.

tabile damnum præter morem superiorum temporum acceperat. Igitur majoribus *Princeps* intentus *Henricum* Comitem, intellige & *Guilielmum*, primo ad *Liviæ* amnem, mox in *Namense* promontorium, *Hulstam* obsessurus præmisit. *Henricus* cum *Alterivium* Gallorum Tribunalum ad *Nassovium*, sic nomen erat, munimentum ab hoste infessum dimisisset, Ipse ad *Moerense* castellum privilegio noctis rapiendum contendit. Et *Gallus*, cui prona cuncta evenerant, facile inrupit, parvo celeriter excusso superatoque præsidio; Sed noster *Gubernator* detectus ab hoste, cum minime incustoditæ tenebræ, & inopina quædam majora quam essent offunderentur, res adeo infestas reperit, ut in exitium dare militem temerarium existimaret. At *Galli*, ut est gens immodica & ventosa, jactatione postea & importunis tribuni laudibus generosum & prope nimis avidum gloriæ pectus tam acriter pupugerunt, ut quasi non dudum inusitata imperterriti animi specimina præbuisset, etiamnum recentem probandæ fortitudinis occasionem duceret expetendam. Auditus erat invadendæ urbi necessarius vallo præsidioque munitus, quem expugnandum ex im-

petu magis Heroico insolentiaque contemptus quam officii necessitate à *Principe* impetravit. *Guilielmus* frater, Ejus lateri perpetuo junctus, omniumque hætenus laborum & discriminum socius, crudum quidem hoc calidumque nimis judicabat, cæterum paratior in interitum ruisset voluntarium, quam à *Fratri* honore suum periculum distingui toleravisset. Nocte intempesta fortissimi *Juvenes*, digni æquiore virtutis palæstra, cum selectis cohortibus ad feralem pugnam exhibant. Sed præmoniti hostes auxerant numerum, instructisque ordinibus nostros excipiebant, qui flagrantissima cohortatione, multoque *Ducum* acriori exemplo & amore eorum inflammati fortissime & prope furiose dimicabant, adeo ut hostem licet vigilantem paratumque retro cum ingenti strage compellerent; sed cum ad ipsum quod præcipue impetebatur Vallum felici impetu penetrassent, hic demum rapidissimus sistebatur audaciæ cursus. Nam cum numero par *Hispanus*, equitatu modo, qui nostris deerat, auctus, se loci fiducia tutaretur, fratres aggerem impugnantes, ut si murum succederent, certis & gravibus superne telis proturbabant, donec impar & iniquum cer-

certamen *Heroes* eaque manu post acerrimam contentionem victoria se nunquam potituros agnovērunt. Igitur intentatum nihil relinquentes & ultimam vim experti, tandem signo receptui dato, sensim, ne pro victis fugere crederentur, retro cesserunt. Quod conspicatus hostis non modo postremos ac latera impulit, sed mox terga circumgressus equitatum illis violenter & ex transverso immisit; qui cum in tenebris nocte illuni parum discerneretur, evitari non potuit, quin fessis peditibus integri equites immiscerentur, & quicquid *Dux* uterque increpando universos, retinendo singulos obstitet, nec virtute nec pudore sufficiente, tandem nostros turbarent, scinderent atque dissiparent. Priusquam tamen solverentur violentissime & heroice certabatur. In fronte omnium cum *Fratre Guilielmo* non tam verbis, quorum tempus effluerat, quam factis & audacia admirabili conspiciendos se præbebant; manu, voce, valore pugnam sustentantes. Cincti erant fortissimis, fidissimisque viris, qui non strenue tantum sed præsertim amanter pugna-

bant. Nec aliunde, quanti fuerint hi *Duces*, quantaque virtute præditi, rectius colligas; quam, ut de *Cyro* veteres prodiderunt, è delectu & præstantia amicorum, qui propter eos honestis vulneribus prostrati, mortem tali amicitia dignam oppetere, quam fuga salutis consulere maluerunt. Dum pro se quisque laboraret, *Noster* æterna laude dignus *Guilielmus*, per totum agmen oculis, manibus, elamore volitabat. Quo flagrantius periculum tanto præsentiori animo, circumfusus à fronte ac à tergo hostibus, in omnes partes, *Fratrem* respiciens, *Fratri* tantum metuens, velut sibi metis vilis audacissime se vertebat. Donec circulo armorum undique conclusus, & quocunque faciem verteret in ferrum & ignem offendens, tandem constantia incredibili, impetu equi & nisu corporis viam sibi honorificam per medias hostium catervas, madens eorum sanguine fecit; de *Henrico*, quem frustra respiciebat, unice anxius, unice sollicitus, cujus miserabilem exitum patrato demum prælio cognovit.

(\*) Quam parum hic vitæ *Guiliel.*  
(Hh) 3

(\*) Quæ a prælio mortem *Henrici* proxime antecesserunt, videbis apud *Althema*, l. I. p. 704. tom. II.

*hietus* pro honoris sui cura percerit, tertius in fervore confictus, duobus confossis, equus aliaque hostilium ictuum decora in æternum testabuntur. O si & *Fratris* spiritum, quem supremum excipere coactus est, fervare & meliore sui sanguinis parte redimere licuisset! Quanto lætior currum triumphantis eques subsequeretur, quam moestus exsequiarum officium debito pietatis obsequio implevit; *Fratrem* non potentiam ejus amaverat, & hanc igitur diurnam & longam *Ei* vitam, longam ex animo gloriam precabatur. Sentio me difficulter hoc aliis probaturum, qui ambitionem supra omnes affectus hominum mentibus irradicatam, præbitamque hoc inopino cladis eventum magnarum rerum occasionem recordabuntur. Sed nihil hic adulationis ludibrio, nihil amoris & blanditiis tribui, facile qui præterita cum præsentibus secutisque rerum momentis utraque contulerit, existimabit. Qui nascentem *Fratris* dignitatem non modo æquis adspexerat oculis, sed gaudio & gratulatione profectus erat, qui & indies augescentem intentionibus officiis coluerat, proque ejus incommoditate salutis propriæ curam abjecerat, quid ni exquisiti mor-

roris & sine exceptione fidem reperiret? Utcunque secuta essent tempora, quæ circa adversitatum nebulas continua serenitate recentissimi luctus & tot periculorum tempestatem mitigassent! Sed procul ipsi tanta fortunæ indulgentia, cujus magnitudini quanto propius admovebatur, tanto jucundior sibi vitæ fructum, tranquillitatem animi & invidiæ securitatem ereptam sentiebat. Vixerat hactenus decora mediocritate *Parendique Gloria* contentus, laudatus, amatus ab summis, ab infimis, cultus & honoratus non pro hoc saltem quod erat, sed velut esset quod merebatur. Nunc, cum divina providentia majori fastigio viam aperuisset, per homines ei, quo virtutes vocabant contendere non licebat, atque tandem experimento contrario didicit, quam verè dictum sit illud *O quantum bonum est obstare nulli!* Nolo gravis esse attentioni vestræ, *Ornatissimi Auditores*, commemorandis æmulationibus & injuriis horum temporum contra honestissimos *Principis* & *Frisiæ* nunquam pœnitendos conatus. Sed quanto fuerit opus prudentia, quanta moderatione, quam incredibili sit usus patientia in sustinenda potentiorum iracundia,

dia, inferiorum calumniis omniumque adversantium machinationibus, eorum tacitæ æstimationi, quibus perversitas hujus anni memoriæ constat, relinquam. Ignoscent mihi dotes tuæ *Gloriose Princeps*, quæ nunquam clarius enituerunt, nunquam carius tibi constiterunt, pulcherrimum laudandi illas campum prætervehenti, ne sanata dudum plagam & obductas vetustate rerumque mutatione cicatrices convellere videamur. Tu interim licet animo inconcussus & hac parte invictus, corpore tamen, cujus non idem erat vigor, infracto & gravi valetudine seu vehementiam doloris ex funeris vulneris, sive importunam difficultatem in tam inique comparato certamine testabaris. Hoc primum felicitatis novæ blandimentum, hoc osculum fuit, quo in ipso exorientis potentiæ limine fortuna salutavit. Retinuit illa consuetudinem suam & cum hominum opinione se totam largiri videtur, læsit atque momordit Te, non utique fefellit. Quin forte an rectius, consuluisse tibi dixerim, mature experimentum levitatis exhibentem & quatenus vel suo vel hominum lubrico favore subniterere in antecessum prudivisse, ne toties laudata mo-

destia, & frenator ambitionis animus, quem natura tibi inserat & Parendi assuetudo firmarat, vi prosperitatis & potentiæ labefactarentur; sed quæ *Obsequii* artes privato hæctenus gloriæ fuerant, imperiis nunc admoto præsidia & instrumenta novæ auctoritatis forent. Sed quid moramur expectationem *Auditorum*? Illustres *Frisiæ* Ordines inde à primis rerum suarum incunabulis ad securitatem pacis atque belli, provinciam suam peculiari egere cura, foris armorum Præfecto, domi moderatore assiduo clavoque velut affixo crediderunt. Cui Majorum instituto vetustate salutaris experientiæ roborato insistens modo posteritas, **GUILLIELMUM FREDERICUM** hæreditate fraterna auctum dignitatibus quoque & imperiis iisdem præfectum ornatumque voluerunt. Ad quem enim potius recurrerent, quam qui juventute in oculis *Frisiæ* lætissima spe exacta, dein *Repubblica* fortissime & amantissime cum *Fratre* adserta & administrata, tantum non manu monstrabatur ac populo velut communi *Patriæ* voce votoque inculcabatur. *Hic est, quem si mea salus cordi vobis & curæ, optimum rebus seu compositis sive turbatis Moderatorem imponetis. Hic est, si bene-*

*fieri*

*ficii gratia quaeritur, quem merita Patrum, sua virtus, denique Reipublicae utilitas unice commendant. Agnoscite in hoc redivoam maximi Patruī prudentiam, fortissimi Parentis industriam, Generosi Henrici alacritatem. Quae singula experti estis salutaria, haec universa unoque contracta ingenio suscipere, amplecti, fovere dubitabitis? Si amantem, si conjunctum, si innexum mihi praesidem optatis, cujus aequae spes ac fortunas Frisiae obstrictas & affixas reperietis? Qui ita semper habitus, ita ab infantia institutus & imbutus, eo domus suae fato redactus est, ut omnia se in vobis habere, omnia se à vobis expectare fateatur. Alius ne affectu, cura, fide pari, vestrae securitati invigilabit, aut possit feliciter, qui vix norit Rempublicam, cui hic est innutritus? Frustra foris quaeritur quod domi & in sinu tenetur. Sed vix opus erat tam accuratā commendatione. Merita Guiljelmi & ne-*

*cessitudo publica sic omnium oculis animisque obversabantur, ut prima die Patres in curiam vocarentur, postera de successionē referretur, tertia luce Noster Princeps, reluctantibus in casum intercessoribus (kk) Gubernator Frisiae & Imperator supremus declararetur. Sic tandem cum juventutis omne spatium glorioso Obsequio transegisset, satis diu varietate Parendo exercitatus ad maturas imperandi vices traductus est. Medius inter militem hactenus & Imperatorem egerat, & ad militem similior, ut imperio admotus, esse statim Dux posset, nihilque discendum haberet tempore docendi. Equidem susceptum laudationis officium civilibus magis quam bellicarum rerum elogiis impendendum videbatur, cum frequentius magnos viros arte qua civem regant & pacem ferre doceant, quam qua hostilem vim propellant & Patriae fines suamque gloriam*

(kk) Obnitate in primis *Frederico Henrico* Principe Arafionensi, universalem omnium Provinciarum Drenthaeque praefecturam sibi Filioque suo *Wilhelmo II.* propalam acriterque ambiente Et quinquam a *Frisiae* Ordinibus *Henrici* Fratris successor *Fridericus* noster *Guiljelms* designaretur, *Groninganam* tamen, *Drentbinamque* Gubernationem Arafionensis, cum spe successionis in filium propagandae, tum quidem *Nostro* praeripuit, demum post mortem *Wilhelmi II.* cum *Frisica* iterum coniungendas. Vid. Auctor in *Hist. Civ. diss. sect. VII. cap. IV. p. 381. seq.* iuncto *Aitzema som. II. diss. lib. XX p. 704. & plur. seqq.* Conf. Auctor. *d. l. pars. III. lib. II. sub fin.* Neque sane alia *Frisios* ratio subegisse videtur, ut praefecturam suae Provinciae hereditariam in *Henricum Casimirum*, Nostri filium adhuc annis minorem, matrisque *Albertinae* regimini tutelaeque subiectum, conferrent, quam excludendi *Wilhelmi III.* gratia, anno 1673.

gloriam provebant, defitui videamus. Sed armorum strepitus & tubarum clangor foras ad Magni Arausionensis tabernacula nos revocat. Tu Gennepense Castrum mœnibus tuis tutum, ingenio loci & munitionum artificio vix ulli secundum: (ll) Tu quoque Ganda-venfis Cataracta multarum fortium animarum tumultis funestata, victricem Nostri Herois dextram inter primas & strenuissimas sensitisti, nec simplicis lauræ laudisque materiam dicenti suppeditabas: (mm) Sed Hulsta, Hulsta, & Fraternalis cædis gloriosa vindicta, nos totos sibi vendicat. (nn) Insedit tristes, visuque & recenti cladis memoria deformes campos infesto cum exercitu Arausionensis Princeps, quadriennio postquam Naffovium sanguinem inultum Ibero & tantum nobis defletum reliquissent. Movebatur ad miserationem omnis qui aderat exercitus, maxime Frisiorum legio & auxiliaria manus, ob propinquos, amicos, denique ob propria pericula, quibus æque se admotos, quam quos fors & belli casus perculerat, recordaban-

tur. Erat interim voluptati referre commilitonibus, hic primo impetu fufum Hispanum, illinc hostilem equitatum irruisse, ubi potissimum circumventus cum suis Henricus, ubi equo excussus non una morte implicitus jacisset; quibus locis reliqui Proceres occubissent; tum loca monstrabant, quibus cruore & flammis opertus Guilielmus, trucidatis iumentis, in nova transilierat. Ipse alta mente dolorem premens se neuquam sensu gloriæ, quæ invidendis elogiis coram frueretur, lætari ostendebat, sed renovatum super cruenta Fratris vestigia dolorem, in ultionis impetum & iram contra Hispanum convertit. Igitur cum tertia castrorum & obsidionis pars ac præfectura Illi obtigisset, incredibile dictu est, quantam Ducis exemplo milites tacitis ex ira animis alacritatem conceperint, quantam in excursionibus, in oppugnandis & subvertendis hostium operibus audaciam ostenderint, quamque totis castris excelluerint, quos propius urebat luctus memoria. Quod si major fuisset

(li) con-

(ll) De obsidione Gennepensi, ab Arausionensi Frid. Henrico, nostroque Wilhelm felicitè suscepta, vid. Aitzema tom. II. lib. XXI. p. 782. ad ann. 1641.

(mm) Confer sis eundem d. I. lib. XXIV. p. 1006. ad ann. 1644.

(nn) Ibidem tom. III. lib. XXV. p. 82. ad ann. 1645 junctio Hubero nostro in Hist. Civ. part. III. lib. I. sess. VII. cap. 6. p. 587.

contumacia obsessorum, quam reputatio periculi, ac ultimam essent ausi vim præstolari; nam cruoris *Nassovici* tam gratanter fusi pœnas dedissent acerbis, & hæc cædes multo atrociori clade expiata fuisset. At non minus humanitatis suæ *Guillelmus* recipere supplices & positis armis ignoscere existimavit, quam ut modo iracundiæ, ferro flammisque in exitum eorum grassari. Malebat novis conatibus veterem comparandæ gloriæ viam insistere, & hanc cum omni posteritate adæquare, quam momentaneæ licet debita, picularem hostem ultiori mactare. Quippe non unam *Æ* palmam, non simplex decus, hæc æstas parabat. Supererat *Munimentum* vallo; fossis, comæatu, præsidio cunctisque ad defensionem necessariis rebus abunde instructum; *Moerspuia* vocabant: (oo) Hoc redigi in potestatem è Republica firmandæque victoriæ censebatur, ut motu exercitus universo vix dignum, ita manu non modica, duce constanti peritoque indigebat. Nec dubitabatur, quin *Naster* ex omni copia *Gubernator*, exercitatusissimus atque expediendæ audacter cauteque obsidioni aptissimus foret. Agnovit *Ille* pulcherrimam, avi-

deque arripuit laudis occasionem. Sine mora succinctus, ad hostem tanta, licet gravi tormentis agmine, velocitate est usus, ut prima qua appulerat nocte obsidionales accessus moliri cœperit, postredie suggestus tormentarios locaverit, & sequenti luce hostilia mœnia quassavit. *Ipsæ* multus ubique *Princeps*, cætera legatis permittens, ardua quæque sibi vindicabat, & *Invictus* operis ac laboris, militum & imperatoris artis officia pariter implebat. Donec quinto jam die longioris impatiens moræ, & vehementius urgendum ratus, exteriora munimenta firmis ab hoste cohortibus infessa, cunctis viribus justis more prælii, summoque impetu & constantia invasit: Tantaque impressionem vi & ardore continuavit, ut omnia Hispanus deferere & confuse intra vallum se proripere cogeretur. Quin tanto hujus assultus terrore sunt correpti, ut cætera quoque castella, priusquam impeterentur, ipsi rebus desperatis & injectis facibus everterint. Sic ad aggerem *Præfectus noster* mœnibus adversum victrici manu indefessus & æque violentus penetravit, ut jam faucibus hostium & jugulo penitus immineret; nisi id quod res e-

rat

(oo) Huberus d. l. p. 587. b. & Aitzema *lib.* p. 84.



rat conspicati, extrema quæ formidabant obsessi, voluntaria deditione prævenissent. Multis *Guilielmus* luculentis facinoribus pridem inclaruerat, sed plerisque auspiciis *Arausionensis Principis*, aut majus *Fratris* imperium splendoris aliquam partem decerpserat, verum hujus gloriæ, quam modo est adeptus, socium habebat neminem. Totum hoc quantumcunque erat, quod sine dubio maximum fuit, *Ipsi* non modo ab oculatis testibus, qui nunquam *Ejus* virtuti defuerant, sed rumore quoque publicaue fama tribuebatur. Illustre fuit hoc operæ pretium, & imponenda rebus bellicis colophone dignissimum, etsi juvenis *Herois nostri* tum demum matura, & accensus generosa ambitione animus, plura pericula & ampliorem honoris palæstram quasi jure suo desideraret. Sed Pax, *Hispanorum* adversis, *Belgarum* prosperis rebus, necessaria ipsis, honorifica nobis, vetustissimo, quod unquam ab ultima orbis memoria fuerit, bello finem, ut speravimus, auspiciatum imposuit. (pp) Et *Princeps Noster* castrensi gloriæ innutritus, etsi togam subinde sago mutare maluisset, pu-

blicæ tamen necessitati libenter obsecutus, totum se pacis artibus & procurandæ civium felicitati addixit, ut illi opibus amplius, copiis locupletes, virtute ac religione apud Deum hominesque potissimum emererent. Quanto autem majoribus ad hoc arduum onus naturæ & institutionis dotibus erat instructus, tanto exploratius difficultates & abrupta imperii pendens, in illi omni contentione incumberebat, ut incredibili de se expectationi non satisfaceret modo, sed eam, nisi supra humanam esset potentiam, exsuperaret. Quod totis viginti quatuor annis tam præclare præstitit, ut cum ingens cum opinio sapientiæ præcessisset, longe tamen major secuta sit admiratio. Non erat metuendum, ne qui bello tam magnifice Dux & privatus effulserat, is in pace obsolesceret, cum media inter arma quantopere pacem amaret, toties ornanda pacis operibus Republica ostendisset. Sentiebam, *Auditores*, jam portum subiturus, in medium me denuo quasi profundum impelli, aditumque ad equor immensum se pandere, si pacis curas & civilium rerum laudes, ut dignum erat *Herois nostri*

(II) 2

me-

(pp) Pax nempe *Westphalica* cum Hispanis, anno 1648. d. 30 Jan., cuius historiam dedit Aizema. Præcipua capita illustratum ivit Auctor in *Hist. Civ. d. l. p. 593.*

merito, explicandas ingrederer. Sed multum, opinor, præstabit, eas integras & illibatas cogitationibus vestris reservari, quam carptim breviterque tam illustrem tam diffusam rerum memoriam perstringi & obscurari. Meministis, quantas ab initio difficultates, quam prona tamen, quam cedia virtutibus suis cuncta sit expertus; quantoque postea meliorem, prudentiorem, firmandisque concordiae bonis tempus & dies intentiorem cum fecerint. Laboriosam nactus erat & exercitam stationem, in qua libertas & eminentior unius potestas habile ingenium ad *Parandum* juxta & *Imperandum* requirebat. Duas res difficillimas *Obsequium* & *Imperium* solo dudum *Obsequio*, per quod, ad *Imperium* pervenerat, sibi confirmarat, easque tam salubri prudentia conjunxerat, ut cum *Parendo* tantum, Reipublicæ non satisfaceret, nec imperium sine *Obsequio* civibus probaret, utriusque vim fructumque, non jubendi potestate, sed suadendi autoritate obtineret. A Patruo *Guilielmo*, cujus operum & consiliorum exemplis delectabatur, moderandi hoscæ populos vetere & exercito, præ-

ceptum instar omnium acceperat, pluribus à semet experimentis comprobatum; *Nihil abrupte agendum, absque evidenti utilitate nihil innovandum, ferendumque potius, licet minime probes, quod emendari nequeat, quam vana incassum irritamenta tentare & palam, quibus flagitiis impar sis facere.* Tutius mala publicæ ratione & beneficiis quam imperio ac remediis compeisci & emendari. Malos homines non pœnis sed bonis negotiis detinere, cavere ne timeantur, ut timeant non affectare. Hinc Princeps statu rerum præsentis plerumque contentus, omni studio curaque dabat operam, ut singulis ordinibus collegiisque sua constaret dignitas & fundata legibus potestas, omniaque in melius at *sensim* proveherentur, populus in otio & affluentia omnium rerum, fructibus beatæ pacis indies augeretur. Ita æquabili moderatoque consiliorum tenore felicissime affectus est, ut cum amore popularium citra motus nostræ quidem *Frisiæ* supraque exempla *Antecessorum* perpetuam Patriæ & optatam tranquillitatem vitæ suæ terminis adæquatam præstaret. Quod si obsidione quis *Amstelodamensi* (qq) aut nuperis *Groningen-*

(qq) Anno 1650. Julio exeunte, & ineunte Augusto. Rem omnem, præcunte cum

gensum turbis, (rr) quibus validiora coactus est publicæ dignitati præsidia comparare, eum à consueto moderationis & cunctandi instituto deflexisse arbitretur; ne is parum, quid vel commoda Reipublicæ contra paucorum utilitatem, vel officii necessitudo & GLORIA PAREN-  
DI expresserint, æqua æstimatione animadvertit. Sane quam laudata & populariter accepta gubernandi Illius ratio fuerit, quis clarius aliunde probari postulet, quam quod toties componendis nationum dissidiis arbiter, & à vicinis bis terve novis provinciarum jurisdictionibus sit auctus. Post immaturum quippe *Guilielmi Aaransonensis Secundi Principis* excessum (ff) Illustres *Groningæ Omlundique Ordines*, reputatione valoris & prudentiæ nostri Principis, nec diverso affectu si-

duciaque *Drentini* Procures, supremum civilis & militaris rei moderamen ad *Ipsam* detulerunt, (tt) ut quæ ditiones olim situ, moribus ac vetustissima libertate conjunctæ fuerant, denuo tanquam una corpus anima unius imperii vinculo connecterentur. At cur invidioso hic silentio prætereamus, *Ordinum Transsalarum* nomine (uu) ab uno discordantis Patriæ medela quæreretur, *Aaransonensem* quidem *Principem* Gubernatorem destinatum, nostro autem *Heroi*, cum serum in *Infantis* expectatione auxilium videretur, *Legati* titulo rerum administrationem decretam atque delatam? Quam *Ille* non sui commodi sed pacis causa susceptam, ne postea quidem utilitatis suæ respectu pacisque studio spernere detrectavit. Majus omni imperio potentiaque, spreto imperium

(li) 3

cum aliis Aitzema in *Leone Restituto*, persequutus est Auctor in *Hist. Civ. part. III. lib. II. p. 652 seqq.* Quæ vero convicia vitarum Auctores hodierni, mercenario vel factioso calamo, in vulgus sparsere, apud cordatiores omnes publico contemptu cum maxime vindicantur.

(rr) Qua de re Aitzema *tom. IV. lib. XXXVII. p. 130. seqq. ad ann. 1647.*

(ff) Anno 1650. d. 6. Novembris, ex villa Dierau, Hagam paulo ante cymba delatus. Wicquefort *Hist. p. 101. ætatis 24.*

(tt) *Groningani* dicto anno 1650. invitantibus *Frisiis*, *Hollandisque* invititis, auctore Aitzema, *tom. III. p. 460. Drentini* exemplo *Groningenium*; & avito maiorum instituto. Aitzema *d. I.*

(uu) Vgentibus cum maxime *Frisiis*, vicitatis causa; Quia vero *Aaransonensis* familiæ ista ad huc fuerat præfectura, ea se abstinere *Wilhelmus* maluit, ne scilicet novas prioribus offensas addere, suamque potentiam damno *Aaransonensium* extendere videretur. Aitzema *d. I. & Wicquefort, Hist. ut Prov. Vn. p. 222.*

perium depositamque potestatem arbitrat; quo fortuna se majorem non inani jactatione sed vivis rerum documentis præstaret, seque non alieni momentis animi, non aura circumagi sed consilio regi, palam restaretur. Verum ut hæc aliquando mittantur, vidimus te hæcenus, Celsissime Princeps, totum Reipublicæ curandisque populi commodis additum, patriam foris, patriam domi propugnantem, legibus & magistratibus curatissime ordinantem, nullum pro nobis tempus vacuum curis laboribusque transigentem. Num privatas ad res tuas aliquando respicies? Si Te Ipsum pro populo negligere non recusas, Illustrissimam tamen domum & Nationis gentis statum fac revoces ad animam. Vides atque sentis eminentissimum ejus partem, conspirantibus velut fatis, & citium ingratitude affictam vehementer, & in Infantis unius sperata seleditate prope unici defixam. Tu lumen quidem & consilium tuorum, ingens verum si quid de Te factum fueris, ut homines sumus omnes in quo spes suas reponent, in cujus autoritate fiduciam colloca-bunt? Ipsa quoque Respublica, cui totum Te & omnia Tua consecras, vide ne à Tua solius mortali anima

pendere debeat; sed ut illa, quantum in nobis, eternitati aliquando est, sic Tu pariter hanc suscipe curam, ne salubre temperamentum, quo pax & salus omnium stetit hæcenus immota, in stirpe Tua deficiat. Consule Patriæ, Consule Domui, dum posteritati Tux Consulis, & utique nostræ, ad quam æque pertinebit, ex Te amplecti posteros, quam Tua incolumitas facit ad nostram securitatem. Sic tandem Inelyto Heroi veteris aliquando diuturni cælibatus feliciter excussus; cæpitque lætus in populum rumor, incertis primò auctoribus, mox crebrescente opinione constantius & liberius spargi; affectari, expetere & tandem impetrasse Eum amores Illustrissimæ Principis ALBERTINÆ AGNETIS, Gloriosissimi Imperatoris Nostri HENRICI FRIDERICI Drausienensis, Filiæ Secundogenitæ. (xx) Sentio equidem, Auditores, quid merito expectetis, quale sit hujus loci & oratoris officium: Sed ignosceat conscientia meæ genius Celsissimæ Principis, & permittet, ut qui optaverat publica voce exor-nare, quas in Ipsa vel natura expressit corporis animique dotes, vel

(xx) Vid. Aitzema d. rom. III. p. 650. ad ann. 1651. Primogenitam Ludovicam anno 1646. duxerat Hagæ Comitum Frid. Wilhelmus, El. Brand. Vid. Aitzema d. rom. III. p. 144. seqq.

vel maturior industria in immensum cumulavit, huic ingenua imbecillitatis confessione defungi liceat. Poterat se oratio ad modestiam *Domina* verecundiamque submittere, nec tam proponere quid virtutibus deberetur, quam quid aures possent pati: Sed præstat, *Auditores*, divinas hæc doctes vestræ admirationis secreto relinquere, ut tantæ, illibata æstimatione, quantæ sunt, videantur. Illam magnitudinem animi, illam moderationem, illam generositatem & continentiam carpitim & succinctè perstringere, nec ausim neque expediat. Tutius eas silentio venerabimur, & honori æterno annalium reservabimus, quam brevi interitura prædicatione excipiemus. Quod si hac parte mihi damnum expectationis vestræ condonetis, *Auditores*, ne de festivitate solenni & nuptialis pompæ apparatu pari verborum lætitia celebrando vocis nostræ ministerium sollicitetis, haudquaquam metuo. Cognari nescio quid, & eluctari oratio videbatur, sed gravissima luctus recordatio & recens horror sic intimas cogitationes meas, sic vultus quoque vestros infedit, ut nec mihi verborum facultas, nec vobis auditionis constantia

diversissimæ recitationi suffectura videatur. Poteram repræsentare, cum per ora Belgicarum urbium *Principalis Sponsa* domum duceretur, incredibilem undequaque confluum, referta exultanti multitudine, & laborantia spectatq;ibus tecta, effusam omnium ordinum gratulationem, incomparabilem munus & spectaculorum magnificentiam; quantoque *Principes ipsos* affectu, quanto nuptias *Gubernatoris* sui, quas nunquam *Frisia* viderat, gaudio prosequeretur: Sed hoc suggestum, hoc templum, ipsi quos videmus parietes ferali habitu ac publici mœoris imitatione induti, absterre nos & veniam recusare videntur. **GUILIELMUS Princeps** his nuptiis potius eo felicitatis profectum se credebat, ut nihil voto addi, vix à fortuna quicquam consummari posset, quod non Deus hominesque, modo his muneribus perpetuitas accederet, copiose præstitissent. quin postea felicitatem suam prope ipsam vicisse videbatur, cum paucis post annis pulcherrima sobole *geminâ sequiores, una virilis sexus* auspiciatissima nativitate bearetur, *Filiis*, inquam, unius **HENRICI CASIMIRI**. (\*) Hoc est depositum, quod *Palladii* instar

(\*) Anno 1657. d. 17. Januarii.

(\*) *Erasmus*

*Frisia* nunc servat, & paternæ  
 Successioni pridem destinatum,  
 modo etiam admotum, ab *Ejus-*  
 dem virtutibus & majorum laude  
 nequaquam sperat degeneratu-  
 rum. Quod si ex vultu & ore  
 haud vanum præfagii argumen-  
 tum ducatur, descripsisse in *Eo*  
 nobilitatem animi artifex natura,  
 notisque corporis inusitatas men-  
 tis dotes delignasse videtur, ut  
 ipso vultu præ se ferat *Principem*  
 & protinus quantus futurus sit  
 ex solo adspectu sperari possit.  
 Quin ea nunc est *Celsissimi Prin-*  
*cipis* ætacula, tam moderata  
 ingenii lætitia, ruptis infantiae  
 involucris elucet, ut non mi-  
 nus virtutes *Maximi Parentis*,  
 quas aliquando in usum Reipu-  
 blicæ promat, quam honores &  
 fortunam præsumpsisse videatur.  
 Quod si *Heroica progenies* horta-  
 mentis ad studium laudis sit ex-  
 citanda, non erit necesse pere-  
 grina decora, *Græcos* & ex ulti-  
 ma vetustate *Romanos* proponere  
 ad imitandum; quin potius pa-  
 terna, vel si excurrere lubet, a-  
 vita *Illi* cuncta sane domestica  
 facta demonstrentur, hæc iden-  
 tidem & semper ostendantur, pa-  
 ratæ & e medio desumptæ Prin-  
 cipalis institutionis autoritates.  
*Incidisti in tempora*, Generosissime  
 Puer, quibus non secundæ res feli-

cem, sed adversa, si fortiter anni-  
 taris, Te Magnum probare possis.  
 Erige contra fortunam animum, &  
 cogita nullum luculentius eximie in-  
 doli signum esse quam sperare sem-  
 per. Facilis Tibi & promptus ap-  
 ud Cives tuos amor, succedenti tan-  
 ta charitate Patria ipsaque ætate &  
 afflictæ domus miseratione favorabili.  
 Exhibe duntaxat populo & redde nobis  
 in tempore *GUILLIELMUM* atque  
*HENRICUM*, quorum nomen  
 sanguinemque refers; nec modo vultus  
 similitudine, sed quod omni con-  
 sanguinitate certius est, moribus ag-  
 natum, ingenio Te filium & virtu-  
 tibus ostende. Hæc vota, hæc di-  
 vinationes sunt nostræ, quas  
 longe infra eventum futuras cum  
*illustrissimæ MATRIS* sapientia &  
 accuratissima disciplinæ instituta,  
 tum indoles ad honestissima quæ-  
 que omnibus ingenii bonis for-  
 mata pollicentur. Sed reverta-  
 mur ad nostrum *GUILLIELMUM*  
 & paulisper rebus adhuc prospe-  
 ris, dum per fragilitatis humanæ  
 vices licebit, immoremur. Tre-  
 decim omnino annos in illo felici  
 ex omni parte matrimonio con-  
 corditer atque jucunde exegit;  
 publicam pacifice & prudentissi-  
 me administravit; à belli occu-  
 pationibus fortuna temporum,  
 quibus à terrestribus armis quies  
 perpetua contigit, non voluntas  
 eum

cum sua revocavit, ejus tamen dispendio publicæ utilitatis respectum sine exceptione præponebat. Cæterum non est quod in marcido deliciisque corrupto credamus otio tot annos trivisse Principem. Quicumque immortalitati se parat, stare nescit, motuque sempiterno à posteritatis oblivione se vindicat. Qui nati & instituti sunt ad insatigabilem laboris & patientiæ consuetudinem, nunquam maximorum operum occupationibus destituuntur. Nisi quis putet, admittere in animum suum totius Reipublicæ curam, oblitum quodammodo sui, populis vivere, omnium salutem invigilare, & noctes dieque perpeti sollicitudine pro tot urbibus & provinciis transigere, perfunctorium esse & vulgari privataque comparatione censcat æstimandum. Noster sane *Princeps* nunquam fortunæ suæ fructum in commodo & voluptatibus, sed in vigiliis ac laboribus sensit & collocavit. Proinde accinctus & intentus in omnia, non minus curarum mole quam principatu excellebat, adeo laxamenti omnis & remissionum negligens, ut refici ac reparari sola sa-

tigationum varietate videretur. Novimus, *Auditores*, nullas eum voluptuarias per *Frisiam* possessiones, nullum rus urbanum, ubi otio acquiesceret ac pacis delectamenta sectaretur, habuisse. Sed in urbe, in sede *Reipublicæ* perpetim agens totum gravissimis se negotiis immergebat, assiduus in Senatu, frequens in comitio; nec minus domesticæ facilitate copiam sui aduentibus largiebatur. Quis nostrum aut infimus civium non crebro expertus est, quam ipsi prona in audiendo liberalitas, in respondendo benignitas, & sine corruptione gravitatis, humanitas fuerit? quam sollicitè caverit, ne commodi sui expectatione cuiquam aut moræ tædium aut arrogantiae offensionem præberet. Æque comis & modestus, cum in publicum procederet, civilis incessu, modicus comitatu, in quo plus dignitatis quam fulgoris appareret. Nec auctus est apparatus, postquam *Cæsaris* auctoritate, *Imperiali* decreto, ex *Comite* PRINCEPS, augustiore jam titulo salutari cepit. (yy) Manebat, quæ prius erat, simplicitas in cultu, humanitas in ore, nulla superbix ac-

(Kk)

cessio-

(yy) Anno 1673. Admissus deinde cum reliquis Agnatis ad votum & sessionem in collegio Principum anno sequenti, die III. Martii. Vid. Limæus in *Jure Publico*, tom. V. p. 430.

cessione, nec majore officiorum vel stipationum fuit, quando verum honorem non in splendore titulorum & venerantium obsequiis, sed hominum judiciis & civium amore affectabat. Quin eodem tempore, quo decus *Principale* FERDINANDUS III. Ei transmisit, in modestiæ argumentum *Curatoris Academicis* simplicem & literarium honorem † noluit adspernari: Ut qui nullam judicaret tam in excelsa fortunam, quam non ornet, non augeat plurimum, gloriosa doctrinarum notitia. Cedere volebat clarissimis *Imperatoribus*, quos subfelliis Eruditorum laureatos sæpe falces & sceptrā augusta submisisse audiverat; quemadmodum nec affectu studioque in literas & literatos ulli se concedere perpetuis beneficiorum documentis testabatur. Inter quæ mœum quoque immerentis nomen haud simplici vinculo munificentiae *Celsissimi Heroris* obstrictum lubens & devotus agnosco. (22) Sic *Patriam* principali industria ornabat GUI-

LIELMUS, ita pacem tuebatur, ut belli interim militiæque non oblivisceretur; sed quoties per ardua *Reipublicæ* vacabat, sæpe toga thorace mutata, è curuli in equum, è curia sese in campum transferens exercitio ac meditatione Imperatoria delectabatur. Eruditis quippè discursibus & simulacris praeliorum aptissime legiones in officio peritiæque rei militaris & parendi consuetudine contineri existimabat. Hanc providam sollicitudinem supremus, quem *Frisia* in æternum averfabitur, annus magnifice approbavit, quo vicini *Antistitis* insolentia præclaram renovandæ militaris famæ, disciplinæque prope intermortuæ occasionem suppeditavit. (1) Injuria foederati *Principis*, nostræque tam dignitatis quam commodi reputatio, decretum Senatui Belgarum de repetendo vi armata *Dylensi* munimento justissima ratione expressebat; nec hæsitatum est; quin *Guilielmus Princeps* & viciniæ & meritorum jure ad universum obfessionis imperium

† Primus omnium Praefectorum; ceterum in hæreditaria hodie Praefectura titulus *Curatoris Magnificentissimi* electitius permanfit. Vid. *Fasti Academiae ad ann. 1653.*

(22) Designatus enim fuit Auctor anno 1657. Eloquentiæ & Historiarum Professor, in locum Dominici Acronii. Vid. *Fasti Academici ad h. a.*

(1) Rem omnem persecutus est laudatus Aitzema tom. V. *Hist. hb. XLIV. ad ann. 1664.* Praecipua vero capita illustratum ivit Ampl. Auctor noster in *Hist. Civ. p. 593.*



perium legaretur. Tunc iterum quid clara *Nassaviorum* virtus, & toto orbe laudata belli industria posset, nobili documento patuit. Quantis hic iterum elogiis patientia *Herois nostri* in laboribus, audacia in periculis, celeritas in conficiendo, vigilantia in providendo, omnesque imperatoriae virtutes extolli poterant, ni singula expeditionis momenta cum vestris, *Auditores*, e re presenti testimoniis, tum memorialibus dudum publicatis accuratius fecerentur, quam nostra brevis & pudenda praedicatio repraesentare posset: proin rectius annalium monumentis & posteritatis admirationi reservabuntur. Una vox est, a *Principe nostro* emissa, quam tacite nullo modo praeterire possum. Namque cum coeli adversitate, aut ministrantium incuria, tormentorum & machinarum inopia laboraretur, satis constaret fuisse, qui consilium suggereret, operamque suam & ductum offerret, coronam munimentum aperta cingendi, scalisque admotis

manu armata expugnandi, quod paucorum, vix quinquaginta forte militum iactura constitutum esset. Tum *Princeps*, cui displiceret ultra negotii modum animosa virtus; *Præstare* ait, *quinquaginta aureorum milia sufforibus impendi, quam quinquaginta milites exitio dari.* O sempiterna dignam memoria, plenam salutis, plenam gravitatis & prudentiae vocem! Cui nulla sit tam importuna victoria occasio, quam militis amissi damno peniet, qui elatiorem nullam quam *servati civis coronam* (2) censeat, qui solum id iudicet gloriosum quod sit iustissimum, & ante consecratæ quam fama velit consultum. Non piguit praestolari *Principem*, & cum desiderio suo transigere, donec & ventos & homines tarditatis suae praeniteret, omniaque patranda oppugnationi congesta & adornata, promovendi decretorios conatus facilitatem preberet. Nos eventum signabimus, quo ante *Iunias Nonas*, intra secundam institutæ obsidionis hebdomadam, (Kk) (2)

(2) De *corona civica*, ob cives servatos, plena manu egerant alii. Unum modo, notissimo Taciti loco in *Annal. lib. XV. cap. 12.* vulgatae, & Mediceae lectionis defensionem, Cupero & Ryckio praecuntibus, temere nimis Jac. Gronovium videri probasse. Retento enim *sp. adipisceretur*, vel *apisceretur*, nihil novi Corbulo pollicitus fuisset; siquidem & libera republica, servatus quilibet suo servatori coronam imponebat; ut adeo semper par numerus utrorumque fuerit; *novam vero gloriam* hanc militibus suis Corbulo ostendit, ut singulis manipulatibus praecipua, rariorque semper, corona ista ab Imperatore tribuatur.

munimentum nec situ nec arte spernendum ad extrema pactionis inusitata celeritate compulsum est, quamquam induciis militæ, quem contenti erant arguisse Nostri, refuto ac confirmato. Ad diem repræsentandæ exequendæque deditionis incredibilis hominum multitudo tanquam ad meritissimum *HEROIS Nostri* triumphum ex omni Belgica confluxerat. Terrestris belli motum ab annis prope viginti (3) intermissi juniores nullum cognoverant, & quotuscunque civium his præsertim locis reperiebatur, qui *Arausionensis* castra vidisset? Quapropter ut insolentia armati tumultus vulgo antea terrorem incusserat, ita nunc lætitia & gratulatio ad inusitatæ rei spectaculum cupiditatem omnium mirifice excitabat. Repetebantur gratias passim commemorationibus antiqua *Nassaviorum* decora, & revirescere *Illorum* stirpem, novoque enitescere splendore, optimus quisque faustis acclamationibus ominabatur. Sed ô tristem & insperatam fati vicissitudinem! ô acerbam blandientis fortis fallaciam! *Ergo hucusque Tuam ratem,*

*Gloriosissime Princeps, secundus à puppi status procexis, ut in altum subdole compulsam improvise turbine percelleres? Idone hoc ultimum Tibi decus fortuna parabat, ut tanto mox funestius humane fragilitatis documentum extares? Idone Tuis encomiis & victoriæ gratulationibus modo cuncta personabant, ut effusio re mox planctu & ejulatu omnia compleverentur? Scilicet à medio periculorum astu modo evasisti, ut insidiosa tranquillitate obrueres? Idone provisâ Tibi tela cum intrepido hostili vallo succederes, pepercere, ut domi inexpectata & infestiora reperires? Dêvolvitur, Auditores, ad miseriam, nec sine fletu multo & lacrymis tradendam posteris historiam, in qua si longiorem, si stabilem voce vultuque & æquabilem orationis vigorem expectetis, cogitate, quo pacto humanos primo affectus exure oporteret. Celeritate atque transcursu opus est, ne in ipso dicendi portu naufragio & fluctibus hauriamur. Mane erat diei antertiam *Iduum Octobris*, media nona, vel non multo secus, cum ad iter se accingens *Beatissimus Princeps* duas jussit bellicas & habi-*

(3) Ab anno nempe sæculi supra quadragesimum octavo, octoginta annorum bello tandem *Monasterii* composito: intra quod temporis spatium mari potius quam terra virtus Belgarum enituit; donec perfida Gallorum ambitio necopino fragore Looni nostro soporem excuteret. *Dii talem patria depellite pestem!*

habiles proficiscendo fistulas proferri, quas ipse, si quid deesset, experiretur. Foco assidebat & immisum fornaci scelopum exonerare frustra conabatur. Verso igitur tubo, prævalente jam & præstringente iudicium fato, causam scrutabatur. Sed tum (horresco referens) excussus globulus (heu divinam manum!) os totum partemque faciei dexteram convulsit ac laceravit. Accurrentibus ad strepitum famulis, conclave fumo, *Princeps* sanguine plenus horrificum præbuere spectaculum. Quis tuum, *Illustris Albertina*, stuporem, cum velut fulmine tacta, aut saxi instar obliguisti, quis planctus tuos, ubi lacrymæ viam invenerunt, describat? Contrahat se merito stylus noster, & quod assequi nequit affectare vereatur. Non patitur, *Auditores*, institutæ orationis modus, ut totius hic mali historiam ex arte deducamus, licet imperitiam nostram abundo instruxerit Celeberrimus Collega noster *D. Joachimus Frenzelius*, qui indefessa sollicitudine vigilantiaque totum morbi decursus, quantum humano fieri potuit consilio, ad spem salutis direxit & gubernavit. Principio, cum spes felicitis restitutionis affulgere crederetur, dici non potest, quam lætis id

per *Frisiam* nuntiis divulgatum, quanto omnis ætatis, omnis sexus gaudio & *Principalis* domus & *Reipublica* causa fuerit exceptum. Sed à sexto potissimum die, collapsis viribus nec obscurâ desperatione medicorum, supremam ratus necessitatem imminere minime fracto ad eam humilique animo, sed ut dignum sapiente, ut dignum intacta vita erat, etiam lætus se comparavit, sine ullo impatientiæ ex tam acerbo mortis vulnere percussæve mentis argumento. Ante omnia suscipiendæ divinarum rerum meditationi intentus, vocatis Sacrorum ministris, cœlestibus colloquiis instrui animum propinquitæ æterni gaudii multo erectiorem desideravit. Cumque vulneris violentia vocem spiritumque colligere non permisisset, a repto calamo ad ingenuam delictorum, quibus in hac mortali vita omnes sumus obnoxii, confessionem suppliciter se demisit; Sed & plenam sibi salutis fiduciam in propitiabili sanguine salutaris Hostiæ constare affirmabat, *Vivit*, inquit, *Servator meus* & *faciem ejus intuebor*, aliæque præclara Scripturæ loca tam prompte apteque subjecit, ut non leviter tinctus, sed penitus sensu pietatis imbutus, veraque fidei efficacia ad exspecta-

speculationem aeternitatis abunde instructus appareret. Ita cum domesticis rebus pari constantia prudentiaque prospexisset, tandem fatiscente natura, inter preces ac suspiria & ardentissimos gestus magnam animam, paulo ante septimam vespertinam *a. d. xii. Kal. Novembris* creatori suo redhibuit. Compendio, *Auditores*, & quasi saltu hic utimur, nec planctus aulae, nec fletus assidentium, nec parvulorum amplexus, nec Illustris *Albertine* suprema pietatis officia commemoramus. Quae si ex decore & magnitudine sua persequeremur, nec lacrymis modum, nec orationi finem reperirem. Sed quanta per omnem *Belgiam*, maximeque *Frissiam*, ubi omnium vora in Ejus salutem erant collata, consternatio, quam perenli habitus animorum fuerint, qui gemitus, quae miseratio, incertum verbis representare conabor, cum vix animo & cogitatione magnitudinem doloris complecti poterimus. Quem enim omnes mortalem aut sibi utique superstitem optasset, & ejus necessarii quoque morti indoluissent, quomodo non gravissime hanc inopinam & calamitosam ferrent? Neque tantum ipsa fatali casus atrocitate movebantur, sed privato moerori publicae fortu-

nae querelas miscebant, quasi non *Ipsum* amisisse sed cum *Ipso* periisse viderentur. Illius prudentiae & vigilantiaeque tribuebant, quod haecenus liberorum Parentibus, viris conjugiorum, dominis patrimonii, cunctis hominibus salutis, quietis, pacis, tranquillitatis ratio certa constitisset, & cum neque sperari plus potuisset, nec spei responderi felicius, *Illo* sublato, omnia in contrarium cessura augurabantur. Quae trepida populi opinio vehementer aucta, & religiosa quidam formidine animis est altius impressa, quod ipso temporis articulo, quo *Princeps* gloriosam vitam beatissimo exitu clausit, miraculum haud spernendum & ominosae interpretationis observatum diceretur. Rem memoramus, *Auditores*, non vago plebis rumore, vel obscuri patiorum suffratione sparsam, sed oculata gravissimorum testium auctoritate subnixam. Visum eo quo dixi momento ingens lumen, facis aut stellae instar, transverso & scintillante motu *Leovardiam* praetervolans supra *Principis* aulam subsistere, tum auctiori quoque luce in tecta palatii delapsam evanuisse. Detrahare aut adferrare fidem rei necopinæ & constanter traditæ, utrumque ab Orato-

rato-

ratoris officio alienum existimamus. Sed rei gestæ opinionem ingenio cuiusque & omen ac iudicium latentibus fatorum causis tutius relinquemus. Id sane ut cogitantibus ultro sese ingerit, ita vanitatis superstitiosæ facile absolvetur; magnum utique Reipublicæ, magnum Ecclesiæ, magnum domus Nassoviæ, magnum denique Academiæ nostræ lumen fatali isthac hora extinctum & velut è cælo delapsum. Quantum Respublica fidus amiserit, quid attinet, *Auditores*, tædio attentionis vestræ repetitis rerum documentis approbare? Sed in privatis *Maximi Herois* virtutibus ô quanto voluntatis meæ detrimento, non quicquid spiritus & vocis adhuc superest, occupatur, & absimitur? Undique temperantiæ, frugalitatis, castimonix, liberalitatis cum ratione, maiestatis cum iunctudine, severitatis cum gratia & hilaritate, magnanimitatis sine jactantia, æquitatis, industriæ, integritatis præconia & exempla cumulabantur. Sed quid attinet plura? Omnium *Pietas* compendium reliquis præfulgebat, *Hæc Eum* sola totum subegerat, omniumque sibi laudes soli vindicabat, & ad se referebat. Amisit lucidissimam Ecclesiæ stellam quotidie in medio sui

fulgentem, aliisque salutis iter velut Cynosuram suæ venerationis exemplo monstrantem; Amisit *Academia* Patronum semper benevolam, semper paratum, contraque imperiorum invidiam amantissimum *Assistentem*. Quid *Illustrissima Coniux*, Quid suavissima utriusque lexis pignora, quid domus & familia non luminis amiserit! quæ squalore, tenebris & solitudine miserationem sui tanto latius spargunt, quanto nuper radios suos illud salutare sidus, quod occidit, in omnes partes clariore luce diffuderat. Sed cur tantum hujus *stellæ* occasum lamentamur? Cur tantum irritis votis & inani terrestris jacturæ desiderio fatigamur? Quin potius oculos animosque sursum attolimus, & numquid cælo novæ lucis accesserit, contemplemur. Illud *Patriæ & Ecclesiæ* grande columnen jam nunc cœlestis Patriæ, si divinis fides oraculis, multo splendidius est lumen: Nec dubitandum, si ad aliquam partem felicitum animarum res humanæ pertineant, quin ita *Rempublicam* Beatissimus *Heros* sit allocuturus. *De me*, ô cives, deponite curam, sistite mœrorem, qui ex temporali & calamitosa beatitudine in puram & sempiternam, ex terreno Principatu in ibronum Regalis Sacerdotii sum trans.

*translatus, pro vestro amore gaudium eternitatis; pro amplexu necessitudinum, Servatoris mei vultum & choros Angelorum affecutus. Abii, excessi a quo à vobis animo. Estote florentes, & sine me, modo per me, ut ego sine vobis, in perpetuum beati. Satis naturæ vixeram, satis mihi, satis etiam gloriæ. Vos nunc curate, ne parum vobis, parum familiæ vixisse videar. Tranquillam vobis. Rempublicam usque ad supremum vitæ exitum bonis artibus præstiti, tranquillam reliqui. Vos hanc, ut accepistis, stabilite & conservate. Ambitum coercete, Religionem defendite: Sed ut omnes utilitates verbo complectar, Con-*

*cordiam, Concordiam, rerum omnium in cælis & in terris optimam religiose colite. Hæc vobis tessera divinitus esto data, quam si negligatis, certius vos scitote vestris manibus perituros, quam mea vobis dextera modo me subtraxit. Quod si meorum nondum beneficiorum inter-mortua est memoria, felicitatis, quam ego feci, aliquam partem & fructum Conjugi Liberisque (4) meis impertimini, nec committite, ut majoris ingratisudo vobis mali & supplicii fiat omen. Ita, ô cives, ô Coniux, & carissima pignora, valete. Sed Tua, Gloriosissime Princeps, laus & memoria vigeat in æternum!*

(4) *Henrico Casimiro, de quo supra, & Amalia, nupta deinde Io. Guillelmo, Duci Saxoniae, Isenacensis familiæ.*



ULRICI HUBERI

DE

NATALIBUS, VITA, STUDIIS ET EXITU

*Viri Clarissimi,*

GUILIELMI CUP

*Antecessoris & Collegæ sui,*

O R A T I O,

H A B I T A.

A. D. IV. Kal. Febr. MDCC LXV.



Rgo, cum tot & tam graves causæ, hoc biennio, ad coartandam & prope exhauriendam Academiam conspirassent, adhuc restabat, ut & tertii principium anni novam ad cumulum tot malorum calamitatem adferret! ut quem felicioribus auspiciis eluxisse sperabamus, hic, nescio

(L1)

quod infaustum futuri temporis (omen averte Deus!) præsagium inculcaret! Primo omnium belli terra marique tempestas hinc inde tam sævo turbine detronuit, ut nullas non pacis artes, nedum Musas, tranquillitatis & florentium unice amantes rerum, auditu solo & fragore deterruerit. (1) Postea vero quàm terrestri populo præter

(1) *Lites* notantur *Ostfriska*, occasione debiti Lichtensteinensis, executore sententiæ Imperialis Episcopo Monasteriensi, brevi tamen post, interventu Ordinum Generalium, utcunque sopitæ, memorante Leone ab Aitzema lib. XLIV. *sub inst. tom. V.*

præter spem repræsentatum est otium, ne vana nobis innocentiae opinione blandiremur, manifestior ira numinis & clarius auctorem laudans incubuit, missoque hactenus improborum hominum ministerio, nos suis atque coelestibus armis invasit. (2) Quorum cum multo major quam humanæ violentiæ terror juventutis percellat animos; qui nullis necessitudinum vinculis ad mansionis constantiam adiguntur; non potuit impediri, quin denuo magna parte quasi divino flatu dissipata, modicæ tantum pulcherrimi confluentis reliquæ servarentur. Sed utinam timore solo miseris defungi licuisset, vagæque duntaxat ac affluentis frequentiae reparabili jacturâ mulctati fuissetus: At primo lumen illud Scholæ, decus & gloria Themidos, cujus non excidet in æternum memoria, illud, inquam, lumen extinctum quantas offudit tenebras! (3) Nec absolvisse vindictam suam fata videbantur, nisi & alterum Jurisprudentiæ columen, quod non minus roboris, quam illa fax lucis,

huic Musarum templo contulerat, de repente subvertissent. Ac ita quidem utrumque, ut fortuna securitati nostræ propemodum insultasse videatur: Cum unum adhuc pene strepenti subtraxit Hymenæo (4), alterum, post depulsam divinæ bonitatis sole pestis atram nubem, & transacta pridem superstitiæque gravi valetudine lætum, insidiosè oppressit. Ideone tuam *Wissenbachium* tam brevi secutus es, *Beate CUI*, ut quocum in terris amantissime vixeras, huic iterum in cœlo te cupidissimè jungeres! ut quem Collegam, in vitâ conjunctissimum habueras, ab hoc ne quidem morte longinquâ divellereris! Ita quidem *Tibi* expediebat; sed quanto domui tuæ, quanto *Academiæ* præstitisset, tuarum potius virtutum præsidio quam memoria frui! Te potius successorem in vivis quam in morte socium magni habuisse Collegæ! ut tua post illum sapientia, tua fama publico prodesset, quam communes cum illo laudes & merita lessu prædicarentur: Quæ facilius equidem admirari quam ex-

(2) Grassantis in Erißa malum pestilentia indicatur, paullo inferius iterum attingendum.

(3) De *Io. Jac. Wissenbachio* tum recens extincto, videlicet auctorem in *præf. ad Wissenb. Instit. Add. sup. Orat. V. p. 101.*

(4) De felicitata *Wissenbachii* senis per juvenem nuptias morte auct. *vid. præf. meminit.*



primere vel imitari posteritas poterit. *Queritur posthac in Academicis, exemplum Collegarum annis & dignitate parium, qui magno mortalis ævi spatio, non dicam sine rixa & contentione, nec quidem sine obtruncatione, sed procul invidia, procul similitate, procul ab utriusque suspitione vixerunt. O incomparabilis, quanto rarior virtus! O maximum vitæ humanæ atque jucundissimum concordia & animorum consensio bonum! Neque dixerim, an non Tibi, Felix CUPÍ, ampliorem hac parte laudem æqui æstimatoribus tribuerent, cui paulò forte promptior ex inæquali hominum studio, invidendi occasio oblata videbatur. Sed candidum ac verè generosum peccat, mansuetudine meritorumque suorum conscientia tam bene instructum atque munitum erat, ut omnes æmulationum invidiæque illecebras, velut multo inferiores, sperneret atque proculcarer. Convenientia morum, simplicitas atque sinceritas vestra fecit, ne vel alia sentiretis, alia loqueremini, vel si diversa sentiretis, tamen non loqueremini. Iterum O beatum par Collegarum, qui nunquam sibi mutuo satisfecerunt, nunquam excusarunt, quibus deprecatione nunquam pudenda fuit opus, nec quibus ingratiam reducendis amici allo tempore*

(L1) 2

*sunt fatigati! Adeo mihi non temperabam, Ornatissimi Auditores, quin antequam laudare inciperem, præsumptione tam eximiae virtutis & copulæ talium virorum occuparem laudationis locum, atque dicendi prope vices confunderem. Tam arcta tam constans animorum conspiratio non potuit, inquam, nisi ex paritate affectionum, & mirifica morum conventionem nasci, ut adeo qui virtutes unius cognoverit huic utriusque dotes animi exploratæ videantur. Proinde characterem ingenii sui pulchre exprimebat, cum non toto abhinc biennio *Wissenbachianas* laudes CUPÍUS ex hac sede memoraret; nec alienum fuisset, vos nunc, *Auditores*, meæ sic orationi aures animosque mittere, ut dum *Cupiano* defungitur elogio, quasi speculum mentis Egregii illius *Antecessoris* exhiberi vobis persuadeatis. Nam quod tunc Isti *Animæ* recens ad sidera vocatæ supremum amicitiae munus, ex *Amplissimi Senatus* consulo CUPÍUS persolvit, id nunc mihi CUPÍO, beatorum modo choris adscripto, ex eadem autoritate reddendum. Ita voluntur humane vices! Laudas hunc tu, & te laudabit alius. Modo qui succedis alteri, fac cogites, quam mox tibi succedat alter, ac ita tibi gratulare,*

sic

*sic animum inter metum letissimamque attemperato, ut non magis esse Te successorem, quam expectare memineris.* Poteram, *Auditores*, defuncti nostri laudes continua virtutum enarratione persequi, ut pariter effigiem *Illius*, quem non minus vitæ ductu quam novissimâ CUPPIUS oratione descripserat, audientiae vestrae exponerem. Sed voluntas *Amplissimi Senatus*, & expectatio Auditorii, pro more & quasi jure postulat, ut non tantum de animo, sed etiam de fortuna, non modo de virtutibus, sed de natalibus quoque, de studiis, honoribus ac institutis *Viri Clarissimi*, cujus exequias celebramus, referam, adeoque totius vitæ breve aliquod instar historiae complectar. Quo dum perfungor id mihi patientia vestra, *Humanissimi Auditores*, cupiam indulgeri, ut ubi res ita tulerint, modicis digressionibus animum allevare, & paulisper à mœroris contemplatione deflectere liceat; tamen ut omnia præcisione rerum atque compendio verborum unam intra horam & quotidianæ auditionis modum cohibeantur. Non insidiabor attentioni vestrae, pollicendo inexpectatas grandium re-

rum mutationes, vel tragicas casuum varietates, non exilia, nec vagas per mare per terras peregrinationes; sed quietam & æquabilem hominis studiosi, plenam innocentiae, plenam gravitatis, dignamque exemplo vitam, pari quam est acta simplicitate reddam; initio quidem uti par est à natalibus patriaque ducto; quancquam vereor, ne nescio quorum hæc orationem ab ipso statim limine seducat. *Bommelia* civitas in ejusdem nominis insula, situ ingenioque loci & arte Mauritiana (5) inter tutissimas Belgarum munitiones, & elaboratæ in his finibus Reipublicæ claustra celebratur. Firmitatem locorum crebri magnorum annium confluentes, & brevissimis intervallis, quasi tædio confusionis, divortia fluviorum efficiunt, dum vel mutuis augmentis Rhenus atque Mosâ gaudent, vel propriâ singuli gloriâ fluere contendunt. Quæ aquarum inconstantia cum multis aliis tum *Bommeliensi* agro formam insulæ & hostilis accessus securitatem moramque insidiarum conciliat. Cujus fiducia non alibi temere suspectas potentium Captivorum custodias quam

(5) Eam describit Em. van Meteren *lib. XXI. ad ann. 1599. fol. 11.* artemque muniendi tunc recens inventam Grotius, *Hisp. lib. VIII. ad cit. ann. p. 336. ed. in 8.*

quam posito ad ipsum insulæ finem *Loevesteinio* Proceres committunt. (6) Quod auspicii causâ vel ideo sit appellatum, quia bis præcipue concedita sibi invidiosa discordiæ pignora continere non sustinuit, sed clam vel palam, iussu an injussu restituere festinavit. *Aboleat posteritas & abolabit penitendum factionis ab hoc carcere titulum*, sed propter unum Hospitem genius loci perpetuum esto memorabilis: Quod diuturna licet ingrata mansione Magnum Illum ad divinas de *Jure belli & pacis* meditationes compulerit, suoque tempore, ne proles, tantum lucis data mundo, luci negaretur, pulcherrimas adspexerit, neque prodiderit insidias, & quem vir foetum conceperat atque genuerat, hunc animosam conjugem, ne hujus tantum maternon videretur, eniti ac educere sit

passus. *Fruere proditiōis, non tam in Patriam admissæ, quam in civem recusatæ gloria Loevestenium*, sed adversus hostes apud Te depositos serva fidem Reipubl. cuius sæpe fecisti fidem, & parem nobis ex Britanno, si potes, *Ascurio* da fructum (7) atque olim ex Hispano *Mendoza* præbuvisti; quem ita reddebam suis, ut quicunque Belgarum captivi sub Philippo tenebantur, unus ille pro sua exsolvi libertate curaret. (8) Si tantum vel hujus, vel futurorum ducum apud *Anglos* respectus valeat, næ tibi magnificum, *Triumphalis Custodia*, nomen inscribetur. Sed ignorete *Auditores*, quod præsentem mœroris sensum publicâ recordatione paulisper adumbrarim; & hoc leve expectationis dispendium cum anticipatâ modo luctus præfatione penlate. *Bommeliæ* igitur, quam

(L1) 3 me-

(6) Vtinam vero famulosum castellum istoc, ab anno primum 1619. atque iterum 1650. funestas in patria *factioni* causam nomenque haut eddidisset. Vid. Auctor in *Hist. Civ. part. II. lib. II. pag. 650. seq.* ubi de obsidione Amstelædamenti, & sexuali arresto *Lupæsteinen*, plenius disserit.

(7) Archithalassus M. Britannicæ *Ascue* a Michæle de Ruiter captus praelio navali d. xi. Jun. 1666. Hagamque primum, mox *Lupæsteinium* deductus, ab Auctore intelligitur. Vid. *Aitzema tom. V. lib. XLVI. ad d. ann. pag. 698. seqq.*

(8) *Franciscum Mendoza*m, Arragonicæ Admirantem, praelio Neoportensi captum anno 1600. & Hollandiæ per arces, modo arctiore, modo laxiore custodia detentum, tandem memorata conditione, anno 1602. rursus dimissum, auctores tradunt. Ev. *Reidanus lib. XVII. Ann. p. 523. & lib. XVIII. p. 541. Grotius Hist. lib. IX. p. 399. & lib. XI. p. 419. Huberus item noster in Hist. Civ. part. II. lib. II. sect. II. cap. XIII. p. 370. Singularia nonnulla apud Meteranum lib. XXII. fol. 32. b. seqq. & lib. XXIII. fol. 41. b. & 10. Clericum tom. I. lib. VII. p. 499. seq. & p. 517. seq.*

medio sui *Rhenus* adlabitur, ubi post salutatum *Mosam* quasi poenitens, exuto nomine *Vahalis* appellatur, editus est in lucem, anno sæculi nostri quarto **GUILI-ELMUS CUP**, quem modo luci subtractum publice privatimque lugemus. Familiam utrinque vetustam, & honoribus domi gestis, continuæque dignatione claram fuisse cognovimus. Ex quâ paternum proavum consulem Bommeliensem, atque ad pacis transactionem inter *Carolus V.* & *Guillelmum* Cliviæ ducem, qua Burgundicæ domus Gelria cum cæteris portio facta, Delegatum numerat. Et tanquam provida quædam fortuna, venturæque affinitatis præfaga, id ordinasset, maternum eidem concilio proavum interfuisse annales loquuntur. Secundum hos paternus Avus *Henricus Cup*, maternus *Johannes à Wely* suis quique locis floruerunt; hic quidem ex equestri ordine ad comitia Patriæ conscriptus, eadem continuo frequentavit, donec uterque calumniis periculisque Albanorum temporum absterritus, pietatisque & libertatis amore accensus utriusque Instauratorum se partibus aggregarunt, & consilia Bomme-

liensium, qui inter primos Belgarum servitutem exuerant, ad constantiam exitumque felicem auctoritate sua prudentiaque sunt moderati. Sed *Henricus Cup* ex *Agnete Ter-Heide* filium reliquit, non fortunâ nec virtute majoribus imparem, *Petrus Cup*, qui uxorem nactus *Elisabetham*, *Johanni à Wely* ex *Gertrude Bylaria* natam, exinde filium auspiciatissimis votis **CUP** nostrum suscepit. Nomen infanti dare visum proavi; forte quod superstes avus, quæ sentilis quasi propter omen instantis fati religio est, suo non magis nomine, quam vitæ cedere voluerit; nomen, inquam, majoris Avi placuit propagare *Guilielmi*. Natus est igitur **GUILI-ELMUS CUP** anno quem dixi supra c. 13 c. quarto, pridie Nonar. Julii: Quo tempore duabus totâ non dicam Belgica, vel hoc sæculo, sed orbe, utausim dicere, toto, & ab omni antiquitatis memoria celeberrimis in Flandria obsidionibus certabatur; Exitu quidem par sed conatu gloriæque dispari, Fœderatis Mauritioque ad *Clusam*, Hispanis atque Spinolâ post triennii pertinaciam adhuc apud *Ostendam* laborantibus. (9) Et nostri quidem

(9) Vid. Grotius *Hist. lib. XIII. sub imit.* & p. 451. & plenissime omnium Me-

dem modicâ unius ætatis impensâ urbe sunt potiti, in quâ copiose reppererunt quod *Albertus & Elisabeth* tot inritis supplicationibus, tam immensa sanguinis aurique juctura questum in Ostendâ vix tandem sunt adepti; quando nihil præter inanem informibus tumultis aut obliquis specubus arcem, nihil quam aggeres humanis ossibus compactos & cruore niaceratos invenerunt. Gratulemur CUPIO nostro, quod meliores mitioresque natales, quod parentes non ad feritatem & ambitionem, sed factos ad mansuetudinem pietatemque sortitus sit. Qui non armis, non fundendo sanguini suctum, sed humanitati & literis studiorum, quæ molliunt mores nec feros esse sinunt, addictum voluerunt. Est equidem in hac imperiorum & humani generis confusione, militaris rei scientia & fortitudo præclara virtus, animosque ad vulnera, cædes, ferrum flammamque obfirmatos genere, pro patria & religione magnificum, accumbere etiam pulchrum; sed feliciores multo, quis non fateatur eos, qui-

bis procul a tubarum strepitu & horrore Martis, Arti amcenissimæ vacare, divinasque & humanas res otiose contemplari licet! Ad hanc felicitatem ut ingenium *Guilielmi* sui Parentes amantissimi pararent, omnium primo legitimos proficiendi gradus accurate servandos, nec ulla parte egrediendum ætatis modum existimarent. Quæ pestis multò pessima quantopere disciplinam educationis corruperit, ac prope jam perdidit nostræ, facilius querelis quam remediis probabimus. Atque utinam aliquando cogitet juvenis, vel quibus in eam potestas, quantam festinatio moram, quam peremptorium studiis exitium importet. (9) *Cupiani* parentes ne quidem simplici trivialis exercitii rudimento satisfactum filio crediderunt, quin postquam per omnes *Bommelsen* Scholæ classes ultimâque Rectoris à *Galien*, hominis eruditi, manu egregie ductus atque exactus esset, *Lugdunum* etiam *Batavorum* adulescentem ablegarent. *Lugdunum*, inquam, ex triviali Scholâ; nec dubitatis, *Ornatissimi Ju-*  
*venes*,

teranus lib. XXV. fol. 91. b. fgg. Erat vero obsidio hæc *Ostendana* velut publica Martis Schola, itidem atque *Pragensis* hodierna, feræ memoranda plorandaque & Germanorum, & Gallorum posteritati.

(10) Vid. Oratio *Emundi Merillii* de tempore in Studio Iuris prorogando, quam notulis auctam Appendici Repetitionis Institutionum olim adieci.

*venes*, quin more vestro in Academiam & Auditoria publica intelligam, sed velim aliter opinionem instituatis. Ingenio quidem & profectu altioris erat capax promotionis GUILIELMUS, sed de die parentes non laborabant, confisi, tarditate institutionis, fructuque moræ, dispendium temporis abunde pensatum iri, præsertim cum indoles filii quàm ætas provectior esset, ac coercenda præcocias videretur, ne ut summo solo sparsa semina lætis sed inanibus aristis flavescent, ita tenelli vis ingenii ante annos exhausta, cum maturitate flaccesceret, nec multum secuturis incrementis reservaret. Quapropter denuo filium in scholam, & viri doctissimi *Jacobi Lettingii* Rectoris disciplinam, dedere non dubitaverunt; Ex ipso limine Auditorii, attendite *Juvenes*, ex conspectu Academiæ, jam gustu fere percepto Studiosæ libertatis, ad quam mirifice aliàs gestiunt atque pruriunt inexperti. Hæc est severa proficiendi lex, hi sunt studiorum gradus, per quos ad excelsum doctrinæ arcem eniti & conscendere datur. Non est rogandum, an CUPÍUS operæ pretium dimissus in Academiam fecerit, an illotis, quod ajunt, manibus ab sublimiores Artium

Professores audiendos tractandisque se contulerit; postquam bis rude missus pileoque donatus ex umbra in lucem, è ludo tanquam in forum, non illud Mercurii, sed Minervæ atque Musarum prodiiit. Nec de eo quidem dubitandum, quin is, qui tam exacte justos discendi ordines per inferiora gymnasia servaverat, æque lentam sollicitamque in difficiliori institutione normam sit consecutus. Hunc animum, industriamque Juvenis egregie tempus atque fortuna promovit; quando non alias *Leida* magis virorum insignium delectu per omnes doctrinæ professiones quàm eo tempore floruit, quo CUPÍUS ob altiore ingenii cultum auditoria frequentavit. *Gilberti Jacbei* inter veteris sapientiæ magistros, obscurum est nomen; sed *Frantonis Burgersdicii* fama latius & validius inclaruit, qui adtemperato inter antiqua dogmata & novas præceptiones ingenio, aptisque docendi compendiis eò dignationis pervenit, ut, quod nec ipsum voluisse, nedum sperasse credo, notabili antiquorum honori sit adæquatus, cum jam publicis per Academiæ lectionibus doctorumque commentariis dignus habeatur. Tantis viris, ut sciamus quam solertem CUPÍUS navarit ope-

operam, quamque non frustra eos lectatus sit, argumento haut opus est alio, quam quod inorali postea philosophiæ in *Harderwiceno* Gymnasio (12) docendæ publice est admotus, atque suffecit. Sed literas humaniorum duo præcipue viri, toto sæculo & orbe maximi, *Lugduni* tunc propagabant, *Daniel Heinsius*, & *Gerhardus Johannes Vossius*. Quorum hic non dispar *Burgersdiciano* institutum (13) ad eas Artes transtulit, quæ Literaturæ & Humanitatis appellatione noscuntur, ut hoc genus doctrinarum, quæ per omnem vetustatis scripturam diffusæ, ac penitus immerse sunt, etiam terminis, si posset, circumscriberet; ne Studiosi harum rerum, qui nunquam vident quid discendum habeant, confusionem verterent in desperationem; neve has artes omni fine modoque cære, mortaliq; ingenio impe-

netrabiles & inaccessas putarent: tum vero, ut ne vagâ tantum & infinita lectione, Generosi Juvenes, (sic merito, qui hæc student, appellantur,) memoriam implerent; sed, ut auditores aliarum artium, certis quoque regulis, universisque præceptis, rectitudinem iudicii formarent firmarentque, ne nullis innixa fundamentis variarum rerum notitia dissuaret, suæ semet ipsam intentione frustraretur. De *Heinsio* (14) tacere omnino quam pauca dicere præstat, ne laus hominis omni laude major minutiis laudum infracta videatur. Nec id quidem perfectumur, quam recte prudenterque CUPÍUS consuluerit, quod horum Auditoriis indefessum obcundis se dederit, nec ante ad Jurisprudentiam animum applicuerit, quam Historiam, Eloquentiam, omnesque eruditas amœnitates præcepisset. Meministis, *Ornatissimi*

(12) In Academiam post annos 44. converso, anno 1647. quamque ab anno 1677. ex publico decreto ruinae proximam, auctore Wilhelmo III. Rege, Ordines instaurarunt anno 1692. Vid. *Recessus Provinciales* dd. annis in *Volume Placitorum Gelræ.*

(13) Editis in usum Scholarum, ex decreto Ordinum Hollandiæ, tot *Rudimentis*, cum *linguarum* Græcæ & Latinæ, tum *Rhetoricæ & Oratoriæ*, suæ nec hodie utilitatis laude frustrandis. Equis vero in Criticis maiorem *Heinsio*; in Grammaticis, id est, omni literatura, *Vossio* alium reperit?

(14) *Scaligero* tamen hunc nemo sanus parem, & nisi furiosus superiorem dicet. Nota Grotium inter & Danielem simultas, a Synodo in primis Dordracena usque. Non æquum magis Cunaeco cum Collega, ut solet, commercium. Vid. *Epistola Cunaeci* XXVIII. p. 48. seq. & *Epistola CXVIII.* p. 182. ed. *Burm.* Lites cum Balzaco enarrat *Mensgius* in *Ana.* tow. I. p. 26.

*tissimi Juvenes*, cum pro concione Inaugurali (15) necessitatem conjungendi utriusque studii argumento Historiæ Juridicæ continuo atque diffusio probavimus, nec dubitabitis, quin etiamnum requiratur in Jureconsulti supellectile, quod ab omni antiquitate illis ratio & usus adesse oportere approbavit. Cæterum, quærum dicta sunt repetere nihil attinet. Sed *Leide* Juris scientiam CUPÍUS docentes audivit, doctissimos & Celebres Viros, *Everardum Bronchorst*, *Cornelium Swanenburg*, *Johannem Linderbusium*, *Nicolaum Dedelium*, *Petrum* denique *Cunæum*, omnes quidem singulosque laudibus suis conspicuos, sed primum ac novissimum scriptis famæque notiores. *Bronchorstius* præcipuis Legum commissionibus, & controversiarum momentis in compendium redactis, operam satis expromptam juventuti ad velitationes cathedricas impendit; quique hoc genere, scriptiois dissoluto, & pene dixeram, quæstionario delectantur, iis exempli auctorita-

tem præbuit. *Cunæus* Juris Romani notitiæ omnigenam humanitatis doctrinam, & quod rarum in Joto, ac pene supervacuum, Hebraicæ antiquitatis, sacræque literaturæ scientiam, ut cum peritissimis comparari posset, adjunxerat. (16) Horum ductu præsidioque CUPÍUS ita sese exercuit, ut consuetudinem suam ordinis graduumque servandorum constanter retineret, nec tamen vulgata *Studentium* exempla, viamque tritam usquequaque insisteret. Initium quidem à Cæsare Institutionum manuali faciendum non dubitabat, sed cum in earum tractatione duo sint extrema consilii, unum quod ipse *Justinianus*, alterum quod mos receptus commendat, CUPÍUS medio tutissimum iturum se speravit. (17) Nam cum Cæsar vix ultra *semestre spatium* institutionibus immorari præcipiat, vulgus proram quasi ac puppim studiorum in his collocare videatur; *Cupius* neque nimis coartari se passus est, nec omnes suos labores hic ordiri atque consumere

(15) Oratio est V. *sup.* p. 101.

(16) Magni Viri vitam *Adolphus Vorstius* in laudatione funebri compendio exhibet, Orationibus *Cunæi* à Cellario subiecta. Conferenda etiam, quæ Celeberrimus *Burmianus* novæ Epistolarum *Cunæi* editioni adiecit.

(17) Huc facit ab Illustri Auctore editus postea, *de ratione docendi & discendi Juris* Dialogus.



sumere voluit. Primo levi ac simplici via compendiarium Juris scientiam ex *Justiniani* libello comparavit, quasi per transennam adyta justitiæ spectans, neque mox intimis se penetralibus ingessit, sed contentus in vestibulum admitti, *Institutionum* auditorio se continuit, quarum exacta cognitione ut certissimo fundamento universam disciplinam niti arbitrabatur. Proinde semel eas iterumque sed plenius repetebat, ut causas ubique & rationes, ipsosque legum fontes, ex quibus derivatæ Institutiones, indagaret, quibus initio explorandis superlegendum judicaverat. Non vexavit, opinor, memoriam edificendis *Regularum* Juris, & de *Verborum* *Significatione* libris, quod multi perperam novis Justinianicis suadent, quia ex diversissimis rerum capitibus præcisi textus, quæsitæque brevitate obsecuri ignavis terminorum Artis præposcere obtruduntur, sed in progressu discendi eximio cum fructu applicari possunt. (18) Ita jacto diligenter, (minus tamen operose quam mos est quorundam) validoque satis fundamento, ne-

quaquam se absolutum putabat; quod suaviter multi somniant; sed inchoato tantum labore, quasi ad extruendum educendumque à solo ædificium ex integro se comparabat. *Pandectas* igitur adiit, hoc est Oceanum Juris intravit, non ut plenis statim velis medio se profundo committeret, verum ut solent qui ad ignota maria devehuntur, primum littora legit, priusquam se datet in altum; hoc, inquam, primò dedit operam, ut cujusque tituli sententium, usum, ac fundamenta rerum, quæ minus difficiles haberent explicatus, perciperet memoriarque mandaret. Quod repetitis sectionibus non modo firmare non piguit, sed & semper plus ultra tendens tunc maxime solvendis perplexis, conciliandis contrariis, penetrandis obscuris, & omnibus exquisitis intentus omnia subigere ingenio & CŒtum perficere satagebat. Si quis expectet quam mox *Codicem* & *Novellas* peculiari post *Pandectas* studio CUPĪUM tractasse referam; is sciat neque id factum, nec necessarium videri, cum absque doctrinæ damno eximio-

(Mm) 2

(18) Quod maximi viri, *Petrus Faber* & *Jac. Gothofredus*, ad tit. de Reg. Jur. item *Jo. Goedaenus* post *Alciatum*, *Fornerium*, *Brechaeym*, ad tit. de Verb. Signif. data opera ostenderunt. Et egregis sunt, quæ *Jac. Labitius* in *Usu Indicis* sui hac de re commentatus est, cap. II. §. 14. seqq.

que temporis compendio repetitæ Pandectarum lectioni præcipua sequentium librorum capita facile jungantur. De methodica nimirum & titulari, *sic loquar*, doctrina sentimus, ad quam veteres Auditores Pandectarum (19) videntur esse aptiores; alioqui legendos quam maxime & perdiscendos Constitutionum libros, dubitare nefas erat; sed in Pandectis quasi Theoriam, praxeos similitudinem quandam in Codice; tradi existimamus. In his quanquam ingenio excitatissimo, diligentiaque memorabili privatim CUPÍUS utebatur, semper tamen proprias curas viva Professorum voce gubernavit; quando, qui *senet docere*, & ipsi studia sua regere vellent, *vix unquam ad frugem pervenire*, & eos quibus nulli fuerant, *semper habuisse malos Præceptores animadverterat*. Ipsi & a publicis prælectionibus abesse erat religio, atque operam assiduo dabat, ut in domesticis Professorum Collegiis audiendo, rogitando, respondendo, disputandoque se cum aequalibus exerceret. Nam & hoc ad compendium proficiendi effica-

cissimum sentiebat, & quæ in publicum Doctores proferrent magis præcipua & elaborata deprehendebat; ut adeo multos vestrum, *Præstantissimi Juvenes*, vehementer falli oporteat, qui vel publicis contenti collegia aspernantur, vel his ita se dedunt; ut Academicas prælectiones, quasi ad pompam magis, quam ad utilitatem fructumque comparatas, adire magno suo damno graventur. Sed CUPÍUS publice privatimque partibus suis præclare defunctus, animum ad supremos tandem honores adjecit, quos magna meriti sui fama, omniumque applausu in eadem *Lugdunensi* Academia, *ante diem xvi. Kal. Febr.* anno sæculi xxvi. ætatis secundo & vicesimo impetravit. Equidem, si quàm difficile docendi munus (20) & quam arduum *Doctoris* nomen est, tam grave censeamus onus iis impositum, qui hoc titulo salutantur, quotusquisque eorum; quos torquis & annulus honorat, reperietur, qui re ipsa Doctorem exhibeat, & meriti valore dignitatis professioni respondeat? At CUPÍUS Doctor

(19) Alia vero mens Bononiensibus, Codicem una cum Pandectis, cum publice prælegendis, tum commentis suis illustrantibus. Vid. Guido Pancirolus, *de Claris LL. Interpretibus*, lib. II. cap. 6. seqq.

(20) Peculiari hoc ipsum Oratione ostendit Vir Ampl. Ev. Otto, *de ardo Antecessoris munera*.

Doctor appellari non sustinuit, priusquam & suâ, quæ sæpe blanditur; & aliorum opinione doctoralem fiduciam comparasset. Quapropter etsi adolescentiæ annos vix dum excesserat, officium tamen docendi non ambitiose petere, sed præstare cum gloria instituit. Haud dubie enim multo majus fuit, desiderio & flagitatione juventutis, quæ adulari nescit, ab ipso Professorum ordine, rigidis in sua re doctrinæ æstimatibus, quam favore Magnatum ad profitendi honorem extolli. Quamquam igitur in foro nomen professus, auxisset non tam numerum quam dignitatem Advocatorum, Studiosi tamen clientes, rusticos atque cives prævenierunt, eumque concursu facto ad aperiendum quasi ludum, copiamque institutionis suæ faciendam compulerunt. Macte generoso CUPIDO proposito, qui spreto genere vitæ, quod ambitionem & lucri spem præferebat amplio, Scholasticum, quo quidem honestius & innocentius nullum, sed apparatu & splendore minus speciosum prætulisti. Dedit tibi luculentum hujus consilii fortuna fructum, ut quod Consul Romanus (21) in amico suo

beatum prædicabat, postquam sexagesimum annum excesseras, adhuc *Scholasticus* tantum moreris. Placeat sibi quantum profana plebs volet, cum Artium Professores velut convitii causa *Scholasticos* vocitare gaudent, quando Consul idem non modo nihil sincerius, sed nec felicius, nec gloriosius quicquam Scholasticâ dignitate censet, istos vero contemptores pulchris saxorum dominibus ornat. Non fuit hac populari inflatus arrogantia, vir summæ Nobilitatis *Johannes Gordonius*, strenuissimus vigilum in *Caltris Arausiæ* Præfectus, quem de matrimonio CUPIDUS stabilem meditatus vitam, compellavit. Editus erat ex vetustissimo in *Scotia Gordoniorum & Huntileorum* familiis, de quorum stirpe rebusque gestis annales Gentis copiose memorant; argumentoque potentia esse potest, quod ante CUPIDI natales vix quadraginta annis *Gordonii*, principe familiæ *Georgio Sutherlandie* Comite, cum *Huntileis* fœdere ac, ut videtur, affinitate conjunctis adversus Proregem *Jacobum Moravia* Comitem bellum civile suo nomine administraverint. (22) Ex his *Alexander Gordonius* Legioni *Scoticæ*

(M m) 3

Bel-

(21) C. Plinius minor, lib. II. Epist. III. 5. 5. De *Scholasticis* quædam meminimus, sup. ad Orat. X. p. 185. not (7)

(22) Vid. *Buchananus* lib. XVII. ad ann. 1561. seq.

Belgarum stipendiis, juxta *Guelielmum Stuartum*, regia stirpis virum, legatus praefuit, ejusque nepotim ex *Johanne filio Gertrudim Gordoniam*, thori vitaeque sociam CUPÍUS cupivit ac inpetravít; consilio satis Parente, majorum suorum imagines affinitate Scholastica minime dehonestatum iri; nec ullum esse tam illustrem fortunam, quam non ornet, non augeat literarum gloriosa notitia. Nos illam, *Auditores*, omnibus quæ matronam ornare possent, virtutibus eminentem, piam, sedulam, modestam, viri, quod ipse expertus, amantissimam, rerumque suarum contentissime sagientem cognovimus. Lugduni Batavorum CUPÍUS jucundam cum ea vitam, usque ad annum seculi xxxiv. egít, quo ab amplissimis Gymnasii *Velavici* Curatoribus in publicam Juris Professionem Viro Celeberrimo *Antonio*

*Matthæo* (23) cujus memoriam, ut Praeceptoris nostri, honoris causa citamus, tunc *Trajectum Rheni* vocato est surrogatus. Non immerito prudentiores, ipsæque Leges Almae Nostræ præcipiunt, ne quis temere ad profitendi honorem admittatur, nisi qui publicis primum documentis, & probe se didicisse, quam docere affectet artem, & valere ad docendum probaverit. Quod ubi negligitur, si aliquando eventus temeritatem absolvit, at non raro seram poenitentiam cum publico nec reparabili detrimento opponat. De CUPÍO *Harderwiceni* non metuebant, ne qui privatus frequentia discipulorum Doctor floruerat, jam publica subnixus auctoritate Professor obsolesceret. Quam abunde expectationem implenti, subinde & moralem Philosophiam (24) quod ipsum narrare memini, alternis praefectionibus

(23) Hic *Antonii Matthæi*, apud Groninganos Antecessoris filius, & *Antonii Matthæi* Leidam postea vocati pater, primus in Illustri Athenæo, & mox in Academia Traiectina, Antecessor; cuius & vitae, & gentis, & meritorum praecipua in *Traiecto Erudito* recenset Amplissimus Senator Urbanus Caspar Burmannus.

(24) Quam & antea civis noster *Bern. Sutholdus*, in eodem Athenæo, una cum Iure professus fuerat, ipsomet memorante in Orat. Inaug. Ao. 1623. Dissertationibus eiusdem ad Institutiones subiecta. Invidendum vero elogium est, quo ipsum Bachovii discipulum, & Cunaei clientem, Huberus noster exornavit, *Eun. Rom. ad J. 1. de inoff. testam.* De apostasia denique nostratis, & in aula Dusseldorpiensi novo Consilarii munere, videbis notata Cl. Burmanno *ad Cunaei Epist. CXLI. p. 210.* ubi e Miscellaneis Leibnitianis error eximitur de professione *Quæstionibus*, quam Sutholdus nunquam obiit, & proximo itinere in Angliam *Harderwicen* voca-

nibus illustrandam commiserunt; ut Auditores suos non tantum leges, vel nudum earum corticem, sed nucleum ipsum & radicem, hoc est, causas rationesque doceret, ac ita non modo corpus, sed & animam Juris sibi propositam intelligerent. Sane Gelris suis atque vicinis quantopere satisfecerit, clarius patere non potuit, quam cum publicis literis eum pridem ad nos delatum honorificis conditionibus postea revocarunt. Proceres enim *Frisia* percepta viri famâ meritum, cum hic mortalitatem *Martinus Wydinga, Frisus*, & Juris Ordinarius Professor explevisset, neminem ante CUPIDUM qui succederet optaverunt, cumque æternæ memoriæ *Wissenbachio*, qui Clarissimo Viro *Henrico Rbala* perinde *Frisio* successerant, conjunxerunt, inauguratione a. d. xi. Kal. Mart. auspiciatissime celebrata. (25) Non potest non agere ferri, tunc eam per *Frisiam* ingeniorum fuisse penuriam, ut tertio mox à *Suecia* Juris Doctore

vocato (26) nullus popularium; quod à fundata Academia non contigerat; Jurisprudentiam doceret. Tametsi enim plus quam sateri, nedum exsolvere possumus, magnis viris *Exteris* hæc Academia debeat, nunquam tamen *Juridica Facultati* omnino ita defuerant, quos Patriæ producere auderet, quique pariter salutem cum *Exteris*, & profutendi partibus sufficerent, & Academiæ splendorem tuerentur. *Henricus Schotanus, Julius à Beima, Marcus à Lyklama, Timæus Faber, Hæstor Bouricius, Bernardus Schotanus*, nequaquam paritenda nomina, *Frisii* omnes & scriptis fama que inclityi homines, tam suum quam Academiæ nomen gloriose propagarunt. (27) Causa tam enormis hoc tempore deliqui non fuit alia (vos alloquor *Frisii* adolescentes) ac ea quam modo abominabar, improspira studiorum festinatio, per quam accidit, ut qui commeatum ab Academia petunt, ad docendum nec peritia nec annis idonei, mox foro mancipati, cultuque Academico destituti, paulo post ad

vocatus, petrocinio Cunaei sui. Vid. Dedicatio Orat. Inaug. de Ratione Interpret. Juris, & Philosophiæ Abitæ cum Juris studio coniunctione. Adde hæc Epistolæ Cunaei CXXXVII. & seqq.

(25) Anno istius Saeculi XLVII. d. xv. Martii, uti est in Fastis Academiae.

(26) *Laurentio Bané*, ut extra ordinem iura interpretaretur, qui una cum *Cupio* ICto, *Aronio* Literatore, *Holwarda* Logico, & cum *Petro Moll*, Graecæ Linguae Professore, simul introductus est. Vid. Fasti ad cit. ann.

(27) Vid. Superius Oratio VI. de *Clariss. Frisio* ICtio, p. 124.

ad quidvis potius, quam ad cathedras nati fatique videantur. Sic igitur gratulandum erat Frisiæ, quod jam pridem nacta *Wissenbachium*, etiam CUPII corroboratâ tempore dignitate doctrinæque potiretur; à quo satis constat, nullum perfecti Doctoris officium, quod non abunde præstiterit, desiderari potuisse; qua de re priusquam loquamur, paulisper ad alia deflectendum. Quamdiu Franekeræ CUPIIUS egit, successu rerum suarum, ut animi vere moderati, nec ultra fortunam adfurgentis fuit, pro voto satis prospero & æquabili usus videtur. Quem tamen nec ambitu affectato, nec adulatione adversus potentes, (28) nedum obtrectatione aliorum, augere vel attollere conabatur. Qua frontis teneritudine, & generositate factum, ut aliquandiu minus lautis, quam pares Collegarum meruerant, vel nota virtus & labor ejus exigebant, annuis frueretur. Quo, ni fallor, respiciens candidissimum pectus, crebro illis temporibus, amicorum albis & nomini subscribere vidi illud, *Probitas laudatur & alget*. Laudata semper tua probitas, ô CUPII, mansit atque manebit, algere semper eam nec

vis virtutis, nec liberalitas Dominorum, nec æqua meritum æstimatio sunt passæ. Interim animo cuncta ferebat æquo, ut ingenium viro tranquillum, & si unquam alii, mite natura dederat, quod nec aliena felicitate, nec offensionibus temere vel fraude objectis, nec quovis statim fortune transverso torqueretur. Quamquam aliquoties non evitavit, quin vis major fateretur, ut copiam exhibendæ virtutis haberet, cum gravissimè percelleret. Vir bonus non optat enervatam felicitatem, qua hominum animi velut perpetua ebrietate sopiti permadescunt, nec horret difficiliorum casuum experimenta, quibus fortitudinem palam ostendat. Sic animatus erat CUPIIUS, cum non dudum, postquam in hanc civitatem appulisset, diuturna vehementique afflicto est valetudine, quæ in importunam & contumacissimam mutatâ quartanam, totis, exemplo terribili, *triginta mensibus*, exhaustas tantum non oppressit vires. At animus semper manebat erectus, virtutisque alias in obscurum ituræ specimine, per quod enitesceret, gaudere videbatur. Tandem etiam corpus vigore naturæ pristinam firmitatem

(28) Quod vitium vere caninum, & generosis incognitum animabus, etiam a Wissenbachio suo longe abfuisse, Auctor in *Præfatione ad Wissenb. Inst.* nos docet.

tem recepit, si non purior ac subtilior ejus pars, & ad divinæ particulam auræ propius accedens, aliquid irreparabile amiserit. Ipsum utique recordor conquestum & res ipsa docuit, memoriæ facultatem non parum imminutam, & cathedrariis recitationibus haud perinde sufficere visam, quando vix quicquam ex eo in quotidianis prope exercitiis absque subsidio *memorialis libelli* (29) Virum doctissimum præstare vidimus. Quod licet vim gratiamque docendi frangere & debilitare videatur, *Cupianis* tamen lectionibus nemo nisi doctior abundeque contentus exivit. Sed non multo post alia virum optimum major & decretoria calamitas invalit: Ut semper optimum quemque, ait ille, Deus, aut malâ valetudine, aut aliis incommodis afficit; quos probat, quos amat, hos indurat, recognoscit, exercet; calamitas virtutis occasio est; eoque se CUPPIUS solatio allevare debuit, cum *Gertrudem Gordoniam* conjugem amantissimam, a. d. v. Kal. Jan. anno sæculi LIII. non sine gravi familiæ incommodo, & vulnere mentis creptam, acerbissimo luctu

prosecutus est, septem omnino, filiâ una, liberis ex ea superstitibus. Quorum tres ad virilem proventus ætatem, uno Juris Doctore pridem renunciato, immaturis mortibus amisit. Reliqui paternæ scientiæ Doctores; *Johannes* apud *Gelros*, *Alexander*, & *Vinandus* coram Suprema Frisiorum Curia solertissimi Advocati, servato mortalitatis ordine, supersunt, ut & *Elisabetha*, *Johanni Buiningio* Enchusano, Juris itidem Doctori; honestissime collocata. Non secutus est in producendis filiis nostratia Parens numerosarum domum exempla, partiendi operas, nec iisdem omnes professionibus adhibendi: veteres imitari maluit, quos non minus Artium suarum, cum poterant, quam divitiarum liberos heredes instituisse accepimus; an juvenum spectavit indolem, quos domestica potius disciplina delectatos, nec quod penesse haberent foris quærere voluisse consentaneum est. Cæterum, post desiderium carissimæ conjugis, transactoque lugendi tempore, quid optimo viro supererat tot liberis obsepto consilii, quam ut vulneri tam alte impresso efficaci

(Np)

fo-

(29) Ita vero docere adsectos Professores haud ineleganter studiosi nostri *Dissores Perpetuos* adpellant. Rider eosdem *Cuiacius* in *præf. Paratitl. ad π.* Alia quoque omnia inculcat *Illustris Ictus*, *Ev. Otto* in *cit. Orat. de ard. Antec. mun.* p. 68.



fomento moderetur? *Debemus ita nos præbere fortunæ, ut non modo contra severitatem ejus patientia duremus; sed adversitates etiam in voluptatem prudentiâ convertamus.* CUPIO sarcientiæ jacturæ non aliunde spes quam ex reparatione boni, quod perdiderat, ostendebatur: Ut mœrorem atque damnum amissæ conjugis novi conjugii auxilio lætitiæque tolleret ac instauraret. Cujus propositi eventus non minus cum divina bonitate recreavit, quam gravissimus superioris anni casus familiam ipsamque perculerat. Incidit in lætissimam virginem suoque mori & naturæ simillimam, id est, candido liberalique ingenio præditam, *Catharinam à Reneman*, Viri Amplissimi *Johannis Renemanni*, Amiralitati *Harlingane* à Consiliis & fiscalis Advocati, filiam. Quæ dici non potest quam officiosam conjugem, quàm benignam, quod rarius, novercam se præstiterit, quam concorditer atque jucunde hos duodecim annos cum facillimo quidem marito, sed tot liberorum parente traduxerit, quibus postea tres ex ipsa parvuli, præsentis sui vix intelligentes dispendii accesserunt; *quatenus semper juveniles senum nuptiæ*

*pupillarum vel Patrum orbitate finiuntur.* Verum hi quidem omnibus bonis non tantum ob annos, sed & Paterni nominis memoriam, favorabiles habebuntur. Nam tui non laudatus, non amatus, cui non per omnia CUPIUS satisfacisse visus? quem juvenis Præceptorem, populus civem, Senatus Collegam, Academia tota Professore consummatissimum agnovit. Jam primum eruditionis diligentæque specimina dedit tam luculenta, ut non immerito per omnem vitam nihil egisse, nihil audivisse, nihil locutus esse quam Jura videatur. Testes erunt tot discipuli, quibus forum & Rempubl. complexit, testes sunt ingenii monumenta, libri quos publicavit. *Disputationes ad Instituta Imperialia*, sectione multa, solido acumine, singularique judicii acrimonia perscriptæ. *Nota* verò *ad Institutiones*, si quid ego recte judicem, brevitate concinna, & perspicuitate acuta, tyronum manibus perpetuo versari merebantur, nisi satum, nescio quod, etiam in libellis potens obstitisset, vel serius noster CUPIUS occupatum ab Elegantissimo *Leideni* notatore (30) tentasset institutum. Dedit & spe-

(30) *Arn. Vinnio*, quem reliquis omnibus in hoc genere palmam ditham reddidisse, sibi quæ ipsi iam scripturienti calamus excussisse de manu, in epistola ad *Vinnium* ingenue profitetur *Bern. Schottanus*, inter primicerios nulli secundus; de quo *sup. in Orat. VI. §. 137.*



ciales de obligationum atque *successionum* utilissimis in foro doctrinis succinctos facilesque commentarios. Nunquam enim dissimulabat, eorum minime se probare difficilem industriam, qui majorem obsoletis Romani Juris capitibus, quam quæ vigent usu operam impendunt. Id officii à vero Juris Magistro expectari, ut Auditores in ipsam legum arcem, id est, principia actionum civilium planâ viâ deducat, neu commissam juventutem supervacuis oneret. Quo scopo novissime *brevarium Institutionum* fasciculo complexus ad disputandum proposuit & cum publico in usum *Discipulorum* communicavit. Quibus ita se dabat totum, ea dexteritate, promptitudine, facilitate inserviebat, ut cum magni merito illum facerent colerentque, tamen magis amaretur, atque ut fautor studiosorum, incorrupto disciplinæ honore, laudaretur. Quam juventutis reputationem, Rectora quoque bis administratâ, temperatoque inter gravitatem ac indulgentiam moderamine ad extremum usque servavit. Nec suos tantum apud cives, sed omnes etiam oppidanos pari existimatione florebat. Sic erat ingenium, *Auditores*, insolentiam habitus, arrogantiam sermonis, inanemque

procul habere fastum: Nemini ineptiis, nemini jactantiâ, vel scurrilitate esse gravem, nulli lædere os, blande dicere, benignius facere; Comitatem, modestiam, simplicitatem ubique præferre, nec usquam aliter uti; hoc agere semper, ut quam plurimis, quibus in rebus posset, ope consilioque adesset; Atque his moribus nemo mirabitur, cum & facile collegisse, & ad senectutem usque sine offensione, summam omnium retinuisse benevolentiam. Quid hic prolixè memorem, *Clarissimi Collegæ*, quam nobis grata defuncti consuetudo, quam jucunda fuerit nullis interrupta querimoniis amicitia. Utinam ut bis experti sumus Rectorem sapientissimum, sic tertia vice, quod proxime erat futurum, ejus gravitate, prudentiâ, moderatione scriptorum uti, & Academiam ipsi resflorescentem conspiciere licuisset. Sed o res mortalium inanes! O insidiosas fortunæ blanditias! Nuperrime loco professionis, & stipendii honore, aliisque familiæ commodis auctus spes novas & quasi novam ætatem ordiebatur, cum vergente superiori ætate, annum agens ominosum senibus, tertium & sexagesimum, febris, cum populariter grassata conflare cepit, (dictata jam sequor

(N n 2)

Cele-

Celeberrimi Collegæ JOACHIMI FRENCELII, varias postea per autumnum conversiones morborum cum variâ reciproca-  
tione passus. Ex quibus ægre eluctatus, instauratis utcumque viribus, & in speciem validus ad ordinarias quidem functiones digressus est, verum non obscuris febrium & vacillantis interdum valetudinis indiciiis erumpentibus. Die demum x. *Januar.* prævio rigori æstu vehementi succedente, novos morbi insultus cum siti fere inextinguibili, insueta linguæ intumescentiâ, dolore capitis, somno interrupto ac turbulento, sensuque per artus molesto expertus est. Quibus ad exhibita auxilia levare quidem visus, verum noctu xvi. Januarii, exacerbata repente febris, superveniente delirio, patuit augeri periculum, languidis ex frequenti morborum reversione viribus. Quin post auroram, solutâ invalescente æstu natura, collectoque sensim intra thoracem spuro, ac omnibus subito actionibus interceptis, hora ante meridiem octavâ, aut non multo secus fatalem horam implevit. Hoccene, Beate Collega, sperabamus, cum juxta socrum, uxorem, filiumque, pridie lectulo tuo assisterem, ac ita colloquiis nostris uterere, quasi nihil præ-

grave sentiens, nihil lethale re-  
formidans? Quamvis ad vocem quidem nutumque Redemptoris tui paratum te sistere, non ut extrahendus, sed exiturus de vita testaberis; multum iis dissimilis, qui fata furda fatigant & exigui temporis accessionem pudendis votis mendicant. Tu recenti superioris morbi desperatione contritum adhuc, & infirmitatum conscientia dejectum humilemque gerebas animum; ultima verò nec sperans nec pavens certo gradu ad Servatorem tuum ibas, vitamque & mortem, utrumque in conspicuo habebas. Delirasse Te, cum multa novissimis horis Latino sermone proferres, qui non intellexere volunt; sed piam animam credere fas est, totam precibus suppliciiisque occupatam nihil interpellantium verba morari, hoc agere, nihil aliud curare potuisse; vel propinquitate cælestium rerum, ac meditatione æternitatis raptam extra se, falsam per tenebras speciem præbuisse delirantis. *Sed ne. Tu jam nos, Beate Spiritus, vere delirantes ex alto despicias, cum de rebus vanissimis laborare, cursitare, totosque, o stultitiam! homines tanquam de gravibus arduisque occupatos cernis; cum noxia perniciemque allatura tanquam vera bona in sinu gestare, miserisque*

serosque mortales immortali cupiditate flagrantes labore magno, quod maiore possideant, ire questum vides. Hos insatiabilem tenere avaritiam, alios madere luxuria, multos torpere inertia, plures suspensa semper ambitione fatigari, neminem se sibi vendicare, cunctis aut nihil aut aliena curantibus. Delirant Reges, delirant populi, quando cuncta sursum deorsum ferri agique, caelum & terram ipsumque Acheruntem moveri, quam irarum avaritiaeque causas aequo iuri submittere malunt, & ambitiosas opes, quibus potiri quam carere tanti non erat, Christiano sanguine redimunt, fortunamque tam diu laceffunt, donec in se ipsam ruat. O te beatum nunc potius CUPI, cum spectas hanc insaniam, quam modo cum sentires! Antebac in terris fuisti duntaxat, & tempus magis quam vitam egisti. Nunc demum in caelo vivis & pridem aliis consumptus tibi tandem soli vacas. Humana omnia supergressum extraque regnum fortune subductum, non tristitia, non

metus, non morborum incurfus exagitat. Tuæ jam perpetua & intrepida vitæ possessio est, quæ nec eripi neque turbare potest, dum nos irrequieta semper agitatio præcipitat, eodemque nunquam vestigio relinquit. Adeone acerbum videbitur, à complexu necessitudinum, à carissimis modo pignoribus, Te repente fuisse abreptum, quem nunc brachia Servatoris tui complectuntur? Uxorem liberosque non adspicere, qui gloriosissimam Christi faciem intueris? Professuriam amisisse cathedram, qui sacerdotalem, qui regiam sis nactus? Tene quis subductum terris & carcere liberatum doleat, quem scimus ineffabili colorum gaudio ferri? Ereptum hominibus lugeat, qui celestis choro, qui Angelorum consortio potiris? Quin Tu Vives, Tu gaude, Tu luce divina & pleno Numine, O CUPI, fructu, atque dum nobis insultatur, Tu in æternum exulta, donec omnes Christo tibi que conjungamur.

DISSERTATIO XIII.  
S I V E  
COLLATIO JURIS  
FRISICI

Cum Jure Romano II.

*Habita Franekeræ, apud ades*

ULRICI HUBERI

Supremæ Frisiorum Curiae Ex Senatoris.

D. 26. Maji MDCCC LXXXII. horâ primâ pomeridianâ.

VIRO ILLUSTRIS  
WILHELMO AB HAIREN,

Legationibus ad Reges Angliæ, Daniæ, Sveciæ, Congressusque Orbis Christiani apud Coloniam, & Neomagam, gloriose defuncto: Domaniorum Frisicæ Quæstori Generali, Biltanorum Prætori, ad Comitæ Reipubl. ex Nobilium ordine Conscripto, & Octo-Viro: Acad. Curatori, &c. (1)

S. D.



*Occasionem Te publice appellandi, Vir Excellentissime, Tu ipse cum Romano Collatione, cui mihi nuper, si memineris, præbere voluisti: idque in primâ nostra Juris Frisici cum Romano Collatione, cui juxta Celsissimum PRINCIPEM,*

(1) Tanti Viri, cuius patrocinio & Cl. Neodius Franequeranam cathedram sedet.

**PEM**, Tu quoque, & aliquot  
 è primis Proceribus interesse  
 dignati estis. Nam, eâ fini-  
 tâ, Tu mihi arridens illo tuo  
 blando ore, vultuque humani-  
 tatem spirante, quem tibi na-  
 tura proprium fecit, omnium  
 iudicio, inquis, causa cadis  
 in illo quæsito, quod Advoca-  
 tus *Vander Sluis* impugna-  
 vit, (2) etsi disputando ei  
 cedere nolueris. Ego vero,  
 cedam igitur omnium iudicio,  
 inquam, quid enim facerem,  
 cum & **BINHERDUS**  
**HERINGA DE GRO-**  
**VESTINS & THEO-**  
**TARDUS AB AYLVA,**  
 & **FRANCISCUS à**  
**BURUM**, at quanti Viri  
 à me dissentire viderentur;  
 etiam vero Procurator Gene-  
 ralis contra me tenderet; ego,  
 qui minime omnium singularis  
 esse gaudeo, multumque præ-  
 iudicii in communibus iudiciis  
 collocare solco, cepi tamen im-  
 petum postea, paulo latius ex-  
 ponere causam istius & adhuc

alterius sententiæ, quæ simili-  
 ter tanquam paradoxa notaba-  
 tur, ut existimes Ipse, num-  
 quid prorsus sine remedio pro-  
 vocationis vadimonium mihi  
 deferendum sit; quod, ut pro-  
 fessus sum inde ab Initio, me-  
 lius edoctus semper & sine dif-  
 ficultate faciam; nec enim ex  
 eorum numero esse volo, quos  
 τὸ ὀπίσθαι γνῶμας ἰδοῦναι, quos  
 dolet emendari sententiam;  
 quæ imbecillitas maxime nunc  
 aliena debet à me esse, versan-  
 te in genere scribendi novo, nec  
 ante me in univèrsum tentato.  
 Sed quia propositum mihi est,  
 veras & certas Juris senten-  
 tias erroneis usurpationibus  
 præferre, nec obtentu praxeos,  
 has admittere sine lege vel Sta-  
 tuto, frequenter oportet eve-  
 niat, ut primo auditu positiones  
 meæ præcisus collocatæ aures  
 hominum offendant. Senten-  
 tia mea, quam vos pene sem-  
 sui communi adversam puta-  
 batis, ita est scripta in Instit.  
 Iur. Fris. lib. 1. cap. 8. de so-

cie-

debuisset profiteretur, *Orat. de Civ. Præd.* laudationem funebrem huic libello sub-  
 iacimus.

(2) Vid. Sup. Collatio I. p. 23. seqq.

*cietate conjugali*, n. 11. An-  
nui redditus, qui ad vitam ha-  
bentur, finito matrimonio,  
restituuntur alteri conjugum,  
cujus fuerunt; idemque est in  
usufructu, quem alter conju-  
gum intulit in matrimonium.  
Loquimur de illatione simplici  
& generali, sicut thesis est ge-  
neralis, non de illatione spe-  
ciali, qua dictum sit, usufructum  
annuosve redditus  
inter conjuges fore communes;  
nam eo casu non puto dubitan-  
dum esse, quin fieri debeat id  
quod convenit, & expressum  
est. Ratio positionis nostræ,  
Lector, hæc est. Statuto Fri-  
,, *sic lib. 1. tit. 3. art. 1. cau-*  
,, *tum est, ut quæstus & dis-*  
,, *pendia, durante conju-*  
,, *gio, communicentur, ipsa*  
,, *vero fors cuique salva ma-*  
,, *neat, quatenus scilicet cu-*  
,, *jusque rei natura fert; Ideo*  
*si res, quæ servando servari*  
*nequeunt, ut oleum, vinum,*  
*frumentum, butyrum & simi-*  
*les, notabili copia in societatem*  
*conjugalem ab altero conjugum*  
*inferantur, sit earum rerum*

*descriptio, vel æstimatio, ca-*  
*veturque, ut tantundem, vel*  
*pretium, ei qui res tales intul-*  
*lit restituatur. Idem fit in*  
*animalibus & supelletilibus,*  
*quarum omnium rerum licet*  
*pereuntium Sors consistit in æ-*  
*stimatione vel descriptione fa-*  
*ctâ, redditus in usu vel in usu-*  
*ris pecuniæ quæ res æstimate*  
*sunt, nihilo secus ac in ipsa pe-*  
*cunia numeratâ. Sors, fini-*  
*to matrimonio, restituitur ei*  
*cujus fuit, usus usuraque ce-*  
*dunt societati: scilicet, ne ipso*  
*usu reddituque sors periret,*  
*quod naturæ societatis, cujus*  
*fundamentum est æqualitas,*  
*contrariatur, quodque tamen*  
*fieri deberet, si rerum earum*  
*usus abususque simpliciter &*  
*absolute communis esset. Per-*  
*ge, conjux alter habet in bo-*  
*nis terram utilem aut argil-*  
*losam, quæ fodiendo exhauri-*  
*tur, quis mihi negabit, eam*  
*terram vel æstimandam esse*  
*prius, vel pecunias e cespiti-*  
*bus argillave redactas ei cede-*  
*re, cujus terra fuit, usuras*  
*autem pecuniæ durante matri-*  
*monio*

monio esse communes? si in do-  
tem marito dentur, manife-  
stum est, eum plus juris in  
eas res habere, quam si in  
matrimonium tacite inferan-  
tur; quia priore casu Vir sit  
dominus, l. 1. §. 1. l. 13 §. 2.  
D. de fund. dot. altero, domi-  
nium manet intactum & in-  
mutatum, Tamen ipsi respites  
& argilla non sunt in fructu  
mariti jus dotis habentis, sed  
commodum inde redundans, ut  
Ulpianus docet exemplo mar-  
moris & lapidicinis excisi, quan-  
do lapides non renascuntur (ut  
sane terris ustilibus & argillo-  
sis apud nos minimè contingit)  
l. 7. §. 13. ff. Solut. matrim.  
Hoc ergo bonum & æquum &  
planum est, ut quando res,  
quæ ab altero conjugum infe-  
runtur, ejus sunt naturæ, ut  
sors usu redituve minuatur  
& evanescat, tum ea res vel  
æstimentur ab initio, ut pre-  
tium pro sorte habeatur; vel  
reditus, ita ut proveniunt,  
accumulentur pro eo cui decur-  
runt, eorumque usuræ socie-  
tati cedant; consequenter finito

matrimonio, corpus illud re-  
dituum perceptorum restitua-  
tur ei cujus fuerunt. Hoc ita  
in frumentis, in suppellectili-  
bus, in terris fossilibus, vni-  
die servari servandumque esse,  
nemo, sat scio, negabit. Non  
duco vel nectō consequentiam,  
sed repeto quæ dixi, quæque  
nullo modo negari possunt.  
Reditus vitales & usufructua-  
rii sunt ejus naturæ, ut sors  
earum usu redituque minuatur  
& evanescat, ideoque si infe-  
rantur in matrimonium, vel  
ab initio æstimanda sunt ea  
jura quanti sint aut vendi  
queant, si actu non vendantur,  
vel quod liquidius, ipsi redi-  
tus coacervandi restituendi  
que sunt ei cujus fuerunt,  
usuræ verò alijsve quæstus ex  
eis pecuniis factus erit commu-  
nis. Hæc clara mens statuti,  
hæc etiam æquitas manifesta  
est. Pone puellam, mille au-  
reos habentem in rebus ad  
vitam Titii constitutis, nup-  
sisse; vendi posset hoc jus de-  
cem millibus, adeoque decem  
aureorum millia vere realiter  
que

que insert in matrimonium: moritur Titius, solvitur matrimonium; Tu vis puellam nihil habituram & fore indotatam, contra l. 1. D. Solut. matrim. ego vero, nihil justius, nihil rectius, quam reditus sine usuris esse restituendos. Recognosce priora; quæ recusari non possunt, & aude negare, parem hujus exempli reliquorumque esse rationem. Quid autem? ais; pater habet usumfructum in bonis filii; Transiit ad secunda vota, nunquid hosce reditus pro sorte habebit, & ab uxore novâ pro parte recuperabit? absonum, inauditum hoc. In promptu sunt exempla procerum. civium, qui nihil unquam tale somniarunt. Credo, cum postea monstrabo, agricolam qui habet usumfructum ab uxore, posse equis & vaccis ad usque mortem bestiarum uti, & linthea laneaque vestimenta finito usufructu reddere detrita, sine ulla restitutione pretii, me non

minus explosum iri, utcumque nihil certius sit; aliæque id genus multa usu venient & venire necessum est. Desuetudo & ignoratio juris loco præces in forum invasit, & Statuta legesque subigere parat, quod si majores nostri tulissent, jam æquè corruptam haberemus Jurisprudentiam, ac vicini passim; & si porro huic morbo indulgebimus, Sapientia civilis brevi ad cerebrinam æquitatem dejicietur. (3) Nescio alioqui, an non Patres minus huic rei adverterint, ex eo quod filius ac Pater una persona sint & filius ipse, qui domi alitur, per patrem fructus percipere, ipsoque sortem habente, Pater eandem habere salvam videatur. Sive igitur hæc sit exceptio, cum vel sine ratione introducta; sive etiamnum Pater, deductis filii alimentis, si jure suo velit uti, suum usumfructum vel æstimatum inferre vel præcipuum retinere possit, usuris redditum

(3) Vid. Ampl. Bynkershoekias in præf. prioris voluminis Observat. Item in Quæst. Jur. Publ. lib. II. cap. 12.



in commune illatis; res est clara, per hanc instantiam non infringi veritatem firmitatemque sententiae; crebrioribus Interpretum, etiam; ut con-  
 jicio Sandii lib. II. Decis. Fris. tit. V. def. 3. sub fin. calculis approbatam, ratione verò im-  
 primis & equitate subnixam. Ad textum, qui est in l. 7. §. 3. D. de jur. dot. jam pridem  
 responsum est, longe plus juris esse viro in dote, quam in re  
 conjugis illatâ in societatem: adde, quod in principio dicere  
 occupavimus; si usufructus specialiter in dotem sit datus,  
 vel in communionem illatus, eum plane penitusque commu-  
 nem fieri; & de speciali in dotem  
 datione textus ille non obscure loquitur; ac ita de h. l. Sarmien-  
 tus in loco antehac citato sentit. Jam, Vir Excellentissime, quæ-  
 stionis hujus arbitrium denuo  
 Tibi deferre non dubitabo, &  
 si tam aliena ab usu judicii que  
 vestris adhuc putetur, vestre  
 opinioni nec ego quidem im-  
 psterum aggregare me gravabor.

Sed metuendum scilicet est, ne frequenti paradoxorum po-  
 sitione me ipsum conatusque  
 meos ludibrio exponam, dum  
 praxeos esse contendo quod om-  
 nes ignorant, usurpat nemo. Quid enim est, quod in eod.  
 lib. I. Inst. Fris. cap. 10. n. 3. à me scriptum est, eum qui  
 tutelam impuberis gessit, post  
 pubertatem novæ confirmatio-  
 nis indigere; si omnem vim  
 Curatoris potestatis exercere  
 velit? quis unquam ferè ejus-  
 modi confirmationem fieri vi-  
 dit, audivit? & tamen è tu-  
 tela fit transitus ad Curam ta-  
 cite & omni die. (4) Nec me  
 jam præjudicium Curis, quod  
 laudavi, ab insolentia novi  
 dicti potest tueri; vel quani-  
 mis antiquum id, vel diversæ  
 interpretationi obnoxium. Mea  
 vero sic ratio est, primo Jure  
 civili non esse dubium, quin  
 verissimum sit, quod ego dixi,  
 Tutelam pubertate finire, nec  
 eundem qui Tutor fuit, in Ca-  
 ra posse continuare, sine nova  
 petitione minoris; & confirma-  
 tione

(Oo 2)

(4) Conf. sup. Collatio I. p. 40. & seq. ubi & de lite Wybingana agitur.

tione Magistratus, de hoc nemo dubitat. Secundo, nihil Statutis expressum esse, quod discrimen Tutelæ atque Curæ tollat, ita ut Legibus stabilitur, ut in reliquis d. cap. 10. positionibus demonstratum est.

Tertio, Regulam esse Juris Irifisci certissimam; quod Statutis non est mutatum, id ex sententia Juris Romani accipiendum esse; nisi tu probes, consuetudinem in contrarium invaluisse, positivæque receptam esse. Quarto, certum habeo, Curiam antehac plus semel ita judicasse; Tutorem, qui à Magistratu super impuberem confirmatus erat, & post pubertatem in administratione continuaverat, impedire non posse nuptias puellæ, cujus se pro Curatore gerebat. Lis, cujus deciso id intulit inter alias, fuit inter Frans Jacobs de Fries & Doctorem Martinum Wybinga, Juris olim in hac Academia Professore, sed tum apud Hartinganos Judices postulantem. Pellexerat in matrimonium Wybinga Ca-

tharinam Heres, tredecim annorum puellam; quæ ante bennium, & sic ante viripotentiam acceperat Tutorem illum de Fries, qui exinde manserat in administratione tempore Curæ. Hic intercedebat nuptiis, contendens se jus habere eas impediendi, ut avunculum & Curatorem datum simpliciter ut *Doozmomber* / quæ vocatam Tutelæ quam Curæ conveniat. In hoc articulo Leazius & Nys duo Politissimi ejus temporis Advocati unice commorantur, nisi quod Nys pro Wybinga memorabat, eum habuisse consensum cognatorum virginis Hartlingæ habitantium. Sed hoc factum ad juris rationem non pertinebat, si de Fries Curator fuisset, quia cognati non vocantur ad arbitrium matrimonii, nisi post iniquam Curatoris negationem; Stat. lib. 1. tit. 1. art. 16. quæ causa in hoc casu puellæ tredecennis nullam speciem habebat: & si Curia facti illius aliorumve rationem habuisset, interlocutione opus fuisset.

fuiſſet. Inter partes conveniebat, confirmationem Franciſci de Fries factam eſſe, priuſquam puella XII. annorum eſſet, ipſa non petente, nec poſtea repetitam confirmationem, ſponſalia quoque poſt eam etatem contraſta eſſe. Denique in eo quod dixi vertiſſe cardinem controverſiæ palam eſt, cum è toto proceſſu, tum è duabus ultimis ſcripturis à partibus commutatis: Ita Lenſius; dat hy Appellant vooz Womber over. Trpntje is gekozen / volgens de Aete van Authoriſatie hy &c. overgelechte; welke Authoriſatie ſoo niet wederzoepen is / nochte een ander in ſyn Appellantes plaats gekozen / moet verſtaan worden deſelbe te duren ad annum vigelimum quintum, juxta Gail. obſervat. 2. cap. 96. En diensvolgens als noch / ſoo 3p Trpntje op geen der manieren tot die jaren gekomen is / om welke reden voozen verhaalt ſp Trpntje niet vermochte volgens deſes Landſchaps Coſtume buiten

ſyn Appellantes wille met Dr. Wybinga in Echte te treden. Nys, qui hoc ſepe refutaverat, poſtremo nihil quam judicati prioris autoritatem addit, his verbis; de Appelleerde tot wederlegginge van de 3. Article den Appellant wpfende tot de Sententie van den Hove voozmaals in gelijke ſake gepronunciert iuſſehen Jr. Tjalling van Botnia in qualiteit Impetrant / en Jr. Godſchalk van Heerema Gedangde / hier met liquet vertoont / waar hy gezien wort / quod Tutela finita, Tutor pro Curatore non habeatur, ſine nova petitione minoris, judicisque confirmatione. Et quod proinde conſenſus ejusmodi Tutoris, qui pubertate pupillæ Tutor eſſe deſiit, in contrahendo cum puella matrimonio, neceſſario non requiratur. Hec NIIS, qui deinde Senator factus egregie probavit, ut è collegis ejus intellexi, duas res abſolvere bonum Senatorem, adde & Advocatum, que ſunt

(Oo 3.)

he,

hae, Lex & Ratio, sine plaustris Doctorum & sine larva fictitiae praxeos, legi & rationi contrariae. (baud spernere me veram praxin non est quod testetur) Senatus ad haec sine interlocutione causam decidit in favorem Wybingæ, d. 15. Jul. 1619. motus ea ratione, quæ sola Wybingam absoluebat, quod de Fries non habebat jus Curatoris; nec aliud in toto processu reperitur, quod sine interlocutione tali sententiæ causam dare posuerit, præter quod Johannes (non sufficiens, ut male scripsi aliàs) à Baekma, Senator ejus temporis doctissimus, qui interfuit decisioni, hanc fuisse causam decidendi diserte testatur, in loco tum citato. Sententia prior, quæ Nyssius provocaverat, pronuntiata erat 19. Februar. 1600. Tum temporis igitur sententia Curiae atque praxis hujus rei sic erat, ut à me scriptum est. Jam per Themidem rogo Practicos, qui nunc in forensis gloria

peristyllis ambulant, unde nova diversaque Juris interpretatio orta sit, nisi ex abusu socordiæque hominum, in re factu facillima, qualis est nova confirmatio: sed ego tam pudendam praxeos fundamentum abnuo, nec quidem ut consuetudinem agnosco, quod contra memoratur, quia ad hanc non sufficit neglectus & desuetudo, sed actus contrarii & positivi, de quibus nihil adhuc est in medio, requiruntur. Non metuo, ne hoc studium meum novitatis arguatur, quod unice ed tendit, ut novitates, quarum fertilis est multorum in fora inscitia, coercerentur. & ad normam vetustatis servandam adigantur. Mirifice interest Reipubl. jus esse certum, & sapienter à majoribus nostris consultum est, quod tam paucis Statutis Jus Romanum limitaverint. Ignorantia, quæ alibi Jus Latinum adflixit, hic exulavit, eo quod Curia semper tersis semis Jctis referta fuit, & est

est etiamnum. Unice cavendum, ne praxis, ut vult, Leges & Statuta subigat, quod facile impeditu est, si identidem ad illam Juris Publici cynosuram revocetur redigaturque.

Quia pagina necdum impleta est, addantur pauca, de eo quod scripsi d. lib. 1. cap. 6. n. 9. Dignitatem Procuratoris ad Comititia (5) videri inter eas referendam, quae solvunt patriam potestatem, quā de re fuit etiam, post actum Collationis, familiaris inter nos sermo. Quid enim, dicat aliquis: est è proceribus, qui filium suum mitti curet ad Comititia, numquid hoc ipso jus patrium amittet, usumfructum ejus bonorum & cetera? tiva doxais neisour rade; Cui hoc persuasum iri putas? Credo, novum hoc videri, quia nimis veteri apud nos usu, vel abusu, dignitas illa Procuratoris

Reipubl seu plenipotentiarit, ut vulgò loquuntur, multo minori habetur reverentia, quam character illius potestatis exigeret. Qui Principem cum aliis repraesentat, num is patriae potestati non eximetur, in Republ. ubi juris esse creditur, ut consiliarius in consistorio Principis eo jure gaudeat, §. 4. Inst. Quib. mod. pat. pot. solv. Scio filios fam. hoc jure contra parentes suos varius uti, verum si talis filius de nuptiis infcio patre contractis certaret in contradictorio, tunc sapientis esset judicis hanc causam ponderare: Perinde in aliis eò pertinentibus quaesitis. Viderint Patres, an aequa postulent praesicientes liberos magnae Reipubl. volentesque nihilominus ut juri domestico subiecti maneant.

Hac, Vir Nobilissime, ita scripsi, ut equidem vera esse putem, non tamen ita, quin

(5) De annua Ordinum Friſiz ad Comititia legatione, Auctor agit de Jure Civit. lib. 1. sect. viii. cap. I. §. 37. & cap. II. §. 3. 29. seqq. Conf. supra Opusculum de Jure Imperii, cap. ult. §. 14. seqq. p. 30. & seq. & Institut. Reip. Sect. I. cap. xxi. §. 18. seqq. p. 5.

quin omnia tuo politissimo aliorumque juris ac moris patrii peritorum iudicio submittam, quod salvo cordati Interpretis officio non modo posse, sed etiam debere me facere statuo. Nam theoreticas Juris sententias nullo modo aliter quam tu ipse sentias, adseverare potes; sed ubi de praxi, hoc est, de consuetudinibus receptis quaestio est, quoniam hæc ab usu longo publicæque conscientiæ pendent, nemini fas est plus contendere quam civibus suis persuadere queat. Sapientes tamen viros decet animum advertere, ne instituta speciosa, juri tamen aut rationi contraria, pro consuetudinibus imponant; quæ res quam latè pateat, nunquam imaginari potuisssem, nisi hoc elapso triennio multis modis expertus fuisssem. Liber Decisionum à Sandio reipublice publicatus Reipubl atque foro utilissimus est, vel hac causâ nominatim, quod est everriculum ejusmodi novitatum,

quæ per juris imperitiam omni die in praxin irrepunt. Nam quia Sandius ab omnibus, qui in foro versantur, assiduo manibus teritur, & necessario usurpandus est; hinc fit, ut magna pars limpidi juris a situ & desuetudine vindicetur, siquidem præter exactum iudicium, ille Juris Romani, quod diu professus fuerat, puritatem summo opere ad animum suum pertinere ubique testatur. Utinam deinde præ molliæ quædam verecundiæque non passus fuisset à scribendo se detereri, ut in literis quibusdam ad Lambertum Goris scriptis fatetur! haberemus adhuc illibatam Themidem, quæcunque illius vestigia impressa relegerentur, tantâ post obitum auctoritate sententiæ ejus apud omnes jure invaluerunt. Prorsus igitur id agam, ut hanc partem meæ diligentiae ad communem gustum accommodem, neque tamen aliter, quam ut cynosuram juris Romani, quando

Sta.

Statutis, aut moribus agnitis, positivè non est abrogatum, religiose sequar; ita quemadmodum à majoribus natu, qui hanc nobis regulam voce scriptoque tradiderunt, accepimus esse faciendum. Nec quod hac parte singulares sumus Frisii, non est quod nos pigeat pœniteatve. Tantum enim abest, ut ab alienigenis scriptoribus ea res nobis vitio vertatur, ut etiam pro signo bene constitutæ Reipubl. habeant, passimque laudent, digitoque monstrent Frisios, ut genuinos Romanæ Themidos cultores, (6) quique re ipsa falsi arguant vulgus Pragmaticorum, qui temperare sibi non possunt, quin rideant & exhibilent sententias Iuris Antiqui, ab eorum sensu

usuque formulario remotas. Sed mihi propositum est hac causâ positiones Juris Frisici ab Romano discrepantes censuræ eruditorum exponere, iisque miscere quæstiones rerum, quæ à censoribus Juris, ut obsoletæ de foro eliminantur. Fructum mihi non exiguum polliceor ex institutis Collationibus nostris, quantum quidem ex earum auspicio sperare liceat: imprimis si Tu, Vir Excellentissime, alique Proceres & Literati aliquando se ad hæc nostra examinanda demittere non gravabuntur. Te jam, Vir Magne, diutius non remorabor. Ignosce libertati meæ: Deus Te, Reipubl. ingenti bono, diu servet incolumem.

(6) Cujus argumenti Orationem Viri Ampl. Zacharia Huberi, huic opusculo subjunximus.

EXCELLENTIÆ Tuae, maximis Ejus beneficiis, additissimus

ULRICUS HUBER.

Franeckæ xv. Aprilis 1682.

(Pp)

UL

ANT 1348711









4367



32